





CATECHISMVS


E X D E C R E T O

CONCILII TRIDENTINI,

AD PAROCHOS,

Pij Quinti Pont. Max. iussu editus.

Index locupletissimús.



VENETIIS,

Ex officina Dominici Guerrei, & Io. Baptistæ fratrum.

M D LXXII.

~~CSA^h Benedicti mast~~



DEX CATECHISMI.



B B A T I B V S permissum est, ut interdum
minores ordines administrent folio 372
Abrahæ peregrinatio. 404
Abrahæ sinus. 68
Absolutionis forma. 296

Absoluendi qui sint. 328

Absoluendi potestas quibus data. 316

Absolutio quando pœnitentibus deneganda. 327

Absolutio peccatorum est effectus pœnitentiæ. 312

Accidentia in Eucharistiæ sacramento manent sine sub-
iecto. 265

Actiones Deo gratas sine adiumento diuinæ gratiæ susci-
pere non possumus. 586

Actio gratiarum erga Deum quomodo fiat in petitione de
facienda Dei uoluntate. 594

Actio gratiarum est una de partibus orationis. 535

Adam sibi & posteris donum iustitiæ originalis amisit. 598

Adam cibo indigebat in statu innocentie ad reficiendas ui-
res. 598

Inter Adæ necessitates & nostras multum interest. 598

Adam non indignisset multis rebus quibus nos indigemus,
si non peccasset. 599

Adam in paradiso uoluptatis ociosus non erat futurus.
598.

Adam in paradiso nulla molestia affectus fuisset. 599

Adæ posteritas fructu uitalis arboris priuata, & horribili
sententia maledicta. 598

Adæ & Christi comparatio. 49

Adulterium quid. 479

Adulterij interdicto quæ peccata prohibeantur. 480

Adulterij detestatio. 480

Adulterium quare prohibitum. 480

Adulterij interdicto omne impuritatis, & impudiciæ ge-
nua,

I N D E X.

nus, quo corpus polluitur, prohibetur.	481
Adulterio intima animi libido prohibetur.	481
Adulterium insignem turpitudinis notam inurit.	483
Adulterorum supplicium & damna.	484
Affectus carnis ita domitos habere, ut omnino non excitentur, non est in hominis etiam iustificati potestate.	588
Affinitas patrinoꝝ cum quibus contrahatur,	192
Amen quid significet.	649
Amen interpretatio.	649
Amen cur in sacrificio missæ referuatur sacerdoti pronuntiandum.	649
Amor Dei in redemptione erga homines ostensus.	559
Angelorum creatio.	28
Angeli ab ortus sui initio gratia præditi.	29
Angeli sapientia & potentia ornati.	29
Angelicæ salutationi adiunxit Ecclesia preces & imploratio nem beatæ virginis.	543
Angelorum plurimi ex cælestibus sedibus deturbati.	29
Angelorum scientia.	29
Angelorum potestas.	29
Angeli quate uirtutes dicti.	29
Angelus multa edocuit Tobiam.	383
Angeli quo modo adorentur.	410
Angeli quare humana specie effingantur.	416
Angelica salutatione Deus laudatur.	543
Angelica saluatio est actio gratiarum.	543
Angelorum custodia erga homines.	555
Angelorum obedientia erga Deum.	594
Angeli non adorantur ut Deus.	410
Angelus opera quotidie à maximis periculis liberamur.	411
Ab anima Christi numquam separata est diuinitas.	59
Anima Christi re & præsentia ad inferos descendit.	68
Anima christi descendens ad inferos communicauit meri- tum passionis animabus patrum.	69
Anima est immortalis.	130

Animæ piorum ante Christi mortem ad finem Abrahæ deferrebantur.	70
Anima quæ peccauerit quomodo moriatur.	422
Animæ non nihil deest ad summam felicitatem, dum est separata à corpore.	132
Anima separata à corpore pro passionem habet ad corpus.	132.
Anima duabus alis ad cælum peruenit.	537
Apostoli quare à Christo dati.	2
Apostolorum auctoritas eis à Christo data.	2
Apostoli duodecim Articulis distinctum symbolum composuerunt.	12
Apostoli ceremoniarum institutores.	213
Apostoli à domino Chriſmæ cõpositionem didicerunt.	224
Appetitio proprij boni rebus omnibus ingeneratur.	584
Appetere Deum à principio homini datum.	584
Appetitionibus corruptæ naturæ etiam reclamantibus & aduersantibus, uoluntas remittendi iniurias sufficit.	621.
Argumentum desperatæ salutis.	607
Artibus malis quæ acquiruntur nostra non sunt.	603
Articuli quare dicti.	13
Ascendit Christus ut homo est corpore & anima in cælos.	80
Ascendens Christus in cælum, sedet ad dexteram patris, & quomodo intelligatur.	80
Ascendit Christus propria uirtute.	80
Ascensio Christi est tamquam finis ad quem certa mysteria referuntur.	81
Articuli fidei, primus.	12
Secundus. 32. Tertius.	33
Quartus.	53
Quintus.	66.
Sextus.	79
Septimus.	86

Octauus.	95
Nonus.	103
Decimus.	125
Vndecimus.	126
Duodecimus.	142
Articulus de ascensione Christi, qui eius maiestatem, & gloriam declarat.	82
Ascensionis Christi in cœlum causa.	82
Beneficia quæ ex ascensione Christi nobis donantur.	83
Assentatio uitium terretimum.	508
Assentatores homines uitio obrectationis peccant.	508
Auari reprehenduntur.	518

B

B aptismi cognitio maxime necessaria.	578
Baptismus quare à Parochis sit docendus.	167
Quo tempore à Parochis de baptismo differēdū.	177
Baptismi uox quid significet.	177
Baptismi sacramentum quibus nominibus significatur.	178
Baptismi ut sacramentum est definitio.	178
Baptismi sacramentum quibus rebus conficiatur.	179
Aqua quæ in sacro fonte ad baptismum conficiendum asser uatur, non est sacramentum.	179
Baptismi materia est aqua elementaris.	179
Baptismi figuræ.	180
In Baptismo quare chrisma addatur.	180. 182
Baptismi forma.	182
Baptismi forma apud Græcos uaria.	184
Cur baptizabant apostoli in nomine Iesu.	70. 184
Baptismus tribus modis confici potest.	165
In baptismo unica an trina ablutio fiat, nihil refert.	184
In baptismo caput abluendum.	186
In baptismo uerba simul cum ablutione proferenda.	186
Baptismus à Christo domino institutus, & quando.	186
Quando uis sanctificandi aquis fuerit tributa.	187
Baptismi lege quo tempore homines teneri cœperunt.	187

Baptismi ministri.	189
Baptizare sacerdotes quare præsentes etiam episcopo possunt.	189
Ordo inter baptismi ministros seruandus.	191
Baptizandos suscipere quibus non liceat.	194
Baptismus necessarius ad salutem.	195
Baptismi sacramentum pueris dandum.	195
Baptizantur pueri in fide parentum, & ecclesie.	196
Baptizandi sunt filij quàm primum.	196
In baptizandis adultis diuersa ratio est seruanda ab ea, quæ in pueris.	197
Baptismus adultis quando sit statim conferendus.	198
Baptizandi quo modo affecti esse debeant.	199
Baptizandi interrogantur an uelint baptizari.	199
Quando baptizandi amentes & dormientes.	199
Ad baptismi gratiam cõsequendam fides est necessaria.	200
Baptizandum peccatorum pœniteat oportet.	200
Baptismi sacramento omne peccatum condonatur.	202
In baptismo prorsus tolluntur peccata, & radicitus euelluntur.	202
In baptizatis concupiscentia remanet, sed peccatum non est.	203
Baptismi proprius effectus peccatorum omnium remissio.	204
Peccata, & peccatorum pœnæ per baptismum remittuntur.	204
Pœnæ civilibus iudicijs persoluendæ per baptismum non condonantur.	205
Post baptismum quare non restituamur in statum naturæ integræ.	205
Baptismi fructus.	208
Baptismus characterem imprimic.	210
Baptismus iterari sacrilegium est.	219
Baptismus cœli aditum paret facit.	212
Cerimonie, & preces, quæ in baptismo fiunt, ad tria capita rediguntur.	213
Fons baptismi consecratur addito oleo mysticæ unctio-	213
nis.	213

Certi dies expectatur ad consecrandam baptismi aquā.	214
Baptizatis que nomina imponenda.	217
Beatitudo essentialis in quo sita.	147
Beati lumine gloriæ eleuantur ad diuinam essentiam uidentur.	148
Beatitudinis imagines, & similitudines.	149
Beatitudo accidentalis in quo consistat.	149
Bella intestina hominis.	575
Bellum sceleratis cum Deo.	614
Benedictionibus Dei opera nostra prospere cedunt.	599
Dei benignitas non uno modo eripit nos a malis.	643
Blasphemare nomen Dei, & sanctorum detestabile scelus.	437
Bona humanæ uitæ quare optanda, & petenda.	597
Bona temporalia quomodo petenda.	597
Bona humanæ uitæ ad bona diuina dirigunt.	597
Bonæ humanæ uitæ adiumenta sunt ad diuinorum bonorum ademptionem.	597

C

C atechismi necessitas.	2. 6
Catechismi doctrina ad captum cuiusque accommodata.	5
Character trium sacramentorum effectus.	173
Character quid præstet.	183
Baptismus characterem imprimit.	210
Characterem imprimit confirmatio.	232
Characterem imprimit ordinis sacramentum.	359
Charitatis præcepta duo.	455
Charitas proximi a charitate Dei ortum habet.	455
Charitas uera quid moneat.	313
Castitas non solum uirginibus, sed qui cælibe uitam agunt & ijs qui matrimonio iuncti sunt conuenit.	482
Castitatis remedia.	482
Castitatis remedia quæ in actione consistunt.	485
Cautio adhibenda in peccatorum occasionibus uiuendis	dis

dis.	630
Crimoniz, & preces quæ in baptismo fiunt, ad tria capita rediguntur.	213
Crimoniz, & ritus, quibus sacramentum confirmationis confertur.	233
Crimoniz quæ ad poenitentiz sacramentum adhibentur.	297
Crimoniz quæ in sacramento extremæ unctionis adhibentur.	345
Cibus multiplex & delicatus non postulandus à Deo.	604
Cibus multiplex animæ.	606
Clerici nomen unde deductum	361
Clericorum corona unde ortum habuerit, quid significet.	361
Communio unum ex nominibus Eucharistiz.	236
Ante communionem preparatio qualis esse debeat, & quàm sit necessaria.	272
Preparatio ad communionem est pacem cum alijs habere.	273.
Communionem sumpturus amore erga Deum habeat.	274.
Communicandum omnibus esse saltem in paschate.	275
Communicandi sub una specie quare ecclesia consuetudinem approbauerit.	279
Communia tribus personis diuinis, & non communia.	45
Clauium necessitas in Ecclesia.	124
Clauium dignitas, & amplitudo.	125
Concupiscentia in renatis remanet, sed peccatum non est.	203.
Concupiscentia praua stirps malorum omnium.	517
Concupiscentia rerum alienarum & uxorem quid inter se differant.	517
Concupiscentia quid.	519
Concupiscendi uis non semper in uitio ponenda.	519
Concupiscendi uis recta Deo auctore à natura nobis insita est.	519

Concupiscentia primorum parentum peccato deprauata	
520.	
Concupiscentiæ uis, si moderata est, quasnam utilitates as-	
ferat.	520
Concupiscentia quare à Paulo peccatum sit dicta.	520
Non concupisces, quem sensum habeat.	522
Concupiscenda non est aliena uxor.	524
Concupiscere alienam uxorem quàm periculosum sit.	524
Concupiscendi uirio qui maxime laborent.	527
Confessio peccatorum, & eius necessitas.	311
Confessio quare instituta.	312
Confessionis utilitas.	313
Confessio accusario dicitur & quare.	313
Iudicium ecclesiasticum quod fit in confessione longe dissi-	
mile est forensibus iudicijs.	314
Confessio à Christo ob eius bonitatem, & misericordiam	
instituta.	314
Confessionis figure.	315
Confessione legi quinam parere debeant.	317
Confessio quo tempore puro indicta.	317
Confessio quando iteranda.	321
Confessionis minister idoneus, & legitimus.	322
In confessione scelera non excusanda.	326
Culpa eorum qui uerecundia impediti peccata confiteri nō	
audent.	327
Peccata diligenter peruestiganda.	327
Confessor quando a se poenitentes dimittere debeat.	327
Confidere oportet in officio precandi.	548
Confirmationis sacramentum.	219
Confirmationis nomen.	219
Confirmatio est uere sacramentum.	221
Confirmationis sacramentum à baptismo maxime disun-	
ctum.	221
Confirmationis sacramenti origo.	223
Confirmationis sacramenti Christus auctor.	223
Confirmationi sacramentum quare Chrisma appellatur.	22
Chri-	

Chrismatis materia.	223
Chrisma episcopi consecratione conficitur.	221
Chrisma quare ex oleo, & balsamo conficiatur.	224
Chrisma à quibus cerimonijs, & quando conficiatur.	224
Sacris precationibus chrisma conficiendum.	225
Confirmationis sacramenti forma.	225
In confirmatione tria obseruanda.	226
Confirmationis sacramenti minister proprius.	226
Ad confirmationem quare patritus uocetur.	228
Affinitas quæ cum patrinis cõfirmationis contrahitur.	228
Confirmandi quæ ætate esse debeant.	228
Confirmationis sacramentũ quomodo sit necessarium.	228
Confirmationis sacramentum ad uniuersos fideles æque pertinet.	229
Confirmationis sacramentum suscipientes adulti dolere debent de peccatis.	230
Confirmationis sacramentum præcedere debet confessio in adultis.	229
Confirmationis sacramentum nouam gratiam tribuit.	230
Confirmationis uocabulum unde deductum.	231
Confirmationis effectus.	232
Confirmatio non potest iterari.	232
Confirmationis sacramenti cerimonix & ritus.	233
Confirmationis sacramentum quo tempore potissimum administretur.	233
Contritio quid.	301
Contritionis uis & efficacia.	304
Contritionis proprius dolor ad singula peccata mortalia adhibendus.	306
Ad contritionem ueram quæ sint necessaria.	306
Ad contritionem excitandum eum qui de peccatis non doleat.	326
Coronæ uincensibus paratæ à Deo.	637
Creationis opus ab ijs facilius creditur qui de Dei omnipotentia non dubitant.	27
Quare Deus creauit omnia.	28

De creatione angelorum.	39
Deus creator uisibilium, & inuisibilium.	30
Deus quæ creauit conseruat.	31
Creatura noua in Christo quæ.	40
Verbi huius credo, in materia fidei euangelicæ acceptio & professio.	13
Quis sit qui credat.	14
Quid primo credendum.	13
Credens inquirendi curiositate est liber.	9
Credendum esse Deo.	16
Credens interiorem fidei actum aperta fidei professione proferre debet.	15
Christianorum omnium unus spiritualis ortus.	564
Christiani hominis scientia uno capite comprehenditur.	5
Christiani doctoris opera in quo præcipue uersari debeat.	6
Christiani uita non in otio degenda.	6
Christiana philosophia, & sæculi sapientia in quo differant.	16
Christianus homo quantum Christo debeat.	43
Christi regnum spirituale.	38
Christus à diuersis naturis diuersas proprietates accepit.	41
Christus quare dominus noster dicendus.	41
Christus non est dicendus filius Dei adoptione, sed natura.	47
Christus a Dauide originem traxit secundum carnem.	49
Christus quare nouissimus Adam appellatus.	49
Christus nascens salutari doctrina nos instituit.	51
Christi sanguine scelera nostra expiantur.	127
Christus sacramentorum omnium auctor.	168
Christus totus in sacramento Eucharistiæ continetur.	
257.	
Christus qua ratione sit in sacramento.	264
Christus qua ratione pœnitentiæ sacramentum instituit.	293
Christi & eius matris, & sanctorum imagines pingi, non interd-	

interdicitur præcepto leg.	415
Christus frater noster.	362
Christi resurrectio fraternitatem Christi cum hominibus non dirimit.	363
Christi diuinitas nunquam a corpore seiuncta.	57
Christus pro peccatoribus passus.	60
Christiani quare sancti dicantur.	113
Christus quomodo in nobis regnet.	578
Christi causa libenter stultitiæ fama subeunda.	591
Christus imitandus in referenda nostra uoluntate ad uoluntatem Dei.	593
Christus dominus, panis est.	608
Christi passionis mysterium maxime Dei potentia & benignitatem ostendit.	609
Christi passionis patrocinio ueniam peccatorum impetramus.	617
Circumstantiæ peccatorum in confessione narrantur.	320
Clauibus ecclesiæ aditus in cælum aperiri.	312
Clericorum corona quid significet.	361
Concio sacra a fidelibus attente audienda.	450
Contra eos, quæ medicamentis utuntur demonum arte compositis.	646
Creatio omnibus personis Trinitatis communis.	32
Creatura noua in Christo est, qui mandata Dei obseruat.	401
Crucis Christi pretium quanti sit.	617
Colore Deos alienos quare Deus prohibuerit.	425
Cultus diuini cupidos homines esse oportet.	421
Cultus externus Deo præcipitur adhiberi tertio præcepto.	439
Cultus sabbathi quo tempore tollendus erat.	440
Cultus diei festi quare institutus.	442
Cupiditas uitiosa quare prohibeatur.	521
Cupiditates propriæ etiam iustis aduersantur.	588

D æmonum odium in homines.	575
Dæmon, simulato lucis angelo, quæ bona non sunt tanquam bona postulare persuadet.	592
Dæmonum excerni impetus & impressiones.	627
Dæmones quare principes appellati & rectores mundi tene- brarum.	627
Dæmones perpetuum bellum nobiscum gerunt.	627
Dæmones quos non oppugnent.	628
Dæmonum uis alligata.	629
Dæmon quare malus præcipue dicatur.	644
Dæmoni assignamus omnia mala quæ in nos à proximis proficiscantur, tamquam auctori & impulsori.	644
Debita quæ dimitti postulamus, quæ sint.	619
Cuius debiti solutio sit ad salutem necessaria.	616
Debita quare dicantur nostra.	617
Decalogi præcepta.	369
Decalogus legum omnium summa & epilogus.	369
Decalogi præcepta decem ex duobus charitatis pendent.	397
Decalogi Deum esse auctorem credere, maximam uim ha- bet ad eam legem seruandam.	398
Decalogi lex quanta maiestate data.	400
Descendens Christi ad inferos causa.	68
Ante Christi mortem animæ piorum ad sinum Abrahe de- ferebantur.	70
Desideria exaudiuit Deus.	559
Deum unum solum esse, non plures, confitendum est.	20
Deus quare pater uocatur.	20.22
Deo omnipotens uis tribuitur.	24
Deus omnium creator.	27.30
Deus quæ creauit conseruat.	31
Deo, & non sanctis, sacrificium offertur.	283
Deus est legis auctor.	398
Deum amare facile est.	41
Deus quare zelotes appellatus.	420
Deus quare poenam ad tertiam & quartam generationem com-	

comminetur.	421
Dei bonitas superat eiusdem iustitiam.	323
Dei nomen quomodo honoretur.	425
Deo multa imposita nomina.	425
Deus quibus modis laudandus.	426
Deus non habebit in fontem eum, qui nomen eius frustra assumpserit.	437
Deus primus diligendus, deinde parentes.	456
Deus desideria exaudit.	550
Deus omnium hominum pater uocatur.	555
Dei prouidentia erga homines.	555
Deus hominum non obliuiscitur.	557
Dei benignitas & misericordia erga homines.	559
Dei amor erga homines in redemptione ostensum.	556
Dei manus cum nos tangit, id non hostiliter facit, sed aman- ter.	560
Deus quare castigat quos amat.	561
Deus calamitates nostras non ignorat.	561
Deus omnium Deus est.	566
Deus est ubique, & quo modo.	566
Deus quare in celis esse dicatur.	566
Deus quo modo ex animo ametur.	568
A Deo quid primo petendum.	568
Dei gloria quò modo petatur.	568
Dei nomen quo modo sanctificari petamus.	569
Dei nomē sanctum, & terribile sanctificatione nō eger.	569
Dei nomen re, non uerbis tantum, sanctificandum.	572
Dei prouidentia erga hominum salutem.	574
Dei potentia & prouidentia.	577
Deus non ad otium, & inertiam nos uocauit.	583
Deus unquam nos deserit.	583
Deus adminicula nobis concedit ad regnum celorum con- sequendum.	583
Deum amare, ut par est, sine diuinæ gratiæ adminiculo nō possumus.	586
Ad christianam prudentiam nisi Deo auctore, & adiutore nos	

I

- nos aspirare non possumus. 587
 Deus in iustificatis mentem sanat non carnem. 588
 Deus requirit summum amorem in opera & studio quod
 ei nauamus. 593
 Dei opera omnia bona. 595
 Deus omnibus operibus suis suā bonitatem impertiuit. 595
 Dei uoluntatem quare maxime colamus. 595
 Dei uix inuestigabiles. 595
 Deus nobis melius consuluit quā nos optare possumus. 596
 Ad dei gloriā oīa ad usus uitæ necessaria sunt referēda. 598
 Dei infinita potentia colenda. 605
 Deus promptus & paratus ad condonandum peccata po-
 nitentibus. 615
 Deus beneficentissimus parens. 615
 Deus iustitiæ retinentissimus. 617
 Deus quo tempore tentet suos. 630
 Deus quo modo tentari sinīt bonos. 631
 Deus quomodo nos in tentationem inducere dicitur. 632
 Deus dat uires ad Satanam prosternendum. 636
 Dei benignitas non uno modo erupit nos a malis. 643
 Deus non uult nos ab omnibus incōmodis solutos esse. 643
 Deus dat solatia ijs, qui aduersis premuntur. 644
 Deus utitur dēmonē ministro in reperendis pœnis a sce-
 latis. 644
 Deus suis numquam defuit. 644
 Diaboli crudelis dominatus. 613
 Diabolus quare mūdi princeps & tenebrarum dicatur. 613
 Diaboli proprium officium. 632
 Diabolus quo animo tentet homines. 630
 Diabolus qua re tentator dicitur. 630
 Diabolus quibus modis utatur ad tentandum. 631
 Die dominico quid agere, & a quibus abstinere fideles opor-
 teat. 443
 Diuitiæ non amandæ. 525
 Diuites quare panem quotidianum petere debent. 605
 Diuites facultates suas Deo acceptas referant. 609

Diuites quare bonis cumulantur à Deo.	606
Doctōis legitimi fidelis opera necessaria.	2
Doctrina Catechismi ad captum cuiusque accommodata.	8
Doctrina fidei catholicæ quibus rebus contineatur.	9
Doctrinæ Christianæ capita quattuor.	9
Dolor ex peccatorum cognitione.	614
Dubitare in oratione non debemus.	547
Prophetæ planius de ecclesia q̃ de Christo locuti sunt.	163

E

E cclesie nomine quid sit proprie intelligendum.	104
Ecclesiæ & synagoge differentia.	105
Ecclesia multis nominibus uocatur.	106
Ecclesia militans & triumphans quare dicatur.	106
Ecclesiæ militantis & triumphantis differentia.	107
Ecclesiæ figuræ & similitudines.	108. 116
Quinam ab ecclesia excludantur.	109
Ecclesiæ catholicæ proprietates & prærogatiue.	110
Ecclesiæ caput uisibile.	110
Ecclesiæ unitas.	110
Ecclesia sancta appellatur.	113
Ecclesia catholica.	115
Ecclesiæ ueræ dignoscendæ à falsa certissima regula.	116
Ecclesia est apostolica.	116
Ecclesia non potest errare.	116
Extra ecclesiam uerus cultus non reperitur.	117
Ecclesia originem suæ ueritatis traxit ab Apostolis.	116
Ecclesiam uniuersalem omnes tenere debent qui salutem consequi cupiunt.	115
Ecclesiæ auctor Deus.	118
Ecclesiam clauēs regni celorū habere, fide intelligimus.	118
Quare credere sanctā ecclesiā, & non in sanctā dicatur.	118
Eleemosinæ necessitas.	496
Cohortatio ad eleemosinam faciendam.	497
Labore ac manibus ea quærenda quibus inopum indigentia leuari possit.	497
Eleemosina orationi addenda.	553

Eleemofina medicina est accomodata sanandis animæ uulneribus.	623
Episcopi tm̃ & sacerdotes potatē habēt remittēdi peccata.	251
Episcopi administratio quæ.	371
Episcopus tantum ordines confert.	372
Escarum conquistissima genera persequi non licet.	604
Eucharistiæ usu qui aliquandiu carent, plurimum damni patiuntur.	175
Eucharistiæ institutio.	235
Eucharistiæ dignitas & excellentia.	235
Eucharistiæ sacramentū pluribus nominibus appellatū.	236
Eucharistia quare dicatur communio.	236
Eucharistiam post cibum & potum sumere non licet.	236
Eucharistia uere est sacramentum & unum ex septem.	237
In eucharist. sacramento adoramus corpus, & sanguinem Christi.	238
Quæ proprie sacramēti rōnem habeant in Eucharistia.	238
Eucharistiæ cum ceteris sacramentis differentia.	239
Eucharistiæ sacramentum perfectum facit. materiæ conse- cratio.	239
Eucharistia est unum tātum sacramētum & non plura.	239
Eucharistiæ sacramentum tria significat.	240
Eucharistiæ sacramenti materia duplex.	241
Aqua modica uino quare admisceatur.	243
In eucharistiæ sacramēto quid significet panis & uinū.	244
Eucharistiæ sacramenti forma.	246
Forma consecrationis uini & eius declaratio.	247
In sacramento eucharistiæ tria sunt maxime admirāda.	251
In eucharistia uerū corpus Christi & sāguinē cōtineri.	251
Eucharistiæ sacrum nō est tm̃ signū corp̃s Christi.	253. 265
Eucharistiæ fructus.	256
In Eucharistiæ sacramento totus Christus contineatur.	257
In Eucharistiæ sacramento quæ sint ex concomitantia.	258
Dux consecrationes quare separatim fiant in sacramento Eucharistiæ.	259
In quauis utriusq; speciei particula Eucharistiæ totus Chri- stus	

flus continetur.	259
Panis & uini substantia post consecrationem, in sacramento eucharistiae non remanet.	260
Post consecrationem quare Eucharistiae sacramentum panis uocatur.	262
Conuersio admirabilis in sacramento Eucharistiae transubstantiatio uocatur.	263
Eucharistiae sacramentum non curiose scrutandum.	263
Qua ratione Christus sit in Eucharistiae sacramento.	264
Panis & uini species in sacramento Eucharistiae sine aliquare subiecta manent.	265
Eucharistiae sacramentum quare sub panis & uini specie administrari Christus instituit.	265
Eucharistia fons omnium gratiarum.	266
Eucharistia quo modo gratiam tribuat.	267
Prima gratia nemini tribuitur nisi prius Eucharistiae sacramentum uoto perceperit.	268
Eucharistia omnium sacramentorum finis.	268
Eucharistiae figura est manna.	269
Eucharistiae utilitates.	269
Eucharistiae sacramenti sumendi tres rationes.	271
Maximis bonis se priuant qui cum parati sint sacramentaliter sumere corpus Domini spiritu tantum accipiunt.	272
Eucharistiam accipere nemini licet ante sacramentalem confessionem, si sacerdotis facultas data sit, si peccati mortalis conscientiam stimulet.	274
Ieiuni ad Eucharistiae sacramentum accedere debemus.	274
Aliquot dies ab uxoribus abstinendum ab ijs qui matrimonio iuncti sunt, cum ad communionem accedere uolunt.	275
Eucharistiae communio sepius iteranda.	275
Eucharistiae sacramento quotidie alenda est anima.	276
Eucharistiam olim fideles quotidie sumebant.	276
Ab Eucharistiae communione excipiuntur qui periclitum rationis usum non habent.	277
Eucharistia quare infantibus negetur.	277
Eucharistiae sacramentum amentibus non datur.	278

Eucharistiā sub utraque specie laicis sumere non licet.	278
Quare ecclesia consuetudinem communicandi sub utraque specie prohibuerit.	279
Solis sacerdotibus potestas tradita est sacramentum Eucharistiæ conficiendi.	280
Qui nō est consecratus, sacra uasa tangere non audeat.	280
Eucharistia est sacrificium.	281
Eucharistia uictima deo gratissima.	281
Eucharistia a Christo instituta duabus de causis.	282
Eucharistia, ut sacramentum est, non solum merendi, sed etiam satisfaciendi uim habet.	283
Eucharistiæ sacrificium quando institutum.	283
Eucharistiæ figuræ & oracula.	284
Eucharistiæ sacramētū inexplicabile pignus charitatis.	608
Eucharistiæ sacramentum quare dicatur panis noster.	608
Eucharistiæ sacramētū quare dicatur quotidianus panis.	608
Exempla quæ ad bene sperandū nos inducere possunt.	641
Exempla humanæ infirmitatis.	625
Exitus rerum deo permittendus.	645
Extrema unctio.	341

F

F alsum testimonium quid.	505
Falsi testimonij damna.	506
Falsum testimonium non solum in iudicio, sed extra iudicium uetatur.	506
Falsum testimonium dicere contra se non licet.	504
In falsis testimoniis mendacium numeratur.	505
Festorum dierum præceptum.	439
Festi diei cultus quare institutus.	442
Festi dies præter sabbathum alij apud Iudæos.	447
Festi dies præter diem dominicum quare instituti ab Ecclesia.	44
Dies celeberrimi in ecclesia.	448
Festis diebus quibus operibus christiani se exercere debeant.	450
Felicitas in quo consistit.	144
	Feli-

Felicitas semel adepta numquam amittitur.	144
Fides ad salutem consequendam necessaria.	11
Fidei multi gradus.	12
Quid primo credendum.	13
Notitia quæ fidei disciplina comparatur, multo certior est quàm quæ humanis est rationibus comprehensibilis.	18
Fides de omnipotentia Dei quàm necessaria & utilis.	25
Fides redemptionis ad salutem necessaria semper fuit.	33
Fides ueterum & nostra eadem.	35
Fides penitentiam antecodat oportet.	290
Fides quid significet.	14
Fides non uere dicitur pars penitentiae.	290
Fideles ad complectendam celestem doctrinam quando sint propensiores.	406
Fides necessaria in oratione.	547
Fide firmos esse, caput est ad rite orandum.	547
Fiducia de Deo unde ortum habeat.	147
Fiduciam conciliat nomen patris in oratione.	600
Fiducia orationis unde in nobis oriatur.	600
Fides ad iustificationem necessaria.	75
Figuræ conceptionis & natiuitatis Iesu Christi.	50
Figuræ crucis Christi.	56
Figuræ Confessionis,	315
Filius Dei & uere deus Iesus Christus.	39
Filius Dei quomodo generatur.	39
Forma sacramenti Eucharistiae declaratur.	246
Forma sacramenti penitentiae.	296
Forma sacramenti extreme unctionis.	344
Forma confirmationis sacramenti.	225
Formula orandi diuersa ad Deum & sanctos.	544
Fornicationis peccati calamitas propria.	482
Frugalitati consulendum.	498
Fructus arboris uite.	486
Furti percepti uis auditoribus inculcanda.	487
Furti precepto dei benignitas erga nos maxime peipitur.	488
Furti preceptum in duas partes diuisum.	488

- 4 Furti nomine quid intelligatur. 489
 4 Rapina maius peccatum quam furtum. 489
 4 Quare septimū pceptū furti noīe, nō rapinæ, notatū sit. 489
 4 Furtum, quod est iniusta possessio, & usus rerum alienarū,
 4 uarijs nominibus notatur. 498
 4 Furandi etiam animus lege Dei prohibetur. 490
 4 Furtum quam graue scelus sit. 490
 4 Furti immanitatē declarant qua furtū consequuntur. 490
 4 Furtorum multa genera. 491
 4 Rapinæ latius patent quam furta. 493
 4 Rapaces qui sint, & rapinarum uaria genera. 493
 4 Furti excusationem nullam accipit Deus. 499
 4 Excusationes quibus se homines defendunt in furtis. 499
 4 Fur diuinum nomen dedecorat. 500

G

- 4 **G**audia intima sanctorum. 607
 4 Gloria inenarrabilis sanctorum. 144
 4 Gloria Dei quo modo in oratione petatur. 568
 4 Gloria quid. 580
 4 Gradus quibus ad orationem accedimus. 545
 4 Gratia quid. 398
 4 Gratiam quo modo Eucharistia conferat. 268
 4 Gratiarum actio cum oratione iungenda. 553
 4 Gratuitas relabentium. 61

H

- 4 **H**æreticorum artes quibus sunt usi ad impia dogma
 4 ta infundenda. 14
 4 Hæreticus qui dicatur. 103
 4 Hæreticorum pestis quo irrepserit. 14
 4 Hebræorum gentem quare Deus delegit. 405
 4 Hebraici populi liberatiō ab Aegypto. 404
 4 Hebræos durissima seruitute premi quare De^o pmiserit. 405
 4 Hebræo populo pmissa pstita post 300 annos quare. 406
 4 Locus & tempus in quo Israel legem à Deo accepit. 406
 4 Homicidium prohibens pceptum, auditu iucundum. 467

In præcepto, Non occides, duo continentur.	467
Homicidium quod hoc præcepto non ueratur.	468
Occidere uetitum est omnibus.	470
Oës homines huius legis ui, Nō occides, defenduntur.	470
Se ipsum non licet occidere.	470
Lex non occidēdi, non solū manus sed animū cohibet.	471
Homicidium peccatum est nefarium.	472
Homo ad imaginem & similitudinem Dei formatus.	30
Homo postremo creatus non ui naturæ sed diuino benefi- cio immortalis.	30
Prima hominis ruina.	32
Homo christianus quantum Christo debeat.	42
Homines diuini cultus cupidos esse oportet.	421
Homo quid debeat Deo.	559
Hominum miseræ propter peccatum primi parentis.	584
Homo quæ bona per peccatum amiserit.	585
Homines cōparatur ægris, & ijs qui gustum amiserūt.	586
Homo pueris comparatur.	586
Homo etiam iustificatus non ita habet domitos carnis af- fectus, ut illi postea excitari non possint.	588
Homines uoluptuosi à diuina uoluntate alieni.	591
Hominis instabilitas.	576
Hominis imbecillitas.	595
Homo q̃a maledictione cōdēnatus post Adæ peccatum.	699
Hominis inscitia & imbecillitas.	625
Præceptum de honorando Deo.	423
Præceptum de honore parentum.	453
Honorare quam uim habeat.	456
Honoris uox rite in præcepto posita.	457
Honorandi a nobis patres cuiuscumque generis.	457. 461
Honoris officia quæ in parentes conferri debent.	459
Honor mortuis parentibus tribuendus.	460
Improbis etiam Pastoribus obediendum.	461
Regibus parēdum.	462
Honorantes parentes quos fructus percipiant.	462
Hostes humani gener. oës aduersus nos artes excogitat.	624

- Hypocrite animo non orant. 553
 Hypocritarum mos in orando fugiendus. 551
Iesum Christū filium Dei credentes, quam utilitatem
 capiant. 32
 Iesus Dei filius solus potuit nos Deo reconciliare. 33
 Iesus quid significet. 35
 Iesus Christus, Rex, sacerdos, & propheta supremus. 36
 Iesus filius Dei & uerus Deus. 29
 Incarnatio uerbi. 44
 Incarnationis mysterium non una persona confecit. 45
 Incarnationis uerbi opus, quare spiritui sancto peculiari
 quadam ratione tribuitur. 46
 Incarnationis mysterio quedam supra naturæ ordinē, quæ
 dant naturæ uel effecta. 46
 Mirabilia quæ in uerbi incarnatione acciderunt. 46
 Simul Christi corpus formatum atque animarum, & cor-
 pori & animæ diuinitas coniuncta. 46
 Anima Christi uberrimam spiritus sancti copiam accepit. 47
 Christus non est filius Dei adoptione, sed natura. 47
 Maria uirgo uetera Christi mater. 48
 Maria Euze responderet. 49
 Incarnationis Iesu Christi mysterium quanto pietatis stu-
 dio recolendum. 52
 Ieiunium orationi sociandum. 53
 Imagines uenerari, ut Deum prohibitum est. 44
 Imagines in ecclesia habere non solum licet, sed maximo
 fidelium bono factum est. 47
 Ad imaginem sanctorum cum quis orationem dominicam
 enunciat, quid sentiendum. 45
 Incommoda omnia quo animo ferenda. 45
 Indignari non debemus cum nostras preces non exaudit
 Deus. 45
 Indigentiam habemus externarum rerum ad uisum uitæ
 quæ excolenda. 98
 Infelicitas hominis quo modo cognosci possit. 76

- Inferni significatio. 68
 Ingratitudo hominum erga Deum. 632
 Inhumanitas in egenos fugienda ab eo qui a deo uult exau-
 diri. 547
 Iniuriæ remittēdæ ab eo, qui uult, ut Deus sibi ignoscat. 545
 Iniuriarum obliuionem a nobis requirit Deus. 69
 Iniurias condonare nolentes in quæ incōmoda incidat. 127
 Remedia ad deponendas iniurias. 478
 Iniurias remittendi uoluntas sufficit reclamantibus corru-
 ptæ naturæ appetitionibus. 621
 Iniurias non obliuisci in animo habentes uti debent hac
 precationis conditione, dimitte nobis debita nostra; si-
 cut & nos. 619
 Inimicis parcendum si uolumus nobis peccata dimitti. 619
 Inimici diligendi. 619
 Inimicis non parentes quid a Deo petere debeant. 622
 Inimici inuisibiles. 626
 Instrumenta quibus queritur, & inuenitur regnū Dei. 525
 Interpretatio Cypriani uerborū, sicut ī celo, & ī terra. 594
 Interpretatio huius uocis, Amen. 49
 Iudicium finale. 86
 Tria Christi officia ad suam ecclesiam decorandam. 85
 Dies Domini Christi aduentus nouissimus dicitur. 87
 Quare Christus ad iudicandum uenturus. 87
 Duplex Christi ad nos aduentus. 87
 Iudicii generalis necessitas. 88
 Iudex omnium Christus quare futurus. 91
 Iudicium præcedentia signa. 90
 Iudicij forma, & ratio. 92
 Iudicantis Christi sententia, & uerba. 92
 Iudicii uniuersalis articulus quam utilis. 91
 Iudicia forensia iure & ex legibus administranda. 510
 Iustificari non potest qui nō est paratus ad omnia Dei præ-
 cepta seruanda. 402
 Iustitia originalis supra naturæ facultatē hōi a deo data. 30
 Iurandi lex quæ iubeat & quæ prohibeat. 425
 Iurandi

Iurandi frequens usus minime laudandus.	427
Iurare quid.	428
Iurare per creaturas, iusiurandum est.	428
Iusiurandum per execrationem.	429
Iusiurandum assertorium, & promissorium.	429
Iusiurandum, ut rectum sanctūque sit, quæ requiruntur.	430
Iuratus quæ considerare debeat.	430
Iusiurandum non exigitur a pueris ante pubertatem.	431
Iustificatio impii, magnum opus.	126
Iustificatur impius per sacramenta tanq̃ p instrumenta.	125
Iustitia maxime in promissis requiritur.	431
Iurando peccat qui iniustum aliquid promittit.	431
Iurare cui non liceat.	431
Iusiurandum quando sit laudabile.	432
Iusiurandum a fide originem ducit.	432
Iusiurandum ad quem finem tendere oporteat.	433
Quodnam iusiurandum a Christo prohibeatur.	433
Iurandi necessitas excusationem habet.	434
Iurandi nimia consuetudo multa mala parit.	434
Graui peccato se adstringit, qui temere iurat.	434
Iurare falsum, prohibitum est secundo præcepto.	435
Iurare falsū, est peierare, & quod modis peierat hoīes.	435
Iurandi præcepto quare minæ adiunctæ.	438
Summa hominum procliuitas ad peierandum.	438
Propter periurium diuersis suppliciis affligimur.	438

L

L Acrymæ in pœnitentia summopere optandæ.	306
Lex naturæ a lege scripta non diuersa.	398
Lex in decalogo contenta non est noua lex, sed naturæ lex illustrata.	398
Legis iussa difficultatem non habent.	400
Legi obtemperandum.	401
Legis obseruantix fructus.	402
Ad legem obseruandam propensiores nos reddit, scire Deum esse dominum nostrum.	408
Lex omnis ad præcepta seruanda homines præmio, aut pœna indu-	

na inducit. 418

Legis seruandæ modus & ratio. 413

Lege nõ concupiscendi præscripta quid à Deo prouisu sit. 16

Lex Dei intimo animi sensu seruanda. 18

Differentia inter diuinas & humanas leges. 18

Lex diuina quasi speculum quoddam est in quo nature no-

stræ initia intuemur. 19

Loquacitas uitanda. 14

Liberum arbitrium homini datum. 30

Lingux uitium communissimum. 92

Loquacitas in oratione prohibetur nõ longe preces. 51

Lucris honestis tranquillitas inest. 603

Lumen diuinũ quid nobis faciat. 92

Mala cum patimur, ad Dei auxilium cõfugimus. 639

Malorũ omnium liberationem non petimus. 642

Mala quædam, quæ communiter mala putantur, sunt tamẽ

fructuosa. 642

Mala illa deprecamur, quæ nullam animæ utilitatem affer-

re possunt. 642

A quibus malis liberari perendum sit. 643

Mala quæ in nos à proximis proficiuntur, dæmoni assi-

gnanda. 644

Malorum liberatio à Deo impetranda. 639

Mala animæ, & corporis deprecari debemus. 610

Maria Dei, & hominis mater uere & proprie dicitur. 47

Maria uere mater Dei quare. 47

Marix perpetua & incorrupta uirginitas. 49

Marix in partu spiritus sanctus affuit. 49

Maria cum Eua confertur. 50

Maria ex regibus orta. 49

Marix felicitatem gratulamur, cum eam angelica salutatio

ne salutamus. 543

Mariam iure oramus, ut nobis peccatoribus ueniam sua in

tercessione conciliet. 543

Maria mater misericordix. 543

Maria aduocata nostra. 543

Marix

Marie merita apud Deum prestantissima.	543
Marie summa uoluntas adiutandi humanum genus.	543
Maledictio qua condemnatus est homo post Adæ peccatū.	599
Materia sacramenti Eucharistiæ duplex.	241
Materia sacramenti penitentię.	478
Materia sacramenti extreme unctionis.	343
Matrimonium unde dictum.	327
Matrimonij sacramentum uarijs nominibus appellatur.	377
Matrimonij differentię & eius declaratio.	377
Matrimonium inire non possunt qui legibus a matrimonij consortio excluduntur.	378
Matrimonij uis & natura in quo consistit.	378
Consensus matrimonium efficit.	378
Consensus uerbis, quę præsens tempus significant, exprimitur.	379
Consensus alterius tantum ad matrimonium coniungendum satis esse non potest.	379
Matrimonium nõ contrahitur per uerba futurum tempus significantia.	379
Verborū loco in matrimonio nūctus & signa sufficiunt.	380
Præter consensum ut uerum matrimonium existat, concubitus necessario non requiritur.	380
Matrimonij duplex ratio, ut est in officium nature, & ut est sacramentum.	381
Matrimonium, ut est officium nature, a Deo institutum.	381
Matrimonium indissolubile.	382
Matrimonium quibus causis institutum.	382
Matrimonij natura ut sacramentum est.	384
Matrimonium quid significet.	385
Matrimonium sacramentum esse, & unum de septem legis Euangelicę sacramentis.	376
Matrimonij sacramentum a Christo institutum.	385
Matrimonium gratiam significat & tribuit.	386
Matrimonij sacramentum quantum præstet matrimonij ante legem.	389
Matrimonia Iudeorum.	387

Quare antiqui patres plures sunt uxores ducerent.	387
Libellus repudij quare in lege Moſis conſeſſus.	387
Matrimonij duorum ſex & non plurius cōiūctione definitur.	388
Inſidelis ad ueram religionem conuerſus primam, ceteris relictis, pro uxore habeat.	388
Matrimonij uinculum nullo diuortio diſſolui poteſt.	388
Matrimonium diſſolui non poſſe utiliſſimum eſt.	389
Fidelium cōiugia perfectione & nobilitate gentilium & Iudeorum matrimonijs longe præſtant.	390
Matrimonij bona tria.	390
Matrimonia clandestina neque uera neque rata eſſe.	394
Matrimonij impedimenta.	394
Matrimonium cōtrahētes quo modo affecti eſſe debeāt.	395
Matrimonij uſus qui eſſe debeat.	396
A matrimonij officio interdū orandi cauſa abſtinendū.	396
Mœchari prohibitum eſt præcepto ſexto.	479
Mœchia quare poſt homicidium prohibearur.	479
Præceptum de mœchia quibus uerbis tractandum.	478
Mœchæ præcepti duplex uis.	479
Medicina à Deo hominibus data.	641
In medicinx remedijs quo modo ſpes ponenda.	641
Meditationes de Chriſti paſſione.	59
Mendacium pleniffimum impietatis.	509
Mendacio fallere ioco, & officij cauſa indignum eſt.	509
Mendacij ſumma miſeria & turpitudō.	512
Mendacij pater Dæmon.	512
Mendacium quæ mala conſequuntur.	512
Mendacij uitium eſt fere inſanabile.	513
Mendacij uitium latiffime patet.	513
Mendacia excuſare, error.	514
Mendacio nemo ſtudeat.	505
Mens bona à Deo poſtulanda.	333
Meritum noſtrum diuina gratia adiuuatur.	336
Meritis paria redduntur præmia in cælis.	151
Meretur fructū paſſionis q̄ ſacrificiū Eucharistiæ offerūt.	283
Meritū p̄mij gloriæ immortalis opibus noſtris tribuitur.	335
Meritum	

S

Meritum operum nostrorum ex merito passionis Christi pendet.	335
Meritum nostrum non obscurat Christi passionem, sed multo clariorem reddit.	336
Merendi ampla occasio, patiente animo labores & incommoda ferre.	338
Merentur opera nostra exaudiri per meritum Christi.	352
Mereri possumus cum diuina gratiam uitam eternam.	336
Minister sacramenti baptismi proprius.	189
Ministrorum baptismi ordo qui seruandus est.	191
Minister proprius sacramenti confirmationis.	228
Ministram confessionis scientia & prudentia prædictum esse oportet.	324
Ministri sacrificium facientes Christi personam suscipiunt.	285
Misericordie humanæ causa.	576
Misericordie hominis propter peccatum primi parentis.	585
Miseria summa humani generis quæ mala sunt non ut mala iudicare.	585
Misericordie hominum unde.	588
Missæ sacrificium idē cū eo quod in cruce oblatum est.	285
Missæ sacrificium non est nuda commemoratio sacrificij in cruce peracti, sed uere propitiatorium.	286
Missæ sacrificium pro mortuis offertur & illis prodest.	286
Missæ ritus non superuacanei.	287
Missæ sacrificium propitiatorium sacrificium.	286
Missæ sacrificium pro mortuis offertur.	286
Missæ omnes communes dicendæ.	286
Missæ ritus non sunt inanes, et superuacanei.	278
Cur Christus in ligno mortem perpeffus.	54
Christus uere mortuus, & sepultus.	56
Christus locum, modum, & tempus suæ mortis elegit.	57
Anima Christi quo ad inferiorem partem cruciata.	53
Mulier quare ex latere uiri formata non ex pedibus aut ex capite.	293

Necessitate nostra cognita ad patrē adire cogimur. 600
Necessitati nostræ quæ supersunt, cum alijs commu-
nicanda. 606

Nequitia carnis & spiritus. 627

Nomina imponenda baptizatis. 316

Noīa gentiliū imponentes baptizatis reprehenduntur. 218

Nomen Dei Tetragrammaton non pronunciare, inanis est
superstitio. 425

Nomina Deo imposita. 425

Nomini diuinō quam uerus honor attribuitur. 425

Nomen clerici unde deductum. 361

Nomen Dei quo modo sanctificari petatur. 569

Nomé Dei sanctum & terribile sanctificatione nō eget. 569

Nomen Dei quo modo sanctificatur in omnibus. 571

Nomen Dei re, non uerbis tantum sanctificandum. 572

Norā certa iudicandi quæ sit praua, quæ recta petitio. 397

O Bedire debent omnia diuinæ uolunnari. 595

Obtrectatio uicium pessimum. 506

Obtrectatorum multa genera. 507

Odium Dæmonum in nos infinitum. 627

Officium Parochi, quod auditoribus præstare debet. 597

Opus redimendi hominum genus eminet inter opera gu-
bernationis & creationis. 559

Operibus regnum Dei comparatur. 583

Orandus primo Deus, deinde sancti. 544

Orandi optimus modus. 536

Pro quibus orandum. 540

Orandi sancti, & qua ratiōe ut nostri misereantur. 544

Orandi ratio. 549

Orandum est in spiritu ueritate. 550

Orandi in spiritu consuetudinem infideles non habent. 551

Orandum in nomine Christi. 552

Orandus Deus, cum proximus nos lædat, quo modo. 645

Orantes Deo honorem habemus. 530

Oranti

Oranti maiestas diuina fit propior.	467
Orantes cum Deo colloquuntur.	647
Orantium fructus & munera.	647
Orare sicut oportet debemus, & qui non sic orent.	598
Multi sunt gradus petendi aliquid à Deo, & gratias agendi	
536	
Modus precandi uocem effundendo.	537
Quos peccatores in oratione Deus exaudiat & inuet.	537
Petenda à Deo quæ.	539
Quid sit sine adiunctione petendum.	540
Execrationes sanctorum in impios sunt prædictiones.	543
Oratio ad Deum necessaria.	529
Christus in oratione pernoctabat.	529
Orationis utilitas & fructus.	530
Oratio est quoddam religionis argumentum.	530
Observatio legis necessaria ad salutem.	401
Omnis doctrinæ ratio fidelibus tradenda, in scripturam & traditionem distribuitur.	9
Operibus cum gratia Dei factis diuinæ legi satisfacere possumus.	336
Operibus nostris uitam æternam consequi possumus.	336
Opera, quæ sine fide & charitate fiunt, grata esse non possunt.	336
Oratione Deo subiectos nos esse profiteamur.	530
Oratio est cæli clauis.	531
Orationis uis, & utilitas.	531
Oratio quibus partibus constet.	535
Orationis partes præcipue duæ.	535
Oratio eorum qui nondum fidei lucem acceperunt.	538
Oratio quorum non exaudiat à Deo.	539
Orationes pro impijs factæ.	542
Orationes pro mortuis in purgatorio ab Apostolis fluxere.	542
Orationes pro peccantibus ad mortem non proficiunt.	542
Orationem dominicam ante imagines sanctorum pronuntians quid sentire debeat.	545

Oratio humilis.	535
Orationis præparatio.	542
In oratione qui uult exaudiri, à quibus ei sceleribus abstinē dum.	546
Orationem nostram facit execrabilem contemptus diuinæ legis.	547
Oratio dubitationem non admittit.	548
Oratio mentalis uocalem non excludit.	550
Oratio mentalis principem locum tenet.	550
Orationis uocalis propria utilitas & necessitas.	550
Oratio priuata & publica.	551
Orationis dominicæ expositio.	558
Oratio pro altero facta oranti prodest.	563
Oratio ne inanis sit, quid requirat.	567
Orationes sunt arma contra satanam.	636
Orōnes in principio timoris plenæ, in fine exaltationis.	648
Ordo seruandus in oratione.	639
Ordo quid.	359
Ordinis sacramentum multos habet gradus & uarietas un- ctiones.	359
Ordo sacer inter ecclesie sacramēti quare enumerādus.	359
Ordo idem characterem imprimat.	359
Ordines septem.	360
Ordines maiores & minores.	360
Prima tonsura.	360
Ordo ostiarij, munus.	362
Ordo lectoris officium.	363
Ordo exorcistarum, munus.	363
Ordo acolytorum, munus.	363
Ordo subdiaconi, officium.	364
Ordinibus sacris lex perpetuæ continentie imponitur.	364
Ordo diaconi, munus.	366
Ordo sacerdotij.	373
Ordines sacri quibus sint dandi.	372
Opera nostra ex Christi gratia merentur.	366
Ordines sacri sunt statis diebus quibus, etiam ieiunia indi-	

cuntur. 372
 Ordinandi prius sacramento poenitentiae conscientiam put-
 gent. 373
 Ordinis sacramentum pueris & furiosis non conferendum. 374
 Qui retatis annus in singulis ordinibus expectandus. 374
 Ordinis sacramentum gratiam confert. 375
 Ordinis sacramentum characterem imprimat. 375
 Originalis iustitiae donum homini datum. 30

Panis nominis multa in diuinis litteris significari. 60
 Panem petendo quid a Deo petamus. 602
 Panis ad necessitatem, non ad luxuriam petendus. 602
 Panis a nobis iure acquirendus non iniuria, uel fraude. 603
 Panis quare quotidianus appellatus. 604
 Panis assidue a deo petendus quare. 609
 Panem quotidianum quo modo diuites petere debeant. 605
 Panis spiritualis petendus. 606
 Panis spiritualis quid significet. 606
 Panis, qui Christus est, incredibili letitia perfundit piorum
 animos. 688
 Panis noster substantialis Christus in Eucharistia sacramen-
 to continetur. 608
 Passionis Christi Mysterium maxime Dei potentiam, & be-
 nignitatem ostendit. 609
 Passionis Christi, tempus quare obseruatur. 54
 Anima Christi, quo ad inferiorem partem, cruciata. 54
 Passionis Christi causa. 60
 Passus est Christus poenas grauissimas. 62
 Passiones Christi acerbiores, quam sanctorum. 63
 Passio Christi quae commoda nobis conferat. 64
 Passio Christi nobis ueniam peccatorum impetrat. 617
 A passione Christi omnis satisfactionis uis & ratio fluxit. 617
 Pastorum ecclesiae uerba tanquam Dei uerba recipienda. 2
 Patris uox quid in Deo significet. 20
 Pater quare dicatur prima persona in diuinis. 22
 Parentum honor. 453
 Pa-

Patris nomine qui uocentur.	457
Patres cuiuscumque generis a nobis honorandi.	457. 461
Parentum officia erga filios.	465
Parentes nimiam seueritatem & indulgentiam fugiat.	465
Pater quare in principio orationis positum.	554
Pater omnium Deus.	555
Patrini baptizandorum.	191
Patrini quare adiuncti ad baptismum præter sacramenti ministros.	191
Patrimoniorum affinitas cum quibus contrahitur.	192
Patrini partes.	193
Quibus non liceat baptizandos suscipere.	194
Patrinus quare ad confirmationem uocetur.	227
Patrini confirmationis quam affinitatem contrahant.	228
Patroni causarum officia.	511
Patriarcharum gradus.	370
Patriarchæ quattuor.	371
Peccatū, & peccati pœna ex Adam ad nos permanuit.	33
Peccata quædā remitti nō posse, quo modo intelligatur.	299
Peccata cogitationis confiteri debemus.	519
Peccata diligenter peruestiganda.	327
Peccatum consequuntur duo.	331
Peccati fomes.	519
Peccatum & peccati fomes ubi habitat.	588
Peccatorum nostrorum immanitate auersus a nobis Deus operibus nostris non benedicit.	599
Peccato omnes addictos esse.	611
Peccatorum recognitio qualis esse debet.	612
Peccatorum turpido.	612
Peccati pestis.	612
Peccatum, etsi eius actio transierit, macula tamen, & reatu permanet.	614
Peccatum semper insequitur ira Dei.	614
Peccatorum dolor, & sensus quam sit necessarius.	614
Peccata pœnitentibus condonare semper promptus est, & paratus Deus.	615
	c 2 Pecatis

Peccatis Deus offenditur .	614
Peccata quare debita dicantur .	614
Peccatorum remissionem petentes excusatione non utimur.	618
Peccata sine Dei auxilio uitare non possumus.	593
Peierat is qui iurando iustitiam deserit .	435
Peierare uariis modis solemus.	435
Summa hominum procliuitas ad peierandum.	438
Prophetae falsi exierunt in mundum.	3
Prophetarum falsorum impietas quam longe sit progressa.	3
Purgatorius ignis ante Christi aduentum.	30
Propter periurium diuersis suppliciis affligimur.	438
Poenae grauissimae quas Christus perpeffus est.	62
Poenae postulanda est liberatio .	639
Poenitentiae necessitas.	122
Poenitentiae usu carere, plurima damna affert.	175
Poenitentiae sacramentum est necessarium.	287
Poenitentia reiterari debet.	287
Poenitentia secunda naufragii tabula.	288
Poenitentiae uaria notio, & potestas .	288
Poenitentia multiplex.	389
Poenitere Deum, per translationem dicimus.	289
Poenitentiae uariae significationes in quo differant.	289
Poenitentiam fides antecedit.	290
Poenitentia intima quare sit uirtus.	291
Poenitens uere quid sibi proponat.	291
Quibus gradibus ad poenitentiam licet ascendere.	292
Poenitentiae regnum caelorum sacrae litterae pollicetur.	292
Poenitentia exterior est sacramentum.	293
Poenitentiae sacramentum quare Deus instituerit.	293
Poenitentiae sacramenti materia & forma.	295. 296
Poenitentiae & caerimonie & ritus.	297
Poenitentiae sacramenti fructus .	288
Poenitentiae nos in Dei gratiam restituit.	298
Poenitentiae partes integrales.	300
Poenitentia quare ex partibus constet.	301
Poenitentia publica quare publico peccato indicatur.	333

In penitencia duo animaduertenda.	335
Penitentia pœna à nobis suscepta Dei animadversionem anteuertit.	335
Petrus summus pōtifex, & caput omnium apostolorum.	111
Petrus à Christo caput Ecclesiæ constitutus.	112
Petri successor eandem cum Petro potestatem habet.	110
Pericula in quib. assidue uersamur, ante oculos pōnenda.	626
Permissio in Deo quo modo intelligatur.	632
Personarum diuinarum proprietates.	22
Personæ prima in diuinis quare pater dicatur.	22
Quæ ad diuinas personas pertinent subtilius exquirere nō oportet.	22
Petitores & accusatores quomodo sint monendi.	511
Petere quid primum à Deo debeamus.	568
Petere regnum Dei non satis est ad illud acquirendum.	575
Petere ut Deus nostris cupiditatibus non satisfaciat, diffici- lius animum inducimus.	591
Petere non debemus abundantem & exquisitam copiam ci- borum.	602
Petere subsidia rerum humanarum à Deo possumus.	601
Petere non sibi, sed omnibus, est proprium Christianæ cha- ritatis.	605
Petere dimitti debita, quid sibi uelit.	610
Petere non debemus ut omnino non tentemur.	633
Petere non debemus, omnino ab omnib. malis liberari.	642
Petere debemus, ut Domini manus cibos suppediet.	605
In petendis his quæ ad usum rerum terrenarum pertinet, animus ad Dei præscriptionem intendatur.	597
Petentibus pijs hominibus si quid negat Deus, argumen- tum est id eis utile non fuisse.	645
Petitio de regno Dei cum omnibus coniungenda & separa- tim facienda.	374
Petitio, fiat uoluntas tua, quem ordinem habeat.	384
Petitiones quibus corporis & animæ subsidia petuntur.	596
Philosophia Christiana à seculari sapietia quid differat.	16
Philosophi quid de Deo senserint.	17

Pōntifex Romanus catholicæ ecclesiæ pontifex .	371
Pontifici Romano summa dignitas & iurisdictio diuinitus data.	371
Pontifex Romanus moderator uniuersalis Ecclesiæ, Petri successor, & Christi uerus & legitimus Vicarius.	371
Postulatio de regno Dei magnam uim donorum & copiam continet.	574
Postulatio dimittendi debita de quibus intelligatur.	616
Precatione dominica singuli quotidie uti debent .	606
Precantes omnes ecclesiæ nomine præcantur .	621
Decem præcepta ex duobus pendent .	397
Præceptum primum decalogi .	403
Præceptorum ordinis ratio .	408
Præceptum duplex continetur in uerbis primi præcepti.	408
Præceptum omnium primum & maximum .	409
Præcepti primi transgressores .	409
Præcepto primo non prohibetur ars sculpendi, pingendi, & fingendi.	414
Præceptum primum quare! secundo separatur .	423
Præcepti secundi lex quid prohibeat & quid iubeat .	453
Præcepti de diligendis parentibus usus latissime patet.	453
Præcepta decalogi duabus tabulis incisa, & quare.	454
Præceptum de diligēdis parētib. quare matrē explicet.	458
Præcepta ultima duo quare simul coniuncta .	516
Præceptorum duorum ultimorum duplex necessitas .	517
Preces Deo assidue faciendæ .	552
Preces etiam pro proximis faciendæ .	618
Preces Christianorum & infidelium in quo differant.	640
Preces cum non audit Deus, indignari non debemus .	645
Preces, quæ in litanijis sunt, quare institutæ .	643
Pretium crucis Christi quanti sit.	615
Prædicatio diuini uerbi numquam intermittenda .	3
Prædicare non debet aliquis nisi mittatur.	2
Prædicatio uerbi Dei fidem nobis acquirit .	1
Prædicantium uerbum Dei auctoritas.	2
Premia uictoribus proposita .	537

Preparatio ad orationem in quo consistat .	345
Preparatio ante cōmunionem qualis & quā necessaria.	272
Preparatio ad communionem requirit ut ieiuni acceda-	
mus.	274
Providentia Dei erga homines.	555-574-578
Proximus qui.	504
Pudicitia & continentia omni studio colenda.	481
Purgatorius ignis.	68

R

R Apinæ & quot earum genera.	189-494
Ratio impetrandi quod à Deo petimus.	582
Redemptionis pondere quid acceperimus.	559
Regnum cæleste.	573
Regnum Dei ante omnia postulandum.	573
Regni Dei postulatio magnam donorum vim continet.	574
Regni Dei multæ significationes.	577
Regnum Christi non est de hoc mundo.	578
Regnum Dei quid sit.	578
Regnum Dei intra nos.	579
Regnum Christi quare iustitia dicatur.	578
Regnum gratia Dei in quibus sit.	579
Regnum gloriæ Dei quid.	579
Regnum gratiæ prius ponendum, quam gloriæ.	579
Regnum Christi quod est ecclesia.	580
Regni ecclesiæ propagatio.	580
Regnum Dei quo modo ueniat in peccatores.	581
Regnum Christi quo modo petatur.	581
Regni cælorum excellentia.	583
Regni cælorum consequendi adminicula à Deo nobis con-	
cessa.	597
Regnum cælorum ingredi cupientes petere debent à Deo,	
ut fiat uoluntas eius.	584
Remedia ad diuersas noxias cupiditates.	525
Remedia ægotantis animæ penitentia, & Eucharistia.	623
Remissio peccatorum in ecclesia reperitur.	123
Remissionis peccatorum beneficium quanto studio sit susci-	

piendum. 128
 Remittendi peccata potestatem Christus episcopis & sacer- 128
 dotibus in Ecclesia concessit. 127
 Peccata nostra Christi sanguine remittuntur. 127
 Remissionē peccatorū nemo sine pēnitētia cōsequitur. 299
 Remissa culpa, non semper pœna quę peccato debetur, con- 332
 donatur. 332
 Quare pœna omnis in pēnitentię sacramento equo acinba- 332
 prismo non remittitur. 332
 Restitutio pēnitenti est necessaria. 339
 Qui cogendi sunt ut restituant. 339
 Restitutionis definitio. 495
 Resurrectio Christi, & de eius glorioso mysterio. 71
 Christus sua uirtute resurrexit. 71
 Resurrectiōis beneficio Christ⁹ primus oīum ē affectus. 72
 Resurrexisse Christum terra die, quo modo itelligatur. 73
 Resurrectionis Christi mysterium maxime necessarium. 75
 Resurrectionis Christi finis. 75
 Resurrectio Christi quę nobis exēpla sumēda proponat. 77
 Resurrectionis spiritualis signa. 78
 Resurrectionis mortuorum fide fides nostra innititur. 129
 Resurrectio carnis dicatur. 130
 Resurrectio hominis quare resurrectio carnis exemplis, &
 testimonijs comprobatur. 131
 Resurgentium uaria conditio. 134
 Resurrecturi omnes morturi sunt nemine excepto. 134
 Resurgent corpora nostra immortalia. 138
 Resurrectio mortuorum probatur. 134
 Eorum qui resurgent dotes. 139
 Ex resurrectionis articulo qui fructus capiantur. 141
Sabbathi celebritas quare in sacris litteris sepiissime
 precipitur. 440
 Sabbathum quid significet. 444
 Sabbathi sanctificatio quid. 444
 Sabbathum quare Domino consecratum. 445
 Sabba-

Sabbathum signum fuit.	345
Sabbathum celeste.	446
Sabbathum quare in diem dominicum translatum.	447
Sabbathum qua ratione colendum.	448
Sacerdotibus solis data est facultas sacramentum eucharistie conficiendi.	280
Sacerdotes quando Christus instituerit.	284
Sacerdos silentio peccata in confessione audita coprimat.	324
Sacerdotes Dei & angeli uocantur.	354
Sacerdotes noui testamenti ceteris omnibus prelatiores.	354
Sacerdotum potestas maxima.	354
Sacris initiandi quem finem sibi proponere debeat.	356
Sacerdotes mercenarii.	355
Sacerdotes per ostium ecclesie ingredientes.	356
Sacerdotes in omni lege.	358
Sacerdoti ab episcopo quando potestas tradatur.	350
In sacerdotibus ordinandis ceremonie.	369
Sacerdotalis ordo tametsi unus est, uarios tamen, & dignitates & potestatis gradus habet.	370
Sacerdotes simplices.	370
Quid in eo, qui sacerdos creandus est, requirendum.	372
Sacerdos quam cognitionem habere debeat.	373
Sacerdotis duo munera.	374
Sacerdotij nobilitas & excellentia,	353
Sacerdotij onus nemini temere imponendum.	354
Qui ad sacerdotium uocati dicantur.	454
Sacerdotij potestas duplex.	358
Sacerdotij legis euangelice potestas plurimum prestat sacerdoti legis nature scripte.	358
Sacerdotij euangelici potestas a Christo ortum habet.	358
Sacerdotij munus.	369
Sacerdotij functio precipua.	370
Sacramenti nomen quo modo accipiat.	154
Sacramentum quid.	154
Sacramentis salus & iustitia comparatur.	154
Sacramenti definitio ex Augustino.	154

Sacramenta inter eas res, quæ significant, referuntur.	153
Sacramenta sunt signa rei sacræ.	154
Sacra res est gratia Dei.	158
Sacramentum sanctitatem significat & efficit.	159
Sacramenta non sunt, imagines sanctorum & cruces.	158
Sacramenta plures res significant.	159
Sacramenta legis euangelicæ quare instituta.	160
Sacramentum quodlibet ex duobus conficitur, ex materia, & forma.	163
Verba inter omnia signa maximam vim habent.	164
Sacramenta nouæ legis formam uerborum præscriptam habent, a qua si discedatur, sacramenti, ratio constare non potest.	165
Sacramentorum caerimoniarum sine peccato prætermitti non possunt.	165
Sacramentorum caerimoniarum si omittuntur, nihil reuera de sacramenti ratione minuitur.	196
Sacramenta quare solemnibus caerimonijs ministrantur.	165
Sacramentorum numerus.	116
Sacramentorum differentia inter se.	167
Sacramentorum auctor Christus.	168
Sacramenta quare per homines Deus ministrari uoluerit.	169
Sacramentorum ministri Christi personam gerunt.	169
Sacramenta nouæ legis impura conscientia ministrare quæ periculosum sit ipsis ministris.	170
Sacramentorum effectus.	171
Sacramenta gratiam iustificantem conferunt.	171
Sacramentorum nouæ legis excellentia ad uetera compara- torum.	173
Sacramenta tria characterem imprimunt.	273
Sacramentorum usu Christianum ædificium fulcitur.	175
Sacramentum Eucharistiæ soli sacerdotes conficiunt.	280
Sacramenta per improbos, si, quæ ad eorum rectam rationem attinent, rite seruentur, conficiuntur.	281
Sacramenti & sacrificij differentia.	283
Sacrificium uni Deo & non sanctis offertur.	283
Sacrificium unum sunt cruenta & incruenta hostia.	285

Sacrificium idem est quod in missa & quod in cruce oblatum est.	286
Sanctorum communio quam utilis, & quid significet.	119
Sanctorum cōmunionē oēs Christiani unū corp ⁹ sunt.	121
Sanctorum cultus, in sanctis uenerandis Dei gloria non minuitur, sed augetur.	411
Sanctorum patrocinium non est superuacaneum.	412
Christus etsi mediator propositus sit, non propterea sequitur quin ad sanctorum gratiam confugere liceat.	412
Sanctorū imagines pingi nō prohibetur diuino p̄cepto.	415
Satanę ausus.	627
Satanę incurſibus qui maxime omnium petantur.	628
Satan non potest tentare, quando & quantum uult, sed quādo, & quantum à Deo permittitur.	629
Satan quibus rebus uincatur.	635
Satisfactionis necessitas.	329
Satisfactionis nomen unde.	329
Satisfactio uarie accipitur.	329
Satisfactio quæ nobis Deum placatum reddit, quæ sit.	329
Satisfactio canonica.	330
Satisfactio à nobis sumpta.	330
Satisfactio quæ est sacramenti pars.	330
Satisfactionis definitio & necessitas.	330. 331
Satisfactionis uis.	331
Satisfactio nostra Christi satisfactionem non obscurat, sed multo clariorem reddit.	336
Satisfactio uera quæ requirit.	337
Qui satisfacit iustus est.	337
Opera pœnalia & afflictiua suscipiuntur ī satisfactione.	336
Omne satisfactionis genus ad tria p̄cipue confertur.	337
Satisfaciendi uim habent incommoda & labores, à Deo immissi patienti animo ferantur.	338
Satisfacere unus pro altero potest.	338
Satisfactorum se proximo, si quid de re aut existimatione detraxerit, polliceri debet penitens priusquam à peccatis absoluat.	339

In satisfactionis pœna irroganda quid sit seruandum.	340
Satisfactionis modum culpa ratio compensabit.	628
Satisfactionis opera sacerdote indicta penitens sepe etiam ultra suscipiat.	340
Seruare Deo, nihil magnificentius,	595
Sancti quo modo à nobis inuocentur.	444
Sanctiones Ecclesiasticę sacerdotem confessionis ministrum esse, declarant.	322
Schismatici qui sunt.	607
Sepulturę Christi cur sit expressa mentio.	58
Sepultura, passio, & mors Christi ut homini, non ut Deo conuenit.	59
Signa à natura adinuenta & diuinitus data.	157
Signa quę dicantur.	156
Signa ante iudicium.	91
Sicut in cælo & in terra, ad tres primas postulationes refer- ri.	569
Inter omnia signa uerba maximam uim habent.	164
Signaculum totius orationis dominicę.	646
Spes impetrandi maximum pondus ad impetrandū affert.	548
Spe cælestium præmiorum quomodo nos Deo dicere debea- mus.	594
Spes nostra in amore in Deum tota nitatur.	594
Spem habere debemus impetrandi ueniam peccatorum.	615
Spes in tentationibus ex quibus noscatur.	633
Spes habenda, cum tentamur in Dei patrocinio.	634
Superbia magnopere Deum offendit.	547
Spiritus sancti personam non debemus ignorare.	95
Spiritus sancti propria significatio.	93
Quare personę tercię in diuinis proprium nomē tributum non sit,	97
Spiritus sanctus patri & filio in omnib. omnino æqualis.	97
Spiritus sanctus est Deus.	98
Spiritus sanctus à patre filioque procedit.	100
Spiritus sancti admirandi effectus.	101. 102
Spiritus sanctus quare dominus appellatus.	100

Symbolum ab apostolis cōpositum, & quare sic appellatū.	12
Symbolum in tres partes distributum.	13
In tentationem ne inducamur, uocandus est Deus.	625
Tentationum fluctibus agitati in precationis, portum confu- giamus.	629
Tentatio quid.	629
Tentandi genera multa.	630
Tentari homines in malam partem.	630
Tentat or quare diabolus dicatur.	631
In tentationem quando inducitur.	631
Tentat, qui non impedit tentationem.	531
Tentatio est uita hominis super terram.	633
Tentationes æquo animo ferendæ.	633
Terra in media mundi parte consistit.	29
Testimonij falsi non dicendi præceptum.	502
Testimonij falsi non dicendi præceptum lingue uitium co- hibet.	503
Testimonij falsi non dicendi præcepto duæ leges continen- tur, una iubens, altera prohibens.	503
Quid præcepto non dicendi falsum testimonium prohibea- tur.	503
Testem iuratum iudex reiicere non potest.	504
Testimonium falsum in se dicere non licet.	504
Testimonium falsum quid.	505
Testimonij falsi damna.	507
Testimonium falsum non solum in iudicio, sed extra iudi- cium peratur.	506
Quot modis falsa dicendo existimatio hoīs offenditur.	507
Testimonium est confessio laudis Dei.	510
Testimonij ueri in rebus humanis maximus usus.	511
Testes in iudicio caueant, ne, quod exploratum non habet, pro certo affirmant.	511
Tondendi caput in coronæ speciem consuetudinem Petrus primus induxit.	361
Traditione apostolica declaratur Purgatorius ignis.	58
Traditione patrum peruenire ad nos formam uerborum	

Traditione apostolica capilli in coronæ speciem clericis tenduntur. 361

Traditio apostolorum, qua Episcopus à tribus Episcopis consecratur. 372

Traditio de numero sacramentorum. 165

Traditione apostolica Episcopus est minister ordinandi ad sacros ordines. 367

V

Verba pastorum Ecclesiæ tanquam Dei uerba recipiēda. 2

Verbi diuini prædicatio nūquam intermittenda. 2

Verba inter omnia signa maximam uim habent. 164

Verbi prædicatione & sacramentorum usu Christianum ædificium fulcitur. 175

Verbi incarnatio. 44

Verbum Dei cibus est animæ. 606

Verbi Dei fames quare à Deo mittatur. 607

Verum confiteri debent rei & fontes, cum ex iudicij forma interrogantur. 510

Verum tacere interdum licet sed extra iudicium. 511

Vicarius potestatis Episcopi Ecclesiæ præpositus. 112

Vigiliæ tentationes uincunt. 636

Vir quare uxorem diligere debeat. 386

Viri officium erga uxorem. 592

Vita æterna quid significet. 142

Vita æterna magis explicat hominis felicitatem quam beatitudo. 143

Vita hominis tentatio. 633

Vita & salus nostra ex Deo pendet. 604

A uitio linguæ innumerabilia mala proficiuntur. 503

Unctionis extremæ sacramentum, quare sic dictum. 341

Unctionis extremæ sacramento, in assidua mortis meditatione uersamur. 540

Unctio extrema est uere sacramentum. 234

Unctio extrema est unum sacramentum tantum. 345

Unctio-

Vnctionis extremæ materia, & forma, & ritus.	345
Vnctionis extremæ sacramentum quibus sit conferendum.	346
Vnctionis extremæ sacramentum à Christo institutū.	345
Vnctionis extremæ sacramentum quo tempore adhibea- tur.	349
Vnctionis extremæ sacramentum suscipere apti non sunt qui rationis usu carent.	347
Quæ partes corporis sint unguendæ.	347
Vnctionis extremæ sacramentum post iterari.	348
Vnctionis extremæ præparatio.	348
Vnctionis extremæ minister.	349
Vnctionis extremæ utilitas.	349
Vnctionis extremæ tempus opportunissimum.	350
Vnctionis extremæ sacramentum suscipientes ægroti qua- re non sanentur.	351
Voluntas Dei, ut fiat, quare petamus.	587
Voluntas Dei quam fieri petimus, est uoluntas signi.	589
Voluntas Dei ut fiat, qui maxime petere debeant.	588
Voluntas signi quæ.	589
Voluntas Dei ut fiat, maxime desiderandum.	591
Voluntas tua fiat quo modo Deo ex animo dicendum.	583
Voluntatem suam Christus ad patris uoluntatem retulit in maximo acerbissimæ mortis dolore.	593
Voluntatem diuinam totus mundus cognoscere debet.	593
Voluntas Dei in terra seruanda, sicut in cælo seruatur.	593
Voluntas Dei summa est omnium ratio.	596
Voluntate Dei omnia eueniunt.	596
Voluntatem Dei quare maxime colamus.	549
Vxorem uir diligere debet.	386
Vxoris & uiri mutua officia.	391
Vxoris partes erga uirum.	393
Vxor uiro subdita sit.	393

[illegible]

C A T E C H I S M U S

Ex Decreto Concilij Tridentini,

A D P A R O C H O S,

Sanctiss. D.N. PII Quinti iussu editus.



A EST humane mentis, & intelligentia ratio, ut, cum alia multa, quæ ad diuinarum rerum cognitionem pertinent, ipsa per se, magno adhibito labore, & diligentia, inuestigauerit, ac cognouerit, maxi-

mam tamen illorum partem, quibus æterna saluus comparatur, cuius rei in primis causa homo conditus, atque ad imaginem & similitudinem Dei creatus est, naturæ lumine illustrata cognoscere, aut cernere numquam potuerit. Inuisibilia quidem Dei, ut docet Apostolus, à creatura mundi per ea, quæ facta sunt, intellecta, conspiciuntur; sempiterna quoque eius uirtus, & diuinitas: uerum mysterium illud, quod absconditum est à sæculis, & generationibus, ita humanam intelligentiam superat, ut, nisi manifestum fuisset sanctis, quibus uoluit Deus fidei munere notas facere diuitias gloriæ sacramenti huius in gentibus, quod est Christus, nullo studio hominū ad eam sapientiam aspirare licuisset. Cum autem fides ex

Ro. 1.

Ad Col. 1.

Ro. 10.

A auditu

auditu concipiatur, perspicuum est, quàm necessaria semper fuerit ad æternam salutem consequendam, doctoris legitimi fidelis opera, ac ministerium: siquidem dictum est; Quo modo audient sine prædicante? quo modo uero prædicabunt, nisi mittantur? Et quidem ab ipsius mundi origine, clementissimus ac benignissimus Deus suis numquam defuit, sed multifarie, multisque modis locutus est Patribus in prophetis, eisque pro temporum conditione ad caelestem beatitudinem certum, ac directum iter monstrauit. Sed quoniam prædixerat, daturum se doctorem iustitiæ in lucem gentium, ut esse salus eius usque ad extremum terræ, nouissime locutus est nobis in Filio, quem etiam, uoce e cælo delapsa à magnifica gloria, iussit ut omnes audirent, eiusque præceptis obtemperarent. Deinde uero Filius alios dedit apostolos, alios prophetas, alios Pastores, & doctores, qui uerbum uitæ annuntiarent, ne circumferremur tamquam paruuli, fluctuantes omni uento doctrine, sed, firmo fidei fundamento adhaerentes, coadificaremur in habitaculum Dei, in spiritu sancto.

Rom. 10.

Heb. 1.

Psal. 49.

Hebr. 1.

1. Pet. 1.

Eph. 4.

Verba Pa-
 storum Ec-
 clesie tam-
 quam Dei
 uerba reci-
 pienda.
 Luc. 10.

Ac ne quis uerbum auditus Dei ab Ecclesie ministris, tamquam uerbum hominum, sed, sicut uere est, uerbum Christi acciperet, ille ipse Saluator noster tantam auctoritatē eorum magisterio tribuendam esse statuit, ut diceret: Qui uos audit, me audit; & qui uos spernit, me spernit. quod quidem non de ijs tantum, quibuscū sermo habebatur, intelligi uoluit, uerum

uerum de omnibus etiam, qui legitima successione docendi munus obirent, quibus se omnibus diebus usque ad consummationem sæculi affuturum esse pollicitus est. At uero, cum hæc diuini uerbi prædicationumquam intermitteri in Ecclesia debeat, tum certe hoc tempore maiore studio, & pietate elaborandum est, ut sana, & incorrupta doctrina. Matth. 28.
 tamquam pabulo uitæ, fideles nutriantur, & confirmentur. 1. Ioan. 4. Hierc. 23.
 exierunt enim falsi prophete in mundum, de quibus dixit Dominus: Non mittebam prophetas, & ipsi currebant: non loquebar ad eos, & ipsi prophetabant, ut uarijs doctrinis, & peregrinis Christianorum animos deprauarent. Quæ in re illorum impietas, omnibus Satane artibus instructa, tam longe progressa est, ut nullis fere certis finibus contineri posse uideatur. ac, nisi Saluatoris nostri præclara illa promissione niteremur, qui se adeo stabile Ecclesiæ suæ fundamentum posuisse Matth. 16.
 affirmavit, ut portæ Inferi aduersus eam præualere numquam possint: maxime uerendum esset, ne hoc tempore, tot undique hostibus obsessa, tot machinis tentata, & oppugnata, concideret.

Nam ut omittamus nobilissimas prouincias, quæ olim ueram, & catholicam religionem, quam Quo astu hæretici sine uis a. l.
 à maioribus acceperant, pie, & sancte retinebant, impia doctrina infundenda.
 nunc autem derelinquentes uiam rectam, errauerunt, atque in eo se maxime pietatem colere palam profitentur, quod à patrum suorum doctrina quàm longissime recesserunt; nulla tam remota regio, aut

tam munitus locus, nullus Christianæ reipub. angulus inueniri potest, quo hæc pestis occulte irrepere non tentarit. Qui enim fidelium mentes corrumpere sibi proposuerunt, cum fieri nullo modo posse intelligerent, ut cum omnibus coram colloquerentur, & in eorum aures uenenatas uoces infunderent, idem alia ratione aggressi, multo facilius, ac latius impietatis errores disseminarunt. Nam, præter illa ingentia uolumina, quibus catholicam fidem euertere conati sunt, à quibus tamen cauere, cum apertam hæresim continerent, non magni fortasse laboris, ac diligentia fuit, infinitos etiam libellos conscripserunt: qui cum pietatis speciem præferrent, incredibile est, quàm facile incautos simplicium animos deceperint. Quamobrem Patres æcumenicæ Tridentinæ Synodi, cum tanto, & tam pernicioso huic malo salutarem aliquam medicinam adhibere maxime cuperent, non satis esse putarunt, grauiora catholicæ doctrinæ capita contra nostri temporis hæreses decernere, sed illud præterea sibi faciendum censuerunt, ut certam aliquam formulam & rationem Christiani populi ab ipsis fidei rudimentis instituendi, traderent, quam in omnibus ecclesijs illi sequerentur, quibus legitimi Pastoris, & doctoris munus obeundum esset. Multi quidem adhuc in hoc scriptionis genere cum magna pietatis & doctrinæ laude uersati sunt: sed tamen Patribus uisum est maxime referre, si liber
sanctæ

Trid. Syn.

sanctæ Synodi auctoritate ederetur, ex quo Parochi, uel omnes alij, quibus docendi munus impositum est, certa præcepta petere, atque depromere ad fidelium ædificationem possint; ut quemadmodum unus est Dominus, una fides, ita etiam una sit tradenda fidei, ad omniaque pietatis officia populum Christianum erudiendi, communis regula, atque præscriptio.

Ergo, cum multa sint, quæ ad hanc rationem pertinere uideantur, nemo existimet, illud sanctæ Synodo propositum fuisse, ut omnia Christianæ fidei dogmata, uno libro comprehensa, subtiliter explicarentur: quod ab ijs fieri solet, qui se profitentur uniuersæ religionis institutionem, & doctrinam tradere: id enim & infiniti pene operis fuisset, & instituto minus conuenire perspicuum est: sed quoniam Parochos, sacerdotesque animarum curatores, earum rerum cognitione instruendos suscepit, quæ pastoralis muneris maxime propriæ sunt, & ad fidelium captum accommodatæ, ea tantum in medium afferri uoluit, quæ hac in re pium Pastorum studium, si in difficilioribus diuinarum rerum disputationibus non ita uersati fuerint, adiuuare possent. Quæ cum ita sint, antequam ad ea singillatim tractanda accedamus, quibus huius doctrinæ summa continetur, institutæ rei ordo postulat, ut pauca quædam exponantur, quæ Pastores considerare, sibi que ante oculos proponere in primis debent

Catechismus cure-
ditus.

S

Io. 17.

1. Cor. 2.

Act. 4.

1. Ioan. 2.

1. Ioan. 2.

Ad Tit. 2.

Matth. 23.

debent; ut sciant, quonam, ueluti ad finem, omnia eorum consilia, labores, studia referenda sint, quoue pacto id, quod uolunt, facilius consequi, & efficere possint. Illudigitur primum uidetur esse, ut semper meminerint, omnem Christiani hominis scientiam hoc capite comprehendendi, uel potius, quem admodum Saluator noster ait, Hæc est uita æterna, ut cognoscant te solum uerum Deum, & quem misisti, Iesum Christum. Quamobrem in eo præcipue ecclesiastici doctoris opera uersabitur, ut fideles scire ex animo cupiant Iesum Christum, & hunc crucifixum: sibi que certo persuadeant, atque intima cordis pietate & religione credant; aliud nomen non esse datum hominibus sub cælo, in quo oporteat nos saluos fieri: siquidem ipse propitiatio est pro peccatis nostris. At uero quia in hoc scimus, quoniam cognouimus eum, si mandata eius obseruamus; proximum est, et cum eo, quod diximus, maxime coniunctum, ut simul etiam ostendat, uitam à fidelibus non in otio & desidia degendam esse, uerum oportere, ut, quemadmodum ipse ambulauit, ita & nos ambulemus, sectemur que omni studio institiam, pietatem, fidem, charitatem, mansuetudinem: dedit enim semetipsum pro nobis, ut nos redimeret ab omni iniquitate, & mundaret sibi populum acceptabilem, sectatorem bonorum operum, quæ Apostolus Pastoribus præcepit, ut loquantur, & exhortentur. Cum autem Dominus, ac Saluator noster non solum dixerit, sed etiam exemplo suo demon-

demonstravit, legem, & prophetas ex dilectione pendere; Apostolus deinde confirmavit, charitatem esse finem precepti, ac legis plenitudinem; dubitare nemo potest, hoc tamquam præcipuum munus, omne diligentia curandum esse, ut fidelis populus ad immensam Dei erga nos bonitatem amandam excitetur, ac divino quodam ardore incensus, ad summum illud & perfectissimum bonum rapiatur; cui adherere, solidam, & veram felicitatem esse is plane sentiet, qui illud Propheta dicere poterit: Quid enim mihi est in celo, & à te quid volui super terram? Hæc nimirum est via illa excellentior, quam ideam Apostolus demonstravit, cum omnem doctrinæ, & institutionis suæ rationem ad charitatem, quæ nunquam excidit, dirigere. Sive enim credendum, siue sperandum, siue agendum aliquid proponatur, ita in eo semper charitas Domini nostri commendari debet, ut quivis perspiciat, omnia perfecte Christianæ virtutis opera non aliunde, quam à dilectione, ortum habere, neque ad alium finem, quam ad dilectionem, referenda esse.

Cum autem in omni re tradenda plurimum inter sit, utrum hoc, an illo modo aliquid doceas; tum vero hoc in Christiani populi institutione maximi momenti existimandum sit. Observanda est enim audientium ætas, ingenium, mores, conditio; ut qui docendi munus exercet, omnia omnibus efficiatur; ut & omnes Christo lucrifaciat, & se ipsum fidelem ministrum, & dispensatorem probare possit.

1. Tim. 1.
Rom. 13.

Psal. 92.
1. Cor. 12.
1. Cor. 13.

I

Catech.
mi doctrina
ad captum
cuiusque ac
commoda-
ta.
1. Cor. 9.
1. Cor. 4.

Matth. 23. sit, ac ueluti seruus bonus, & fidelis, dignus sit,
qui super multa constituatur à Domino. Neque
uero unius tantum generis homines fidei suæ com-
missos esse arbitretur, ut præscripta quadam, &
certa docendi formula erudire, atque ad ueram pie-
tatem instituere æque omnes fideles possit: sed cum
alij, ueluti modo geniti, infantes sint, alij in Chri-
sto adolescere incipiant, nonnulli uero quodam mo-
do confirmata sint ætate, necesse est diligenter consi-
derare quibus lacte; quibus solidiore cibo opus sit,
ac singulis ea doctrinæ alimenta præbere, quæ spiri-
tuum augeant, donec occurramus omnes in unita-
tem fidei, & agnitionis filij Dei in uirum perfectum,
in mensuram ætatis plenitudinis Christi. Id uero
Apostolus in se ipso omnibus obseruandum indica-
uit, cum dixit, se Græcis, & barbaris, sapienti-
bus, & insipientibus debitorem esse; ut uidelicet in-
telligerent; qui ad hoc ministerium uocati sunt, ita
in tradendis fidei mysterijs, ac uitæ præceptis, do-
ctrinam ad audientium sensum, atque intelligentiam
accommodari oportere; ut, cum eorum animos, qui
exercitados sensus habent, spirituali cibo expleuerint
ne interim paruulos fame perire patiantur, ut qui
panem petant, & non sit qui frangat eis. Neque
uero cuiusquam studium in docendo retardari debet,
propterea quòd interdum necesse sit auditorem ea-
rum rerum præceptis instrui, quæ leuiiores, & hu-
miliores uidentur, nec sine molestia ab ijs potissi-
mum tractari solent, quorum animus in sublimium
reru

1. Pet. 2.

1. Cor. 3.

Hebr. 5.

Eph. 4.

Rom. 1.

Tren. 4.

rerum contemplatione uersatur, ac conquiescit. Nā si ipsa æterni patris sapientia in terras descendit, ut in carnis nostræ humilitate celestis uitæ præcepta nobis traderet; quem non compellat charitas Christi, ut paruulus fiat in medio fratrum suorum, & tamquam nutrix fouens filios suos ita cupide proximorum salutem desideret, ut, quod de se ipso Apostolus testatur, eis uelit non solum euangelium Dei, sed etiam animam tradere?

1. Theff. 2.

1. Theff. 2.

Doctrina fi
dei catholi
cæ contine
tur scriptu
ra & tradi
tionibus cū
de Symbo
lo, sacramē
tis, Decalo
go, oratio
ne Domini
ca.

2. Tim. 2.

1. Tim. 4.

Omnis autem doctrinæ ratio, quæ fidelibus tradenda sit, uerbo Dei continetur, quod in scripturam, traditionesque distributum est. itaque in harum rerum meditatione Pastores dies, noctesque uersabuntur, memores illius D. Pauli admonitionis, quam ad Timotheum scriptam, omnes, quicumque animarum curæ præpositi sunt, ad se pertinere existimabunt. est autem hæc admonitio in hunc modum. Attende lectioni, exhortationi, & doctrinæ: est enim omnis scriptura diuinitus inspirata utilis ad docendū, ad arguendū, ad corripiendum, ad erudiendum in iustitia, ut perfectus sit homo Dei, ad omne opus bonum instructus. Sed quoniam, quæ diuinitus tradita fuerunt, multa sunt, & uaria, ut nec ita facile aut animo comprehendere, aut etiam, mente comprehensa, memoria teneri possint, ut, cum se obtulerit docendi occasio, eorū parata sit & præparata explicatio; sapientissime maiores nostri totam hanc uim, & rationē salutaris doctrinæ, in quattuor hæc capita redactam, distribuerunt, apostolorum Symbolum, Sacramenta,

.12.32

IO. CA. P. E. C. H. I. S. M. V. I. S.
Sacramenta, Decalogum, Dominicam orationem.
nam omnia, quæ Christianæ fidei disciplina tenenda
sunt, siue ad Dei cognitionem, siue ad mundi crea-
tionem & gubernationem, siue ad humani generis
redemptionem spectent, siue ad bonorum præmia,
& malorum pœnas pertineant; Symboli doctrina
continentur. Quæ autem signa sunt, & tamquam
instrumenta ad diuinam gratiam consequendam,
hæc septem sacramentorum doctrina complectitur.
Iam uero quæ ad leges referuntur, quorum finis est
charitas, Decalogo descripta sunt. Quidquid deni-
que ab hominibus optari, sperari, ac salutariter
peti possit, id Dominica præcatione comprehenditur.
Quare sequitur, ut, explanatis quattuor
his quasi communibus sacræ scripturæ locis, nihil
fere ad eorum intelligentiam, quæ Christiano ho-
mini discenda sunt, desiderari possit. Itaque uisum
est monere Parochos, ut, quoties usu uenerit, ut
aliquem interpretentur euangelij, uel quemuis
alium diuinæ scripturæ locum, intelligant, eius lo-
ci, quicumque is fuerit, sententiam cadere sub
unum aliquod quattuor illorum capitum, quæ di-
ximus, quo tamquam ad eius doctrinæ fontem,
quod explicandum sit, confugient. exempli cau-
sa, si explanandum sit illud euangelium pri-
mæ dominicæ aduentus: Erunt signa in sole, &
luna, &c. quæ ad eam rationem pertinent, tradi-
ta sunt illo Symboli articulo, Venturus est iudi-
care uiuos, & mortuos. quibus inde assumptis, Pa-
stor

flor una eademque opera fidelem populum & Sym-
bolum, & euangelium docebit. Quare in omni do-
cendi, & interpretandi munere, hanc consuetudi-
nem tenebit dirigendi omnia ad prima illa quattuor
genera, ad quæ referri uniuersam diuinæ scripturæ
uim, atque doctrinam diximus.

Docendi autem ordinem eum adhibebit, qui &
personis, & tempori accommodatus uidebitur: nos
Patrum auctoritatem secuti, qui initiandis Christo
domino, & in eius disciplina instituendis homi-
nibus, à fidei doctrina initium fecerunt, operæ pre-
tium duximus, quæ ad fidem pertinent, prius expli-
care. Sed quoniam in diuinis litteris multiplex est
fidei significatio, hic de ea loquimur, cuius ui o-
mnino assentimur ijs, quæ tradita sunt diuinitus.
Hanc autem ad salutem consequendam esse necessa-
riam, nemo iure dubitabit, præsertim cum scriptū
sit: Sine fide impossibile est placere Deo. Cum Heb. i.
enim finis, qui ad beatitudinem homini propositus
est, altior sit, quàm ut humanæ mentis acie per spi-
ci possit, necesse ei erat, ipsius à Deo cognitionem
accipere. Hæc uero cognitio nihil aliud est, nisi
fides: cuius uirtus efficit, ut id ratum habeamus,
quod à Deo traditum esse sanctissimæ matris Eccle-
siæ auctoritas comprobarit. nulla enim fidelibus po-
test accidere dubitatio in ijs, quorum Deus au-
ctor est, qui est ipsa, ueritas. ex quo intelligimus,
quantum inter hanc fidem, quam Deo habemus,
intersit, & illam, quam humanæ historiæ scripto-
ribus

Matth. 14.
Luc. 17.
Matth. 15.
Gal. 5.
Iacobi 1.
Mar. 16.

ribus adhibemus. Fides autem, quamquam late-
pateat, & magnitudine, ac dignitate differat, (est
enim sic in sacris litteris, Modicæ fidei, quare du-
bitasti? & Magna est fides tua: & Adauge nobis
fidem: item, Fides sine operibus mortua: & Fi-
des, quæ per charitatem operatur) tamen est idem
genere, & diuersis fidei gradibus eadem definitio-
nis uis, & ratio conuenit. Quam uero fructuo-
sa sit, & quantam ex ea utilitatem capiamus, in
articulorum explicatione ducetur. Quæ igitur pri-
mum Christiani homines tenere debent, illa sunt,
quæ fidei duces doctoresque sancti apostoli, diuino
spiritu afflati, duodecim Symboli articulis distinxe-
runt. nam cum mandatum à Domino accepissent,
ut pro ipso legatione fungentes, in uniuersum mun-
dum proficiscerentur, atque omni creaturæ euan-
gelium prædicarent, Christianæ fidei formulam
componendam censuerunt, ut scilicet id ipsum omnes
sentirent, ac dicerent, neque ulla essent inter eos
schismata, quos ad fidei unitatem uocassent, sed
essent perfecti in eodem sensu, & in eadem sententia.
Hanc autem Christianæ fidei, & spei professionem,
à se compositam, apostoli Symbolum appellarunt;
siue quia ex uarijs sententijs, quas singuli in com-
mune contulerunt, conflata est; siue quia ea ueluti
nota, & tessera quadam uterentur, qua desertores,
& subintroductos falsos fratres, qui euangelium
adulterabant, ab ijs, qui uere Christi militia sacra-
mento se obligarent, facile possent internoscere.

CREDO IN DEVM. Cum multa in Christiana religione fidelibus proponantur, quorum singulatim, uel uniuerse certam, & firmam fidem habere oportet, tum uero illud primo, ac necessario omnibus credendum est, quod ueluti ueritatis fundamentum ac summa de diuina essentia unitate, & trium personarum distinctione earumq; actionibus, quæ præcipua quadam ratione illius attribuantur, Deus ipse nos docuit. Huius mysterij doctrinam breuiter in Symbolo apostolorum comprehensam esse, Parochus docebit. Nam ut maiores nostri, qui in hoc argumento, pie, & accurate uersati sunt, obseruauerunt, in tres potissimum partes ita distributum uidetur, ut in una, diuina naturæ prima persona, & mirum creationis opus describatur; in altera, secunda persona, & humanæ redemptionis mysterium; in tertia, tertia item persona, caput, & fons sanctitatis nostræ, uarijs, & aptissimis sententijs concludatur. Fas autem sententias, similitudine quadam à Patribus nostris frequenter usurpata, articulos appellamus. Ut enim corporis membra articulis distinguuntur: ita in hac fidei confessione, quidquid distincte, & separatim ab alio nobis credendum est, recte, & apposite articulum dicimus.

CREDO IN DEVM PATREM OMNI
POTENTEM, CREATOREM CAE-
LI ET TERRAE.

His uerbis ea sententia subiecta est: certo credo,

ac sine ulla dubitatione profiteor Deum patrem, pater-
nam scilicet Trinitatis personam, qui sua omnipoten-
tenti uirtute calum ipsum, & terram, & omnia,
quæ celi, & terræ ambitu continentur, ex nihilo
condidit, & condita tuetur, ac regit: neque solum
eum corde credo, & ore confiteor, uerum summo
studio, ac pietate ad illum, ueluti summum, & per-
fectissimum bonum, contendo. Hæc igitur sit bre-
uis quædam primi huius articuli comprehensio. Sed
quoniam magna mysteria in singulis fere uerbis la-
tent, ea nunc diligentius Parocho perpendenda
sunt: ut, quantum Dominus permiserit, ad eius ma-
iestatis gloriam contemplandam cum timore, & tre-
more fidelis populus accedat.

Verbi hu-
ius, credo,
in materia
fidei euan-
gelicæ acce-
ptio, & pro-
fessio.

Igitur credendi uox hoc loco; putare, existima-
re, opinari, non significat, sed, ut docent sacra litte-
ræ, certissimæ assensionis uim habet, qua mens Deo,
sua mysteria aperienti, firme, constanterque as-
sentitur. Quamobrem is credit, (quod ad huius
loci explicationem attinet) cui aliquid sine ulla hæ-
sitatione certum, & persuasum est. Neque uero
existimare quisquam debet, fidei notitiam minus
certam esse, quod ea non cernantur, quæ nobis cre-
denda fides proponit. etenim diuinum lumen, quo
ea percipimus, tametsi rebus perspicuitatem non as-
ferat, nos tamen de his dubitare non sinit. Deus
enim, qui dixit de tenebris lucem splendescere, ipse
illuxit in cordibus nostris, ut non sit nobis opertum
euangelium, sicut ijs, qui pereunt. Iam uero, ex

1. Cor. 4.

is, quæ dicta sunt, consequitur, eum; qui cælesti hac fidei cognitione præditus est, inquirendi curiositate liberum esse. Deus enim cum iussit nos credere, non diuina iudicia scrutanda, eorumque rationem, & causam perquirendam nobis proposuit, sed immutabilem fidem præcepit, quæ efficit, ut animus in æterna ueritatis notitia conquiescat. Ac profecto cum Apostolus testetur; Deus uerax est, omnis autem homo mendax; si arrogantis, & impudentis hominis est, graui, ac sapienti uiro aliquid affirmanti fidem non habere, sed præterea urgere, ut, quod dixerit, rationibus; aut testibus probetur: cuius temeritatis, atque adeo stultitiæ fuerit, Dei uoces audientem, cælestis, ac salutaris doctrinæ rationes requirere? fides itaque, seclusa omni non solum ambiguitate, sed etiam demonstrandi studio, tenenda est. Verum illud præterea doceat Parochus, eum, qui dicit CREDO, præterquam quòd intimum mentis suæ assensum declarat, qui interior fidei actus est, debere id, quod animo inclusum habet, aperta fidei professione præferre, summaque alacritate palam fateri, ac predicare. Oportet enim fideles eum spiritum habere, quo fretus Propheta dixit; Credidi propter quod locutus sum: imitari apostolos, qui ad principes populi responderunt; Non possumus, quæ uidimus, & audiuius, non loqui: diuini Pauli præclara illa uoce excitari; Non erubescere euangelium: uirtus. n. Dei est in salutem omni credendi. Item

Rom. 3.

Psal. 115.

Aq. 4.
Rom. 10.

Rom. 1.

quo

quo maxime huius sententiæ ueritas confirmatur :
Corde creditur ad iustitiam , ore autem confessio fit
ad salutem .

IN DEVM. Hinc iam Christianæ sapientiæ
dignitatem , & præstantiam , ex eaque , quantum
diuinæ bonitati debeamus , cognoscere licet , quibus
datum est , statim ad rei præstantissimæ , maximeq;
expetendæ cognitionem quasi fidei gradibus ascen-
dere . In hoc enim multum inter se differunt Chri-
stiana philosophia , & huius sæculi sapientia , quòd
hæc quidem naturalis tantum luminis ductu ab esse
Eribus , & ab ijs , quæ sensibus præcipiuntur , pau-
latim progressa , non nisi post longos labores uix
tandem inuisibilia Dei contemplatur , primamque
omnium rerum causam & auctorem agnoscit ,
atque intelligit : contra uero illa humanæ mentis
aciem ita exacuit , ut in cælum nullo labore penetra-
re possit , atque diuino splendore collustrata , primum
quidem æternum ipsum luminis fontem , deinde quæ
infra ipsum posita sunt , intueri ; ut nos uocatos esse
de tenebris in admirabile lumen , quod est apud apo-
stolorum Principem , cum summa animi iucundita-
te experiamur , & credentes exultemus lætitia ine-
narrabili . Recte igitur fideles primo se in Deum
credere profitentur , cuius maiestatem ex Hieremiæ
sententia incomprehensibilem esse dicimus : Lucem
enim , ut ait Apostolus , inhabitabat inaccessibilem ,
quem nullus hominum uidit , sed nec uidere potest .
Cum enim ad Moysen loqueretur , Non uidebit me ,
inquit .

1. Pet. 1.

Hier. 32.
1. Tim. 6.

1. Cor. 13.

1. Cor. 13.

inquit, homo, uiuet. Nam ut mens nostra ad Deum, quo nihil est sublimius, perueniat, necesse est eam omnino à sensibus abstractam esse; cuius rei facultatem in hac uita naturaliter non habemus.

Sed quamuis hæc ita sint, non reliquit tamen Deus, Aa. 14.

ut inquit Apostolus, semetipsum sine testimonio bene faciens, de cælo dans pluuias, & tempora fructifera, implens cibo, & lætitia corda hominum.

Quæ causa fuit philosophis nihil abiectum de Deo sentiendi, & quidquid corporeum, quidquid concretum, & admissum est, ab eo longissime remouendi; cui etiam bonorum omnium perfectam uim, & copiam tribuerunt, ut ab eo, tamquam à perpetuo quodam, & inexhausto fonte bonitatis, ac benignitatis, omnia ad omnes creatas res, atque naturas perfecta bona dimanent; quem sapientem, ueritatis auctorem, & amantem, iustum, beneficentissimum, & alijs nominibus appellauerunt, quibus summa, & absoluta perfectio continetur; cuius immensam, & infinitam uirtutem, omnem complementem locum, & per omnia pertinentem esse dixerunt. Hoc ex diuinis litteris longe melius constat, & illustrius, ut illo loco, Spiritus est Deus:

Ioan. 4.
Matth. 5.

item, Esote uos perfecti, sicut & Pater uester cælestis perfectus est: tum, Omnia nuda, & aperta sunt oculis eius: & illud, O altitudo diuitiarum sapientię, & scientię Dei: deinde, Deus uerax est: & Ego sum uia, & ueritas, & uita: præterea, Iustitia plena est dextera tua: denique, Aperis tu

ad Heb. 4.
Rom. 11.
Rom. 3.
Ioan. 14.
Psal. 47.

E manum

Psal. 144.
Psal. 138.

Hiere. 23.

Heb. 11.

manum tuam, & impleas omne animal benedictione: postremo, Quo ibo à spiritu tuo, & quo à facie tua fugiam? & Si ascendero in calum, tu illic es: si descendero in infernum, ades: si sumpsero pennas meas diluculo, & habitauero in extremis maris &c. & Numquid non calum, & terram ego impleo, dicit Dominus? Magna, & præclara hæc sunt, quæ de Dei natura sacrorum librorum auctoritate consentanea, & consequentia ex rerum effectarum inuestigatione philosophi cognouerunt. quamquam in eo etiam celestis doctrinæ necessitatem cognoscimus, si animaduertamus, fidem non solum hoc præstare, quemadmodum supra dictum est; ut, quæ uiri tantum sapientes longo studio consecuti sunt, ea rudibus quoque, & imperitis hominibus statim pateant, atque in promptu sint; uerum, ut rerum notitia, quæ fidei disciplina comparatur, multo certior, atque ab omni errore purior in mentibus nostris insideat, quàm si eas ipsas res, humanæ scientiæ rationibus comprehensas, animus intelligeret. Sed quanto præstantior diuini numinis cognitio censenda est, ad quam non communiter omnibus naturæ contemplatio, sed proprie credentibus fidei lumen aditum patefecit? hæc autem Symboli articulis continetur, qui nobis diuinæ essentiæ unitatem, & trium personarum distinctionem, tum uero ipsum Deum esse ultimum hominis finem aperiunt, à quo celestis, æternæque beatitudinis possessio expectanda sit: siquidem à diuo Paulo dicimus, Deum inquiren-

quirentibus se remuneratorem esse. Hæc quanta sint, & an eius generis sint bona, ad quæ humana cognitio aspirare potuerit. multo ante eundem Apostolum Isaias propheta his uerbis ostendit: *A sæculo non audierunt, neque auribus perceperunt: oculus non uidit, Deus, absque te, quæ præparasti expectantibus te.* 1. Cor. 2. Isa. 64.

Sed ex ijs, quæ diximus, unum etiam Deum esse, non plures Deos, confitendum est. nam cum Deo summam bonitatem, & perfectionem tribuamus; fieri non potest, ut id, quod summum, atque absolutissimum est, inueniatur in pluribus. Quod si cui aliquid ad summum deest, eo ipso imperfectus est: quare nec Dei natura illi conuenit. hoc autem multis sacrarum litterarum locis comprobatur. scriptum est enim: *Audi Israel: Dominus Deus noster, Deus unus est.* Præterea est Domini iussu: *Non habebis Deos alienos coram me.* deinde per Prophetam sæpe admonet: *Ego primus, & ego nouissimus, & absque me non est Deus.* Apostolus etiam palam testatur: *Vnus Dominus, una fides, unum baptisma.* Neque uero nos moueat, quod interdum sacræ litteræ Dei nomen creantis etiam naturis imponunt. Nam quod prophetas, & iudices deos appellarunt, non gentium more factum est, quæ sibi plures deos stulte, & impie finxerunt, sed quadam loquendi consuetudine significare uoluerunt excellentem aliquam uirtutem, uel functionem, quæ Dei munere illis concessa sit, Vnum solum Deum esse, non plures. Deut. 6. Exod. 20. Eccl. 48. 41. Eph. 4.

Deum igitur natura, substantia, essentia unum, quemadmodum ad confirmandam ueritatem in Symbolo Niceni Concili dictum est, Christiana fides credit, & profitetur, sed alius etiam ascendens ita unum intelligit, ut unitatem in trinitate, & trinitatem in unitate ueneretur: de quo nobis mysterio, nunc dicere incipiendum est. sequitur enim in Symbolo, P A T R E M. sed quoniam Patris uox non una ratione Deo tribuitur, illud prius declarandum erit, quæ sit magis propria huius loci significatio. Deum nonnulli etiam, quorum tenebris fides lucem non attulit, æternam substantiam esse intellexerunt, à qua res ortæ essent, & cuius prouidentia omnia gubernarentur, suumque ordinem, & statum conseruarent. Ex humanis igitur rebus ducta similitudine, quemadmodum eum, à quo familia propagata est, & cuiusque consilio, & imperio regitur, patrem uocabant: ita hac ratione factum est, ut Deum, quem omnem rerum opificem, & rectorem agnoscebant, Patrem appellari uoluerunt. eodem nomine sacræ etiam litteræ usæ sunt, cum de Deo loquentes uniuersorum creationem, potestatem, admirabilemque prouidentiam ei tribuendam indicarent. legimus enim: Numquid non ipse est pater tuus, qui possedit te, & fecit, & creauit te? & alibi: Numquid non pater unus omnium nostrum? Numquid non Deus unus creauit nos? At uero multo frequentius, & peculiari quodam nomine, præsertim in noui testamenti libris, Deus pater

Deut. 32.

Malach. 2.

Roma. 8.

ter Christianorum dicitur, qui non acceperunt spiritum seruitutis in timore, sed acceperunt spiritum adoptionis filiorum Dei, in quo clamant, Abba pater: eam enim charitatem dedit nobis pater, ut filij Dei nominemur, & simus: quod si filij, & heredes, heredes quidem Dei, coheredes autem Christi, qui est primogenitus in multis fratribus, nec confunditur uocare nos fratres: Siue igitur communem creationis, & providentiæ, siue præcipuam spiritualis adoptionis causam spectes, merito fideles Dei patrem se credere profitentur.

1. Ioan. 3.
Rom. 8.

Hebr. 2.

Verum præter eas notiones, quas explicauimus, Patris nomine audito, ad altiora mysteria mentem erigendam esse Parochus docebit. Quod enim in luce illa inaccessibili, quam inhabitat Deus, magis reconditum, & abstrusum est, quodque humana ratio, & intelligentia non consequi, aut ne suspicari quidem poterat, id Patris uocabulo diuina oracula nobis aperire incipiunt. Indicat autem hoc nomen, in una diuinitatis essentia non unam tantum personam, sed personarum distinctionem credendam esse. Tres enim sunt in una diuinitate persone, Patris, qui à nullo genitus est; Filij, qui ante omnia secula à patre genitus est; spiritus sancti, qui itidem ab æterno ex patre, & filio procedit. Atqui pater est in una diuinitatis substantia, primæ persona, qui cum unigenito filio suo & spiritu sancto unus est Deus, unus est Dominus, non in unius singularitate personæ, sed in

Pia meditatio circa nomen pater in diuinis, & de personarum proprietatibus.

unius Trinitate substantiæ. Iam uero hæ tres personæ, cum in ijs quidquam dissimile, aut dispar cogitare nefas sit, suis tantummodo proprietatibus distinctæ intelliguntur. Pater siquidem ingenuus est: Filius à patre genitus: Spiritus sanctus ab utroque procedit. Atque ita trium personarum eandem essentiam, eandem substantiam confitemur; ut in confessione ueræ, sempiternæque deitatis, & in personis proprietatem, & in essentia unitatem, & in Trinitate æqualitatem pie & sancte colendam credamus. Nam quod patris primam esse personam dicimus, hoc non ita accipiendum est, perinde ac si aliquid in Trinitate prius aut posterius, maius aut minus cogitemus. absit enim hæc à fidelium mentibus impietas, cum eandem æternitatem, eandem gloriæ maiestatem in tribus personis Christiana religio prædicet. Sed patrem propterea quod ipse sit principium sine principio, primam esse personam, uerè, & sine ulla dubitatione affirmamus; quæ quidem uti patris proprietate distincta est, ita in unam illam præcipue hoc conuenit, quod filium ab æterno genuerit: semper enim Deum simul & patrem fuisse, nobis significatio, cum Dei, & patris nomina coniuncta in hac confessione pronunciamus. Verum quoniam in nullius rei quàm huius omnium altissimæ, ac difficillimæ notitia, atque explicatione, aut periculosius uersari, aut grauius errare possumus; doceat Parochus, religiose retinenda esse essentia, & personæ propria uocabula, quibus hoc mysterium significatur, &

sciant

sciant fideles unitatem esse in essentia, distinctionem
 autem in personis. Sed hæc subtilius exquirere nihil
 oportet, cum meminerimus illius uocis: Qui scri- Prou. 23.
 tator est maiestatis, opprimetur à gloria: satis enim
 uideri debet, quod fide certum, & exploratum
 habeamus, nos à Deo (cuius oraculis non assentiri,
 extrema stultitiæ, atque miseriæ est) ita edoctos
 esse. Docete, inquit, omnes gentes, baptizantes Math. 22.
 eos in nomine patris, & filij, & spiritus sancti. rur-
 sus, Tres sunt, qui testimonium dant in celo, pa-
 ter, uerbum, & spiritus sanctus, & hi tres unum 1. Ioan. 3.
 sunt. Oret tamen assidue, ac precetur Deum, & pa-
 trem, qui uniuersa ex nihilo condidit, disponitque
 omnia suauiter, qui dedit nobis potestatem filios
 Dei fieri, qui Trinitatis mysterium humanæ menti
 patefacit: oret, inquam, sine intermissione, qui
 diuino beneficio hæc credit, ut aliquando in æterna
 tabernacula receptus dignus sit, qui uideat, quæ tan-
 ta sit Dei patris sæcunditas, ut se ipsum intuens, at-
 que intelligens, parem & æqualem sibi filium gi-
 gnat; quoue modo duorum idem plane & par cha-
 ritatis amor, qui spiritus sanctus est, à patre &
 filio procedens, genitorem, & genitum æterno, atque
 indissolubili uinculo inter se connectat; atque ita di-
 uinæ trinitatis una sit essentia, & trium personam
 perfecta distinctio.

OMNIPOTENTEM. Solent sacræ litteræ multis no-
 minibus Dei summā uim, & immensam maiestatem ex-
 plicare, ut ostendant quāta religione & pietate illius

Gen. 17.

Gen. 43.

Apoc. 1.

Num. 11.

Luc. 1.

Sap. 12.

sanctissimum numen colendum sit : sed in primis doceat Parochus , illi omnipotentem uim frequentissime tribui. Ipse enim de se dicit, Ego dominus omnipotens . & rursus Iacob, cum filios ad Ioseph mitteret, ita illis precatus est : Deus autem meus omnipotens faciat uobis eum placabilem. deinde uero in Apocalypsi scriptum est, Dominus Deus, qui est, & qui erat, & qui uenturus est omnipotens. & alibi, Dies magnus Dei omnipotentis appellatur. Nonnumquam etiam pluribus uerbis illud idem significari solet. Atque huc pertinet, quod dicitur : Non erit impossibile apud Deum omne uerbum. Numquid manus Domini inualida est ? item, Subest tibi, cum uolueris, posse. & alia generis eiusdem. ex quibus uarijs dicendi formis id percipitur, quod uno omnipotentis uerbo comprehendendi perspicuum est. Intelligimus autem hoc nomine, nihil esse, nihil animo, & cogitatione fingi posse, quod Deus efficere nequeat. etenim non solum hæc, quæ tametsi maxima sunt, aliquo tamen modo in cogitationem nostram cadunt, efficiendi potestatem habet, nimirum, ut omnia ad nihilum recidant, atque ut plures mundi ex nihilo repente existant, uerum etiam multa maiora in illius potestate sita sunt, quæ humana menti, & intelligentiæ suspicari non licet. Neque uero, cum omnia Deus possit, mentiri tamen, aut fallere, aut falli, aut peccare, aut interire, aut ignorare aliquid potest. hæc enim in eam uaturam cadunt, cuius imperfecta actio est : Deus uero, cuius perse-

ctissima

Elissima semper est actio, ideo hec non posse dicitur, quia, posse ea, infirmitatis est, non summa, & infinita omnium rerum potestatis, quam ille habet. Ita igitur Deum omnipotentem esse credimus, ut ab eo tamen longe omnia abesse cogitemus, quæ perfectæ eius essentiæ maxime coniuncta, & convenientia non sunt.

Recte autem, sapienterque factum Parochus ostendat, ut, prætermittis alijs nominibus, quæ de Deo dicuntur, hoc unum nobis credendum in Symbolo proponeretur. Nam cum Deum omnipotentem agnoscimus, simul etiam fateamur necesse est, eum omnium rerum scientiam habere, omnia item eius ditioni, & imperio subiecta esse. Cum uero, omnia ab eo fieri posse, non dubitemus; consequens omnino est, ut cetera etiam explorata de illo habeamus; quæ si desint, quo modo omnipotens sit, prorsus intelligere non possumus. Præterea nulla res tam ad fidem, & spem nostram confirmandam ualeat, quam si fixum in animis nostris teneamus, nihil non fieri à Deo posse: quidquid enim deinceps credere oporteat, quamvis magnum, & admirabile sit, rerumque ordinem, ac modum superet, illi tamen facile humana ratio, postquam Dei omnipotentis notitiam perceperit, sine ulla hesitatione assentitur: quin potius, quo maiora sint, quæ diuina oracula doceant, eo libentius fidem eis habendam esse existimat. Quod si boni etiam aliquid expectandum sit, numquam animus rei magnitudine,

quàm

Fides de
omnipotētia
Dei quā
necessaria
& utilis.;

9

quam exoptat, frangitur, sed erigit sese, atque confirmat, sæpe illud cogitans, nihil esse, quod ab omnipotenti Deo effici non possit. Quare hac fide præcipue munitos nos esse oportet, uel cum admiranda aliqua opera ad proximorum usum, & utilitatem edere cogimur, uel cum à Deo precibus impetrare aliquid uolumus. Alterum enim ipse dominus docuit, cum apostolis incredulitatem obijciens diceret: Si habueritis fidem, sicut granum sinapis; dicetis monti huic, transi hinc illuc; & transibit; & nihil impossibile erit uobis. De altero autem sanctus Iacobus ita testatus est: Postulet in fide nihil hæsitans. qui enim hæsitat, similis est fluctui maris, qui à uento mouetur, & circumfertur. non ergo aestimet homo ille, quod accipiat aliquid à Domino. Multa præterea hæc fides commoda, atque utilitates nobis præbet, in primis uero ad omnem animi modestiam, & humilitatem nos instituit: sic enim inquit Princeps apostolorum: Humiliamini sub potenti manu Dei. Monet etiam non esse trepidandum, ubi non sit timor, sed unum Deum timendum esse, in cuius potestate nos ipsi, nostraq; omnia posita sint. ait enim Saluator noster: Ostendam uobis, quem timeatis. Timete eum, qui postquam occiderit, habet potestatem mittere in gehennam.

Utinam deinde hac fide ad immensa erga nos Dei beneficia cognoscenda, & celebranda. Nam qui

qui Deum omnipotentem cogitat, tam ingrato animo esse non potest, quin sapius exclamet: Fecit mihi magna, qui potens est. Sed quoddam patrem omnipotentem in hoc articulo uocamus, neminem eo errore duci oportet, ut arbitretur ita illi hoc nomen tributum esse, ut filio etiam, & spiritui sancto commune non sit. Nam quemadmodum Deum patrem, Deum filium, Deum spiritum sanctum, neque tamen tres Deos, sed unum Deum esse dicimus: ita æque patrem, ac filium, & spiritum sanctum omnipotentem, neque tamen tres omnipotentes, sed unum omnipotentem esse confitemur. At uero, præcipua quadam ratione, patrem, quia omnis originis fons est, hoc nomine uocamus, uti etiam filio, qui æternum patris uerbum est, sapientiam, & spiritui sancto, quia utriusque amor est, bonitatem tribuimus; quamuis hæc, & alia huiusmodi nomina communiter in tribus personis, ex catholica fidei regula, dicantur.

CREATOREM CAELI, ET TERRÆ.

Quàm necessarium fuerit, omnipotentis Dei cognitionem paulo ante fidelibus tradi, ex ijs quæ nunc de uniuersorum creatione explicanda erunt, perspicui potest. Tanti enim operis miraculum facilius creditur, quoddam nullus de immensa creatoris potestate dubitandi locus relinquitur. Deus enim non ex materia aliqua mundum fabricatus est, sed ex nihilo

nihilo creauit, idque nulla uī, aut necessitate co-
actus, sed sua sponte, & uoluntate instituit. Neq;
uero ulla alia fuit causa, quæ illum ad opus creatio-
nis impelleret, nisi ut rebus, quæ ab ipso effecte es-
sent, bonitatem suam impertiretur. nam Dei natu-
ra, ipsa per se beatissima, nullius rei indigens est,
ut inquit Dauid: Dixi domino, Deus meus es tu,
quoniam bonorum meorum non eges. Quemadmo-
dum autem sua bonitate adductus, quæcumque uo-
luit, fecit: ita non exemplum aliquod, aut for-
mam, quæ extra se posita esset, cum uniuersa conde-
ret, secutus est; uerum quia rerum omnium exem-
plar in diuina intelligentia continetur, id summus ar-
tifex in se ipso intuens, ac ueluti imitatus summa sa-
pientia, & infinita uirtute, quæ ipsius propria est, re-
rum uniuersitatem initio procreauit: Ipse enim di-
xit, & facta sunt: ipse mandauit, & creata sunt.
Verum cæli, & terræ nomine, quidquid cælum, &
terra complectitur, intelligendum est. Nam præ-
ter cælos, quos opera digitorum eius Propheta ap-
pellauit, solis etiam splendorem, lunæque & cetero-
rum siderum ornatum addidit, atque, ut essent in-
signa, & tempora, & dies, & annos, ita calorū or-
bes certo, & constanti cursu temperauit, ut nihil per-
petua eorum conuersione mobilius, nihil mobilitate
illa certius uideri possit.

Psal. 15.

Psal. 148.

Psal. 8.

Præterea spiritualement naturam, innumerabi-
lesque angelos, qui Deo ministrarent, atque adsi-
sterent, ipse ex nihilo creauit, quos deinde admi-

Decoratio-
ne Angelo-
rum mundi
uisibilis, &

y-bili

rabili gratia sua, & potestatis munere auxit, ^{ipſius homi-}
 atque ornauit. Nam cum illud ſit in diuinis litte- ^{nis.}
 ris, Diabolum in ueritate non ſteſſiſſe: perſpicuum ^{Ioan. 8.}
 eſt, eum, reliquosque deſertores angelos ab or-
 tus ſui initio gratia præditos fuiſſe. de quo ita eſt
 apud ſanctum Auguſtinum: Cum bona uoluntate, ^{Aug. li. 22.}
 ideſt, cum amore caſto, quo illi adhærent, angelos ^{de Ciuita.}
 creauit, ſimul in eis & condens naturam, & lar- ^{Dei cap. 9.}
 giens gratiam. Unde ſine bona uoluntate, hoc eſt Dei
 amore, numquam ſanctos angelos fuiſſe credendum
 eſt. Quòd autem ad ſcientiam attinet, extat il-
 lud ſacrarum litterarum teſtimonium: Tu domine ^{2. Reg. 14.}
 mi rex ſapiens es, ſicut habet ſapientiam angelus
 Dei, ut intelligas omnia ſuper terram. Potesta- ^{Pſal. 108.}
 ſem denique eis tribuit diuinus Dauid illis uerbis:
 Potentes uirtute, facientes uerbum illius. atque
 ob eam rem ſæpe in ſacris litteris uirtutes, & exer-
 citus Domini appellantur. Sed quamuis omnes in
 celeſtibus donis ornati fuerint, plurimi tamen, qui
 à Deo parente, & creatorem ſuo deſecerunt, ex al-
 tiſſimis illis ſedibus deturbati, atque in obſcuriſſi-
 mum terræ carcerem incluſi, æternas ſuperbiæ ſuæ
 pœnas luunt: de quibus Princeps apoſtolorum ſcri-
 bit in hunc modum: Angelis peccantibus non peper-
 cit, ſed rudentibus Inferni detractos in Tartarum ^{2. Pet. 2.}
 tradidit cruciandos, in iudicium reſeruari.

At uero terram etiam ſuper ſtabilitatem ſuam
 fundatam Deus uerbo ſuo iuſſit in media mundi par- ^{Pſal. 103.}
 te conſiſtere, effecitque ut aſcenderent montes, &
 deſcenderent

descenderent campi in locum, quem fundauit eis :
ac, ne aquarum uis illam mundaret, terminum po-
suit, quem non transgredientur, neque conuertentur
operire terram. Deinde non solum arboribus,
omniq̃ue herbarum, & florum uarietate conuesti-
uit, atque ornauit, sed innumerabilibus etiam ani-
mantium generibus, quemadmodum antea aquas,
& aera, ita etiam terras compleuit. Postremo,
ex limo terræ hominem sic corpore affectum, & con-
stitutum effinxit, ut non quidem naturæ ipsius ui,
sed diuino beneficio immortalis esset, & impassibi-
lis. Quod aut ad animam pertinet, eum ad imagi-
nem, & similitudinem suam formauit, liberumq̃ ei
arbitrium tribuit: omnes præterea motus animi;
atque appetitiones ita in eo temperauit, ut rationis
imperio numquam non parerent. Tum originalis
iustitiæ admirabile donum addidit, deinde cæte-
ris auimantibus præesse uoluit: quæ quidem facile
erit Parochis ad fidelium institutionem ex sacra Ge-
nesis historia cognoscere. Hæc igitur de uniuerso-
rum creatione, cæli, & terræ, uerbis intelligenda
sunt: quæ omnia breuiter quidem Propheta com-
plexus est illis uerbis: Tui sunt cæli, & tua est terra:
orbem terræ, & plenitudinem eius tu fundasti: sed
multo etiam breuius Patres Niceni Concilij, ad-
ditis in Symbolo duobus illis uerbis, uisibilem, &
inuisibilem, significauerunt. Quæcumque enim
rerum uniuersitate comprehenduntur, atque à
Deo creata esse confitemur, ea uel sub sensum ca-
dunt,

dunt, & uisibilia dicuntur, uel mente, & intelligentia percipi à nobis possunt, quæ inuisibilium nomine significantur. Nec uero ita Deum creatorem, atque effectorem omnium credere oportet, ut existimemus, perfecto, absolutoque opere, ea, quæ ab ipso effecta sunt, deinceps sine infinita eius uirtute constare potuisse. Nam quemadmodum, omnia ut essent, creatoris summa potestate, sapientia, & bonitate effectum est; ita etiam, nisi conditis rebus perpetua eius prouidentia adesset, atque eadem ui, qua ab initio constituta sunt, illas conseruaret, statim ad nihilum reciderent. atque id scriptura declarat, cum inquit: Quo modo posset aliquid permanere, nisi tu uoluisses, aut, quod à te uocatum non esset, conseruaretur? Non solum autem Deus uniuersa, quæ sunt, prouidentia sua tueretur, atque administrat, uerum etiam, quæ mouentur, & agunt aliquid, intima uirtute ad motum, atque actionem ita impellit, ut, quamuis secundarum causarum efficientiam non impediat, præueniat tamen, cum eius occultissima uis ad singula pertineat, & quemadmodum sapiens testatur: Attingat à fine usque ad finem fortiter, & disponat omnia suauiter. Quare ab Apostolo dictum est, cum apud Athenienses enunciaret Deum, quem ignorantes colebant: Non longe est ab unoquoque nostrum. in ipso enim uiuimus, & mouemur, & sumus. Atque hæc de primi articuli explicatione satis fuerint; si tamen illud etiam admonuerimus

Sap. 11.

Sap. 8.

Act. 17.

Ioan. 1.
Gen. 1.

nuerimus, creationis opus omnibus sanctæ & indiuiduæ Trinitatis personis commune esse. Nam hoc loco, ex apostolorum doctrina, patrem creatorem cæli, & terræ confitemur: in scripturis sacris legimus de filio, Omnia per ipsum facta sunt: & de Spiritu sancto, Spiritus Domini ferebatur super aquas: & alibi, Verbo Domini cæli firmati sunt, & spiritus oris eius omnis uirtus eorum.

Psal. 31.

ET IN IESVM CHRISTVM, FILIVM
EIVS VNICVM, DOMINVM NOSTRVM.

Ioan. 4.

Mirificam, & uberrimam esse utilitatem, quæ ex huius articuli fide, & confessione confluit ad humanum genus, & illud sancti Ioannis testimonium ostendit: Quisquis confessus fuerit, quoniam Iesus est filius Dei, Deus in eo manet, & ipse in Deo: & beatitudinis præconium declarat, quod à Christo domino tributum est Principi apostolorum. Beatus es

Matth. 16.

Simon Bar Iona, quia caro, & sanguis non reuelauit tibi, sed pater meus, qui in cælis est. Hoc enim fundamentum firmissimum est nostræ salutis, ac redemptionis. Sed quoniam admirabilis huius utilitatis fructus maxime ex felicissimi illius status ruina intelligitur, in quo Deus primos homines collocarat; incumbat in hanc curam Parochus, ut fideles communium miseriarum, & ærumnarum causam cognoscant. Cum enim à Dei obedientia descisisset Adam, interdictumque uiolasset illud, Ex omni ligno paradisi comede, de ligno autem scientiæ boni, & mali ne comedas: in quocumque enim

Gen. 3.

die

dit comederis ex eo, morte morieris: in summam illam incidit calamitatem, ut sanctitatem, & iustitiam, in qua constitutus fuerat, amitteret, & reliqua subiret mala, quæ sancta Tridentina Synodus uberius explicauit. Propterea uero peccatum, & peccati pœnam in uno Adam non constituisse commemorabunt, sed ex eo, tamquam ex semine, & causa, ad omnem posteritatem iure permanasse. Cum igitur ex altissimo dignitatis gradu concidisset nostrum genus, subleuari inde, & in pristinum locum restitui nullo modo poterat hominum aut angelorum uiribus: quare reliquum erat illud ruinæ, & malorum subsidium, ut Dei filij infinita uirtus, assumpta carnis nostræ imbecillitate, infinitam tolleretur peccati uim, & nos reconciliaret Deo in sanguine suo. Huius autem redemptionis fides, & confessio hominibus ad salutem consequendam necessaria est, semperque fuit, quam Deus initio præmonstrauit. nam in illa damnatione humani generis, quæ statim peccatum consecuta est, ostensa etiam spes redemptionis est illis uerbis, quibus proprium Diabolo damnum, quod ex liberatione hominum facturus erat, denunciavit: Inimicitias ponam inter te, & mulierem, semen tuum, & semen illius: ipsa conteret caput tuum, & tu insidiaberis calcaneo eius. Et deinceps eandem promissionem sæpe confirmauit, maioremque sui consilij significationem ijs præsertim hominibus dedit, quibus uoluit singularem beneuolentiam præstare. inter ceteros uero.

Cone. Tri-
dent.

9

Gen. 3.

C cum

Gen. 21.

tum patriarchæ Abrahamæ sæpenumero hoc mysterium significasset, tum eo tempore apertius declarauit, cum illo Dei iussis obediens, filium suum unicum Isaac immolare uoluit: ait enim: Quia fecisti hanc rem, & non pepertisti filio tuo unigenito, benedicam tibi, & multiplicabo semen tuum sicut stellas cæli, & uelut arenam, quæ est in littore maris. possidebit semen tuum portas inimicorum tuorum, & benedicentur in semine tuo omnes gentes terræ, quia obedisti uoci meæ. Ex quibus uerbis facile colligi poterat, ex progenie Abrahamæ futurum, qui omnibus ab immanissima Satana tyrannide libertatis salutem afferret. illum autem Dei filium, natum ex semine Abrahamæ, secundum carnem fore necesse erat. Non ita multo post Dominus, ut eiusdæ promissionis memoria conseruaretur, idem sædus

Gen. 28.

cum Iacob Abrahamæ nepote sanciuir. nam cum ille in fomnis uidit scalā stantem super terrā, & cacumen illius tægens cælos, angelos quoque Dei ascendentes & descendentes per eam, ut testatur scriptura; audiuit etiam Dominum innixum scale, dicentē sibi: Ego

Gen. 28.

sum dominus Deus Abraham patris tui, & Deus Isaac. terram, in qua dormis, tibi dabo, & semini tuo: eritq. semen tuum quasi puluis terræ. Dilataberis ad orientem, & occidentem, & septentrionē, & meridiem, & benedicentur in te, & in semine tuo cū tæ tribus terræ. Neque postea destitit Deus, eadē sui promissi memoria renouāda, & generi Abrahamæ, & multis præterea hoīnibus Saluatoris expecta-
tionem

tionem commouere: siquidem Iudaeorum republica,
 & religione constituta, notior populo suo fieri co-
 pit. nam & mutae res significarunt, & homines
 praedixerunt, quae, & quanta nobis bona saluator
 ille, & redemptor noster Christus Iesus allaturus
 esset. Ac propheta quidem, quorum mens cele-
 sti lumine illustrata fuit, filij Dei ortum, admira-
 bilia opera, quae homo natus efficit, doctrinam,
 mores, consuetudinem, mortem, resurrectionem,
 ceteraq. eius mysteria, haec omnia, quasi tum ades-
 sent, palam docentes, populo praenunciarent; ita
 ut, si futuri, & praeteriti temporis tollatur diuer-
 sitas, nihil iam inter prophetarum praedicta, &
 apostolorum praedicationem, nihil inter ueterum pa-
 triarcharum fidem, & nostram interesse uideamus.
 Sed iam de singulis articuli partibus dicendum ui-
 detur.

IESVS, proprium est nomen eius, qui Deus,
 & homo est, & quod saluatorem significat, non qui-
 dem fortuito, aut hominum iudicio, & uolunta-
 te, sed Dei consilio, & praeepto illi impositum.
 Angelus enim Mariae matri ita annunciauit: Ec-
 ce concipies in utero, & paries filium, & uoca-
 bis nomen eius Iesum. Ac deinde Ioseph uirgi-
 nis sponso non solum, ut eo nomine puerum ap-
 pellaret, praecipit, sed etiam, cur ita nominan-
 dus esset, declarauit: ait enim: Ioseph, fili Da-
 uid, noli timere accipere Mariam coniugem tuam:
 quod enim in ea natum est, de spiritu sancto est:

Math. i.

Luc. i.

pariet autem filium, & uocabis nomen eius Iesum : ipse enim saluum faciet populum suum à peccatis eorum . Ac multi quidem hoc nomine fuerunt in diuinis litteris : nam idem nomen Naue filio fuit , qui Moyse successit , & populum à Moyse ex Aegypto liberatum , in terram promissionis , quod illi negatum fuerat , deduxit . Eodem etiam nomine Iosedec , sacerdotis filius appellatus est . Sed quanto uerius saluatorem nostrum hoc nomine appellandum existimabimus ; qui non uni alicui populo , sed uniuersis omnium ætatum hominibus , non quidem fame , aut Aegyptiaco , uel Babylonico dominatu oppressis , sed in umbra mortis sedentibus , & durissimis peccati , & Diaboli uinculis obstrictis , lucem , libertatem , & salutem dederit ; qui eis celestis regni ius , & hereditatem acquisiuerit ; qui eos Deo patri reconciliauerit . in illis Christum dominum adumbratum uidemus , à quo ijs beneficijs , quæ diximus , cumulatum est genus humanum . Quæ præterea nomina prædicta sunt Dei filio diuinitus imponenda , ad unum hoc Iesus nomen referuntur . cum enim cetera salutem , quam nobis daturus erat , aliqua ex parte attingerent , hoc ipsum uniuersæ salutis humanæ uim , rationemq; complexum est .

Iesus Christi
 rex, &
 sacerdos, &
 propheta
 summus.

Iesus nomini, Christi etiam nomen additum est , quod unctum significat , & honoris, & officij nomen est, nec unius rei proprium, sed cōmune multorum . nam ueteres illi Patres nostri Christos appellabant sacerdotes , & reges , quos Deus propter muneris dignitatem

dignitatem ungi præceperat. Sacerdotes enim ij
 sunt, qui populum assiduis precibus Deo commen-
 dant, qui sacrificia Deo faciunt, qui pro populo de
 precantur. Regibus autem populorum governa-
 tio commissa est; ad eosque pertinet maxime, le-
 gum auctoritatem innocentium vitam tueri, & no-
 centium audaciam ulcisci. Quoniam igitur utraq;
 harum functionum Dei maiestatem referre in ter-
 ris videtur, ideo qui uel ad regium, uel ad sacer-
 dotale munus obeundum delecti erant, unguento
 ungebantur. Prophetas etiam ungendi mos fuit,
 qui Dei immortalis interpretes, & internuncij ca-
 lestia arcana nobis aperuerunt, atque ad emendan-
 dos mores salutaribus præceptis, & futurorum præ-
 dictione hortati sunt. At uero cum Iesus Christus,
 Saluator noster, in mundum uenit, trium persona-
 rum partes, & officia suscepit, propheta, sacer-
 dotis, ac regis, atque ob eas causas Christus dictus
 est, & unctus ad illorum munerum functionem,
 non quidem alicuius mortalis opera, sed celestis
 patris uirtute, non terreno unguento, sed spiritalia
 oleo, quippe cum in sanctissimam eius animam spi-
 ritus sancti plenitudo, gratiaque, & omnium dono-
 rum uberior copia effusa sit, quam ulla alia creatura
 natura capere potuerit. atque id præclare Prophe-
 ta ostendit, cum redemptorem ipsum affatus dice-
 ret: Dilexisti iustitiam, & odisti iniquitatem: propte-
 rea unxit te Deus Deus tuus oleo latitiæ præ con-
 sortibus tuis. Idem etiam, ac multo apertius Isaias

Psal. 45

Isa. 9.

is uerbis demonstrauit: Spiritus Domini super
 me, eo quod unxerit Dominus me, ad annuncian-
 dum mansuetis misit me. Itaque Iesus Christus
 summus propheta, & magister fuit, qui nos Dei
 uoluntatem docuit, & à cuius doctrina orbis terra-
 rum patris caelestis cognitionem accepit: quod ei
 nomen praeclarum, ac praestantius conuenit, quod
 omnes quicumque propheta nomine dignati sunt,
 eius discipuli fuerunt, atque ob illam praecipue cau-
 sam missi, ut prophetam hunc, qui ad saluandos o-
 mnes uenturus erat, praenunciarent. Christus item
 sacerdos fuit, non quidem ex ordine, ex quo in ue-
 teri lege Leuitica tribus sacerdotes extiterunt, ue-
 rum ex illo, de quo Dauid propheta cecinit: Tu es
 sacerdos in aeternum secundum ordinem Melchise-
 dec. Cuius rei argumentum Apostolus ad Hebraeos
 scribens, accurate persecutus est. sed Christum,
 non solum ut Deus, uerum ut homo, ac nostra na-
 tura particeps est, regem etiam agnoscimus; de
 quo angelus testatus est: Regnabit in domo Iacob
 in aeternum, & regni eius non erit finis. Quod
 quidem Christi regnum spirituale est, atque aeter-
 num, in terrisque inchoatur, in caelo perficitur. Ac
 regis quidem officia admirabili prouidentia suae
 praestat Ecclesiae: ipse eam regit, ipse ab hostium
 impetu, atque insidijs tuetur: ipsi ei leges praescribit:
 ipse non solum sanctitatem, iustitiam largitur, ue-
 rum etiam ad perseuerandum facultatem, & ui-
 res praebet. quamquam autem huius regni finibus
 tam

Psal. 109.

Hebr. 5.7.

Luc. 1.

tam boni, quàm mali contineantur, atque adeo omnes homines iure ad illud pertineant: ij tamen præ ceteris summam regis nostri bonitatem, & beneficentiam experiuntur, qui ex eius præceptis integram, atque innocentem uitam degunt. neque uero hoc illi regnum hæreditario aut humano iure obtingit, tametsi genus à clarissimis regibus duceret, sed rex fuit, propterea quod Deus in illum hominem cõtulit quidquid potestatis, amplitudinis, dignitatis hominis natura capere posset. Illi igitur totius mundi regnum tradidit, ei que omnia, quod iã fieri cœptũ est, plene, perfecteque in die iudicii subiicientur.

FILIVM EIVS VNICVM. His uerbis altiora mysteria de Iesu credenda, & contemplanda, fidelibus proponuntur, nimirum filium Dei esse, & uerum Deum, sicut pater est, qui eum ab æterno genuit. præterea illum diuinæ Trinitatis secundam personam alijs duabus omnino æqualem confitemur. nihil enim impar, & dissimile in diuinis personis aut esse, aut fingi animo debet, cum unam omnium essentiam, uoluntatem, potestatem agnoscamus. quod cum multis pateat diuinæ scripturæ oraculis, tum præclarissime illud ostendit sancti Ioannis testimonium: In principio erat uerbum, & uerbum erat apud Deum, & Deus erat uerbum. Sed cum Iesum filium Dei esse audimus, nihil terrenum, aut mortale de eius ortu cogitandum est; uerum ortum illum, quo ab omni æternitate pater filium genuit, quem ratione percipere atq. perfecte

Iſa. 53.

intelligere nullo modo possumus, constanter credere, & summa animi pietate colere debemus, ac ueluti mysterij admiratione obstupesci, illud cum Propheta dicere, Generationem eius quis enarrabit? Hoc igitur credendum est, filium eiusdem esse naturæ, eiusdem potestatis, & sapientiæ cum patre, ut in Symbolo Niceno explicatius confitemur: ait enim: Et in Iesum Christum, filium eius unigenitum, & ex patre natum ante omnia secula, Deum de Deo, lumen de lumine, Deum uerum de Deo uero, Genitum non factum, consubstantialem patri, per quem omnia facta sunt. Ex omnibus autem, quæ ad indicandum modum, rationemque æternæ generationis similitudines afferuntur, illa propius ad rem uidetur accedere, quæ ab animi nostri cogitatione sumitur. quamobrem sanctus Ioannes filium eius Verbum appellat. Vt enim mens nostra, se ipsam quodam modo intelligens, sui effingit imaginem, quam Verbum theologi dixerunt: ita Deus, quantum tamen diuinis humana conferri possunt, se ipsum intelligens, Verbum æternum generat. etsi præstat contemplari, quod fides proponit, & sincera mente Iesum Christum uerum Deum, & uerum hominem credere, & confiteri, genitum quidem, ut Deum, ante omnium seculorum ætates, ex patre; ut hominem uero, natum in tempore, ex matre Maria uirgine. & quamquam duplicem eius natiuitatem agnoscamus, unum tamen filium esse credimus. Una enim persona est, in quâ di-

nina

ina, & humana natura conuenit. Et quod ad diuinam generationem attinet, nullos aut fratres, aut coheredes habet, cum ipse patris unicus filius, nos uero homines figmentum, & opus manuum eius simus. At si humanum ortum consideremus, multos ille non solum fratrum nomine appellat, sed fratrum etiam loco habet, ut una cum eo paternæ hereditatis gloriam adipiscantur. ij sunt, qui fide Christum dominum receperunt, & fidem, quam nomine profitentur, re ipsa, & charitatis officijs præstant. quare primogenitus in multis fratribus ab Apostolo uocatur.

DOMINVM NOSTRVM. Multa sunt, Rom. 8.
quæ de Salvatore nostro in sacris litteris dicuntur; quorum alia, ut Deus est, alia, ut homo, ipsi conuenire perspicuum est; quoniam à diuersis naturis diuersas earum proprietates accepit. Igitur uere dicimus - Christum esse omnipotentem, æternum, immensum: quòd à diuina natura habet. rursus de illo dicimus, passum, mortuum esse, resurrexisse: quæ naturæ hominum conuenire nemo dubitat. Verum, præter hæc, quædam alia utrique naturæ congruunt; ut hoc loco, cum Dominum nostrum dicimus. Igitur si ad utramque naturam hoc nomen referatur, merito Dominus noster prædicandus est. Nam quemadmodum ipse æternus Deus est, uti pater; ita omnium rerum æque dominus est, ac pater. & quemadmodum ipse & pater non est alius, atque alius Deus, sed idem plane Deus est; ita ipse,

& pater non est alius, atque alius dominus. Sed recte etiam multis rationibus, ut homo est, Dominus noster appellatur. Ac primum quidem, quoniam ipse redemptor noster fuit, atque à peccatis nos liberavit, iure hanc potestatem accepit, ut vere

Philipp. 2. Dominus noster esset, ac diceretur. ita enim Apostolus docet: Humiliauit semetipsum, factus obediens usque ad mortem, mortem autem crucis: propter quod & Deus exaltavit illum; & donavit illi nomen, quod est super omne nomen; ut in nomine IESU omne genu flectatur, caelestium, terrestrium, & infernorum: & omnis lingua confiteatur, quia dominus Iesus Christus in gloria est Dei patris. Atque ipse de se post resurrectionem, Data est, inquit, mihi omnis potestas in caelo, & in terra. Ob eam quoque rem Dominus dicitur, quod in una persona duæ naturæ, diuina, & humana, coniunctæ sint. hac enim admirabili coniunctione meruit, ut quamuis pro nobis mortuus non esset, tamen dominus constitueretur communiter quidem omnium rerum, quæ conditæ sunt, præcipue autem fidelium, qui illi parent, atque summo animi studio inserviunt.

Quantum
homo Christi-
anus
Christo de-
beat.

Quod igitur reliquum est, Parochus fidelem populum ad eam rationem cohortabitur, ut sciat acquisitum esse, præ ceteris hominibus nos, qui ab eo nomen inuenimus, Christianique uocamur, & quantæ illi in nos beneficia contulerit, ignorare non possumus, ob id maxime, quod eius munere hæc omnia fide intelligimus; æquum esse, inquam, nos ipsos, non

non secus ac mancipia, redemptori nostro, & domi-
no in perpetuum addicere, & consecrare. Et quidē,
cum baptismo initiaremur, ante ecclesiæ fores id pro-
fessi sumus. declarauimus enim, nos Satanæ, & mun-
do renunciare, & Iesu Christo totos nos tradere.
Quod si, ut Christianæ militiæ adscriberemur, tum
sancta, & solemnī professione nos ipsos Domino no-
stro deuouimus: quo supplicio digni erimus, si, post
quam ecclesiam ingressi sumus, & Dei uoluntatē,
& leges cognouimus; postquam sacramentorum gra-
tiam percepimus; ex mundi, & diaboli præceptis,
ac legibus uixerimus; perinde ac si, cum baptismo
abluti sumus, mundo, & Diabolo, non Christo do-
mino, ac redemptori, nomen dedissemus? Sed cuius
animum amoris facibus non incendat tanti domini
tam benigna, & propensa in nos uoluntas, qui, ta-
met si nos in potestate sua, & dominatu ueluti seruos
sanguine suo redemptos habeat, eā tamen charitatē
complectitur, ut non seruos uocet, sed amicos, sed fra-
tres? Hæc profecto iustissima causa est, atq; haud
scio an omnium sit maxima, cur eū perpetuo debeat-
mus dominū nostrum agnoscere, uenerari, & colere.

P
Ioan. 15.

QUI CONCEPTVS EST DE SPIRITU SAN-
CTO, NATVS EX MARIA VIRGINE.
Maximo quidem & singulari beneficio humanum
genus à Deo affectum esse, qui nos è durissimi ty-
ranni seruitute in libertatem uindictarit, ex ijs, quæ
superiori articulo declarata sunt, intelligere fideles
possunt. At uero si consilium etiā, & rationē, qua
potissi-

7. 225

44 C A T E C H I S M U S
potissimum id efficere uoluit, uobis ante oculos ponamus, profecto nihil diuina in nos beneficentia, ac bonitate illustrius, nihil magnificentius esse uidebitur. Eius igitur mysterij magnitudinem, quod nobis tamquam salutis nostræ præcipuum caput sacræ litteræ considerandum sapissime proponunt, Parochus à tertij articuli explicatione ostendere incipiet: cuius hanc esse sententiam docebit; nos credere, & confiteri, eum ipsum Iesum Christum, unicum dominum nostrum, Dei filium, cum pro nobis humanam carnem suscepit in utero uirginis, non ex uirili semine, ut alij homines, sed supra omnem naturæ ordinem spiritus sancti uirtute conceptum esse, ita ut eadem persona Deus permanens, quod ex æternitate erat, homo fieret, quod antea non erat. Ea autem uerba ita accipienda esse, ex sacri Concilij Constantinopolitani confessione plane perspicitur: ait enim: Qui propter nos homines, & propter nostram salutem descendit de cælis, & incarnatus est de Spiritu Sancto ex Maria uirgine, & homo factus est. Atque id etiam sanctus Ioannes Euangelista explicauit, ut qui ex ipsius Domini Saluatoris pectore altissimi huius mysterij cognitionem hausisset. nam cum diuini uerbi naturam declarasset illis uerbis: In principio erat uerbum, & uerbum erat apud Deum, & Deus erat uerbum: ad extremum conclusit: Et uerbum caro factum est, & habitauit in nobis. Verbum enim, quod diuinæ naturæ hypostasis est, ita humanam naturam

naturam assumpsit, ut una, & eadem esset diuina, & humana naturæ hypostasis, ac persona: quo factum est, ut tam admirabilis coniunctio utriusque naturæ actiones, & proprietates conseruaret, atque, ut est apud sanctum Leonem magnum illum s. Leo. PP. Pontificem, Nec inferiorem consumeret glorificatio, nec superiorem minueret assumptio.

Sed quoniam prætermittenda non est uerborum explanatio, doceat Parochus, cum dicimus, Dei filium spiritus sancti uirtute conceptum esse, unam hanc diuinæ Trinitatis personam incarnationis mysterium non confecisse. Quamuis enim unus filius humanam naturam assumpserit, tamen omnes diuinæ Trinitatis personæ, pater, filius, & Spiritus sanctus, huius mysterij auctores fuerunt. siquidem illa Christianæ fidei regula tenenda est: Omnia quæ Deus extra se in rebus creatis agit, tribus personis communia esse, neque unam magis quam aliã, aut unam sine alia agere. Quodd autem una persona ab alia procedat, hoc unum omnibus commune esse non potest. nam filius à patre tantum generatur, Spiritus Sanctus à patre, & filio procedit. quid quid uero extra illas ab ipsis proficiscitur, tres personæ sine ullo discrimine agunt, atque ex hoc genere filij Dei incarnatio censenda est. Quamquam uero hæc ita se habeant, solent tamen sacra litteræ earum rerum, quæ omnibus personis communes sunt, aliam atijs tribuere; quemadmodum summam omnium rerum potestatem patri, sapientiam filio, spiritus

spiritui sancto amorem adscribunt. Et quoniam diuina incarnationis mysterium singularem, atque immensam Dei erga nos benignitatem declarat, ob eam rem peculiari quadam ratione hoc opus spiritui sancto tribuitur. In hoc mysterio quadam supra naturæ ordinem, quadam naturæ vi effecta esse animaduertimus. Nam, quod ex purissimo uirginis matris sanguine Christi corpus formatum credimus, in eo naturam humanam agnoscimus: cum illud omnium hominum corporibus commune sit, ut ex matris sanguine formentur. Quod uero & naturæ ordinem, & humanam intelligentiam superat, illud est, simul atque beata uirgo angeli uerbis assentiens dixit: Ecce ancilla Domini, fiat mihi secundum uerbum tuum: statim sanctissimum Christi corpus formatum, eique anima rationis compos coniuncta est; atque ita in ipso temporis articulo perfectus Deus, & perfectus homo fuit. Hoc autem nouum fuisse, atque admirabile spiritus sancti opus, nemo dubitare potest, cum, seruato naturæ ordine, nullum corpus, nisi intra præscriptum temporis spatium, hominis anima informari queat. Deinde uero illud accedit, maxima admiratione dignum, quod, ut primum cum corpore anima coniuncta fuit, ipsa etiam diuinitas cum corpore, & anima copulata est, quare simul corpus formatum, atque animatum est, corpori, & animæ diuinitas coniuncta. ex quo fit, ut eodem temporis puncto perfectus Deus, & perfectus homo esset,

Et

Luc. i.

& uirgo sanctissima uere; & proprie mater Dei, &
 hominis diceretur; quod eodem momento Deum;
 & hominem concepisset. Hoc autem ab angelo ei
 significatum est; cum ait: Ecce concipies in utero,
 & paries filium, & uocabis nomen eius IESVM.
 Hic erit magnus; & filius altissimi uocabitur. Et
 euentu comprobatum est, quod Isaias prædixit:
 Ecce uirgo concipiet; & pariet filium. Idem quoque
 Elisabeth, cum spiritu sancto repleta filij Dei con-
 ceptionem intellexisset; his uerbis declarauit: Un-
 de hoc mihi, ut ueniat mater Domini mei ad me?
 Sed quemadmodum Christi corpus ex purissimis in-
 tegerrimæ uirginis sanguinibus sine ulla uiri ope-
 ra, ut antea diximus, uerum sola spiritus sancti uir-
 tute formatum est: ita etiam, ut primum conceptus
 est, illius anima uberrimam spiritus Dei copiam,
 atque omnem charismatum abundantiam accepit.
 neque enim, ut alijs hominibus, qui sanctitate, &
 gratia ornantur, ipsi ad mensuram, ut testatur
 sanctus Ioannes, dat Deus spiritum, sed omnem
 gratiam tam affluenter in eius animam infundit, ut
 de plenitudine eius nos omnes acceperimus. Ne-
 que tamen filium Dei adoptiuum appellaret licet,
 quamuis spiritum illum habuerit, quo sancti homi-
 nes filiorum Dei adoptionem consequuntur: nam
 cum natura filius Dei sit, adoptionis gratiam, aut
 nomen in eum conuenire nullo modo existimandum
 est. Hæc sunt, quæ de admirabili conceptionis my-
 sterio explicanda uisa sunt. ex quibus ut salutaris
 fructus

Luc. 1.

Isa. 7.

Luc. 1.

Ioan. 3.
Ioan. 1.

1. 1. 1.

1. 1. 1.

1. 1. 1.

I

fructus ad nos redundare possit, illa in primis fideles memoria repetere, ac sæpius cogitare cum animis suis debent, Deum esse, qui humanam carnem assumpsit; ea uero ratione hominem factum, quam mente nobis assequi non licet, nedum uerbis explicare; ob eum denique finem hominem fieri uoluisset, ut nos homines filij Dei renasceremur. Hæc cum attente considerauerint; tum uero omnia mysteria, quæ hoc articulo continentur, humili ac fideli animo credant, & adorent, nec curiose, quod sine periculo uix umquam fieri potest, illa inuestigare, ac perscrutari uelint.

NATVS EX MARIA VIRGINE. Hæc altera est huius articuli pars, in qua explicanda Patrochus diligenter uersabitur, cum fidelibus credendum sit, Iesum dominum non solum conceptum spiritus sancti uirtute, sed etiam ex Maria uirgine natum, & in lucem editum esse. cuius mysterij fides quanta cum latitia; & iucunditate animi meditando sit, angeli uox, qui primus felicissimum nuncium mundo attulit, declarat: ait enim: Ecce euangelizo uobis gaudium magnum, quod erit omni populo. Tum ex illius celestis militiæ cantico; Gloria in altissimis Deo; & in terra pax hominibus bonæ uoluntatis; quod angeli cecinerunt, facile est intelligere. Hinc etiam amplissimum illud Dei promissum ad Abraham impleri cœptum est, cui dictum est, fore aliquando, ut in eius semine omnes gentes benedicerentur: Maria enim, quam uere
matrem

Luc. 2.

Luc. 2.

Gen. 22.

matrem Dei prædicamus, & colimus, quòd eam personam, quæ simul Deus, & homo erat, peperit, à Dauide rege originem duxit. sed quemadmodum cõceptio ipsa naturæ ordinem prorsus uincit: ita in ortu nihil non diuinum licet contemplari. Præterea, quo nihil admirabilius dici omnino, aut cogitari potest, nascitur ex matre sine ulla maternæ uirginitatis diminutione. & quomodo postea ex sepulchro clauso, & obsignato egressus est, atque ad Ioan. 19. discipulos clausis ianuis introiuit: uel, ne à rebus etiam quas natura quotidie fieri uidemus, discendatur, quo modo solis radij concretam uitri substantiam penetrant, neque frangunt tamen, aut aliqua ex parte lædunt; simili, inquã, & infinitis partibus altiori modo, Iesus Christus ex materno aluo, sine ullo maternæ uirginitatis detrimento, editus est. ipsius enim incorrupta, & perpetuam uirginitatē uerissimis laudibus celebramus. Quod quidē spiritus sancti uirtute effectum est, qui in filij conceptione, et partu matri ita affuit, ut ei & fœcunditatē dederit, & perpetuam uirginitatem cõseruari. Solet interdum Apostolus Christum Iesum nouissimum Adam 1. Cor. 15. appellare, eumque primo Adam conferre. nam ut in primo omnes homines moriuntur, ita in secundo omnes ad uitam reuocantur: atque ut Adam, quod ad naturalem conditionem pertinet, humani generis parens fuit, ita Christus gratiæ, & gloriæ auctor est. Ad eum modum nobis etiam licet uirginem matrem cum Eua ita conferre, ut priori

Eua secunda Eua, quæ est Maria, respondeat, quem admodum secundum Adam, hoc est Christum, primo Adam, respondere ostendimus. Eua enim, quia serpenti fidem habuit, maledictum, & mortem in humanum genus inuexit: & Maria postquam Angelo credidit, Dei bonitate effectum est, ut benedictio, & uita ad homines perueniret. propter Euam nascimur filij iræ: à Maria Iesum Christum accepimus, per quem filij gratiæ regeneramur. Eua dictum est: in dolore paries filios. Maria hac lege soluta est, ut quæ, salua uirginalis pudicitie integritate, sine ullo doloris sensu, ut antea dictum est, Iesum filium Dei peperit.

Gen. 3.

Prophetia
& figuræ cō
ceptionis &
natiuitatis
Iesu Chri
sti.

Ezech. 44.

Daniel. 2.

Num. 7.
Exo. 3.

Luc. 2.

Ro. 15.

Cum igitur tanta, & tam multa sint admiranda huius conceptionis, & natiuitatis sacramenta, diuinæ prouidentie consentaneum fuit, ut ea multis figuris & oraculis significarentur. Quare huc pertinere sancti doctores intellexerunt multa, quæ in uarijs sacræ scripturæ locis legimus; præcipue uero Portam illam sanctuarij, quam Ezechiel clausam uidit: item lapidem de monte sine manibus abscissum, ut est apud Danielelem, qui factus est magnus mons, & impleuit uniuersam terram: deinde Aaron uirgam, quæ una inter uirgas principum Israelis germinauit: & rubum, quem Moyses uidit ardere, & non comburi. Multis uerbis sanctus Euangelista Christi natiuitatis historiam descripsit, qua de re nihil est, quod plura à nobis dicantur, cū ea lectio Parocho in promptu sit. Danda autem illi
est

est opera, ut hæc mysteria, quæ ad doctrinam nostram scripta sunt, infixæ animo, & mentibus fidelium hæcreant; primum quidem, ut tanti beneficii cōmemoratione aliquam gratiam eius auctori Deo referant; deinde ut eximium hoc, et singulare humilitatis exemplum eis ante oculos ad imitandum proponat. Quid enim nobis utilius, atque ad animorum nostrorum superbiam, & elationem compri-mendam accommodatius esse potest, quàm sæpius cogitare Deum ita sese humiliare, ut cum hominibus gloriam suam communicet, & hominum infirmitatem, fragilitatemque assumat? Deum hominē fieri, summamque illam, et infinitam maiestatem homini ministrare, ad cuius nutum columnæ cæli, ut inquit scriptura, contremiscunt, & pauent, eumque in terra nasci, quem in cælis angeli adorant? Quid igitur, cum hæc Deus nostra causa faciat, quid, inquam, nos, ut illi obsequamur, facere oportet? quàm libenti, atque alacri animo debemus omnia humilitatis officia amare, amplecti, præstare? Videant fideles, quā salutarī doctrina Christus nascēs nos instituat, antequam uocem aliquam emittere incipiat. Nascitur egenus: nascitur ut peregrinus in diuersorio nascitur in uili præsepio: nascitur media hieme. ita enim scribit sanctus Lucas: Factum est, cum essent Luc. 2, ibi impleti sunt dies ut pareret, & peperit filium suum primogenitū, & pannis eum inuoluit, & reclinauit eum in præsepio, quia nō erat ei locus in diuersorio. Potuit ne euāgelista humilioribus uerbis oēm

Psal. 46.

Ioan. 1.

Incarnatio
nis filij Dei
mysterium
quanto pie
tatis studio
recolendum.

ad Heb. 2.

Ioan. 3.

ad Ro. 6. 7.

cæli, & terræ, maiestatem, & gloriam includere? Neque uero scribit, non fuisse locum in diuersorio, sed ei non fuisse, qui dicit: Meus est orbis terræ, & plenitudo eius. Quod etiā alijs euangelista testatus est. In propria uenit, & sui eum non receperunt.

Hæc cum fideles sibi ante oculos proposuerint, tum uero cogitēt, Deum carnis nostræ humilitatem, & fragilitatem subire uoluisse, ut humanum genus in altissimo dignitatis gradu collocaretur. Nam illud unum satis declarat excellentem hominis dignitatem, & præstantiam, quæ illi diuino beneficio tributa est, quòd homo fuerit, qui idem uerus, & perfectus Deus sit: ut iam gloriari nobis liceat, filium Dei os nostrum, & carnem nostram esse: quod beatissimis illis spiritibus nō licet: nusquam enim, ut est apud Apostolum, angelos apprehendit, sed semen Abrahamæ apprehendit. Præterea cauendum est, ne maximo nostro malo eueniat, ut quemadmodum illi in diuersorio Bethleem lotus, ubi nasceretur, defuit, ita etiam, quando iam in carne non nascitur, locum in cordibus nostris inuenire non possit, ubi in spiritu nascatur. hoc enim, cum salutis nostræ cupidissimus sit, uehementer optat. nam ut ille spiritus sancti uirtutes supra naturæ ordinem homo factus, & natus est, sanctusque, atque adeo sanctitas ipsa fuit: ita nos oportet, non ex sanguinibus, neque ex uoluntate carnis, sed ex Deo nasci, ac deinde ueluti nouam creaturam in nouitate spiritus ambulare, sanctitatem illam, ac mentis integri-

integritatē custodire, quæ homines spiritu Dei regeneratos maximè decet. hac enim ratione sanctæ huius filij Dei conceptionis, & natiuitatis imaginem aliquam in nobis ipsis exprimemus, quàm fideli animo credimus, & credentes Dei sapientiam in mysterio, quæ abscondita est, suspicimus, & adoramus. 1. Cor. 13

PASSVS SVB PONTIO PILATO; CRV-
CIFIXVS, MORTVVS, ET SEPVLTVS.
Quantam habeat necessitatem huius articuli cognitio, & quàm diligenter Parochus curare debeat, ut fideles dominicæ passionis memoriam sæpissime animo repetant, docet Apostolus, qui nihil aliud se scire testatus est, nisi Iesum Christum, & hunc crucifixum. Quare in hoc argumento omne studium, & opera adhibenda est, ut quammaximè illustretur, fidelesq; tanti beneficij cōmemoratione excitati, totos se ad Dei erga nos amorē, & bonitatem suspiciendam conuertant. Fides itaque priorē articuli parte (nam altera postea dicitur) illud nobis credendum proponit, Christum dominū, cum Pontius Pilatus Tiberij Caesaris iussu Iudeam provinciam administraret, cruci affixum esse. nam captus, irrisus, varijs iniuriarum, & cruciatuum generibus affectus, demum in crucem sublatus est. Nec uero cuiquam dubitandum est, eius animam, quoad inferiorem partem attinet, ab ijs cruciatibus liberam non fuisse. nam quod humanam naturam uere assumpsit, necesse est, fateri animo etiam 1. Cor. 13

- Matth. 16.** **Mar. 14.** *grauissimum dolorem sensisse. quare inquit: Tristis est anima mea usque ad mortem. Nam etsi personæ diuinæ humana natura coniuncta fuit, tamen propter eam coniunctionem nihilo minus passionis acerbitem sensuit, quàm si ea coniunctio facta non fuisset, cum in una Iesu Christi persona utriusque naturæ, diuinæ, & humanæ, proprietates seruatae sint: atque idcirco, quod erat passibile, & mortale, passibile & mortale permansit: rursus uero quòd impassibile, & immortale erat, qualem esse diuinam naturam intelligimus, suam proprietatem retinuit. Quod autem hoc loco tam diligenter obseruari uidemus, Iesum Christum eo tempore passum esse, quo Pontius Pilatus Iudeam provinciam procuraret, id ea re factum esse docebit Parochus, quia tantæ rei, & tam necessariæ cognitio exploratio omnibus esse poterat, si rei gesta certum, quod & ab apostolo Paulo factum legimus, tempus describeretur; tum etiam, quia ijs uerbis declaratur, illam Saluatoris prædictionem exitu comprobata esse:*
- Matth. 20.** *Tradent, inquit, eum gentibus ad illudendum, & flagellandum, & crucifigendum.*

Cut Christus in ligno mortis perpassus.

Sed quod potissimum in ligno crucis mortem pertulit, hoc etiam diuino consilio tribuendum est, ut scilicet unde mors oriebatur, inde uita resurgeret. serpens enim, qui in ligno primos parentes uicerat, uictus est à Christo in ligno crucis. Plures eius rei afferrationes possunt, quas sancti Patres latius persecuti sunt, ut ostendamus consentaneum fuisse, redempto-

redemptorem nostrum mortem crucis potissimum subire. Verum satis esse Parochus admoneat, si fideles credant illud genus mortis à Salvatore delectum esse, quod quidem ad humani generis redemptionem aptius, atque accommodatius uideretur, quemadmodum certe nullum turpius, atque indignius esse potuit. Non solum enim apud Gentiles, crucis supplicium execrandum, & dedecoris, ignominiaeq; plenissimum semper existimatum est, uerum etiam in lege Moysis, maledictus homo appellatur, qui pendet in ligno. Neque uero Parochus huius articuli historiam prætermittet, quæ diligentissime à sanctis euangelistis exposita est, ut saltem summam eius mysterij capita, quæ ad confirmandam fidei nostræ ueritatem magis necessaria uidentur, fideles cognita habeant. Hoc enim articulo, ueluti fundamento quodam, Christiana religio, & fides nititur; eoq; posito, reliqua omnia recte constituta sunt. Nam si quid aliquò humane menti, & intelligentiæ difficultatem affert; certe crucis mysterium omnium difficillimum existimandum est, uixq; percipi à nobis potest, salutem nostram ex cruce ipsa, ex eo, qui pro nobis ligno illi affixus est, pendere. Sed in hoc, ut docet Apostolus, summam Dei prouidentiam licet admirari. Nam quia in Dei sapientia non cognouit mundus per sapientiam Deum, placuit Deo per stultitiam prædicationis saluos facere credentes. Quare mirandum non est, si propheta ante Christi aduentum, apostoli post eius mortem, & resurre-

Deut. 21.
ad Gal. 3.

1. Cor. 1.

Elionem tãtopere laborarunt, ut hominibus persuaderent, hunc esse mundi redemptorem, eosque in crucifixi potestatem, atque obedientiam redigerent. Quare Dominus, cum nihil tam ab humana ratione remotum esset, quàm crucis mysterium, statim post peccatum nunquam desistit tum figuris, tum prophetarum oraculis filij sui mortem significare.

Gen. 4.

Gen. 22.

Atque ut de figuris pauca quædam attingamus, Abel primum, qui fratris invidia occisus est, de inde Isaac sacrificium, præterea agnus, quem

Exod. 12.

Iudai, cum è terra Aegypti egrederentur, immolarunt: tum serpens æneus, quem Moyses in deserto

Num. 21.

Joan. 3.

exaltauit, Christi domini passionis, ac mortis figuram præmonstrabant. quod autem ad prophetas pertinet, quam multi extiterint, qui de ea uaticinati sunt, id uero multo notius est, quàm ut explicari hoc loco oporteat. Sed præ ceteris, ut Dauidem omitteremus, qui omnia præcipua redemptionis nostræ mysteria in psalmis complexus est, Isaia oracula tam aperta, & clara sunt, ut recte dici queat, eum potius rem gestam exposuisse, quàm futuram prædixisse.

D. Hieron.
mus.

MORTVVS ET SEPVLTVS. His uerbis Parochus credendum explicabit, Iesum Christum postquam crucifixus est, uere mortuum, ac sepultum esse. Neque uero sine causa hoc separatim fidelibus credendum proponitur, cum non defuerint, qui eum in cruce mortuum negarent. illi igitur errori hanc fidei doctrinam sancti apostoli merito opponendam

ponendam censuerunt: de cuius articuli ueritate dubitandi nullus nobis locus relinquitur. nam omnes euangelistæ consentiunt, Iesum spiritum emisisse. Præterea, cum Christus, uerus, & perfectus homo fuerit, uere etiam mori potuit: moritur autem homo, cum anima separatur à corpore. Quare cum Iesu mortuum esse dicimus, id significamus, eius animam à corpore diuisam esse. neque tamen concedimus diuinitatem seiunctam à corpore. quin potius constanter credimus & confitemur, anima eius à corpore diuisa, diuinitatem tum corpori in sepulcro, tum animæ apud inferos coniunctam semper fuisse. Decebat autem filium Dei mori, ut per mortem destrueret eum, qui habebat mortis imperium, idest Diabolum, & liberaret eos, qui timore mortis per totam uitam obnoxij erant seruituti. Sed illud in Christo domino singulare fuit, quod tunc mortuus est, cum ipse mori decreuit, & mortem non tantum aliena uoluntariam obiit, quam uoluntariam obiit. Nec uero mortem solum, sed locum etiam, & tempus, in quo moreretur, ipse sibi constituit. ita enim Isaias scripsit: Oblatus est, quia ipse uoluit. Atque idem Dominus de se ante passionem dixit: Ego pono animam meam, ut iterum sumam eam: nemo tollit eam à me, sed ego pono eam à me ipso: potestatem habeo ponendi eam, & potestatem habeo iterum sumendi eam. quod autem ad tempus, & locum attinet, cum Herodes eius uitæ insidiaretur, ipse inquit: Dicite uulpi illi, ecce cycio demonia, & sani-

Matth. 17.
Mar. 15.

Luc. 23.
Ioan. 19.

ad Heb. 2.

Isa. 55.

Ioan. 19.

Luc. 13.

tates

tates perficio hodie, & cras, & tertia die consumor: uerūtamen oportet me hodie, & cras, & sequenti die ambulare: quia non capit prophetam perire extra Hierusalem. Ille igitur nihil inuitus, aut coactus fecit, sed ipse sese uolens obtulit, atque inimicis suis obuiam procedens dixit: Ego sum: & sponte sua ea omnia supplicia pertulit, quibus illum iniuste, & crudeliter affecerunt: quo quidem nihil ad commouendos animi nostri sensus maiorem uim habere potest, cum pœnas, tormentaque eius omnia cogitatione perpēdimus. Nam si quispiam nostra causa omnes dolores patiatur, non quos ipse sua uoluntate suscipiat, sed quos uitare nequeat, hoc uero haud magni beneficij loco à nobis ponetur: uerum si nostro tantum nomine mortem, quam defugere poterat, libenter occumbat, profecto hoc beneficij genus tantū est, ut omnem non solum referendæ, sed etiam habēdæ gratiæ facultatem uel gratissimo cuiq. eripiat. ex quo Iesu Christi summa, & eximia charitas, eiusq; diuinū, & immensū in nos meritum perspicitur potest.

Iam uero quod sepultum fuisse confitemur, hoc quidem ueluti articuli pars non constituitur, quod nouam aliquam difficultatem habeat, præter ea, quæ iam de morte dicta sunt. Nam si Christum mortuum credimus, facile etiam nobis persuaderi potest, eum sepultum esse. Verum hoc additum est primum, ut minus dubitare de morte liceat, cum maximo argumento sit aliquem mortuum esse, si eius corpus sepultum probemus; deinde, ut resur-

rectionis

Ioan. 18.

77
Sepulture
Christi cur
expressa mē-
tio, & quid
de illius
passione me-
ditandum.

rectionis miraculum magis declaretur, atque eluceat. Neque uero hoc solum credimus, Christi corpus sepultum esse, sed illud precipue his uerbis credendum proponitur, Deum sepultum esse, quemadmodum ex fidei catholica regula uerissime etiam dicimus Deum mortuum, & ex uirgine natum esse. nam cum diuinitas nunquam diuisa fuerit à corpore, quod in sepulcro conditum est, recte confitemur Deum sepultum esse. Ac de genere quidem, & loco sepultura illa Parocho satis erunt, quæ à sanctis euangelistis dicta sunt. Duo uero in primis obseruanda sunt, alterum, Christi Corpus in sepulcro nulla ex parte corruptum esse: de quo Prophetaita uaticinatus erat: Non dabis sanctum tuum uidere corruptionem. Alterum est, quod ad omnes huius articuli partes attinet, sepulturam scilicet, passionem etiam, & mortem Christo Iesu, ut homini, non ut Deo conuenire nam pati, & mori, in humanam tantum naturam cadunt: quamuis Deo etiam hæc omnia tribuantur, quoniam de illa persona, quæ simul perfectus Deus, perfectus homo fuit, recte dici perspicuum est. His cognitis, ea de Christi passione, & morte Parochus explicabit, ex quibus tanti mysterij immensitatem si non comprehendere, contemplari saltem fideles possint. Ac primum quidem considerandum est, quis ille sit, qui hæc omnia patitur. Et quidem nullis uerbis eius dignitatem explicare, aut mente comprehendere possumus. Sanctus Ioannes uerbum esse dicit, quod erat apud Deum, Apostolus

Matth. 27.

Mar. 15.

Luc. 23.

Ioan. 29.

Psalm. 15.

Act. 2.

Apostolus magnificis uerbis describit in hunc modum; Esse eum, quem Deus constituit heredem uniuersorum, per quem fecit & secula, qui est splendor gloria, & figura substantiæ eius, qui portat omnia uerbo uirtutis suæ. Hic igitur purgationem peccatorum faciens, sedet ad dexteram maiestatis in excelsis. Atque ut uno uerbo complectamur, patitur Iesus Christus Deus & homo; patitur creator pro ijs, quos ipse condidit; patitur dominus pro seruis; patitur is, per quem angeli, homines, cæli; elementa facta sunt; ille, inquam, in quo per quem, & ex quo sunt omnia. Quare mirandum non est, si eo tot passionum tormentis commoto, totum etiam ædificium concussum est; nam, ut inquit scriptura, Terra mota est, & petra scissæ sunt: tenebræ etiam factæ per uniuersam terram & sol obscuratus est. Quod si mutæ etiam res, & sensu carentes creatoris sui passionem luxerunt, cogitent fideles, quibus lacrymis ipsi, tamquam uiui lapides huius ædificij, dolorẽ suũ declarare debeant.

Mat. h. 17.

Luc. 23.

Passionis
Christi cau-
sa, & de gra-
uitate rela-
tionum.

Iam uero causæ etiam passionis exponendæ sunt, ut eo magis diuinæ erga nos charitatis magnitudo, & vis appareat. Si quis igitur quærat, quæ causa fuerit cur filius Dei acerbissimam passionem subierit, hanc potissimum fuisse inueniet, præter hereditariam labem primorum parentum, uitia, & peccata, quæ homines à mundi origine usque ad hanc diem admiserunt, ac deinceps usque ad consummationem seculi admissuri sunt. hoc enim in passione.

& morte filius Dei saluator noster spectauit, ut
 omnium atatum peccata redimeret, ac deleret, &
 pro eis patri abundè, cumulateque satisfaceret. Il-
 lud etiam accedit ad augèdam rei dignitatem, quod
 non solum Christus pro peccatoribus passus est,
 sed etiam pœnarum omnium, quas pertulit, pecca-
 tores, & auctores & ministri fuerunt; de quo Apo-
 stolus admonet, ita ad Hebræos scribens: Recogi-
 tate eum, qui talem sustinuit à peccatoribus aduer-
 sus semetipsum contradictionem, ut ne fatigemini
 animis uestris deficientes. Atque hac culpa omnes
 teneri iudicandum est, qui in peccata sæpius prola-
 buntur. nam cum peccata nostra Christum domi-
 num impulerint, ut crucis supplicium subiret, pro-
 fectò qui flagitijs, & sceleribus uoluntantur, rur-
 sus, quod in ipsis est, crucifigunt in semetipsis filium
 Dei, & ostentui habent. Quod quidem scelus eo
 grauius in nobis uideri potest, quàm fuerit in Iu-
 dæis, quod illi, eodem Apostolo teste, Si cognouis-
 sent, nunquam dominum gloriæ crucifixissent: nos au-
 tem & nosse eum profiteamur: & tamen, factis negan-
 tes, quodam modo uiolentas ei manus uidemur in-
 ferre. Sed à patre etiam, & à semetipso Christum
 dominum traditum esse sacræ litteræ testantur: in-
 quit enim apud Isaiam: Propter scelus populi per-
 cussi eum. & paulo ante idem propheta, eum Do-
 minum plagis, & uulneribus affectum, spiritu Dei
 plenus uideret, dixit: Omnes nos quasi oves erra-
 uimus, unusquisque in uiam suam declinauit, &
 posuit

ad Heb. 12.

ad Heb. 9.

1. Cor. 2.

Isa. 53.

Iſa. 53.

posuit Dominus in eo iniquitatem omnium nostrum. De filio autem scriptum est: si posuerit pro peccato animam suam, uidebit semen longauum. Sed eandem rem Apostolus grauioribus etiam uerbis expressit, cum tamen ex altera parte uellet ostendere, quantum nobis de immersa Dei misericordia

ad Rom. 8.

& bonitate sperare liceat: inquit enim: Qui etiam proprio filio suo non pepercit, sed pro nobis omnibus tradidit illum, quo modo non etiam cum illo omnia nobis donauit? Sequitur nunc, ut, quanta fuerit passionis acerbitas, Parochus doceat; quam

Luc. 22.

quam si memoria teneamus, sudorem Domini factum ut guttas sanguinis decurrentis in terram, cum ille tormenta, & cruciatus animo perciperet, quibus paulo post afficiendus erat; facile ex eo unus quisque intelliget, nihil ad illum dolorem addi potuisse. nam si malorum imminentium cogitatio tam acerba fuit, id quod sanguinis sudor declarauit; quid ipsam perpeſſionem fuisse existimandum est? Sed tamen Christum dominum summis tum animi, tum corporis doloribus affectum esse constat.

Luc. 22.

Ac primum quidem nulla fuit eius corporis pars, que grauissimas pœnas non senserit. nam & pedes, & manus clauis cruci affixæ, caput spinis compunctum, & arundine percussum, facies sputis scadata, ab apicibus caesa, totum corpus flagellis uerberatum est. Præterea omnium & generum, & ordinum homines conuenerunt in unum aduersus Dominum, & aduersus Christum eius. Gentes

Mat. 27.

enim

enim & Iudæi passionis suasores, auctores, ministri fuerunt: Iudas eum prodidit, Petrus negavit, ceteri omnes deseruerunt. Iam uero in cruce ipsa acerbiter ne, an ignominiam, an utrumque simul queremur? Ac profecto nullum, aut turpius genus mortuis, aut acerbius excogitari eo potuit, quo affici non nisi nocentissimi, & sceleratissimi homines consueuerunt, & in quo summi doloris, & cruciatus sensum mortis diuturnitas uehementiorem efficiebat. Augebat autem pœnarum magnitudinem ipsa Christi Iesu corporis constitutio, & habitus quod quidem cum spiritus sancti uirtute formatum esset, multo perfectius, & temperatius fuit, quàm aliorum hominum corpora esse possunt: atque ideo acriorem quoque sentiendi uim habuit, & grauius tormenta illa omnia perpeßum est. Quod uero ad intimum animi dolorem pertinet, nemo dubitare potest, quin summus in Christo fuerit. sanctis enim hominibus, quicumque supplicia, & cruciatus pertulerunt, non defuit animæ solatium diuinitus datum, quo recreati, tormentorum uim æquo animo ferre possent: immo uero in cruciatibus plerique intima lætitia afferebantur: inquit enim Apostolus: Gaudeo in passionibus pro uobis: & adimpleo ea, quæ desunt passionum Christi in carne mea pro corpore eius, quod est Ecclesia. & alibi: Repletus sum consolatione: superabundo gaudio in omni tribulatione nostra. Verum Christus dominus amarissimæ passionis calicem, quem bibit, nulla suauitate permixta

Marth. 26.
Mar. 14.
Luc. 22.

ad Col. 1.

1. Cor. 7.

64
C A P I T U L U M V I I I
permista temperavit. humana enim natura, quam
assumpserat, sentire omnia tormenta permisit, non
secus ac si homo, non etiam Deus fuisset.

Reliquum modo est, ut commoda etiam, & bo-
na, quæ ex passione Domini percepimus, à Pa-
rocho accurate explicentur. Primum igitur Domi-
ni passio, peccati liberatio fuit. nam, ut est apud
Apoc. 1. sanctum Ioannem, Dilexit nos, & lauit nos à pec-
catis nostris in sanguine suo: & Apostolus inquit:
1. Col. 2. Conuiuificabit nos, donans nobis omnia delicta,
delens quod aduersum nos erat chirographum de-
creti, quod erat contrarium nobis, & ipsum tulit
de medio affigens illud cruci. Deinde à dæmonis ty-
rannide nos eripuit: ipse enim Dominus inquit:
Ioan. 12. Nunc iudicium est mundi: nunc princeps huius mun-
di eiicietur foras, & ego si, exaltatus fuero à ter-
ra, omnia traham ad me ipsum. Pœnam præte-
rea peccatis nostris debitam persoluit. Tum ue-
ro quia nullum gratius, & acceptius Deo sacrifi-
cium afferri potuit, patri nos reconciliauit, eumque
nobis placatum, & propitium reddidit. Postremo
quoniam peccata sustulit, cælorum etiam aditum,
ad Heb. 10. communi humani generis peccato interclusum, no-
bis patefecit. Atque id Apostolus significauit illis
uerbis: Habemus fiduciam in introitu sanctorum in
Num. 35. sanguine Christi. Neque uero in ueteri lege hu-
ius mysterij figura, & imago quedam defuit. nam
illi quibus interdictum erat, ne in patriam ante
summi sacerdotis mortem reuerterentur, hoc signi-
ficabant

facabant, nemini, quamuis iuste, & pie uixisset, ad-
 ditum in caelestem patriam patere, antequam sum-
 mus ille, atque eternus sacerdos Christus Iesus
 mortem obiret. qua quidem obita, statim cali fores
 patuerunt ijs, qui sacramentis expiati, fideq; , spe-
 & charitate præditi, passionis eius participes fiunt.
 Hæc autem omnia maxima, & diuina bona Paro-
 chus docebit ex Domini passione ad nos peruenis-
 se: primum quidem, quia est integra, atque omni-
 bus numeris perfecta satisfactio, quam admirabi-
 li quadam ratione Iesus Christus pro peccatis no-
 stris Deo patri persoluit. Neque uero pretium,
 quod pro nobis persoluit, debitis nostris par so-
 lum, & æquale fuit, uerum ea longe superauit. De-
 inde sacrificium Deo acceptissimum fuit; quod cum
 illi filius in ara crucis obtulit, patris iram, atque in-
 dignationem prorsus mitigauit. atque hoc nomine.
 Apostolus usus est, cum inquit: Christus dilexit nos, ad Eph. 5.
 & tradidit semetipsum pro nobis oblationem, &
 hostiam Deo in odorem suauitatis. Præterea redem-
 ptio, de qua est apud apostolorum Principem: Non 1. Pet. 1.
 delendum corruptibilibus auro, uel argento redem-
 pti estis de uana uestra conuersatione paternæ tra-
 ditionis, sed pretioso sanguine quasi agni immacu-
 lati Christi, & incontaminati. & Apostolus docet: ad G. 3.
 Christus nos redemit de maledictione legis, factus
 pro nobis maledictum. Verum præter hæc immen-
 sa beneficia, illud etiam uel maximum consecuti
 sumus, ut in hac una passione, omnium uirtutum.

clarissima exempla habeamus. nam & patientiam, & humilitatem, & eximiam charitatem, et mansuetudinem, & obedientiam, & summam animi constantiam non solum in perferendis propter iustitiam doloribus, sed etiam in morte oppetenda ita ostendit, ut uere dicere possimus, Saluatorem nostrum, quæcunque uitæ præcepta toto prædicationis suæ tempore uerbis nos docuit, ea omnia uno passionis die in se ipso expressisse. Atque hæc breuiter de Christi domini saluberrima passione & morte dicta sunt. Utinam uero hæc mysteria in animis nostris assidue uersentur, & una cum Domino pati, & mori, & sepeliri discamus; ut deinde, abiecta omni sorde peccati, ad nouam uitam cum illo resurgentes, aliquando tandem, ipsius gratia, & misericordia, dignissimi simus, qui celestis regni, & gloriæ participes efficiamur.

DESCENDIT AD INFEROS, TERTIA DIE RESURREXIT A MORTUIS.
Maxime quidem refert nosse gloriam sepulturæ domini nostri Iesu Christi, de qua proxime dictum est. sed plus interest fidelis populi cognoscere illustres triumphos, quos ex deuicto Diabolo, & spoliatis inferorum sedibus deportauit: de quibus, simulq; de resurrectione dicendum est. qui locus & si separatim per se recte tractari possit: nos tamen, sanctorum patrum auctoritatem secuti, eum cum descensu ad inferos coniungendum putauimus. Eius igitur priori parte hoc nobis credendum proponitur,
Christo

Christo iam mortuo, eius animam ad inferos descendisse, ibique tamdiu mansisse, quamdiu eiusdem corpus in sepulchro fuit. His autem uerbis simul etiam confitemur, eandem Christi personam eo tempore & apud inferos fuisse, & in sepulchro iacuisse. Quod quidem cum dicimus nemini mirum uideri debet: propterea quod, ut saepe iam docuimus, quamuis anima à corpore discesserit, nunquam tamen diuinitas uel ab anima, uel à corpore separata est.

Sed quoniam articuli explanationi plurimum lucis afferre potest, si Parochus prius doceat, quid hoc loco inferorum uocabulo intelligendum sit, monere oportet, inferos hoc loco pro sepulchro non accipi, ut quidam non minus impie, quàm imperite putauerunt. superiori enim articulo, Christum dominum sepultum esse, edocti sumus, nec nulla causa erat, cur in fide tradenda alio, & quidem obscuriori loquendi genere idem à sanctis apostolis repeteretur: uerum inferiorum nomen abdita illa receptacula significat, in quibus animæ detinentur, quæ caelestem beatitudinem non sunt consecutæ. Ita uero sacra littera hanc uocem multis in locis usurparunt. nam apud Apostolum legimus: In nomine Iesu omne genu flecti, caelestium, terrestrium, & infernorum. & in Actis apostolorum D. Petrus testatur: Christum dominum suscitatum solutis doloribus Inferni. Neque tamen ea receptacula unius, & eiusdem generis

De multiplicis uocis Inferni significatione ubi, & de Purgatorio animarum.

Ad Phil. 2.

Act. 2.

ApoC. 21.

sunt omnia . est enim tæterrimus , & obscurissimus
 carcer, ubi perpetuo, & inextinguibili igne damna-
 torum animæ simul cum immundis spiritibus tor-
 quentur, qui etiam gehenna, abyssus, & propria si-
 gnificatione Infernus uocatur . Præterea est pur-
 gatorius ignis , quo piorum animæ ad definitum tem-
 pus cruciatæ expiantur , ut eis in æternam patriam
 ingressus patere possit , in quam nihil coinquina-
 tum ingreditur . Ac de huius quidem doctrinæ ue-
 ritate, quam & scripturarum testimoniis , & apo-
 stolica traditione confirmatam esse sancta Concilia
 declarant ; eo diligentius , & sæpius Parocho disse-
 rendum erit, quod in ea tempora incidimus , qui-
 bus homines sanam doctrinam non sustinent . Ter-
 tium postremo receptaculi genus est , in quo ani-
 mæ sanctorum ante Christi domini aduentum exci-
 piebantur , ibique sine ullo doloris sensu , beata re-
 demptionis spe sustentati , quæta habitatione frue-
 bantur . horum igitur piorum animas , qui in si-
 nu Abrahamæ Saluatorem expectabant , Christus
 dominus ad inferos descendens liberauit . Nec ue-
 ro existimandum est, eum sic ad inferos descendisse,
 ut eius tantummodo uis ac uirtus , non etiam ani-
 ma , eo peruenerit . Sed omnino credendum est ip-
 sam animam re , & præsentia ad inferos descendisse :
 de quo extat firmissimum illud Davidis testimo-
 nium : Non derelinques animam meam in Inferno .
 Verum & si Christus ad inferos descendit, ni-
 hil de eius summa potestate detractum est : neque
 eius

Psal. 15.

eius sanctitatis splendor macula aliqua aspersus : cum potius hoc factō uerissima esse omnia , quæ de illius sanctitate celebrata erant , eumq; filium Dei esse, quemadmodum antea tot prodigijs declarauerat , apertissime comprobatum sit . id quod facile intelligemus, si causas, cur Christus, & alij homines in ea loca uenerint , inter se conferamus . Ceteri enim omnes captiui descenderant : ipse uero inter mortuos liber, & uictor, ad profligandos demones , Psal. 39.
 à quibus illi ob noxam inclusi, & constricti tenebantur, descendit . Præterea alij omnes , qui descenderunt , partim pænis acerbissimis torquebantur , partim uero, ut alio doloris sensu carerent , tamen Dei aspectu priuati , & spe beatæ gloriæ, quam expectabant , suspensi torquebantur . At Christus dominus descendit, non ut aliquid pateretur, uerum ut sanctos , & iustos homines ex misera illius custodie molestia liberaret : eisq; passionis suæ fructum impertiret. Quòd igitur ad Inferos descendit, nulla prorsus de summa eius dignitate, & potestate diminutio facta est.

His expositis , docendum erit propterea Christum dominum ad inferos descendisse , ut ereptis demonum spolijs , sanctos illos patres , ceterosq; pios è carcere liberatos secum adduceret in cælum. quod ab eo admirabiliter , summāq; cum gloria perfectum est ; statim enim illius aspectus clarissimam lucem captiuis attulit ; eorumq; animas immensa lætitiā , gaudioq; impleuit : quibus etiam

Quibus de causis Christus ad inferos descendit .

Luc. 23.

Osc. 13.

Zach. 9.

ad Col. 2.

ad Phil. 2.

optatissimam beatitudinem, quæ in Dei uisione consistit, impertiuuit. quo facto, id comprobatum est, quod latroni promiserat illis uerbis: Hodie mecum eris in paradiso. Hanc uero piorum liberationem Oseas tanto ante prædixerat in hunc modum: Ero mors tua, o mors: morsus tuus ero inferne. Hoc etiam significauit Zacharias propheta, cum ait: Tu quoque in sanguine testamenti tui emisisti uinctos tuos de lacu, in quo non est aqua. Id ipsum denique expressit Apostolus illis uerbis: Expolians principatus, & potestates, traduxit confidenter palam triumphans in illos in semetipso. Verum, ut huius mysterij uim melius intelligamus, sæpe illud memoria repetere debemus, pios homines non solum qui post aduentum Domini in lucem editi erant, sed qui illud post Adam antecesserant, uel qui usque ad finem seculi futuri sunt, eius passionis beneficio salutem consecutos esse. Quamobrè ante quàm ille moreretur, ac resurgeret, cæli portæ nemini unquam patuerunt: sed piorum animæ, cum è uiuis excessissent, uel in sinum Abrahamæ deferebantur, uel, quod etiam nuncijs contingit, quibus aliquid diluendum, & persoluendum est, Purgatorij igne expiabantur. Est illa præterea causa, cur descenderit ad inferos Christus dominus, ut ibi etiam, quemadmodum in cælo, & in terris, uim suam potestatemq; declararet, & omnino, ut in nomine eius omne genu flecteretur cælestium, terrestrium, & infernorum. Quo loco qui summam

Dei

Dei benignitatem in genus humanum non admiretur, & obstupescat, qui non modò pro nobis acerbissimam mortem subire, sed infimas etiam terre partes penetrare uoluerit, ut sibi charissimas animas inde ereptas, ad beatitudinem traduceret?

Sequitur altera articuli pars: in qua explicanda quantum laborare Parochus debeat, declarant illa Apostoli uerba: Memor esto, dominum Iesum Christum resurrexisse à mortuis. quod enim Timotheo præcipit, idem etiam reliquis animarum curatoribus præceptum esse dubitandum non est. Ea autem articuli est sententia; Postquam Christus dominus sexta feria, hora diei nona, in cruce spiritum emisit, & eadem die nescire sepultus est ab eius discipulis, qui Pilati præsidis permissa corpus Domini è cruce depositum in propinqui horti monumentum nouum intulerunt; tertio à morte die, qui fuit dominiicus, summo mane, illius anima corpori iterum cõiuncta est: atque ita is, qui per tri-
duum illud mortuus fuerat, ad uitam, ex qua moriens discesserat, redijt, & surrexit. sed resurrectionis uoce non illud solum intelligendum est, Christum à mortuis excitatum esse, quod multis alijs commune fuit, sed sua ui, ac uirtute resurrexisse, quod proprium in illo fuit, & singulare. Neque enim natura patitur, nec ulli homini concessum est, ut se ipsum possit uirtute sua à morte ad uitam reuocare. Hoc uero summæ Dei

De glorio-
so resurre-
ctionis chri-
sti Myste-
rio.
2. Tim. 2.

I

2. Cor. 13.

potestati tantummodo reseruatum est, ut ex illis Apostoli uerbis intelligimus: Et si crucifixus est ex infirmitate, sed uiuit ex uirtute Dei. quæ quoniam neque à Christi corpore in sepulchro, neque ab anima, cum ad inferos descendisset, seiuncta unquam fuit diuina uis tum in corpore inerat, quæ anima iterum coniungi, tum in anima, qua ad corpus denuo reuertiposset: qua & licuit sua uirtute reuiuiscere, atque à mortuis resurgere. Id uero David spiritu Dei plenus prædixit his uerbis, Saluauit sibi dextera eius, & brachium sanctum eius. Deinde ipse Dominus diuino oris sui testimonio confir-

Ioan. 10.

firmavit. Ego pono animam meam, ut iterum sumam eam: & potestatem habeo ponendi eam, &

Ioan. 2.

iterum sumendi eam. Iudæis etiam ad confirmandam doctrinæ ueritatem dixit: Soluite templum hoc, & in tribus diebus excitabo illud. Quod quidem tametsi de templo illo magnifice ex lapidibus structo intelligerent, ille tamen, ut scripturæ uerbis eodem in loco declaratum est, dicebat de templo corporis suis. Quamuis autem in scripturis interdum legamus, Christum dominum à patre suscitatum esse: hoc ad eum, ut ad hominem, referendum est: quemadmodum illa rursus ad eundem, ut Deum spectant, quibus significatur, eum sua uirtute resurrexisse.

ad Col. 1.
Apoc.

Sed illud etiam præcipuum Christi fuit, quod ipse primus omnium hoc diuino resurrectionis beneficio affectus est, nam in scripturis, & primogeni-

tus ex mortuis, & primogenitus mortuorum uocatur. Atque, ut est apud Apostolum, Christus resurrexit à mortuis, primitiæ dormientium: quoniam quidem per hominem mors & per hominem resurrectionis mortuorum; & sicut in Adam omnes moriuntur, ita & in Christo omnes uiuificabuntur. Vnusquisque autem in suo ordine, primitiæ Christus, deinde ñ, qui sunt Christi. Quæ quidem uerba de perfecta resurrectione interpretanda sunt, qua ad immortalem uitam, omni prorsus moriendi necessitate sublata excitamur. Atque in eo genere Christus dominus primum locum obtinet. nam si de resurrectione loquimur, hoc est de reditu ad uitam, cui iterum moriendi necessitas adiuncta est; ante Christum multi alijs à mortuis excitati sunt; qui omnes tamen ea conditione reuixerunt, ut eis iterum moriendum esset: at Christus dominus ita resurrexit morte subacta, & oppressa, ut mori amplius non posset: quod quidem apertissimo illo testimonio confirmatur: Christus resurgens ex mortuis iam non moritur: mors illi ultra non dominabitur. Quod uero articulo additur, TERTIA DIE, Parocho explanandum erit, ne fideles arbitrentur, totos ipsos tres dies Dominum in sepulchro fuisse. nam quod integrum naturalem diem, partemq; tum antecedentis, tum consequentis diei in sepulchro conditus est, ob eam rem uerissime dicitur triduo in sepulchro iacuissse, ac tertia die à mortuis surrexisse. Ut autem diuinitatem suam declararet, resurrectionem ad finem seculi differre

differe noluit : rursus uero, ut eum uere hominem, uereq; mortuum esse crederemus, non statim post mortem, sed tertio die reuixit : quod temporis spatium ad ueram mortem comprobendam satis esse uidebatur.

Patres primæ Constantinopolitanæ Synodi huic loco addiderunt, SECVNDVM SCRIPTVRAS : Quod quidem ab Apostolo acceptum, in fidei Symbolum propterea transtulerunt : quod resurrectionis mysterium maxime necessarium esse, idem Apostolus docuerit ijs uerbis. Si Christus non resurrexit, inanis est ergo prædication nostra, inanis est fides uestra. & si Christus non resurrexit, uana est fides uestra : adhuc enim estis in peccatis uestris. Quare D. Augustinus, cum huius articuli fidem admiraretur, ita scripsit : Non magnum est credere, quia mortuus est Christus. hoc & Pagani, & Iudæi, & omnes iniqui credunt : hoc omnes credunt, quia mortuus est : fides Christianorum resurrectio Christi est : hoc pro magno habemus, quia credimus eum resurrexisse. ex quo factum est, ut frequentissime dominus de sua resurrectione locutus sit : ac nunquam ferè de passione sua cum discipulis collocutus est, quin de resurrectione loqueretur. quare cum dixisset : Filius hominis tradetur gentibus, & illudetur, & flagellabitur, & conspuetur, & postquam flagellauerint, occident eum : ad extremum addidit, Et tertia die resurget. & cum Iudæi ab eo peterent, ut aliquo signo, & miraculo

1. Cor. 15.

D. Augustinus.

Luc. 18.

miraculo doctrinam suam comprobaret, respondit, Luc. 11.
 nullum aliud signum eis datum iri, quàm Ionæ pro-
 phetæ signum. sicut enim fuit Ionas in uentre ceti Matth. 12.
 tribus diebus, & tribus noctibus, sic futurum affir-
 mauit filium hominis in corde terræ tribus diebus
 & tribus noctibus.

Verum, ut huius articuli uim, & sensum melius
 perspiciamus tria nobis inuestiganda, & cogno-
 scenda sunt. Primum quidem, quare necesse fuerit
 Christum resurgere: deinde, qui resurrectionis fi-
 nis, & scopus sit, & quæ ab ea utilitates, & com-
 moda in nos sint profecta. Quod igitur ad pri-
 mum attinet, necesse fuit eum resurgere, ut Dei iu-
 stitia ostenderetur, à quo maxime decebat eum ex-
 tolli, qui, ut illis obtemperaret, depressus, atque
 omni ignominia affectus erat. Hanc Apostolus
 causam attulit, cum ad Philippenses inquit: Hu-
 miliauit semetipsum factus obediens usque ad mor-
 tem, mortem autem crucis, propter quod & Deus
 exaltauit illum. Præterea ut fides nostra confir-
 maretur, sine qua hominis iustitia constare non po-
 test. illud enim maximo argumento esse debet, Chri-
 stum filium Dei fuisse, quod sua uirtute à mortuis
 resurrexit: deinde ut spes nostra aleretur, atque su-
 stentaretur. Cum enim Christus resurrexerit, certa
 spe nitimur fore, ut nos etiam resurgamus: si quidē
 membra capitis sui conditionem consequantur, ne-
 cesse est. ita enim Apostolus argumentationem cōclu-
 dere uidetur, cum ad Corinthios, & Thessalonicēses
 scribit

De necessi-
 tate, fine, &
 utilitate re-
 surrectio-
 nis Iesu
 Christi.

ad Phil. 2.

1. Cor. 15.
 1. Tess. 4.
 1. Pet. 1.

scribit. & à Principe apostolorum Petro dictum est. Benedictus Deus: & pater domini nostri Iesu Christi, qui secundum misericordiam suam magnam regeneravit nos in spem uiuam per resurrectionem Iesu Christi ex mortuis in hæreditatem incorruptibilem. Postremo ob eam etiam rem Domini resurrectionem necessariam fuisse docendum est, ut salutis, & redemptionis nostræ mysterium absoluere-tur. Christus enim morte sua nos à peccatis libera-uit: resurgens uero præcipua nobis bona restituit, quæ peccando amiseramus. Quare est apud Apo-stolum dictum: Christus traditus est propter deli-cta nostra, & resurrexit propter iustificationem nostram. Ne quid igitur humani generis saluti de-esset, quemadmodum illum mori, ita resurgere e-tiam oportuit. Ex ijs uero, quæ hætenus dicta sunt, perspicere possumus, quantum utilitas Chri-sti domini resurrectio fidelibus detulerit. In resur-rectione enim, Deum esse immortalem, plenum glo-ria, mortis & Diaboli uictorem, agnoscimus: quod de Christo Iesu sine ulla dubitatione credendum, & confitendum est. Deinde Christi resurrectio nobis etiam corporis resurrectionem peperit; tum quia eius mysteriū efficiens causa fuit; tum quia ad Domini exemplum resurgere omnes debemus. Nam quod ad corporis resurrectionem attinet, Apostolus ita testatur: Per hominem mors, & per hominem resurrectio mortuorum: quæcunque enim Deus in redemptionis nostræ mysterio egit

ad Ro. 4.

1. Cor. 15.

egit, ad omnia Christi humanitate, tamquam effici-
 cienti instrumento, usus est. Quare eius resurre-
 ctio instrumentum quoddam fuit ad resurrectionem
 nostram efficiendam: exemplar uero dici potest, quo-
 niam Christi domini resurrectio omnium est perse-
 ctissima: ac quemadmodum Christi corpus resur- ad Phil. 3.
 gens ad immortalem gloriam immutatum est, ita
 nostra etiam corpora, quæ prius imbecilla, & mor-
 talia fuerant, gloria, & immortalitate ornata re-
 stituentur. Ut enim Apostolus docet, Saluato-
 rem expectamus Dominum nostrum Iesum Chri-
 stum, qui reformabit corpus humilitatis nostræ con-
 figuratum corpori claritatis suæ. Hoc etiam de ani-
 ma in peccatis mortua dici potest: cui quo pacto
 Christi resurrectio exemplar proponatur: idem A- ad Ro. 6.
 postolus is uerbis ostendit: Quo modo Christus
 surrexit à mortuis per gloriam patris, ita & nos
 in nouitate uitæ ambulemus. si enim complantati
 facti sumus similitudini mortis eius, simul & re-
 surrectionis erimus. & paucis interiectis, inquit.
 Scientes quod Christus resurgens ex mortuis, iam
 non moritur: mors illi ultra non dominabitur. Quod
 enim mortuus est peccato, mortuus est semel: quod
 autem uiuit, uiuit Deo. Ita & uos existimate, uos
 mortuos quidem esse peccato, uiuentes autem Deo
 In Christo Iesu.

Duo igitur à Christi resurrectione exempla pe-
 tere debemus. Alterum est, ut postquam peccati
 maculas eluimus, nouum uitæ genus instituanus,
 in quo

Quæ ex
 Christi re-
 surrectione
 exempla su-
 menda.

in quo morum integritas, innocentia, humilitas, modestia, iustitia, beneficentia, humilitas eluceant. Alterum est, ut in eo uitæ instituto ita perseueremus, ut adiuuante Domino, à iustitiæ uia, quam semel ingressi fuerimus, non excidamus. Neque uero Apostoli uerba id solum demonstrant, Christi resurrectionem ad resurrectionis exemplum nobis proponi: uerum etiam resurgendi uirtutem nobis præbere, uiresque, & spiritum largiri, quo in sanctitate, & iustitia permaneamus, ac Dei præcepta seruemus, declarant. nam quemadmodum ex eius morte non solum peccatis moriendi exemplum capimus, sed uirtutem etiam haurimus, qua peccatis moriamur: ita eius resurrectio ad iustitiam consequendam nobis uires affert, ut deinde pie, & sancte Deum colentes, in nouitate uitæ ambulemus, ad quam resurgimus. Hoc enim maxime resurrectione sua Dominus effecit, ut qui antea una cum illo peccatis & huic sæculo mortui eramus, cum illo etiam ad nouam uitæ institutionem, & disciplinam resurgeremus. Cuius resurrectionis quæ potissimum signa obseruanda sint, Apostolus nos admonet, nam cum inquit: Si consurrexistis cum Christo, quæ sursum sunt querite, ubi Christus est in dextera Dei sedens: plane ostendit, eos, qui uitam, honores, otium, diuitias ibi maxime, ubi Christus est, habere cupiunt, uere cum Christo surrexisse. cum uero addit: Quæ sursum sunt sapite, non quæ super terram: alteram etiam hanc ueluti notam apposuit

ad Col. 3.

apposuit, qua perspicere possimus, num uere cum Christo resurreximus. ut enim corporis affectionem, & ualitudinem gustus iudicare solet: ita, si quæcunque sunt uera, quæcunque pudica, quæcunque in ad Phil. 4. sta, quæcunque sancta alicui sapiant, isque celestium rerum iucunditatem intimo mentis sensu percipiat, hoc maximo argumento esse potest, eum, qui ita affectus sit, ad nouam, & spirituales uitam una cum Christo Iesu surrexisse.

ASCENDIT AD CAELOS, SEDET AD DEXTERAM DEI PATRIS OMNIPOTENTIS. David propheta, cum beatam & gloriosam Domini ascensionem spiritu Dei plenus contemplaretur, omnes ad eum triumphum summa latitia, & gaudio celebrandum illis uerbis hortatur, cum inquit: Omnes gentes plaudite manibus, iubilate Deo in uoce exultationis: ascendit Deus in iubilatione. ex quo intelliget Parochus, maximo studio hoc mysterium explicandum esse, sibi-que diligenter curandum, ut fideles illud non solum fide, & mentem percipiant, sed, quoad eius fieri poterit, iuuante Domino, factis etiam, & uita exprimere studeant. Quod igitur ad sexti articuli explanationem attinet, in quo potissimum de diuino hoc mysterio agitur, à priori eius parte incipiendum est, &, quæ eius sit uis, atque sententia, aperiendum. De Christo enim Iesu illud etiam fideles sine ulla dubitatione credere oportet, cum, perfecto iam & absoluto redemptionis

I

Psal. 46.

nostræ

4. Reg. 2.
Dan. 14.

Act. 8.

nostra mysterio, ut homo est in calum corpore, & anima ascendisse. nam ut Deus est, nunquam ab eo absuit, ut qui diuinitate sua loca omnia compleat. Ascendisse autem sua uirtute doceat, non aliena ui sublatum, quemadmodum Helias, qui igneo curru in calum euectus est: uel Abacuh propheta, uel Philippus diaconus, qui diuina uirtute per acrem delati, longinqua terrarum spatia permearunt. Neque uero solum ut Deus prapotentia diuinitatis uirtute in calos ascendit, sed etiam ut homo est. Quamuis enim naturali ui id fieri non potuerit, tamen uirtus illa, qua beata Christi anima prædita erat, corpus, ut libuit, mouere potuit: corpus uero, quod iam gloriam adeptum erat, mouentis animæ imperio facile parebat. Atque hac ratione, ut Deus, & ut homo est, Christum in calum sua uirtute ascendisse credimus. In altera articuli parte hæc sunt: Sedet ad dexteram patris. quo loco tropum, idest uerbi immutationem licet animaduertere frequentem in diuinis litteris, cum humanas affectiones, & membra ad nostram intelligentiam accommodantes, Deo tribuimus. neque enim, cum spiritu sit, quidquam in eo corporeum cogitari potest. Sed quoniam in humanis rebus ei maiorem honorem tribui existimamus, qui ad dexteram collocatus est; eandem rem ad celestia etiam transferentes ad explicandam Christi gloriam, quam ut homo præ cæteris omnibus adeptus est, eum in patris dextera esse confitemur. Sedere autem

autem hoc loco non situm, & figuram corporis significat, sed eam regie summæque potestatis, ac gloriæ firmam & stabilem possessionem, quam à patre accepit, declarat: de quo ait Apostolus: *Suscitans illum à mortuis, & constituens ad dexteram suam in cælestibus supra omnem principatum, & potestatem, & uirtutem, & dominationem, & omne nomen, quod nominatur non solum in hoc sæculo, sed etiam in futuro: & omnia subiecit sub pedibus eius. Ex quibus uerbis apparet, hanc gloriam adeo propriam, & singularem Domini esse, ut nulli præterea conuenire possit. Quam obrem alio loco testatur: Ad quem autem angelorum dixit aliquando: Sede à dextris meis? Sed articuli sensum Parochus latius explanabit, ascensionis historiam persequens, quam sanctus Lucas euangelista in actis apostolorum admirabili ordine descripsit. In cuius explicatione illud primum obseruare oportebit, cætera omnia mysteria ad ascensionem, tamquam ad finem, referri, in eoque omnium perfectionem, & absolutionem contineri. nam, ut ab incarnatione Domini omnia religionis nostræ mysteria initium habent; ita ascensione eius peregrinatio concluditur. Præterea, alia Symboli capita, quæ ad Christum dominum pertinent, summam eius humilitatem, & contemptionem ostendunt. neque enim abiectius, aut humiliter quidquam cogitari potest, quàm quod filius Dei pro nobis humanam naturam, & imbecillitatem assum-*

Eph. i.

Hebr. i.

Act. i.

pserit, patrique, & mori uoluerit. At uero, quod tum superiori articulo à mortuis resurrexisset, nunc uero in cælum ascendisset, & ad Dei patris dexteram sedere contemur, nihil ad eius summam gloriam, diuinamque maiestatem declarandam magnificentius dici, aut admirabilius potest.

Christi in
cælum ascē
sionis inde
causa, &
quæ nobis
inde benefi
cia.

Iam his expositis accurate docendum est, cuius rei causa Christus dominus in cælos ascenderit. Primum enim ascendit, propterea quod eius corpori, quod immortalitatis gloria in resurrectione donatum fuerat, non terrena huius, & obscuræ habitationis locus, sed altissimum, & splendidissimum cæli domicilium conueniret: nec uero solum ut eius gloriæ, & regni solium potiretur, quod sanguine meruerat, uerum etiam ut ea, quæ ad salutem nostram pertinebant, curaret: deinde, ut regnum suum non esse ex hoc mundo, re ipsa comprobaret. nam mundi regna, terrena, & fluxa sunt, magnisque opibus, & carnis potentia nituntur: Christi uero regnum non terrenum, quale Iudæi expectabant, sed spirituale, & æternum. itemque eius opes, & diuitias spirituales esse ipse ostendit, cum suam sedem in cælis collocauit. in quo quidem regno illi ditiores, & omnium bonorum copia affluentiores existimandi sunt, qui ea, quæ Dei sunt, diligentius quærunt. nam & sanctus Iacobus testatur, Deum elegisse pauperes in hoc mundo, diuites in fide, & heredes regni, quod repromisit Deum eligentibus se. Sed illud etiam Dominus noster

Ioan. 18.

Iacob. 2.

noster in calum ascēdens efficere uoluit, ut nos eum
 ascendentem mente & desiderio prosequeremur.
 nam quemadmodum morte, & resurrectione sua
 moriendi, & resurgendi spiritu exemplum nobis re-
 liquerat, ita ascensu nos docet, atque instruit, ut Heb. 11.
 in terris positi, in calum nos cogitatione consera-
 mus; confitentes nos peregrinos, & hospites esse, Eph. 2.
 super terram, ac patriam inquirentes ciues esse san-
 ctorum, & domesticos Dei. Nostra enim, ut idem Philipp. 3.
 inquit Apostolus, conuersatio in calis est. Iam ue-
 ro uim, & magnitudinem inexplicabilium bono-
 rum, quæ in nos Dei benignitas effundit, diuinus Ps. 7.
 David, Apostolo interprete, multo ante cecinerat Eph. 4.
 illis uerbis: Ascendens in altum captiuam duxit ca-
 ptiuitatem, dedit dona hominibus. Nam decimo die
 spiritum sanctum dedit, cuius uirtute, atque uber-
 tate compleuit præsentem illam fidelium multitu-
 dinem: & uere tum magnifica illa promissa persol- AA. 1.
 uit: Expedit uobis, ut ego uadam. si enim non abie- Ioan. 16.
 ro, paracletus non ueniet ad uos: si autem abiero,
 mittam eum ad uos. Ascendit etiam in calum ex Hebr. 9.
 Apostoli sententia, ut appareat nunc uultui Dei
 pro nobis, & apud patrem aduocati officio funga-
 tur. Filioli mei, inquit sanctus Ioannes, hæc scribo 1. Ioan. 1.
 uobis, ut non peccetis: sed &, si quis peccauerit,
 aduocatum habemus apud patrem Iesum Chri-
 stum iustum, & ipse est propitiatio pro peccatis no-
 stris. Nec uero quidquam est, unde fideles maio-
 rem lætitiā, & animi iucunditatē capere debeāt,

Ioan. 14.

quàm Iesum Christum patronum causæ, ac deprecato-
 rem salutis nostræ constitutum esse, cuius sit
 apud æternum patrem summa gratia, & au-
 thoritas. Parauit denique nobis locum, quod
 etiam se facturum promiserat, atque omnium
 nostrum nomine caput ipse Iesus Christus uenit
 in cælestis gloriæ possessionem. nam in cælum
 abiens, portas, quæ Adami peccato interclusæ
 fuerant, patefecit, nobisque uiam munivit, qua
 ad cælestem beatitudinem perueniremus; quem-
 admodum ipse in cena discipulis futurum prædixe-
 rat. quod quidem ut rei etiam euentu aperte com-
 probaret, piorum animas, quas ab inferis eri-
 puerat, secum in æternæ beatitudinis domicilium
 introduxit. Hanc cælestium munerum admirabi-
 lem copiam salutaris illa commodorum series con-
 secuta est. primum. n. fidei nostræ merito maximus
 cumulus accessit: nam fides earum rerum est, quæ
 sub aspectum non cadunt, atque ab hominum ra-
 tione, ac intelligentia remotæ sunt. Quare si Do-
 minus à nobis non discessisset, fidei nostræ meri-
 tum minueretur: siquidem a Christo domino beati
 prædicantur, qui non uiderunt, & credide-
 runt. Præterea Christi in cælum ascensus ad con-
 firmendam spem in cordibus nostris magnum mo-
 mentum habet. nam quoniam Christum homi-
 nem in cælum ascendisse, & humanam naturam in
 dextera Dei patris collocasse credimus, magna in
 spe sumus, fore, ut nos etiam, eius membra, illuc
 ascendamus,

Ioan. 10.

ascendamus, atque ibi cum capite nostro coniungamur: quod ipse Dominus his uerbis testatus est: Io. 17. Pater, quod dedisti mihi, uolo, ut, ubi sum ego, & illi sunt mecum. Deinde hoc quoque uel maximum beneficium consecuti sumus, quod amorem nostrum ad cælum rapuit, ac diuino spiritu inflammanit: nam uerissime dictum est, ibi cor nostrum esse, ubi thesaurus noster est. Ac profecto, si Christus dominus in terris uersaretur, omnis nostra cogitatio in ipso hominis aspectu, & consuetudine defixa esset; & illum dumtaxat hominē spectaremus, qui nos tantis beneficijs afficeret, eumque terrena quadam beneuolentia prosequeremur: uerum in cælum ascendens, amorem nostrum spiritualem reddidit, effecitque, ut, quem nunc absentem cogitamus eū, ut Deum, ueneremur, & diligamus, Id autem partim Apostolorum exemplo intelligimus, quibus dum præsens affuit Dominus, humano fere sensu de illo iudicare uidebantur; partim uero ipsius Domini testimonio confirmatum est, cum inquit: Expedit uobis, ut ego uadam. Nam imperfectus ille amor, quo Christum Iesum præsentem diligebant, diuino amore perficiendus erat, idque spiritus sancti aduentu: quare statim addit: Si enim non abiero paracletus non ueniet ad uos. Accedit etiam quod in terris domum suam, id est Ecclesiam, amplificauit quæ spiritus sancti uirtute, & ductu gubernaretur. eius uero uniuersæ inter homines Pastorem, & sum-

Math. 6.

Io. 16.

Eph. 4.

munum antistitem Petrum, apostolorum principem, reliquit. tum uero dedit quosdam quidem apostolos, quosdam autem prophetas, alios uero euangelistas, alios autem pastores, & doctores. atque ita ad dexteram patris sedens, alijs, atque alijs diuersa dona semper impertitur. nam testatur Apostolus; unicuique nostrum datam esse gratiam secundum mensuram donationis Christi. Ad extremum uero, quod antea de mortis, & resurrectionis mysterio docuimus, idem etiam de ascensu fidelibus cogitandum est. quamuis enim Christi passioni salutem, & redemptionem nostram debeamus, qui merito suo aditum iustis ad cælum aperuit: tamen eius ascensus non solum ueluti exemplar nobis propositum est, quo alte spectare, & spiritu in cælum ascendere discamus, sed diuinam etiam uirtutem, qua id efficere possimus, largitus est.

Eph. 4.

INDE VENTVRVS EST IUDICARE VIVOS, ET MORTVOS. Tria sunt domini nostri Iesu Christi ad suam Ecclesiam decorandam, & illustrandam insignia officia, & munera, redemptionis, patrocinijs, & iudicij. cum autem superioribus articulis, ab eo genus humanum passione, & morte redemptum esse, ascensu etiam in cælum nostram causam, & patrocinium in perpetuum susceptum constet: sequitur, ut eius iudicium hoc articulo declaretur: cuius articuli ea uis est, & ratio, summo illo die Christum dominum de universo hominum genere iudicaturum esse. Sacra enim
litteræ

litteræ duos filijs Dei aduentus esse testantur, alterum, cum, salutis nostræ causa carnem assumpsit, & homo in uirginis aluo effectus est: alterum, cū in consummatione sæculi ad iudicandos omnes homines ueniet. hic aduentus in sacris litteris dies Domini appellatur: de quo Apostolus ait: Dies Domini, sicut fur in nocte, ita ueniet. & Saluator ipse: De die autem illa, & hora nemo scit. Ac de summo iudicio satis sit illa auctoritas Apostoli: Omnes nos manifestari oportet ante tribunal Christi, ut referat unusquisque propria corporis, prout gessit, siue bonum, siue malum. Plena enim est sacra scriptura testimoniorum, quæ passim Parochis occurrent, ad rem non solum comprobendam, sed etiam fidelium oculis subiiciendam; & ut, quemadmodum à mundi initio dies ille Domini, quo humanam carnem induit, omnibus optatissimus semper fuit, quod in eo mysterio liberationis suæ spem positam haberent; ita deinceps post filij Dei mortem, & ascensum in cælum, & alterum diem Domini uehementissimo studio desideramus, expectantes beatam spem, & aduentum gloriæ magni Dei.

Sed duo tempora Parochis ad rei explicationem obseruanda sunt, in quibus unicuique necesse est in conspectum domini uenire, & singularum cogitationum, actionum, uerborum denique omnium rationem reddere, demumque iudicis præsentem subire sententiam. Primum est, cum unusquisque nostrum migrat è uita: nam statim ad Dei tribunal

1. Thess.
Matth. 24.

Mat. 13.
2. Cor. 1.

De duplici
ad nos ad-
uentu Do-
mini & de
necessitate
generalis
iudicii.

sistitur, ibiq; de omnibus iustissima questio habetur, quæcumque aut egerit, aut dixerit, aut cogitarit umquam. atque hoc priuatim iudicium uocatur. Alterum uero, cum uno die, atque uno in loco omnes simul homines ab tribunal iudicis stabunt, ut, omnibus omnium seculorum hominibus inspectantibus, & audientibus singuli, quid de ipsis decretum, & iudicatum fuerit, cognoscant: cuius sententiæ pronuntiatio impijs, & scelestis hominibus non minima futura est pœnarum, & suppliciorum pars rursus uero pij, & iusti non paruum ex ea præmium fructumque percepturi sunt, cum, qualis quisque in hac uita fuerit, apparebit. hoc autem generale iudicium appellatur: de quo illud necessario ostendendum est, quæ causa fuerit, cur præter priuatum de singulis, alterum etiam de uniuersis hominibus iudicium exerceretur. nam cum uel ipsis hominibus mortuis interdum superslites sint filij parentum imitatores, reliqui sint liberti, discipuli, exemplorum, orationum, actionem amatores, ac propugnatores, quibus rebus ipsorum mortuorum præmia, & pœnas augeri necesse est; cum hæc uel utilitas, uel calamitas ad plurimos pertinens, non prius finem habitura sit, quàm extremus ueniat mundo dies; æquum erat de uniuersa hac recte, aut perperam factorum, dictorumq; ratione perfectam quæstionem haberi: quod fieri non poterat, nisi facto comuni omnium hominum iudicio. Accedit etiam, quòd cum piorum fama sæpe ledatur, impij uero

inno-

innocentiæ laude commendentur; diuinæ iustitiæ ratio postulat, ut p̄j ereptam iniuria apud homines existimationem in publico uniuersorum hominum conuentu, & iudicio recuperent. deinde uero boni, & mali homines, quacumque in uita egerunt, cum non sine corporibus egerint; omnino sequitur, ut benefacta, siue malefacta ad corpora etiam pertineāt, quæ actionum ipsarum instrumentum fuerunt. Maxime igitur conueniebat, corporibus una cum eorū animis debita æternæ gloriæ præmia, aut supplicia impertiri: quod quidem neque sine omnium hominum resurrectione, neque sine generali iudicio fieri poterat. Postremo, quoniam in aduersis, & secundis hominum rebus, quæ promiscue nonnumquam bonis & malis eueniunt. probandum erat, nihil non infinita Dei sapientia, & iustitia geri, ac gubernari; par fuit, non solum bonis præmia improbis supplicia in futuro sæculo constitui, uerum etiam publico, ac generali iudicio decerni; quo omnibus notiora, & illustriora fierent, atque ut Deo iustitiæ, & prouidentie laus ab omnibus tribueretur, pro iniusta illa querela, qua sancti etiam uiri deplorare interdum, ut homines, solebant, cum improbos ualentes opibus, & honoribus florentes animaduerberent. nam Propheta, Mei, inquit, Psal. 71.
pene moti sunt pedes, pene effusi sunt gressus mei, quia zelauī super iniquos, pacem peccatorum uidens. Et paulo post: Ecce ipsi peccatores, & abundantes in seculo, obtinuerunt diuitias: & dixi:
Ergo

Ergo sine causa iustificavi cor meum: & laui inter innocentes manus meas: & fui flagellatus tota die: & castigatio mea in matutinis. Atq. hæc frequens querela multorum fuit. Ergo necesse erat, ut generale iudicium exercetur; ne forte homines dicerent, Deum circa cardines cæli præambulantem non curare terrena. Hæc autem veritatis formula, iure una ex duodecim fidei Christianæ articulis constituta est, ut, si quorum animi in providentia & iustitia Dei nutarent, huius doctrinæ ratione confirmarentur. Præterea, proposito iudicio pios recreari, impios terreri oportebat; ut, cognita Dei iustitia, illi ne deficerent, hi à malis, æterni supplicij metu, atque expectatione, revocarentur. Quare Dominus & saluator noster, cum de extremo die loqueretur, declaravit futurum aliquando generale iudicium; signaque advenientis eius temporis descripsit; ut, cum illa viderimus, finem sæculi prope esse intelligamus. Ac deinde in cælum ascendens angelos misit, qui apostolos, eius absentia mærentes, his verbis consolarentur: Hic Iesus, qui assumptus est à vobis in cælum, sic veniet, quemadmodum vidistis eum euntem in cælum.

Job. 22.

Math. 24.

Act. 1.

Christus
cur iudex
omnium fu-
turus: de de
precedenti
bus iudicii
signis, deq.
forma, sen-
tentia, mo-
do.

Verum, Christo domino non solum ut deus, sed etiam ut homini hoc iudicium datum esse, sacræ literæ declarant. quamvis enim iudicandi potestas omnibus sanctæ Trinitatis personis communis sit: præcipue tamen filio eam tribuimus; quod ipse quoq; sapientiam convenire dicimus. Quod autem

ut homo mundum iudicaturus sit, Domini testimonio confirmatur, qui inquit: Sicut pater habet uitam Ioan. 5. in semetipso, sic dedit & filio habere uitam in semetipso, & potestatem dedit ei iudicium facere, quia filius hominis est. Decebat autem maxime à Christo domino hoc iudicium exerceri, ut, cum de hominibus decernendum esset, illi corporeis oculis iudicem uidere, & auribus sententiam, quæ proferebatur, audire possent, & omnino iudicium illud sensibus percipere. Ac præterea æquissimum erat, ut homo ille, qui iniquissimis hominum sententijs condemnatus fuerat, omnium deinde iudex sedere ab omnibus conspiceretur. Quamobrem apostolorum Princeps, cum in Cornelij domo summa Christianæ religionis capita exposuisset, docuissetque Christum à Iudeis in ligno suspensum, atque occisum, tertia uero die ad uitam resurrexisse, subiunxit: Et præcepit nobis, prædicare populo, & testificari, quia ipse est, qui constitutus est à Deo iudex Act. 10. iuueniorum, & mortuorum. Sed tria hæc præcipua signa iudicium antecessura esse, sacra littera declarant, prædicationem euangelij per uniuersum orbem, discessionem, Antichristum. ait enim Dominus: Prædicabitur hoc euangelium regni in uniuerso orbe in testimonium omnibus gentibus, & tunc ueniet consummatio. & Apostolus nos admonet, ne ab aliquo seducamur, quasi instet dies Domini: quoniam, nisi uenerit discessio primum, 2. Thess. 2. & reuelatus fuerit homo peccati, iudicium non fiet.

fiet. Quæ autem iudicij forma, & ratio futura sit, Parochis ex Danielis oraculis, tum ex sanctorum euangeliorum, & Apostoli doctrina, facile erit cognoscere. Præterea, sententia, quæ à iudice pronuntianda sit diligentius hoc loco expendenda erit. Christus enim saluator noster, lætis oculis pios à dextera stantes intuens, ita de illis iudicium sum-

Matth. 25.

ma cum benignitate pronuntiabit: Venite benedicti patris mei: possidete regnum, quod paratum est uobis à constitutione mundi. Quibus uerbis nihil iucundius audiri posse illi intelligent, qui ca cum impiorum damnatione contulerint, ac cum animo suo cogitauerint, ijs uerbis pios & iustos homines à laboribus ad quietem; à lacrymarum ualle ad summum gaudium, à miserijs ad perpetuam beatitudinem, quam illi charitatis officijs promeriti fuerint, uocari. Deinde ad eos, qui à sinistra stabunt, conuersus, suam iustitiam in eos effundet his uerbis: Discedite à me maledicti in ignem æternum, qui paratus est Diabolo, & angelis eius. Prioribus illis uerbis, Discedite à me, maxima pœna significatur, qua impij plectendi erunt, cum à Dei aspectu quàm longissime eiicientur; neque ulla spes eos consolari poterit, fore aliquando, ut tanto bono perfruantur. atque hæc quidem à theologis

Matth. 25.

pœna damni appellata est, quod scilicet impij apud inferos diuine uisionis luce perpetuo carituri sint. Quod uero additur, Maledicti; mirum in modum auget illorum miseriam, & calamitates. si enim,

Pœna dam-
ni domina-
tis infligen-
da. 1. 2.

Quod uero additur, Maledicti; mirum in modum auget illorum miseriam, & calamitates. si enim,

cum

cum a diuina presentia expellendi essent, aliqua saltem benedictione digni haberentur, hoc profecto magno eis solatio esse potuisset. at quoniam nihil eiusmodi ipsis expectandum est, quod calamitatem leuiorem faciat, iure optimo, cum expellentur, diuina iustitia eos omni maledictione persequetur. Sequitur deinde, *In ignem æternum.* quod quidem alterum pœnarum genus, pœnam sensus theologi uocarunt: propterea quòd sensu corporis percipitur, ut in uerberibus, & flagellis, alioque grauiore suppliciorum genere; inter quæ, dubitari non potest, ignis tormenta summum doloris sensum efficere. cum malo cum accedat, ut perpetuum tempus duraturum sit; ex eo ostenditur, damnatorum pœnam omnibus supplicijs cumulandam esse. atque hoc magis declarant uerba illa, quæ in extrema sententiæ parte posita sunt: *Qui paratus est Diabolo, & angelis eius.* Cum enim ita comparatum sit ut omnes molestias leuius feramus, si calamitatis nostræ socium aliquem, & consortem habeamus, cuius prudentia, atque humanitate aliqua ex parte iuuari possimus: quæ tandem erit damnatorum miseria; quibus in tantis ærumnis à perditissimorum dæmonum societate diuelli numquam licebit? Et hæc quidem sententia in impios iustissime à domino Saluatore nostro feretur; ut, qui omnia ueræ pietatis opera neglexerint, & esurienti, ac sitienti nec cibum, nec potum ministrauerint, hospitem non exceperint, nudum

Matth. 25.

Pœna sensus.

Eccle. 17.

non operuerint, aut in carcere inclusum, ægrumq. non uisitarint. Hæc sunt, quæ Pastores fidelis populi auribus sæpissime inculcare debent. nam huius arciculi ueritas fide concepta maximam uim habet ad frenandas prauas animi cupiditates, atque à peccatis homines abstrahendos. Quare in Ecclesiastico dictum est: In omnibus operibus tuis memorare nouissima tua, & in æternum non peccabis. Ac profecto uix quisquam adeo præceptum in scelera ferretur, quem illa cogitatio ad pietatis studium non reuocet, fore aliquando, ut ei apud iustissimum iudicem omnium non solum factorum, dictorumque, sed occultissimarum etiam cogitationum ratio reddenda, & pro meritis pœna persoluenda sit. Iustus uero ad colendam iustitiam magis ac magis incitetur, ac summa lætitia effertur, necesse est, quamuis etiam in egestate, infamia, cruciatibus uitam degat, cum animum ad eum diem refert, quo post ærumnosæ huius uitæ certamina uictor uniuersis hominibus audientibus declarabitur, & diuinis, atque illis quidem æternis honoribus, in cælestem patriam receptus, afficietur. Quod igitur reliquum est, hortari fideles oportet, ut optime uiuendi rationem comparent, ad omne pietatis studium se exerceant, quo possint aduentantem magnum illum diem Domini maiore cum securitate animi expectare, atque adeo, ut filios decet, cum summa cupiditate expetere.

C R E D O

CREDO IN SPIRITUM SANCTUM.

Haftenus, quæ ad primam, & secundam sanctæ Trinitatis personam pertinebant, quantum propositi argumenti ratio postulare uidebatur, exposita sunt: sequitur nunc, ut illa etiam, quæ in Symbolo de tertia persona, hoc est spiritu sancto traduntur, explicentur. Quia in re declaranda omne studium, & diligentiam Pastores adhibebunt, cum homini Christiano non magis liceat hanc partem ignorare, uel de ea minus recte sentire, quàm de alijs superioribus articulis existimandum sit. Quare Apostolus non permisit Ephesios quosdam spiritus sancti personam ignorare: à quibus cum quæ. Aq. 19.

*I*ssisset, an spiritum sanctum acceperissent, cum illi, ne si spiritus sanctus quidem esset, se scire respondissent, statim rogauit: In quo ergo baptizati estis? quibus uerbis significauit, distinctam huius articuli notitiam fidelibus maxime necessariam esse: ex qua eum præcipue fructum capiunt, quod, cum attente cogitant, se, quidquid habent, spiritus sancti munere, & beneficio consecutos esse, tum uero de ipsis modestius, & humiliter sentire, & in Dei præsidio omnem spem ponere incipiunt: qui primus homini Christiano gradus ad summam sapientiam, & felicitatem esse debet.

Huius igitur articuli explanationem à ui, & notione, quæ hoc loco spiritus sancti uocabulo subiecta est, & exordiri oportebit. nam cum illud æque de patre, & filio, rectissime dicatur; (uterque enim

De propria spiritus sancti significatione.

enim spiritus est, & sanctus: si quidem Deum spiritum esse confitemur) deinde uero hac uoce angelietiam, & piorum animæ significantur; cauendum est, ne populus uerbi ambiguitate in errorem inducatur. Quare docendum est in hoc articulo, Spiritus Sancti nomine, tertiam Trinitatis personam intelligi: quo modo in sacris litteris tum ueteris nonnumquam, tum noui testamenti frequenter accipitur. nam Dauid precatur: Et Spiritum sanctum tuum ne auferas à me. In libro sapientiæ legimus: Sensum tuum quis sciet, nisi tu dederis sapientiam, & miseris Spiritum sanctum tuum de altissimis? & alibi: Ipse creauit illam in Spiritu sancto. In nouo uero testamento iubemur baptizari in nomine Patris, & Filij, & Spiritus sancti. Et sanctissimam uirginem de Spiritu sancto concepisse legimus. Tum uero à sancto Ioanne ad Christum mittimur: qui nos Spiritu sancto baptizat; ac plurimis præterea alijs in locis ea uox legentibus occurrit. Verum nemo mirari debet, tertie personæ, quemadmodum primæ, & secundæ, proprium nomen tributum non esse. nam secunda persona ideo proprium nomen habet, filius dicitur, quia eius æternus a patre ortus propriè generatio uocatur, ut in superioribus articulis explicatum est. Ut igitur ortus ille, generationis nomine significatur: ita personam, quæ emanat, propriè filium appellamus, & à qua emanat, patrem. Nunc cum tertie personæ productioni proprium

Psal. 50.

Sap. 9.

Eccle. 1.

Matth. 28.

Matth. 1.

Luc. 1.

Ioan. 1.

Cur tertie
personæ
proprium
nomen im-
positū non
sit.

proprium nomen impositum non sit, sed spiratio, & processio appelletur; sequitur, ut etiam persona, quæ producitur suo nomine careat. Nullum autem proprium nomen eius emanatio habet: propterea quod nomina, quæ Deo tribuuntur, à rebus creatis mutuari cogimur: in quibus quoniam nullam aliam naturæ, & essentiæ communicandæ rationem, quàm generandi uirtute, agnoscimus, ob eam causam sit, ut rationem, qua se ipsum totum Deus ui amoris communicat, proprio uocabulo exprimere non possimus. Quare communi SPIRITUS SANCTI nomine tertia persona appellata est. quod quidem illi maxime conuenire ex eo intelligimus, quia spiritualem uitam in nos infundit, ac sine eius sanctissimi muneris afflatu nihil æterna uita dignum efficere possumus.

Verum, explicata uocabuli significatione, docendus in primis erit populus, Spiritum sanctum æque ac patrem & filium Deum esse, eidem æqualem, æque omnipotentem, æternum, & infinite perfectionis, summum bonum, ac sapientissimum, eiusdemq; cum patre, & filio naturæ. Quod quidē illius uocis, IN, cum dicimus, Credo in Spiritum sanctum, proprietates satis indicat, quæ, ad exprimendam fidei nostræ uim, singulis Trinitatis personis appositæ sūt. Atque id etiam aperta sacrarum litterarum testimonia confirmant. nam cum sanctus Petrus in Actis Apostolorum dixisset: Ana-

Spiritus
sanctum
oīo Patri
& filio in
omnibus æ-
qualem et-
ce.

125.

Spiritui sancto? mox inquit: Non es mentitus hominibus, sed Deo: quem prius Spiritum sanctum appellauerat, eundem statim Deum uocat. Apostolus etiam ad Corinthios, quem Deum dixerat, Spiritum sanctum esse interpretatur. Diuisiones, inquit, operationum sunt, idem uero Deus, qui operatur omnia in omnibus. Deinde subiungit: Hac autem omnia operatur unus, atque idem Spiritus, diuidens singulis prout uult. Præterea in Actis Apostolorum, quod uni Deo prophætæ tribuunt, ille Spiritui sancto adscribit. dixerat enim Isaias: Audiui uocem Domini dicentis. Quem mittam? & dixit mihi uade, & dices populo huic: Excæca cor populi huius, & aures eius aggraua, & oculos eius claude: ne forte uideat oculis suis, & auribus suis audiat. Quæ uerba cum Apostolus citaret, Bene, inquit, Spiritus sanctus locutus est per Isaiam prophetam. Deinde uero cum scriptura Spiritus sancti personam cum patre & filio coniungit, ut cum patris, & filij, & spiritus sancti nomen in baptismo adhiberi præcipit, nullus nobis de huius mysterij ueritate dubitandi locus relinquitur. nam si pater Deus est, & filius Deus: omnino fateri cogimur, etiam Spiritum sanctum, qui cum eis pari honoris graue coniungitur, Deum esse. Accedit autem, quod is, qui in nomine cuiusuis rei creatæ baptizatur, nullum ex eo fructum consequi potest. Nunquid in nomine Pauli, inquit, baptizati estis? ut ostenderet hoc eis nihil ad comparandam

Cor. 11.

Isa. 6.

Act. 18.

1. Cor. 12.

*randam salutem profuturum esse. Cum igitur baptizemur in nomine Spiritus sancti; eum esse Deum fateri oportet. Sed hunc eundem trium personarum ordinem, quo Spiritus sancti diuinitas comprobatur, licet animaduvertere tum in epistola Ioannis: Tres sunt qui testimonium dant in celo, Pater Verbum, 1. Ioan. 5.
 & Spiritus sanctus, & hi tres unum sunt: tum ex præclaro illo sanctæ Trinitatis elogio, quo diuinæ laudes & psalmi concluduntur, Gloriæ patri, & filio, & Spiritui sancto. Postremo, quod ad eam ueritatem confirmandam maxime pertinet, quæcumque Dei propria esse credimus, ea Spiritui sancto conuenire sacræ litteræ testantur. Quare illi templorum honorem tribuunt, ut cum Apostolus 1. Cor. 6.
 ait: *An nescitis, quoniam membra uestra templum sunt Spiritus sancti? Item sanctificationem, & uiuificationem; & scrutari profunda Dei; & per 2. Thess.
 prophetas loqui; & ubique esse: quo omnia diuino tantum numini tribuenda sunt. Sed illud præterea fidelibus accurate explanandum est, Spiritum sanctum ita Deum esse, ut eum tertiā personam in diuina natura à patre, & filio distinctam, & uoluntate productam confiteri oporteat. nam, ut alia scripturarū testimonia omittantur, baptismi forma, quam Ioan. 6.
 Saluator noster docuit, apertissime ostendit Spiritum sanctum tertiā esse personā, quæ in diuina natura per se cōstet, & ab alijs distincta sit. Quod etiā Apostoli uerba declarant, cum inquit: Gratia domini nostri 2. Cor. 13.
 Iesu Christi, & charitas Dei, & cōmunitatio sancti.**

Spiritus sit cum omnibus vobis, Amen. Idem uero multo apertius demonstrant, quæ Patres in Constantinopolitano primo Concilio hoc loco ad confutandam impiam Macedonij amentiam addiderunt, & in SPIRITVM SANCTVM DOMINVM, & uiuificantem, qui ex patre, filioque procedit; qui cum patre & filio simul adoratur, & conglorificatur; qui locutus est per prophetas. Quòd igitur spiritum sanctum Dominum confitentur, in eo declarant, quantum angelis antecellat; qui tamen nobilissimi spiritus à Deo conditi sunt. illos enim omnes sanctus Paulus testatur esse administratorios spiritus in ministerium missos propter eos, qui hereditatem capiunt salutis. V I V I F I C A N T E M uero appellant, quòd anima cum Deo coniuncta magis uiuit, quam corpus animæ coniunctione alitur, ac sustinetur. Quoniam uero spiritui sancto sacræ litteræ hanc animæ cum Deo coniunctionem tribuunt, rectissime uiuificantem Spiritum sanctum uocari perspicuum est. Iam uero quod sequitur, Qui ex patre, filioque procedit, docendi sunt fideles, spiritum sanctum à patre, & filio, tamquam ab uno principio, æterna processione procedere. id enim ecclesiastica regula, à qua Christiano non licet aberrare, credendum nobis proponit, & diuinarum litterarum & conciliorum auctoritate confirmatur. nam Christus dominus, cum de spiritu sancto loqueretur, dixit: Ille me clarificauit, quia de meo accipiet. Hoc idem ex eo colligitur, quòd in
scri-

Hebr. 1.

Ioh. 14.

scripturis sacris Spiritus sanctus nonnunquam Spiritus Christi, interdum spiritus patris appellatur: modo à patre, modo à filio mitti dicitur, ut æquè à patre, & filio procedere non obscure significetur. Qui spiritum Christi non habet, inquit sanctus Paulus, hic non est eius. Et idem spiritum Christi uocat, cum ad Galatas inquit: Misit Deus spiritum filij sui in corda uestra, clamantem Abba pater: Apud sanctum Matthæum spiritus patris appellatur: Non uos estis qui loquimini, sed spiritus patris uestri. Et Dominus in cena inquit: Paracletus, quem ego mittam uobis spiritum ueritatis, qui à patre procedit, ille testimonium perhibebit de me. Tum alibi eundem Spiritum sanctum à patre mittendum affirmat his uerbis: Quem mittet pater in nomine meo. Ex quibus uerbis cum processionem Spiritus sancti intelligamus, perspicuum est, eundem ab utroq; procedere. Hæc sunt, quæ de Spiritus sancti persona tradenda erunt.

46. 14. 15.

Roma. 8.

Gal. 4.

Math. 16.

Ioan. 15.

Ioan. 14.

S

Docere præterea oportebit, quosdam esse Spiritus sancti admirabiles affectus, & amplissima quædam munera, quæ ab ipso, tamquam à perenni bonitatis fonte, oriri, & manare dicuntur. Quamuis enim sanctissimæ Trinitatis opera, quæ extrinsecus fiunt, tribus personis communia sint: ex ijs tamen multa Spiritui sancto propria tribuuntur, ut intelligamus illa in nos à Dei immensa charitate proficisci. nam cum Spiritus sanctus à diuina uoluntate, ueluti amore inflammata, procedat; perspic

De admirabilibus Spiritus sancti effectibus & donis.

potest, eos effectus, qui proprie ad spiritum sanctum referuntur, a summo erga nos Dei amore oriri. Quare ex eo consequitur, ut Spiritus sanctus DONVM appelletur. nam doni uocabulo significatur id, quod benigne, & gratuito, uulla spe remunerationis proposita, donatur. Ac proinde quæ cūque bona, & beneficia à Deo in nos collata sunt, (quid autem habemus, quod à Deo, ut inquit. Apostolus, non acceperimus?) ea nobis Spiritus sancti concessu, & munere data esse, pio, & grato animo agnoscere debemus. Eius autem plures effectus sunt. nam ut mundi creationem, creatarumque rerum propagationem, & gubernationem omittamus, de quibus in primo articulo commemorauimus; iustificationem Spiritui sancto proprie tribui, paulo ante demonstratum est, & Ezechielis testimonio confirmatur: Dabo, inquit, uobis spiritum, & uiuetis. Præcipuos tamen, & maxime proprios Spiritus sancti effectus Propheta enumerat: Spiritum sapientiæ, & intellectus, spiritum consilij, & fortitudinis, spiritum scientiæ, & pietatis, & spiritum timoris Domini. quæ dona Spiritus sancti uocantur. interdum autem Spiritus sancti nomen eis tribuitur. Quare sapienter D. Augustinus monet, Animaduertendum esse, cum in sacris litteris huius uocis SPIRITVS SANCTI mentio fit, ut diiudicare possimus, tertiam ne Trinitatis personam, an eius effectus, atque operationes significet. nam hæc duo eodem interuallo distinguenda sunt, quo
etiam

1. Cor. 4.

Ezech. 37.

Isa. 11.

S. Augu.

etiam creatorem à rebus creatis differre credimus, Atque hæc eò diligentius explicanda sunt, quod ex hisce Spiritus sancti domis, Christianæ vitæ præcepta haurimus, sentireque possumus, an Spiritus sanctus in nobis sit. Verum, præteris eius amplissimis muneribus, gratia illa prædicanda est, quæ nos iustos facit, signatque spiritu promissionis sanctos, qui est pignus hereditatis nostræ. hæc enim mentem nostram ætérissimo amoris uinculo Deo iungit: ex quo fit, ut summo pietatis studio accensi, nouam uitam instituamus, ac naturæ diuinæ participes effecti, filij Dei nominemur, & uerè simus.

Eph. 1.

1. Ioan. 3.

CREDO SANCTAM ECCLESIAM CATHOLICAM. Quanta diligentia curare Pastores debeant, ut huius noni articuli ueritatem fidelibus explicent, si duo potissimum considerantur, facile cognosci poterit. Primum enim, teste sancto Augustino, propheta planius, & apertius de Ecclesia, quam de Christo, locuti sunt, cum in eo multò plures errare, ac decipi posse, quàm in incarnationis sacramento, præuiderent. Neque enim de futuri erant impij, qui ad simia imitationem, quæ se hominem esse fingit, solos se catholicos esse profiterentur, & catholicam Ecclesiam apud se tantum, non minus nefarie, quàm superbè affirmarent. Deinde, si quis hanc ueritatem firmo animo conceptam habuerit, facile horrendum hæresis periculum effugiet. Non enim, ut quisque primum in fide peccarit, hæreticus dicendus est,

S. Aug.

sed qui, Ecclesiæ auctoritate neglecta, impias opinionones pertinaci animo tuetur. Cum igitur fieri non possit, ut aliquis se hæresis peste commaculet, si ijs fidem adhibeat, quæ in hoc articulo credenda proponantur; curent omni studio Pastores, ut fideles, cognito hoc mysterio, contra aduersarij artes muniti, in fidei ueritate perseuerent. Pendet autem hic articulus à superiori: quia cum iam demonstratum sit, Spiritum sanctum omnis sanctitatis fontem, & largitorem esse, nunc ab eodem Ecclesiam sanctitate donatam confitemur.

Quid proprie nomine Ecclesiæ Christianis intelligendum, & quæ mysteria contineat.

At quoniam Ecclesiæ uocem Latini à Græcis mutuati, post diuulgatum euangelium ad res sacras translulerunt; quam uim habeat hoc uocabulum, aperiendum est. Significat autem Ecclesia euocationem: uerum scriptores postea usurparunt pro concilio, & concione. Neque uero refert, utrum populus ille ueri Dei, an falsæ religionis cultor extiterit. in Actis enim de Ephesino populo scriptum est, cum scriba turbas sedasset, dixisse, Si quid autem alterius rei queritis, in legitima Ecclesia poterit absolui. Legitimam uocat Ecclesiam populum Ephesinum, Dianæ cultui addictum. Neque solum gentes, quæ Deum non nouerunt, sed etiã malorum, & impiorum hominum concilia interdum Ecclesia nominantur. Odiui, inquit Prophetæ, Ecclesiam malignantium, & cum impijs non sedebo. Communi uero deinde sacrarum scripturarum consuetudine hæc uox ad remp. Christianam, fideliumque

A& 19.

Psal. 35.

fideliūque tantum congregationes significandas
usurpata est; qui scilicet ad lucem ueritatis, &
Dei notitiam per fidem uocati sunt, ut, reiectis
ignorantiæ, & errorum tenebris, Deum uerum,
& uiuum pie, & sancte colant, illique ex toto cor-
de inseruiant. Atque, ut unico uerbo hæc res tota
absoluatur, Ecclesia, ut ait sanctus Augustinus, S. AuguR.
est populus fidelis per uniuersum orbem dispersus.
Nec uero leuia mysteria in hoc uocabulo continen-
tur. etenim in euocatione, quam Ecclesia signifi-
cat, statim diuinæ gratiæ benignitas, & splendor
elucet, intelligimusque Ecclesiam ab alijs rebus pu-
blicis maxime differre. illæ enim humana ratione,
& prudentia nituntur: hæc autem Dei sapientia,
& consilio constituta est. uocauit enim nos intimo
quidem Spiritus sancti afflatu, qui corda hominum
aperit, extrinsecus autem Pastorum & prædicatorum
opera, ac ministerio. Præterea, ex hac uoca-
tione quis nobis finis propositus esse debeat, nimi-
rum æternarum rerum cognitio, & possessio, is
optime perspiciet, qui animaduertit, cur olim fi-
delis populus sub lege positus, synagoga, id est con-
gregatio diceretur. nam, ut docet sanctus Augu-
stinus, hoc ei nomen impositum est, quia pecudum
more, quibus magis congregari conuenit, terrena,
& caduca tantum bona spectaret. quare merito
Christianus populus, non synagoga, sed Ecclesia
dicitur: quia, terrenis, & mortalibus rebus con-
temptis, cælestes, & æternas tantummodo conse-
cratur

elatur. Multa præterea nomina, quæ plena sunt mysterijs, ad Christianam rempub. significandam traducta sunt. nam & domus, & ædificium Dei ab Apostolo uocatur. Sitardauero, inquit ad Timotheum, ut scias quo modo oporteat te in domo Dei conuersari, quæ est Ecclesia Dei uiui, columna, & firmitamentum ueritatis. Domus autem Ecclesia idcirco appellatur, quia sit ueluti una familia, quâ unus pater familias moderatur, & in qua est bonorum omnium spiritualium cõmunio. Dicitur etiam grex ouium Christi, quarum ille ostium est, & Pastor. Vocatur sponsa Christi. Despondi uos uni uiro uirginem castam exhibere Christo, inquit Apostolus ad Corinthios. Idem ad Ephesios: Viri diligite uxores uestras, sicut & Christus dilexit Ecclesiam. Ac de matrimonio: Sacramentum hoc, inquit, magnum est, ego autem dico in Christo, & in Ecclesia. Dicitur denique Ecclesia corpus Christi, ut ad Ephesios, & Colossenses licet uidere. Et hæc singula plurimum ualent ad fideles excitandos, ut se dignos immensa Dei clementia, & bonitate præbeant, qui eos, ut populus Dei esset, elegit.

2. Tim. 3.

. Cor. 11.
Eph. 5.Eph. 5.
Ad col. 1.

Ecclesia
tur Mili-
tans & Tri-
umphans
dicatur, &
quosiam
complexa
tur.

His uero explicatis, necesse erit singulas Ecclesie partes enumerare, earumque differentias docere, quod magis Deo dilectæ Ecclesie naturam, proprietates, dona, & gratias populus percipiat, & ob eam causam sanctissimum Dei numen laudare numquam intermittat. Ecclesie autem due potissimum sunt partes: quarum altera Triumphans, altera

altera Militans uocatur. Triumphans est, cætus ille clarissimus, & felicissimus beatorum spirituum, & eorum, qui de mundo, de carne, de iniquissimo demone triumpharunt, & ab huius uitæ molestiis liberi, ac tuti, æterna beatitudinis fruuntur. Militans uero Ecclesia est, cætus omnium fidelium, qui adhuc in terris uiuunt: quæ ideo Militans uocatur, quod illi cum immanissimis hostibus, mundo, ne, Satana perpetuum sit bellum. Neque idcirco tamen duas esse Ecclesias censendum est: sed eiusdem Ecclesiæ, ut antea diximus, partes duæ sunt, quarum una antecessit, & cælesti patria iam potitur: altera in dies sequitur donec aliquando cum Salvatore nostro coniuncta, in sempiterna felicitate conquiescat. Iam in Ecclesia Militanti duo sunt hominum genera, bonorum, & improborum. & improbi quidem eorundem sacramentorum participes eandem quoque, quam boni, fidem profitentur, uita ac moribus dissimiles: boni uero in Ecclesia dicuntur ii, qui non solum fidei professione, & communione sacramentorum, sed etiam spiritu gratiæ, & charitatis uinculo inter se coniuncti, & colligati sunt: de quibus dicitur: Cognouit Dominus, qui sunt eius. Possunt uero etiam homines aliquibus coniecturis opinari, quinam sint, qui adhuc piorum hominum numerum pertineant, certo autem scire minime possunt. Quare existimandum non est, Christum saluatorem de hac Ecclesiæ parte locutum esse,

In Ecclesia militanti sunt & boni, & mali.

1. Tim. 2.

Math. 18.

esse, cum ad ecclesiam nos remisit, ei que ut pareamus praecepit. nam cum illa sit incognita; cui certum esse poterit, ad cuius iudicium confugiendum, & cuius auctoritati obtemperandum sit? Bonos igitur, & improbos Ecclesia complectitur, quemadmodum & diuina littera, & sanctorum uirorum scripta testantur: In quam sententiam scriptum est illud Apostoli; Unum corpus, & unus spiritus.

Eph. 4.

Ecclesia
quibus figuris, & similitudinibus designata,
& quoniam ab ea excludantur.

Matth. 13.

Matth. 13.

Luc. 3.

Matth. 23.

Gen. 7.

Hac autem Ecclesia nota est, urbi que supra montem sita comparata, quae undique conspicitur. nam cum illi ab omnibus parendum sit, cognoscatur necesse est. Neque bonos tantum, sed malos etiam complectitur, ut multis parabolis euangelium docet; ueluti cum regnum calorum, id est Militantem Ecclesiam, simile esse sagenae in mare missae commemorat; uel agro, in quo zizania superfeminata sunt; uel area, in qua frumentum cum paleis continetur; uel decem uirginibus partim fatuis, partim prudentibus. Sed multo ante etiam in arca Noe, quia non solum munda, sed etiam immunda animalia concludebantur, huius Ecclesiae figuram, & similitudinem licet intueri. Quamuis autem, bonos, & malos ad Ecclesiam pertinere, catholica fides uere, & constanter affirmet: ex iisdem tamen fidei regulis fidelibus explicandum est, utriusque partis diuersam admodum rationem esse. ut enim paleae cum frumento in area confusae sunt, uel interdum membra uarie intermixta corpori coniuncta: ita etiam mali in Ecclesia continentur: ex quo

fit, ut tria tantummodo hominum genera ab ea excludantur, primo infideles, deinde hæretici, & schismatici, postremo excommunicati: ethnici quidem quod in Ecclesia numquam fuerunt, neque eam umquam cognouerunt, nec ullius sacramenti participes in populi Christiani societate facti sunt; hæretici uero, atque schismatici, quia ab Ecclesia desciauerunt, neque enim illi magis ad Ecclesiam spectant, quam transfugæ ad exercitum pertineant, à quo descecerunt. non negandum tamen, quin in Ecclesiæ potestate sint, ut qui ab ea in iudicium uocentur, puniantur, & anathemate damnentur. Postremo etiam excommunicati; quod Ecclesiæ iudicio ab ea exclusi, ad illius communionem non pertineant, donec resipiscant. De ceteris autem quamuis improbis, & sceleratis hominibus, adhuc eos in Ecclesia perseuerare dubitandum non est: idque fidelibus tradendum assidue, ut, si forte Ecclesiæ antistitum uita flagitiosa sit, eos tamen in Ecclesia esse, nec propterea quidquā de eorum potestate detrahi, certo sibi persuadeat. Verum uniuersæ etiam Ecclesiæ partes Ecclesiæ nomine significari solent, ut cum Apostolus Ecclesiam, quæ est Corinthi, Galatiæ, Laodicensium, Thessalonicensium nominat, priuatas etiam fidelium familias Ecclesias uocat: nam Priscæ, & Aquilæ domesticam Ecclesiam saluari iubet. item alio in loco, Salutant uos, inquit, in domino multum Aquila, & Priscilla cum domestica sua Ecclesia. Ad Philemonem etiam scribens eandem

2. Cor. 1.
1. Cor. 16.
Colos. 4.
1. Thes. 1.
Rom. 16.
1. Cor. 16.

enim spiritus est, & sanctus: si quidem Deum spiritum esse confitemur) deinde uero hac uoce angelietiam, & piorum animæ significantur; cauendum est, ne populus uerbi ambiguitate in errorem inducatur. Quare docendum est in hoc articulo, Spiritus Sancti nomine, tertiam Trinitatis personam intelligi: quo modo in sacris litteris tum ueteris nonnumquam, tum noui testamenti frequenter accipitur. nam David precatur: Et Spiritum sanctum tuum ne auferas à me. In libro sapientiæ legimus: Sensum tuum quis sciet, nisi tu dederis sapientiam, & miseris Spiritum sanctum tuum de altissimis? & alibi: Ipse creauit illam in Spiritu sancto. In nouo uero testamento iubemur baptizari in nomine Patris, & Filij, & Spiritus sancti. Et sanctissimam uirginem de Spiritu sancto concepisse legimus. Tum uero à sancto Ioanne ad Christum mittimur: qui nos Spiritu sancto baptizat; ac plurimis præterea alijs in locis ea uox legentibus occurrit. Verum nemo mirari debet, tertie personæ, quemadmodum primæ, & secundæ, proprium nomen tributum non esse. nam secunda persona ideo proprium nomen habet, filius dicitur, quia eius æternus a patre ortus propriæ generationis uocatur, ut in superioribus articulis explicatum est. Ut igitur ortus ille, generationis nomine significatur: ita personam, quæ emanat, propriæ filium appellamus, & à qua emanat, patrem. Nunc cum tertie personæ productioni proprium

Psal. 50.

Sap. 9.

Eccle. 1.

Matth. 28.

Matth. 1.

Luc. 1.

Ioan. 1.

Cur tertie
personæ
proprium
nomen im-
positū non
sit.

proprium nomen impositum non sit, sed spiratio, & processio appelletur; sequitur, ut etiam persona, quæ producitur suo nomine careat. Nullum autem proprium nomen eius emanatio habet: propterea quod nomina, quæ Deo tribuuntur, à rebus creatis mutuari cogimur: in quibus quoniam nullam aliam naturæ, & essentiæ communicandæ rationem, quàm generandi uirtute, agnoscimus, ob eam causam sit, ut rationem, qua se ipsum totum Deus ui amoris communicat, proprio uocabulo exprimere non possimus. Quare communi SPIRITUS SANCTI nomine tertia persona appellata est. quod quidem illi maxime conuenire ex eo intelligimus, quia spiritualem uitam in nos infundit, ac sine eius sanctissimi muneris afflatu nihil æterna uita dignum efficere possumus.

Verum, explicata uocabuli significatione, docendus in primis erit populus, Spiritum sanctum æque ac patrem & filium Deum esse, eidem æqualem, æque omnipotentem, æternum, & infinitæ perfectionis, summum bonum, ac sapientissimum, eiusdemq; cum patre, & filio naturæ. Quod quidē illius uocis, IN, cum dicimus, Credo in Spiritum sanctum, proprietas satis indicat, quæ, ad exprimendam fidei nostræ uim, singulis Trinitatis personis appositæ est. Atque id etiam aperta sacrarum litterarum testimonia confirmant. nam cum sanctus Petrus in Actis Apostolorum dixisset: Ana-

Spiritum
sanctum
oīo Patri
& filio in
omnibus æ-
qualem es-
se.

A. 5.

Cor. 11.

Isa. 6.

Act. 18.

1. Cor. 2.

Spiritui sancto? mox inquit: Non es mentitus hominibus, sed Deo: quem prius Spiritum sanctum appellauerat, eundem statim Deum uocat. Apostolus etiam ad Corinthios, quem Deum dixerat, Spiritum sanctum esse interpretatur. Diuisiones, inquit, operationum sunt, idem uero Deus, qui operatur omnia in omnibus. Deinde subiungit: Hac autem omnia operatur unus, atque idem Spiritus, diuidens singulis prout uult. Præterea in Actis Apostolorum, quod uni Deo propheta tribuunt, ille Spiritui sancto adscribit. dixerat enim Isaias: Audiui uocem Domini dicentis. Quem mittam? & dixit mihi uade, & dices populo huic: Excæca cor populi huius, & aures eius aggraua, & oculos eius claude: ne forte uideat oculis suis, & auribus suis audiat. Que uerba cum Apostolus citaret, Bene, inquit, Spiritus sanctus locutus est per Isaiam prophetam. Deinde uero cum scriptura Spiritus sancti personam cum patre & filio coniungit, ut cum patris, & filij, & spiritus sancti nomen in baptismo adhiberi præcipit, nullus nobis de huius mysterij ueritate dubitandi locus relinquitur. nam si pater Deus est, & filius Deus: omnino fateri cogimur, etiam Spiritum sanctum, qui cum eis pari honoris graue coniungitur, Deum esse. Accedit autem, quod is, qui in nomine cuiusuis rei create baptizatur, nullum ex eo fructum consequi potest. Nunquid in nomine Pauli, inquit, baptizati estis? ut ostenderet hoc eis nihil ad comparandam

randam salutem profuturum esse. Cum igitur baptizemur in nomine Spiritus sancti, eum esse Deum fateri oportet. Sed hunc eundem trium personarum ordinem, quo Spiritus sancti diuinitas comprobatur, licet animaduvertere tum in epistola Ioannis: Tres sunt qui testimonium dant in celo, Pater Verbum, 1. Ioan. 5.

& Spiritus sanctus, & hi tres unum sunt: tum ex præclaro illo sanctæ Trinitatis elogio, quo diuinæ laudes & psalmi concluduntur, Gloria patri, & filio, & Spiritui sancto. Postremo, quod ad eam ueritatem confirmandam maxime pertinet, quæcumque Dei propria esse credimus, ea Spiritui sancto conuenire sacræ litteræ testantur. Quare illi templorum honorem tribuunt, ut cum Apostolus 1. Cor. 6.
2. Thess.

ait: An nescitis, quoniam membra uestra templum sunt Spiritus sancti? Item sanctificationem, & uiuificationem; & scrutari profunda Dei; & per Ioan. 6.

prophetas loqui; & ubique esse: quo omnia diuino tantum numini tribuenda sunt. Sed illud prætere

rea fidelibus accurate explanandum est, Spiritum sanctum ita Deum esse, ut eum tertiā personam in diuina natura à patre, & filio distinctam, & uoluntate

productam confiteri oporteat. nam, ut alia scripturarū testimonia omittantur, baptismi forma, quam Saluator noster docuit, apertissime ostendit Spiritum sanctum tertiā esse personā, quæ in diuina natura per se cōslet, & ab alijs distincta sit. Quod etiā Apostoli uerba declarant, cum inquit: Gratia domini nostri Iesu Christi, & charitas Dei, & cōmunicatio sancti

Matth. 28.
1. Cor. 13.

Spiritus sit cum omnibus uobis, Amen. Idem uero multo apertius demonstrant, quæ Patres in Constantinopolitano primo Concilio hoc loco ad confutandam impiam Macedonij amentiam addiderunt, & in SPIRITUM SANCTUM DOMINUM, & uiuificantem, qui ex patre, filioque procedit; qui cum patre & filio simul adoratur, & conglorificatur; qui locutus est per prophetas. Quòd igitur spiritum sanctum Dominum confitentur, in eo declarant, quantum angelis antecellat; qui tamen nobilissimi spiritus à Deo conditi sunt. illos enim omnes sanctus Paulus testatur esse administratorios spiritus in ministerium missos propter eos, qui hereditatem capiunt salutis. V I V I F I C A N T E M uero appellant, quòd anima cum Deo coniuncta magis uiuit, quam corpus animæ coniunctione alitur, ac sustinetur. Quoniam uero spiritui sancto sacre litteræ hanc animæ cum Deo coniunctionem tribuunt, rectissime uiuificantem Spiritum sanctum uocari perspicuum est. Iam uero quod sequitur, Qui ex patre, filioque procedit, docendi sunt fideles, spiritum sanctum à patre, & filio, tamquam ab uno principio, æterna processione procedere. id enim ecclesiastica regula, à qua Christiano non licet aberrare, credendum nobis proponit, & diuinarum litterarum & conciliorum auctoritate confirmatur. nam Christus dominus, cum de spiritu sancto loqueretur, dixit: Ille me clarificauit, quia de meo accipiet. Hoc idem ex eo colligitur, quòd in
scri-

Hebr. 1.

Ioh. 14.

scripturis sacris Spiritus sanctus nonnunquam spiritus Christi, interdum spiritus patris appellatur: modo à patre, modo à filio mitti dicitur, ut æquè à patre, & filio procedere non obscure significetur. Qui spiritum Christi non habet, inquit sanctus Paulus, hic non est eius. Et idem spiritum Christi uocat, cum ad Galatas inquit: Misit Deus spiritum filij sui in corda uestra, clamantem Abba pater: Apud sanctum Matthæum spiritus patris appellatur: Non uos estis qui loquimini, sed spiritus patris uestri. Et Dominus in cena inquit: Paracletus, quem ego mittam uobis spiritum ueritatis, qui à patre procedit, ille testimonium perhibebit de me. Tum alibi eundem Spiritum sanctum à patre mittendum affirmat his uerbis: Quem mittet pater in nomine meo. Ex quibus uerbis cum processione Spiritus sancti intelligamus, perspicuum est, eundem ab utroq; procedere. Hæc sint, quæ de Spiritus sancti persona tradenda erunt.

16. 14. 15.

Roma. 8.

Gal. 4.

Math. 16.

Ioan. 15.

Ioan. 14.

S

Docere præterea oportebit, quosdam esse Spiritus sancti admirabiles affectus, & amplissima quædam munera, quæ ab ipso, tamquam à perenni bonitatis fonte, oriri, & manare dicuntur. Quamuis enim sanctissimæ Trinitatis opera, quæ extrinsecus fiunt, tribus personis communia sint: ex ijs tamen multa Spiritui sancto propria tribuuntur, ut intelligamus illa in nos à Dei immensa charitate proficisci. nam cum Spiritus sanctus à diuina uoluntate, ueluti amore inflammata, procedat; perspic

De admirabilis spiritus sancti effectibus &c.

potest, eos effectus, qui proprie ad spiritum sanctum referuntur, a summo erga nos Dei amore oriri. Quare ex eo consequitur, ut Spiritus sanctus DONVM appelletur. nam doni uocabulo significatur id, quod benigne, & gratuito, nulla spe remunerationis proposita, donatur. Ac proinde quæ cūque bona, & beneficia à Deo in nos collata sunt, (quid autem habemus, quod à Deo, ut inquit. Apostolus, non acceperimus?) ea nobis Spiritus sancti concessu, & munere data esse, pio, & grato animo agnoscere debemus. Eius autem plures effectus sunt. nam ut mundi creationem, creatarumque rerum propagationem, & gubernationem omittamus, de quibus in primo articulo commemorauimus; iustificationem Spiritui sancto proprie tribui, paulo ante demonstratum est, & Ezechielis testimonio confirmatur: Dabo, inquit, uobis spiritum, & uiuetis. Præcipuos tamen, & maxime proprios Spiritus sancti effectus Propheta enumerat: Spiritum sapientiæ, & intellectus, spiritum consilij, & fortitudinis, spiritum scientiæ, & pietatis, & spiritum timoris Domini. quæ dona Spiritus sancti uocantur. interdum autem Spiritus sancti nomen eis tribuitur. Quare sapienter D. Augustinus monet, Animaduertendum esse, cum in sacris litteris huius uocis SPIRITVS SANCTI mentio fit, ut diiudicare possimus, tertiam ne Trinitatis personam, an eius effectus, atque operationes significet. nam hæc duo eodem interuallo distinguenda sunt, quo etiam

1. Cor. 4.

Ezech. 37.

Isa. 11.

S. Augu.

etiam creatorem à rebus creatis differre credimus, Atque hæc eò diligentius explicanda sunt, quod ex hisce Spiritus sancti donis, Christianæ uitæ præcepta haurimus, sentireque possumus, an Spiritus sanctus in nobis sit. Verum, præceteris eius amplissimis muneribus, gratia illa prædicanda est, quæ nos iustos facit, signatque spiritu promissionis sanctos, qui est pignus hæreditatis vestræ. hæc enim mentem nostram ætérissimo amoris uinculo Deo iungit: ex quo fit, ut summo pietatis studio accensi, nouam uitam instituiamus, ac naturæ diuinæ participes effecti, filij Dei nominemur, & uerè simus.

Eph. 1.

1. Ioh. 3.

CREDO SANCTAM ECCLESIAM CATHOLICAM. Quanta diligentia curare Pastores debeant, ut huius noni articuli ueritatem fidelibus explicant, si duo potissimum considerantur, facile cognosci poterit. Primum enim, teste sancto Augustino, propheta planius, & apertius de Ecclesia, quam de Christo, locuti sunt, cum in eo multò plures errare, ac decipi posse, quàm in incarnationis sacramento, præuiderent. Neque enim de futuri erant impij, qui ad simiæ imitationem, quæ se hominem esse fingit, solos se catholicos esse profiterentur, & catholicam Ecclesiam apud se tantum, non minus nefarie, quàm superbe affirmarent. Deinde, si quis hanc ueritatem firmo animo conceptam habuerit, facile horrendum hæresis periculum effugiet. Non enim, ut quisque primum in fide peccarit, hæreticus dicendus est,

S. Aug.

sed qui, Ecclesie auctoritate neglecta, impias opinionones pertinaci animo tuetur. Cum igitur fieri non possit, ut aliquis se hæresis peste commaculet, si ijs fidem adhibeat, quæ in hoc articulo credenda proponantur; curent omni studio Pastores, ut fideles, cognito hoc mysterio, contra aduersarij artes muniti, in fidei ueritate perseuerent. Pendet autem hic articulus à superiori: quia cum iam demonstratum sit, Spiritum sanctum omnis sanctitatis fontem, & largitorem esse, nunc ab eodem Ecclesiam sanctitate donatam confitemur..

Quid proprie nomine Ecclesie Christianis intelligendum, & quæ mysteria concineat.

At quoniam Ecclesie uocem Latini à Græcis mutuati, post diuulgatum euangelium ad res sacras transfulerunt; quam uim habeat hoc uocabulum, aperiendum est. Significat autem Ecclesia euocationem: uerum scriptores postea usurparunt pro concilio, & concione. Neque uero refert, utrum populus ille ueri Dei, an falsæ religionis cultor extiterit. in Actis enim de Ephesino populo scriptum est, cum scriba turbas sedasset, dixisse, Si quid autem alterius rei queritis, in legitima Ecclesia poterit absolui. Legitimam uocat Ecclesiam populum Ephesinum, Dianæ cultui addictum. Neque solum gentes, quæ Deum non nouerunt, sed etiã malorum, & impiorum hominum concilia interdum Ecclesia nominantur. Odiui, inquit Propheeta, Ecclesiam malignantium, & cum impijs non sedebo. Communi uero deinde sacrarum scripturarum consuetudine hæc uox ad remp. Christianam, fideliumque

A&.19.

Psal.25.

fideliumque tantum congregationes significandas
 usurpata est; qui scilicet ad lucem ueritatis, &
 Dei notitiam per fidem uocati sunt, ut, reiectis
 ignorantia, & errorum tenebris, Deum uerum,
 & uiuum pie, & sancte colant, illique ex toto cor-
 de inseruiant. Atque, ut unico uerbo hæc res tota
 absoluator, Ecclesia, ut ait sanctus Augustinus, S. August.
 est populus fidelis per uniuersum orbem dispersus.
 Nec uero leuia mysteria in hoc uocabulo continen-
 tur. etenim in euocatione, quam Ecclesia signifi-
 cat, statim diuinae gratia benignitas, & splendor
 elucet, intelligimusque Ecclesiam ab alijs rebus pu-
 blicis maxime differre. illæ enim humana ratione,
 & prudentia nituntur: hæc autem Dei sapientia,
 & consilio constituta est. uocauit enim nos intimo
 quidem Spiritus sancti afflatu, qui corda hominum
 aperit, extrinsecus autem Pastorum & prædicato-
 rum opera, ac ministerio. Præterea, ex hac uoca-
 tione quis nobis finis propositus esse debeat, nimi-
 rum æternarum rerum cognitio, & possessio, is
 optime perspiciet, qui animaduertit, cur olim fi-
 delis populus sub lege positus, synagoga, id est con-
 gregatio diceretur. nam, ut docet sanctus Augu-
 stinus, hoc ei nomen impositum est, quia pecudum
 more, quibus magis congregari conuenit, terrena,
 & caduca tantum bona spectaret. quare merito
 Christianus populus, non synagoga, sed Ecclesia
 dicitur: quia, terrenis, & mortalibus rebus con-
 temptis, caelestes, & æternas tantummodo conse-
 cratur

3. Tim. 3.

. Cor. 11.
Eph. 5.Eph. 1.
Ad col. 1.Ecclesia
tur Militans & Tri-
umphans
dicatur, &
quosiam
complecta
tur.

Etatur. Multa prater ea nomina, quæ plena sunt mysterijs, ad Christianam rempub. significandam traducta sunt. nam & domus, & ædificium Dei ab Apostolo uocatur. Si tardauero, inquit ad Timotheum, ut scias quo modo oporteat te in domo Dei conuersari, quæ est Ecclesia Dei uiui, columna, & firmitamentum ueritatis. Domus autem Ecclesia idcirco appellatur, quia sit ueluti una familia, quæ unus pater familias moderatur, & in qua est bonorum omnium spiritualium cõmunio. Dicitur etiam grex ouium Christi, quarum ille ostium est, & Pastor. Vocatur sponsa Christi. Despondi uos uni uiro uirginem castam exhibere Christo, inquit Apostolus ad Corinthios. Idem ad Ephesios: Viri diligite uxores uestras, sicut & Christus dilexit Ecclesiam. Ac de matrimonio: Sacramentum hoc, inquit, magnum est, ego autem dico in Christo, & in Ecclesia. Dicitur denique Ecclesia corpus Christi, ut ad Ephesios, & Colossenses licet uidere. Et hæc singula plurimum ualent ad fideles excitandos, ut se dignos immensa Dei clementia, & bonitate præbeant, qui eos, ut populus Dei esset, elegit.

His uero explicatis, necesse erit singulas Ecclesie partes enumerare, earumque differentias docere, quod magis Deo dilectæ Ecclesie naturam, proprietates, dona, & gratias populus percipiat, & ob eam causam sanctissimum Dei numen laudare nunquam intermittat. Ecclesie autem due potissimum sunt partes: quarum altera Triumphans, altera

altera Militans uocatur. Triumphans est, cætus ille clarissimus, & felicissimus beatorum spirituum, & eorum, qui de mundo, de carne, de iniquissimo demone triumpharunt, & ab huius uitæ molestiis liberi, ac tuti, æterna beatitudinis fruuntur. Militans uero Ecclesia est, cætus omnium fidelium, qui adhuc in terris uiuunt: quæ ideo Militans uocatur, quod illi cum immanissimis hostibus, mundo, ne, Satana perpetuum sit bellum. Neque idcirco tamen duas esse Ecclesias censendum est: sed eiusdem Ecclesiæ, ut antea diximus, partes duæ sunt, quarum una antecessit, & cælesti patria iam potitur: altera in dies sequitur donec aliquando cum Saluatore nostro coniuncta, in sempiterna felicitate conquiescat. Iam in Ecclesia Militanti duo sunt hominum genera, bonorum, & improborum. & improbi quidem eorundem sacramentorum participes eandem quoque, quam boni, fidem profitentur, uita ac moribus dissimiles: boni uero in Ecclesia dicuntur ij, qui non solum fidei professione, & communionem sacramentorum, sed etiam spiritu gratiæ, & charitatis uinculo inter se coniuncti, & colligati sunt: de quibus dicitur: Cognouit Dominus, qui sunt eius. Possunt uero etiam homines aliquibus coniecturis opinari, quinam sint, qui ad hunc piorum hominum numerum pertineant, certo autem scire minime possunt. Quare existimandum non est, Christum saluatorem de hac Ecclesiæ parte locutum esse,

In Ecclesia militanti sunt & boni, & mali.

1. Tim. 2.

Math. 18.

fit, ut tria tantummodo hominum genera ab ea excludantur, primo infideles, deinde hæretici, & schismatici, postremo excommunicati: ethnici quidem quod in Ecclesia numquam fuerunt, neque eam umquam cognouerunt, nec ullius sacramenti participes in populi Christiani societate facti sunt; hæretici uero, atque schismatici, quia ab Ecclesia desciauerunt, neque enim illi magis ad Ecclesiam spectant, quam transfuga ad exercitum pertineant, à quo defecerunt. non negandum tamen, quin in Ecclesiæ potestate sint, ut qui ab ea in iudicium uocentur, puniantur, & anathemate damnentur. Postremo etiam excommunicati; quod Ecclesiæ iudicio ab ea exclusi, ad illius communionem non pertineant, donec resipiscant. De ceteris autem quamuis improbis, & sceleratis hominibus, adhuc eos in Ecclesia perseuerare dubitandum non est: idque fidelibus tradendum assidue, ut, si forte Ecclesiæ antistitum uita flagitiosa sit, eos tamen in Ecclesia esse, nec propterea quidquā de eorum potestate detrahi, certo sibi persuadeant. Verum uniuersæ etiam Ecclesiæ partes Ecclesiæ nomine significari solent, ut cum Apostolus Ecclesiam, quæ est Corinthi, Galatiæ, Laodicensium, Thessalonicensium nominat, priuatas etiam fidelium familias Ecclesias uocat: nam Priscæ, & Aquilæ domesticam Ecclesiam salutarī iubet. item alio in loco, Salutant uos, inquit, in domino multum Aquila, & Priscilla cum domestica sua Ecclesia. Ad Philemonem etiam scribens eandem

2. Cor. 1.
1. Cor. 16.
Colos. 4.
1. Thes. 1.
Rom. 16.
1. Cor. 16.

Matth. 18.

candem uocem usurpauit. Interdum quoque Ecclesia nomine eius præsides, ac Pastores significantur: Si te non audierit, inquit Christus, dic Ecclesiae. Quo in loco præpositi Ecclesiae designantur. Sed locus etiam, in quem populus siue ad concionem, siue alicuius rei sacrae causa conuenit, Ecclesia appellatur. Præcipue uero in hoc articulo Ecclesia bonorum simul, & malorum multitudinem, nec præsides solum, sed eos etiam, qui parere debent, significat.

Ecclesie
catholicæ
proprietates & prærogatiue; eius
uisibili summo capite Pontifice Romano.

Cant. 6.

Eph. 4.

Eph. 1.

Aperiendæ autem sunt fidelibus huius Ecclesie proprietates, ex quibus licebit agnoscere, quanto beneficio à Deo affecti sint, quibus contigerit in ea nasci, atque educari. Prima igitur proprietas in Symbolo Patrum describitur, ut una sit: Una enim, inquit Salomon est columba mea, una est speciosa mea. Vocatur autem una tanta hominum multitudo, quæ tam longe, lateq; diffusa est, ob eas causas, quæ ab Apostolo ad Ephesios scriptæ sunt: unum enim dominum, unam fidem, unum baptisma tantum esse prædicat: Unus est etiam eius rector, ac gubernator, inuisibilis quidem Christus, quem æternus pater dedit caput super omnem Ecclesiam, quæ est corpus eius; uisibilis autem is, qui Romanam cathedram, Petri Apostolorum Principis legitimum successor, tenet: de quo fuit illa omnium patrum ratio, & sententia consentiens, hoc uisibile caput ad unitatem Ecclesie constituendam, & conseruandam necessarium fuisse. quod præclare

& uidit, & scripsit sanctus Hieronymus, & contra Iovinianum his uerbis: Unus eligitur, ut, capite constituto, schismaticis tollatur occasio. Et ad Damasum: Faceffat inuidia: Romani culminis recedat ambitio: cum successore Piscatoris, & discipulo crucis loquor. Ego nullum primum, nisi Christum, sequens, beatitudini tuæ, idest cathedræ Petri, communionem confocior: super illam petram ædificatam Ecclesiam scio. Quicumque extra hanc domum agnum comederit, profanus est: Si quis in arca Noe non fuerit, peribit regnante diluuius. Quod & longe antea ab Irenæo probatur, & Cipriano, qui de unitate Ecclesiæ loquens ait. Loquitur Dominus ad Petrum: Ego, Petre, dico tibi, quia tu es Petrus, & super hanc petram ædificabo Ecclesiam meam. Super unum ædificat Ecclesiam: & quàm uis Apostolis omnibus, post resurrectionem suam, parempotestatem tribuat, & dicat; Sicut misit me pater, & ego mitto uos: accipite spiritum sanctum: tamen, ut unitatem manifestaret, unitatis eiusdem originem, ab uno incipientem, auctoritate sua disposuit, &c. Optatus deinde Mileuitanus ait: Ignorantiæ tibi adscribi non potest, scienti in urbe Roma, Petro primo cathedram episcopalem esse collatam, in qua sederit omnium apostolorum caput Petrus; in quo uno cathedræ unitas ab omnibus seruaretur, ne ceteri Apostoli singulas sibi quisq. descenderent: ut iā schismaticus, & preuaricator esset, qui contra singularem cathedram alteram collocaret.

S. Hieron.

B. Cyprian.

Math. 18.

Ioan. 20.

Optatus.

Post

Post uero Basilius sic scriptum reliquit: Petrus collocatus est in fundamento: dixit enim: Tu es Christus filius Dei uiui: & uicissim audiuit se esse petram. licet enim petra esset, non tamen petra erat ut Christus, nam Christus uere immobilis petra: Petrus uero propter petram. Dignitates enim suas Deus largitur alijs: sacerdos est, & facit sacerdotes: petra est, & petram facit: & quæ sua sunt, largitur seruis suis. Postremo uero sanctus Ambrosius ait: Si quis obijciat, Ecclesiam, uno capite, & sponso Iesu Christo contentam, præterea nullum requirere; in promptu responsio est. Ut enim Christum dominum singulorum sacramentorum non solum auctorem, sed intimum etiam præbitorem habemus: (nam ipse est qui baptizat, & qui absoluit, & tamen is homines sacramentorum externos ministros instituit) sic Ecclesiæ, quam ipse intimo spiritu regit, hominem suæ potestatis uicarium, & ministrum præfecit. nam cum uisibilis Ecclesia, uisibili capite egeat: ita Saluator noster Petrum uniuersi fidelium generis caput, & pastorem constituit, cum illi oues suas pascendas uerbis amplissimis commendauit, ut qui ei successisset, eandem plane totius Ecclesiæ regendam, & gubernandam potestatem habere uoluerit. Vnus præterea, idemque est spiritus, inquit Apostolus ad Corinthios, qui fidelibus gratiam, perinde atque anima corporeis membris uitam, impertitur. Ad quam unitatem seruandam cum Ephesios hortaretur

S. Ambr.

1. Cor. 12.

Eph. 4.

retur, inquit: Solliciti seruare unitatem spiritus
in uinculo pacis: unum corpus, & unus spiritus.
Quemadmodum enim humanum corpus multis
constat membris, eaque ab una anima aluntur, quæ
oculis uisum, auribus auditum, & alijs sensibus
diuersas uires subministrat: ita corpus Christi my-
sticum, quod est Ecclesia, ex multis fidelibus com-
positum est. Vna quoque est spes, ut in eodem loco
idem Apostolus testatur, ad quam uocati sumus: Eph. 4.
siquideu omnes eandem rem, nempe æternam &
beatam uitam, speramus. Vna est denique fides,
quæ omnibus tenenda est, ac præseferenda. Non 1. Cor. 1.
sint, inquit Apostolus, in uobis schismata: atque
unum baptisma, quod quidem est Christianæ fidei
sacramentum. Altera proprietas Ecclesiæ est, ut sit
sancta: quod à Principe apostolorum accepimus eo 1. Pet. 2.
loco: Vos autem genus electum, gens sancta. Ap-
pellatur autem sancta, quod Deo consecrata, dedi-
cataque sit. sic enim cetera huiuscemodi, quamquam
corporea sint, sancta uocari consueuerunt, cum di-
uino cultui addicta, & dedicata sunt. cuius generis
sunt in lege ueteri uasa, uestes, & altaria: in qua
primogeniti quoque, qui Deo altissimo dedicaban-
tur, sancti sunt appellati. Nec mirum cuiquam uideri
debet, Ecclesiam dici sanctam, tametsi multos pec-
catores continet. sancti enim uocantur fideles, qui
populus Dei effecti sunt, qui se, fide, & bap-
tismate suscepit, Christo consecrarunt: quamquam
in multis offendunt, &, quæ polliciti sunt, non
H præstant.

præstant . quemadmodum etiam , qui artem aliquam profitentur , etsi artis præcepta non seruent , nomen tamen artificum retinent . Quare D. Paulus Corinthios sanctificatos , & sanctos appellat : in quibus nonnullos fuisse perspicuum est , quos , ut carnales , & grauioribus etiam nominibus acriter obiurgat . Sancta etiam dicenda est , quòd ueluti corpus cum sancto capite Christo domino , totius sanctitatis fonte , coniungitur , à quo spiritus sancti charismata , & diuinæ bonitatis diuitiæ diffunduntur . Præclare sanctus Augustinus , interpretans uerba illa prophete . Custodi animam meam , quoniam sanctus sum ; Audeat , inquit , & corpus Christi , audeat & unus ille homo , clamans à finibus terræ , cum capite suo , & sub capite suo dicere : sanctus sum : accepit enim gratiam sanctitatis , gratiam baptismi , & remissionis peccatorum . Ac paulo post : Si Christiani omnes , & fideles , in Christo baptizati , ipsum induerunt , sicut Apostolus dicit : Quotquot in Christo baptizati estis , Christum induistis : si membra sunt facti corporis eius , & dicunt se sanctos non esse , capiti ipsi faciunt iniuriam , cuius membra sancta sunt . Accedit etiam , quòd sola Ecclesia legitimum sacrificij cultum , & salutarem habet sacramentorum usum : per quæ , tamquam efficacia diuinæ gratiæ instrumenta , Deus ueram sanctitatem efficit ; ita ut , quicumque uere sancti sunt , extra hanc Ecclesiam esse non possint . Patet igitur , Ecclesiam esse sanctam , ac sanctam quidem

1. Cor. 1.

S. Augu.

Psal. 85.

Gal. 3.

dem, quoniam corpus est Christi, à quo sanctificatur, cuiusque sanguine abluitur. Tertia proprietas Ecclesiæ ea est, ut Catholica, nempe uniuersalis, uocetur: quæ appellatio uere illi tributa est: quoniam, ut testatur sanctus Augustinus, *A solis ortu usque ad occasum unius fidei splendore diffunditur.* Neque enim, ut in humanis rebus pub. aut hereticorum conuentibus, unius tantum regni terminis, aut uno hominum genere Ecclesia definita est, uerum omnes homines, siue illi barbari sint, siue Scithæ, siue serui, siue liberi, siue masculi, siue femine, charitatis sinu complectitur. Quare scriptum est: Redemisti nos Deo in sanguine tuo ex omni tribu, & lingua, & populo, & natione, & fecisti nos Deo nostro regnum. De Ecclesia dicit David: Postula à me, & dabo tibi gentes hereditatem tuam, & possessionem tuam terminos terræ. Item: Memor ero Raab, & Babylonis scientium me. & : Homo natus est in ea. Præterea omnes fideles, qui ab Adam in hunc usque diem fuerunt, quiue futuri sunt, quamdiu mundus extabit, ueram fidem profitentes, ad eandem Ecclesiam pertinent: quæ super fundamento apostolorum fundata est, ac prophetarum: qui omnes in illo lapide angulari Christo, qui fecit utraque unum, & panem ijs, qui prope, & ijs, qui longe, annunciauit, constituti sunt, & fundati. Vniuersalis etiam ob eam causam dicitur, quòd omnes, qui salutem æternam consequi cupiunt,

S. AUG.

Apoc. 5.

Psal.

Psal. 86.

Eph. 1.

eam tenere, & amplecti debeant, non secus ac qui arcam, ne diluuiο perirent, ingressi sunt.

*Ecclesiæ ue-
re à falsā
dignoscen-
dæ ceterissi-
ma regula.*

*Hæc igitur ueluti certissima regula tradenda est; qua uera, & falsa Ecclesia iudicetur: sed ex origi-
ne etiam, quā reuelata gratia ab apostolis ducit,
Ecclesiæ ueritatē agnoscimus: siquidem eius do-
ctrina ueritas est, non recens, neque nunc primum
orta, sed ab apostolis iam olim tradita, & in omnem
orbem terrarum disseminata. ex quo fit, ut nemo
dubitare possit, impias hæreticorum uoces longe à
uera Ecclesiæ fide abesse, cum doctrinæ Ecclesiæ,
quæ ab apostolis ad hanc diem prædicata est, aduer-
sentur. Quare, ut omnes intelligerent, quanam
esset Ecclesia catholica, Patres in Symbolo illud di-
uinitus addiderunt, APOSTOLICAM. Etenim
Spiritus sanctus, qui Ecclesiæ præsidet, eam non
per aliud genus ministrorum, quā per apostoli-
cum, gubernat. Qui spiritus primum quidem
apostolis tributus est, deinde uero summa Dei be-
nignitate semper in Ecclesia mansit. Sed quemadmo-
dum hæc una Ecclesia errare non potest in fidei, ac
morum disciplinā tradenda, cum à spiritu sancto gu-
bernetur: ita ceteras omnes, quæ sibi Ecclesiæ no-
men arrogant, ut quæ Diaboli spiritu ducantur, in
doctrina, & morum perniciosissimis erroribus uer-
sari necesse est. Sed quoniam magnam uim habent
figuræ ueteris testamenti ad excitandos fidelium
animos, reuocandamque rerum pulcherrimarum
memoriam, cuius rei potissimum causa apostoli his
usi*

nisi sunt; illam quoque doctrinæ partem, quæ ma-
 gnæ utilitates habet, Parochi non prætermittent.
 In his autem illustrem significationem habet arca
 Noë: quæ ob eam rem tantum diuino iussu constru-
 cta est, ut nullus dubitandi locus relinqueretur, quin Gen. 6.
 Ecclesiam ipsam significet; quam Deus sic consti-
 tuit, ut, quicumque per baptismum illam ingrede-
 rentur, ab omni mortis æternæ periculo tuti esse pos-
 sent; qui uero extra illam essent, quemadmodum
 iis euenit, qui in arcam recepti non sunt, suis scele-
 ribus obruerentur. Alia figura est, magna illa ci-
 uitas Hierusalem, cuius nomine scripturæ sæpius
 sanctam Ecclesiam significant. Nimirum in illa so-
 lum offerre Deo sacrificia licebat: quia in sola etiam
 Dei Ecclesia, neque extra eam usquam, uerus cul-
 tus, uerumque sacrificium reperitur, quod Deo
 placere ullo modo possit. Iam, illud etiam extremo
 loco de Ecclesia docendum erit, quam ratione nos
 credere Ecclesiam, ad articulos fidei pertineat. nam
 etsi quicuius ratione, & sensibus percipit, Ecclesiam,
 id est hominum conuentum in terris esse, qui Christo
 domino addicti, & consecrati sunt, neque ad eam
 rem animo concipiendam fide opus esse uideatur;
 cum nec Iudæi, nec Turcæ quidem de eo dubitent:
 tamen illa mysteria, quæ in sancta Dei Ecclesia con-
 tineri partim declaratum est, partim in sacramen-
 to ordinis explicabitur, mens fide tantummodo il-
 lustrata, nonnullis rationibus conuicta, intelligere
 potest. Cum igitur hic articulus non minus, quam

cateri, intelligentiæ nostræ facultatem, & vires superet; iure optimo confitemur, nos Ecclesiæ ortum, munera, & dignitatem non humana ratione cognoscere, sed fidei oculis intueri. Neque enim homines huius Ecclesiæ auctores fuerunt, sed Deus ipse immortalis, qui eam super firmissimam petram ædificauit, teste Propheta; Ipse fundauit eam altissimus: quam ob causam hæreditas Dei, & Dei populus appellatur. Nec potestas, quam accepit, humana est, sed diuino munere tributa: quare, quemadmodum naturæ uiribus comparari non potest; ita etiam fide solum intelligimus; in Ecclesia clauēs regni cælorum esse, eiꝛue potestatem peccata remittendi, excommunicandi, uerumꝛue Christi corpus consecrandi traditam; deinde ciues, qui in ea morantur, non habere hic ciuitatem permanentem, sed futuram inquirere. Unam igitur Ecclesiam sanctam, & catholicam esse, necessario credendum est. tres enim Trinitatis personas, Patrem, & Filium, & Spiritum sanctum, ita credimus, ut in eis fidem nostram colloceꝛmus. Nunc autem, mutata dicendi forma, sanctam, & non, in sanctam Ecclesiam, credere prostitemur: ut, hac etiam diuersa docendi ratione, Deus omnium effector à creatis rebus distinguatur, præclaraꝛue illa omnia, quæ in Ecclesiam collata sunt, beneficia diuinæ bonitati accepta referamus.

S A N C T O R V M C O M M V N I O N E M.

Cū sanctus Ioānes euangelista de diuinis mysterijs
ad

Psal. 86.

Heb. 13.

ad fideles scriberet, cur eos in illis erudiret, hanc rationem attulit: Ut & uos, inquit, societatem habetis nobiscum, & societas nostra sit cum patre, & cum filio eius Iesu Christo. Hac societas in communione sanctorum sita est, de qua in hoc articulo sermo habetur. utinam uero in eo explicando ecclesiarum praesides, Pauli, & aliorum Apostolorum diligentiam imitarentur. est enim non solum quaedam superioris articuli interpretatio, doctrinaque uberrimorum fructuum, sed etiam, quis usus mysteriorum esse debeat, quae Symbolo continentur, declarat. omnia enim eius rei causa peruestiganda sunt, ac percipienda, ut in hanc tam amplam, & beatam societatem sanctorum admittamur, admisique constantissime perseueremus cum gaudio gratias agentes Deo patri, qui dignos nos fecit in partem sortis sanctorum in lumine. In primis igitur fideles docendi sunt, hunc articulum esse illius, qui de una sancta Ecclesia catholica antea positus est, ueluti explicationem quandam. unitas enim spiritus, à quo illa regitur, efficit, ut, quidquid in eum collatum est, commune sit. omnium enim sacramentorum fructus ad uniuersos fideles pertinet: quibus sacramentis, ueluti sacris uinculis, Christo connectuntur, & copulantur, & maxime omnium baptismo: quo, tamquam ianua, in Ecclesiam ingredimur. Hac autem sanctorum communione, sacramentorum communionem intelligi debere, Patres in Symbolo significant illis uerbis: Confiteor

1. Ioan.

ad Col. 1.

I

unum Baptisma . Baptismum uero in primis Eucharistia , & deinceps cetera sacramenta consequuntur . nam etsi hoc nomen omnibus sacramentis conuenit , cum Deo nos coniungant , illiusque participes , cuius gratiam recipimus , efficiant ; magis tamen proprium est Eucharistiæ , quæ hanc efficit communionem . Sed alia etiam communio in Ecclesia cogitanda est . Quæcumque enim pie , sanctèq; ab uno
1. Cor. 13. suscipiuntur , ea ad omnes pertinent , & , ut illis prosint , charitate , quæ non quarit , quæ sua sunt , efficitur . Id uero cum S. Ambrosij testimonio comprobatur , qui locum illum psalmi explanans , Particeps ego sum omnium timentium te , ita inquit : Sicut membrum particeps esse dicimus totius corporis , sic coniunctum omnibus timeatibus Deum . Quare Christus eam nobis orandi formam præscripsit , ut diceremus , Panem nostrum , non meum : ac reliqua eius generis non nobis tantum , sed omnium saluti , & commodis prospicientes . At uero hæc bonorum communicatio , membrorum humani corporis aptissima similitudine in sacris litteris
Matth. 6. sæpe demonstratur . nam in corpore multa sunt membra : sed etsi multa sunt , unum tamen corpus constituunt , in quo singula proprio , non autem omnia eodem munere funguntur . Nec uero omnia eandem dignitatem habent , aut æque utiles , & decoras functiones exequuntur ; nullique suum , sed totius corporis commodum , atque utilitas proposita est . Omnia deinde tam apta inter se , & con-
nexa

nexa sunt, ut, si unum aliquod dolore afficitur, cetera item natura cognatione, et consensu doleant; si contra, bene affectum est, communis sit omnibus ille iucunditatis sensus. Atque hæc eadem in Ecclesia licet contemplari: in qua etsi diuersa sunt mēbra, nempe uaria nationes, Iudæorum, Gentium, liberi, & serui pauperes, & diuites; cum tamen baptismo initiantur, unum corpus cum Christo fiunt, cuius ille caput est. Unicuique præterea in hac Ecclesia suum munus assignatum est. ut enim alij in ea Apostoli, alij doctores, omnes uero publicæ utilitatis causa sunt constituti: ita aliorum est, præesse, ac docere; aliorum item, parere, & subiectos esse. at uero tot, tantisque muneribus, ac bonis diuinitus collatis illi fruuntur, qui in charitate uitam Christianam degunt, iustique, & cari Deo sunt. Membra uero mortua, nimirum homines sceleribus obstricti, & à Dei gratia alienati, hoc quidem bono non priuantur, ut huius corporis membra esse desinant; sed cum sint mortua, fructum spiritualem, qui ad iustos, & pios homines peruenit, non percipiunt. tametsi, cum in Ecclesia sunt, ad amissam gratiam, uitamque recuperandam ab ijs adiuuantur, qui spiritu uiuunt, & eos fructus capiunt, quorum expertes esse dubitari non potest, qui omnino ab Ecclesia sunt præcisi. Nec uero tantum communia sunt ea dona, quæ homines caros Deo, ac iustos reddunt, sed gratiæ etiam gratis datæ, in quibus numerantur

scien-

scientia, prophetia, donum linguarum, ac miraculorum, & cætera huius generis: quæ dona malis etiam hominibus, non priuata, sed publica utilitatis causa, ad edificandam Ecclesiam conceduntur. nam sanitatis gratia, non illius, qui ea præditus est, sed ægroti curandi causa tributa est. Ac nihil tandem à uere Christiano homine possidetur, quod sibi cum cæteris omnibus commune esse non existimare debeat. quare ad subleuandam indigentiam miseriam prompti, ac parati esse debent. nam qui huiusmodi bonis ornatus est, si uiderit fratrem suum egere, nec illi subuenerit, is Dei charitatem non habere plane conuincitur. Quæ cum ita se habeant; satis constat, eos, qui in hac sancta communione sunt, quadam felicitate perfrui, & uere illud dicere posse: Quàm dilecta tabernacula tua Domine uirtutum: concupiscit, & deficit anima mea in atria Domini: & Beati qui habitant in domo tua Domine.

1. Ioan. 5.

Psal. 83.

R E M I S S I O N E M P E C C A T O R V M.

Nemo est, qui cum uideat, hunc articulum de remissione peccatorum, in cæteris fidei articulis numeratum esse, dubitare possit, eo non solum diuinum aliquod mysterium, sed etiam ad salutem comparandam maxime necessarium contineri. nam antea declaratum est, sine certa eorum fide, quæ in Symbolo credenda proponuntur, nemini ad Christianam pietatem aditum patere. Verum si id, quod per se omnibus notum esse debet, aliquo etiam testimonio

homō confirmandum uideatur, satis illud erit, quod Saluator noster paulo ante ascensum in calum de ea re testatus est; cū discipulis sensum aperuit, ut intelligerent scripturas: Oportebat, inquit, Christi Luc. 24. sum pati, & resurgere à mortuis tertia die, & prædicari in nomine eius pœnitentiam, & remissionem peccatorum in omnes gentes incipientibus ab Hierosolyma. Quæ uerba si Parochi animaduertint, facile intelligent, cum cætera, quæ ad religionem pertinent, fidelibus tradenda sint, tum uero præcipue huius articuli diligenter explicandi magnam eis à Domino necessitatem impositam esse. Munus igitur Parochi erit, quod ad hunc locum attinet, docere, non solum peccatorum remissionem in catholica Ecclesia reperiri; de qua Isaias Isa. 13. prædixerat: Populus qui habitat in ea, aufertur ab eo iniquitas: sed etiam potestatem peccata remittendi in ea esse: qua si rite, & secundum leges à Christo domino præscriptas sacerdotes utantur, uere peccata remitti, & condonari credendum est. Hæc autem uenia, cum primum fidem profitentes sacro baptismo abluimur, adeo cumulate nobis datur, ut nihil aut culpæ delendum, siue ea origine cōtracta, siue quid propria uoluntate omissum, uel commissum sit, aut pœnæ persoluendum relinquatur. Verum per baptismi gratiam nemo tamen ab omni naturæ infirmitate liberatur: quin potius, cum unicuique aduersus concupiscentiæ motus, quæ nos ad peccata incitare non desinit, pugnans

pugnandum sit, uix ullum reperias, quā uel tā acriter resistat, uel tam uigilanter salutem suam tuatur, ut omnes plagas uitare possit.

Math. 16. Cum igitur necesse fuerit, in Ecclesia potestatem esse peccata remittendi; alia etiam ratione, quā baptismi sacramento, clauēs regni cālorum illi concredita sunt, quibus possint unicuique pœnitenti, etiam si usque ad extremum uitæ diē peccasset, delicta condonari. Clarissima huius rei testimonia in sacris litteris habemus: nam apud sanctum Mattheum Dominus ita ad Petrum loquitur: Tibi dabo clauēs regni cālorum: & quodcumque ligaueris super terram, erit ligatum & in cælis; & quodcumque solueris super terram, erit solutum & in cælis.

Matth. 18. Item: Quæcumque alligaueritis super terram, erunt ligata & in cælo: & quæcumque solueritis super terram, erunt soluta & in cælo. Deinde sanctus Ioannes testatur, Dominum, cum insufflasset Apostolis dixisse; Accipite spiritum sanctum: quorum remisseritis peccata, remittuntur eis: & quorum retinueritis, retenta sunt.

Ioan. 20. Neque uero existimandum est, hanc potestatem certis quibusdā peccatorum generibus definitam esse. nullum enim tam nefarium facinus uel admitti, uel cogitari potest, cuius remittendi potestatem sancta Ecclesia non habeat: quemadmodum etiam nemo adeo improbus, & scelestus fuerit, quem si cœratorum suorum uere pœniteat, certa ei ueniæ spes proposita esse non debeat. Sed neque hæc eadem potestas ita circumscribitur

scribitur, ut praefinito solum aliquo tempore ea uti liceat. nam quaecumque hora peccator ad sanitatem redire voluerit, reuocandum non esse docuit Saluator noster, cum Principi apostolorum interroganti quoties peccatoribus ignoscendum esset, an septies, respondit. Non dico tibi septies, sed usque septuagies septies. Verum si ministros diuinæ huius potestatis spectemus, ea minus late patere uidebitur. Dominus enim non omnibus, sed Episcopis tantum, & sacerdotibus tam sancti muneris potestatem dedit. Idem etiam censendum erit, quod ad rationem eius potestatis exercendæ pertinet. nam per sacramenta solum, si eorum forma seruetur, peccata remitti possunt: aliter uero nullum ius à peccatis soluendi Ecclesiæ datum est. ex quo sequitur, tum sacerdotes, tum sacramenta ad peccata condonanda ueluti instrumenta ualere: quibus Christus dominus auctor ipse, & largitor salutis remissionem peccatorum, & iustitiam in nobis efficit. Ut autem fideles caeleste hoc munus, quod singulari in nos Dei misericordia Ecclesiæ donatum est, magis suspiciant, atque ad eius usum, & tractationem ardentiori pietatis studio accedant, conabitur. Parochus huius gratiæ dignitatem, & amplitudinem demonstrare. ea autem ex hoc potissimum perspicitur, si, cuius uirtutis sit peccata remittere, & homines ex iniustis iustos reddere, diligenter expositum fuerit. Constat enim, infinita, & immensa Dei in hoc effici, quam eandem in excitandis mortuis, & in mundi creatione

Matt. 18.

S

e. d. m. l.

e. d. m. l.

e. d. m. l.

creatione necessariam esse credimus. Quod si etiam
ut Augustini sententia confirmatur, maius opus
existimandum est, aliquem ex impio pium facere,
quàm celum, & terram ex nihilo creare, cum ipsa
creatio non nisi ex infinita uirtute possit existere:
consequens est, ut multo magis peccatorum remis-
sio infinitæ potestati tribuenda sit. quare uerissimas
esse priscorum Patrum uoces agnoscimus, quibus
confitentur, ab uno Deo peccata hominibus condo-
nari, neque ad alium auctorem, quàm ad summam
eius bonitatem, & potentiam, tam mirificum opus
referendum esse. Ego sum, inquit ipse Dominus per
Prophetam, ego sum ipse, qui deleo iniquitates tuas.
Nam scelerum remittendorum eadem ratio uide-
tur esse, quàm in pecunia debita seruare oportet.
Quemadmodum igitur à nemine, nisi à creditore,
pecunia, quæ debetur, remitti potest: ita, cum
uni Deo peccati obstricti simus, (siquidem quo-
tidie oramus, Dimitte nobis debita nostra) perspi-
cuum est, à nemine, præter illum, debita nobis
condonari posse. Hoc uero admirabile, & diuinum
munus, antequam Deus homo fieret, nulli create
naturæ impertitum est. Primus omnium Christus,
saluator noster, ut homo, cum idem uerus Deus es-
set, hoc munus à cælesti patre traditum accepit.
Ut sciatis, inquit, quia filius hominis habet pote-
statem in terra dimittendi peccata, ait paralytico:
Surge, tolle grabatum tuum, & uade in domum
tuam. Cum igitur homo factus esset, ut hominibus
hanc

Isa. 43.

Matth. 6.

Matth. 9.

Mar. 2.

hanc peccatorum ueniam largiretur, priusquam in
celum ascenderet, ut ibi ad dexteram Dei in perpe-
tuum sederet, eam potestatem Episcopis, & pre-
sbyteris in Ecclesia concessit: quamquam, ut an-
tea docuimus, Christus sua auctoritate, ceteri, ut
eius ministri, peccata dimittunt. Quamobrem si,
que infinita uirtute effecta sunt, maxime admira-
ri, & suscipere debemus: satis intelligimus, præ-
tiosissimum hoc munus esse, quod Christi domini be-
nignitate Ecclesiae donatum est. sed ipsa etiam ra-
tio, qua Deus, clementissimus pater, mundi pecca-
ta delere constituit, animos fidelium ad huius be-
neficii magnitudinem contemplandam uehementer
excitabit: sanguine enim unigeniti filij sui scelera
nostra expiari uoluit, ut pœnam, quam nos pro
peccatis commeruimus, ultro ille persolueret, in-
iustusque pro iniustis damnaretur, innocens pro reis
morte acerbissima afficeretur. Quare cum animo
cogitabimus, nos non corruptibilibus auro, & ar-
gento redemptos esse, sed pretioso sanguine quasi
agni immaculati Christi, & incontaminati; facile
statuemus, nihil nobis salubrius contingere potuis-
se hac remittendi peccata potestate, que inexplica-
bilem Dei prouidentiam, summamque erga nos
charitatem ostendit. Ex hac autem cogitatione ma-
ximus fructus ad omnes perueniat, necesse est. nam
qui Deum mortali aliquo peccato offendit, quid-
quid meritorum ex Christi morte, & cruce conse-
cutus est, statim amittit, & omnino paradisi aditu,
quem

I

1. Pet. 1.

quem prius interclusum Saluator noster passione sua omnibus patefecit, prohibetur. Quod quidem cum in mentem uenit, facere non possumus, quin humane miserie consideratio uehementer sollicitos nos habeat. Verum si animum ad hanc admirabilem potestatem referamus, quæ Ecclesiæ diuinitus tributa est; & huius articuli fide confirmati, oblatam unicuique facultatem credamus; ut possit diuina ope adiutus in pristinum dignitatis statum restitui: tunc uero cogimur summo gaudio, & letitia exultare, & immortales Deo gratias agere. Ac profecto, si grata, & iucunda medicamenta uideri solent, quæ nobis medicorum arte, & industria; cum graui aliquo morbo laboramus, parantur: quanto iucundiora esse debent ea remedia, quæ Dei sapientia ad animorum curationem, atque adeo ad uitam reparandam instituit? cum præsertim non quidem dubiam salutis spem, ut medicina illæ, quæ corporibus adhibentur, sed certissimam ijs, qui sanari cupiunt, salutem asserant.

Beneficium
remissionis
peccatorum
quanto studio
suscipiendum.

Erunt igitur fideles hortandi; postquam tam ampli, & præclari muneris dignitatem cognouerint, ut illud etiam studeant ad suum commodum religiose conuertere. Vix enim fieri potest, ut quæ re utili, & necessaria non utatur, eam contemnerenon existimetur; præsertim uero cum Dominus hanc potestatem remittendi peccata ea re tradiderit Ecclesiæ, ut omnes hoc salutari remedio uterentur. nam quemadmodum nemo sine baptismo expiari potest:

potest: ita, quicumque baptismi gratiam, mortiferis sceleribus amissam, recuperare uoluerit, ad aliud expiationis genus, nimirum pœnitentiæ sacramentum, confugiat necesse est. Verum hoc loco admonēdi sunt fideles, ne tam ampla ueniæ facultate proposita, quam etiam nullius temporis termino definiri declarauimus, uel ad peccandū faciliores, uel ad resipiscendū tardiores reddantur, in altero enim cum iniuriosi, et contumeliosi in hanc diuinam potestatem manifeste deprehendantur, indigni sunt, quibus Deus misericordiam suam impertiatur: in altero uero malignopere uerendum est, ne morte præoccupati, frustra peccatorum remissionem confessi fuerint, quam tarditate & procrastinatione merito amiserunt.

CARNIS RESURRECTIONEM.

Magnam huius articuli uim esse ad fidei nostræ ueritatem stabiliendam id maxime ostendit, quod diuinis litteris non solum credendus fidelibus proponitur, sed multis etiam rationibus confirmatur. quod quidem cum in alijs Symboli articulis uix fieri uideamus, intelligi potest, hoc ueluti firmissimo fundamento salutis nostræ spem nixam esse. nā, ut Apostolus ratiocinatur; Si mortuorū resurrectio non est, ne
 1. Cor. 15.
 que Christus resurrexit: quod si Christus non resurrexit inanis est prædicatio nostra, inanis est & fides uestra. In eo igitur explicando Parochus nō minus operæ, & studij ponet, quàm in eo euertendo multorum
 I impie-

impietas laborarit. magnas enim & præclaras utilitates ex ea cognitione ad fidelium fructum redundare, paulo post demonstrabitur. Sed hoc in primis addere oportebit, resurrectionem hominum in hoc articulo, carnis resurrectionem appellari. quod quidem sine causa factum non est, nam docere uoluerunt. Apostoli id, quod necessario ponendum est, animam esse immortalem. quare ne quis forte eam simul cum corpore interiisse, utrumque uero in uitam reuocari existimaret, cum animam plurimis sacrarum litterarum locis immortalem esse plane constet, ob eam rem carnis tantum suscitandæ mentio in articulo facta est. & quamquam sæpe etiam in sacris scripturis caro integrum hominem, ut est apud Isaiam, Omnis caro fenum; & apud sanctum Ioannem, Et uerbum caro factum est; significet: hoc tamen loco carnis uox corpus declarat: ut duarum partium, animæ & corporis, quibus homo constat, alteram tantum, nempe corpus corrumpi, & in puluerem terræ, ex qua compactum est, redire, animam uero incorruptam manere intelligamus. At uero, cum nemo, nisi mortuus fuerit, ad uitam reuocetur, anima proprie non dicitur resurgere. Carnis quoque mentio facta est, illius hæresis consutandæ causa, quæ, uiuo Apostolo, Hymenæi, & Phileti fuit; qui asserebant, cum de resurrectione in scripturis sacris ageretur, non de corporea, sed de spiritali, qua à morte peccati ad uitam innocentem resurgitur, accipiendum esse. Itaque his uerbis plenum fit;

Isa. 24.
Ioan. 1.

Tim. 1.

fit, eum errorem tolli, & ueram corporis resurre-
ctionem confirmari.

Verum Parochi partes erunt, hanc ueritatem Carnis re-
surrectio
exēplis scri-
pturæ, & te-
stimonijs
comproba-
tur. illustrare exemplis ex ueteri, nouoque testamento, & ex omni ecclesiastica historia depromptis. alij enim ab Elia, & Eliseo in ueteri testamento, alij præter eos, quos Christus dominus à morte excita-
uit, à sanctis Apostolis, alijsque permultis ad uitam reuocati sunt: quæ resurrectio multorum huius ar-
ticuli doctrinam confirmat. ut enim plures à mor-
te excitatos credimus: ita uniuersos ad uitam re-
uocatum iri credendum est. quoniam etiam præcipuus
fructus, quem nos ex huiusmodi miraculis capere
debemus, ille est, ut summam fidem huic articulo
tribuamus. Sunt multa testimonia, quæ Parochis,
qui in sacris litteris mediocriter uersati sunt, facile
occurent. Illustriora uero loca sunt in ueteri qui-
dem testamento, quæ leguntur apud Iob, cum ait, Iob. 16.
sc in carne sua conspecturum Deum suum; &
apud Danielem de ijs, qui in puluere terræ dor- Dan. 12.
miunt, alios in uitam æternam, alios in oppro-
brium sempiternum euigilatu-
ros: in nouo autem
testamento, quæ sanctus Matthæus refert de di- Matth. 22.
sputatione, quam Dominus cum Sadducæis ha-
buit: præterea, quæ euangelista narrant de ex-
tremo iudicio. Atque huc etiam referenda sunt,
quæ Apostolus ad Corinthios, & ad Thessalo-
nicenses scribens, accurata oratione differuit. 1. Cor. 15.
1. Thess. 4.
Sed quamuis hoc fide certissimum sit; multum
I 2 tamen

tamen proderit, uel exemplis, uel rationibus ostendere, id, quod fides credendum proponit, à natura, aut ab humanæ mentis intelligentia non abhorre-
itaque Apostolus quarenti quo modo resurgerent
mortui sic respondit: Insiapiens tu, quod seminas,
non uiuificabitur, nisi prius moriatur: & quod se-
minas, non corpus, quod futurum est, seminas, sed
nudum granum, ut puta tritici, aut alicuius cate-
rorum: Deus autem dat illi corpus sicut uult. &
paulo post inquit: Seminatur in corruptione, sur-
get in incorruptione. Ad eam similitudinem mul-
tas præterea adiungi posse, sanctus Gregorius osten-
dit: Lux enim, inquit, quotidie quasi moriendo
oculis subtrahitur, & rursus quasi resurgendo re-
uocatur: & arbuta uiriditatem amittunt, & rur-
sus quasi resurgendo reparantur: & semina pu-
trefcendo moriuntur, & rursus germinando re-
surgunt. Rationes illæ præterea, quæ ab ecclesiasti-
cis scriptoribus afferuntur, satis ad eam rem pro-
bandam accommodatæ uideri possunt. Ac primum
quidem, cum animæ immortales sint, & tamquam
pars hominis ad humana corpora naturalem pro-
pensionem habeant, eas à corporibus seiunctas per-
petuo manere, præter naturam existimandum est.
Quoniam uero, quod naturæ aduersatur, ac uio-
lentum est, diuturnum esse non potest; consenta-
neum fore uidetur, ut denuo cum corporibus iun-
gantur: ex quo etiam sequitur, ut corporum resur-
rectio futura sit. quo quidem argumentandi gene-

re Saluatoris ipse noster usus est, cum aduersus Sadduceos disputans, ex animarum immortalitate corporum resurrectionem conclusit. Deinde, cum malis supplicia, bonis præmia à iustissimo Deo sint proposita; ex illis uero quamplurimi, antequam debitas pœnas persoluant, ex his magna ex parte nullis affectu uirtutis præmijs e uita decedant: necesse est iterum animas cum corporibus coniungi, ut pro sceleribus, aut recte factis corpora, quibus ueluti peccati socijs homines utuntur, una cum anima pœna, aut præmio afficiantur. qui locus diligentissime tractatus est à sancto Chrysostomo in homilia ad populum Antiochenum. Quare Apostolus, cum de resurrectione differeret. Si in hac uita, inquit, tantum in Christo sperantes sumus, miserabiles sumus omnibus hominibus. Quæ quidem uerba nemo ad animæ miseriam referri existimabit; quæ cum immortalis sit, quamuis corpora non resurgerent, in futura tamen uita beatitudine frui posset; uerum de toto homine intelligenda sunt. nisi enim corpori debita pro laboribus præmia redantur; necesse est, ut, qui, quemadmodum apostoli, tot ærumnas, & calamitates in uita perpeffi sunt, omnium sint miserrimi. Idem uero multo apertius docet ad Thessalonicenses his uerbis: Gloria-
mur in ecclesijs Dei pro patientia uestra, & fide in omnibus persecutionibus uestris, & tribulationibus, quas sustinetis in exemplum iusti iudicij Dei, ut digni habeamini in regno Dei, pro quo & patimini.

S. Chrys.

1. Cor. 15.

2. Thes. 1.

si tamen iustum est apud Deum tribuere tribulationem ijs, qui uos tribulant, & uobis, qui tribulamini, requiem nobiscum in reuelatione domini Iesu de celo, cum angelis uirtutis eius in flamma ignis dantis uindictam ijs, quis non nouerunt Deum, & qui non obediunt euangelio domini nostri Iesu Christi. Adde etiam, non posse homines, quàm diu anima à corpore seiuncta est, plenam felicitatem, & bonis omnibus cumulatam adipisci. Ut enim quælibet pars, à toto separata, imperfecta est: ita etiam anima, quæ corpori non est adiuncta: ex quo sequitur, ut illi ad summam felicitatem nihil desit, corporum resurrectionem necessariam esse.

De uaria re-
surgentium
cōditione.

2. 1

1. Cor. 15.

Ioan. 5.

His igitur, atque alijs huiusmodi rationibus Pa-
rochus fideles in hoc articulo erudire poterit. Ex-
plicare præterea diligenter oportebit ex Apostoli
doctrina, quinam ad uitam suscitandi sint. nam ad
Corinthios scribens. Sicut in Adam, inquit, omnes
moriuntur, ita & in Christo omnes uiuificabuntur.
Omni itaque malorum bonorumque discrimine re-
moto, omnes à mortuis, quamquam non omnium
par condicio futura est, resurgent, qui bona fece-
runt, in resurrectionem uitæ, qui uero mala cgerunt,
in resurrectionem iudicii. Cum autem omnes dici-
mus, tam eos intelligitur, qui aduentante iudicio
mortui iam erunt, quàm eos, qui moriuntur. Huic
enim sententiæ, quæ asserit omnes morituros esse
nemine excepto, Ecclesiam acquiescere, ipsamque
sententiam magis ueritati conuenire, scriptum re-
liquit

liquit sanctus Hieronymus . idem sentit & sanctus Augustinus . Neque uero huic sententia repugnant Apostoli uerba , ad Thessalonicenses scripta : Mortui qui in Christo sunt , resurgent primi : deinde nos , qui uiuimus , qui relinquimur , simul rapiemur cum illis in nubibus obuiam Christo in aera . nam sanctus Ambrosius , cum ea explanderet , ita inquit : In ipso raptu mors praeueniet , & quasi per soporem , ut egressa anima in momento reddatur : cum enim tollentur , morientur , ut peruenientes ad Dominum , praesentia Domini recipiant animos , quia cum Domino mortui esse non possunt . Eademq; sententia comprobatur sancti Augustini auctoritate in libro de Ciuitate Dei . Cum uero multum referat , nobis certo persuaderi , hoc ipsum , atque adeo idem corpus , quod uniuscuiusque proprium fuit , quamuis corruptum sit , & in puluerem redierit , tamen ad uitam suscitandum esse ; illud etiam Parochus accurate explicandū suscipiet . Hæc Apostoli est sententia , cum inquit : Oportet corruptibile hoc induere incorruptionem : ea uoce ! Hoc , proprium corpus aperte demonstrans . Iob etiam de eo clarissime uaticinatus est : Et in carne mea , inquit , uidebo Deum , quem uisurus sum ego ipse , & oculi mei conspexuri sunt , & non alius . Hoc idem colligitur ex ipsius resurrectionis definitione : est enim resurrectio , auctoritate Damasceno , ad eum statum , unde cecideris , renuocatio . Denique , si consideremus , cuius rei

S. Hieron.
& Augu.

1. Thef 4.

S. Ambr.

1. Cor. 15.

Iob. 19.

Damasc.

causa resurrectionem futuram paulo ante demonstratum est; nihil erit, quod cuiusquam animum hac in re dubium facere possit. Idcirco autem corpora

1. Cor. 3.

excitanda esse docuimus, ut referat unusquisque propria corporis, prout gessit, siue bonum, siue malum. Hominem igitur ex ipso corpore, cuius opera uel Deo, uel Dæmoni seruiuit, resurgere oportet; ut eum eodem corpore triumpho coronas, & præmia consequatur, aut pœnas, & supplicia miserrima perferat. Neque uero corpus tantum resurget, sed quidquid ad illius naturæ ueritatem, atque ad hominis decus, & ornamentum pertinet, restituendum est.

S. Aug.

Præclarum ea de re sancti Augustini testimonium legimus: Nihil tunc uitæ, inquit, in corporibus existet: si aliqui plus pinguedine obesi, & crassi extiterint, non totam corporis molem assument, sed, quod illam habitudinem superabit, reputabitur superfluum: & e diuerso, quæcumque uel morbus, uel senium confecit in corpore, reparabitur per Christum uirtute diuina, ut, si aliqui propter macrorem fuerint graciles, quia Christus non solum nobis corpus reparabit, sed quid per miseriam huius uitæ fuerit nobis ademptum. Item alio loco: Non resumeret homo capillos, quos habuerit, sed quos decuerit, iuxta illud: Omnes capilli capitis uestri numerati sunt, qui secundum diuinam sapientiam sunt reparandi. In primis uero, quoniam membra ad ueritatem humanæ naturæ pertinent, simul restituentur omnia. Qui enim uel ab ipso ortu oculis

**S. Aug.
Matt.**

capti

capiti sunt, uel ob aliquem morbum lumina amiserunt, claudi, atque omnino manci, & quibusuis membris debiles, integro, ac perfecto corpore resurgent. aliter enim animæ desiderio, quæ ad corporis coniunctionem propensa est, minime satisfactum esset: cuius tamen cupiditatem in resurrectione explendam esse, sine dubitatione credimus. Præterea satis constat, resurrectionem aque, ac creationem, inter præcipua Dei opera numerari. Quemadmodum igitur omnia à Deo initio creationis perfecta fuerunt; ita etiam in resurrectione futurum omnino affirmare oportet. Neque id de martyribus solum fatendum est, de quibus sanctus Augustinus ita testatur: Non erunt absque illis membris: non enim posset illa mutilatio non esse corporis uitium: alioquin, qui capite truncati sunt, deberent sine capite resurgere. uerumtamen extabunt in eorundem membrorum articulis gladij, cicatrices resurgentes super omne aurum, & lapidem pretiosum, ueluti & cicatrices uulnerum Christi: quod de improbis quoque uerissime dicitur, etsi illorum culpa membra amputata fuerint: nam quo plura membra habebunt, tanto acerbiori dolorum cruciatu conficientur. quare illa membrorum restitutio non ad eorum felicitatem, sed ad calamitatem, ac miseriam est redundatura; cum merita non ipsis membris, sed personæ, cuius corpori coniuncta sunt, adscribantur. nam ijs, qui pœnitentiam egerunt, ad præmium, illis uero, qui eandem contempserint,

rint, ad supplicium restituentur. Hæc uero si à Pa-
rochis attente considerentur, numquam eis rerum
& sententiarum copia decrit ad excitandos, inflam-
mandosque pietatis studio fidelium animos; ut uitæ
huius molestias, & ærumnas cogitantes, beatam il-
lam resurrectionis gloriam, quæ iustis, & pijs propo-
sita est, auide expectent.

Sequitur nunc, ut fideles intelligant, si ea spe-
temus, quæ corpori substantiam constituunt,
quamuis illud ipsum, atque idem corpus à mortuis
reuocari oporteat, quod antea extinctam fuerat,
longe aliam tamen, & diuersam eius condicionem
fore. ut enim cetera omittamus, in eo maxime re-
surgentium corpora omnia à se ipsis different, quod,
cum antea mortis legibus subiecta essent, postea
quàm ad uitam suscitata fuerint, sublato bonorum,
malorumque discrimine immortalitatem assequen-
tur. Quam quidem admirabilem naturæ restitu-
tionem insignis Christi uictoria meruit, quam de
morte reportauit, quemadmodum sacrarum scri-
pturarum testimonia nos admonent: scriptum est
enim: Præcipitabat mortem in sempiternum. &
alibi: Ero mors tua, o mors. quod explicans Apo-
stolus, inquit: Nouissima inimica destruetur mors.
& apud sanctum Ioannem legimus. Mors ultra
non erit. Decebat autem maxime, Christi domini
merito, quo mortis imperium euersum est, pecca-
tum Adæ longo interuallo superari. Idem etiam di-
uinæ iustitiæ consentaneum fuit, ut boni beata uita
perpetuo

Isa. 25.

Os. 13.

1. Cor. 15.

Apoc. 21.

perpetuo fruerentur; mali uero sempiternas pœnas Apoc. 9.
 luentes, quærent mortem, & non inuenirent;
 optarent mori, & mors fugeret ab eis. Atque hæc
 quidem immortalitas bonis, malisque communis
 erit. Habebunt præterea sanctorum rediuiua cor-
 pora insignia quadam, & præclara ornamenta,
 quibus multo nobiliora futura sint; quàm umquam
 antea fuerint. Præcipua uero sunt quattuor illa, quæ
 dotes appellantur, ex Apostoli doctrina à Patri-
 bus obseruata. earum primo est impassibilitas, mu-
 nus scilicet, & dos, quæ efficiet, ne molesti aliquid
 pati, ulloue dolore, aut incommodo affici queant.
 nihil enim aut frigorū uis, aut flammæ ardor, aut
 aquarū impetus obesse eis poterit. 2. Cor. 13. Seminatur,
 inquit Apostolus, in corruptione, surget in incor-
 ruptionem. Quod autem impassibilitatem potius;
 quàm incorruptionem scholastici appellarint, ea cau-
 sa fuit, ut, quod est proprium corporis gloriosi, si-
 gnificarent, non enim impassibilitas illis communis
 est cum damnatis, quorum corpora, licet incorru-
 ptibilia sint, æstuarē tamen possunt, atque algere,
 uarijsque cruciatibus affici. Hanc consequitur cla-
 ritas, qua sanctorū corpora, tãquam sol, fulgebunt.
 ita enim apud sanctum Matthæum testatur Salua-
 tor noster: Iusti, inquit, fulgebunt sicut sol in regno. Matth. 13.
 patris eorū. Ac ne quis de eo dubitaret, suæ transfi-
 gurationis exemplo declarauit. Hanc interdū Apo-
 stolus gloriam, modo claritatem appellat. Philipp. 3. Reformabit, inquit, corpus humilitatis nostræ configuratum
 corpori 3. 20. 3.

1. Cor. 15.

Exod. 34.

2. Cor. 3.

corpori claritatis sue. & rursum : *Seminatur in ignobilitate, surget in gloria.* Huius etiam gloriæ imaginem quandam uidit populus Israel in deserto, cum facies Moysis ex colloquio, & præsentia Dei ita colluceret, ut in eam filij Israel oculos intendere non possent. Est uero claritas hæc fulgor quidam ex summa animæ felicitate ad corpus redundans, ita ut sit quædam communicatio illius beatitudinis qua anima fruitur : quo modo etiam anima ipsa beata efficitur, quod in eam pars diuinæ felicitatis deriuetur. Hoc uero munere non æque omnes, perinde ac primo, ornari credendum est. erunt quidem sanctorum corpora omnia æque impassibilia, sed eundem splendorem non habebunt. nam, ut testatur Apostolus, *Alia claritas solis, alia claritas lune, & alia claritas stellarum : Stella enim à stella differt in claritate : sic & resurrectio mortuorum.* Cum hac dote coniuncta est illa, quam agilitatem uocant, qua corpus ab onere, quo nunc premitur, liberabitur : facillimèque, in quamcumque partem anima uoluerit, ita moueri poterit, ut ea motione nihil celerius esse queat, quemadmodum aperte sanctus Augustinus in libro de Ciuitate Dei, & Hieronymus in Isaïam, docuerunt. Quare ab Apostolo dictum est : *Seminatur in infirmitate, surget in uirtute.* His uero addita est, quæ uocatur subtilitas, cuius uirtute corpus animæ imperio omnino subijcietur : ei que seruiet, & ad nutum præsto erit : quod ex illis Apostoli uerbis ostenditur : *Seminatur,*

1. Cor. 15.

2. Cor. 15.

1. Cor. 15.

tur, inquit, corpus animale, surget corpus spirituale. Hac fere sunt præcipua capita, quæ in huius articuli explicatione tradenda erunt.

Vt autem fideles sciant, quem fructum ex tot, tantorumque mysteriorum cognitione capere possint; primum declarare oportebit, maximas à nobis Deo gratias agendas esse, qui hæc sapientibus absconderit, & reuelauerit paruulis. Quot enim uiri, uel prudentiæ laude præstantes, uel singulari doctrina præditi, in hac tam certa ueritate cæci plane fuerunt? Quod igitur nobis illa patefecerit, quibus ad eam intelligentiam adspirare non licebat. est quod summam eius benignitatem, & clementiam perpetuis laudibus celebremus. Deinde magnus etiam ille fructus ex huius articuli meditatione consequetur. quod scilicet in eorum morte, qui nobis necessitudine, uel beneuolentia coniuncti sunt, facile tum alios, tum nos ipsos consolabimur. quo quidem genere consolationis Apostolum usum esse constat, cum ad Thessalonicenses de dormientibus scriberet. Sed in omnibus etiam alijs ærumnis, & in calamitanibus, futura resurrectionis cogitatio summam nobis doloris leuationem afferret; quemadmodum sancti Iob exemplo didicimus, qui una hac spe afflictum, & mærentem animum sustentabat, fore aliquando, ut in resurrectione dominum Deum suum conspiceret. Præterea, hoc plurimum ualebit ad persuadendum fidelibus populis, ut etiam uitam, integram, ab omni que prorsus peccati labe

Quàm salu-
tares ex ar-
ticulo Resur-
rectionis capian-
tur fructus.
Matth. 11.

1. Thess. 4

Iob 19.

labe puram agere quam diligentissime curent. si. n. cogitauerint, ingentes illas diuitias, quæ resurrectionem cõsequuntur, ipsis. propositas esse, facile ad uirtutis, & pietatis studia allicientur. Contra uero nulla res maiorem uim habitura est ad comprimendas animi cupiditates, hominesq; à sceleribus auocandos, quàm si sæpius admoneantur, quibusnam malis; & cruciatibus improbi afficiendi sunt, qui extremo illo die procedent in resurrectionem iudicii.

Ioan. 5.

VITAM AETERNAM. Sancti Apostoli, duces nostri, Symbolum, quò fidei nostræ summa continetur, æternæ uitæ articulo claudi, & terminari uoluerunt; tum quia post carnis resurrectionem nihil aliud fidelibus expectandum est; nisi æternæ uitæ præmium; tum uero, ut perfectæ illa felicitas, & bonis omnibus cumulata, nobis semper ante oculos uersaretur, doceremurq; in ea mentem, & cogitationes nostras omnes defigendas esse. Quare, Pastori erudiendis fidelibus numquam intermitterent, præmijs æternæ uitæ propositis, eorum animos accendere; ut, quæcumque uel difficillima Christiani nominis causa subeunda esse docuerint, facilia, atque adeo iucunda existiment, promptioresque ad parendum Deo, & alacriores reddantur. Sed quoniam sub his uerbis, quæ ad beatitudinem nostram declarandam hoc loco usurpantur, plurima mysteria in occulto latent, ea sic aperienda sunt, ut, quantum cuiusque ingenium ferat, omnibus patere possint. Admonendi igitur sunt fideles, hic uocibus,

Vitam

Vitam æternam, non magis perpetuitatem uitæ, cui etiam dæmones, sceleratique homines addicti sunt, quàm in perpetuitate beatitudinem, quæ beatorum desiderium expleat, significari. Atque ita intelligebat legis peritus ille, qui à Domino saluatore nostro, quid sibi faciendum esset, ut uitam æternam possideret, in euangelio quæsiuit: perinde ac si diceret: Quenam mihi præstanda sunt, ut ad eum locum, ubi perfecta felicitate frui liceat, perueniam? In hunc uero sensum sacræ litteræ hæc uerba accipiunt, ut multis in locis licet animaduertere. Hoc uero potissimum nomine summa illa beatitudo appellata est, nè quis existimaret eam in rebus corporeis, & caducis, quæ æternæ esse non possunt, consistere. Neque enim hæc ipsa beatitudinis uox satis explicare poterat, quod quærebatur; præsertim cum non defuerint homines inanis cuiusdam sapientiæ opinione inflati, qui summum bonum in ijs rebus ponerent, quæ percipiuntur sensibus. hæc enim pereunt, & ueterascunt: beatitudo uero nullo temporis termino definienda est. quin potius terrena hæc longissime à uera felicitate absunt: à qua is quammaxime recedit, qui mundi amore, & desiderio tenetur. scriptum est enim: Nolite diligere mundum, neque ea, quæ in mundo sunt. si quis diligit mundum, non est charitas Patris in eo. & paulo post: Mundus transit & concupiscentia eius. Hæc igitur Parochi fideliū mentibus imprimenda diligenter curabunt.

Luc. 18.

1. Ioan. 2.

Ad Tit. 2.

ut mortalia contemnere, nullamque in hac uita, in qua non ciues, sed aduenæ sumus, felicitatem obtineri posse, in animum inducant. Quamquam hic etiam sse beati merito dicemur, si abnegantes impietatem, ac secularia desideria, sobrie, & iuste, & pie uixerimus in hoc seculo, expectantes beatam spem, & aduentum gloriæ magni Dei, & saluatoris nostri Iesu Christi. Hæc autem cū permulti, qui sibi ipsi sapientes uidebantur, minus intelligerent: & in hac uita felicitatem quærendam putarent, stulti facti sunt, & in maximas calamitates inciderunt. Sed illud præterea ex ui huius nominis, Vitam æternam, percipimus, semel adeptam felicitatem amitti numquam posse, ut falso nonnulli suspicati sunt. nam felicitas ex omnibus bonis sine ulla mali admistione cumulatur: quæ cum hominis desiderium expleat, in æterna uita necessario consistit. neque enim potest beatus non magnopere uelle, ut illis bonis, quæ adeptus est, sibi perpetuo frui liceat. Quare, nisi ea possessio stabilis, & certa sit, maximo cruciatu timoris angatur, necesse est.

De inenarrabili sanctorum gloria; & de præmijs essentialibus & accidentalibus.

Verum, quanta sit beatorum, qui in cælesti patria uiuunt, felicitas, ea quæ ab ipsis tantum, præterea nemine, comprehendendi possit, hæ ipsæ uoces, cum uitam beatam dicimus, satis demonstrant. nam cum ad rem aliquam significandam eo nomine utimur, quod cum multis alijs commune est, facile intelligimus deesse propriam uocem, qua res illa plane exprimatur. Cum igitur felicitas ijs uocibus decla-

declaretur, quæ nō magis in beatos, quàm in omnes, qui perpetuò uiuant, rectè conueniunt, hoc nobis argumento esse potest, altiore, & præstantiore quandam rem esse, quàm ut proprio uocabulo perfectè significare eius rationem possimus. nam etsi plurima alia nomina celesti huic beatitudini in sacris litteris tribuuntur, cuiusmodi sunt, regnum Dei, Christi, celorum paradysus, sancta ciuitas, noua Hierusalem, domus patris: tamen perspicuū est, nullum ex ijs ad eius magnitudinem explicandam satis esse. Quare parochi hoc loco oblatam sibi occasionem non prætermittend, fideles tam amplis præmijs, quæ uita æterna nomine declarantur, ad pietatem, & iustitiam, & omnia Christianæ religionis officia inuitandi. Constat enim, uitam in maximis bonis, quæ natura expetuntur, numerari solere. atqui hoc potissimum bono, cum uitam æternam dicimus, beatitudo definitur. Quodd si exigua hac, & calamitosa uita, quæ tot, & tam uarijs miserijs subiecta est, ut mors uerius dicenda sit, nihil magis amatur, nihil aut carius, aut iucundius esse potest: quo tandem animi studio, qua contentione æternam illam uitam querere debemus, quæ defunctis omnibus malis perfectam & absolutam bonorum omnium rationem coniunctam habet? nam, ut sancti Patres tradiderunt, æternæ uitæ felicitas, omnium malorum liberatione, & bonorum adeptione definienda est. De malis clarissima sunt sanctarum litterarum testimonia: scriptum est

Apoc. 7.

Apoc. 21.

s. Augusti-
nus.

enim in Apocalypsi: Non esurient, neque sitient amplius; neque cadet super illos sol, neque ullus aestus. & rursus: Absterget Deus omnem lacrymam ab oculis eorum: & mors ultra non erit, neque luctus, neque clamor: neque dolor erit ultra, quia prima abierunt. Iam uero beatorum immensa gloria, innumeraque solida latitiae, & uoluptatis genera futura sunt: cuius gloria magnitudinem cum animus noster capere, aut illa in animos nostros penetrare nullo modo possit necesse est, nos in illam, nempe in gaudium Domini, introire; ut eo circumfusi, mentis desiderium cumulatè expleamus. Quamuis autem, ut sanctus Augustinus scribit, facilius mala, quibus carituri sumus, quam bona, ac uoluptates, quas hausuri sumus, numerari posse uideantur: danda tamen erit opera, ut, quae fideles summæ illius felicitatis adipiscendæ cupiditatem inflammare poterunt, breuiter, & dilucidè explicentur. Sed illa in primis distinctione uti oportebit, quam à grauissimis diuinarum rerum scriptoribus accepimus. ij enim duo bonorum genera esse statunt: quorum alterum ad beatitudinis naturam pertinet; alterum ipsam beatitudinem consequitur. quare illa essentialia, hæc uero accessoria bona, docendi causa appellarunt. Ac solida quidem beatitudo, quam essentialem communi nomine licet uocare in eo sita est, ut Deum uideamus, eiusq; pulchritudine fruamur, qui est omnis bonitatis, ac perfectionis fons, & principium. Hæc est uita
 aeterna

aeterna, inquit Christus dominus, ut cognoscant te Ioan. 17.
 solum Deum uerū, & quem misisti Iesum Christū.
 quam sententiam sanctus Ioannes uidetur interpre-
 tari, cum ait: Carissimi, nunc filij Dei sumus: & 1. Ioan. 3.
 nondum apparuit, quid erimus: scimus quoniam,
 cum apparuerit, similes ei erimus, quoniam uide-
 bimus eum sicuti est. Significat enim beatitudinem
 ex ijs duobus constare; tum quod Deus intuebi-
 mur, qualis in natura sua, ac substantia est; tum
 quod ueluti Dij efficiemur. nam qui illo fruuntur,
 quamuis propriam substantiam retineant, admira-
 bilem tamen quandam, & propē diuinam formam
 induunt, ut Dij potius, quā homines uideantur.
 Hoc autem cur ita fiat, ex eo perspicuum est, quod
 unaquaque res uel ex eius essentia, uel ex eius simi-
 litudine, & specie cognoscitur. At quoniam nihil
 est Dei simile, cuius similitudinis adiumento ad per-
 fectam eius notitiam peruenire possimus: conse-
 quens est, ut eius naturam, & essentiam uidere
 nemini liceat, nisi haec eadem diuina essentia se no-
 bis coniunxerit. atque id Apostoli uerba illa si- 1. Cor. 13.
 gnificant: Videmus nunc per speculum in enigma-
 te, tunc autem facie ad faciem. Nam quod in-
 quit, In enigmate; interpretatur sanctus Au- S. Augu-
stinus.
 gustinus in similitudine ad Deum intelligendum
 accommodata. Quod etiam sanctus Dionysius S. Diony-
sius Arcopa-
gita.
 aperte ostendit, cum affirmat, nulli inferiorum
 similitudine superiora percipi posse. neque enim
 ex alicuius rei corporeae similitudine, eius,

que corpore careat, essentia, & substantia cognosci potest; cum præsertim necesse sit, rerum similitudines minus concretionis habere, & magis spirituales esse, quàm res ipsas, quarum imaginem referunt: quemadmodum in omnium rerum cognitione facile experimur. quoniam uero fieri non potest; ut alicuius rei creata similitudo æque pura, & spiritualis, ac Deus ipse est, reperiatur: ita fit, ut ex nulla similitudine diuinam essentiam perfecte intelligere possimus. Accedit etiam, quòd omnes creata res certis perfectionis terminis circumscribuntur: at Deus infinitus est; neque ullius rei creata similitudo eius immensitatem capere potest. Quocirca una illa ratio diuinæ substantiæ cognoscenda relinquitur, ut ea se nobis coniungat, & incredibili quodam modo intelligentiam nostram altius extollat, atque ita idonei ad eius naturæ speciem contemplandam reddamur. id uero lumine gloriæ assequemur, cum eo splendore illustrati; Deum lumen uerum in eius lumine uidebimus. nam beati Deum præsentem semper intuentur: quo quidem dono, omnium maximo, & præstantissimo, diuinæ essentiae participes effecti, uera, & solida beatitudine potiuntur: quam nos ita credere debemus, ut, eam Dei benignitate cum certa spe nobis expectandam esse, in Symbolo Patrum definitum sit: ait enim: Expecto resurrectionem mortuorum, & uitam uenturi sæculi. Diuina hæc planè sunt, neque ullis uerbis explicari, aut cogitatione comprehendere
à nobis

à nobis possunt . Verum licet aliquam huius beatitudinis imaginem in ijs etiam rebus , quæ sensu percipiuntur , cernere . Nam quemadmodum ferrum , admoto igni , ignem concipit , & quamuis eius substantia non mutetur , fit tamen , ut diuersum quippiam , nimirum ignis esse uideatur : eodem modo , qui in caelestem illam gloriam admissi sunt , Dei amore inflammati , ita afficiuntur , cum tamen id , quod sunt , esse non desinant , ut multo magis distare ab ijs , qui in hac uita sunt , merito dici possint , quàm ferrum candens ab eo , quod nullam caloris uim in se contineat . ut igitur rem paucis complectamur , summa illa , & absoluta beatitudo , quàm essentialem uocamus , in Dei possessione constituenda est . Quid enim ei ad perfectam felicitatem deesse potest , qui Deum optimum , & perfectissimum possidet ? Verum ad illam tamen quædam accedunt ornamenta , omnibus beatis communia ; quæ quoniam ab humana ratione minus remota sunt , uehementius quoque animos nostros commouere , & excitare solent . Huius generis ea sunt , de quibus Apostolus ad Romanos uidetur intelligere , Gloria , & honor , & pax omni operanti bonum . nam gloria quidem beati perfruentur , non ille solum , quam tandem essentialem beatitudinem , uel cum eius natura maxime coniunctam esse ostendimus ; sed ea etiam , quæ constant ex clara , & aperta notitia , quam singuli de alterius eximia , & præstanti dignitate habituri sunt . At uero quantus

Ro. 2.

ille honor existimandus est, qui eis à Domino tribuitur, cum non amplius serui, sed amici, fratres, ac filij Dei uocentur? quare ita electos suos amantissimis, & honorificentissimis uerbis Saluator noster compellabit; Venite benedicti patris mei, possidete paratum uobis regnum. ut meritò liceat exclamare: Nimis honorificati sunt amici tui Deus. Sed laudibus etiam à Christo domino coram patre cælesti, & angelis eius celebrabuntur. Præterea, si hoc commune omnibus hominibus desiderium natura ingenuit honoris, qui à uiris sapientia præstantibus habeatur, quod eos locupletissimos uirtutis suæ testes fore existiment; quantum beatorum gloriæ accessurum putamus, quòd alius alium summo honore prosequetur? Infinita esset omnium oblationum enumeratio, quibus beatorum gloria cumulata erit, ac ne cogitatione quidem fingere eas possumus: sed tamen hoc fidelibus persuasum esse debet, quæcunque nobis incunda in hac uita contingere, uel etiam optari queant, siue ea ad mentis cognitionem, siue ad corporis perfectum habitum pertineant, earum rerum omnium copijs beatam cælestium uitam circumfluere: quamuis hoc altiore quodam modo, quàm oculus uidit, aut auris audiuit, aut in cor hominis ascendit, fieri Apostolus affirmat. nam corpus quidem, quod antea crassum, & concretum erat, cum in calo, detracta mortalitate, tenue, & spirituale effectum fuerit, nullis amplius alimentis indigebit: anima autem eterno

gloriæ

Math. 25.

Psal. 138.

1. Cor. 2.

Luc. 12.

gloriae pabulo, quod magni illius conuiuij auctor
transiens omnibus ministrabit, cum summa uolu-
ptate exsaturabitur. Quis uero praeiosas uestes,
aut regales corporis ornatus desiderare poterit, ubi
nullus harum rerum usus futurus sit, omnesq; im-
mortalitate, & splendore amicti, & sempiternae
gloriae corona ornatii erunt? Sed si amplae etiam,
& magnificae domus possessio ad humanam felici-
tatem pertinet; quid caelo ipso, quod Dei claritate
undique collustratur, uel amplius, uel magnificen-
tius cogitari potest? Quare Propheta, cum eius
domicilij pulchritudinem sibi ante oculos poneret,
& ad beatas illas sedes perueniendi cupiditate ar-
deret, Quam dilecta, inquit, tabernacula tua Do-
mine uirtutum: concupiscit, & deficit anima mea
in atria Domini. Cor meum, & caro mea exulta-
uerunt in Deum uiuum. Atque, ut hic sit omnium
fidelium animus, hac communis omnium uox,
quemadmodum Parochi uehementer optare, ita
etiam omni studio curare debent. nam, In domo
patris mei, inquit Dominus, mansiones multae
sunt; in quibus maiora, & minora praemia, ut
quisque promeritus erit, reddentur. Qui enim
parce seminat, parce metet: & qui seminat in
benedictionibus, de benedictionibus & metet.
Quare non solum ad eam beatitudinem fideles
excitabunt, uerum etiam eius consequendae cer-
tam rationem hanc esse frequenter monebunt, ut
fide, & charitate instructi, & in oratione, &

Psalm. 83.

Ierem. 14.

1. Cor. 9.

sacramentorum salutari usu perseverantes, ad omnia benignitatis officia in proximos se exerceant. ita enim Dei misericordia fiet, qui beatam illam gloriam diligentibus se preparavit, ut aliquando impleatur, quod dictum est per Prophetam: Sedebit populus meus in pulchritudine pacis, & in tabernaculis fiducia, & in requie opulenta.

DE SACRAMENTIS.



VM OMNIS Christianæ doctrinæ pars scientiam, diligentiamque desiderat: tum sacramentorum disciplina, quæ et Dei iussu necessaria, & utilitate uberrima est, Parochi facultatem, & industriam postulat singularem; ut eius accurata, ac frequenti perceptione fideles tales evadant, quibus præstantissimæ, ac sanctissimæ res dignè & salutariter impertiri possint, & sacerdotes ab illa divini interdicti regula non discedant: Nolite sanctum dare canibus, neque mittatis margaritas vestras ante porcos.

Math. 7.

Principiò igitur, quoniam univèrsè de toto genere sacramentorum agendum est, ab ipsius nominis, atque notione oportet incipere, eiusque ambiguum significationem explanare; ut, quæ huius verbi sententia hoc loco propria sit, facilius intelligatur. Quare docendi sunt fideles, sacramenti nomen, quod ad propositam rem attinet, aliter à profanis

profanis, quàm à sacris scriptoribus, acceptum
esse. nam alij auctores sacramenti nomine obligatio-
nem illam significari uoluerunt, cū iurati aliquo ser-
uitutis uinculo obstringimur, ex quo iusiurandum,
quo se milites fidelem operam reip. præstatu-
ros pol-
licentur, sacramentum militare dictū est. atque hæc
frequentissima huius uocabuli significatio apud illos
uidetur fuisse. Verum apud Latinos patres, qui res
diuinas scriptis tradiderunt, sacramenti nomen ali-
quam rem sacram, quæ in occulto latet, declarat,
quemadmodum Græci, ad eandem rem significan-
dam, mysterij uocabulo usi sunt. in eam uero sen-
tentiam sacramenti uocem accipiendam esse intelli-
gimus, cum ad Ephesios scribitur: Ut notum face-
ret nobis sacramentum uoluntatis suæ. Deinde ad
Timotheum; Magnum est pietatis sacramentum.
Præterea in libro Sapientiæ: Nescierunt sacramen-
ta Dei. Quibus in locis, & alijs multis, licet ani-
maduertere, sacramentum nihil aliud, nisi rem sa-
crām, abditam, atque occultam, significare.
Quare Latini doctores signa quædam sensibus sub-
iecta, quæ gratiam, quam efficiunt, simul etiam de-
clarant, ac ueluti ante oculos ponunt, sacramen-
ta commodè appellari posse existimarunt. Quam-
quam, ut D. Gregorio placet, ob id sacramenta di-
ci possunt, quòd diuina uirtus sub rerum corporea-
rum tegumentis occultè salutem efficiat. Nec uero
quisquam putet hoc uocabulum nuper in Ecclesiam
inductum esse. nam qui sanctos Hieronymum, &

ad Eph. 1.

1. Tim. 1.
Sap. 2.

D. Grego.

Augu-

Augustinum legerit; facile perspiciet, antiquos religionis nostræ scriptores ad eam, de qua loquimur, rem demonstrandam sæpiissime sacramenti nomine, interdum uero etiam Symboli, uel, mystici signi, uel sacri signi uoce usos esse. Atque hæc de sacramenti nomine dicta sint: quod quidem ueteris etiam legis sacramentis conuenit: de quibus nihil opus est Pastoribus præcepta tradere, cum ea euangelij lege, & gratia sublata sint.

De propria
ui, atque na-
tura sacra-
menti.

Verum, præter nominis notionem, quæ hæcenus declarata est, rei etiam uis, & natura diligenter inuestiganda, &, quid sacramentum sit, fidelibus aperiendum est. Sacramenta enim ex genere earum rerum esse, quibus salus & iustitia comparatur, dubitare nemo potest. Sed cum multæ rationes sint, quæ ad hanc rem explicandam aptæ, & accommodatæ uideantur, nulla tamen planius, & dilucidius eam demonstrat, quam definitio à

D. August.

D. Augustino tradita, quam deinde omnes doctores scholastici secuti sunt. Sacramentum, inquit ille, est signum rei sacræ: uel, ut alijs uerbis, in eandem tamen sententiam, dictum est, Sacramentum est inuisibilis gratiæ uisibilis signum, ad nostram iustificationem institutum. Quæ quidem definitio ut magis pateat, singulæ eius partes Pastoribus exponendæ erunt. Atque in primis docere oportebit, rerum omnium, quæ sensibus percipiuntur, duo esse genera. aliæ enim ob id inuenta sunt, ut aliquid significant: aliæ non alterius rei significandæ, sed

sed sua tantum causa effecta sunt: quo in numero omnes penè res, quæ natura constant, haberi possunt. At uero in priori genere uocabula rerum, scriptura, uexilla, imagines, tubæ, & alia huiusmodi per multa ponenda sunt. nam si ex uocabulis uim significandi detraxeris, sublata uidetur esse causa, quamobrem uocabula instituerentur. Hæc igitur signa propriè dicuntur. illud enim signum esse sanctus Augustinus testatur, quod præter rem, quam sensibus obijcit, efficit etiam, ut ex se alterius rei cognitionem capiamus: sicut ex uestigio, quod terræ impressum intuemur, transisse aliquem, cuius uestigium apparet, facile cognoscimus. Quæ cum ita se habeant; sacramentum ad hoc rerum genus, quæ significandi causa instituta sunt, referri, perspicuum est: siquidem specie quadam, & similitudine id nobis declarat, quod Deus in animis nostris sua uirtute, quæ sensu percipi non potest, efficit. Baptismus enim, (ut, quod docetur, exemplo notius fiat) cum, adhibitis certis, & sollēnibus uerbis, aqua extrinsecus abluimur, hoc significat; spiritus sancti uirtute omnem peccati maculam, & turpitudinem interiorius elui, & animas nostras præclaro illo celestis iustitiæ dono augeri; atq; ornari: simulq; ea corporis ablutio, ut postea suo loco explicabitur, illud in animo efficit, quod significat. Sed ex scripturis etiā apertè colligitur, sacramētum inter signa numerandū esse. Apostolus. n. de circumcisione, ueteris legis sacramento, quæ Abrahamæ patri omnium credentium data erat,

Rom. 4.
Rom. 6.

Rom. 6.

Aug. A.

Sacramen-
tum esse rei
sacræ si-
gnum, quo
modo intel-
ligendum.
S. Aug. A.

erat, ita ad Romanos scribit: Et signum accepit circumcisionis, signaculum iustitiæ fidei. Et alio loco, cum affirmat nos omnes, qui baptizati sumus, in Christo Iesu, in morte ipsius baptizatos esse, licet cognoscere, baptismum huius rei significatio- nem habere, nimirum, ut ait idem Apostolus, nos conscriptos esse cum illo per baptismum in mortem. Neque uero parum proderit, si fideles populus sa- cramenta ad signa pertinere intellexerit, ita enim fiet, ut, quæ illis significantur, continentur, atque efficiuntur, sancta, & augusta esse facilius sibi per- suadeat; cognitaque eorum sanctitate, ad diuinam erga nos beneficentiam colendam, ac uenerandam magis excitetur.

Sequitur nunc, ut uerba illa, REI SACRÆ, quæ est altera definitionis pars, explicentur. quod quidem ut commodè fieri possit, paulò altius repe- tenda sunt, quæ de signorum uarietate sanctus Au- gustinus acute, & subtiliter disputauit. Quædam enim signa naturalia dicuntur, quæ præter se ipsa alterius rei notitiam (quod omnibus signis commu- ne esse, antea demonstratum est) in animis nostris gignunt, ueluti fumus, ex quo statim ignem adesse intelligitur, atque hoc signum ob eam causam na- turale appellandum est, quod fumus non uoluntate ignem significat, sed rerum usus efficit, ut, si quis fumum tantum uidet, naturam simul & uim ignis, qui adhuc latet, subesse, mente, & cogitatione percipiat. Quædam uero signa natura non con- stant,

stant, sed constituta, atque ab hominibus inuenta sunt, ut & colloqui inter se, & alijs animi sui sensa explicare, uicissimque aliorum sententiam, & consilia possent cognoscere. Hæc autem quàm uaria, & multiplicia sint, ex eo licet animaduvertere, quod nonnulla ad oculorum, pleraque ad aurium sensum, reliqua ad ceteros sensus pertinent: nam cum aliquid alicui innuimus, & exempli causa, sublato uexillo quippiam declaramus; satis constat, eam significationem ad oculos tantum referri: quæ admodum tubarum, tiliarum, aut citharæ sonus, qui non solum delectandi, sed plerumque significandi causa funditur ad aurium iudicium spectat: quod quidem præcipue sensu uerba etiam accipiuntur, quæ ad exprimendas intimas animi cogitationes maximam uim habent. Verum, præter illa signa, quæ hominum consensu, & uoluntate constituta esse, hætenus diximus, alia quedam sunt diuinitus data, quorum tamen non unum genus esse omnes consentiunt. Alia enim signa ob eam tantum rem à Deo hominibus commendata sunt, ut aliquid significarent, uel admonerent: cuiusmodi fuerunt, legis purificationes, panis azymus, & alia permulta, quæ ad Mosaici cultus caerimonias pertinebant: alia uero Deus instituit, quæ non significandi modo, sed efficiendi etiam uim haberent. atque in hoc posteriori signorum genere sacramenta nouæ legis numeranda esse, liquidò apparet. signa enim sunt diuinitus tradita, non ab hominibus inuenta, quæ

rei cuiuspiam sacræ, quam declarant, efficientiam in se continere certò credimus. Sed quemadmodum signa in multiplici uarietate esse ostendimus; ita etiam res sacra non unius modi existimanda est.

Quòd uero ad propositam sacramenti definitionem attinet: diuinarum rerum scriptores, sacræ rei nomine Dei gratiam, quæ nos sanctos efficit, ac omniū diuinarum uirtutum habitu exornat, demonstrant. huic enim gratiæ propriam sacræ rei appellationem tribuendam meritò putarunt quippe cum eius beneficio animus noster Deo consecratur, & coniungatur. Quare, ut explicatius, quid sacramentum sit, declaretur, docendum erit, rem esse sensibus subiectam, quæ ex Dei institutione sanctitatis, & iustitiæ tum significandæ, tum efficiendæ uim habet: ex quo sequitur, ut facile quiuis possit intelligere, imagines sanctorum, cruces, & alia id generis, quamuis sacrarum rerum signa sint, non ideo tamen sacramenta dicenda esse. Huius autem ueritatis doctrinam facile erit omnium sacramentorum exemplo comprobare, si, quod antea de baptismo admonuimus, cum dicebamus sollemnem illam corporis ablutionem signum esse, & efficientiam habere rei sacræ, quæ interius Spiritus sancti ui fieret, idem etiam in alijs sacramentis exercere aliquis uelit. Iam uero hisce mysticis signis, quæ à Deo instituta sunt, illud etiam præcipue conuenit, ut ex Domini institutione non unam aliquam rem, sed plures simul significant. Quod in singulis sacramentis

sacramentis licet cognoscere, quæ non solum sanctitatem, & iustitiam nostram, sed præterea duo alia cum ipsa sanctitate maximè coniuncta declarant, Christi scilicet redemptoris passionem, quæ sanctitatis causa est, & uitam æternam, caelestemque beatitudinem, ad quam sanctitas nostra, tamquam ad finem, referri debet. Quod quidem cum in omnibus sacramentis perspicui possit, merito sacri doctores unicuique sacramentorum triplicem significandi uim inesse tradiderunt; tum quia alicuius rei præteritæ memoriam afferat; tum quia aliam præsentem indicet, ac demonstret; tum quia aliam futuram prænuntiet. Neque uero existimandum est, hoc ita ab illis doceri, ut etiam sanctarum scripturarum testimonio non probetur. nam cum Apostolus ait: Quicumque baptizati sumus in Christo Iesu, in morte ipsius baptizati sumus: plane ostendit, idcirco baptismum signum dicendum esse, quòd Dominicæ passionis & mortis nos admoneat. Deinde cum inquit: Consepulti enim sumus cum illo per baptismum in mortem, ut, quo modo Christus surrexit à mortuis per gloriam patris, ita & nos in nouitate uitæ ambulemus: ex his uerbis perspicuum est baptismum signum esse, quo caelestis gratia in nos infusa declaratur: cuius munere nobis datum est, ut nouam uitam instituentes, omnia uera pietatis officia facile, & libenti animo exequamur. Postremo cum addit: Si enim complantati facti sumus similitudini mortis eius, simul, & resur-

Rom. 6.

Rom. 6.

resurrectionis erimus : apparet , baptismum uitæ etiam æternæ , quam per illum consecuturi sumus , non obscuram significationem dare. Sed præter hæc quæ commemorauimus , uaria significandi genera , & rationes , sæpe etiam euenit , ut sacramentum non unam tantum rem præsentem , sed plures demonstret , ac notet . id uero sanctissimum Eucharistiæ sacramentum intuentibus faciliè est intelligere , quo ueri corporis , & sanguinis Domini præsentia , necnon gratia , quam non impure sacra mysteria sumentes percipiunt ; designatur . Ex ijs igitur , quæ dicta sunt , Pastoribus argumenta deesse non poterunt , quibus ostendant , quanta diuinitatis potentia , quot arcana miracula sacramentis nouæ legis insint : ut ea summa cum religione colenda , & suscipienda esse , omnibus persuadeant .

Sacramēta , præsertim legis euangelicæ , cur instituta.

Verum ad rectum sacramentorum usum docendum nihil accommodatius uideri potest , quàm diligenter causas exponere , cur sacramenta institui oportuerit . Plures autem numerari solent : quarum prima est , humani ingenij imbecillitas . siquidem natura ita comparatum uidemus , ut ad earum rerum notitiam , quæ mente , atque intelligentia comprehense sunt , nisi per ea , quæ obliquo sensu percipiuntur , nemini adspirare liceat . Ut igitur , quæ occulta Dei uirtute efficiuntur , facilius intelligere possemus , idem summus rerum omnium artifex sapientissimè fecit , ut eam ipsam uirtutem alijs quibus signis , quæ sub sensum cadunt , pro sua in

• nos benignitate declararet. nam, ut præclare à sancto Chrysostomo dictum est; si homo corporis concretionem caruisset, nuda ipsa bona neque ullis integumentis inuoluta ei oblata essent: quoniam uero anima corpori coniuncta est, omnino opus fuit, ut rerum quæ sentiuntur adminiculo ad ea intelligenda uteretur. Altera uero causa est, quod animus noster haud facile commouetur ad ea, quæ nobis promittuntur, credenda. Quare Deus mundi exordio quæ facere instituerat, uerbis quidē frequentissime indicare consuevit: interdum uero, cum opus aliquod institueret, cuius magnitudo promissis fidem abrogare posset, alia etiam signa, quæ nonnunquā miraculispociem haberent, uerbis adiunxit. nā cum Deus Moysen ad Israelitici populi liberationem mitteret; ille uero, ne Dei quidem præcipientis auxilio fretus, timeret, ne onus sibi grauius imponeretur, quàm ut sustinere posset, aut ne populus diuinis oraculis, & dictis fidem non adiungeret; Dominus promissionem suam multa signorum uarietate firmavit. Quemadmodum igitur in ueteri testamento Deus fecerat, ut magni alicuius promissi constantiam signis testificaretur: ita enim in noua lege Christus, saluator noster, cum nobis peccatorum ueniam, cælestem gratiam, spiritus sancti communicationem pollicitus est, quædam signa oculis, & sensibus subiecta instituit, quibus cum quasi pignoribus obligatum habuerimus, atque ita fidelem in promissis futurum dubitare nunquam possemus.

Exod. 3.

Exod. 4.

Tertia causa fuit, ut illa tãquam remedia, ut scribit sanctus Ambrosius, atque euangelici Samaritani medicamenta ad animarum sanitatem uel recuperandam, uel tuendam præstò essent. Virtutem enim quæ ex passione Christi manat, hoc est gratiam, quam ille nobis in ara crucis mcruit, per sacramenta, quasi per alueum quendam, in nos ipsos deriuare oportet. aliter uero nemini ulla salutis spes reliqua esse poterit. Quare clementissimus dominus sacramenta uerbo suo, & promissione sancta relinquere in Ecclesia uoluit, per quæ passionis suæ fructum nobis re ipsa communicari sine dubitatione crederemus; si modo unusquisque nostrum ad se eam curationem pie, & religiose admoueret.

Sed quarta etiam causa accedit, cur sacramentorum institutio necessaria uideri possit; ut scilicet notæ quædam, & Symbola essent, quibus fideles inter noscerentur, cum præsertim nullus hominum cætus queat, ut etiam à D. Augustino traditum est; si ueueræ, siue falsæ religionis nomine, quasi unum corpus coagmentari, nisi aliquo uisibilibus signorum fœdere coniungantur. Utrunque igitur præstant nouæ legis sacramenta, quæ & Christianæ fidei cultores ab infidelibus distinguunt, & ipsos fidei sancto quodam uinculo inter se connectunt.

Præterea, aliam etiam iustissimam fuisse causam sacramenta instituendi, ex illis Apostoli uerbis, Corde creditur ad iustitiam, ore autem confessio fit ad salutem, ostendi potest. Sacramentis enim
fidem

D. Augusti
nus.

ad Ro. 10.

fidem nostram in hominum conspectum confiteri, & notam facere uidemur. Quare ad baptismum accedentes, palam testamur, nos credere, eius aquæ virtute, qua in sacramento abluimur, spiritualem animæ purgationem fieri. Magnam deinde uim habent sacramenta non solum ad fidem in animis nostris excitandam, & exercendam, sed etiam eam charitatem inflammandam, qua amari inter nos debemus, cum arctissimo nos uinculo colligatos & unius corporis membra effectos esse, ex sacrorum mysteriorum communione, recordamur. Postremo, quod in Christianæ pietatis studio plurimi faciendum est, humanæ mentis superbiam edomant, ac comprimunt, nosque ad humilitatem exercent;

1 dum sensibilibus elementis subijcere nos cogimur, *ut Deo*
 3 ramus, ut mundi elementis seruiremus. Hæc sunt *quæ præ-*
 2 ut Deo obtemperemus, à quo antea impie defece- *ramus*
 4 quæ potissimum de sacramenti nomine, natura, institutione, fidei populo tradenda esse uisa sunt: quæ posteaquam à Pastoribus accuratè exposita fuerint, docere deinceps oportebit, quibus ex rebus singula sacramenta constent, quæue sint illorum partes, ac præterea qui ritus, & cærimonie additæ illis fuerint.

Primum igitur explicandum est, rem sensibilem, quæ supra in sacramenti definitione posita est, non unam tantum esse, quamuis unum signum constitui credendum sit. Duo enim sunt, ex quibus quodlibet sacramentum conficitur: quorum alterum

De materia, & forma sacramentorum, & eorum cæimoniis.

D. Augusti-
nus.

ad Eph. 5.

materia rationem habet, atque elementum dicitur : alterum formæ uim, & uerbum communi uocabulo appellatur ; sic enim à Pastoribus accepimus . quæ in re notum est, atque apud omnes peruulgatum illud sancti Augustini testimonium: *Accedit uerbum, ad elementum, & fit sacramentum .* Rei igitur sensibilis nomine tum materiam, siue elementum intelligunt ; ut in sacramento baptismi aquam, confirmationis chrisma, & extremæ unctionis oleum, quæ omnia sub aspectum cadunt ; tum præterea uerba, quæ formæ rationem habent, atque ad aurium sensum pertinent . Apostolus uero utrumque aperte indicauit, Cum inquit : Christus dilexit Ecclesiam, & se ipsum tradidit pro ea, ut illam sanctificaret, mundans eam lauacro aquæ in uerbo uitæ . Quo in loco materia, & forma sacramenti exprimitur . Addenda autem erant uerba ad materiam, ut apertior, clariorque rei, quæ gerebatur, significatio fieret . Verba enim inter omnia signa maximam uim habere perspicuum est : ac, si ipsa desint, plane obscurum erit, quidnam materia sacramentorum designet, ac demonstret . Nam, ut in baptismo licet uidere, cum aqua non minus refrigerandi, quàm abluendi uim habeat, & utriusque rei Symbolum esse possit, nisi uerba addantur, utrum horum in baptismo significet, aliquis fortasse coniectura aliqua diiudicabit; nemo autem ea de re quipiam certi affirmare audebit : at cum uerba adhibentur, statim intelligimus, abluendi uim, & signifi-

significationem habere.

In hoc autem nostra sacramenta antiquæ legis sacramentis plurimum præstant, quod in illis ministrandis nulla, quod quidem acceperimus, definita forma seruaretur; quo etiam fiebat, ut incerta admodum, & obscura essent: nostra uero formam uerborum ita præscriptam habent, ut si forte ab ea discedatur, sacramenti ratio constare non possit: ob eamque rem clarissima sunt, ac nullum relinquunt dubitandi locum. Hæ igitur sunt partes, quæ ad naturam, & substantiam sacramentorum pertinent, & ex quibus unumquodque sacramentum necessario constituitur, His accedunt ceremoniæ: quæ tametsi prætermitti sine peccato non possunt, nisi aliud facere ipsa necessitas cogat, tamen, si quando omittantur, quoniam rei naturam non attingunt, nihil de uera sacramenti ratione immi-Snu credendum est. Ac merito quidem à primis usque Ecclesiæ temporibus illud semper seruatum est, ut sacramenta solennibus quibusdam cæremoniis ministrarentur. Primum enim maxime decuit, sacris mysteriis eum religionis cultum tribuere, ut sancta sancti tractare uideremur. præterea, quæ sacramento efficiuntur, cæremoniæ ipsæ magis declarant, ac ueluti ante oculos ponunt, & earum rerum sanctitatem in animos fidelium altius imprimunt. Deinde uero mentes illorum qui eas intuentur, & diligenter obseruant, ad sublimium rerum cogitationem erigunt, fidemque in eis, & charita-

tē excitant: quo maior cura, & diligentia adhibenda erit, ut uim fideles cærimoniarum, quibus singula sacramenta cōficiuntur, cognitam, & perfectā habeāt.

De necessitate, numero, & utilitate sacramentorum.

Sequitur, ut sacramentorum etiam numerus explicetur. quæ quidem cognitio hanc utilitatem affert, quod populus eò maiori pietate omnes animi sui vires ad laudandam, & predicandam Dei erga nos singularem beneficentiam conuertet, quò plura salutis, ac beatæ uitæ adiumenta nobis diuinitus parata esse intellexerit. Catholica igitur Ecclesiæ sacramenta, quemadmodum ex scripturis probatur, & Patrum traditione ad nos peruenit, & Conciliorum testatur auctoritas, septenario numero definita sunt. Cur autem neque plura, neque pauciora numerentur, ex ijs etiā rebus, quæ per similitudinem à naturali uita ad spiritualem transferuntur, probabili quadam ratione ostendi poterit.

Homini enim ad uiuendum, uitamque conseruandam, & ex sua, rei que publicæ utilitate traducendam, hæc septem necessaria uidentur; ut scilicet in lucem edatur, augeatur, alatur; si in morbum incidat, sanetur; imbecillitas uirium reficiatur; deinde, quod ad remp. attinet, ut magistratus nunquam desint, quorum auctoritate, & imperio regatur; ac postremo, legitima sobolis propagatione se ipsum & humanum genus conseruet.

Quæ omnia quoniam uitæ illi, qua anima Deo uiuit respondere satis apparet, ex ijs facile sacramentorum numerus colligetur. Primus enim est Baptis-

mus,

mus, ueluti ceterorum ianua, quo Christo renas-
 mur; deinde Confirmatio, cuius uirtute fit, ut diui-
 na gratia augeamur, & roboremur. baptizatis
 enim iam Apostolis, ut D. Augustinus testatur, in-
 quit Dominus, Sedete in ciuitate, donec induamini
 uirtute ex alto. Tum Eucharistia, qua tamquam
 cibo uere caelesti, spiritus noster, alitur, & sustine-
 tur. de ea enim dictum est à Saluatore: Caro mea
 uere est cibus. & sanguis meus uere est potus. Se-
 quitur quarto loco Pœnitentia, cuius ope sanitas
 amissa restituitur, postquàm peccati uulnera acce-
 pimus. Postea uero extrema Unctio, qua pecca-
 torum reliquiæ tolluntur, & animi uirtutes recrean-
 tur: siquidem D. Iacobus, cum de hoc sacramento
 loqueretur, ita testatus est. Et si in peccatis sit, re-
 mittentur ei. Sequitur Ordo, quo publica sacra-
 mentorum ministeria perpetuo in Ecclesia exercen-
 di, sacrasque omnes functiones exequendi potestas
 traditur. Postremo additur Matrimonium, ut ex
 maris & fœminæ legitima, & sancta coniunctione
 filij ad Dei cultum, & humani generis conseruatio-
 nem procreentur, & religiosè educentur.

D. Augusti-
 nus.

Luc. 24.

Ioa. 6.

Iacob. 5. *Quia**I**reuerentia*De præstan-
 tia & diffe-
 rentia sacra-
 mentorum
 & eorum
 auctore.

Illud uero maxime animaduertendum est, quam
 uis omnia sacramenta diuinam, & admirabilem
 uirtutem in se contineant, tamen, non par em omnia,
 & æqualem necessitatem, aut dignitatem, aut
 unam, eandemque significandi uim habere. Atque
 ex ijs tria sunt, quæ tametsi non eadem ratione, ta-
 men præ ceteris necessaria dicuntur. baptismum

Ioan. 3.

enim unicuique sine ulla adiunctione necessarium esse, Saluator his uerbis declarauit; Nisi quis renatus fuerit ex aqua & spiritu, non potest introire in regnum Dei. Pœnitentia uero illis tantummodo necessaria est, qui se post baptismum aliquo mortali peccato obstrinxerunt. neque enim æternum exitium effugere poterunt, nisi eos admissi peccati rite pœnituerit. Ordo præterea, & si non singulis fidelibus, toti tamen Ecclesiæ omnino necessarius est. Verum si dignitas in sacramentis spectetur, Eucharistia sanctitate, & mysteriorum numero, ac magnitudine longe ceteris antecellit: quæ omnia facilius intelligentur, cum suo loco ea, quæ ad singula sacramenta pertinent, explicabuntur. Deinceps uidendum est, a quo hæc sacra, & diuina mysteria acceperimus. neque enim dubitandum est, quin præclari alicuius muneris dignitas, eius à quo donum ipsum profectum est, dignitate, præstantia quammaxime augeatur. Sed ea quæstio difficilem explicationem habere non potest. Nam cum Deus sit, qui homines iustos efficiat: ipsa uero sacramenta iustitiæ adipiscendæ mirifica quædam instrumenta sint: patet, unum eundemque Deum in Christo iustificationis & sacramentorum auctorem agnoscendum esse. Præterea, sacramenta eam uim, & efficientiam continent, quæ ad intimam animam penetrat. Cum uero unius Dei potentiæ proprium sit, in corda & mentes hominum illabi; ex hoc etiâ perspicitur, sacramenta à Deo ipso per Christum instituta

ruta esse; quemadmodum, ab eo quoque intus di-
 spensari, certa, & constanti fide tenendum est. hoc
 enim testimonium de illo se accepisse sanctus Ioan- Ioan. 1.
 nes affirmat, cum ait: Qui misit me baptizare in
 aqua, ille mihi dixit; super quem uideris spiritum
 descendentem, & manentem super eum, hic est, qui
 baptizat in spiritu sancto. Sed quamuis Deus sacra-
 mentorum auctor, & dispensator sit; ea tamen non
 per angelos, uerum per homines ministrari in Ec-
 clesia uoluit. non minus enim ministrorum officio,
 quam materia, & forma, ad sacramenta conficien-
 da opus esse, perpetua sanctorum Patrum tradi-
 tione confirmatum est. Atque hi quidem ministri
 quoniam in sacra illa functione non suam, sed Chri-
 sti personam gerunt, ea re fit, ut, siue boni, siue ma-
 li sint, modo ea forma, & materia utantur, quam
 ex Christi instituto semper Ecclesia catholica serua-
 uit, idque facere proponant, quod Ecclesia in ea ad-
 ministratione facit, uere sacramenta conficiant, &
 conferant: ita ut gratiae fructum nullares impedi-
 re possit, nisi qui ea suscipiunt, se ipsos tanto bono
 fraudare, & spiritui sancto uelint obsistere. Hanc
 uero in Ecclesia certam, & exploratam sententiam
 semper fuisse, sanctus Augustinus in ijs disputatio- S. Augusti-
nus.
 nibus, quas aduersus Donatistas conscripsit, cla-
 rissime demonstrauit. Quod si etiam scripturae te-
 stimonia querimus, ipsum Apostolum, his uerbis
 loquentem, audiamus: Ego, inquit, plantaui.
 Apollo rigauit: sed Deus incrementum dedit. neque 1. Cor. 3.
 enim

enim qui plantat, est aliquid, neque qui rigat, sed qui incrementum dat Deus. Ex quo loco satis intelligitur; quemadmodum arboribus nihil obest eorum improbitas, quorum manu satæ sunt; ita nihil uitij aliena culpa contrahi illis posse, qui malorum hominum ministerio Christo insiti sunt. Quare, ut ex D. Ioannis euangelio sancti Patres nostri docuerunt, Iudas etiam Iscariotes plures baptizauit: ex quibus tamen neminem iterum baptizatum fuisse legimus: ita ut præclare D. Augustinus scriptum reliquerit: Dedit baptismum Iudas, & non baptizatum est post Iudam: dedit Ioannes, & baptizatum est post Ioannem; quia si datum est à Iuda, baptismus Christi erat: quod autem à Ioanne datum est, Ioannis erat. non Iudam Ioanni, sed baptismum Christi etiam per Iudæ manus datum, baptismum Ioannis, etiam per manus Ioannis dato, recte præponimus.

S. Augustinus.

Act. 19.

Sacramenta nouæ legis impura conscientia ministrare, quam perniciosum ipsis ministris, & de eorum esse &u.

Neque uero Pastores, aliæue sacramentorum ministri, cum hæc audiunt, satis sibi esse arbitrentur, si, post habita morum integritate, ac conscientie munditia, illud tantum cogitent, quo modo sacramenta ab illis rite ministrentur. id enim etsi diligenter curandum est, in hoc tamen omnia, quæ ad eam functionem pertinent, posita non sunt. Meminisse autem semper debent, sacramenta diuinam quidem uirtutem, quæ illis inest, nunquam amittere, ac uero impure ea ministrantibus æternam perniciem, & mortem asferre. Sancta enim, quod semel atque iterum ac sæpius admonere oportet, sancte, & re-

Et religiose tractanda sunt. Peccatori, ut est apud Psal. 42
Prophetam, dixit Deus: quare tu enarras iustitias meas, & assumis testamentum meum per os tuum? tu uero odisti disciplinam. Quid si homini peccatis contaminato minus licet de rebus diuinis agere: quantum ab eo scelus concipi existimandum erit, qui sibi multorum scelerum conscius est, nec tamē sacra mysteria polluto ore conficere, uel in fœdas manus sumere, contrectare, atque alijs porrigere, & ministrare uereatur? cum præsertim apud sanctum Dionysium scriptum sit, Malis symbola (ita enim sacramenta appellat) ne contingere quidem S. Dionysius Arcopagita.
permissum esse. Sanctitatem igitur sacrarum rerum ministri in primis sectentur, pure ad sacramenta ministranda accedant, atque ita se ad pietatem exercent, ut ex eorum frequenti tractatione, & usu, uberiorē in dies gratiā, adiuuante Deo, consequantur.

Sed iam, his rebus explicatis, docendum erit, quoniam sacramentorum effectus sit: id enim sacramenti definitioni, quæ supra tradita est, non parum lucis allaturum uidetur. y autem duo præcipue numerantur. Ac principem quidem locum meritò gratia illa obtinet, quam usitato à sacris doctoribus nomine iustificantem uocamus. ita enim Apostolus ad Eph. 5.
apertissime nos docuit, cum inquit, Christum dilexisset Ecclesiam, & se ipsum tradidisse pro ea, ut illam sanctificaret, mundans eam lauacro aquæ in uerbo. Quo autem pacto tāta res, & tā admirabilis per sa- S. Augustinus.
cramētum efficiatur, ut quemadmodū S. Augustini

sententia

sententia celebratum est, Aqua corpus abluat, & cor tangat; id quidem humana ratione, atque intelligentia comprehendere non potest. Constitutum enim esse debet, nullam rem sensibilem suapte natura ea ui præditam esse, ut penetrare ad animam queat. At fidei lumine cognoscimus, omnipotentis Dei uirtutem in sacramentis inesse, qua id efficiant, quod sua ui res ipsæ naturales præstare non possunt. Quo circa, ne ulla unquam huius effectus dubitatio in animis fidelium resideret, cum ministrari sacramenta cæptum est, uoluit clementissimus Deus, quid illa interius efficere, miraculorum significationibus declarare; ut eadem perpetuo interius fieri constantissime crederemus, quâuis longe à nostris sensibus remota essent. itaque, ut omittamus, Saluatore nostro in Iordane baptizato, calos apertos esse, & spiritum sanctum columbæ specie apparuisse; ut admoneremur, eius gratiam, cū saluari fonte abluimur, in animam nostram infundi. ut hoc inquam omittamus, (magis enim ad baptisimi sanctificationem, quàm sacramenti administrationem pertinent) nonne legimus, cum Pentecostes die apostoli spiritum sanctum acceperunt, quo deinde ad prædicandam fidei ueritatem, adeundaque pro Christi gloria pericula alacriores, & fortiores fuerunt, tunc, facto repente de calo sonitu, tamquàm aduenientis spiritus uehementis, apparuisse illis dispersitas linguas quasi ignis? ex quo intellectum est, sacramento confirmationis eundem nobis spiritum tribui, easque

Matth. 3.
Mar. 1.

Luc. 3.

casque vires addi, quibus possimus carni, mundo, & Sathanae, perpetuis scilicet hostibus nostris, fortiter repugnare, & resistere. Atque hac miracula, quoties Apostoli sacramenta ista ministrarēt, initio nascentis Ecclesiae aliquandiu uisa sunt, donec firmata iam fide, & corroborata, fieri desierunt.

Ex ijs igitur, quae de priori sacramentorum effectu, gratia scilicet iustificante, demonstrata sunt, illud etiam plane constat, excellentiorem, & praestantiorē uim sacramentis nouae legis inesse, quam olim ueteris legis sacramenta habuerunt: quae cum infirma essent, egenaue elementa, inquinatos sanctificabant ad emundationem carnis, non animae. quare, ut signa tantum earum rerum, quae mysterijs nostris efficienda essent, instituta sunt. At uero sacramenta nouae legis ex Christi latere manantia, qui per spiritum sanctum semet ipsum obtulit immaculatum Deo, emundant conscientiam nostram ab operibus mortuis ad seruiendum Deo uiuenti, atque ita eam gratiam, quam significant, Christi sanguinis uirtute operantur. Quo circa si ea cum antiquis sacramentis conferamus, praeterquam quod plus efficaciae habent, & utilitate uberiora, & sanctitate angustiora esse inuenientur. Alter uero sacramentorum effectus non quidem omnibus communis, sed trium tantummodo proprius, baptismi, confirmationis, & ordinis sacri, est character, quem animae imprimunt. nam cum Apostolus ait. Unxit nos Deus, qui & signauit nos, & dedit

De excellentia sacramentorum nouae legis ad uetera comparatorum, & de Character.

S

S. Augusti-
nus.

dedit pignus spiritus in cordibus nostris uoce illa, Signauit, non obscure characterem descripsit; cuius proprium est aliquid signare, & notare. Est autem character ueluti insigne quoddam animæ impressum, quod deleri nunquam potest, ei que perpetuo inheret: de quo ita apud S. Augustinum scriptum est. An minus forte sacramenta Christiana, quam corporalis hæc nota, qua scilicet miles insignitur, poterunt? illa namque militi ad militiam, quam deseruisset, reuertenti, non noua imprimitur, sed antiqua cognoscitur, & approbatur. Iam uero character hoc præstat, tum ut apti ad aliquid sacri suscipiendum uel peragendum efficiamur, tum ut aliqua nota alter ab altero internoscatur. Ac baptismi quidem characterẽ utrũque consequimur, ut ad alia sacramenta percipienda reddamur idonei, & eo præterea fidelis populus à gentibus, quæ fidem non colunt, distinguatur. Idem autem in characterẽ confirmationis, & sacri ordinis licet cognoscere: quorum altero ueluti Christi milites ad eius nominis publicam confessionem, & propugnationem, ac contra insitum nobis hostem, & spiritualis nequitie in cælestibus armamur, atque instruimur, simulque ab ijs qui nuper baptizati, tanquam modo geniti infantes sunt, discernimur; alter uero tum potestatem sacramenta conficiendi, & ministrandi coniunctam habet, tum eorum, qui eiusmodi potestate præditi sunt, à reliquo fidelium cætu distinctionem ostendit. Tenenda igitur est catholice Ecclesie

clesiæ regula, qua docemur, tria hæc sacramenta characterem imprimere, neque ullo unquam tempore iteranda esse.

Hæc sunt, quæ generatim de sacramentis tradenda erunt. in cuius argumenti explicatione, Pastores duo potissimum efficere omni studio conentur. Primum est, ut fideles intelligant, quanto honore, et cultu, & ueneratione hæc diuina, & cælestia munera digna sint: alterum uero, ut, quoniam à clemētissimo Deo ad communem omnium salutem proposita sunt, ijs pie & religiose utantur, atque ita Christianæ perfectionis desiderio exardescant, ut, si pœnitentiæ præsertim & Eucharistiæ saluberrimo usu aliquandiu careant, plurimum damni se fecisse existiment. Hæc autem facile Pastores assequi poterunt, si quæ de sacramentorum diuinitate, & fructu supra dicta sunt, auribus fidelium sæpius inculcabunt, primo à Domino saluatore nostro, à quo nihil nisi perfectissimum proficisci potest, instituta esse: præterea, cū ministrantur, spiritus sancti intima cordis nostri permeantis efficacissimū numen præstò esse: deinde, admirabili, & certa curandarum animarum uirtute prædita esse: tum, per ea immensas illas Dominicæ passionis diuitias ad nos deriuari. Postremo uero ostendent, totum Christianum ædificium firmissimo quidem lapidis angularis fundamento innititur, nisi uerbi Dei prædicatione, & sacramentorum usu undique fulciatur, magnopere uerendum esse, ne magna ex parte labefactatum concidat.

I

ut enim

ut enim per sacramenta in uitam suscipimur: ita
hoc ueluti pabulo alimur, conseruamur, augemur.

DE BAPTISMI SACRAMENTO.

Ex ijs quidem, quæ hætenus de sacramentis
uniuerse tradita sunt, cognosci potest, quàm neces-
sarium sit ad Christianæ religionis uel doctrinam
percipiendam, uel pietatem exercendam, ea intel-
ligere, quæ de illorum singulis credenda catholica
Ecclesia proponit: sed, si quis diligentius Apostolum
legerit, sine dubitatione ita statuet, perfectam ba-
ptismi cognitionem à fidelibus magnopere requi-
ri: adeo non solum frequenter, sed grauibz uerbis
& spiritu Dei plenis, eius mysterij memoriam reno-
uat, diuinitatem commendat, atque in eo redempto-
ris nostri mortem, sepulturam, & resurrectionem
nobis ante oculos tum ad contemplandum, tum ad
imitandum constituit. Quare pastores nunquam
se satis multam operam, & studium in huius sacra-
menti tractatione collocasse arbitrentur: uerum,
præter eos dies, in quibus more maiorum diuina
baptismi mysteria potissimum explananda essent, in
sabbato magni Paschæ, & Pentecostes, quo tem-
pore Ecclesia summa cum religione, maximisque
cæremonijs hoc sacramentum celebrare consueue-
rat, alijs etiam diebus occasionem captent de hoc
argumento differendi. Atque illud in primis tem-
pus maxime opportunum ad eam rem uideri pote-
rit,

rit, si interdum, cum baptismus alicui ministrandus sit, fidelis populi multitudinem conuenisse animadu-
uerterint. tunc enim facilius multò erit, si minus li-
ceat omnia capita, quæ ad hoc sacramentum attinent,
persequi, unum saltem, aut alterum docere, cum fi-
deles earum rerum doctrinam, quam auribus perci-
piunt, simul etiam sacris baptismi caerimonys ex-
pressam uident, pioq; & attento animo contemplan-
tur. Ex quo deinde fiet, ut unusquisque, ijs rebus
admonitus, quas in alio geri uideat, secum recorde-
tur, quæ se sponsione Deo obligauerit, cum baptismo
initiatu est; simulq; illud cogitet, an uita, & mori-
bus talem se præbeat, qualem ipsa Christiani nomi-
nis professio pollicetur. Ut igitur, quæ docenda e-
runt, dilucidè exponantur; quænam sit baptismi na-
tura, & substantia, aperiendum est; si prius tamen
ipsius uocis significatio explicetur. Ac baptismus
quidem græcum esse nomen nemo ignorat: quod etsi
in sacris litteris non solum eam ablutionem, quæ cū
sacramento coniuncta est, sed etiam omne ablutionis
genus, quòd aliquando ad passionem translatum est,
significat; tamen apud Ecclesiæ scriptores non quam-
uis corporis ablutionem declarat, sed eam, quæ
cum sacramento coniungitur, nec sine præscripta uer-
borum forma ministratur. quæ quidem significa-
tione! Apostoli ex Christi domini instituto frequentis-
simè usi sunt.

Alia quoque nomina ad eandem rem significan-
dam sancti Patres usurparunt. Sacramentum enim

- fidei appellari, quòd illud suscipientes, uniuersam Christiana religionis fidem profiteantur, D. Augustinus testatur. Alij uero, quia fide corda nostra illuminantur, quam in baptismo profiteamur, hoc sacramentum Illuminationem uocarunt. nam & Apostolus ita inquit: Rememoramini pristinos dies, in quibus illuminati magnum certamen sustinuisstis passionum: tempus nimirum, quo baptizati erant, significans. Chrysostomus præterea in oratione, quam ad baptizatos habuit, tum expurgationem, qua per baptismum expurgamus uetus fermentum, ut simus noua conspersio, tum sepulturam, tum plantationem, tum crucem Christi nominat: quarum omnium appellationum causam ex epistola ad Romanos scripta licet colligere. Cur autem D. Dionysius principium sanctissimorum mandatorum uocauerit, perspicuum est; cum hoc sacramentum ueluti ianua sit, qua in Christiana uitæ societatem ingredimur, atque ab eo diuinis præceptis obtemperandi initium facimus. Atque hæc de nomine breuiter exponenda erunt.*

Baptismi
pro sacra-
mento sum-
pti, defini-
tio, mate-
ria, forma,
effectus.

Quòd autem ad rei definitionem attinet, etsi multe ex sacris scriptoribus afferri possunt, illa tamen aptior, & commodior esse uidetur, quàm ex uerbis Domini apud Ioannē, & Apostoli ad Ephesios licet intelligere. nam cum Saluator dicat: Nisi quis renatus fuerit ex aqua, & spiritu, non potest introire in regnum Dei. & Apostolus, cum de Ecclesia loqueretur: Mundans eam lauacro aquæ in uerbo:

ita

ita fit ut rectè, & appositè definiatur, Baptismum esse sacramentum regenerationis per aquam in uerbo. Natura enim ex Adam filij iræ nascimur, per baptismum uero in Christo filij misericordiæ renascimur: siquidem dedit hominibus potestatem filios Dei fieri, ijs qui credunt in nomine eius, qui non ex sanguinibus, neque ex uoluntate carnis, neque ex uoluntate uiri, sed ex Deo nati sunt. Sed quibuscunque tandem uerbis baptismi naturam explicare contigerit, docendus erit populus, hoc sacramentum confici ablutione, cui ex Domini Saluatoris instituto certa, & sollemnia uerba necessariò adhibentur, quemadmodum semper sancti Patres docuerunt. quod apertissimo illo D. Augustini testimonio demonstratur: Accedit uerbū ad elementum, et fit sacramentū. Id uero eò diligētius monere oportebit, ne forte fideles in eum errorem inducātur, ut existiment, quòd uulgò dici solitum est, aquā ipsam, quæ ad conficiendum baptismū in sacro fonte asseruatur, sacramentum esse. tunc enim sacramentū baptismi dicēdum est, cum aqua ad abluendum aliquē additis uerbis, quæ à Domino instituta sunt, re ipsa utimur. Iam uero, quoniam singula sacramenta ex materia, & forma constitui initio diximus, cum generatim de omnibus sacramentis ageretur, iccirco, quæ utraque sit in baptismo, à Pastoribus declarandum erit. Materiam igitur, siue elementum huius sacramenti, esse omni naturalis aquæ genus, siue ea maris sit, siue fluij, siue paludis, siue putei,

Ioan. 1.

D. August.

D

Ioan. 3.

aut fontis, quæ sine ulla adiunctione aqua dici so-
let. nam & Saluator docuit: Nisi quis renatus fue-
rit ex aqua, & spiritu, non potest introire in regnum

Ad Eph. 5.

Dei. & Apostolus inquit, Ecclesiam lauacro aquæ
mundatam esse. Et in B. Ioannis epistola scriptum

1. Ioan. 5.

legimus: Tres sunt, qui testimonium dant in terrâ,
spiritus, aqua, & sanguis. Quod etiam alijs sacra-
rum litterarum testimonijs comprobatur. Quod

Matth. 3.

uero à Ioanne Baptista dictum est, uenturum esse
Dominum, qui baptizaret in spiritu sancto, & igne;
id quidem nullo modo de baptismi materia intelli-
gendum est; sed uel ad intimum spiritus sancti effe-
ctum, uel certè ad miraculum referri debet, quod

Act. 1.

die Pentecostes apparuit, cum spiritus sanctus e cæ-
lo in apostolos ignis specie delapsus est: de quo al-
lio loco Christus dominus noster prædixit: Ioannes
quidem baptizauit aqua: uos autem baptizabimini
spiritu sancto non post multos hos dies.

Figuræ, &
prophetiæ
antiquæ ba-
ptismi.
Gen. 6.

Verum idem quoque à Domino tum figuris, tum
prophetarum oraculis significatum esse, ex diuinis
scripturis animaduertimus. Diluuium enim, quo
mundus purgatus est, quod multa malitia hominum
esset in terra, & cuncta cogitatio cordis intenta
esset ad malum, huius aquæ figuram, & similitudi-
nem gessisse, apostolorum Princeps in priori epi-
stola ostendit. Et maris rubri transitum eiusdem
aquæ significationem habuisse, D. Paulus, ad Co-
rintios scribens, exposuit. ut interim omittamus
tum Naaman Syri ablutionem, tum probaticæ
piscinæ

1. Pet. 3.

1. Cor. 10.
4. Reg 5.
Ioan. 5.

piscinæ admirabilem uim, & alia id genus multa, in quibus huius mysterii symbolum inesse facile apparet. De prædictionibus autem dubitare nemo potest, quin aquæ illæ, ad quas tam liberaliter Isaias propheta omnes sitientes inuitat, uel quas et tēplo egredientes Ezechiel in spiritu uidit, tum præterea fons ille, quem domui David habitantibus Hierusalem paratum in ablutionem peccatoris, & mēstruat Zacharias prænunciauit, ad salutarem baptismi aquam indicandam, atque exprimendū pertineant. Quantum uero baptismi naturæ, & uirtuti consentaneum fuerit, ut eius propria materia aqua institueretur, pluribus quidem rationibus D. Hieronymus ad Oceanum scribens demonstrauit: sed quod ad hunc locum attinet, Pastores docere in primis poterunt, quoniam hoc sacramentum omnibus sine ulla exceptione ad consequendam uitam necessarium erat, iccirco aquæ materiam, quæ nunquam non præsto est, atque ab omnibus facile parari potest, maximè idoneam fuisse. Deinde aqua effectum baptismi maximè significat. ut enim aqua sordes abluit, ita etiam baptismi uim, atque efficiētiā, quo peccatorum macula eluuntur, optimè demonstrat. Accedit illud, quod, quemadmodum aqua refrigerandis corporibus aptissima est, sic baptismo cupiditatum ardor magna ex parte restringitur. Illud uerò animaduertendum est, quamuis aqua simplex, quæ nihil aliud admistum habet, materia apta sit ad hoc sacramentum cōficien-

Isa. 55.

Ezech. 47.

Zach. 13.

D. Hieron.
Eph. 83.
To. 2.

S

dum, quoties scilicet baptismi ministrandi necessitas incidat, tamen ex apostolorum traditione semper in catholica Ecclesia obseruatum esse, ut, cum sollempnibus cærimonijs baptismus conficitur, sacrum etiam chrisma addatur, quo baptismi effectus magis declarari perspicuum est. Docendus quoque erit populus, etsi aliquando incertum esse potest, utrum hæc, an illa uera aqua sit, qualem sacramenti perfectio requirat, hoc tamen pro certo habendum esse nunquam ex alia materia, quàm ex aquæ naturalis liquore, baptismi sacramentum illa ratione confici posse.

Quàm sit
necessaria
forma ba-
ptismi co-
gnitio.

Sed duarum partium, ex quibus baptismus, constare debet, postquam altera, hoc est materia, diligenter explicata fuerit, studebunt Pastores eadem diligentia formam etiam tradere; quæ est altera eius pars maximè necessaria. In huius autem sacramenti explicatione, eo maiori cura, & studio elaborandum putabunt, quòd tam sancti mysterij notitia non solum sua spontè fideles uehementer delectare potest, quod quidem in omni diuinarum rerum scientia communiter euenit, uerum etiam ad usus fere quotidianos summopere expetenda est. Cùm enim sæpe incidant tempora, quemadmodum suo loco plinius dicitur, in quibus tum ab alijs de populo, tum sæpissimè à mulierculis baptismum ministrari oportet; ita fit, ut promiscuè omnibus fidelibus ea, quæ ad huius sacramenti substantiam pertinent, cognita, & perspecta esse debeant. Quare dilucidis

& apertis uerbis, quæ facile percipi ab omnibus
 possint, Pastores docebunt, hanc esse perfectam &
 absolutam baptismi formam, Ego te baptizo in no-
 mine patris, & filij, & Spiritus sancti. Ita enim à
 Domino, & Salvatore nostro traditum est, cum
 Apostolis apud Matthæum præcepit: Euntes doce- Math. 28.
 te omnes gentes, baptizantes eos in nomine patris,
 & filij, & Spiritus sancti. Ex illo autem uerbo,
 Baptizantes, catholica Ecclesia, diuinitus edocta,
 optimè intellexit, in huius sacramenti forma actio-
 nem ministri exprimendam esse: quod quidem fit,
 cum dicitur: Ego te baptizo. Ac quoniam, præ-
 ter ministros, tum illius personam, qui baptiza-
 tur, tum principalem causam, quæ baptismum ef-
 ficat, significare oportebat, ideo illud pronomen,
 TE, & distincta diuinarum personarum nomina
 adduntur, ut absoluta sacramenti forma ijs uerbis
 concludatur, quæ modo exposita sunt: Ego te ba-
 ptizo in nomine patris, & filij, & Spiritus sancti.
 Neque enim sola filij persona, de quo à Ioanne scri-
 bitur; Hic est, qui baptizat; sed simul omnes san- Ioan. 1.
 ctæ Trinitatis personæ ad baptismi sacramentum
 operantur. Quod autem, In nomine, non, In no-
 minibus, dictum est: hoc planè declarat unam
 Trinitatis naturam, & diuinitatem. etenim hoc
 loco nomen, ad personas non refertur, sed diui-
 nam substantiam, uirtutem, & potestatem, quæ
 una & eadem est in tribus personis, significat.
 Sed in hac forma, quam integram, & per-
I

fectam esse ostendimus, obseruandum est, quædam prorsus necessaria esse, quæ si omittantur, sacramentum confici non potest; quædam uero non ita necessaria, ut, si desint, sacramenti ratio non constet: cuiusmodi est uox illa, Ego: cuius uis in uerbo BAPTIZO continetur: immò uero in ecclesijs Græcorum uariata dicendi ratione prætermitti consuevit: propterea quod nullum fieri oportere ministrimentionem iudicarunt: ex quo factum est, ut in baptismo hac forma passim utantur: Baptizatur seruus Christi in nomine patris, & filii, & Spiritus sancti: à quibus tamen perfecte sacramentum ministrari, ex Concilij Florentini sententia, & definitione apparet; cum his uerbis satis explicetur id quod ad baptismi ueritatem attinet, nimirum ablutio, quæ tunc re ipsa peragitur. Quòd si etiam aliquando tempus fuisse dicendum est, cum Apostoli in nomine tantum domini Iesu Christi baptizarent; id quidem Spiritus sancti afflatu eòs fecisse, exploratum nobis esse debet; ut initio nascentis Ecclesie Iesu Christi nomine prædicatio illustrior fieret, diuinaque, & immensa eius potestas magis celebraretur. Deinde uero rem penitus introspectientes, facile intelligemus, nullam earum partium in ea forma desiderari, quæ ab ipso Salvatore præscriptæ sunt. qui enim Iesum Christum dicit, simul etiam patris personam, à quo unctus, & spiritum sanctum, quo unctus est, significat. Quamquam dubium fortasse uideri potest, an huiusmodi forma apostoli

AG. 3.
AG. 8.

Stoli aliquem baptizauerint, si Ambrosij, & Basily, sanctissimorum, & grauissimorum Patrum, auctoritatem sequi uolumus, qui ita baptismum in nomine Iesu Christi interpretati sunt, ut dixerint, ijs uerbis significari baptismum, non qui à Ioanne, sed qui à Christo domino traditus esset, tametsi à cōmuni, & usitata forma, quæ distincta trium personarum nomina continet, apostoli non discederent.

Atque hoc loquendi genere Paulus etiam in epistola ad Galatas usus uidetur, cum inquit: Quicumque in Christo baptizati estis, Christum induistis, ut significaret, in fide Christi, nec alia tamen forma, quam idem Saluator et Dominus noster seruandum praeceperat, baptizatos esse. Ad Gal. 3.

Haec tenus igitur de materia, & forma quæ ad baptismi substantiam maximè pertinent, fideles docere satis fuerit. Quoniam uero in hoc sacramento conficiendo legitimæ etiam ablutionis rationem seruari oportet; ideo eius quoque partis doctrina à Pastoribus tradenda est, atque ab eis breuiter explicandum, communi Ecclesiæ more & consuetudine receptum esse, ut baptismus uno aliquo ex tribus modis confici posset. nam qui hoc sacramento initiari debent, uel in aquam merguntur, uel aqua in eos infunditur, uel aquæ aspersione tinguntur.

Ex his autem ritibus quicumque seruetur baptismum uerè perfici credendum est. aqua enim in baptismo adhibetur ad significandum animæ ablutionem, quam efficit: quare baptismus ab Apostolo

ad Eph. 5.

lauacrum

lauacrum appellatus est. Ablutio autem non magis fit, cum aliquis aqua mergitur, quòd diu à primis temporibus in Ecclesia obseruatum animaduertimus; quàm uel aque effusione, quod nunc in frequenti usu positum uidemus, uel aspersione, quemadmodum à Petro factum esse colligitur, cum uno die tria millia hominum ad fidei ueritatem traduxit, & baptizauit. Vtrum uero unica, an trina ablutio fiat, nihil referre existimandum est. utrovis enim modo et antea in Ecclesia baptismum uerè confectum esse, & nunc confici posse, ex D. Gregorij Magni epistola, ad Leandrum scripta, satis apparet. Retinendus est tamen à fidelibus is ritus, quem unusquisque in sua ecclesia seruari animaduertit. Atque illud præcipuè monere oportet, non quamlibet corporis partem, sed potissimum caput, in quo omnes tum interiores, tum externi sensus uiuent, abluendum, simulq; ab eo qui baptizat, non ante, aut post ablutionem uerba sacramenti, quæ formam continent, sed eodem tempore, quo ablutio ipsa peragitur, pronuntianda esse. His expositis, conueniet præterea docere, atque in memoriam fidelium reducere, baptismum, quemadmodum & reliqua sacramenta, à Christo domino institutum esse. Hoc igitur Pastores frequenter docebunt, explicabuntq; duo diuersa tempora baptismi notanda esse; alterum, cum Saluator eum instituit; alterum, cum lex de eo suscipiendo sancita est. Ac, quod ad primum attinet, tunc à Domino hoc sacramentum institutum

12.2.

S. Gregorius.

nstitutum esse perspicitur, cum ipse à Ioanne bapti-
 zatus sanctificandi uirtutem aquæ tribuit. testan-
 tur enim Sanctus Gregorius Nazanzenus, & Au-
 gustinus, eo tempore aquæ uim generandi in spiri-
 tualem scilicet uitâ datam esse. Et alio loco ita scri-
 ptum reliquit: Ex quo Christus in aqua mergitur,
 ex eo omnia peccata abluuit aqua. Et alibi: Bapti-
 zatur Dominus, non mūdari indigens, sed tactu mun-
 dæ carnis aquas mundans, ut uim abluendi habe-
 ant. Atque ad eam rem illud maximo argumento
 esse potuit, quòd nunc sanctissima Trinitas, in cuius
 nomine baptismus conficitur, numen suum præ-
 sens declarauit. Vox enim patris audita est: filij
 persona aderat: & spiritus sanctus in columbæ spe-
 cie descendit: præterea cæli aperti sunt, quòd nobis
 iam per baptismum licet ascendere. Quòd si quis
 scire cupiat, quam ratione tanta, & tam diuina
 uirtus à Domino aquis tributa sit: id quidem huma-
 nam intelligentiam superat, hoc uero satis percipi
 à nobis potest, baptismo à Domino suscepto, sanctis-
 simi, & purissimi eius corporis tactu aquam ad ba-
 ptismi salutarem usum consecratam esse, ita tamē,
 ut hoc sacramentum, etsi ante passionem institu-
 tum fuerit, à passione tamen, quæ omnium Chri-
 sti actionum tamquam finis erat, uim, & efficien-
 tiam duxisse, credendum sit. Sed de altero etiam,
 quo scilicet tēpore lex de baptismo lata fuerit, nul-
 lus dubitandi locus relinquitur. nam inter sacros
 criptores conuenit, post Domini resurrectionem, cū
 Apostolis

B. Grego-
 rius Nazan-
 zen. & S. Au-
 gustinus.

Matth. 3.
 Mar. 1.
 Luc. 3.

Marc. 16

Matth. 28.

apostolis præcepit; Euntēs docetē omnes gentes baptizantes eos in nomine patris, & filij, & Spiritus sancti: ex eo tempore omnes homines, qui salutem æternam consecuturi erant, lege de baptismo teneri cœpisse. Quod quidem ex apostolorum

1. Petr. 1.

Principis auctoritate colligitur, cum inquit: Regenerauit nos in spem uiuam per resurrectionem Iesu

Ad Eph. 5.

Christi ex mortuis. Idemq; ex illo Pauli loco; Se ipsum tradidit pro ea, ut illam sanctificaret, (cum de Ecclesia loqueretur) mudans eam lauacro aquæ in uerbo; licet cognoscere. uterque enim baptismi obligationem ad tempus, quod mortem Domini consecutum est, uidetur retulisse: ut dubitandum nullo

Ioan. 3.

modo sit, uerba etiam illa Saluatoris; Nisi quis renatus fuerit ex aqua, & spiritu, non potest introire in regnum Dei; id ipsum tempus spectasse, quod post passionem futurum erat. Ex his igitur, si accurate à Pastoribus tractentur, haud dubium esse potest, quin fideles maximam in hoc sacramento dignitatem agnoscant, ac summa animi pietate uenerentur: præsertim uero cum cogitarint, præclara illa, & amplissima munera, quæ, cum Christus dominus baptizaretur, miraculorum significationibus declarata sunt, singulis, cum baptizantur, intima

4. Reg. 6.

Spiritus sancti uirtute donari, atque impertiri. Ut enim si quemadmodum Elisei puero contigit, nobis oculi ita aperirentur, ut cælestes res intueri possemus, nemo adeo communi sensu carere putandus esset, quem diuina baptismi mysteria in maximam

admira-

admirationem non traducerent: cur idem etiā euenturum non existimemus, cum à Pastoribus huius sacramenti diuitiæ ita expositæ fuerint, ut eas fideles si non corporis oculis, at mentis acie, fidei splendore illuminatæ, contemplari queant?

Iam uero, à quibus ministris hoc sacramentum conficiatur, non utiliter modò, sed necessario, tradendum uidetur; tum ut ij, quibus præcipue hoc munus commissum est, illud sanctè, & religiosè curare studeant; tum ut ne quis, tamquam fines suos egres-
sus, in alienam possessionem intempestiuè ingreditur, uel superbè irrumpat, cum in omnibus ordinem seruandum esse Apostolus admoneat. Docceantur igitur fideles triplicem esse eorum ordinem: ac in primo quidem Episcopos, & sacerdotes collocandos esse: quibus datum est, ut iure suo, non extraordinaria aliqua potestate, hoc munus exerceant. *ys* enim in apostolis præceptum est à Domino; Euntes baptizate: quamuis Episcopi, ne grauiorem illam docendi populi curam deferere cogerentur, baptis-
mi ministerium sacerdotibus relinquere soliti essent. Quòd uero sacerdotes iure suo hanc functionem exerceant, ita ut præsentè etiam Episcopo ministrare baptismum possint, ex doctrina Patrum, & usu Ecclesiæ constat. nam cum ad Eucharistiam consecrandam instituti sint; quæ est pacis & unitatis sacramentum: consentaneum fuit, potestatem *ys* dari omnia illa administrandi, per quæ necessario huius pacis, & unitatis quilibet particeps fieri posset.

Qui pro-
prij mini-
stri baptis-
mi.

1. Cor. 4.

Matth. 28.

extra
ordinaria

posset. Quòd si aliquando Patres sacerdotibus, sine Episcopi uenia, baptizandius permissum non esse dixerunt: id de eo baptismo, qui certis anni diebus sollemni cærimonia administrari consueuerat, intelligendum uidetur. Secundum ministrorum locum obtinent Diaconi; quibus, sine Episcopi, aut sacerdotis concessu, non licere hoc sacramentum administrare, plurima sanctorum Patrum decreta testantur. Extremus ordo illorum est, qui, cogente necessitate, sine sollemnibus cærimonijs baptizare possunt: quo in numero sunt omnes, etiã de populo, siue mares, siue femine, quamcunque illi sectam profiteantur. nã et Iudæis quoque, & infidelibus, & hæreticis, cū necessitas cogit, hoc munus permissum est; si tamen id efficere propositum eis fuerit, quòd Ecclesia catholica in eo administrationis genere efficit. Hæc autem cum multa ueterum Patrum, & Conciliorũ decreta confirmarunt; tum uero à sacra Tridentina Synodo anathema in eos sancitum est, qui dicere audeant, baptismũ qui etiam datur ab hæreticis in nomine patris, & filij, & spiritus sancti, cū intentione faciendũ quod facit Ecclesia, nõ esse uerũ baptismum. In quo profectò summam Domini nostri bonitatẽ, & sapientiã licet admirari. nã cum hoc sacramentum necessariò ab omnibus percipiendum sit; quemadmodum aquã eius materiam instituit, qua nihil magis cõmune esse potest; sic neminem ab eius administratione excludi uoluit; quamuis, ut dictum est, non omnibus liceat sollemnes cærimonias adhibere: non quidem quòd

Conc. Trid.
sess. vii. sub
Paulo iii.
ceno. 4. de
Baptismo.

quòd ritus, aut cærimoniæ plus dignitatis, sed quòd minus necessitatis, quàm sacramētum, habeant. Neque uero, hoc munus ita omnibus promiscuè permis- sum esse, fideles arbitrētur, quin ordinem aliquè mi- nistrorū statuere maxime deceat. mulier enim si ma- res adsint, laicus item præsente clerico, tū clericus coram sacerdote, baptismi administrationē sibi su- mere non debent. Quāquam obstetrices, quæ bapti- zare consueuerunt, improbandæ non sunt, si interdū, præsente aliquo uiro, qui huius sacramenti conficien- di minimè peritus sit, quòd alias uiri magis propriū officium uideretur, ipsæ exequantur.

Accedit autē ad eos ministros, qui, ut hætenus declaratum est, baptismū conficiunt, aliud etiā mi- nistrorum genus, qui ad sacrā, & salutarē ablutionē celebrandam ex uetustissima catholicæ Ecclesiæ cō- suetudine adhiberi solent. ij nunc patrini, olim susce- ptores, spōsores, seu fideiussores, cōmuni uocabulo, à rerū diuinarum scriptoribus uocabantur. De quo- rū numero, quoniam ad omnes ferè laicos pertinet, accuratè à Pastoribus agendū erit; ut fideles intelli- gant, quæ potissimum ad illud rectè perficiendū ne- cessaria sint. In primis uerò explicare oportet, quæ causa fuerit, cur ad baptismum præter sacramenti ministros patrini etiā, & susceptores adiungerētur. quòd quidem optimo iure factū esse, omnibus uidebi- tur, si meminerint, baptismū esse spirituales rege- nationem, per quam filij Dei nascimur. de ea enim ita loquitur D. Petrus: Sicut modo geniti infantes

De patrinis
baptizan-
dorum.

1. Pet. 2.

rationabiles

rationabiles, sine dolo lac concupiscite. Vt igitur, postquam aliquis in hanc lucem editus est, nutrice, & pædago indiget, quorum opo, atque opera educetur, ac doctrina, & bonis artibus erudiatur: ita etiam necesse est, ut, qui ex baptismi fonte uitam spiritualem uiuere incipiunt, alicuius fidei, & prudentiæ committantur, à quo Christianæ religionis præcepta haurire, ad omnemque pietatis rationem institui possint, atque ita paulatim in Christo adolescere, donec tandem uiri perfecti, iuuante Domino, euadant; cum præsertim Pastoribus, qui publicæ parochiarum curationi præpositi sunt, tantum temporis non supersit, ut priuatam illam curam pueros in fide erudiendi suscipere possint. Huius autem uetustissimæ consuetudinis præclarum testimonium à D. Dionysio habemus, cum inquit: Diuinis nostris ducibus (sic enim apostolos uocat) in mentem uenit, & uisum est suscipere infantes, secundum istum sanctum modum, quod naturales parentes pueri cum cuidam docto in diuinis, ueluti pædago, traderent, sub quo, sicut sub diuino patre, & saluationis sanctæ susceptore, reliquum uitæ puer degeret. Eandem uero sententiam confirmat Higinij auctoritas. Quamobrem sapientissimè à sancta Ecclesia constitutum est, ut non solum is, qui baptizat, cum baptizato, sed etiamceptor cum eo, quem suscipit, & cum eius ueris parentibus affinitate deuinciantur; ita ut legitima nuptiarum fœdera inter hos omnes iniri non possint, atque inita diriman-

S. Dionys.
lib. de Eccl.
asti Hierar.
cap. 7. par. 3

Higinij
papa.

dirimantur. Præterea docere oportet fideles, quæ sint susceptoris partes. etenim hoc munus adeo negligenter in Ecclesia tractatur, ut nudum tantum huius functionis nomen relictum sit; quid autem sancti in eo contineatur, ne suspicari quidem homines uideantur. Hoc igitur uniuersæ susceptores semper cogitent, se hac potissimum lege obstrictos esse, ut spirituales filios perpetuo commendatos habeant, atque in ijs, quæ ad Christianæ uitæ institutionem spectant, curent diligenter, ut illi tales se in omni uita præbeant, quales eos futuros esse sollemni cærimonia sponponderunt. Audiamus quid ea de re sanctus Dionysius scribat, uerba sponsoris exprimens. Spondeo puerum inducturum, cum ad sacram intelligentiam uenerit, sedulis adhortationibus meis, ut abrenunciet contrarijs omnino, profiteatur, peragatque diuina, quæ pollicetur. Item diuus Augustinus, Vos, inquit, ante omnia tam uiros, quam mulieres, qui filios in baptismo suscepistis, moneo, ut cognoscatis, fideiussores apud Deum extitisse pro illis, quos nixi estis de sacro fonte suscipere. Ac profecto decet maxime, eum, qui aliquod officium suscepit, in eo diligenter exequendo numquam defatigari; & qui se alterius pedagogum, & custodem professus est, minime pati illum esse desertum, quem semel in fidem, & clientelam suam recepit, donec illum opera, & præsidio suo egere intellexerit. Quæ autem filijs spiritualibus tradenda sint, paucis D. Augustinus comprehendit, cum de hoc

S. Diony.

D. August.

D. Augu.

ipso susceptorum officio loqueretur : ait enim : De-
 bent eos admonere , ut castitatem custodiant , in-
 stitutam diligant , charitatem teneant , & ante omnia
 Symbolum , & orationem Dominicam eos doceant ;
 Decalogum etiam , & quæ sunt primæ Christianæ re-
 ligionis rudimenta . Quæ cum ita se habeant ; faci-
 le intelligimus , cuinam hominum generi sanctæ hu-
 ius tutelæ administratio committenda non sit , nimi-
 rum ijs , qui eam gerere aut fideliter nolint , aut se-
 dulo , & accurate non queant . Quocirca , præter
 naturales parentes , quibus non licet eam curatio-
 nem suscipere , ut ex eo magis appareat , quantum
 hæc spiritualis educatio à carnali distet , hæretici in
 primis , Iudei , infideles ab hoc munere omnino pro-
 hibendi sunt , ut qui in ea cogitatione , & cura sem-
 per uersentur , ut fidei ueritatem mendacijs obscu-
 rent , atque omnem Christianam pietatem euertāt .
 Plures quoque ne baptizatum de baptismo susci-
 piant , sed ut unus tantum , siue uir , siue mulier ,
 uel ad summum unus , & una , Tridentino Conci-
 lio statutum est ; tum quia disciplinæ , atque insti-
 tutions ordo à multitudine magistrorum perturba-
 ri poterat ; tum quia providere oportebat , ne inter
 plures eiusmodi affinitates coniungerentur , quæ im-
 pedirent , quo minus legitimo matrimonij uinculo ho-
 minum inter homines societas latius diffunderetur .

Quam ne-
 cessaria ba-
 ptismi su-
 scepcio tam
 adultis ,
 quàm infan-
 tibus .

Sed cum ceterorum rerum cognitio , quæ ha-
 tenus expositæ sunt , fidelibus utilissima habenda
 sit ; tum uero nihil magis necessarium uideri
 potest ,

potest, quàm ut doceantur, omnibus hominibus baptismi legem à domino præscriptam esse, ita ut, nisi per baptismi gratiam Deo renascantur, in sempiternam miseriam, & interitum à parentibus, siue illi fideles, siue infideles sint procreentur.

Igitur sapius à Pastoribus explicandum erit, quod apud Euangelistam legitur: Nisi quis renatus fuerit ex aqua, & Spiritu, non potest introire in regnum Dei. Quam legem non solum de ijs, qui adulta ætate sunt, sed etiam de pueris infantibus intelligendam esse, idque ab apostolica traditione Ecclesiam accepisse, communis Patrum sententia & auctoritas confirmat. Præterea, credendum est, noluisse Christum dominum baptismi sacramentum, & gratiam pueris denegari de quibus dicebat: Sinite paruulos, & nolite prohibere ad me uenire; talium est enim regnum celorum. quos amplexabatur, super quos manus imponebat, quos benedicebat, Deinde, cum legimus, totam aliquam familiam à Paulo baptizatam esse, satis apparet, pueros etiam, qui in illorum numero erant, saluari fonte ablutos esse. Deinde circumcisio, quæ figura fuit baptismi, eum morem maxime commendat. Pueros enim octauo die circumcidi solitos, nemo est, qui ignoret. Ac quibus circumcisio manu facta in expoliatione corporis carnis proderat, iisdem baptismum, qui est circumcisio Christi non manu facta, prodesse perspicuum est. Postremo, ut Apostolus docet. Si unus

Ioan. 3.

Mart. 19.
Mart. 20.
Luc. 18.

1. Cor. 3.

Gen. 21.
Leuit. 12.
Luc. 1. 2.
Colos. 2.

Ro. 5.

delicto mors regnavit per unum; multo magis abundantiam gratiæ, & donationis, & iustitiæ accipientes, in uita regnabunt per unum Iesum Christum. Cum itaque per Adæ peccatum pueri ex origine noxam contraxerint; multo magis per Christum dominum possunt gratiam, & iustitiam consequi, ut regnent in uitam: quod quidem sine baptismo fieri nullo modo potest. Quare docebunt Pastores, infantes omnino baptizandos, & deinde paulatim teneram ætatem Christianæ religionis præceptis ad ueram pietatem informandam esse. nam ut à sapiente præclare dictum est; Adolescens iuxta uiam suam, etiam cum senuerit, non recedet ab ea. Neque enim dubitare licet, quin fidei sacramenta, cum abluuntur, accipiant; non quia mentis suæ assensione credant; sed quia parentum fide, si parentes fideles fuerint, sin minus, fide (ut D. Augustini uerbis loquamur) uniuersæ societatis sanctorum muniantur. etenim ab ijs omnibus recte dicimus eos baptismo offerri, quibus placet ut offerantur, & quorum charitate ad communionem sancti spiritus adiunguntur. Hortandi autem sunt magnopere fideles, ut liberos suos, quâ primum id sine periculo facere liceat, ad ecclesiam deferendos, & sollemnibus cærimonijs baptizandos curent. nam cum pueris infantibus nulla alia salutis comparanda ratio, nisi eis baptismus præbeatur, relicta sit; facile intelligitur, quàm graui culpa illi sese obstringant, qui eos sacramenti gratia diutius, quàm necessitas

Pro. 22.

D. Augu.

necessitas postulet, carere patientur; cum præsertim, propter ætatis imbecillitatem, infinita penitæ pericula illis impendeant. Diversam uero rationem in ijs seruandam esse, qui adulta ætate sunt, & perfectum rationis usum habent, qui scilicet ab infidelibus oriuntur, antiquæ Ecclesiæ consuetudo declarat. nam Christiana quidem fides illis proponenda est, atque omni studio ad eam suscipiendam cohortandi, alliciendi, inuitandi sunt. quod si ad dominum Deum conuertantur; tum uero monere oportet, ne ultra tempus, ab Ecclesia præscriptum, baptismi sacramentum differant. nam cum scriptum sit; Non tardes conuerti ad Dominum, & ne differas de die in diem: docendi sunt, perfectam conuersionem in noua per baptismum generatione positam esse; præterea, quo serius ad baptismum ueniunt, eo diutius sibi carendum esse ceterorum sacramentorum usu, & gratia, quibus Christiana religio colitur, cum ad ea sine baptismo nulli aditus patere possit: deinde etiam maximo fructu priuari, quem ex baptismo percipimus: siquidem non solum omnium scelerum, quæ antea admissa sunt, maculam & sordes baptismi aqua prorsus eluit, ac tollit, sed diuina gratia nos ornat: cuius ope, & auxilio in posterum etiam peccata uitare possumus, iustitiamq; & innocentiam tueri: qua in re summam Christianæ uitæ constare facile omnes intelligunt. Sed quamuis hæc ita sint: non consuevit tamen Ecclesia baptismi sacramentum huic hominum generi statim

Eccle. 5.

S

tribuere, sed ad certum tempus differendum esse constituit. neque enim ea dilatio periculum, quod quidem pueris imminere supradictum est, coniunctum habet cum illis, qui rationis usu præditi sunt, baptismi suscipiendi propositum, atque consilium & male actæ uitæ pœnitentia satis futura sit ad gratiam, & iustitiam, si repentinus aliquis casus impediat, quo minus saluari aqua ablui possint. Contra uero hæc dilatio aliquas uidetur utilitates asferre. Primum enim, quoniam ab Ecclesia diligenter prouidendum est, ne quis ad hoc sacramentum fictæ, & simulato animo accedat, eorum uoluntas, qui baptismum petunt, magis exploratur, atque perspicitur, cuius rei causa in antiquis Concilijs decretum legimus, ut qui ex Iudæis ad fidem catholicam ueniunt, antequam baptismus illis administretur, aliquot menses inter catechumenos essent: deinde, ut fidei doctrina, quam profiteri debent, & Christianæ uitæ institutionibus erudiantur perfectius. Præterea, maior religionis cultus sacramento tribuitur, si constitutis tantum Paschæ, & Pentecostes diebus sollempni cerimonia baptismum suscipiant. Sed interdum tamen baptismi tempus iusta aliqua & necessaria causa differendum non est, ueluti si uitæ periculum instare uideatur, ac præsertim si illi abluendi sint, qui iam fidei mysteria plene perceperint. quod quidem Philippum, & Apostolorum Principem fecisse satis constat, cum alter Candacis reginæ eunuchum, alter

AA. 8. & 10.

Cor-

Cornelium, nulla interposita mora, sed statim, ut se si dem amplecti professi sunt, baptizavit.

Docendum præterea, & populo explicandū erit, quo modo affecti esse debent, qui baptizandi sunt. In primis itaque opus est, ut uelint, propositumque illis sit, baptismum suscipere. nam cum unusquisque in baptismo peccato moriatur, & nouam uitæ rationem, & disciplinam suscipiat; æquum est, non inuito cuiquam, aut recusanti, sed illis tantum, qui sponte sua, & libenti animo accipiunt, baptismum præberi. Quare ex sancta traditione semper seruatum animaduertimus, ut nemini baptismus ministraretur, nisi prius interrogatus fuerit, an uelit baptizari. Nec uero in pueris quoque infantibus eam uoluntatem deesse existimandum est, cum Ecclesiæ uoluntas, quæ pro illis spondet, obscura esse non possit. Præterea, amentes, & furiosos, qui cum aliquando compotes mentis essent, in insaniam deinde inciderunt, ut qui eo tempore nullam baptismi suscipiendi uoluntatem habeant, nisi uitæ periculum immineat, baptizandos non esse: cum autem in uitæ discrimine uersantur, si, antequam furere inciperent, eius uoluntatis significationem dederunt, ablucendi sunt; sin minus, à baptismi administratione abstinendum est. Idemque iudicium de dormientibus fieri debet. quod si in mentis potestate numquam fuerunt, ita ut nullum rationis usum habuerint; Eos in fide Ecclesiæ non secus, ac pueros, qui ratione carent,

De dispositione baptizandum.

I

Marc. 16.

baptizandos esse, Ecclesiæ auctoritas, & consuetudo satis declarat. Verum, præter baptismi uoluntatem, fides etiam ea ratione, qua de uoluntate dictum est, ad consequendam sacramenti gratiam maxime necessaria est. etenim Dominus, & Saluator noster docuit: Qui crediderit, & baptizatus fuerit, saluus erit. Deinde ut quemlibet admissorum scelerum, & male actæ uitæ pœniteat, atque ut idem in posterum à peccatis omnibus abstinere statuatur, opus est. aliter enim, qui ita baptismum peteret, ut tamen peccandi consuetudinem nollet emendare, omnino repellendus esset. nihil enim baptismi gratiæ, & uirtuti adeo repugnat, quàm eorum mens, & consilium, qui nullum umquam peccandi finem sibi constituunt. Cum itaque baptismus ob eam rem expetendus sit, ut Christum induamus, & cum eo coniungamur; plane constat, merito à sacra ablutione reiiciendum esse, cui in uitijs, & peccatis perseuerare propositum est, præsertim uero, quia nihil eorum, quæ ad Christum, & Ecclesiam pertinent, frustra suscipiendum est: inanemque baptismum, si iustitiæ, & salutis gratiam spectemus. in eo futurum esse, satis intelligimus, qui secundum carnem ambulare, non secundum spiritum, cogitat: etsi, quod ad sacramentum pertinet, perfectam eius rationem sine ulla dubitatione consequitur, si modo, cum rite baptizatur, in animo habeat id accipere, quod à sancta Ecclesiâ administratur. Quamobrè Princeps Apostolorum

magne

magnæ illi hominum multitudini, qui, ut ait scriptura compuncti corde, ab eo, & à reliquis Apostolis, quid sibi faciendum esset, quæsiuerant, ita respondit: Pœnitentiam agite, & baptizetur unusquisque uestrum. & alio loco, Pœnite mini, inquit, & conuertimini, ut deleantur peccata uestra. Item beatus Paulus, ad Romanos scribens, aperte ostendit, ei, qui baptizatur, omnino moriendum esse peccatis: quare nos monet, ne exhibeamus membra nostra arma iniquitatis peccato, sed exhibeamus nos Deo, tamquam ex mortuis uiuentes. Hæc uero si fideles sæpe meditati fuerint, primum quidem summam Dei bonitatem uehementer admirari cogentur, qui nihil tale merentibus, tam singulare, & diuinum baptismi beneficium sola sua misericordia adductus tribuit: deinde, cum sibi ante oculos proponent, quam aliena esse debeat ab omni crimine eorum uita, qui tanto munere ornati sunt; illud etiam in primis à Christiano homine requiri facile intelligent, ut quotidietam sancte & religiose traducere uitam studeant, perinde ac si ea ipsa die baptismi sacramentum, & gratiam consecuti essent. quamquam ad inflammandos ueræ pietatis studio animos nihil magis proficiet, quàm si Pastores accurata oratione explicauerint, quinam sunt baptismi effectus.

De his igitur quoniam sæpe agendum est, ut fideles magis perspiciant, se in altissimo dignitatis gradu positos esse, nec se ab eo deficere ullis aduersarij insidijs

Cōcupiscē-
tia in rena-
tis non ad-
scribitur
culpx.

insidijs, uel impetu, ullo unquam tempore patiantur; hoc primum tradere oportet, peccatum, siue à primis parentibus origine contractum, siue à nobis ipsis commissum, quamuis etiam adeo nefarium sit, ut ne cogitari quidem posse uideatur, admirabili huius sacramenti uirtute remitti, & condonari. Id uero multo ante ab Ezechiele prænunciatum est, per quem dominus Deus ita loquitur: Effundam super uos aquam mundam, & mundabimini ab omnibus inquinamentis uestris. Et

Ezech. 36.

Apostolus ad Corinthios, post longam peccatorum enumerationem, subiecit: Et hæc quidem fuistis, sed abluti estis, sed sanctificati estis. Atque hanc doctrinam perpetuo à sancta Ecclesia traditam esse perspicuum est. Sanctus enim Augustinus in libro, quem de baptismo paruulorum conscripsit, ita testatur: Generante carne tantum contrahitur peccatum originale: regenerante autem spiritu, non solum originalium, sed etiam uoluntariorum peccatorum fit remissio. Et san-

1. Cor. 6.

D. Augu.

S. Hiero.

ctus Hieronymus ad Oceanum, Omnia, inquit, in baptismo condonata sunt crimina. Ac ne dubitare amplius ea de re cuiquam liceret, post aliorum Conciliorum definitionem, sacra etiam Tridentina Synodus idem declarauit, cum anathema in eos decreuit, qui aliter sentire auderent, quine asseuerare non dubitarent, quamuis peccata in baptismo remittantur, ea tamen prorsus non tolli, aut radicitus euelli, sed

sed quodam modo abradi, ita ut peccatorum radices animo infixæ adhuc remaneant. Namque, ut eiusdem sanctæ Synodi uerbis utamur, in renatis nihil odit Deus: quia nihil damnationis est his, qui uere consepulti sunt cum Christo per baptismum in mortem: qui non secundum carnem ambulant, sed ueterem hominem exeuntes, & nouum, qui secundum Deum creatus est, induentes, innocentes, immaculati, puri, innoxij, ac Deo dilecti effecti sunt. At fateri quidem oportet, sicut eodem loco ipsius Synodi auctoritate decretum est, in baptizatis concupiscentiam uel fomitem remanere: sed illa uere peccati rationem non habet. nam ex diuino quoque Augustini sententia, in paruulis baptizatis concupiscentiæ reatus absoluitur, ad agonem relinquitur. atque idem alibi testatur: Concupiscentiæ reatus in baptismate soluitur, sed infirmitas manet. concupiscentia enim, quæ ex peccato est, nihil aliud est, nisi animi appetitio, natura sua rationi repugnans: qui tamen motus si uoluntatis consensum, aut negligentiam coniunctam non habeat, à uera peccati natura longe abest. Ac cum D. Paulus inquit; Concupiscentiam nesciebam, nisi lex diceret, Non concupisces; ex his uerbis non ipsam concupiscendi uim, sed uoluntatis uitium intelligi uoluit. Eandem doctrinam tradit D. Gregorius, ita scribens: Si qui sunt qui dicant peccata in baptismo superficie tenus dimitti, quid est hanc prædicatione infidelius? cum per fidei

Trid. Syn.

Rom. 8.
1601

D. Aug.

Cōcupiscētia quid.

Ro. 7.

D. Greg.

hdei sacramentum anima, peccatis radicitus absoluta, soli Deo inh. creat. Atque ad eam rem demonstrandam. Saluatoris nostri testimonio utitur, cum apud sanctum Ioannem ait: Qui lotus est, non indiget, nisi ut pedes lauet, sed est mundus totus. Quòd si cui expressam huius rei figuram, & imaginem libet intueri, proponat sibi ad contemplandum Naaman Syrii leprosi historiam, qui cū septies Iordanis aqua se abluisset, testante scriptura, ita à lepra mūdatus est, ut eius caro, caro pueri uideretur. Quare baptismi proprius effectus est, peccatorum omnium, siue originis uicio, siue nostra culpa contra Eta sint, remissio: cuius rei causa à Domino, & Saluatore nostro institutum esse, clarissimis uerbis Apostolorum Princeps, ut alia testimonia omittamus, explicauit, cum inquit: Pœnitentiam agite, & baptizetur unusquisque uestrum in nomine Iesu Christi in remissionem peccatorum.

Per baptis-
mum non
solum præ-
cedentia
peccata,
sed illorū
etiam pœ-
næ remitti:
& cur non
restituatur
status natu-
ræ integræ.

Iam uero in baptismo non solum peccata remittuntur, sed peccatorum etiam, & scelerum pœnæ omnes à Deo benigne condonantur. nam, etsi omnibus sacramentis hoc commune est, ut per illa uirtus passionis Christi domini communicetur: de solo tamen baptismo dictum est ab Apostolo, nos per ipsum Christo commori, et sepeliri. ex quo sancta Ecclesia semper intellexit, sine maxima sacramenti iniuria fieri non posse, ut ei qui baptismo expiandus sit, eiusmodi pietatis officia, quæ usitato nomine sancti Patres opera satisfactionis uocarunt, imponantur,

imponantur. Nec uero, quæ hoc loco traduntur; ueteris Ecclesiæ consuetudini aduersantur: quæ olim Iudæis, cum baptizarentur, præcipiebat, ut quadraginta continuos dies ieiunarent. neque enim illud institutum ad satisfactionem pertinebat; sed qui baptismum percepissent, ea ratione admonebantur, ut sacramenti dignitatem uenerantes, ieiunijs, & orationibus aliquandiu sine intermissione operam darent. Sed quamquam in baptismo pœnas peccatorum condonari exploratum esse debet: ab eo tamen pœnarum genere, quæ ciuilibus iudicijs ob graue aliquod scelus persoluende sunt, nemo liberatur; ita ut; qui morte dignus sit, per baptismum à pœna, quæ legibus constituta est, eripiat. tametsi uehementer laudanda esset eorum Principum religio, & pietas, qui eam quoque animaduersionem, ut Dei gloria in suis sacramentis illustrior fieret, fontibus remitterent, ac condonarent. Efficit præterea baptismus post huius uitæ curriculum, pœnarum oranium, quæ originale peccatum consequuntur, liberationem: siquidem merito mortis Domini factum est, ut hæc consequi possemus. Baptismo autem, ut supra dictum est, ei commorimur. Si enim, ut inquit Apostolus, complantati facti sumus similitudini mortis eius, simul & resurrectionis erimus. Rom. 6.

Quod si querat aliquis, cur statim post baptismum in hac etiam mortali uita his incommodis non careamus, atque ad perfectum illum uitæ gradum, in quo Adam primus humani generis parens ante
pecca-

peccatum collocatus fuerat, sacrae ablutionis uirtute non transferamur; id quidem duabus potissimum de causis factum esse, respondebitur. Quarum prima est, quod nobis, qui per baptismum Christi corpori coniuncti, atque eius membra effecti sumus, plus aliquid dignitatis tribuendum non erat, quam ipsi capiti nostro tributum esset. Cum igitur Christus dominus, etsi ab initio ortus sui gratia, & ueritatis plenitudinem habuit, tamen humanae naturae fragilitatem, quam suscepit, non antea deposuit, quam passionis tormenta, & mortem pertulit, ac deinde ad immortalis uitae gloriam resurrexit: quis miretur, cum uideat fideles, qui iam per baptismum caelestis iustitiae gratiam adepti sunt, adhuc tamen caduco, & fragili corpore uestiri, ut, postquam multis laboribus pro Christo persuncti, & morte obita denuo ad uitam reuocati fuerint, tandem digni sint, qui cum Christo aeo sempiterno perfruantur? Altera uero causa, cur in nobis post baptismum infirmitas corporis; morbus, dolorum sensus, concupiscentiae motus relinquatur, illa est, ut scilicet tamquam segetem, & materiam uirtutis haberemus, ex qua deinde uberiores gloriae fructum, atque ampliora praemia consequeremur. nam cum patienti animo uitae incommoda omnia toleramus, prauasque animi nostri affectiones sub rationis imperium diuina ope subiicimus, certa spe niti debemus, fore, ut, si cum

Apostolo

Apostolo bonum certamen certauerimus, cursum consummauerimus, fidem seruauerimus, repositam quoque iustitia coronam reddat nobis Dominus in illa die iustus iudex. Sic uero etiam cum filijs Israel uidetur Dominus egisse: quos etsi ab Aegyptiorum seruitute, Pharaone, atque eius exercitu in mare demerso, liberauit, tamen non statim in beatam illam promissionis terram introduxit, sed prius in multis, uarijsque casibus exercuit; ac deinde, cum eos in promissae terrae possessionem misisset, ceteros quidem incolae patris sedibus exturbauit; quasdam uero nationes reliquas fecit, quas delere non potuerunt, ut populo Dei bellicae uirtutis, & fortitudinis exercendae occasio numquam deesset. Huc accedit, quod, si per baptismum, praeter dona caelestia, quibus anima ornatur, corporis etiam bona tribuerentur, dubitari merito posset, ne multi, praesentis potius uitae commoda, quam futurae speratae gloriam consecretantes, ad baptismum uenirent; cum tamen non falsa haec, & incerta, quae uidentur, sed uera, atque aeterna, quae non uidentur, bona Christiano homini semper proposita esse debeant. Sed interim tamen huius uitae condicio, quae miseriae plena est, suis uoluptatibus, & latitius non caret. Quid n. nobis, qui iam per baptismum, ueluti palmites, insitum sumus in Christum, incundius, aut optabilius esse potest, quam, cruce in humeros nostros sublata, eum ducem sequi, nullisque aut laboribus

defa-

1.Tim.6.

2.Cor.4.

defatigari, aut periculis retardari, quo minus ad præmium supernæ uocationis Dei omni studio contendamus, alij uirginitatis lauream, alij doctrinæ, & prædicationis coronam, alij martyrij palmam, alij alia uirtutum decora à Domino accepturi? Quæ quidem præclara laudis insignia nemini darentur, nisi prius nos ipsos in huius ærurnosæ uitæ stadio exercuissemus, atque in acie inuicti stetissemus.

De eximijs
baptismi
fructibus.

Sed ut ad baptismi effectus oratio redeat, exponendum erit, huius sacramenti uirtute nos non solum à malis, quæ uere maxima dicenda sunt, liberari, uerum etiam eximijs bonis, & muneribus augeri. Animus enim noster diuina gratia repletur; qua iusti, & filij Dei effecti, eternæ quoque salutis hæredes instituimur. nam, ut scriptum est, Qui crediderit, & baptizatus fuerit, saluus erit: mundatamque Ecclesiam lauacro aquæ, in uerbo Apostolus testatur. Est autem gratia, quemadmodum Tridentina Synodus ab omnibus credendum, pœna anathematis proposita, decreuit, non solum per quam peccatorum sit remissio, sed diuina qualitas in anima inherens, ac ueluti splendor quidam, & lux, quæ animarum nostrarum maculas omnes delet, ipsasque animas pulchriores, & splendidiores reddit. Atque id ex sacris litteris aperte colligitur, cum gratiam effundi dicant, eamque spiritus sancti pignus soleant appellare. Huic autem additur nobilissimus omnium uirtutum comitatus, quæ in animam cum gratia diuinitus infunduntur. Quare,
cum

Mar. 6.
Ad Eph. 5.

Gratia
quid.

cum Apostolus ad Titum ait: Saluos nos fecit per *ad Titum. 3.*
lauacrum regenerationis, & renouationis spiritus
sancti, quem effudit in nos abundè per Iesum Chri-
stum saluatorem nostrum: D. Augustinus uerba *D. August.*
illa, Abundè effudit, explanans, Nimirum, in-
quit, ad remissionem peccatorum, & copiam uir-
tutum. Iam uero per baptismum, etiã Christo
capiti tanquam membra copulamur, & connecti-
mur. Quemadmodum igitur à capite uis manat,
qua singulæ corporis partes ad proprias functio-
nes apte exequendas mouentur: ita etiã ex Chri-
sti domini plenitudine in omnes, qui iustificantur, di-
uina uirtus, & gratia diffunditur: quæ nos ad om-
nia Christianæ pietatis officia habiles reddit. Ne-
que uero mirum cuiquam uideri debet, si, cum tan-
ta uirtutum copia instructi, & ornati simus, tamen
non sine magna difficultate, & labore pias, hone-
stasque actiones inchoamus, uel certè absoluimus.
id enim ob eam rem nõ euenit, quod uirtutes, à qui-
bus actiones ipsæ proficiscuntur, Dei beneficio no-
bis donatæ non sint: sed quoniam post baptismum
acerrima cupiditatis pugna aduersus spiritum re-
lictæ est: in qua tamen contentione animo frangi,
aut debilitari Christianum hominem non decet;
cum Dei benignitate freti, optimæ spe niti debea-
mus, fore, ut quotidiana rectè uiuendi exercitatio-
ne, quæcunque pudica sunt, quæcunque iusta,
quæcunque sancta, eadem etiã facilia, & iu-
cunda uideantur; hæc libenter cogitemus, hæc *ad Phil. 4.*

1. Cor. 13.

alacri animo agamus, ut Deus pacis sit nobiscum. Præterea, per baptismum consignamur Character, qui ex anima deleri nunquam potest, de quo nihil est ut plura hoc loco differantur; cum liceat ex ijs, quæ supra dicta sunt, cum uniuersè de sacramentis ageretur, satis multa quæ ad hoc argumentum pertinent, in hunc locum transferre.

baptismum
sine sacrile
gio iterari
non posse.

Sed quoniam ex characteris vi, & natura ab Ecclesia definitum est, baptismi sacramentum nulla ratione iterandum esse, ea de re fideles, ne aliquando in errores inducantur, sæpe, & diligenter à Pastoribus admonendi erunt. Hoc uero docuit

Ad Eph. 4.

Apostolus, inquit: Unus Dominus, una fides, unum baptisma. Deinde cum Romanos hortatur, ut mortui per baptismum in Christo, cauerent, ne

ad Ro. 6.

uitam, quam ab illo accepissent, amitterent, cum inquit: Quod enim Christus mortuus est peccato, mortuus est semel: hoc uidetur aperte significare sicut ille mori iterum non potest, ita nobis denuo mori per baptismum non licere. Quare sancta etiam Ecclesia, se unum baptismum credere, palam profitetur. quod quidem rei naturæ, & rationi uehementer cõsentaneum esse, ex eo intelligitur, quod baptismus est quædam spiritalis regeneratio. Quæ admodum igitur naturali uirtute semel tantum ge-

S. August.

neramur, & in lucem edimur; atque, ut D. Augustinus ait, uterus non potest repeti: sic etiam una est spiritalis generatio, nec baptismus ullo unquam tempore iterandus est. Neque uero quisquam putet

eum

et ab Ecclesia iterari, cum, adhibita huiusmodi uerborum formula, aliquem abluit: De quo incertum est, an baptizatus prius fuerit: Si baptizatus es, te iterum non baptizo. si uero nondum baptizatus es, ego te baptizo in nomine patris, & filii, & spiritus sancti. ita enim non impie iterari, sed sancte cum adiunctione baptismum administrari, dicendum est. Quia in re tamen diligenter à Pastoribus aliqua providenda sunt, in quibus fere quotidie non sine maxima sacramenti iniuria peccatur. neque enim desunt, qui nullum scelus admitti posse arbitrentur, si quemuis sine delectu cum adiunctione illa baptizent: quare si infans ad eos deferatur, nihil prorsus querendum putant, an is prius ablutus fuerit; sed statim ei baptismum tribuunt, quin etiam, quamuis exploratum habeant, domi sacramentum administratum esse, tamen sacram ablutionem in Ecclesia, adhibita sollemni caerimonia, cum adiunctione repetere non dubitant, quod quidem sine sacrilegio facere non possunt: & eam maculam suscipiunt, quam diuinarum rerum scriptores Irregularitatem uocant. nam ea baptismi forma, ex Alexandri Papae auctoritate, in illis tantum permittitur, de quibus, re diligenter perquisita, dubium relinquitur, an baptismum rite susceperint. aliter uero nunquam fas est, etiam cum adiunctione baptismum alicui iterum administrare. Præter cetera uero, quæ ex baptismo consequimur, illud ueluti extremum est, quo reliqua omnia

uidentur referri, quod scilicet celi aditum, propter peccatum prius interclusum, unicuique nostrum patefacit. Hæc autem quæ in nobis baptismi uirtute efficiuntur, ex ijs plane intelligi possunt, quæ in Saluatoris baptismo contigisse, Euangelica auctoritas confirmauit. Etenim celi aperti sunt, & spiritus sanctus columbæ specie in Christum dominum descendens apparuit. ex quo significatum est, eis, qui baptizantur, diuini numinis charismata imperiri, & celorum ianuam referari; non quidem, ut simul atque baptizati sunt, sed ut magis opportuno tempore ingrediantur in illam gloriam; cum omnium miseriarum expertes, quæ in beatam uitam cadere non possunt, pro mortali conditione immortalitatem assequantur. Atque hi quidem sunt baptismi fructus: quos, siquidem sacramenti uim spectemus, æque ad omnes pertinere dubitari non potest: sin autem, quo quisque animo affectus ad illum suscipiendum accesserit, consideremus; plus minusue celestis gratiæ, & fructus ad unum aliquem, quàm ad alium, peruenire, omnino fateri oportet.

Restat nunc, ut, quæ de huius sacramenti preparationibus, ritibus; & caerimonijs tradenda sint, aperte, & breuiter explicetur. Nam quod Apostolus de linguarum dono admonuit, cum inquit; Sine fructu esse, si, quæ aliquis loquitur, à fidelibus non intelligantur: idem ferè ad ritus, & caerimonias transferri potest, imaginem enim, & significationem

Matth. 3.
Mar. 1.
Luc. 3.

Deprecatio
nibus, riti-
bus, & caer-
imonijs ba-
ptismi.

ficationem earum rerum præferunt, quæ in sacramento geruntur. quod si illorum signorum vim, & potestatem fidelis populus ignoret, non magna admodum ceremoniarum utilitas futura esse uidebitur. Danda est igitur Pastoribus opera, ut eas fideles intelligant, certoq; sibi persuadeant, si minus necessariae sint, plurimi tamen faciendas magnoq; in honore esse oportere. Id uero tum instituentium auctoritas, qui sine controuersia sancti Apostoli fuerunt, tum finis, cuius causa ceremonias adhiberi uoluerunt, satis docet, ita enim sacramentum maiori cum religione, ac sanctitate administrari, ac ueluti ante oculos poni præclara illa, & eximia dona, quæ in eo continentur, & in animos fidelium immensa Dei beneficia magis imprimi, perspicuum est. Sed omnes ceremonias, & præcationes, quibus in baptismi administratione Ecclesia utitur, ad tria capita redigendæ sunt, ut in eis explicandis certus ordo à Pastoribus seruari possit, & quæ tradita ab illis fuerint, auditorum memoria facilius retineantur: Ac primum quidem illarum genus est, quæ, antequam accedatur ad baptismi fontem, seruantur: alterum earum, quæ, cum ad ipsum fontem uentum est, adhibentur: tertium earum, quæ, peracto iam baptismo, addi solent. In primis igitur aqua paranda est, qua ad baptismum uti oportet. Consecratur enim baptismi fons, addito mystice unctionis oleo, neque id omni tempore fieri permissum est; sed more maiorum, festi quidam dies,

qui omnium celeberrimi, & sanctissimi optimo iure habendi sunt, expectantur, in quorum uigilijs sacra ablutionis aqua conficitur: quibus etiam tantum diebus, nisi necessitas aliter facere coegisset, in ueteris Ecclesie more positam fuit, ut baptismus administraretur. Sed quamuis Ecclesia hoc tempore, propter communis uitae pericula, eam consuetudinem retinendam non iudicauit; tamen sollemnes illos dies Pascha, & Pentecostes, quibus baptismi aqua consecranda est, summa cum religione adhuc obseruauit. Post aquae consecrationem, alia deinceps, quae baptismum antecedunt, explicare oportet. afferuntur enim, uel etiam adducuntur, qui baptismi initiandi sunt, ad ecclesiae fores, atque ab eius introitu omnino prohibentur, quod indigni sint, qui domum Dei ingrediantur, antequam à se turpissima seruitutis iugum repulerint, & totos se Christo domino, eiusque iustissimo imperio addixerint. Tum uero sacerdos ab eis exquirat, quidnam ab ecclesia petant. quo cognito, primum eos Christianae fidei doctrina, quam in baptismi profiteri debent, instituit: id autem Catechismo efficitur. cuius institutionis morem à Domini Saluatoris precepto manasse, nemo dubitare potest, cum ipse Apostolis iusserit: *Ite in mundum uniuersum, & docete omnes gentes baptizantes eos in nomine patris, & filij, & spiritus sancti, docentes eos seruari omnia, quaecunque mandauimus uobis.* Ex qua licet cognoscere baptismum non esse administrandum, priusquam

Mar. 16.
Matth. 28.

priusquam summa saltem religionis nostræ capita exponantur. Quoniam uero catechismi ratio ex multis interrogationibus constat, si is, qui instituitur, adulta ætate fuerit, ad ea, quæ rogantur, ipse per se respondet; si autem infans sit pro illo sponsor rite respondet, sollemnemq; sponsonem facit. sequitur exorcismus, qui ad expellendum Diabolum, eiusq; vires frangendas, & debilitandas, sacris, & religiosis uerbis ac precationibus conficitur. Accedunt ad exorcismum aliæ carimonia; quarum singulæ, ut quæ mysticæ sint, propriam, atque illustrem significationem habent. nam cum sal in illius os, qui ad baptismum adducendus est, inferitur, hoc significari perspicuum est, eum fidei doctrina, & gratiæ dono consecuturum esse, ut à peccatorum putredine liberetur, saporemque bonorum operum percipiat, & diuinæ sapientiæ pabulo delectetur. Obsignantur præterea signo crucis frons, oculi, pectus, humeri, aures; quæ omnia declarant, baptismi mysterio sensus baptizati aperiri, ac roborari, ut Deum excipere, præceptaq; eius intelligere, ac seruare possit. Postea uero illi nares, & aures salina liniuntur, statimq; ad baptismi fontem mittitur; ut, quemadmodum cæcus ille euangelicus, quem Dominus iusserat oculos luto illitos filios aqua abluerè, lumen recuperauit, ita etiam intelligamus sacræ ablutionis eam uim esse, ut menti ad caelestem ueritatem perspiciendam lumē asserat. His peractis, ad

baptismi fontem ueniunt, ibiq; aliæ cærimonie, & ritus adhibentur; ex quibus Christianæ religionis summam licet cognoscere. Sacerdos enim, ter conceptis uerbis, eum, qui baptizandus est, interrogat, Abrenuncias Sathana, & omnibus operibus eius, & omnibus pompis eius? at ille aut eius nomine patrinus, ad singulas interrogationes, respondet, Abrenuncio. Igitur qui in Christo nomen daturus est, hoc primum sancte, & religiose polliceri debet, se Diabolum, & mundum deferere, ac nullum unquam tempus fore, in quo utrunque, ueluti hostem teterrimum, non detestetur. Deinde ad ipsum baptismi fontem consistens interrogatur à sacerdote hoc modo: Credis in Deum patrem omnipotentem? cui ille respondet, credo. Atque ita deinceps de reliquis Symboli articulis, rogatus, fidem suam sollemni religione profitetur. quibus sane duabus sponsonibus omnem Christianæ legis uim & disciplinam contineri perspicuum est. Sed cum iam baptismum administrare oportet, querit sacerdos ab eo qui baptizandus est; Num baptizari uelit? quo quidem per se, uel eius nomine, si infans sit, patrino annuente, statim in nomine patris, & filii, & Spiritus sancti, salutari aqua eum abluit. Quemadmodum enim homo, sua uoluntate serpenti obediens, merito damnatus est: ita dominus neminem ad suorum numerum, nisi uoluntarium militem adscribi uoluit; ut diuinis iussis sponte obtemperans, æternam salutem consequeretur. Iam postquam

quam baptismus absolutus est, sacerdos summum baptizati uerticem chrismate perungit; ut intelligat se ab eo die Christo capiti tanquam membrum coniunctum esse, atque eius corpori insitum, & ea re Christianum à Christo, Christum uero à chrismate appellari. Quid uero chrisma significet, ex ijs satis intelligi, quæ tunc sacerdos orat, D. Ambrosius testatur. Induit postea sacerdos baptizatum ueste alba, dicens; Accipe uestem candidam quam immaculatam perferas ante tribunal domini nostri Iesu Christi, ut habeas uitam æternam. infantibus uero qui uestitu non utuntur, iisdem uerbis album sudariolū datur: quo Symbolo significari sancti Patres docent tum resurrectionis gloriam, ad quam per baptismum nascimur; tum nitorem, & pulchritudinem, qua dilutis peccatorum maculis, anima in baptismo ornatur; tum innocentiam, atque integritatem, quam in omni uita baptizatus seruare debet. Et deinde cereus ardens in manum traditur, qui ostendit, fidem charitate inflammata, quam in baptismo accepit, bonorum operum studio alendam, atque augendam esse. Ad extremum uero nomen baptizato imponitur: quod quidem ab aliquo sumendum est, qui propter excellentem animi pietatem, & religionem in sanctorum numerum relatus est. ita enim facile fiet, ut quouis nominis similitudine ad uirtutis, & sanctitatis imitationem excitetur; ac præterea, quem imitari studeat, eum quoque precetur, & speret sibi aduocatum ad salutem

salutem tum animi, tum corporis defendendam uenturum esse. Quare reprehendendi sunt, qui gentiliū nomina, & eorum præcipue, qui omnium secleratissimi fuerunt, tam diligenter consecrantur, & pueris imponunt: cum ex eo intelligi possit, quæ Christianæ pietatis studium faciendum existiment, qui impiorum hominum memoria tantopere deletari uidentur, ut uelint fidelium aures huiusmodi profanis hominibus undique circumsonare. Hæc de baptismi sacramento si à Pastoribus explanata fuerint, nihil eorum serè prætermisum esse uidebitur, quæ ad hanc cognitionem maxime pertinere existimanda sunt. Demonstratum est enim, quid ipsum baptismi nomen significet; quæ sit eius natura, & substantia; tum ex quibus partibus constet. Dictum est, à quo institutus fuerit, qui ministri ad conficiendum sacramentum necessarij sint, quosq; tamquam pedagogos ad sustentandam baptizati imbecillitatem adhibere oporteat. Traditum est etiam, quibus, & quemadmodum animo affectis baptismus administrari debeat, quæ sit eius uirtus, & efficientia, postremo, qui ritus, & ceremoniæ seruentur; quantum proposita ratio postulabat, satis copiose explicatum est. Quæ omnia ob eam præcipue causam docenda esse Pastores meminert, ut fideles in hac cura, & cogitatione perpetuo uersentur; ut in ijs, quæ a deo sanctè, & religiosè sponponderunt, cum baptismo initiati sunt, fidem seruent, atque eam uitam insituant, quæ sanctis-

sanctissimæ Christiani nominis professioni respondeat.

DE CONFIRMATIONIS SACRAMENTO.

SI in sacramento Confirmationis explicando Pastorum diligentia requirenda unquā fuit, nūc certe opus est, illud quammaxime illustrare, cum in sancti Dei Ecclesia hoc sacramentum à multis omnino prætermittatur, paucissimi uero sint, qui diuinæ gratiæ fructum, quem deberent, ex eo capere studeāt. Quare fideles ita de huius sacramenti natura, ui, dignitate, tum in die Pentecostes, quo præcipue die administrari solet, tum alijs etiam diebus, cum id Pastores commodè fieri posse indicauerint, docendi erunt ut intelligant, non solum negligendum non esse, sed summa cum pietate, & religione suscipiendum, ne ipsorum culpa, maximoq; malo eueniat, ut frustra in eos diuinum hoc beneficium collatū esse uideatur. Sed ut à nomine initium sumatur, Confirmationē ab Ecclesia hoc sacramentum ideo uocari, docendum est; quoniam, qui baptizatus est, cum ab Episcopo sacro Chrismate ungitur additis sollēnibus illis uerbis, Signo te signo crucis, & confirmo te chrismate salutis in nomine patris, & filij, & spiritus sancti, nisi aliud sacramenti efficientiam impediatur, nouæ uirtutis robore firmior, atque adeo perfectus Christi miles esse incipit. In cōfirmatione autem uerā & propriā sacramen-

S. Melch.

PP.

S. Clemens

PP.

S. Diony-
sius.Eusebius
Caesariensis.

sacramēti rationem catholica Ecclesia semper agno-
uit: quod & Melchiades Pontifex, & plures etiam
alii sanctissimi, & uetustissimi Pontifices aperte de-
clarant. Ac sanctus Clemens eius ueritatis doctri-
nam grauiori sententia comprobare non potuit, in-
quit enim. Omnibus festinādum est sine mora renasci
Deo, & demum ab Episcopo consignari, idest septi-
formem gratiam spiritus sancti percipere: cum alio
qui perfectus Christianus nequaquam esse possit is,
qui iniuria, & uoluntate, nō autem necessitate com-
pulsus, hoc sacramentum pratermiserit, ut à B. Pe-
tro accepimus; & ceteri apostoli, praeipiente Do-
mino, docuerunt. Hanc uero eandem fidem do-
ctrina sua confirmarunt, qui eodem spiritu pleni pro
Christo sanguinem profuderunt; Urbanus, Fa-
bianus, Eusebius, Romani Pontifices quemadmo-
dum ex eorum decretis licet perspicere. Accedit
præterea sanctorum Patrum consentiens auctori-
tas: inter quos Dionysius Arcopagita Athenarum
Episcopus, cum diceret, qua ratione hoc sacrum
unguentum conficere, eoq; uti oporteret, ita in-
quit: Baptizatum sacerdotes induunt ueste congrua
munditie, ut ad Pontificem ducant: ille uero sa-
cro, atque prorsus diuino unguento baptizatum
signans, sacratissima communionis participem fa-
cit. Eusebius quoque Caesariensis tantum huic sa-
cramento tribuit, ut dicere non dubitarit: Noua-
tum hereticum spiritum sanctum promereri non po-
tuisse. quia, cum baptizatus esset, in graui agri-
tudine

rudine signaculo chrismatis non est signatus. Sed clarissima habemus huius rei testimonia tum à D. Ambrosio in eo libro quem de ijs, qui initiantur, inscripsit; tum à D. Augustino in libris, quos aduersus Petiliani Donatistæ epistolas edidit: quorum uterque adco de huius sacramenti ueritate nihil dubitari posse existimauit, ut eam scripturæ etiam locis doceat, ac confirmet. Quare alter quidem uerba illa Apostoli; Nolite contristare spiritum sanctum Dei, in quo signati estis: alter uero, quod in psalmis legitur; Sicut unguentum in capite; quod descendit in barbam, barbam Aaron: tum illud eiusdem Apostoli, Charitas Dei diffusa est in cordibus nostris per spiritum sanctum, qui datus est nobis; ad confirmationis sacramentum referri testatus est. Quamuis autem à Melchiade dictum sit, baptismum confirmationi maxime coniunctum esse: non idem tamen sacramentum, sed ab altero longe disiunctum, existimandum est. constat enim, uarietatem gratiæ, quam singula sacramenta tribuunt, & rei sensibus subiectæ, quæ ipsam gratiam significat, efficere, ut uaria quoque & diuersa sacramenta sint. Cum igitur baptismi gratia homines in nouam uitam gignantur; confirmationis autem sacramento, qui iam geniti sunt, uiri euadant, euacuatæ quæ erant paruuli; satis intelligitur, quantum in naturali uita generatio ab incremento distat, tantundem inter se differre baptismum, qui regenerandi uim habet, & confirmationem, cuius uirtute fideles

D. A nbr.

D. August.

ad Eph. 4.

Psal. 132.

ad Rom. 5.

S. Melch.
Papa.

1. Cor. 13.

22. C A P I T U L U M V S
fideles augetur, & perfectum animi robur assumunt. Præterea, quoniam nouum atque distinctum sacramenti genus constituendum est, ubi animus in nouam aliquam difficultatem incurrit; facile perspicitur potest, quemadmodum baptismi gratia ad mentem fide informandam indigemus, ita etiam maxime conducere, fidelium animos alia gratia confirmari, ut nullo poenarum, suppliciorum, mortis periculo, aut metu à uera fidei confessione deterreantur. quod quidem cum sacro Confirmationis chrismate efficiatur, ex eo aperte colligitur, huius sacramenti rationem à baptismo diuersam esse. Quare Melchiades Pontifex utriusque discrimen accurata oratione persequitur, ita scribens: In baptismo homo ad militiam recipitur, & in confirmatione coarmatur ad pugnam. In fonte baptismatis spiritus sanctus plenitudinem tribuit ad innocentiam, Confirmatione autem perfectionem ad gratiam ministrat: in baptismo regeneramur ad uitam, post baptismum ad pugnam confirmamur: in baptismo ablui-mur, post baptismum roboramur: regeneratio per se saluat in pace baptismum recipientes, Confirmatio armat, atque instruit ad agones. Verum hæc iam non solum ab alijs Concilijs tradita, sed præcipue à sacra Synodo Tridentina decreta sunt; ut ià de ijs non solùm aliter sentire, sed ne dubitare quidem ullo modo liceat.

S. Melch.
PP.

Syn. Tri.

De origine,
auctoritate,
et, matre-

Quoniam uero suprâ demonstratum est, quàm necessarium esset, communiter de omnibus sacramentis docere, à quonam ortum habuerint; idem
etiam

etiam de Confirmatione tradere oportet, ut fideles huius sacramenti sanctitate magis efficiantur. Igitur à Pastoribus explicandum est, Christum dominum non solum eius auctorem fuisse, sed, sancto Fabiano Pontifice Romano teste, Chrismatis ritum, & uerba, quibus in eius administratione catholica Ecclesia utitur, præcepisse. quod quidem ijs facile probari poterit, qui Confirmationem sacramentum esse confitentur, cum sacra omnia mysteria humanæ naturæ uires superent, nec ab alio, quàm à Deo, possint institui. Iam uero, quæ sint eius partes, ac primum quidem de materia dicendum est. Hæc autem Chrisma appellatur; quo nomine, à Græcis accepto, etsi profani scriptores quodlibet unguenti genus significant, illud tamen, qui res diuinas tradunt, communi loquendi consuetudine ad illud tantummodo unguentum accommodauerunt, quod ex oleo, & balsamo, sollemni Episcopi consecratione, conficitur. Quare duæ res corporeæ permixtæ, Confirmationis materiam præbent: quæ quidem diuersarum rerum compositio quemadmodum multiplicem spiritus sancti gratiam, quæ confirmatis tribuitur, declarat, ita etiam ipsius sacramenti excellentiam satis ostendit. Quod autem ea sit huius sacramenti materia, cum sancta Ecclesia, & concilia perpetuo docuerunt, tum à sancto Dionysio, & compluribus alijs grauissimis Patribus traditum est, in primisque à Fabiano Pontifice, qui apostolos chrismatis consecutionem à Domino accepisse, nobisque

ria, & forma Sacramenti Confirmationis

S. Fab. pp.

S. Diony.
S. Fab. pp.

nobisq̃ue reliquisse testatus est. Neque uero ulla alia materia, quam chrismatis, aptior uideri poterat ad illud declarandum: quod hoc sacramento efficitur. Oleum enim, quod pingue sit, & natura sua manet, ac diffuat, gratiæ plenitudinem exprimit: quæ per spiritum sanctum à Christo capite in alios redundat, atque effunditur, sicut unguentum, quod descendit in barbam Aaron, usque in oram uestimenti eius: Vixit enim eum Deus oleo lætitiæ præ consortibus suis: ac de plenitudine eius nos omnes accepimus. balsamum uero, cuius odoratus iucundissimus est, quid aliud significat, quam fideles, cum sacramento confirmationis perficiuntur, eam uirtutum omnium suauitatem effundere, ut illud Apostoli queant dicere; Christi bonus odor sumus Deo. Habet præterea balsamum eam uim, ut, quidquid eo circumlitum fuerit, putrescere non sinat. quod quidem ad huius sacramenti uirtutem significandam ualde accommodatum uidetur, cum plane constet, fidelium animos cælesti gratia, qua in confirmatione tribuitur, præparatos facile à scelerum contagione defendi posse. Consecratur autem chrisma sollemnibus cærimonijs ab Episcopo. ita enim saluatorem nostrum docuisse in extrema cena, cum chrismatis conficiendi rationem apostolis commendaret, Fabianus Pontifex, sanctitate, & martyrij gloria clarissimus, tradidit. quanquam, cur ita fieri debuerit, ratione etiam ostendi potest. etenim in plerisque alijs sacramentis Christus ita eorum

Psal. 132.

Psal. 44.

Iean. 1.

2. Cor. 1.

S. Fab. pp.

eorum materiam instituit, ut sanctitatem quoque ille tribuerit. non solum enim aquam elementum baptismi esse uoluit, cum inquit: Nisi quis renatus

Ioan. 3.

fuerit ex aqua, & spiritu non potest introire in regnum Dei: sed cum ipse baptizatus est; effecit ut ea deinceps ui sanctificandi prædita esset, quare dictum à S. Chrysostomo: Aqua baptismi purgare peccata credentium non posset, nisi tactu Domini corporis sanctificata fuisset.

S. Chrysostomus.

Quoniam igitur dominus hanc confirmationis materiam usu ipso, & traditione non sacrauit, necessarium est, ut sanctis, & religiosis peccatoribus consecretur: neque ad alium ea confectio, nisi ad Episcopum, pertinere potest; qui eiusdem sacramenti ordinarius minister institutus est. Sed explicanda erit præterea altera pars, ex qua sacramentum constituitur, forma scilicet, & uerba, quæ ad sacram unctionem adhibentur. monendiq; fideles, ut in hoc sacramento suscipiendo tum maxime, cum ea pronuntiari animaduertunt, ad pietatem, fidem, & religionem animos excitent, ne quid celesti gratiæ impedimenti esse possit. His igitur uerbis Confirmationis forma absoluitur: SIGNO TE SIGNO CRUCIS, ET CONFIRMO TE CHRISMATE SALVTIS, IN NOMINE PATRIS, ET FILII, ET SPIRITVS SANCTI. Sed tamen, si ad ueritatem rationem quoque reuocemus, idem facile probari potest. ctenim sacramenti forma ea omnia continere debet, quæ ipsius sacramenti

P naturam

naturam, & substantiam explicant. Atqui maxime hæc tria in Confirmatione obseruanda sunt, diuina potestas, quæ ut principalis causa in sacramento operatur; tum robur animi & spiritus, quod per sacram unctionem fidelibus ad salutem tribuitur; deinde signum, quo notatur is, qui in certamen Christianæ militiæ descensurus est. Ac primum quidem uerba illa in nomine patris, & filij, & spiritus sancti; quæ extremo loco posita sunt; alterum ea; Confirmo te chrismate salutis; quæ in medio sunt; tertium, quæ in principio formæ locantur; Signo te signo crucis: satis declarant. Quamquam, si etiam ratione aliqua probari non possit, hanc esse huius sacramenti ueram, & absolutam formam, Ecclesiæ catholicæ auctoritas, cuius magisterio ita semper edocti fuimus, non patitur nos ea de re quidquam dubitare.

Quis proprius sacramenti Confirmationis minister, & de patrinis.

Docere etiam Pastores debent, quibus potissimum huius sacramenti administratio commissa sit. Nam cum multi sint, ut est apud Prophetam, qui currant, neque tamen mittantur; necesse est, qui ueri, & legitimi eius ministri sint, tradere, ut fidelis populus confirmationis sacramentum, & gratiam consequi possit. Solum itaque Episcopum huius sacramenti conficiendi ordinariam potestatem habere, sacræ litteræ ostendunt. nam in Actis Apostolorum legimus; cum Samaria uerbum Dei accepisset, Petrum, & Ioannem ad eos missos esse, qui orauerunt pro ipsis, ut acciperent spiritum sanctum

sanctum, nondum enim in quenquam illorum uenerat, sed baptizati tantum erant. Quo in loco licet uidere, eum, qui baptizauerat, quod tantum esset Diaconus confirmandi potestatem nullam habuisse, sed munus illud perfectioribus ministris, hoc est Apostolis, reſeruatum eſſe. Quin etiam, ubicunque ſacræ ſcripturæ huius ſacramenti mentionem faciunt idem obſeruari poteſt. neque ad eam rem demonſtrandam deſunt ſanctorum Patrum, atque Pontificum, Urbani, Eusebii, Damasi, Innocentij, Leonis clariſſima teſtimonia; quemadmodum ex eorum decretis perſpicuum eſt. D. quoque Auguſtinus grauiter queritur de corrupta Aegyptiorum, & Alexandrinorum conſuetudine, quorum ſacerdotes audebant Confirmationis ſacramentum adminiſtrare. Ac iure quidem hoc factum eſſe, ut eiſmodi munus ad Epiſcopos deferretur, hac ſimilitudine poſſunt Paſtores declarare. Ut enim in extruendis adificijs, & ſi ſabri, qui inferiores miniſtri ſunt, cimenta, calcem, ligna, & reliquam materiam parant, atque componunt, abſolutio tamen operis ad architectum ſpectat: ita etiam hoc ſacramentum, quo ueluti ſpirituale adificium perficitur, à nullo alio, niſi à ſummo ſacerdote, adminiſtrari opus erat. Additur uero etiam pater, quemadmodum in baptiſmo fieri demonſtratum eſt. Nam ſi, qui gladiatoriam dimicationem ſubeant, alicuius indigent, cuius arte, & conſilio doceantur, qui ictibus, ac petitionibus,

Vrb. pp.
Eusebius.
Innocentius
Damascus.
Leo.
s. Augult.

R

saluis ipsis, conficere aduersarium possint; quanto magis fideles, cum sacramento Confirmationis, quasi firmissimis armis tecti, ac muniti in spirituale certamen, cui aeterna salus proposita est, descendunt, ducis, ac monitoris indigebunt? Recte igitur ad huius quoque sacramenti administrationem patrini aduocandi sunt, quibus cum eadem spiritualis affinitas coniungitur, quae legitima nuptiarum foedera impedit, ut antea docuimus, cum de patrinis ageretur, qui ad baptismum adhibendi sunt.

Sed quoniam saepe euenit, ut fideles in hoc sacramento suscipiendo aut praepropera festinatione, aut dissoluta quadam negligentia, & cunctatione, utantur; (nam de ijs qui ad eum impietatis gradum uenerunt, ut illud contemnere, & aspernari audeant, nihil est quod dicamus) aperiendum est etiam pastoribus, qui, quae aetate, quo pietatis studio praeediti esse debeant, quibus confirmationem dare oportet. Atque illud in primis docendum est, hoc sacramentum eiusmodi necessitatem non habere, ut sine eo saluus quis esse non possit. quamquam uero necessarium non est, à nemine tamen praetermitti debet: sed potius maxime cauendum est, ne in re sanctitatis plena, per quam nobis diuina munera tam large impertiantur, aliqua negligentia committatur: quod enim omnibus communiter ad sanctificationem Deus proposuit, ab omnibus etiam summo studio expetendum est. Ac sanctus quidem Lucas, cum admirabilem illam spiritus sancti effusionem describeret, ita inquit:

Et

Et factus est repente de cælo sonus tamquam aduenientis spiritus uehementis, & repleuit totam domum. Deinde paucis interiectis; Et repleti sunt omnes spiritu sancto. Ex quibus uerbis licet intelligere: quoniam domus illa sanctæ Ecclesiæ figuram, & imaginem gerebat, ad omnes fideles Confirmationis sacramentum, cuius initium ab eo die ductum est; pertinere. Atque id etiam ex ipsius sacramenti ratione facile colligitur. illi enim sacro chrismate confirmari debent, quibus spirituali incremento opus est, & qui ad perfectum Christianæ religionis habitum perducendi sunt. ad nulli id non maxime conuenit, ut enim hoc spectat natura, ut qui in lucem eduntur, adolescant, atque ad perfectam ætatem perueniant, etiam si interdum, quod uult minus assequatur: ita communis omnium mater catholica Ecclesia uehementer optat, ut in eis, quos per baptismum regenerauit, Christiani hominis forma perfecti absoluator; id autem quoniam mysticæ unctionis sacramento efficitur, perspicuum est, eam ad uniuersos fideles æque pertinere. in quo illud obseruandum est, omnibus quidem post baptismum Confirmationis sacramentum posse administrari: sed minus tamen expedire hoc fieri, antequam pueri rationis usum habuerint. quare si duodecimus annus non expectandus uideatur; usque ad septimum certe hoc sacramentum differre, maxime conuenit. neque enim Confirmatio ad salutis necessitatem instituta est; sed ut eius uirtute optime

instruēti, & parati inueniremur, cum nobis pro Christi fide pugnandum esset: ad quod sane pugnae genus pueros, qui adhuc usurationis carent, nemo aptos esse iudicabit. Ex his igitur efficitur, ut, qui adulta iam aetate confirmandi sunt, siquidem huius sacramenti gratiam; & dona consequi cupiant, eos non solum fidem, & pietatem asserre, sed grauiora etiam peccata, quae admiserunt, ex animo dolere oporteat. Qua in re elaborandum est ut peccata etiam prius confiteantur, & Pastorum cohortatione ad ieiunia, & alia pietatis opera suscipienda incitentur, admoneanturque, laudabilem illam antiquae Ecclesiae consuetudinem renouandam esse, ut non nisi ieiuni hoc sacramentum susciperent. quod quidem fidelibus facile persuaderi posse, existimandum est, si huius sacramenti dona, admirabilesque effectus intellexerint.

Concilium
AUG.

Itaque Pastores docebunt, Confirmationem hoc cum ceteris sacramentis commune habere, ut, nisi impedimentum aliquod inferatur, nouam gratiam tribuat. etenim haec sacra, & mystica signa eiusmodi esse demonstratum est, quae gratiam declarant, atque efficiunt: ex quo sequitur, ut peccata etiam condonet, ac remittat; quoniam gratiam simul cum peccato ne fingere quidem nobis licet. Sed praeter haec, quae cum alijs communia censenda sunt, primum quidem illud proprie Confirmationi tribuitur, quod baptismi gratiam perficit, qui enim per baptismum Christiani effecti sunt, quasi infantes modo
geniti

geniti teneritatem adhuc & mollitiem quandam
 habent; ac deinde chrismatis sacramento aduersus
 omnes carnis, mundi, & Diaboli impetus robustio-
 res fiunt; & eorum animus in fide omnino confir-
 matur ad confitendum, & glorificandum nomen
 domini nostri Iesu Christi; ex quo etiam nomen ip-
 sum inuentum esse nemo dubitarit. Neque enim, ut
 quidam non minus imperite, quàm impie finxerunt,
 Confirmationis uocabulum ab eo deducitur, quod Con. Tri.
 olim, qui infantes baptizati erant, cum iam adulti
 essent, ad Episcopum adducebantur, ut fidem Chri-
 stianam, quam in baptismo susceperant, confirma-
 rent: ita ut confirmatio nihil à catechesi differre
 uideatur: cuius consuetudinis nullum probatum te-
 stimonium afferri potest: sed ab eo nomen rei im-
 positum est, quod huius sacramenti uirtute Deus in
 nobis id confirmat, quod baptismo operari cæpit,
 nosque ad Christianæ soliditatis perfectionem addu-
 cit: nec uero confirmat solum, sed auget etiam; de
 quo Melchiades ita testatur; Spiritus sanctus, qui S. Melch.
PP.
 super aquas baptismi salutifero descendit illapsu,
 in fonte plenitudinem tribuit ad innocentiam; in
 Confirmatione augmentum præstat ad gratiam;
 deinde non auget modo, sed admirabili quadam
 ratione auget. Hoc autem pulcherrime indu-
 menti translatione scriptura significauit, atque
 expressit: inquit enim Dominus saluator cum
 de hoc sacramento loqueretur: Sedete in ciui- Luc. 24.
 tate, quoadusque induamini uirtute, ex alto.

Quod si Pastores uoluerint diuinam huius sacramenti efficientiam ostendere, (hoc uero ad commouendos fidelium animos maximam uim habiturum esse dubitare non potest) satis erit, quid ipsis Apostolis euenerit, explicare. Illi enim ante passionem, uel sub ipsam passionis horam, adeo infirmi, & remissi fuerunt, ut, cum Dominus comprehensus est, statim se in fugam coniecerint, Petrus uero, qui Ecclesiae petra, & fundamentum designatus erat, & summam constantiam, excelsiq; animi magnitudinem praestulerat, unius mulierculae uoce perterritus, se Iesu Christi discipulum esse, non semel, aut iterum, sed tertio negauerit, ac post resurrectionem omnes propter metum Iudaeorum inclusi domi se continuerint. At uero in die Pentecostes tanta spiritus sancti uirtute omnes repleti sunt, ut, dum euangelium, quod eis commissum erat; non solum Iudaeorum regione, sed uniuerso orbe audacter, & libere dispergerent, nihil sibi felicius accidere posse existimauerint, quam quod digni haberentur, qui pro Christi nomine contumeliam, uincula, tormenta, cruces perferrent. Habet praeterea confirmatio eam uim, ut characterem imprimat; quo fit, ut nulla unquam ratione iterari possit: quod etiam in baptismo supra obseruatum est: ac de sacramento ordinis quoque suo loco planius exponetur. Hac igitur si à Pastoribus saepe, & accurate explicata erunt, uix fieri poterit, quin fideles, cognita huius sacramenti dignitate, atque utilitate, illud

AA. 2.

AA. 5.

illud summa cum diligentia sancte, & religiose suscipere studeant. Restat nunc, ut aliqua etiam de ritibus, & caerimonijs, quibus in hoc sacramento administrando catholica Ecclesia utitur, breuiter perstringantur. quæ explicatio quanto usui futura sit, Pastores intelligent, si, quæ antea dicta sunt, cum hic locus tractaretur, repetere uoluerint. Qui igitur confirmantur sacro chrismate, in fronte unguuntur. nam hoc sacramento spiritus sanctus in animos fidelium se se infundit, in eisque robur, & fortitudinem auget, ut in spiritali certamine iuriliter pugnare, & nequissimis hostibus resistere queant. Quocirca declaratur, eos nullo metu, aut uerecundia, quarum affectionum signa maxime in fronte solent apparere, à libera Christiani nominis confessione absterrendos esse. Præterea nota illa, qua Christianus à cæteris ueluti miles insignibus. quibusdam ab alijs distinguitur, in illustriori corporis parte imprimenda erat. Sed illud quoque sollemni religione in Ecclesia Dei seruatum est, ut in Pentecoste præcipue hoc sacramentum administraretur, quod hoc maxime die apostoli, spiritus sancti uirtute roborati, & confirmati sint; cuius diuini facti recordatione fideles admonerentur, quæ, quantaq; mysteria in sacra unctione cogitanda essent. Deinde uero, qui unctus, & confirmatus est, ut meminerit se tanquam fortem athletem paratum esse oportere ad omnia aduersa inuictò animo pro Christi nomine ferenda, manu leuiter in maxilla ab Episcopo

Episcopo caditur. Postremo autem pax ei datur, ut intelligat se gratiæ cælestis plenitudinem, & pacem, quæ exuperat omnem sensum, consecutum esse. Atq; hæc summa eorum sit, quæ de chrismatis sacramento à Pastoribus, non tam quidem nudis uerbis, & oratione, quàm inflammato quodam pietatis studio explicanda sunt, ut ea in animis, intimisque fidelium cogitationibus inferere uideantur.

DE EVCHARISTIAE SACRAMENTO.

QVEM ADMODVM ex omnibus sacris mysteriis, quæ nobis tamquam diuinæ gratiæ certissima instrumenta Dominus saluator noster commendauit, nullum est, quod cum sanctissimo Eucharistiæ sacramento comparari queat: ita etiam nulla grauior alicuius sceleris animaduersio à Deo metuenda est, quàm si res omnis sanctitatis plena, uel potius quæ ipsum sanctitatis auctorem, & fontem cõtinet, neque sancte, neque religiose à fidelibus tractetur. Id uero apostolus & sapienter uidit, & de eo nos aperte admonuit. nam cum declarasset, quanto illi scelere obstricti essent, qui corpus Domini non diiudicarent, statim subiecit; Ideo inter uos multi infirmi, & imbecilles, & dormiunt multi. Et igitur fidelis populus, cum cælesti huic sacramento diuinos honores tribuendos esse intellexerit, & gratiæ
uberes

aberes fractus capiat, & iustissimam Dei iram effu-
 giat, illa omnia à Pastoribus diligentissime expo-
 nenda erunt, quæ eius maiestatem magis illustra-
 re posse uideantur. Quæ in re opus erit, ut Pauli
 apostoli rationem secuti, qui se, quod à Domino ac-
 ceperat, Corinthijs tradidisse professus est, in pri-
 mis huius sacramenti institutionem fidelibus expli-
 cent. ita uero, gestam rem esse, ex Euangelista Ioan. 13.
 perspicue colligitur. Cum enim Dominus dilexisset
 suos, in finem dilexit eos. cuius quidem amoris ut
 diuinum aliquod, atque admirabile pignus daret,
 sciens horam iam aduenisse, ut transfiret ex hoc mun-
 do ad Patrem; ne ullo unquam tempore à suis abes-
 set, inexplicabili consilio, quod omnem naturæ or-
 dinem, & condicionem superat, perfecit. Etenim,
 celebrata cum discipulis agni paschalis cena, ut fi-
 gura ueritati, umbra corpori cederet, panem accep-
 pit, Deoque gratias agens benedixit, ac fregit de-
 ditque discipulis suis, & dixit: Accipite, & man-
 ducate: Hoc est corpus meum, quod pro uobis tra-
 detur: hoc facite in meam commemorationem. Si-
 militer & calicem accepit postquam cenauit, di-
 cens: Hic calix nouum testamentum est in meo san-
 guine: hoc facite, quotiescunque bibetis, in meam
 commemorationem. Huius ergo admirabilis sacra-
 menti dignitatem, atque excellentiam, cum sacri
 scriptores fieri nullo modo posse intelligerent,
 ut uno uocabulo demonstrarent, pluribus eam no-
 minibus exprimere conati sunt. interdum enim,

 Matth. 26.
 Mar. 4.
 Luc. 22.
 1. Cor. 11.

Eucha-

ad Rom. 6.

Mat. 26.

Mat. 14.

Luc. 22.

1. Cor. 11.

Psal. 116.

1. Cor. 10.

Damasce-
nus.

Eucharistiam appellant : quod uerbum, uel bonam gratiam, uel gratiarum actionem, latine reddere possumus. ac recte quidem; bona gratia, dicendum est: tum quia uitam æternam, de qua scriptum est, Gratia Dei uita æterna, præsignificat; tum quia Christum dominum, qui uera gratia, atque omnium chrismatum fons est, in se continet. Nec uero minus apte gratiarum actionem interpreta-
mur: siquidem cum hanc purissimam hostiam immolamus, immensas quotidie gratias pro uniuersis in nos beneficijs Deo agimus; atque in primis pro eius gratiæ tam excellenti bono, quàm nobis hoc sacramento tribuit. Sed id ipsum etiam nomen cum
ijs, quæ à Christo domino gesta esse in hoc mysterio instituendo legimus, optime conuenit. Etenim panem accipiens fregit, ac gratias egit. David quoque, cum huius mysterij magnitudinem contempla-
retur, antequam carnem illud pronunciaret; Memoriam fecit mirabilem suorum misericors & miserator Dominus, escam dedit timentibus se; gratiarum actionem præponendam existimauit, cum inquit, Confessio & magnificentia opus eius. Fre-
quenter etiam nomine sacrificij declaratur: de quo mysterio paulo post latius dicendum erit. Vocatur præterea Communio: quod uerbum ex illo Apostoli loco sumptum esse liquet, ubi ait: Calix benedictionis, cui benedicimus, nonne communicatio sanguinis Christi est? & panis, quem frangimus, nonne participatio corporis Domini est? Nam, ut Damascenus ex-
pla-

planauit, hoc sacramentum Christo nos copulat, atque eius carnis, & deitatis-participes efficit, nosq; inter nos in eodem Christo conciliat, ac coniungit, & ueluti unum corpus coagmentat. Ex quo factum est, ut sacramentum etiã pacis, et charitatis diceretur, ut intelligeremus, quã indigni sint Christiano nomine, qui inimicitias exercent, odiaq; dissidias, & discordias, ut teterrimas fidelium pestes, omnino exterminandas esse: cum præsertim quotidiano religionis nostræ sacrificio nihil nos studiosius seruare quã pacem, & charitatẽ, profiteamur. Sed Viaticum etiam frequenter à sacris scriptoribus appellatur; tum quia spiritualis cibus est, quo in huius uitæ peregrinatione sustentamur; tum quia uiam nobis ad æternam gloriam, & felicitatem munit. Quare ex ueteri ecclesiæ catholicæ instituto seruari uidemus, ut nemo fidelium sine hoc sacramento è uita excedat. Ac uetustissimi quidem Patres, Apostoli auctoritatem secuti, Cene etiam nomine sacram Eucharistiam interdum uocant, quod in illo nouissimæ cene salutari mysterio à Christo domino sit instituta. neque uero propterea à cibo, aut potione Eucharistiam conficere, aut sumere licet, quod ab Apostolis salutariter introducta consuetudo quemadmodum ueteres scriptores memorie prodiderunt, perpetuo retenta, ac seruata est, ut à ieiunis tantum perciperetur. Sed, explicata nominis ratione, docendum erit, hoc uerum esse sacramentum, atque unum ex septem illis, quæ sancta

I. Cor. II.

D. Augustinus.

sancta Ecclesia semper religiose coluit, ac uenerata est. nam cum calicis consecratio fit, mysterium fidei appellatur. Præterea ut infinita pene sacròrum scriptorum testimonia omittamus, qui hoc inter uera sacramenta numerandum esse perpetuo senserunt; ex ipsa ratione, & natura sacramenti idem conuincitur. Etenim in eo signa sunt externa, & sensibus subiecta. habet deinde gratie significationem, & efficientiam. præterea de Christi institutione neque euangelistæ, neque Apostolus dubitandi locum relinquunt. Quæ omnia cum in unum conueniant ad sacramenti ueritatem confirmandam; nullis alijs argumentis opus esse perspicitur. Sed illud diligenter Pastoribus obseruandum est, multa in hoc mysterio esse, quibus aliquando sacramenti nomen sacri scriptores tribuerunt. Interdum enim & consecratio, & perceptio, frequenter uero & ipsum Domini corpus, & sanguis, qui in Eucharistia continentur, sacramentum uocari consuevit. inquit enim D. Augustinus; sacramentum hoc duobus constare, uisibili scilicet elementorum specie, & inuisibili carne, & sanguine ipsius domini nostri Iesu Christi. Atque ad eundem modum hoc sacramentum adorandum esse, nimirum corpus & sanguinem Domini intelligentes, affirmamus. Verum hæc omnia minus proprie sacramenta dici perspicuum est. Ipsæ autem panis & uini species ueram & absolutam huius nominis rationem habent. Sed quantum hoc sacramentum à reliquis

D. Augusti-
nus.

reliquis omnibus differat, facile colligitur. nam cetera sacramenta materiæ usu perficiuntur, dum scilicet alicui administrari ea contingit. Baptismus enim sacramenti naturam tunc adipiscitur, cum re ipsa homo aqua abluitur: at uero ad Eucharistiæ perfectionem satis est ipsius materiæ consecratio; utrumque enim sacramentum esse non desinit, quamuis in pyxide asseruetur. Deinde in conficiendis alijs sacramentis nulla fit materiæ, atque elementi in aliam naturam mutatio. Etenim baptismi aqua, aut chrismatis oleum, cum illa sacramenta administrantur priorem aquæ, & olei naturam non amittunt: in Eucharistia uero quod panis, & uinum ante consecrationem erat, confecta consecratione, uere est corporis & sanguinis Domini substantia. Licet autem duo sint elementa, panis scilicet, & uinum, ex quibus integrum Eucharistiæ sacramentum conficitur: non tamen plura sacramenta, sed unum tantum esse Ecclesiæ auctoritate docti confitemur. aliter enim septenarius sacramentorum numerus, quemadmodum semper traditum, atque à Concilij Lateranensi, Florentino, & Tridentino, decretum est, constare non poterit. nam cum huius sacramenti gratia unum corpus mysticum efficiatur, ut sacramentum ipsum rei, quam efficit, conueniat, unum esse oportet, atque unum quidem, non quia individuum sit, sed quia unius rei significationem habet. Nam quæadmodum cibus, & potio, quæ duæ diuersæ res sunt, ad unam tantum rem adhibentur, ut scilicet

scilicet vires corporis reficiantur: ita etiam duas illis diuersas sacramenti species respondere, consentaneum fuit, quæ cibum spiritualem significarent, quo mentes sustinentur, & recreantur. Quare à Domino saluatore dictum est. Caro mea uere est cibus, & sanguis meus uere est potus. Sed diligenter explicandum est, quid Eucharistiæ sacramentum significet; ut fideles sacra mysteria oculis intuentes, simul etiam diuinarum rerum contemplatione animum pascant. Tria uero sunt, quæ nobis hoc sacramento indicantur. Primum est Christi domini passio, quæ iam præterijt: ipse enim docuit, Hoc facite in meam commemorationem: & Apostolus testatus est; Quotiescunque manducabitis panem hunc, & calicem bibetis, mortem Domini annunciabitis, donec ueniat. Alterum est diuinæ, et celestis gratia, quæ præsens ad animam alendam & conseruandam hoc sacramento tribuitur. Quem admodum enim baptismo in nouâ uitam gignimur, Confirmatione roboramur, ut Satana repugnare, & palam Christi nomen profiteri possimus: ita Eucharistiæ sacramento alimur, ac sustentamur. Tertium est, quod futurum prænunciat, eternæ iucunditatis, & gloriæ fructus, quem in celesti patria ex Dei promissione capiemus. Hæc igitur tria, quæ instantis, præteriti, & consequentis temporis uarietate distingui perspicuum est, sacris mysterijs ita significantur, ut totum sacramentum, quamuis ex diuersis speciebus constet, ad singula horum

Ioan. 6.

Luc. 22.

1. Cor. 11.

horum declaranda, tamquam ad unius rei significationem referatur. Sed in primis cognoscenda est à Pastoribus huius sacramenti materia; tum ut ipsi rite illud possint conficere, tum etiam ut fideles admoneantur, cuius rei Symbolum sit, atque eius rei, quam significat, studio, & desiderio exardescant. Duplex itaque est huius sacramenti materia, altera panis ex tritico confectus, de qua primo agetur, de altera postea dicendum erit. Nam, ut docent euangelistæ Matthæus, Marcus, & Lucas, Christus dominus panem in manus accepit, benedixit, & fregit, dicens; Hoc est corpus meum. Apud Ioannem quoque idem Saluator noster se ipsum panem appellauit, cum inquit: Ego sum panis uiuus, qui de celo descendi. Cum autem uaria sint panis genera, uel quia, materia differunt, ut cum alius ex tritico, alius ex ordeo, aut ex leguminibus, ceterisque terre fructibus confectus est, uel quia diuersis qualitatibus præditi sunt (uni enim fermentum additur, alter uero fermenti omnino expers esse potest:) Quod ad primum attinet, Saluatoris uerba ostendunt, panem ex tritico confici oportere, communi enim loquendi consuetudine, cum panis absolute dicitur, panem ex tritico intelligi satis constat. Id etiam ueteris testamenti figura declaratur. præceptum enim à Domino fuerat, ut panes propositionis, qui hoc sacramentum significabant, ex similia conficerentur. Sed quemadmodum nullus panis, nisi triticeus, apta ad sacramentum materia putandus est:

Matth. 26.

Mar. 14.

Luc. 22.

Ioan. 10.

9

Leuit. 24.

Q

(hoc

Matth. 26.

Mar. 14.

Luc. 22.

(hoc enim apostolica traditio nos docuit, & Ecclesie catholice auctoritas firmanuit) ita etiam ex ijs, quæ Christus dominus gessit, az ymum esse debere. facile intelligitur. ipse enim primo az ymorum die, quo nihil fermentati domi habere Iudæis licebat, hoc sacramentum confecit, atque instituit. Quod si quis Ioannis euangelistæ auctoritatem opponat, qui hæc omnia ante festum diem Paschæ acta esse commemorat; ea ratio facile dissolui potest. Etenim quem primum az ymorum diem ceteri euangelistæ appellarunt, quod feria quinta uesteri dies festi az ymorum inceperint, quo tempore Saluator noster

Ioan. 13.

D. Chrysostomus.

1. Cor. 5.

Pascha celebrauit, eum ipsum diem Ioannes pridie Paschæ fuisse describit; ut qui diei naturalis spatium, quod ab oriente Sole inchoatur, in primis notandum existimarit. Quapropter diuus etiam Chrysostomus primum az ymorum diem interpretatur eum diem, quo ad uesperam az yma comedenda essent. Sed az ymi panis consecratio quantum conueniat integritati, & mentis munditiæ, quam fideles ad hoc sacramentum afferre debent, ab Apostolo docemur, cum inquit: Expurgate uetus fermentum, ut sitis noua conspersio, sicut estis az ymi: etenim Pascha nostrum imolatus est Christus: itaque epulemur non in fermento ueteri, neque in fermento malitiæ, & nequitie, sed in azymis sinceritatis, & ueritatis. Neque tamen ea qualitas adeo necessaria existimanda est, ut si illa pani desit, sacramentum confici non possit: utrumque enim panis genus ueram

ueram & propriam panis rationem, & nomen habet. Quamquam nemini licet priuata auctoritate uel potius temeritate laudabilem Ecclesiæ suæ ritum immutare: atque eo minus id facere Latinis sacerdotibus permissum est, quibus præterea Pontifex Max. præceperunt, ut ex azymo tantum sacra mysteria conficerent. Atque hæc de altera huius sacramenti materia exposuisse satis sit: in quo tamen illud animaduertendum est, quàm multa materia ad sacramentum conficiendum uti oporteat, definitum non esse; cum illorum etiam certus numerus definiri nequeat, qui aut possint, aut debeant sacra mysteria percipere. Superest, ut de altera huius sacramenti materia, & elemento dicatur. est autem uinum ex uitis fructu expressum, cui modicum aquæ permistum sit, nam Dominum saluatorem uino in huius sacramenti institutione usum esse, catholica Ecclesia Matth. 26. semper docuit; cum ipse dixerit; Non bibam à Mar. 14. modo de hoc genimine uitis: usque in diem illum.

Quo in loco Chrysostomus, De genimine, inquit, S. Chrysos. uitis, quæ certe uinum, non aquam, produxit. Ut tanto ante illorum hæresim, qui aquam solam in hisce mysterijs adhibendam senserunt, conuellere uideretur. Aquam uero, Dei Ecclesia uino semper admiscuit; primum, quod id à Christo domino factum esse, & Conciliorum auctoritate, & sancti Cypriani testimonio comprobatur, S. Cyprian. deinde, quod sanguinis, & aque, quæ ex eius

Apocal. 17-

latere exierunt, hac permissione memoria renouatur. Tamen uero aquæ, ut in Apocalypsi legimus, populum designant: quare aqua uino admista fidelis populi cum Christo capite coniunctionem significat. Atque hoc ex apostolica traditione perpetuo sancta Ecclesia seruauit. Sed quamuis aquæ admiscende ita graues rationes sint, ut eam sine mortali peccato prætermittere non liceat: ea tamē si desit, sacramentum constare potest. Illud aut sacerdotibus animaduertendum est, quemadmodum in sacris mysterijs aquam uino adhibere oportet, sic etiam modicam infundendam esse. nam ecclesiasticorum scriptorum sententia, & iudicio, aqua illa in uinum conuertitur, quare de eo Honorius Pontifex ita scribit: Perniciosus in tuis partibus inoleuit abusus, uidelicet, quod maior quantitas aquæ in sacrificio, quàm uini adhibetur; cum, secundum consuetudinem rationabilem Ecclesiæ generalis, longe plus uini, quàm aquæ adhibendum sit. Huius igitur sacramenti hæc duo tantum elementa sint, ac merito pluribus decretis sancitum est, ne quid aliud præter panem, & uinum, quod nonnulli facere non uerebantur, offerre liceat. Sed iam uidentium est, hæc duo panis, & uini Symbola quam apta sint ad ea res declarandas, quarum sacramenta esse credimus, & confitemur. Primum enim Christum nobis significant, ut uera est hominum uita, ipse enim Dominus ait: Caro mea uere est cibus, & sanguis meus uere est potus. Cum igitur

corpus

Honorius
PP.

Ioan. 6.

corpus Christi domini uitæ æternæ alimentum illis præbeat, qui eius sacramentum pure, sanctè suscipiunt, rectè us potissimum rebus conficitur, quibus hæc uita continetur: ut fideles facile possint intelligere, pretiosi corporis, & sanguinis Christi communionem, mentem, animumque saturari. Non nihil etiam hæc ipsa elementa ad id ualent, ut eam cognitionem accipiant homines, esse in sacramento corporis, & sanguinis Domini ueritatem namque carnis panem, & uinum in humanam carnem & sanguinem uel naturæ quotidie immutari animaduertimus, facilius adduci possimus hac similitudine, ut credamus, panis, & uini substantiam in ueram Christi carnem, uerumque eius sanguinem celesti benedictione conuerti. Affert etiam aliquid adiumenti hæc admirabilis elementorum mutatio ad adumbrandum, quod fit in anima. Est enim, & si nulla extrinsecus panis, & uini mutatio apparet, tamen eorum substantia in carnem, & sanguinem Christi uere trãsit. ita etiam, tametsi in nobis nihil immutatum uidetur, interius tamen ad uitam renouamur, dum ueram uitam Eucharistiæ sacramento accipimus. Accedit ad hæc; quod, cum unũ Ecclesiæ corpus ex multis membris compositum sit, nulla re magis obstat ea coniunctio, quam panis uinique elementis. panis enim ex multis granis conficitur, & uinum ex multitudinem racemorum existit. atque ita nos, cum multi sumus, huius diuini mysterij uinculo arctissime colligari & tamquam unum corpus effici declarari.

Euchari-
stia confi-
ciendæ for-
mæ, & illius
effectus ad
mirandi.

Math. 26.
Mar. 14.
Luc. 22.
1. Cor. 10.

*Sequitur nunc, ut de forma, qua ad consecran-
dum panem uti oporteat, agatur, non quidem eius
rei causa, ut hæc mysteria fidei populo, nisi necessi-
tas cogat tradantur, (eos enim, qui sacris initiati
non sunt, de his erudiri necessarium non est,) sed
ne formæ ignorance, in sacramento conficiendo
à sacerdotibus turpissime peccetur. itaque à san-
ctis euangelistis, Matthæo, & Luca, itemque ab
Apostolo docemur, illam esse formam, HOC EST
CORPVS MEVM. scriptum est enim: Cenanti-
bus illis accepit Iesus panem, & benedixit, ac fre-
git, atque discipulis suis, & dixit: Accipite, &
manducate. Hoc est corpus meum. Quæ quidem
consecrationis forma cum à Christo domino serua-
ta sit, ea perpetuo catholica Ecclesia usa est. Præ-
termittenda sunt hoc loco sanctorum Patrum testi-
monia, quæ infinitum esset enumerare, & concilij
Florentini decretum, quod omnibus patet, atque
in promptu est; cum præsertim ex illis Saluatoris
uerbis; Hoc facite in meam commemorationem,
idem liceat cognoscere. nam quod Dominus facien-
dum præcepit, non solum ad id, quod egerat, sed
etiam ad ea, quæ dixerat, referri debet, atque ad
uerba maxime pertinere intelligendum est, quæ non
minus efficiendi, quàm significandi causa prolata
erant. Sed ratione etiam id facile persuaderi po-
test. nam forma est ea, qua illud significatur, quod in
hoc sacramento efficitur, cum autem hæc uerba id
quod sit, significant, ac declarent, hoc est panis cōuer-
sionem*

sionem in uerum Domini nostri corpus; sequitur, formam in illis ipsis uerbis constituendum esse. in quam sententiam, quod ab Euangelista dictum est, Benedixit, licet accipere. perinde enim uidetur intelligendum, ac si dixisset, Accipiens panem benedixit, dicens; Hoc est corpus meum. Quamuis enim Euangelista uerba illa, Accipite, & comedite, preposuerit: illis tamen non materiae consecrationem, sed usum tantummodo significari perspicuum est, quare à sacerdote quidem omnino proferri debent, sed ad sacramentum coniciendum necessaria non sunt, quæ admodum etiam profertur coniunctio illa, ENIM, in corporis, & sanguinis consecratione: aliter enim net, ut si hoc sacramentum nemini ad ministrandum sit, confici non oporteat, aut non possit quidem; cum tamen dubitare non liceat, quin sacerdos, prolatis ex more, atque instituto sanctæ Ecclesiæ uerbis Domini, aptam panis materiam uere consecret; quamuis deinde contingat, ut nulli unquam sacra Eucharistia administretur. Iam uero, quod ad uini, quæ est altera huius sacramenti materia, consecrationem attinet, ob eandem causam, quam supra commemorauimus, opus est, ut sacerdos eius formam cognitam, & perspectam habeat. Eam igitur his uerbis comprehendit, certo credendum est; Hic est calix sanguinis mei, noui, & æterni testamenti, mysterium fidei, qui pro uobis, & pro multis effundetur in remissionem peccatorum. Ex quibus uerbis plura quidem à sacris

Matth. 26.

I

Luc. 22.
1. Cor. 11.

Luc. 22.
Match. 26.

scripturis colligitur: quædam uero in Ecclesia ex apostolica traditione conseruata sunt. nam quod dicitur: Hic est calix: à D. Luca, & ab apostolo scriptum est. quod uero sequitur: Sanguinis mei, uel sanguis meus noui testamenti, qui pro uobis & pro multis effundetur in remissionem peccatorum: partim à D. Luca, partim à D. Mattheo dictum est. uerba autem illa, & Aeterni, & Mystrium fidei, sancta traditio catholice ueritatis interpres & custos, nos docuit. Verum de hac forma nemo dubitare poterit, si quod antea dictum est de forma consecrationis, quæ ad panis elementum adhibetur, hoc etiam loco attendatur. constat enim, ijs uerbis, quæ uini substantiam in sanguinem Domini conuerti significant, huius elementi formam contineri. Quare cum uerba illa hoc aperte declarent, perspicuum est, aliam formam constituendam non esse. exprimunt autem præterea quosdam effusi sanguinis in passione Domini admirabiles fructus, qui ad hoc sacramentum maxime pertinent. Unus est, aditus ad æternam hæreditatem, quæ noui, atque æterni testamenti iure ad nos uenit. Alter est, aditus ad iustitiam per mysterium fidei: Iesum enim per fidem in sanguinem eius propitiatorem Deus proposuit, ut ipse sit iustus, & iustificans eum. qui ex fide est Iesu Christi. Tertius est, remissio peccatorum. Quoniam uero hæc ipsa cōsecrationis uerba plena mysteriorum sunt, aptissimeque ad rē conueniunt, diligentius perpēdere ea oportet.

Quod

Quod uero dicitur. Hic est calix sanguinis mei, sic intelligendum est: Hic est sanguis meus, qui hoc calice continetur. recte autem, & apposite, dum sanguis hic, ut est fidelium potus, consecratur, calicis mentio facienda est. neque enim sanguis huiusmodi portionem satis significare uideretur, nisi uase aliquo exceptus esset. Sequitur deinde, Noui testamenti: quod quidem ob eam rem additum est, ut intelligeremus Christi domini sanguinem non figura, quemadmodum in ueteri testamento fiebat (de eo enim apud Apostolum ad Hebræos legimus, Si-
ad Hebr. 9.
 ne sanguine testamentum dedicatum non esse.) Sed uere, & re ipsa hominibus tradi, quod ad nouum testamentum pertinet: quare Apostolus inquit. Ideo noui testamenti mediator est Christus, ut morte intercedente, repromissionem accipiant, qui uocati sunt, æternæ hæreditatis. Verbum uero, Aeterni, ad hæreditatem æternam, quæ Christi domini, æterni testatores, morte ad nos iure peruenit, referendum est. Quod subiungitur, Mysterium fidei: non rei ueritatem excludit, sed quod occulte latet, atque ab oculorum sensu remotissimum est, certa fide credendum esse significat. Diuersa uero hisce uerbis sententia hoc loco subiecta est ab ea quam habent, cum baptismo etiam tribuuntur. nam quod sanguinem Christi sub uini specie latentem, fide cernimus, mysterium fidei dicitur. at baptismus, quoniam uniuersam Christianæ fidei professionem complectitur à nobis fidei sacramentum, à Græcis
 myste-

mysterium iure appellatur. Quamquam alia etiam
 ratione sanguinem Domini, fidei mysterium dici-
 mus. quod scilicet in eo maxime plurimum difficul-
 tatis, & negotij humana ratio experiatur, cum no-
 bis fides credendum proponit, Christum dominum;
 uerum Dei filium, simulque Deum, & hominem,
 mortem pro nobis pertulisse; quæ quidem mors san-
 guinis sacramento designatur. Quapropter appo-
 site hoc loco potius quam in consecratione corpo-
 ris, passio Dominica commemoratur, his uerbis:
 Qui effundetur in remissionem peccatorum. San-
 guis enim, separatim consecratus, ad passionem
 Domini, & mortem, & passionis genus ante om-
 nium oculos ponendum, maiorem uim, & momētum
 habet. Sed uerba illa, quæ adduntur; Pro uobis, &
 pro multis; à Matthæo, & Luca, singula à singu-
 lis assumpta sunt; quæ tamen sancta Ecclesia, spiri-
 tu Dei instructa, simul coniunxit; pertinet autem ad
 passionis fructum, atque utilitatem declarandam.
 nam si eius uirtutem inspiciamus, pro omnium sa-
 lute sanguinem à Salvatore effusum esse fatendum
 erit; si uero fructum, quem ex eo homines percepe-
 rint cogitemus; non ad omnes, sed ad multos tan-
 tum eam utilitatem peruenire facile intelligemus.
 Cum igitur; Pro uobis, dixit; uel eos, qui ade-
 rant, uel delectos ex Iudæorum populo, quales
 erant discipuli, excepto Iuda, quibuscum loqueba-
 tur, significauit. Cum autem addidit; Pro mul-
 tis, reliquos electos, ex Iudæis, aut gentilibus
 intelligi

Matth. 26.
 Luc. 22.

intelligi noluit. Recte ergo factum est, ut pro uniuersis non diceretur; cum hoc loco tantummodo de fructibus passionis sermo esset, quæ salutis fructum delectis solum attulit. Atq; ut spectant uerba illa apostoli; Christus simul oblatus est ad multorum exhaurienda peccata. Et quod dominus apud Ioannem inquit; Ego pro eis rogo, non pro mundo rogo, sed pro his, quos dedisti mihi, quia tui sunt. Plurima alia in huius consecrationis uerba latent mysteria; quæ Pastores assiduo rerum diuinarum meditatione, & studio ipsi per se: iuuante Domino, facile assequuntur. ad Heb. 9.

Ioan. 17.

1. Cor. 13.

P

Sed iam ad earum rerum explicationem oratio reuertatur; quæ ut à fidelibus ignorentur, nullo modo committendum est. Ac quoniam Apostolus admonet, grauissimum scelus admitti ab ijs qui non diiudicant corpus Domini, hoc in primis doceant Pastores, animum atque rationem à sensibus omni studio auocandum esse. si enim fideles ea tantum in hoc sacramento contineri sibi persuaferint, quæ sensibus percipiunt, in summam impietatem adducantur necesse est, cum nihil aliud, præter panis, ac uini speciem, oculis, tactu, odoratu, gustu sentientes, panem tantummodo, ac uinum in sacramento esse iudicauerint. Curandum igitur est, ut fidelium mentes, quam maxime fieri potest, à sensuum iudicio abstrahantur, atque ad immensam Dei uirtutem, & potentiam contemplandam excitentur. Tria enim sunt maxime admiranda, atque suscipienda, quæ in hoc sacramento

uerbis

uerbis consecrationis effici, fides catholica sine ulla dubitatione credit, ac confitetur. Primum est, uerum Christi domini corpus, illud idem quod, natum ex uirgine, in cælis sedet ad dexteram Patris, hoc sacramento contineri. Alterum est, nullam in coelementorum substantiam remanere; quamuis nihil magis à sensibus alienum, & remotum uideri possit. Tertium est, quod ex utroque facile colligitur, & si uerba consecrationis id maxime expriment, accidentia, quæ aut oculis cernuntur, aut alijs sensibus percipiuntur, sine ulla re subiecta esse, mira quadam, atque inexplicabili ratione. Ac panis quidem, & uini accidentia omnia licet uidere: quæ tamen nulli substantiæ, inherent, sed per seipsa constant; cum panis, & uini substantia in ipsum Domini corpus, & sanguinem ita mutetur, ut panis, & uini substantia omnino esse desinat. Verum, ut prius de primo agatur, conentur Pastores explicare, quàm perspicua, & clara sint Saluatoris nostri uerba, quæ corporis eius ueritatem in sacramento demonstrant. nam cum inquit. Hoc est corpus meum, Hic est sanguis meus: nemo qui modo sanæ mentis sit, ignorare potest, quid nobis intelligendum sit, præsertim cū de humana natura sermo habeatur: quam in Christo uere fuisse, catholicas fides dubitare neminem patitur; ut uir sanctissimus, atque doctissimus Hilarius præclare scripserit; de ueritate carnis & sanguinis Christi, cum ex ipsius Domini professione & si de nostra, caro eius uere sit cibus, relictum non esse ambigendi

Matth. 26.
Mar. 14.
Luc. 22.

S. Hilar.

ambigendi locum. Verum alter præterea locus à Pastoribus enucleandus est; ex quo aperte licet cognoscere uerum Domini corpus, & sanguinem in Eucharistia contineri. nam Apostolus posteaquam commemorauit panem, & uinum à Domino cōsecratum, & sacra mysteria apostolis suis administrata esse, subiungit: Probet autem se ipsum homo, ac sic de pane illo edat, & de calice bibat: qui enim māducat & bibit indigne, iudicium sibi manducat, & bibit, non dūdicans corpus Domini. Quod si, ut hæretici distituant, nihil aliud in sacramento uenerandum esset præter memoriam & signum passionis Christi; quid opus erat tam grauibz uerbis fideles hortari, ut se ipsos probarent? Graui enim illa, **IUDICIUM**, uoce declarauit Apostolus, nefarium aliquod scelus ab eo admitti, qui impure sumens corpus Domini, quod in Eucharistia occulte latet, ab alio ciborum genere non distinguit. quod etiam supra in eadem epistola uberius explicauit Apostolus his uerbis, Calix benedictionis, cui benedicimus, nō ne communicatio sanguinis Christi est? & panis, quem frangimus, non ne participatio corporis Domini est? Quæ quidem uerba ueram corporis, & sanguinis Christi domini substantiam demonstrant.

1. Cor. 11.

1. Cor. 10.

Hæc igitur scripturæ loca à Pastoribus explicanda erunt, atque in primis docendum, nihil in eis dubij, aut incerti relictum esse; præsertim cum hæc Ecclesiæ Dei sacrosancta auctoritas interpretata sit: ad cuius sententiæ cognitionem duplici uia & ratione

ratione possumus peruenire. Prima est, cum Patres qui ab initio Ecclesie, atque omni deinceps ætate floruerunt, & ecclesiasticæ doctrinæ optimi testes sunt, consuluimus. hi uero summo consensu oēs huius dogmatis ueritatem apertissime tradiderunt; quorum singula testimonia afferre, quoniam operosi laboris esset, satis erit pauca notare, uel indicare potius, ex quibus iudicium de ceteris facile fieri poterit. Primus igitur D. Ambrosius fidem suam proferat, qui in libro de ijs, qui initiantur mysterijs testatus est, uerum Christi corpus in hoc sacramento sumi, sicut uerum ex uirgine sumptum est, idque certissima fide tenendum esse. & alio loco docet, ante consecrationem panem ibi esse, post consecrationem autem carnem Christi. Accedat alter testis D. Chrysostomus, non minoris fidei, & grauitatis: qui quidem cum multis alijs in locis hanc ipsam ueritatem profitetur, & docet, tum uero præcipue homelia 60. de ijs, qui sacra mysteria impure sumunt, itemque homelia 44. & 45. in sanctum Ioannem; inquit enim: Pareamus Deo, neque contradicamus; licet uel cogitationibus uel oculis nostris uideatur aduersari, quod dicitur: Ipsius enim sermo infallibilis est; sensus noster facile seducimur. His uero omni ex parte consentiunt, quæ D. Augustinus, acerrimus catholicæ fidei propugnator, semper docuit, atque in primis titulum psalmi 33. exponens: scribit enim: Portare se in manibus suis, homini impos-

D. Ambrosius.

S. Chrysostomus.

S. Augu.

impossibile est, soli que Christo conuenire potest, se-
 rebatur enim ille in manibus suis, quando commen-
 dans ipsum corpus suum ait, Hoc est corpus meum.
 Ac Cyrillus præterea, Iustinus, & Irenæus adeo
 aperte lib. 4. in Ioannem ueram Domini carnem in
 hoc sacramento esse affirmat, ut eorum uerba nul-
 lis possint fallacibus, & captiosis interpretationi-
 bus obscurari. Quod si Pastores alia etiam Patrum
 testimonia requirerent, facile erit sanctos Dionysius
 Hilarium, Hieronymum, Damascenum addere, in
 numerabilesque alios, quorum de hac re grauissi-
 mas sententias, doctorum, & piorum hominum in-
 dustria, & labore in unum congestas, passim legi-
 mus. Altera restat uia, qua sanctæ Ecclesiæ iudi-
 cium in ijs, quæ ad fidem pertinent, inuestigare li-
 ceat, contrariæ scilicet doctrinæ, & opinionis dam-
 natio. At uero constat, semper corporis Christi ue-
 ritatem in sancto Eucharistiæ sacramento, ita per
 uniuersam Ecclesiam diffusam, & desseminatam
 esse, & consentienti uoluntate ab omnibus fide-
 libus receptam, ut, cum ante quingentos annos Be-
 rengarius id negare ausus esset, ibique signum tan-
 tummodo esse assereret, statim in Vercellensi Conci-
 lio, quod Leonis IX. auctoritate conuocatum fue-
 rat, omnium sententijs condemnatis, ipsæ hæresim
 suam anathemati addixerit. qui postea cum ad eadē
 impietatis insaniam redisset, tribus alijs Concilijs
 Turonensi, & duobus Romanis, quorum alterum Ni-
 colaus I. alterum Gregorius VII. Pontifex Max.

S. Cyrillus,
 Iustinus, &
 Irenæus.

I

Conci. Lat.
Conc. Flor.
Triden.

conuocauerunt, dānatus est. Eam postea sententiam Innocentius III. in Concilio Lateranensi magno confirmauit; ac deinceps à Florentina, & Tridentina Synodis eiusdem ueritatis fides apertius declarata, ac stabilita est. Hæc igitur si Pastores diligenter exposuerint; (ut nihil dicamus de ijs, qui erroribus obcæcati nihil magis, quàm ueritatis lucem oderunt) & infirmos confirmare, & piorum mentes summa quadam lætitia, & uoluptate afficere poterunt; cum præsertim fidelibus dubitare non liceat, quin inter ceteros fidei articulos huius etiam dogmatis fides comprehendatur. nam cum Dei summam omnium rerum potestatem credunt, & confitentur; credant etiam necesse est, potestatem ei non defuisse maximi huius operis efficiendi, quod in Eucharistiæ sacramento admiramur, & colimus. Deinde cum credunt sanctam Ecclesiam catholicā; necessario sequitur; ut simul credant eam esse, quā explicauimus, huius sacramenti ueritatem. Sed nihil est profecto, quod ad piorum iucunditatem, & fructum addi possit, cum huius altissimi sacramenti dignitatem contemplantur. Primum enim intelligunt, quanta sit euangelicæ legis perfectio, cui datum est id re ipsa habere, quod signis tantum & figuris Mosaicæ legis tempore adumbratum fuerat. Quare diuinitus dictum est à Dionysio Ecclesiam nostram mediam esse inter Synagogā, & supremam Hierusalem, ac propterea utriusque participem. Ac profecto satis mirari fideles numquam

9. Dionysius.

numquam potuerunt sanctæ Ecclesiæ perfectionem, eiusque gloriæ altitudinem; cum inter eam & cælestem beatitudinem unus tantum gradus interesse uideatur. Hoc enim nobis cum cælitibus commune est, ut utrique Christum Deum, & hominem præsentem habeamus: sed quo uno gradu ab eis distamus, illi præsentem beatam uisionem perfruuntur; nos præsentem, & tamen ab oculorum sensu remotum, sacrorum mysteriorum admirabili integumento se occultantem, firma, & constanti fide ueneramur. Præterea, fideles hoc sacramento Christi Saluatoris nostri perfectissimam charitatem experiuntur. eius enim bonitatem maxime decuit, naturam, quam à nobis sumpserat, à nobis numquam subtrahere, sed, quantum fieri posset, esse, uersarique nobiscum uelle: ut illud omni tempore uere, & proprie dictum uideretur: Delitiæ meæ, esse cum filiis hominum.

2
Prou. 8.

Iam uero hoc loco à Pastoribus explicandū est, non solum uerum Christi corpus, & quidquid ad ueram corporis rationem pertinet, ueluti ossa, & nervos, sed etiam totum Christum in hoc sacramento contineri. Docere autem oportet, Christum nomen esse Dei & hominis, unius scilicet personæ, in quo diuina, & humana natura coniuncta sit. quare utramque substantiam, & quæ utriusque substantiæ consequentia sunt, diuinitatem, & totam humanam naturam, quæ ex anima, & omnibus corporis partibus, & sanguine etiam constat,

R comple-

De concomitantia partium corporis Christi in hoc sacramento.

complectitur: quæ omnia in sacramento esse credendum est. nam cum in celo tota humanitas diuinitati in una persona & hypostasi coniuncta sit; nefas est suspicari, corpus, quod in sacramento inest, ab eadem diuinitate seiunctum esse. In quo tamen Pastores animaduertant, necesse est, non omnia eadem ratione, aut uirtute in hoc sacramento contineri. Quædam enim sunt, quæ ex ui, & efficientia consecrationis in sacramento esse dicimus. nam cum uerba illa efficiant, quidquid significant, id esse in sacramento ex ui sacramenti, diuinarum rerum scriptores appellarunt, quod uerborum forma exprimitur. ita si contingeret, ut aliquid ab alijs rebus omnino seiunctum esset, id solum, quod forma significaret, in sacramento esse, cetera non item esse docuerunt. quædam uero in sacramento continentur, quod illis rebus coniuncta sint, quæ forma exprimuntur. nam cum forma, quæ ad panem consecrandum adhibetur, corpus Domini significet, cum dicitur; *Hoc est corpus meum*: ipsum Christi domini corpus ex ui sacramenti in Eucharistia erit. At quia corpori sanguis, anima, & diuinitas coniungitur, hæc quoque in sacramento erunt omnia, non quidem ex consecrationis uirtute, sed ut ea, quæ corpori coniuncta sunt. Atque hæc ex concomitantia in sacramento esse dicuntur: qua ratione totum Christum in sacramento esse perspicuum est, si enim duo aliqua inter se re ipsa coniungantur; ubi unum sit, ibi alterum etiam esse necesse est. Sequitur itaq;

totum

totum Christum usque adeo tam in panis, quam in uini specie contineri, ut, quemadmodum in panis specie non corpus modo, sed etiam sanguis, & totus Christus uerè inest, sic contra, in uini specie non solum sanguis, sed corpus, & totus Christus uere inest. Sed quamquàm hæc ita se habere, omnibus fidelibus certum & persuasissimum esse debet: optimo tamen iure institutum est, ut separatim due consecrationes fierent. Primo enim; ut passio Domini, in qua sanguis à corpore diuisus est, magis referatur: cuius rei causa in consecratione sanguinem effusum esse meminimus. Deinde, maxime consentaneum fuit, ut quoniam sacramento ad alendam animam utendum nobis erat, tamquam cibus & potus institueretur, ex quibus perfectum corporis alimentum constare perspicuum est. Neque uero illud pratermittendum, non solum in utraque specie, sed in quauis utriusque speciei particula totum Christum contineri. sic enim Augustinus scriptum reliquit: Singuli accipiunt Christum dominum, & in singulis portionibus totus est, nec per singulos minuitur, sed integrum se præbet in singulis. Atque id præterea ex euangelistis facile colligi potest. neque enim credendum est, singula panis frustra propria uerborum forma à Domino consecrata esse, sed eadem simul omnem panem, qui ad sacra mysteria conficienda, atque apostolis distribuenda satis futurus esset: id quod de calice factum esse apparet; cum ipse dixit: Accipite, & diuidite inter uos. Luc. 22.

Haecenus quae explicata sunt, eo pertinent, ut ostendant Pastores, uerum Christi corpus, & sanguinem in Eucharistiae sacramento contineri. Nunc, quod alterum erat propositum, docebunt, etiam panis & uini substantiam in sacramento post consecrationem non remanere. Hoc uero quamuis maximam admirationem merito habere possit, tamen cum eo, quod prius demonstratum est, necessario coniungitur. Etenim si est uerum Christi corpus sub panis, & uini specie post consecrationem; omnino necesse est, cum ibi antea non esset, hoc uel loci mutatione, uel creatione, uel alterius rei in ipsum conuersione factum esse. At uero fieri non posse constat, ut corpus Christi in sacramento sit, quod ex uno in alium locum uenerit, ita enim fieret, ut à celi sedibus ab esset: quoniam nihil mouetur, nisi locum deserat, à quo mouetur. Creari autem corpus Christi minus credibile est, ac ne in cogitationem quidem cadere hoc potest. relinquitur ergo, ut in sacramento sit corpus Domini, quod panis in ipsum conuertatur, quare nulla panis substantia remaneat, necesse est. Haec ratione adducti Patres, & maiores nostri, in Concilijs, Lateranensi magno, & Florentino, huius articuli ueritatem apertis decretis confirmarunt: à Tridentina uero Synodo explicatius ita definitum est: Si quis dixerit in sacrosancto Eucharistiae sacramento remanere substantiam panis, & uini, una cum corpore, & sanguine domini nostri Iesu Christi; anathema sit. Haec uero ex testimonijs scriptu-

Lat. Conc.
 Eugen. 4.
 Decret.
 Trid. Syn.

scripturarum facile fuit colligere; primum, quod in etus sacramenti institutione ipse dominus dixit; Hoc est corpus meum. uocis enim, HOC, ea uis est, ut omnē rei præsentis substantiam demonstret. quod si panis substantia remaneret, nullo modo uere dici uideretur; Hoc est corpus meum. Deinde Christus dominus apud Ioannem, Panis, inquit, quem ego dabo, caro mea est pro mundi uita; panem uidelicet carnem suam uocans. Ac paulo post subiecit. Nisi manducaueritis carnem filij hominis, & biberitis eius sanguinem, non habebitis uitam in uobis. & rursus. Caro mea uere est cibus, & sanguis meus uere est potus. Cum ergo tam claris, & perspicuis uerbis carnem suam panem, & cibum uerum, sanguinem item uerum potum nominauerit; satis uidetur declarasse, nullam in sacramento substantiam panis, & uini remanere. Atque hanc perpetuo sanctorum Patrum consentientem fuisse doctrinam, qui eos euoluerit, facile intelliget. D. quidem Ambrosius ita scribit: Tu forte dicis: meus panis est usitatus: sed panis iste, panis est ante uerba sacramentorum: ubi accesserit consecratio, de pane fit caro Christi. Quod quidem ut facilius probare posset, uaria deinde affert exēpla, & similitudines. Alibi uero, cum uerba illa interpretaretur; Omnia, quaecumque Dominus uoluit, fecit in calo, & in terra; Licet, inquit, figura panis, & uini uideatur, nihil tamen aliud, quam caro Christi, & sanguis, post consecrationem creden-

Matth. 26. 1
Mar. 14.
Luc. 22.
1. Cor. 11.

Ioan. 6.

Ambr.
lib. 1.

S

D. Amb.

Psal. 114.

S. Hilar.

dum est. Atque eisdem fere uerbis eandem sententiam sanctus Hilarius exponens, docuit, quamuis extrinsecus panis, & uinum uideatur, ueretamen corpus, & sanguinem Domini esse. Sed moneât Pastores hoc loco, mirandum non esse, si post consecrationem panis etiam uocetur. hoc enim nomine Eucharistia appellari consuevit; tum quia panis speciem habeat; tum quia naturalem alendi, & nutriendi corporis uim, quæ panis propria est, adhuc retineat. Eam autem esse sacrarum litterarum consuetudinem, ut res ita appeller, cuiusmodi esse uideantur, satis ostendit, quod in Genesi dictum est, tres uiros Abrahamæ apparuisse, qui tamen tres angeli erant. Et duo illi, qui Apostolis, ascendente in calum Christo domino, apparuerunt, cum essent Angeli uiri dicuntur. Difficillima est omnino huius mysterij explicatio; sed tamen conabuntur Pastores, ijs, qui magis in diuinarum rerum cognitione profecerunt, (nam qui adhuc imbecilliores sunt, uerendum esset, ne rei magnitudine opprimerentur): conabuntur, inquam, tradere huius admirabilis conuersionis modum: quæ ita fit, ut tota panis substantia diuina uirtute in totam corporis Christi substantiam, totaq; uini substantia in totam sanguinis Christi substantiam, sine ulla Domini nostri mutatione, conuertatur. neque enim Christus aut generatur, aut mutatur, aut augefcit, sed in sua substantia totus permanet. quod mysterium cum D. Ambrosius declararet, Vides, inquit, quam

Gen. 18.
Ab. 1.

D. Ambr.

opera-

operatorius sit sermo Christi. Si ergo tanta uis est in sermone domini Iesu, ut inciperent esse, quæ non erant, mundus scilicet: quanto magis operatorius est, ut sint, quæ erant, & in aliud commutentur? In quâ sententiâ alij etiâ ueteres, & grauiissimi Patres scriptum reliquerunt: D. quidem Augustinus: Fideliter fatemur ante consecrationē panem esse, & uinū, quod natura formauit; post consecrationem uerò carnem Christi, & sanguinem, quod benedictio consecrauit. Damascenus: Corpus secundum ueritatem coniunctum est diuinitati, corpus ex sancta uirgine: non quòd ipsum corpus assumptum de calo descendat: sed quòd ipse panis, & uinum in corpus & sanguinem Christi transmutentur. Huius itaque admirabilis conuersio conuenienter & proprie à sancta catholica Ecclesia transubstantiatio est appellata, quemadmodum sacra Tridentina Synodus docuit. Ut enim generatio naturalis, quòd forma in ea mutatur, recte, & proprie transformatio dici potest: ita etiam, quod in sacramento Eucharistiæ tota unius rei substantia in totam alterius rei substantiam transeat, uerbum transubstantiationis recte, & sapienter à maioribus nostris inuentum est.

D. Augu.

Damascenus.

I

Sed illud sapissime à sanctis Patribus repetitum fideles admonendi sunt, ne curiosius inquirent, quo pacto ea mutatio fieri possit. nec enim percipi à nobis potest, nec in naturalibus mutationibus, aut in ipsa rerum creatione eius rei exemplum aliquod habemus. Verum, quid hoc sit, fide

Sacrosanctum Eucharistiæ sacramentū pie credendum, nō curiose scrutandum.

cognoscendum est; quo modo fiat curiosius non inquirendum. Non minorem uero cautionem Pastores adhibeant, oportet, in eo etiam mysterio explicando, quo modo Christi domini corpus uel in minima panis particula totum contineatur: uix enim umquam huiusmodi disputationes instituendæ erūt: sed tamen, quando Christiana charitas hoc postulauerit, primum quidem meminerint, fidelium animos illa uoce pramunire; Non erit impossibile apud Deum omne uerbum. Deinde uero doceant, Christum dominum in hoc sacramento, ut in loco, non esse: etenim locus res ipsas consequitur, ut magnitudine aliquapredita sunt: Christum uero dominum ea ratione in sacramento esse non dicimus, ut magnus, aut paruus est, quod ad quantitatem pertinet, sed ut substantia est. substantia enim panis in Christi substantiam, non in magnitudinem, aut quantitatem, conuertitur. nemo uero dubitat, substantiam æque in paruo atque in magno spatio contineri. nam & aeris substantia, tota quæ eius natura, sic in parua, ut in magna aeris parte, itemquæ tota aquæ natura non minus in urnula, quàm in flumine, insit, necesse est. Cum igitur panis substantiæ, corpus Domini nostri succedat; fateri oportet, ad eundem plane modum in sacramento esse, quo modo panis substantia ante consecrationem. ea uero utrum sub magna, an sub parua quantitate esset, nihil ad rem omnino pertinebat. Tertium restat, quod in hoc sacramento maxi-

imum

num atque admirabile uideatur ; quod quidem ,
iam duobus alijs explicatis , facilius à Pastoribus
tractari posse , existimandum est ; panis uidelicet
& uini species in hoc sacramento sine aliqua re sub-
iecta constare. Nam cum antea demonstratum sit,
corpus Domini & sanguinem uere in sacramento
esse , ita ut nulla amplius subsit panis , & uini
substantia , quoniam ea accidentia Christi corpo-
ri , & sanguini inherere non possunt ; relinquitur ,
ut supra omnem naturæ ordinem , ipsa se , nulla alia
re nisa , sustentent , hæc perpetua , & constans fuit
catholicæ Ecclesiæ doctrina ; quæ etiam facile eo-
rum testimoniorum auctoritate confirmari poterit ,
quibus antea planum factum est , nullam reside-
re in Eucharistia panis , aut uini substantiam .

Sed nihil magis fidelium pietati conuenit , quàm ,
omissis subtilioribus questionibus , huius admirabi-
lis sacramenti maiestatem uenerari , & colere ; ac
deinde in eo summam Dei prouidentiam suscipere ,
quod sacrosancta mysteria sub panis , & uini specie
administranda instituerit . nam cum à communi ho-
minum natura maxime abhorreat , humanæ car-
nis esca , aut sanguinis potione uesti ; sapientissime
fecit , ut sanctissimum corpus & sanguis sub earum
rerum specie , panis , inquam , & uini , nobis admi-
nistraretur , quorum quotidiano , & communi ali-
mento maxime delectamur . Adiunctæ uero etiam
sunt duæ illæ utilitates , quarum prima est , quòd
ab infidelium calumnia liberati sumus , quas facile
effugere

effugere non possemus, si Dominum sub propria specie comedere uideremur: altera est, quod, dum corpus, & sanguinem Domini ita sumimus, ut tamen, quo uere sit, sensibus percipi non possit, hoc ad fidem in animis nostris augendam plurimum ualet; quæ fidem, ut sancti Gregorij sententia peruulgatum est, ibi non habet meritum, ubi humana ratio præbet experimentum. Hæc autem, quæ hæcenus exposita sunt, non nisi magna adhibita cautione, pro audientium captu, & temporum necessitate explicanda erunt.

S. Gregorius Pontifex.

De multipli-
ci & admirabili fructu
tanti sacramenti.

Verum, quæ de huius admirabili sacramenti uirtute, & fructibus dici possint, nullum esse genus fidelium existimandum est, ad quos earum rerum cognitio non pertineat, quibus maxime necessaria uideri non debeat. Ut enim Eucharistiæ utilitatem fideles intelligant, ob eam potissimum causam, quæ de hoc sacramento tam multis uerbis disseruntur, cognoscenda sunt. Sed quoniam immensa eius utilitates, & fructus nulla oratione explicari possunt, unus, aut alter locus à pastoribus tractandus erit, ut ostendant, quanta in sacrosanctis illis mysterijs bonorum omnium copia, & affluentia inclusa sit, hoc uero aliqua ex parte ita assequetur, si, omnium sacramentorum ui, atque natura patefacta, Eucharistiæ fonti, cetera riuulis comparauerint. uere enim ac necessario fons omnium gratiarum dicenda est, cum fontem ipsum celestium charismatum, & donorum, omniumq; sacramentorum

aucto-

auctorem Christum dominum admirabili modo in se contineat: à quo tamquam à fonte ad alia sacramenta, quidquid boni, & perfectionis habent, derivatur. Ex hoc igitur diuinæ gratiæ amplissima munera, quæ nobis hoc sacramento impertuntur, facile colligi poterunt. Commode etiam fieri uidebitur, si panis, & uini natura, quæ huius sacramenti symbola sunt, perpendatur. nam quos usus corpori panis, & uinum affert, eos omnes animæ salutis, & iucunditati, ac meliori quidem ac perfectiori ratione, Eucharistiæ sacramentum præbet. Neque enim hoc sacramentum in substantiam nostram, ut panis, & uinum, mutatur; sed nos quodam modo in eius naturam conuertimur: ut recte illud D. Augustini ad hunc locum transferri possit; Cibus sum grandium: cresce, & manducabis me: nec tu me mutabis in te, sicut cibum carnis tuæ: sed tu mutaberis in me. Quod si gratia, & ueritas per Iesum Christum facta est; in animam quoque influat est necesse, cum eum pure, & sancte accipit, qui de se ipso dixit; Qui manducat meam carnem, & bibit meum sanguinem, in me manet, & ego in illo. Nam qui pietatis, & religionis studio affecti hoc sacramentum sumunt, nemini dubium esse debet, quin ita filium Dei in se admittant, ut eius corpori tamquam uiua membra inferantur: siquidem scriptum est; Qui manducat me, & ipse uiuet propter me. Item: Panis, quem ego dabo,

caro

D. Aug.

Ioan. 1.

Ioan. 6.

Ioan. 6.

caro mea est pro mundi uita. Quem locum Cyril-
lus dum interpretaretur, ait: Dei uerbum uiuens
se ipsum propria carni, fecit ipsam uiuificati-
uam. Eum ergo decebat miro quodam modo uni-
ri corporibus per sacram eius carnem, et pretiosum
sanguinem, quæ accipimus in benedictione uiuifi-
cativa in pane, & uino. Verum, quod dicitur Eu-
charistia gratiam tribui, Pastores admoneant oportet,
ita intelligendum non esse, perinde ac necesse
non sit, ut, qui re ipsa hoc sacramentum utiliter
percepturus est, gratiam antea adeptus fuerit.
Constat enim quemadmodum mortuis corporibus
naturale alimentum nihil prodest, ita etiam ani-
mæ, quæ spiritu non uiuit, sacra mysteria non prodes-
se. ac propterea panis, & uini speciem habent, ut
significetur, nō quidem reuocandæ ad uitam animæ,
sed in uita conseruandæ causa instituta esse.

Verum hoc idem dictum est, quoniam prima etiā
gratia (qua omnes præditos esse oportet, ante quam
sacram Eucharistiam ore contingere audeant, ne
iudicium sibi manducent, & bibant) nemini tri-
buitur, nisi hoc ipsum sacramentum desiderio, &
uoto percipiant. Est enim omnium sacramento-
rum finis, & ecclesiasticæ unitatis, ac coniunctio-
nis symbolum: neque extra Ecclesiam cōsequi gra-
tiam ullus potest: Deinde, quoniam, uti corpus ci-
bo naturali non conseruatur modo, sed etiam auge-
tur, gustusq; nouam quotidie ex eo uoluptatem,
& suauitatem percipit; ita etiam sacræ Eucharistiæ
cibus

Eucharistia
est omnium
sacramento-
rum finis.

cibus non solum animā sustentat, sed vires illi addit, efficitq; ut spiritus diuinarum rerū delectatione magis ac magis commoueatur: ob eam causam fit, ut, gratiam hoc sacramento tribui, recte, & uerissime dicatur. iure enim manna comparari potest, ex Sap. 16. quo omnis saporis suauitas percipiebatur. Remitti uero Eucharistia, & condonari leuiora peccata, quæ uenialia dici solent, non est quod dubitari debeat. Quidquid enim cupiditatis ardore anima amisit, dū leui aliqua in re parum offendit, totum id Eucharistia, eas ipsas minores culpas abstergens, Sap. 16. restituit: quemadmodum etiam (neque enim à proposita similitudine descendendum uidetur) quod innati caloris ui quotidie detrahatur, ac deperit, paulatim addi, & refici naturali alimento sentimus.

Quare merito à D. Ambrosio de hoc caelesti sacramento dictum est: Iste panis quotidianus sumitur in remedium quotidianæ infirmitatis. Verum hæc de ijs peccatis intelligenda sunt, quorum sensu, & delectatione animus non permouetur. Illa præterea in sacris mysterijs uis est, ut nos à criminibus puros, & integros, atque à tentationum impetu in columes seruet, ac tamquam caelesti medicamento animam præparet, ne alicuius mortifera perturbationis ueneno facile infici, ac corrumpi queat. Atque ob eam etiam causam, ut testatur diuus Cyprianus, cum olim à tyrannis fideles ad tormenta, & eadem propter Christiani nominis confessionem uulgo raperentur; ne illi forte dolorum acerbitate S. Cypria uicti

uicti, in salutari certamine deficerent, uetus in Ecclesia catholica mos fuit, ut eis ab Episcopis Domini corporis, & sanguinis sacramenta praberentur. Sed carnis etiam libidinem cohibet, ac reprimat. dum enim charitatis igne animos magis incendit, concupiscentiae ardorem restringat, necesse est. Postremo, ut uno uerbo omnes huius sacramenti utilitates, & beneficia comprehendantur, dicendum est, sacrae Eucharistiae summam uim esse ad aeternam gloriam comparandam. scriptum est enim; Qui manducat meam carnem, & bibit meum sanguinem, habet uitam aeternam: & ego resuscitabo eum in nouissimo die. Huius uidelicet sacramenti gratia fideles, dum hanc uitam degunt, summa conscientiae pace, & tranquillitate perfruuntur; deinde eius uirtute recreati, non secus atque Elias, qui subcinericij panis fortitudine ambulauit usque ad montem Dei Horeb, cum ex uita emigrandi tempus aduenit, ad aeternam gloriam, & beatitudinem ascendant. Haec omnia à Pastoribus latissime explicabuntur, si uel D. Ioannis cap. 6. in quo multiplices huius sacramenti effectus aperiuntur, tractandum sumpserint; uel admiranda Christi domini facta percurrentes, ostenderint, cum eos in re ac merito beatissimos fuisse existimamus, in quorum teſta mortalis receptus est, uel qui illius uellus, aut fimbriae tactu sanitatem recuperarunt, multo nos beatiore, & feliciores esse, in quorum animam immortali gloria praeditus ingredi

non

Ioan. 6.

3. Reg. 19.

non grauetur, ut eius uulnera sanet omnia, eam-
que, amplissimis muneribus ornatam, sibi con-
iungat.

Verum docendum est, à quibus ingentes illi sa-
cræ Eucharistiæ fructus, qui modo commemorati
sunt, percipi possint, neque unam tantum esse com-
municandi rationem, ut fidelis populus discat me-
liora charismata æmulari. Recte igitur, & sapien-
ter maiores nostri, ut in Tridentina Synodo legi-
mus, tres huius sacramenti sumendi rationes distin-
xerunt. Alij enim sacramentum tantum accipiunt,
ut peccatores, qui sacra mysteria impuro ore, &
corde accipere non uerentur; quos Apostolus ait
indigne manducare, & bibere corpus Domini. De
his D. Augustinus ita scribit; Quinon manet in
Christo, & in quo non manet Christus, proculdu-
bio non manducat spiritualiter eius carnem, licet
carnaliter, & uisibiliter premat dentibus sacramen-
ta corporis, & sanguinis. Qui itaque hoc modo af-
fecti sacra mysteria accipiunt, non solum ex his nul-
lum capiunt fructum; sed, ipso Apostolo teste, indi-
cium sibi manducant, & bibunt. Alij uero spirituat-
um modo Eucharistiam sumere dicuntur: ij sunt, qui
desiderio, & uoto propositum caelestem illum panem
comedunt, fide uiua incensi, quæ per dilectionem
operatur: ex quo si non omnes, maximos certe uti-
litatis fructus consequuntur. Alij denique sunt,
qui sacramento, & spiritu sacram Eucharistiam
percipiunt; qui cum ex Apostoli doctrina prius se
proba-

De usu &
modo sumē
di sacramen-
ti: deque
preparatio-
ne cum anī-
mi, tum e-
tiā corpo-
ris.

1. Cor. 11.

D. Augu.

1. Cor. 11.

ad Gal. 5.

1. Cor. 11.

De prepara-
tione ad sa-
cram com-
munionem.

1. Cor. 13.

1. Cor. 13.

1. Cor. 13.

1. Cor. 13.

probauerint, ac ueste nuptiali ornati ad diuinam hanc mensam accesserint, ex Eucharistia capiunt uberrimus illos, quos antea diximus, fructus. Quare perspicuum est, eos se maximis, & celestibus bonis priuare, qui cum ad corporis Domini sacramentum etiam sumendum parati esse possint, satis habent spiritu tantum sacram communionem accipere. Sed iam docendum est, qua ratione praparatos fidelium animos esse oporteat, ante quam ad sacramentalem Eucharistiae perceptionem ueniant. Ac primum quidem ut pateat, eam preparationem maxime necessariam esse, Saluatoris nostri exemplum proponendum est. Nam antequam apostolis pretiosi corporis, & sanguinis sui sacramenta daret, quamuis iam mundi essent, pedes eorum lauit; ut declararet omnem diligentiam adhibendam esse, ne quid nobis ad summam animi integritatem, & innocentiam desit, cum sacra mysteria percepturi sumus. Deinde uero fideles intelligant, quemadmodum, si optime affecto, & preparato animo Eucharistiam aliquisumat, amplissimis celestis gratia muneribus ornatur, ita contra, si imparatus accipiat, non solum nihil commodi, sed maxima etiam incommoda, & detrimenta eum accipere. Optimis enim rebus, & maxime salutaribus hoc proprium est, ut, si in tempore ijs utamur, uehementer prosint; sin alieno tempore adhibeantur, perniciem, & exitium asserant. Quare mirandum non est, ingentia quoque, & praeclarissima Dei dona

dona, cum bene constituto animo accipiuntur, ad
caelestem gloriam consequendam maximo nobis ad
iumento esse; at uero, cum ijs nos ipsos indignos
præbemus, sempiternam mortem asserre. Id uero
arca Domini exemplo comprobatur; arca enim fœ-
deris, qua nihil præstantius Israeliticus populus
habuit, cui etiam per illam maxima, & innume-
rabilia beneficia Dominus tribuerat, à Philistæis 1. Reg. 5.
ablata summam illis pestem, & calamitatem cum
æterno dedecore coniunctam importauit. sic etiam
cibi, qui ore accepti in stomachum bene affectum il-
labuntur, corpora alunt, & sustentant, qui uero
in stomachum uitiosis humoribus plenum infundi
solent, graues morbos efficiunt. Primam itaque il-
lam præparationem fideles adhibeant, ut discernant
inensam à mensa, hanc sacram ab alijs profanis, cæ-
lestem hunc panem à communi. atque hoc fit, cum
certo credimus præsens esse uerum corpus, & san-
guinem Domini, quem in cælo Angeli adorant, ad 1ob. 26.
cuius nutum columna cæli contremiscunt, & pa-
uent, cuius gloria plenum est cælum, & terra.
Hoc nimirum est diiudicare corpus Domini, ut nos
Apostolus admonuit: cuius tamen mysterij ma- 1. Cor. 11.
gnitudinem uenerari potius oportet, quam in dispu-
tationibus eius ueritatem curiosius perquirere. Al-
tera uero illa præparatio maxime necessaria est, ut
unusquisque à seipso querat, num pacem cum alijs
habeat, num proximos uere atque ex animo dili- Matth. 5.
gat. Si ergo offers munus tuum ad altare, & ibi

274 C A P I T U L U M V S
recordatus fueris quia frater tuus habet aliquid ad
uersum te, relinque ibi munus tuum ante altare,
& uade prius reconciliari fratri tuo, & tunc ue-
niens offeres munus tuum. Deinde conscientiam no-
stram scrutari diligenter debemus, ne forte exitiali
aliquo peccato contaminati simus, cuius pœnitere
necesse sit; ut prius contritionis & confessionis me-
dicamento illud eluatur. Definitum est enim à san-
c[t]a Tridentina Synodo, nemini licere, quem mor-
talis peccati conscientia stimulet, si sacerdotis facul-
tas data sit, antequam se sacramentali confessione
purgarit, quantumuis sibi contritus esse uideatur,
sacram Eucharistiam accipere. Præterea, taciti-
cum animis nostris cogitemus, quàm indigni simus,
quibus diuinum hoc beneficium à Domino tribua-
tur: quare illud centurionis, de quo idem ipse Sal-
uator testatus est, se non inuenisse tantam fidem in
Israel, ex animo dicendum est: Domine, non sum
dignus, ut intres sub tectum meum. Exquiramus
etiam à nobis ipsis, an illud Petri usurpare nobis li-
ceat: Domine tu scis, quia amo te. Meminisse enim
oportet eum, qui sine ueste nuptiali in Domini con-
uiuio accubuerat, in tenebrosam carcerem conie-
ctum, sempiternis pœnis addictum fuisse. Neque
uero animi solum, sed etiam corporis prapARATIONE
opus est. nam ieiuni ad sacram mensam accedere de-
bemus, ita ut saltem à dimidia antecedentis diei no-
ctæ usque ad illud temporis punctum, quo Eucha-
ristiam accipimus, nihil omnino comederimus, aut
biberi-

Trid. Syn.

Matth. 9.

Ioan. 21.

Nota.

biberimus. Postulat etiam tanti sacramenti dignitas, ut, qui matrimonio iuncti sunt, aliquot dies à concubitu uxorum abstineant, Davidis exemplo admoniti, qui cum panes propositionis à sacerdote accepturus esset, purum se, et pueros suos ab uxorum consuetudine tres ipsos dies esse professus est. Hac fere sunt, quæ maxime obseruari à fidelibus oportet, ut se ad sacra mysteria utiliter accipiendâ antea parent. reliqua enim, quæ hac in re providenda esse uideantur, ad hæc ipsa capita facile redigi poterunt.

Sed ne forte aliqui segniores ad hoc sacramentum percipiendum reddantur, quod tantam præparationem adhibere graue admodum, & difficile ducant; fideles sæpe admonendi sunt, omnibus eam legem propositam esse, ut sacram Eucharistiam accipiant. Præterea constitutum est ab Ecclesia, ut, qui semel saltem singulis annis in Pascha non communicauerit, ab Ecclesia arceatur. Neque tamen fideles hoc satis habeant, se, huius decreti auctoritati obtemperantes, semel tantummodo corpus Domini quotannis accipere; uerum sæpius iterandam Eucharistiæ communionem existiment. Utrum autem singulis mensibus, uel hebdomadis, uel diebus id magis expediat, certâ omnibus regula præscribi non potest. ueruntamen illa est sancti Augustini norma certissima; Sic uide, ut quotidie possis sumere. Quare Parochi partes erunt, fideles crebro adhortari, ut, quemadmodum corpori in singulos dies alimentum

Eucharistiæ
sacramentum
quâdo quô-
ties, & à qui-
bus sumen-
dum.
Conc. Lat.

D. Augusti-
nus.

Exod. 16.

D. Augu.

Act. 2.

S. Anacle-
tus, Papa.

subministrare necessarium putant : ita etiam quoti-
die hoc sacramento alenda, & nutrienda anima cu-
ram non abijciant . neque enim minus spiritali ci-
bo animam , quam naturali corpus, indigere perspi-
cium est. Vehementer autē proderit hoc loco repe-
re maxima illa, & diuina beneficia , quæ , ut antea
demonstratum est, ex Eucharistiæ sacramentali cō-
munionem consequimur. Illa etiam figura erit adden-
da, cum singulis diebus corporis vires manna refi-
cere oportebat ; itemq; sanctorum Patrum aucto-
ritates , quæ frequentem huius sacramenti perce-
ptionem magnopere commendant . neque enim
unius sancti patris Augustini ea fuit sententia :
Quotidie peccas , quotidie sume : sed si quis dili-
genter attenderit, eundem omnium Patrum , qui
de hac re scripserunt , sensum fuisse , facile compe-
riet . Ac tempus quidem olim fuisse , cum fideles
quotidie Eucharistiam acciperent, ex Apostolorum
Actis intelligemus . omnes enim, qui tunc Christia-
nam fidem profitebantur , uera & sincera charitate
ita ardebant , ut cum sine intermissione orationibus,
& alijs pietatis officijs operam darent , quotidie ad
sacra Dominici corporis mysteria sumenda para-
ti inuenirentur . Eam postea consuetudinem , quæ
intermitti uidebatur , Anacletus , sanctissimus
martyr , & Pontifex , aliqua ex parte renouauit :
præcepit enim , ut ministri , qui Missæ sacrificio in-
teressent , communicarent ; quod ab Apostolis con-
stitutum esse affirmaret . Diu etiam in Ecclesia ille

mos

mos fuit, ut sacerdos, peracto sacrificio, cum Eucharistiam sumpsisset, ad populum, qui aderat, conuersus, his uerbis ad sacram mensam fideles inuitaret; *Venite fratres ad communionem.* Tunc qui parati erant, summa cum religione sacrosancta mysteria sumebant. Sed cum deinde charitas, & pietatis studium adeo refrixisset, ut raro admodum ad communionem fideles accederent; sancitum est à Fabiano Pontifice, ut ter quotannis, Natali Domini, & Resurrectione, & Pentecoste omnes Eucharistiam sumerent: id quod postea à multis Concilijs, præsertim uero ab Agathensi primo confirmatum est. Ad extremum, cum eo res adducta esset, ut non modo sancta illa, & salutaris præceptio non seruatur, sed in plures etiam annos sacræ Eucharistiæ communicatio differretur: decretum est in Lateranensi Concilio, ut semel ad minus singulis annis in Pascha fideles omnes sacrum Domini corpus acciperent: qui uero id facere neglexissent, Ecclesiæ aditu prohiberentur. Verum quamuis hæc lex Dei, & Ecclesiæ auctoritate sancita, ad omnes fideles pertineat: docendum est tamen eos excipi, qui nondum rationis usum propter ætatis imbecillitatem habent. hi enim neque sacram Eucharistiam à profano, & comuni pane sciunt discernere, neque ad eam accipiendam pietatem animi, & religionem asserre possunt. atque id etiam à Christi domini institutione alienissimum uidetur: ait enim: *Accipite, & comedite.* Infantes autem idoneos non esse, qui

S. Fab. pp.

Agathense
1. Con.S
Conc. Lat.

Matth. 26.

accipiunt, & comedant, satis constat. *Vetus quidem illa fuit in quibusdam locis consuetudo, ut infantibus etiam sacram Eucharistiam praeberent: sed tamen tum ob eas causas, quae ante dicta sunt, tum ob alias, Christianae pietati maxime consentaneas, tamdiu eiusdem Ecclesiae auctoritate id fieri desuit. Qua uero aetate pueris sacra mysteria danda sint, nemo melius constituere poterit, quam pater, & sacerdos, cui illi confitentur peccata. ad illos enim pertinet explorare, & à pueris percunctari, an huius admirabilis sacramenti cognitionem aliquam acceperint, & gustum habeant. Amentibus praeterea, qui tunc à pietatis sensu alieni sunt, sacramenta dare minime oportet: quamuis, si, antequam in insaniam inciderint, piam, & religiosam animi uoluntatem praesetulerunt, licebit eis in fine uitae, ex Concilio Carthaginensis decreto, Eucharistiam administrare; modo uomitionis, uel alterius indignitatis, & incommodi periculum nullum timendum sit.*

Quòd uero ad communicandi ritum pertinet, doceant Parochi, sanctae Ecclesiae lege interdictum esse, ne quis sine ipsius Ecclesiae auctoritate, praeter sacerdotes, corpus Domini in sacrificio conficientes, sub utraq; specie sacram Eucharistiam sumat. nam ut à Tridentina Synodo explicatum est, quamuis Christus dominus in ultima cena altissimum hoc sacramentum in panis, & uini speciebus instituerit, & apostolis tradiderit: ex eo tamen non efficitur, hanc legem à Domino saluatore constitutam esse,

ut

ut omnibus fidelibus sacra mysteria sub utraq; specie administranda sint. Etenim idem Dominus noster cum de hoc sacramento loqueretur, alterius tantum speciei sapius meminit, ut cum inquit. Si quis Ioan. 6. manducauerit ex hoc pane, uiuet in æternum: & Panis quem ego dabo, caro mea est pro mundi uita: & Qui manducat hunc panem, uiuet in æternum. Multis uero, & ijs quidem grauissimis rationibus adductam esse Ecclesiam patet, ut hanc potissimum sub altera specie communicandi consuetudinem non solum approbaret, sed etiam decreti auctoritate firmaret. Primum enim maxime cauendum erat, ne sanguis Domini in terram funderetur: qui quidem facile uitari posse non uidebatur, si in magna populi multitudine eum ministrare oportuisset. Præterea, cum sacra Eucharistia agrotis præsto esse debeat magnopere timendum erat, ne, si diutius uini species asseruaretur, coalesceret. Per multi præterea sunt, qui uini saporem, ac ne odorem quidem perferre ullo modo possint. Quare ne, quod spiritualis salutis causa dandum est, corporis ualitudini noceret, prudentissime sancitum est ab Ecclesia, ut panis tantummodo speciem fideles acciperent. Accedit ad alias rationes, quod in pluribus prouincijs summa uini penuria laboratur: neque id aliunde, sine maximis impensis, ac non nisi longissimis, & difficillimis itineribus, conuehi potest. Deinde, quod maxime omnium ad rem pertinet, conuellenda erat eorum hæresis, qui

negabant sub utraque specie totum Christum esse, sed corpus tantum ex angue sub panis, sanguinem autem sub uini specie contineri asseriebant. Ut igitur fidei catholica ueritas magis ante omnium oculos poneretur, sapientissimo consilio alterius speciei, hoc est panis communio inducta est. Sunt & aliæ rationes, ab ijs collectæ, qui de hoc argumento differunt; quæ, si opus esse uidebitur, à Parochis asseri poterunt. Iam de ministro, quamuis id à nemine fere ignorari possit, agendum est; ne quid prætermisum sit, quod ad huius sacramenti doctrinam pertinere uideatur. itaque tradendum est, solis sacerdotibus potestatem datam esse, ut sacram Eucharistiam conficiant, ac fidelibus distribuant. Eum autem morem in Ecclesia semper seruatum esse, ut fidelis populus à sacerdotibus sacramenta acciperet, sacerdotes autem sacra facientes ipse se communicarent, sancta Tridentina Synodus explicauit; ostenditque hanc consuetudinem, tanquam ab apostolica traditione profectam, religiose retinendam esse; cum præsertim huius rei illustre nobis exemplum Christus dominus reliquerit, qui & sanctissimum corpus suum consecrauit, & apostolis suis manibus porrexit. Verum, ut quacumque ratione tanti sacramenti dignitati consuleretur, non modo eius administrandi potestas solis sacerdotibus data est, sed lege etiã Ecclesia uetuit, ne quis, nisi consecratus esset, sacra uasa, lintea, & alia instrumenta, quæ ad illius cōfectionē necessaria sunt, tractare, aut tangere

Trid. Syn.

Matth. 26.
Mar. 14.

tangere auderet; modo grauis aliqua necessitas non incideret. Ex quo tum sacerdotes ipsi, tum reliqui fideles intelligere possunt, quanta religione, & sanctitate præditos esse oporteat, qui ad Eucharistiam uel consecrandam, uel administrandam, uel sumendam accedunt. Quamquam, quod antea de ceteris sacramentis dictum est, ea non minus per improbos administrari, si, quæ ad illorum perfectam rationem attinent, rite seruentur; idem ualet in Eucharistiæ sacramento. neque enim hæc omnia ministrorum merito niti, sed Christi domini uirtute, & potestate geri credendum est. Hæc sunt, quæ de Eucharistia, ut sacramentum est, explicanda erunt.

Nunc, quod restat dicendum, ut sacrificium est, explanare oportet; ut intelligant Parochi, quæ potissimum de hoc mysterio, quemadmodum sancta Synodus decreuit, Dominicis & festis diebus fidei populo tradere debeant. Etenim hoc sacramentum non solum thesaurus est celestium diuitiarum; quo si bene utamur, Dei gratiam nobis conciliamus, & amorem: sed in eo præcipua quadam ratio inest, quæ ei pro immensis in nos collatis beneficijs aliquam gratiam referre possimus. At uero hæc uictima si rite, & legitime immoletur, quàm grata, & accepta Deo sit, ex hoc colligitur. Si enim ueteris legis sacrificia, de quibus scriptum est; Sacrificium, & oblationem noluisti: & iterum; Si uoluisses, sacrificium dedissem: utique holocaustis non delectaberis: ita placuerunt Domino, ut scriptura Deum

Trid. Syn.

Psal. 39.
Psal. 50.

odora-

Matt. 3. 17.

odoratum esse odorem suauitatis, idest grata ei et accepta fuisse, testetur: quid nobis sperandum de eo sacrificio, in quo ille ipse immolatur, atque offertur, de quo celestis uox bis audita est; Hic est filius meus dilectus, in quo mihi bene complacui? Hoc igitur mysterium Parochi diligenter exponent; ut, cum fideles ad rem diuinam conuenerint, attente, & religiose sacra illa, in quibus intersunt, meditari discant. In primis autem docebunt, Eucharistiam duabus de causis à Christo domino institutam esse. altera est, ut celeste animæ nostræ alimētum esset, quo uitam spiritualem tueri, & conseruare possēmus: altera, ut Ecclesia perpetuum sacrificium haberet, quo peccata nostra expiarentur, & celestis pater, sceleribus nostris sæpe grauitè offensus, ab ira ad misericordiā, à iustā animaduersionis seueritate ad clementiam traduceretur. Huius rei figuram, & similitudinem in agno Paschali licet animaduvertere, qui ut sacrificium & sacramentum à filiis Israel offerri, & comedi consueuerat. Nec uero, cum Saluator noster Deo patri se ipsum in ara crucis oblaturus esset, ullam suæ erga nos immensæ charitatis illustriorem significationem dare potuit, quàm cum nobis uisibile sacrificium reliquit, quo cruentum illud, semel in cruce paulo post immolandum, instauraretur, eiusque memoria usque in finem sæculi quotidie summa cū utilitate ab Ecclesia per uniuersum orbem diffusa coleretur. Differunt autem plurimum inter se hæc duæ rationes. sacramentum

mentum enim consecratione perficitur: omnis uero sacrificij uis in eo est, ut offeratur. Quare sacra Eucharistia, dum in pyxide continetur, uel ad agrotum desertur, sacramenti, non sacrificij rationem habet: deinde etiam, ut sacramentum est, ijs, qui diuinam hostiam sumunt, meriti causam affert, & omnes illas utilitates, quæ supra commemoratæ sunt: ut autem sacrificium est, non merendi solum, sed satisfaciendi quoque efficientiam continet. nam ut Christus dominus in passione sua pro nobis meruit, ac satisfecit: sic qui hoc sacrificium offerunt, quo nobiscum communicant, Dominicæ passionis fructus merentur, ac satisfaciunt. Iam, de huius sacrificij institutione nullum ambigendi locum sancta Tridēna Synodus reliquit: declarauit enim, in extrema cena à Christo domino institutum esse, simulque anathemate eos damnauit, qui asserant, uerum & proprium sacrificium Deo non offerri, aut, offerre, nihil aliud esse, quam Christum ad manducandum dari. Nec uero illud prætermisit, quin diligenter explicaret, uni Deo sacrificium fieri. nam etsi Ecclesia interdum Missas in memoriam, & honorem sanctorum celebrare consueuit; non tamen illis sacrificium, sed uni Deo, qui sanctos immortalī gloria coronauit, offerri docuit. Quare nec sacerdos umquam dicere solet; Offero tibi sacrificium, Petre, uel Paule; sed, dum uni Deo immolat, gratias illi agit pro beatissimorum martyrum insigni uictoria; eorumque

patro-

Trid. Syn.

P

patrocinium ita implorat, ut ipsi pro nobis intercedere dignentur in cælis, quorum memoriam facimus in terris. Hæc autem, quæ de huius sacrificij ueritate à catholica Ecclesia tradita sunt, ex Domini uerbis accepit; cum extrema illa nocte hæc ipsa sacra mysteria apostolis commendans, Hoc facite, inquit, in meam commemorationem. Eos enim, quemadmodum à sancta Synodo definitum est; tunc sacerdotes instituit, præcepit quæ, ut ipsi, & qui eis in sacerdotali munere successuri essent, corpus eius immolarent, & offerrent. atque id etiam Apostoli uerba ad Corinthios scripta satis demonstrant, cum ait: Non potestis calicem Domini bibere, & calicem demoniorum: non potestis mensæ Domini participes esse & mensæ demoniorum. Ut enim pro demoniorum mensæ altare, in quo eis immolabatur, intelligendum est: ita etiam (ut, quod Apostolus proponit, probabili argumentatione concludatur (mensa domini nihil aliud, nisi altare, in quo sacrificium Domino fiebat, significare potest.

Luc. 26.

1. Cor. 11.

Con. Tri.

1. Cor. 10.

arg. 2. 1. 1.

Eucharistia
sacrificium
figuris &
prophetijs
ueteris testa-
menti præ-
dictum.
Malach. 1.

Quod si ex ueteri testamento huius sacrificij figuras, & oracula requiramus: primum quidem de eo Malachias apertissime uaticinatus est; his uerbis: Ab ortu solis usque ad occasum magnum est nomen meum in gentibus; & in omni loco sacrificatur; & offertur nomini meo oblatio munda: quia magnum est nomen meum in gentibus, dicit Dominus exercituum. Præterea; hæc hostia tã ante, quã post latam legem, uarijs sacrificiorum generibus

prænum-

prænuntiata est, Etenim bona omnia, quæ ijs sacri-
 ficijs significabantur, hæc una uictima, tamquam
 omnium perfectio, & absolutio, complexa est. Ve-
 rumtamen nulla in re eius imaginem magis expres-
 sam licet uidere, quàm in Melchisedec sacrificio. ip-
 se enim Saluator sacerdotem secundum ordinẽ Mel- Hebr. 7.
 chisedec. se in æternum constitutũ declarans, corpus
 & sanguinem suum in extrema cena sub speciebus
 panis, & uini Deo patri obtulit. Unum itaq; & idẽ
 sacrificiũ esse fatemur, et haberi debet, quod in Mis-
 sa peragitur, & quod in cruce oblatũ est: quemad-
 modum una est & eadem hostia Christus, uidelicet.
 dominus noster, qui seipsum in ara crucis semel tan-
 tummodo cruentum immolauit. neque enim cruẽta,
 & incruenta hostia, duæ sunt hostiæ, sed una tan-
 tum; cuius sacrificium, postquam Dominus ita præ-
 cepit; Hoc facite in meam commemorationem; in. Luc. 22. 17
 Eucharistia quotidie instauratur. Sed unus etiam, 1. Cor. 11
 atque idem sacerdos est Christus dominus. nam mi-
 nistri, qui sacrificium faciunt, non suam, sed Chri-
 sti personam suscipiunt, cum eius corpus & sangui-
 nem conficiunt. id quod & ipsius consecrationis uer-
 bis ostenditur. neque enim sacerdos inquit; Hoc est
 corpus Christi; sed, Hoc est corpus meum: personam
 uidelicet Christi domini gerens, panis, & uini
 substantiam, in ueram eius corporis, & sangui-
 nis substantiam conuertit. Quæ cum ita sint;
 sine ulla dubitatione docendum est, id quod etiam,
 sancta Synodus explicauit, sacrosanctum Missæ
 sacri-

sacrificium esse non solum laudis, & gratiarum actionis, aut nudam commemorationem sacrificij, quod in cruce factum est, sed uere etiam propitiatorium sacrificium, quo Deus nobis placatus, & propitius redditur. Quare si puro corde, & accensa fide, & intimo nostrorum scelerum dolore affecti hanc sanctissimam hostiam immolemus, & offeramus; dubitandum non est, quin misericordiam à Domino consecuturi simus, & gratiarum ita auxilio opportuno. huius enim uictimæ odore in deletatur Dominus, ut gratiæ, & pœnitentiæ donum nobis impertiens peccata condonet. Quamobrem & sollemnis est illa Ecclesiæ precatio; Quoties huius hostiæ commemoratio celebratur, toties opus nostræ salutis exercetur: nimirum uberrimè illi cruentæ hostiæ fructus per hoc incruentum sacrificium ad nos manât. Deinde uero huius sacrificij eam uim esse, Parochi docebunt, ut non solum immolanti, & sumentî profit, sed omnibus etiam fidelibus, siue illi nobiscum in terris uiuant, siue, iam in Domino mortui, nondum plane expiati sint. Neque enim minus ex Apostolorum certissima traditione pro his utiliter offertur, quàm pro uiuorum peccatis, pœnis, satisfactionibus, ac quibusuis calamitatibus, & angustijs. Ex quo facile perspicitur, omnes Missas cômunes censendas esse, ut quæ ad cômunem omnium fidelium utilitatem, & salutem pertineant. Habet autem hoc sacrificiû multos, eosq; maxime insignes, ac sollemnes ritus, quorum nullus superuacaneus, aut

inanis

Ad Heb. 4.

Tri. Syn.

inanis existimandus est; uerum omnes eo spectant, ut
& tanti sacrificij maiestas magis eluceat, & saluta-
ribus mysterijs intuentis ad rerum diuinarum, quæ
in eo sacrificio occulta sunt, cōtēplationem fideles ex-
citantur. Sed de his nihil est ut plura dicamus, tum
quia hoc argumentum longiorem explicationem po-
stulare uidetur, quàm propositæ institutioni conue-
niat; tum quia innumerabiles pene libellos, & com-
mentarios, qui de hac re à pijs & doctissimis uiris
conscripti sunt, sacerdotes in promptu habebunt. Ha-
tēnus igitur satis fuerit, earum rerum, quæ ad Eu-
charistiam, tum quia sacramentum, tum quia sacri-
ficium sit, pertinent, potiora capita, inuante Domi-
no, exposuisse.

DE POENITENTIAE SACRAMENTO.

QUEMADMODUM humane naturæ fragilitas,
& imbecillitas omnibus nota est, eamq. in se ip-
so quisque facile experitur: ita, quantam habeat
necessitatem pœnitentiæ sacramentum, ignorare ne-
mo potest. Quòd si diligentiam, quæ à Parochis in
unoquoq. argumento adhibenda est, ex rei, quæ tra-
ctant, magnitudine, & pondere metiri oportet; om-
nino fatēbimur, eos nūquam in huius loci explicatio-
ne adeo diligentes futuros esse, ut satis uideri possit.
quin etiam de hoc sacramēto, quàm de Baptismo, eo
accuratius agendū est, quòd baptismus semel tātum
administratur, nec iterari potest; pœnitentiæ uero to-
ties locus datur, eiusque repetenda toties necessitas
imposita est, quoties post baptismū peccare cōtingat.

ita

Syn. Trid.

S. Hier.

ita enim à Tridentina Synodo dictum est, sacramentum pœnitentiæ non secus lapsis post baptismum, ac baptismum nondum regeneratis, ad salutem necessarium esse: uulgataq; illa sancti Hieronymi sententia ab omnibus, qui deinceps res sacras tradiderunt, magnopere comprobatur, pœnitentiam esse secundam tabulam. Ut enim, confracta naui, unum uita seruandæ perfugium reliquum est, si forte tabulam aliquam de naufragio liceat arripere: ita, post amissam baptismi innocentiam, nisi quis ad pœnitentiæ tabulam confugiat, sine dubio de eius salute desperandum est. Hæc autem non ad Pastores solum, sed ad reliquos etiam fideles excitandos dicta sint; ne forte in eis rei maxime necessaria incuria reprehendatur. Primum enim communis fragilitatis memores omni studio optare debent, ut diuina ope adiuti, sine casu, aut prolapsione aliqua in uia Domini progredi possint. quod si nonnumquam offenderint, tunc uero summam Dei benignitatem intuentes, qui tamquam bonus Pastor ouium suarum uulnera obligare, eisq; mederi solet, hoc saluberrimum pœnitentiæ medicamentum numquam in aliud tempus differendum esse cogitabunt.

De propria
pœnitentiæ
significatio-
ne.

Ut autem rem ipsam aggrediamur, prius explicanda est uaria huius nominis potestas, & notio: ne aliquis ambiguitate uocis in errorem inducatur. Nonnulli enim pœnitentiam pro satisfactione accipiunt: Alij, à catholice fidei doctrina longissime remoti, cum arbitrentur pœnitentiam nullam temporis
prate-

præteritirationem habere, nihil aliud, quàm nouam uitam, esse definiunt. Docendum est igitur, multiplicem, esse huius nominis significationem. Primum enim pænitentia de ijs dicitur, quibus aliquid displicet, quod ante placuerit, nulla habita ratione huius cogitationis, bonum ne an malum fuerit. Sic enim pænitet, quorum tristitia secundum sæculum est, non secundum Deum, cuiusmodi pænitentia non salutem affert, sed mortem. Altera est pænitentia, cum quis ex scelere admissio, quod quidem antea placebat, dolorem non Dei, sed sui ipsius causa concipit. Tertia est, cum non solum admissi sceleris causa intimo animi sensu dolemus, uel eius doloris externum etiam aliquod signum damus, uerum unius Dei causa in eo marorem sumus. Ac singulis quidem pænitentia generibus, quæ commemorata sunt, pænitentia uox proprie conuenit. nam cum in sacris litteris Deum pænitere legimus, id per translationem dici perspicuum est. eo enim loquendi genere quod ad hominum mores accommodatum est, sacræ litteræ utuntur, cum Deum mutare aliquid constituisse declarant: quod non aliter facere uideatur, quàm homines: quos si alicuius rei pæniteat, eam commutare omni studio laborant. Sic ergo scriptum est, pænituisset eum, quod hominem fecisset: & alio loco, quod Saul regem constituisset. Verum inter has pænitentia significationes magnum discrimen obseruare oportet: Prima enim in uitio ponenda est: altera est quedam commoti, & perturbati

2. Cor. 7.

Gen. 6.

1. Reg. 15.

Psal. 105.

Hierem. 26.

Gen. 6.

1. Reg. 15.

T animi

animi affectio : tertiam tum ad uirtutem pertinere ,
tum sacramentum esse dicimus . quæ significatio hu-
ius loci propria est . ac primum quidem de ipsa , ut
uirtutis parte , agendum est , non solum , quia fide-
lis populus ad omne uirtutis genus institui à Pasto-
ribus debet ; sed etiam , quia huius uirtutis actio-
nes tamquam materiam præbent , in qua pæniten-
tiæ sacramentum uersatur ; ac nisi prius , quæ sit
pænitentia uirtus , recte intelligitur , sacramenti
etiam uim ignorari necesse est . Quare in primis mo-
nendi , hortandique sunt fideles , ut omne contentio-
ne , & studio in intima animi pænitentia , quam uir-
tutem dicimus , elaborent ; sine qua ea , quæ extrin-
secus adhibetur , parum admodum profutura est .
Intima autem pænitentia est illa , cum ad Deum nos
ex animo conuertimus , & commissa à nobis scele-
ra detestamur , & odio habemus : simulque illud na-
bis certum , & deliberatum est , malam uitæ con-
suetudinem , corruptosque mores emendare , non si-
ne spe ueniæ à Dei misericordia consequendæ . Hanc
uero dolor , & tristitia , quæ perturbatio , & affe-
ctio est , & passio à multis uocatur , consequitur ,
ueluti comes peccatorum , detestationi adiuncta .
quamobrem apud complures ex sanctis Patribus
pænitentia definitio huiusmodi animi cruciatu de-
claratur . Verum in eo , quem pænitet , fideles pæ-
nitentiam antecedit , necesse est . neque enim potest
quisquam se ad Deum conuertere , qui fide careat .
ex quo fit , ut nullo modo pænitentia pars recte dici
possit .

possit. Quòd autem intima hæc pœnitentia, ut antea diximus, ad uirtutem pertineat, aperte ostendunt multa, quæ de pœnitentia tradita sunt, præcepta. Lex enim de ijs tantum actionibus, quæ suscipiuntur cum uirtute, præcipit. Negare præterea nemo potest, quin dolere, quando, quomodo, & quatenus oportet, uirtutis sit. hoc autem ut recte fiat, pœnitentiæ uirtus præstat. Interdum enim euenit, ut ex admissis sceleribus minorem, quam par est, dolorem homines capiant. quin etiam, ut à Salomone scriptum est, nonnulli sunt, qui, cum male fecerint, latantur. rursus uero alij ita se mœrori animi, & ægritudini dedunt, ut de salute etiam prorsus desperent: qualis fortasse Caim uideri potest, qui ait; Maior est iniquitas mea, quam ut ueniam merear: & qualis certe Iudas fuit, qui pœnitentia ductus, suspendio uitam, & animam amisit. Ut igitur modum in dolore tenere possimus, pœnitentiæ uirtute adiuuamur. Sed idem etiam ex ijs rebus colligi potest, quas sibi tamquam finem proponit is, quem uere peccati pœnitet. Primum autem hoc ei propositum est, ut peccatū aboleat, omnemq; animæ culpam, & maculam abstergat. Alterum est, ut pro sceleribus admissis Deo satisfaciat: quod quidem ad iustitiam referri perspicuum est. nam etsi inter Deum & homines propria iustitiæ ratio intercedere non potest, cum tam longo interuallo inter se distent: aliquam tamen esse iustitiam constat, cuiusmodi est inter patrem, & filios, inter dominum

Prou. 3.

Gen. 4.

Matth. 27.

& seruos. Tertium est, ut homo in Dei gratiam redeat, in cuius offensionem, & odium propter peccati scditatem incurrit. Hæc uero omnia satis declarant, pœnitentiam ad uirtutem spectare.

Quibus uis
ad uirtutem
Pœnitentiæ
peruenia-
tur.
Hier.ca.5.

Sed docendum est etiam, quibus gradibus ad hanc diuinam uirtutem liceat ascendere. Primum itaque Dei misericordia nos præuenit, cordaque nostra ad se conuertit. Quod cum precaretur Propheta, Conuerte, inquit, nos Domine ad te, & conuertemur. Deinde hoc lumine illustrati, per fidem ad Deum animo tendimus. Credere enim oportet accedentem ad Deum, ut Apostolus testatur,

Heb.11.

quia est, & inquirentibus se remunerator sit. Præterea motus timoris consequitur; & suppliciorum acerbitate proposita, animus à peccatis reuocatur.

Isa.36.

atque huc uidentur spectare illa Isaiæ uerba; Sicut quæ concipit, cum appropinquauerit ad partum, dolens clamat in doloribus suis; sic facti sumus. Huc deinde accedit spes impetrandæ à Deo misericordiæ; qua erecti uitam & mores emendare constituimus. Postremo charitate corda nostra accenduntur, ex qua liberalis ille timor, probis, & ingenuis filiis dignus, oritur; atque ita unum illud ueriti, ne qua in re Dei maiestatem lædamus, peccandi consuetudinem omnino deserimus. Hisce igitur quasi gradibus ad hanc præstantissimam pœnitentiæ uirtutem peruenitur: quæ prorsus diuina & celestis uirtus existimanda est; cui scilicet regnum cælorum sacra littera pollicentur. nam apud sanctum Matthæum

Matth.4.

scriptum

scriptum est: Pœnitentiam agite: appropinquabit enim regnum calorum. Et apud Ezechielem: Si impius egerit pœnitentiam ab omnibus peccatis suis, quæ operatus est; & custodierit omnia præcepta mea, & fecerit iudicium, & iustitiam; uita uiuet. Ezech. 18.

Tum alio loco: Nolo mortem impij, sed ut conuertatur impius à uia sua, & uiuat. Quod quidē de æterna, & beata uita intelligendum esse, plane constat, Ezech. 33.

De externa uero pœnitentia docēdum est, eam esse, in qua sacramenti ratio consistit habereq; externas quasdam res sensibus subiectas, quibus declarantur ea, quæ interiorius in anima fiunt. In primis autem explanandum fidelibus uidetur, quare factum sit, ut Christus dominus pœnitentiam in numerum sacramentorum referri uoluerit. Huius autem rei illa omnino causa fuit, ut nobis de remissione peccatorum, quam Deus pollicitus est, cum ait; Si impius egerit pœnitentiam, &c. minus dubitare nobis liceret. uehementer enim pendere animo de intima pœnitentia opus esset, cum de suo cuiq; iudicio in ijs, quæ agit merito timendum sit. Ut igitur Dominus huic nostræ sollicitudini subueniret, pœnitentiæ sacramentū instituit, quo per sacerdotis absolutionem peccata nobis remissa esse consideremus, conscientiaq; nostræ ob fidem, quæ sacramentorum uirtuti merito habenda est, pacatiores redderentur. Neque enim aliter accipienda est uox sacerdotis, peccata nobis legitime condonantis, quam Christi domini, qui ait paralytico, Confide Matth. 9.

fili: remittuntur tibi peccata tua. Deinde uero, cum nemo salutem, nisi per Christum, eiusque passionis beneficio, consequi possit; consentaneum, nobisque utilissimum fuit, eiusmodi sacramentum institui, cuius ui, & efficientia Christi sanguis ad nos defluens, peccata post baptismum admissa elueret, atque ita reconciliationis beneficium illi uni Saluatori nostro acceptum referre propteremur.

Pænitentiam esse uere sacramentum, & iterari posse.

Quòd uero pænitentia sacramentum sit, Pastores ita facile ostendent. ut enim baptismus sacramentum est, quia peccata omnia, ac præsertim quod origine contractum fuit, delet: eadem ratione pænitentia, quæ peccata omnia, post baptismum uoluntate, uel actione suscepta, tollit, uere, & proprie sacramentum dicendum est. Deinde, quòd caput est, cum illa, quæ extrinsecus tum à pænitente, tum à sacerdote fiunt, 'declarent ea, quæ interius efficiuntur in anima; quis neget, pænitentiam uera, & propria sacramenti ratione præditam esse? siquidem sacramentum sacræ rei signum est: peccator autem, quem pænitet, rerum, & uerborum notis plane exprimit, se 'animum à peccati turpitudine abduxisse; itemque ex ijs, quæ à sacerdote geruntur, & dicuntur, misericordiam Dei, peccata ipsa remittentis, facile cognoscimus. quamquam hoc aperte indicant illa Saluatoris uerba: Tibi dabo clauēs regni cælorum; & quodcumque solueris super terram, erit solutum & in cælis. Absolutio enim, sacerdotis uerbis enunciata, remissionem illam

illam peccatorum signat, quam in anima efficit. Neque uero solum fideles docendi sunt, pœnitentiâ in numero sacramentorum habendam esse, sed eorû etiam, quæ iterari possunt. Quærenti enim Petro, num septies uenia peccati danda esset, Dominus respondit: Non dico tibi usque septies, sed usque septuagies septies. Quare si cum eiusmodi hominibus agendum sit, qui summæ Dei bonitati, & clementiæ diffidere uideantur, confirmandus erit illorum animus, atque ad spem diuinæ gratiæ erigendus. quòd quidem facile consequentur tum huius loci, & aliorum tractatione, qui in sacris litteris permulti occurrent; tum uero ijs rationibus, & argumentis, quæ ex sanctorum Chrysostomi libro de lapsis, Ambrosii libris de pœnitentia petere licebit. Iam, quoniam nihil fidei populo notius esse debet, quàm huius sacramenti materia; docendum est, in eo maxime hoc sacramentum ab alijs differre, quòd aliorum sacramentorum materia est res aliqua naturalis, uel arte effecta; sacramenti uero pœnitentiæ quasi materia sunt actus pœnitentis, nempe contritio, confessio, & satisfactio, ut à Tridentina Synodo declaratum est: qui quatenus in pœnitente, ad integritatem sacramenti, & plenam, ac perfectam peccatorum remissionem ex Dei institutione requiruntur, hac ratione partes pœnitentiæ dicuntur. Neque uero hi actus, quasi materia à sancta Synodo appellantur, quia ueræ materiæ rationem non habeant, sed quia eius

Math. 18.

S. Chrys.
D. Amb.

Trid. Syn.

generis materia non sint, quæ extrinsecus adhibeatur, ut aqua in baptismo, & chrisma in confirmatione. Quod autem ab alijs dictum est, peccata ipsa huius sacramenti materiam esse; nihil plane diuersum dici uidebitur, si diligenter attendamus. Vt enim ignis materiam ligna esse dicimus, quæ ui ignis consumuntur: ita peccata, quæ pænitentia delentur recte huius sacramenti materia uocari possunt. Sed formæ etiam explicatio Pastoribus prætermittenda non est, quod eius rei cognitio excitet fidelium animos ad percipiendam summa cum religione huius sacramenti gratiam. Est autem forma, Ego te absoluo: quam non solum ex illis uerbis licet colligere, Quæcumque solueritis super terram, erunt soluta & in cælis; sed ex eadem Christi domini doctrina ab Apostolis traditam, accepimus. Ac quoniam sacramenta id significant, quod efficiunt; illa, Ego te absoluo, ostendunt peccatorum remissionem huius sacramenti administratione effici; planum est, hanc esse pænitentiae perfectam formam. sunt enim peccata tamquam uincula, quibus constrictæ animæ tenentur, & ex quibus pænitentia sacramento laxantur. quod quidem non minus uere de illo etiam homine sacerdos pronunciat, qui prius ardentissimæ contritionis ui, accedente tamen confessionis uoto, peccatorum ueniam à Deo consecutus sit. Adduntur præterea complures preces, non quidem ad formam necessariam, sed ut ea remoueantur, quæ sacramenti

uim

Matth. 18.

uim, & efficientiam illius culpa, cui administratur, impedire possent. Quamobrem peccatores Deo ingentes gratias agant, qui tam amplam potestatem in Ecclesia sacerdotibus tribuerit. Neque enim, ut olim in ueteri lege, sacerdotes testimonio suo aliquem à lepra liberatum esse, dumtaxat renunciabant; ita nunc in Ecclesia ea tantum potestas sacerdotibus facta est, ut aliquem peccatis absolutum esse declarent: sed uere tamquam Dei ministri absoluunt; id quod Deus ipse, gratiæ, & iustitiæ auctor, ac parens, efficit. Diligenter uero ritus etiam, qui ad hoc sacramentum adhibentur, fideles obseruabunt, ita enim fiet, ut animo magis hæreant, quæ hoc sacramento consecuti sunt, nimirum se tamquam seruos clementissimo domino, uel filios potius optimo parenti reconciliatos esse: & simul facilius intelligant, quid eos facere oporteat, qui uelint (uelle autem omnes debent) se tanti beneficii gratos, & memores probare. nam quem peccatorum pœnitet, is se humili ac demisso animo ad pedes sacerdotis deijcit; ut, cum se tam humiliter gerat facile possit agnoscere superbiæ radices euellendas esse, à qua omnia scelera, quæ deflet, ortum habuerint, & enata sint. In sacerdote autem, qui in eum legitimus iudex sedet, Christi domini personam & potestatem ueneratur. Sacerdos enim, quemadmodum in alijs, ita in pœnitentiæ sacramento administrando Christi munus exequitur. Deinde peccata sua pœnitens ita enumerat, ut se maxima,

& acerbissima animaduersione dignum esse fateatur; supplexque delictorum ueniam petit quæ sane omnia uetustatis suæ certissima testimonia à sancto Dionysio habent.

S. Dionn.

Quam salu-
tares fru-
ctus ex Pœ-
nitentiæ sa-
cramento
percipian-
tur.

Sed nihil profecto tam proderit fidelibus, nihilque maiorem illis alacritatem pœnitentiæ suscipiendæ afferet, quam si à Parochis sæpe explicatum fuerit, quantam ex ea utilitatem capiamus. uere enim de pœnitentia illud dici posse intelligent, eius quidem radices amaras, fructus uero suauissimos esse. Pœnitentiæ itaque omnis in eo uis est, ut nos in Dei gratiam restituat, cum eoque summa amicitia coniungat. Hanc uero reconciliationem interdum in hominibus pijs, qui hoc sacramentum sanctè, & religiose percipiunt, maxima conscientiæ pax, & tranquillitas, cum summa spiritus iucunditate consequi solet. nullum est enim tam graue, & nefarium scelus, quod pœnitentiæ sacramento non quidem semel, sed iterum, & sæpius non deleatur. Qua de re ita Dominus per Prophetam inquit: Si impius egerit pœnitentiam ab omnibus peccatis suis, quæ operatus est, & custodierit præcepta mea, & fecerit iudicium, & iustitiam; uita uiuet, & non morietur; omnium iniquitatum eius, quas operatus est, non recordabor. Et sanctus Ioannes: Si confiteamur peccata nostra, fidelis est, & iustus, ut remittat nobis peccata nostra. Et paulo post; Si quis peccauerit, inquit, (nullū uidelicet peccati genus excipies,)

Ezec. 18.

1. Ioan. 1.

1. Ioan. 2.

aduo-

aduocatum habemus apud patrem Iesum Christum iustum, & ipse est propitiatio pro peccatis nostris, non pro nostris autem tantum, sed etiam pro totius mundi. Quod autem in scripturis legimus, quosdam à Domino misericordiam non esse consecutos, quàm uis eam uehementer implorauerint; id uero iccirco factum esse intelligimus, quòd eos uere, atque ex animo delictorum non pœnitebāt. Quare cum huiusmodi sententiæ in sacris litteris, uel apud sanctos Patres occurrunt, quibus uidentur affirmare aliqua peccata remitti non posse, ita eas interpretari oportet, ut difficilem admodum esse uenie impetrationem intelligamus. Ut enim morbus aliquis ea re insanabilis dicitur, quòd ægrotus ita effectus sit, ut salutaris medicinæ uim oderit: sic quoddam est peccati genus, quod non remittitur, nec condonatur; propterea quòd proprium salutis remedium, Dei gratiam repellit. In hanc sententiam à diuo Augustino dictum est: Tanta labes est illius peccati, cum post agnitionem Dei per gratiam Christi oppugnat aliquis fraternitatem, & aduersus ipsam gratiam inuidiæ facibus agitur, ut deprecandi humilitatem subire non possit, etiam si peccatum mala conscientia agnoscere, & annunciare cogatur. Sed, ut ad pœnitentiam reuertamur, hæc adeo propria eius uis est, ut peccata deleat, ut sine pœnitentia remissionem peccatorum impetrare, aut ne sperare quidem ullo modo liceat. scriptum est enim: Nisi pœnitentiam habue-

D. August.

Luc. 3.

habueritis, omnes similiter peribitis. Quod quidem de grauioribus, & mortiferis peccatis dictum à Domino est; etsi aliquo etiam pœnitentiæ genere indigent leuiora peccata, quæ uenialia uocantur. Sanctus enim Augustinus inquit: cum quedam sit pœnitentia, quæ quotidie in Ecclesia pro peccatis uenialibus agitur, illa sane frustra esset, si peccata uenialia absque pœnitentia dimitti possent.

D. Augu.

De partibus
pœnitentiæ.

Sed quoniam de ijs rebus, quæ aliquo modo in actionem cadunt, non satis est uniuersè loqui; curabunt Pastores, sigillatim ea tradere, ex quibus ueræ & salutaris Pœnitentiæ ratio à fidelibus percipi queat. Est autem huius sacramenti proprium, ut præter materiam, & formam, quæ omnibus sacramentis communia sunt, partes etiam, ut antea diximus, illas habeat, quæ tamquam totam integramq; pœnitentiam constituent, contritionem scilicet, confessionem, & satisfactionem: de quibus D. Chrysostomus his uerbis loquitur; Pœnitentia cogit peccatorem omnia libenter sufferre, in corde eius contritio, in ore confessio, in opere tota humilitas, nel fructifera satisfactio. Hæ autem partes ex earum partium genere esse dicuntur, quæ ad aliquod totum constituendum necessariae sunt: quoniam, quemadmodum hominis corpus ex pluribus membris constat, manibus, pedibus, oculis, & alijs huiusmodi partibus, quarum aliqua si desit, merito imperfectum uideatur, perfectum uero, si nulla desideretur; eodem etiam modo pœnitentia ex hisce tribus

S. Chryso-
stomus.

tribus partibus ita constituitur, ut quævis, quod ad eius naturam attinet, contritio, & confessio, quibus homo iustus efficitur, satis sit: tamen, nisi tertia etiam pars, idest satisfactio, accedat, aliquid ei omnino ad perfectionem desit, necesse sit. Quare adeo inter se hæ partes connexæ sunt, ut contritio confitendi, & satisfaciendi consilium & propositum inclusum habeat, confessionem contritio, & satisfaciendi uoluntas, satisfactionem uero duæ reliquæ antecedant. Harum autem trium patrum eam rationem asserre possumus, quod animo, uerbis, & re ipsa peccata in Deum committantur. Quare consentaneum fuit, ut nos ipsos Ecclesiæ clamibus subiicientes, quibus rebus Dei sanctissimum nomen à nobis uiolatum esset, iisdem etiam eius iram placare, et peccatorum ueniam ab eo impetrare conaremur. Sed idem etiam alio argumento confirmari potest. Etenim pœnitentia est ueluti quadam delictorum compensatio, ab eius uoluntate profecta, qui deliquit, ac Dei arbitrio, in quem peccatum commissum est, constituta. Quare & uoluntas compensandi requiritur, in quo maxime contritio uersatur, & pœnitens sacerdotis iudicio, qui Dei personam gerit, se subijciat, necesse est; ut pro scelerum magnitudine pœnam constituere in eum possit, ex quo tum confessionis, tum satisfactionis ratio, & necessitas perspicitur. Quoniam uero harum partium uim, & naturam tradere fidelibus oportet; prius incipiendum est à contritione, eaque diligenter expli-

Conc. Flo.?

Conc. Trid.

explicanda. neque enim ad ullum temporis punctū, cum in memoriam præterita peccata redeunt, uel cum aliquid offendimus; contritione animus debet uacare. Hanc patres in Concilio Tridentino ita definiunt: Contritio est animi dolor, ac detestatio de peccato commisso, cum proposito non peccandi de cetero. Et paulo post, de contritionis motu subiicitur: Ita demum præparat ad remissionem peccatorum, si cum fiducia diuinæ misericordiæ, & uoto præstandi reliqua coniunctus sit: quæ ad rite suscipiendum hoc sacramentum requiruntur. Ex hac

.ol. 1. 2.

itaque definitione, intelligēt fideles, contritionis uim in eo tantum positam non esse, ut quis peccare destinat; aut propositum ei sit, nouum uitæ genus instituere, aut ipsum iam instituat; sed in primis male actæ uitæ odium, & expiationem suscipiendam esse. Id uero maxime confirmant illi sanctorum Patrum clamores, quos in sacris litteris frequenter profusos esse legimus. Laboraui, inquit David, in gemitu meo: lauabo per singulas noctes lectum meum. Et: Exaudixit Dominus uocem fletus mei. Et rursus alius: Recogitabo tibi omnes annos meos in amaritudine animæ meæ. Quas certe, & alias huiusmodi uoces uehemens quoddam ante actæ uitæ odium, & peccatorum detestatio expressit.

Psal. 6.

Isa. 38.

Contritio-
nis propria
uis & effica-
cia.

Quod autem contritio dolore definita est, monendi sunt fideles, ne arbitrentur eum dolorem corporis sensu percipi. Contritio enim est, uoluntatis actio. Et sanctus Augustinus testatur, dolorem pæni-

penitentia comitem esse, non penitentiam. Verum peccati detestationem & odium, doloris uocabulo Patres significarunt; tum quia sacrae litterae ita utuntur: ait enim David; Quamdiu ponam consilia in anima mea, dolorem in corde meo per diem? tum quia dolor in inferiori animae parte, quæ uim concupiscendi habet, ex ipsa contritione oritur; ut non incommode contritio dolore definita fuerit, quod dolorem efficiat, ad eumque declarandum penitentes uestem etiam mutare soliti sint, de quo Dominus apud sanctum Matthæum inquit: Væ tibi Corozaim, uæ tibi Bethsaida: quia si in Tyro, & Sidone factæ essent uirtutes, quæ factæ sunt in uobis, olim in cilicio, & cinere penitentiam egissent. Recte autem contritionis nomen peccati detestationi, de qua loquimur, ad significandam uim doloris impositum est, ducta similitudine à rebus corporeis, quæ minutatim saxo, aut duriori aliqua materia confringuntur: ut eo uocabulo declararetur, corda nostra, quæ superbia obdurerunt, penitentiae ui contundi, atque conteri. Quare nullus alius dolor uel ex parentum & filiorum obitu, uel cuiusuis alterius calamitatis causa susceptus, hoc nomine appellatur; sed illius tantum doloris proprium est nomen, quo ex amissa Dei gratia, atque innocentia afficimur. Verum alijs quoque uocabulis eadem res declarari solet. nã & contritio cordis dicitur: quia cordis nomen frequenter sacrae litteræ pro uoluntate usurpant. ut. n. à corde motionum

corpo-

St. 12.3
Psal. 12.

Matth. 12.

St. 12.3

St. 12.3
St. 12.3

S. Chryf.

Ioch. 2.

I. Ioan. 3.

Deut. 6.
Ioch. 2.

eorporis principium sumitur : ita uoluntas reliquas omnes animæ uires moderatur , ac regit . Vocatur etiam à sanctis Patribus cordis compunctio ; qui libros de contritione conscriptos , de cōpunctione cordis inscribere maluerunt . Etenim quemadmodum ferro tumida ulcera secantur , ut inclusum uirus possit erumpere : ita corda , quasi scalpello contritionis adhibito , inciduntur , ut peccati mortiferum uirus queant eijcere . quare & scissio cordis à Ioel propheta appellata est : Conuertimini , inquit , ad me in toto corde uestro , in ieiunio , & in fletu , & in planctu , & scindite corda uestra . Summum uero & maximum dolorem ex peccatis , quæ commissæ sunt , suscipiendum esse , ita ut nullus maior excogitari possit , facile erit hisce rationibus demonstrare . nam cum perfecta contritio sit charitatis actio , quæ ab eo timore , qui filiorum est , proficiscitur ; patet eundem charitatis , & contritionis modum statuendum esse : at quoniam charitas , qua Deum diligimus , perfectissimus est amor , hinc fit , ut contritio uehementissimum animi dolorem coniunctum habeat . ut enim maxime diligendus est Deus : ita , quæ nos à Deo alienant , maxime detestari debemus . In quo etiam illud obseruandum est , eodem loquendi genere , charitatis , & contritionis magnitudinem in sacris litteris significari . De charitate dictum est : Diliges dominum Deum tuum ex toto corde tuo . Rursus , quod ad contritionem pertinet , clamat dominus per Prophetam : Conuertimini in toto

toto corde uestro. Præterea, si, uti Deus summum bonum est inter omnia, quæ diligenda sunt, ita etiã peccatum summum est malum inter omnia, quæ odisse homines debent; illud sequitur, ut quam ob causam Deum summe diligendum esse confitemur, ob eandem rursus peccati summum odium nos capiat necesse sit. Omnibus uero rebus Dei amorem anteponendum esse, ita ut ne uitæ quidem conseruandæ causa peccare liceat, aperte nos docent illa Domini uerba: Qui amat patrem, aut matrem plus quàm me, non est me dignus: & qui uoluerit animam suam saluam facere, perdet eam. Sed illud etiam animaduertendum est, ut, quemadmodum, sancto Bernardo teste, nullus finis, & modus charitati præscribitur; (Modus enim, inquit ille, diligendi Deum, est ipsum diligere sine modo) ita peccati detestationi nullus modus definiatur. Sic præterea non solum maxima, sed uehementissima, atque adeo perfecta, omnemq; ignauiam, & discordiam excludat. Etenim in Deutoronomio scriptum est: Cum quæsieris dominum Deum tuum, inuenies eum, si tamen toto corde quæsieris, & tota tribulatione animæ tuæ. & apud Hieremiam; Quæretis me, & inuenietis, cum quæsceritis me in toto corde uestro, & inueniar à uobis, ait Dominus. Quamquam si id minus consequi nobis liceat, ut perfecta sit; uera tamen & efficax contritio esse potest. sæpe enim usu uenit, ut quæ sensibus subiecta sunt, magis, quàm spiritualia, nos afficiant.

Matth. 10.
Matth. 16.
Mar. 8.

S. Bernar.

Deuter. 4.

Hier. 29.

quare nonnulli interdum maiorem ex filiorum obitu, quam ex peccati turpitudine, doloris sensum capiunt. Idem etiam iudicium faciendum est, si lacrymæ doloris acerbiter non consequantur: quæ tamen in pœnitentia summopere optandæ, & commendandæ sunt. præclara est enim ea de re sancti Augustini sententia: Non sunt, inquit, in te Christianæ charitatis viscera, si luges corpus, à quo recessit anima, animam uero, à qua recessit Deus, non luges. Atque huc spectant illa Saluatoris nostri uerba, quæ supra allata sunt: Væ tibi Corozaim, uæ tibi Bethsaida; quia si in Tyro & Sidone factæ essent uirtutes, quæ factæ sunt in uobis, olim in cinere, & cilitio pœnitentiam egissent. Tametsi ad eam rem cōprobandā satis esse debent clarissima Niniitarum, Davidis, peccatricis, Apostolorum Principis exēpla; qui oēs plurimis lacrymis Dei misericordiā implorātes, peccatorū ueniam impetrarunt.

D. Augustinus.

Matth. 11.

Singula peccata mortalia in confessione exprimenda, & detestanda.

Maxime autem hortandi, & monendi sunt fideles, ut ad singula mortalia crimina proprium contritionis dolorem adhibere studeant: ita enim Ezechias contritionem describit, cum ait: Recogitabo tibi omnes annos meos in amaritudine animæ meæ.

Etenim, recogitare omnes annos, est, sigillatim peccata excutere, ut ea ex animo doleamus. Sed apud Ezechielem quoque scriptum legimus: Si impius egerit pœnitentiam ab omnibus peccatis suis, uita uiuet. Atque in hanc sententiam sanctus Augustinus inquit; Consideret peccator qualitatem

S. August.

crimi-

crimini in loco in tempore, in uarietate, in persona. Neque tamen hac in re desperent fideles de summa Dei bonitate, & clementia: is enim, cum nostræ salutis cupidissimus sit, nullam inoram ad tribuendam nobis ueniam interponit, sed peccatorem paterna charitate complectitur, simulatque ille se collegerit, & uniuersè peccata sua detestatus, quæ deinde alio tempore, si facultas erit singula in memoriam reducere, ac detestari in animo habeat, ad Dominum se conuerterit. ita enim nos per prophetam iubet sperare, cum inquit: Impietas impij non nocebit ei, in quacunque die conuersus fuerit ab impietate sua. Ex his igitur colligi poterunt; quæ ad ueram contritionem maxime sunt necessaria, de quibus fidelem populū accurate oportebit docere; ut quisque intelligat, qua ratione comparare eam possit; regulamq; habeat, quæ diiudicet, quantum absit ab eius uirtutis perfectione.

Ezech. 33.

Primum enim necesse est peccata omnia, quæ admissimus, odisse, & dolere, ne, si quædam tantum doleamus, ficta, & simulata, neque salutaris pœnitentia à nobis suscipiatur. nam, ut à sancto Iacobo Apostolo dictum est; Quicumque totam legem seruauerit, offendit autem in uno factus est omnium reus. Alterum est, ut ipsa contritio, confitendi, & satisfaciendi uoluntatem coniunctam habeat: de quibus postea suo loco agetur. Tertium est, ut pœnitens uitæ emendandæ certam, & stabilem cogitationem suscipiat. hoc uero Propheta his uerbis aperte nos

Iacobi 2.

Ezech. 18.

docuit: Si impius egerit pœnitentiam ab omnibus peccatis suis, quæ operatus est, & custodierit omnia præcepta mea, & fecerit iudicium, & iustitiam, uita uiuet, & non morietur; omnium iniquitatum eius, quas operatus est, non recordabor. & paulo post: Cum auerterit se impius ab impietate sua, quæ operatus est, & fecerit iudicium, & iustitiam, ipse animam suam uiuificabit. Ac paucis interiectis, Conuertimini, inquit, & agite pœnitentiam ab omnibus iniquitatibus uestris; & non erit uobis in ruinam iniquitas: proijcite à uobis omnes prauaricationes uestras, in quibus prauaricati estis; & facite uobis cor nouum, & spiritum nouum. Idem etiam Christus dominus mulieri, quæ in adulterio deprehensa est, præscripsit: Vade, inquit, & iam amplius noli peccare. Item paralytico illi, quem ad probaticam piscinam curauerat, Ecce, ait, sanus factus es, iam noli peccare. Sed natura quoq; ipsa, & ratio plane ostendunt, duo illa ad contritionem esse in primis necessaria, dolorem scilicet peccati admissi, & propositum cautionemq; ne quid huiusmodi in posterum committatur. Nam qui amico reconciliari uelit, quem iniuria aliqua affecerit; edoceat oportet, quod in eum iniuriosus & contumeliosus fuerit; & diligenter reliquo tempore provideat, ne qua re in amicitiam lasisse uideatur: quæ duo obedientiam adiunctam habeant necesse est: hominem enim legi, siue naturali, & diuinæ, siue humanæ, quibus subiectus est, parere conuenit. Quare si quid
pœni-

Ioan. 8.

Ioan. 5.

pœnitens alteri per uim, aut per fraudem abstulit, restituat oportet; itemque alicuius aut commodi, aut officij compensatione illi satisfaciat, cuius dignitatem, aut uitam dicto, factoue uiolauit. tritum enim est omnium sermone, quod apud sanctum Augustinum legimus, Non remittetur peccatum, nisi restituatur ablatum. Neque uero inter cetera, quæ ad contritionem maxime pertinent, minus diligenter, & necessarie curandum est, ut quidquid iniuriarum ab altero acceperis, id totum remittatur, ac condonetur. ita enim Dominus & Saluator noster monet, atque denunciatur: Si dimiseritis hominibus peccata eorum, dimittet & uobis pater uester celestis delicta uestra; si autem non dimiseritis hominibus, nec pater uester dimittet uobis peccata uestra. Hac sunt, quæ fidelibus in contritione obseruanda sunt: cetera, quæ ad hanc rem colligi à Pastoribus facile poterunt, efficient quidem, ut in suo genere contritio sit magis perfecta, & absoluta; ue- rum adeo necessaria existimanda non sunt, ut sine his uera, & salutaris pœnitentiæ ratio constare non possit.

D. August.

Matth.

S

Sed quoniam non satis esse Pastoribus debet, si eadoceant, quæ ad salutem uidentur pertinere, nisi etiam omni cura & industria laborent, ut fideles ad eam ipsam rationem, quæ illis præscripta est, uitam, actionesque suas dirigant, uehementer proderit contritionis uim, & utilitatem sæpius proponere. Nam cum pleræque alia pietatis studia, ueluti

Fructus & utilitates contritionis

Pfal. 50.

Pfal. 31.

Luc. 17.

beneficentia in pauperes, ieiunia, præces, & alia id genus sancta, & honesta opera, hominum culpa; à quibus proficiscuntur, à Deo interdum repudiantur; ipsa certe contritio numquam illi grata & accepta esse non potest. nam inquit Propheta: Cor contritum & humiliatum Deus non despicies. Quin etiam statim, ut cum mentibus nostris concepimus, peccatorum remissionem nobis à Deo tribui, alio loco eiusdem Prophetæ uerba illa declarant: Dixi confitebor aduersum me iniustitiam meam domino, & tu remisisti impietatem peccati mei. Atque eius rei figuram in decem leprosis animaducriimus, quia à Salvatore nostro ad sacerdotes missi, antequam ad illos peruenirent, à lepra liberati sunt. Ex quo licet cognoscere, ueræ contritionis, de qua supra dictum est, eam uim esse, ut illius beneficio omnium delictorum ueniam statim à Domino impetremus. Plurimum etiam ualebit ad fidelium mentes excitandas, si Pastores rationē aliquam tradiderint, qua se quisque ad contritionem exercere possit. Monere autem oportet, ut omnes conscientiam suā frequenter excutientes uideant, nū, quæ à Deo siue ecclesiasticis sanctionibus præcepta sunt, seruauerint: quod si quis allicuius sceleris reum se esse cognouerit, statim se ipsum accuset, supplexq; à Domino ueniam exposcat, & spatium tum confitendi, tum satisfaciendi sibi dari postulet: in primis quæ diuinæ gratiæ præsidio se adiuuari petat, ne in posterum eadem illa peccata admittat, quæ admisisse uehementer pœnitet. Curandum

randum erit præterea Pastoribus, ut in peccatū summum fidelium odiū concitetur; tum quia summa est illius fæditas, & turpitudine; tum quia grauissima damna, & calamitates nobis affert. nam Dei beneuolentiam, à quo maxima bona accepimus, longeque maiora exspectare & consequi licebat, à nobis alienat, & summorum dolorum cruciatibus perpetuo afficiendos sempiternæ mortui nos addicit.

De confessione, sacra-
menti pœ-
nitentiæ al-
tera parte,
& illius ne-
cessitate.

Haftenus de contritione; nunc ad confessionem, quæ est altera pœnitentiæ pars, ueniamus. Quantum uero curæ & diligentie in ea explicanda ponere Pastores debeant, ex eo facile intelligent; quod omnibus fere pijs persuasum est, quidquid hoc tempore sanctitatis, pietatis, & religionis in ecclesia, summo Dei beneficio, conseruatum est, id magna ex parte confessioni tribuendum esse; ut nulli mirandum sit humani generis hostem, cum fidem catholicam funditus euertere cogitat, per ministros impietatis suæ, & satellites, hanc ueluti Christianæ uirtutis arcem totis uiribus oppugnare conatum esse. Primum itaque docendum est, confessionis institutionem nobis summopere utilem atque adeo necessariam fuisse. Ut. n. hoc cōcedamus cōtritione peccata deleri; quis ignorat illam ad eo uehementem, acrem, incensam esse oportere, ut doloris acerbitas cū scelerum magnitudine æquari, conferrique possit? at quoniam pauci admodum ad hunc gradum peruenirent, fiebat etiam ut à paucissimis hac uia peccatorum uenia speranda esset: quare necesse fuit, ut clementissimus

Dominus faciliiori rationi communi hominum salutis consuleret: quod quidem admirabili consilio effecit, cū clauēs regni cælestis Ecclesiæ tradit. Etenim ex fidei catholice doctrina omnibus credendum, & constanter affirmandum est; si quis ita animo affectus sit, ut peccata admissa doleat; simulque in posterum non peccare constituat; & si eiusmodi dolore non afficiatur, qui ad impetrandam ueniam satis esse possit; ei tamen, cum peccata sacerdoti rite confessus fuerit, uicinium scelera omnia remitti, ac condonari: ut merito à sanctissimis uiris Patribus nostris celebratum sit, Ecclesiæ clauibus aditum in cælum aperiri: de quo nemini dubitare fas est, cum à Florentino Concilio decretum legamus, pœnitentiæ effectum, esse absolutionem à peccatis. Verum ex eo præterea licet cognoscere, quantam afferat confessio utilitatem, quod ijs, quorum est corrupta uitæ consuetudo, nihil tam prodesse ad mores emendandos experimur, quàm si interdum occultas animi sui cogitationes, facta dictaque omnia, prudenti, & fideli amico patefaciant, qui eum opera, & consilio iuuare possit. Quare ad eandem rationem maxime salutare existimandum est ijs, qui scelerum conscientia agitantur, ut sacerdoti, tamquam Christi dominiuicario, cui perpetui silentij seuerissima lex proposita est, animæ suæ morbos & uulnera aperiant; statim enim parata sibi medicamenta inuenient, quæ non solum præsentis ægritudinis sananda, uerum ita præparanda animæ caelestem quandâ

uim

Flor. Con-
cil. in De-
creto Euge-
ni 4.

nim habeant; ut deinceps facile futurum non sit, in eiusdem morbi & uiti genus recidere. Neque uero illa confessionis utilitas prætermittenda, quæ ad uitæ societatem & coniunctionem magnopere pertinet. constat enim, si sacramentalem confessionem & Christiana disciplina exemeris plena omnia occultis & nefandis sceleribus futura esse; quæ postea, & alia etiam multo grauiora, homines, peccati consuetudine deprauati, palam committere non uerebuntur. etenim confitendi uerecundia delinquendi cupiditati, & licentia tamquam frenos inijcit, & improbitatem coercet.

Sed iam confessionis utilitate exposita, quæ sit eius natura, & uis, Pastoribus tradendum erit. Eam igitur definiunt esse peccatorum accusationem, quæ ad sacramenti genus pertinet, eo susceptam, ut ueniam uirtute clauium impetremus. Recte autem accusatio dicitur, quod peccata ita commemoranda non sint, quasi scelera nostra ostentemus, ut ñ faciunt, qui latantur cum malè fecerint, aut omnino enarranda, ut si rem aliquam gestam ociosis auditoribus delectandi causa exponamus. Verum accusatorio animo ita enumeranda sunt, ut etiam in nobis uindicare cupiamus. Veniæ autem impetranda causa, peccata confitemur, quoniam hoc iudicium longè dissimile & forensibus capitalium rerum questionibus, in quibus confessioni pœna & supplicium, non culpæ liberatio, & errati ueniæ constituta est. In eandem ferè sententiam, quamuis alijs

Confessionis sacramentum talis descriptio & natura, & quis eius auctor

Prou. 2.

S. Chryso.

S. August.

S. Grego.

Ioan. 20.

Ioan. 11.

S. Augu.

alijs uerbis sanctissimi Patres uidentur confessionem definisse, ueluti cum sanctus Augustinus inquit; Confessio est per quam morbus latens, spe ueniae aperitur. & sanctus Gregorius; Confessio est peccatorum detestatio: quarum utraque, quod in superiori definitione continetur, facile ad eam referri poterit. Sed iam, quod omnium maximi faciendum est, docebunt Parochi, ac sine ulla dubitatione fidelibus tradent, hoc sacramentum à Christo domino qui bene omnia, & unius salutis nostrae causa fecit; ob eius summam bonitatem, & misericordiam institutum esse. apostolis enim, post resurrectionem unum in locum congregatis, insufflauit, dicens: Accipite spiritum sanctum: quorum remiseritis peccata, remittuntur eis; & quorum retinueritis retenta sunt. Cum igitur Dominus potestatem retinendi, & remittendi peccata sacerdotibus tribuerit, perspicuum est, ipsos etiam ea de re iudices constitutos fuisse. Atque idem significari uisus est Dominus, cum apostolis id negotij dedit, ut Lazarum, à mortuis excitatum, à uinculis soluerent, quibus constrictus erat. nam sanctus Augustinus eum locum ita explanat: Ipsi, inquit, sacerdotes plus iam possunt proficere, plus confitentibus parcere, quibus crimen remittunt: Dominus scilicet per ipsos apostolos Lazarum, quem iam suscitauerat, obtulit discipulis soluendum, ostendens potestatem soluendi esse concessam sacerdotibus. Quo etiam pertinet, quod ipsi, qui à lepra in itinere curati sunt,

prace-

præceperat, ut sacerdotibus se ostenderet, illorumque iudicium subirent. Cum igitur Dominus potestatem remittendi, & retinendi peccata sacerdotibus tribuerit; perspicuum est, ipsos etiã ea de re iudices constitutos fuisse. at, quoniam, ut sancta Tridentina Synodus sapienter admonuit, de qualibet re uerum iudicium fieri, atque in repetendis criminum pœnis iustitia modus teneri non potest, nisi plane cognita, & perspecta causa fuerit; ex eo sequitur, ut pœnitentium confessione singillatim peccata omnia sacerdotibus patefacienda sint. Hæc igitur Pastores docebunt, quæ à sancta Tridentina Synodo decreta, ac perpetuo à catholica ecclesia tradita sunt. Si enim sanctissimos Patres attentè legimus, nusquam non apertissima testimonia occurrent, quibus confirmatur, hoc sacramentum à Christo domino institutum esse, & confessionis sacramentalis legem quam illi exomolegesin, & exagoreusin græco uocabulo appellant, tanquam euangelicam accipiendam esse. Quod si etiam ueteris testamenti figuras exquirimus; sine dubio ad peccatorum confessionem uidetur pertinere uaria illa sacrificiorum genera, quæ ad expianda diuersi generis peccata à sacerdotibus fiebant.

Conc. Trid.

2

Sed quemadmodum confessionem à Domino saluatore institutam esse fideles docendi sunt; ita etiam monere eos oportet, quosdam ritus, & solennes caerimoniae Ecclesiæ auctoritate additas esse; quæ & si ad sacramenti rationem non spectant, eius tamen

De ritibus
& caerimoniis ad confessionem adhibendis.

tamen dignitatem magis ante oculos ponunt, & confitentium animos, pietate accensos, ad Dei gratiam facilius consequendam preparant. Cum enim aperto capite ad pedes sacerdotis abiecti demisso in terram uultu, supplices manus tendentes, aliaque huiusmodi Christiana humilitatis signa dantes, quae ad sacramenti rationem necessaria non sunt peccata confitemur, ex his perspicue intelligimus, tum in sacramento caelestem uim agnoscendam, tum à nobis diuinam misericordiam summo studio requirendam, atque efflagitandam esse. Iam uero, nemo existimet confessionem à Domino quidem institutam, sed ita tamen, ut eius usum necessarium esse non edixerit. Etenim sic statuunt fideles oportere eum, qui mortali scelere praemittitur, confessionis sacramento ad spiritualem uitam reuocandum esse: quod quidem pulcherrima translatione à Domino aperte significatum uidemus; cum huius sacramenti administrandi potestatem clauis regni caelorum

Math. 16. appellauit. Ut enim locum aliquem ingredi nemo potest, sine eius opera, cui clauis commissae sunt: sic intelligimus neminem in caelum admitti, nisi fores à sacerdotibus; quorum fidei clauis Dominus tradidit, aperiantur. Aliter enim nullus plane clauium usus in Ecclesia esse uidebitur: ac frustra is, cui clauium potestas data est, quempiam caeli aditu prohibebit, si tamen alia uia introitus patere quæat. Hoc uero praeclare à sancto

August. Augustino cognitum est, cum inquit. Nemo sibi

sibi dicat, occultè ago apud Dominum pœnitentiã :
 nouit Deus qui mihi ignoscat, quid in corde ago :
 ergo sine causa dictum, Quæ solueritis in terra, so-
 luta erunt in calo? ergo sine causa clauēs datæ sunt *Matth. 18.*
 Ecclesiæ Dei? Atque in eandem sententiam san-
 ctus Ambrosius in libro de pœnitentia scriptum re-
 liquit, cum Nouatianorum hæresim conuelleret,
 qui soli Domino potestatem peccata remittendi re-
 seruandam asserebant: Ecquis Deum, inquit, ma-
 gis ueneratur, qui ne mandatis illius obtemperat,
 an qui resistit? Deus nobis iussit, eius ministris ob-
 temperare: quibus cum paremus, honorem soli
 Deo deferimus. Sed cum minime dubitari possit,
 confessionis legem ab ipso Domino latam & con-
 stitutam esse; sequitur ut uidendum sit, quin, quo
 ætatis, & anni tempore ei parere debeant. Pri-
 mum itaque ex Lateranensis Concilij canone, cuius *Lat. Conc.*
 initium est, Omnis utriusque sexus, perspicitur,
 neminem confessionis lege adstrictum esse ante eam
 ætatem, qua rationis usum habere potest. neque
 tamen ea ætas certo aliquo annorum numero defi-
 nita est: sed illud uniuersè statuendum uidetur; ab
 eo tempore confessionem puero indictam esse, cum
 inter bonum, & malum discernendi uim habet, in
 eiusq; mentem dolus cadere potest. nam cum ad
 id uitæ tempus quisque peruenerit, in quo de sa-
 lute æterna deliberandum est, tum primum sa-
 cerdoti peccata confiteri debet; cum aliter salutem
 sperare nemini liceat, qui scelerum conscientia præ-
 mitur

Later. conc. mitur. Quo uero potissimum tempore confiteri oporteat, eo canone, de quo antea diximus, sancta Ecclesia decreuit; iubet enim semel saltem quotannis fideles omnes peccata sua confiteri. Verum si, quid salutis nostræ ratio postulet, consideremus profecto, quoties uel mortis periculum imminet, uel aliquam rem tractare aggredimur, cuius tractatio homini peccatis contaminato non conueniat, uelut cum sacramenta administramus, aut præcipimus, **10** in his confessio prætermittenda non est. Atque idem omnino seruare oportet; cum ueremur, ne nos alicuius culpa quam admiscerimus, obliuio capiat. neque enim peccata confiteri possumus, quæ non meminimus: neque peccatorum ueniam à Domino impetramus, nisi ea pœnitentiæ sacramentum per confessionem deleat.

De conditionibus, & circumstantiis ad confessionem requisitis. Sed quoniam multa in confessione obseruanda sunt, quorum alia ad sacramenti naturam pertinet, alia non ita necessaria sunt; de his accurate agendum erit: neque enim desunt libelli, & commentarij, ex quibus facile est horum omnium explicationem depromere. Illud autem in primis doceant Parochi in confessione curandum esse, ut integra, & absoluta sit. Et enim omnia mortalia peccata sacerdoti aperire oportet: nam uenialia, quæ nos à Dei gratia non diuellunt, & in quæ frequentius labimur, tametsi recte, atque utiliter, quod piorum usus demonstrat, confitemur; tamen sine culpa prætermitti, multisq; alijs rationibus expiari possunt. at
morti-

*mortifera peccata, ut iam diximus singula enume-
 randa sunt, quamuis etiam occultissime lateant,
 & eius generis sint, quæ duobus tantum extremis
 Decalogi capitibus interduntur. Sæpe enim eue-
 nit; ut ea grauius animam uulnerent, quàm illa,
 quæ aperte, ac palam peccare homines solent. ita
 uero à sancta Tridentina Synodo definitum, atque Tri.Syn.
 à catholica Ecclesia semper traditum est, quemad-
 modum sanctorum Patrum testimonia declarant.
 est enim apud sanctum Ambrosium in hunc modum: S.Ambr.
 Non potest quis iustificari à peccato, nisi confes-
 sus fuerit peccatum. Sanctus etiam Hieronymus in S.Hier.
 Ecclesiastæ idem plane confirmat: inquit enim. Si
 quæ serpens Diabolus occultè momorderit, & nul-
 lo conscio, cū peccati ueneno infecerit, si tacuerit,
 & pœnitentiam non egerit, nec uulnus suum fratri
 aut magistro uoluerit confiteri, magister, qui linguā
 habet ad curandam prodesse non poterit. Præte-
 rea sanctus Cyprianus in sermone de lapsis aper-
 tissime hoc docet, his uerbis: Quamuis nullo sacrifi-
 cii, aut libelli facinore constricti sint, quoniam ta-
 men de eo cogitauerunt, id ipsum apud sacerdotes
 Dei dolenter confiteantur. Denique hæc omnium Ec-
 clesiæ doctorum cōmunis uox est, atq; sententia. Sed
 in confessione summa illa cura, & diligentia adhi-
 benda est, quam in rebus grauissimis ponere sole-
 mus, omnēq; studiū ita eo cōferēdū, ut sanemus ani-
 mæ uulnera, & peccati radices euellamus. Neq; ue-
 ro solū peccata grauiā narrando explicare oportet,
 uerum*

uerum etiam illa, quæ unumquodque peccatum circumstant, & prauitatem ualde augment, uel minuunt. Quædam enim circumstantiæ adeo graues sunt, ut peccati mortiferi ratio ex illis tantum constet: quare hæc omnia semper confiteri oportet. Si quis enim hominem interemerit, explicandum est; utrum ille sacris initiatus, an profanus fuerit. Itēq; si cum muliere concubuit, matrimoniū ne lege libera, aut alterius uxore, aut propinqua, aut alicuius uoti sponsione Deo consecrata, aperiat necesse est. hæc enim diuersa peccatorū genera constituunt, ita, ut primum quidem simplex fornicatio, alterum adulterium, tertium incestus, quartum sacrilegium à diuinarum rerum doctoribus appelletur. Furtum etiam in peccatis numerandum est: uerum si quis aureum nummum furetur, leuius omnino peccat; quàm is, qui centum, uel ducentos, uel ingentem aliam auri vim, præsertim uero qui sacram pecuniam abstulit. Quæ etiam ratio ad locum, & ad tempus pertinet: quorum exempla notoria sunt ex multorum libris, quàm ut à nobis commemorētur. Hoc igitur, ut diximus, enumeranda sunt: quæ uero prauitatem rei magnoperè non augment, sine crimine omitti possunt. Sed ad confessionem adeo necessarium est, ut, quod antea diximus integra, & absoluta sit, ut, si quis dedita opera, alia quidem ex ijs, quæ explicari debent, prætermittat, alia uero tantummodo confiteatur, non solum ex ea confessione is commodum nullum consequatur, sed etiam

etiam nouo scelere se obstringat: neque eiusmodi peccatorum enumeratio confessionis nomine, in qua sacramentum ratio insit, appellanda est: quin potius pœnitenti confessionem repetere est necesse, seque ipsum illius peccati reum facere, quod sacramenti sanctitatem simulatione confessionis uiolauerit. At uero, si alia de causa confessioni aliquid defuisse uideatur, uel quia pœnitens nonnulla crimina oblitus fuerit, uel quia conscientie suæ latebras non ita accurate perquisiuerit, cum tamen illud in animo haberet, ut integre peccata omnia confiteretur; nihil ei opus erit confessionem iterare; satis autem habebit, si quando peccata, quæ oblitus erat, in memoriam reduxerit, ea sacerdoti alio tempore confiteri. In quo tamen animaduertendum est, ne forte nimis dissolute, & remisse conscientiam nostram scrutati simus, adeoque negligenter peccata admissa memoria repetere studuerimus, ut ea ne recordari quidem uoluisse merito uideri possimus. id enim si factum fuerit, confessionem iterare omnino oportebit. Præterea curandum est, ut confessio nuda, simplex, & aperta sit, non artificiose composita, ut à nonnullis fit, qui potius uitæ suæ rationem exponere, quam peccata confiteri uidentur. ea enim confessio esse debet, quæ nos tales sacerdoti aperiat, quales nos ipsos nouimus, certaque pro certis, ac dubia pro dubijs demonstret. Quòd si uel peccata non recensentur; uel alieni à re, quam tractamus, sermones inferuntur; perspicuum est, confessionem hac uirtute carere.

*U*ehementer etiam commendandi sunt, qui prudentiam, & uerecundiam in explicandis rebus adhibent. neque enim nimis multis uerbis agendum est, sed, quæ ad cuiusq; peccati naturam, & rationem pertinent, breui oratione, quæ molestiam coniunctam habeat, aperienda sunt. Illud uero tum confitenti, tum sacerdoti maxime laborandum est, ut eorum sermo in confessione secreto habeatur. quare fit, ut nemini omnino neque per nuncium, neque per litteras, quoniam ea ratione nihil iam occulte agi potest peccata confiteri liceat. Sed nulla res fidelibus adeo curæ esse debet, quàm ut frequenti peccatorum confessione animâ studeant expiare. etenim cum aliquis mortifero scelere urgetur, nihil ei magis salutare esse potest, ob multa, quæ impendent, uitæ pericula, quàm statim peccata sua confiteri. Nam, ut sibi quisque diuturnum uitæ spatium polliceri queat, turpe profecto est, cum in elisendis corporis, aut uestium sordibus tam diligentes simus, non eadem saltem diligentia curare, ne animæ splendor turpissimis peccati maculis obsolescat.

De legitimo & idoneo Cōfessionis sacramentalis ministro.

Sed iam de ministro huius sacramenti dicendum est. Eum autem sacerdotem esse, qui ordinationem, aut delegatam absoluendi potestatem habeat, ex ecclesiasticis sanctionibus satis apparet. habeat enim oportet non solum ordinis, uerum etiam iurisdictionis potestatem, qui hoc munere fungi debet. Illustre uero huius ministerij testimonium

nium præbent illa Domini uerba apud sanctum Io-
 annem: Quorum remisieritis peccata, remittuntur Ioan. 20.
 eis; & quorum retinueritis, retenta sunt. neque
 enim omnibus, sed Apostolis tantum hæc dicta fuis-
 se constat; quibus in hac functione sacerdotes suc-
 cedunt: idque etiam maxime consentaneum est.
 nam cum omne gratiæ genus, quæ hoc sacramento
 tribuitur, à Christo capite ad membra deriuetur;
 merito debent corpori Christi mystico, idest fide-
 libus illud administrare, qui soli uerum eiusdem cor-
 pus conficiendi potestatem habent; cum præser-
 tim fideles hoc ipso pœnitentiæ sacramento ad sa-
 cram Eucharistiæ sumendam apti, idoneiq; red-
 dantur. Verum quanta olim religione in antiquis-
 sima Ecclesia ius ordinarij sacerdotis conseruatum
 fuerit, ex ueteribus Patrum decretis facile intelli-
 gitur; quibus cautum est, ne quis Episcopus,
 aut sacerdos in alterius parochia aliquid gerere
 auderet, sine eius auctoritate, qui illi præesset, aut
 nisi magna necessitas cogere uideretur. Ita ue-
 ro ab Apostolo sancitum est cum Tito præcepit; ad Tit. 8.
 ut in singulis ciuitatibus sacerdotes constitueret;
 qui scilicet doctrine, & sacramentorum cele-
 sti pabulo fideles alerent, & educarent. Quan-
 quam; si mortis periculum imminet, & proprij
 sacerdotis facultas non datur; ne hac occasione
 aliquis pereat, in Ecclesia Dei custoditum fuis-
 se, Concilium Tridentinum docet, ut unicuiq; sacer- Tri. Syn.
 doti liceret, non solum omni peccatorum genere,

cuiuscunque potestatis sit, illa condonare, sed etiam ab excommunicationis uinculo soluere. Iam, præter ordinis, & iurisdictionis potestatem, quæ prorsus necessaria sunt, in primis opus est, ut huius sacramenti minister tum scientia, & eruditione, tum prudentia præditus sit. iudicis enim, & medici simul personam gerit. Ac quod ad primum attinet, satis constat, non uulgarem scientiam necessariam esse, quæ & peccata inuestigare, & ex uariis peccatorum generibus, quæ grauiora, quæ leuiora sint, pro cuiusque hominis ordine & genere iudicare possit. ut autem medicus est, summa quoque prudentia indiget. etenim diligenter providendum est, ut ea remedia ægroto adhibeantur, quæ ad illius animam sanandam, & in posterum contra morbi uim muniendam aptiora esse uideantur. Ex quo poterunt fideles intelligere, cuius maximo studio curandum esse, ut eum sibi sacerdotem deligat, quem uitæ integritas, doctrina, prudens iudicium commendat; qui, & quantum in eo officio, cui præest, ponderis ac momenti sit, et quæ cuique sceleri pœna cõueniat, & qui uel soluendi, uel ligandi sint, optime nouerit. Sed quoniam nemo est, qui non uehementer cupiat, scelera, & turpitudinem suam occultari; monendi sunt fideles, nihil esse, quod timeant, ne ea, quæ ipsi confessione patefecerint, à sacerdote ulli unquam inducentur, neue aliquod ex ea periculi genus sibi ullo tẽpore creari possit. sacræ enim sanctiones grauissime in eos sacerdotes animaduerti uoluerunt,

qui

Ex S. Basilio.

Ex Leone
Papa.

qui peccata omnia, quæ aliquis eis confessus fuerit, perpetuo, & religioso silentio compressa non teneant. Quare in Concilio Lateranensi magno ita legimus: Caueat omnino sacerdos, ne uerbo, uel signo, uel alio quouis modo prodat aliquatenus peccatorem.

Conc. Lat.

Sed iam ordo rerum postulat, cum de ministro dictum sit, ut quædam præcipua capita explicetur; quæ ad confessionis usum, & tractationem non parum sunt accommodata: Magna enim fidelium pars, quibus uulgo nihil longius uideri solet, quam, ut dies illi, qui ecclesiastica lege confessioni præfiniti sunt, effluant: tantum absunt à Christiana perfectione, ut uix peccatorum suorum meminerint, quæ sacerdoti patefacienda essent, nedum cetera diligenter curent, quæ ad diuinam gratiam conciliandam uim habere maximam perspicuum est. Quare cum illorum saluti omni studio succurrendum sit; hoc primum sacerdotes in penitente diligenter obseruabunt, si ueram peccatorum suorum contritionem habeat, certumque illi sit, ac deliberatum, in posterum à peccatis abstinere. Quod si ita animo affectum esse animaduenerint, moneant, & uehementer hortentur, ut pro tanto, & tam singulari beneficio maximas gratias Deo agant; ab eoque celestis gratiæ præsidium petere numquam desinat; quo munitus, ac testus, facile poterit prauis cupiditatibus resistere, ac repugnare. Docendus est etiam; ut nullum patiatur esse diem, quin aliquid de passionis Domini nostri mysterijs meditetur, ad eumque

De conditionibus ad confessionem uere penitentis necessariis.

S

imitandum, & summa charitate amandum ipse se excitet, atque inflammat. hac enim meditatione assequetur, ut ab omnibus demonis tentationibus in dies se tutiorem esse sentiat. Neque enim ulla alia est causa, cur tam cito, uel leuiter ab hoste impugnati, animo, & uiribus succumbamus, quàm quòd ex caelestium rerum meditatione diuini amoris ignem concipere non studemus, quo mens recreari, atque erigi possit. Sin autem sacerdos intellexerit, eum, qui uelit confiteri, adeo peccata sua non dolere, ut uere contritus dicendus sit; conetur magno contritionis desiderio eum afficere; ut deinde huius præclari doni cupiditate incensus, illud à Dei misericordia petere, & efflagitare in animum inducat. In primis autem reprimenda est quorundam superbia, qui scelera sua excusatione aliqua uel defendere, uel minora facere nituntur. Nam exempli causa, cum aliquis fateatur, se ira uehementius commotum fuisse; statim huius perturbationis causam in alium confert, à quo prius sibi iniuriam factam esse queritur. Monendus itaque est, hoc elati animi, & hominis peccati sui magnitudinem uel despicientis, uel plane ignorantis, signum esse: tum uero eiusmodi excusationis genus, ad augendum potius, quàm minuendum peccatum pertinere. nam qui ita factum suum probare contendit, hoc uidetur profiteri, se tunc patientia usurum esse cum à nemine iniuria ledetur. quo quidem nihil homine Christiano indignius esse potest.

Etenim

Etenim cum illius uicem dolere maxime debuerit, qui iniuriam fecit; tamen non peccati prauitate commouetur, sed fratri irascitur, ac, cum ei praeclara occasio oblata fuerit, ut deum patientia colere, & fratrem mansuetudine sua corrigere possit, salutis materiam ad perniciem suam conuertit. Perniciosior autem est illorum culpa existimanda, qui stulta quadam uerecundia impediti, peccata coniteri non audeant. Ijs igitur hortando animos addere oportet: monendique sunt, nihil esse, quod uitia sua aperire uereantur; nulliq; mirum uideri debere, si intelligat homines peccare; qui quidem communis est omnium morbus, & in humanam imbecillitatem proprie cadit. Alij sunt, qui uel quòd raro peccata confiteri solent, uel quòd nullam curam, & cogitationem in peruestigandis suis sceleribus posuerunt, nec commissae confessione expedire, nec, unde eius officij initium ducendum sit, satis sciunt: quos certe acrius obiurgare opus est, atque in primis docere, prius quàm ad sacerdotem aliquis adeat, omni studio curandum esse, ut peccatorum suorum contritione commoueatur; id uero praestari nullo modo posse, nisi ea reminiscendo sigillatim recognoscere studeat. Quare, si sacerdos huiusmodi homines prorsus imparatos esse cognouerit, humanissimis uerbis à se dimittet, hortabiturque, ut ad cogitanda peccata aliquod spatium sumant, ac deinde reuertantur. quod si forte asfirmauerint, se in eam rem omne studium, &

diligentiam suam contulisse; (quoniam sacerdoti maxime uerendum est, ne, semel dimissi, amplius non redeant) audiendi erunt, præsertim uero si emendanda uitæ studium aliquod præseferant, adducique possint, ut negligentiam suam accusent, quam se alio tempore diligenti & accurata meditatione compensaturos promittant. in quo tamen magna cautio adhibenda est. si enim, audita confessione, iudicauerit, neque in enumerandis peccatis diligentiam, neque in detestandis dolorem pœnitenti omnino defuisse; absolui poterit. si autem utrumque in eo desiderari animaduernerit; auctor illi, & suasor erit, ut maiorem curam, quod antea dictum est, in excutienda conscientia adhibeat, hominemque, ut blandissime poterit, tractatum dimittet. Sed quoniam interdum contingit, ut mulieres, alicuius sceleris in priori confessione oblita, iterum ad sacerdotem non audeant redire; quod uereantur, ne uel in suspicionem magnæ improbitatis populo ueniant, uel singularis religionis laudem querere existimentur: sæpe tum publice, tum priuatim docendum est, neminem tanta memoria esse qui omnia sua facta, dicta, & cogitata meminisse queat: quapropter fideles nulla re deterrendos esse, quo minus ad sacerdotem reuertantur, si in memoriâ alicuius criminis redierint, quod antea fuerit prætermissum. Hæc igitur, atque alia huius generis multa in confessione a sacerdotibus obseruanda erunt.

De satisfactio-
ne pœ-

Nunc ad tertiam pœnitentiæ partem, quæ satisfactio

factio appellatur, ueniendum est. Primum itaque satisfactionis nomen, & uis exponenda est. hinc. n. catholice Ecclesie hostes amplam occasionem dissidij, & discordie, cum maxima Christiani populi perniciē, arripuerunt. Est autem satisfactio, rei debite integra solutio: nam quod satis est, ei nihil uidetur deesse. quare cum de gratie reconciliatione loquimur, idem satisfacere significat, quod alteri tantum prestare, quantum irato animo ad ulciscendā iniuriā satis esse possit. atque ita satisfactio nihil aliud est, quā iniurię alteri illatę compensatio. Quod autem ad hunc locum pertinet, satisfactionis nomen diuinarum rerum doctores ad declarandam eam cōpensationem usurparunt, cum homo pro peccatis commissis Deo aliquid persoluit. Quo in genere quoniam multi gradus esse possunt, hinc fit, ut satisfactio uarie accipiatur. Ac prima quidem, & præstantissima illa est, qua pro scelerum nostrorum ratione; etiam si Deus summo iure nobiscum uelit agere, quidquid à nobis debeatur, cumulate persolutum est. Hęc uero eiusmodi esse dicitur, quę nobis Deum propitium, & placatum reddidit, eamq; uni Christo domino acceptam ferimus, qui in cruce, pretio pro peccatis nostris soluto, plenissime Deo satisfecit. neque enim ulla res creata tantū esse potuit, quę nos tam graui debito liberaret: atque, ut sanctus Ioannes testatur, ipse est propitiatio pro peccatis nostris, non pro nostris autem tantum, sed etiam pro totius mundi. Hęc igitur plena, &

cumu-

Ioan. 1.

cumulata est satisfactio; scelerum omnium rationi,
 quæ in hoc saculo commissa sunt, pariter, equali-
 terque respondens: cuius pondere hominum actio-
 nes apud Deum plurimum ualent, ac sine eo nulla
 prorsus æstimatione dignæ haberentur. Atque huc
 Dauidis uerba uidentur spectare: qui postquam, se
 cum ipse reputans, illud protulisset, Quid retri-
 buam Domino pro omnibus, quæ retribuit mihi?
 nihil præter hanc satisfactionem, quam calicis no-
 mine expressit, dignum tot, tantisque beneficijs
 inuenire potuit: quare subiecit: Calicem salutaris
 accipiam, & nomen Domini inuocabo. Alterum
 satisfactionis genus, quæ & canonica appellatur,
 & certo temporis spatîo definita perficitur. qua-
 re antiquissimæ Ecclesiæ usu receptum est, ut, cum
 pœnitentes à peccatis soluantur, pœna aliqua eis
 irrogetur; cuius pœnæ solutio, satisfactio uocari
 consuevit. Eodem uero nomine quodlibet etiam
 pœnæ genus significatur, quam pro peccatis non
 quidem à sacerdote constitutam, sed sponte nostra
 susceptam, atque à nobis ipsis repetitam, sustine-
 mus. Verum hæc ad pœnitentiam, ut sacramen-
 tum est, minime pertinet; sed illa tantum sacra-
 menti pars censenda est, quam diximus ex præce-
 pto sacerdotis Deo pro peccatis dependi; hoc adiu-
 cto, ut statutum cum animo, & deliberatum habe-
 mus, peccata in posterum omni studio uitare.
 ita enim nonnulli definierunt: satisfacere, est Deo
 debitum honorem impendere. Quod autem nemo
 debi-

debitum honorem Deo possit tribuere, nisi qui peccata omnino uitare constituat, satis apparet. Et satisfacere, est causas peccatorum excidere, & eorum suggestioni aditum non indulgere. In quam sententiam alij senserunt, satisfactionem esse purgationem, qua eluitur, quidquid sordium propter peccati maculam in animo resedit, atque à pœnis tempore definitis, quibus tenebamur, absolui-
 mur. Quæ cum ita sint; facile erit fidelibus persuadere, quàm necessarium sit, ut pœniten-
 tes in hoc satisfactionis studio se exerceant. Do-
 cendi enim sunt, duo esse, quæ peccatum conse-
 quuntur, maculam, & pœnam: ac quamuis sem-
 per, culpa dimissa, simul etiam mortis aternæ sup-
 plicium, apud inferos constitutum, condonetur;
 tamen non semper contingit, quemadmodum à
 Tridentina Synodo declaratum est, ut Dominus
 peccatorum reliquias, & pœnam, certo tempo-
 re definitam, quæ peccatis debetur, remittat.
 Cuius rei perspicua sunt exempla in sacris litte-
 ris, Genesis tertio capite, Num. xij. & xxij.
 & alijs permultis locis: sed illud Davidis clarissi-
 mum & maxime illustre intuemur: cui etsi Na-
 than dixerat; Dominus quoque transtulit pecca-
 tum tuum non morieris; is tamen grauissimas pœ-
 nas ultro subiit; Dei misericordiam his uerbis dies
 noctesque implorans: Amplius laua me ab iniqui-
 tate mea, & à peccato meo munda me: quoniam
 iniquitatem meam ego cognosco, & peccatum
 meum

Trid. Syn.

Gen. 3.
Num. 12.

1. Reg. 12.

Psal. 50.

meum contra me est semper. Quibus uerbis illud
 petatum est à Domino, ut non solum crimen, sed pœ-
 nam etiam crimini debitam condonaret, atque à
 peccati reliquijs purgatum, in pristinum decoris, &
 integritatis statum restitueret. Atque hæc cum
 summis precibus peteret; eum tamen Dominus,
 tum filij ex adulterio suscepti, tum Absalonis,
 quem unice diligebat, defectione, & morte mul-
 tauit, alijsque pœnis, & calamitatibus affecit,
 quas illi antea intentarat. In Exodo etiam, etsi Do-
 minus, Mosi precibus exoratus, populo idololatra
 pepercerat, tamen minatus est, se tanti flagitij gra-
 ues pœnas repetiturum esse: ipseque Moses testatus
 est foris, ut illud Dominus seuerissime in tertiam,
 & quartam usque generationem ulcisceretur. Hæc
 uero à sanctis Patribus in Ecclesia catholica semper
 tradita esse, ipsorum auctoritate apertissime com-
 probatur. Verum qua de causa factum sit, ut pœ-
 na omnis pœnitentie sacramento, æque ac bap-
 tismo, non condonetur, præclare à sancta Tridēna Sy-
 nodo explicatum est his uerbis. Diuine iustitie ra-
 tio exigere uidetur, ut alter ab eo in gratiam reci-
 piantur, qui ante baptismum per ignorantiam de-
 liquerint; aliter uero qui semel à peccati, & demo-
 nis seruitute liberati, & accepto spiritus sancti do-
 no, scientes templum Dei uiolare, & spiritum san-
 ctum contristare non formidauerint. Et diuinam cle-
 mētiā decet, ne ita nobis absque ulla satisfactione
 peccata dimittantur, ut, occasione accepta, peccata
 leuiora

Exod.

Trid.Syn.

leuiores putantes, uelut iniurijs, & contumeliosi spiri-
tui sancto in grauiora labamur, thesaurizantes no-
bis iram in die iræ. Proculdubio enim magnopere à
peccato reuocant, & quasi freno quodam coercet hæ
satisfactoria pœnæ, cautioreſque & uigilantiores
in poſterum pœnitentes efficiunt. Accedit, ut tam-
quam teſtificationes quædam ſint doloris, quem ex
peccatis commiſſis capimus: qua ratione Eccleſiæ
fit ſatis. quæ noſtris ſcleribus grauius offenſa eſt.
nam, ut ſanctus Auguſtinus ait; Cor contritum,
& humiliatum Deus non ſpernit. Verum quia ple-
runq; dolor alterius cordis occultus eſt alteri, neque
in aliorum notitiam per uerba uel alia quæcunque
ſigna procedit: recte ab ijs; qui Eccleſiæ præſunt,
tempora pœnitentiæ conſtituuntur, ut Eccleſiæ, in
qua ipſa peccata remittuntur, ſatiſſiat. Præte-
rea, pœnitentiæ noſtræ exempla alios docent, quo
modo ipſi uitam inſtituere, & pietatem ſequi de-
beant. Cum enim pœnas nobis pro peccatis irroga-
tas ceteri homines intuentur; & ſummam cautio-
nem ſibi in omni uita adhibendam, & mores priſti-
nos corrigendos eſſe intelligunt. Quare ſapientiſſi-
me illud ab Eccleſia obſeruatum eſt, ut, cum ab ali-
quo publice flagitium commiſſum eſſet, publica etiã
pœnitentia ei indiceretur: ut ceteri, timore perter-
riti, deinceps peccata diligentius uitarent: quod
etiã in occultis criminibus, quæ grauiora eſſent,
interdum fieri ſolitum erat. Sed, ut diximus in pu-
blicis hoc perpetuum fuit, ut, qui ea commiſerant,

S. Auguſt.

ante

antequam publicam pœnitentiam suscepissent, non absoluerentur. interim uero Pastores pro illorum salute Deum rogabant, atque, 'ut ipsi etiam pœnitentes idem facerent, eos hortari non desinebant.

S. Ambr.

Quo in genere summa fuit sancti Ambrosij cura, & sollicitudo cuius lacrymis fertur quâ plurimos, qui duro animo ad pœnitentiæ sacramentum accesserant, ita mollitos esse, ut ueræ contritionis dolorem conceperint. Verum postea tantum de ueteris disciplina seueritate remissum est, atque ita charitas refrigit, ut iam plerique ex fidelibus ad peccatorum ueniam impetrandam nullum intimum animi dolorem, atque gemitum cordis necessarium putent; sed illud satis esse arbitrentur, si speciem tantum dolentis habeant. Deinde uero huiusmodi pœnarum perpeffione consequimur, ut capitis nostri

ad Heb. 2.

Iesu Christi, in quo passus est ipse, & tentatus, similitudinem, & imaginem geramus. nihil enim

D. Bernar.

tam deforme uideri potest, ut à sancto Bernardo dictum est, quàm, sub spinoso capite delicatum esse membrum. nam, teste Apostolo coheredes sumus Christi; si tamen compatimur; &, quod alio

Rom. 8.
Tim. 2.

loco scripsit: Si commortui sumus, & conuiuemus;

D. Bern.

si sustinebimus, & correpnabimus. D. etiam Bernardus duo affirmat in peccato reperiri, maculam aaimæ, & plagam: ac turpitudinem quidem ipsam Dei misericordia tolli, uerum sanandis peccatorum plagis ualde necessariam esse etiam curam, quæ in remedio pœnitentiæ adhibetur. quemadmo-

dum

dum enim, sanato uulnere, cicatrices quædam remanent, quæ & ipse curandæ sunt: ita in anima, culpa condonata, supersunt reliquæ peccatorum purgandæ. Idem plane D. Chrysostomus sententia confirmat, cum ait: Non satis est sagittam e corpore extrahi, sed plaga quoque, à sagitta inflicta, sananda est: sic etiam in anima post acceptam peccati ueniam, pœnitentia curanda est, plagâ relietâ. Frequentissime enim à sancto Augustino docemur, duo hæc in pœnitentia animaduertenda esse, Dei misericordiam, & iustitiam; misericordiam, quæ peccata, & pœnas æternas illi debitas condonat; iustitiam, quæ pœnis tempore definitis hominem punit. Postremo, pœnitentiæ pœna à nobis suscepta Dei animaduersionem, suppliciaq; in nos constituta anteuertit. ita enim docet Apostolus, cum ait: Si nos metipsos diiudicaremur, non utique iudicamur: dum iudicamur autem, à Domino corripi-mur, ut non cum hoc mundo damnemur. Quæ cum fidelibus explicata fuerint, uix fieri poterit, quo minus ad pœnitentiæ opera maxime excitentur. Eius autem quanta uis sit, ex eo colligitur, quòd tota à Christi domini passionis merito pēdet. A quo etiam honestis actionibus duo illa maxima bona consequimur. alterum est, ut immortalis gloriæ pramla mereamur; ita ut calix etiam aquæ frigidæ, quàm in eius nomine dederimus, mercedem non careat: alterum, ut pro peccatis nostris satisfaciamus. Neque uero id perfectissimam;

D. Chryso-
stomus.

S. Augusti-
nus.

1. Cor. 11.

Matth. 10.

& cumulatissimam Christi domini satisfactionem obscurat; sed illud potius contra euenit, ut multo clariorem, & illustriorem reddat. Eo enim copiosior Christi gratia uidetur esse, quod non solum ea nobiscum communicatur, quæ ipse solus, sed illa etiam, quæ tamquam caput in membra suis sanctis, & iustis hominibus promeruit, ac persoluit: qua ratione fieri perspicuum est, ut iustæ, & honestæ piorum actiones tantum ponderis, & dignitatis habeant. Christus enim dominus, tamquam caput in membra, & uitis in palmites, gratiam suam in eos, qui sibi per charitatem coniuncti sunt, continenter diffundit. Quæ quidem gratia bona opera nostra semper antecedit, comitatur, & consequitur, & sine qua mereri, & satisfacere Deo nullo modo possumus. Atque ita fit, ut iustis nihil deesse uideatur, cum operibus, quæ Dei uirtute efficiunt, & diuinæ legi pro humana mortaliq̃ue conditione satisfacere, & uitam æternam, quam scilicet, si Dei gratia ornati è uita decesserint, consequitur, mereri possint. nota est enim illa Saluatoris uox: Qui autem biberit ex hac aqua, quam ego dabo ei, non sitiet in æternum; sed aqua, quam ego dabo ei, fiet in eo fons aquæ salientis in uitam æternam.

Ioan. 4.

Quæ ad uerum satisfactionem requirantur.

Sed duo præcipue in satisfactione requiruntur, primum est, ut is, qui satisfacit, iustus sit, ac Dei amicus. opera enim, quæ sine fide, & charitate fiunt, nullo modo Deo grata esse possunt. alterum, ut eiusmodi opera suscipiantur, quæ natura sua dolorem,

&

& molestiam afferant : cum enim præteritorum
 scelerum compensationes sint , atque , ut sanctus
 martyr Cyprianus ait , redemptrices peccatorum ; S. Cypria-
 omnino necesse est , ut aliquid acerbitalis habeant ;
 quamquam non semper illud consequitur , ut qui
 se in illis molestis actionibus exercent , doloris sen-
 sum habeant . Sæpe enim uel patiendi consuetudo ,
 uel accensa in Deum charitas efficit , ut quæ per-
 pessus grauissima sunt , ne sentiantur quidem . Neque
 tamen iccirco fit , quo minus ea ipsa opera satisfa-
 ciendi uim habeant : siquidem hoc proprium est filio-
 rum Dei , ita eius amore , & pietate inflammari ,
 ut acerbissimis laboribus cruciati , aut nihil fere in
 commodi sentiant , aut omnia latissimo animo perse-
 rant . Verum omne satisfactionis genus Pastores
 docebunt ad hæc tria præcipue conferendum esse ,
 orationem , ieiunium , eleemosynam : quæ quidem
 tribus bonis , animæ , corporis , & ijs , quæ exter-
 na commoda dicuntur , quæ omnia à Deo accepi-
 mus , respondent . nihil uero aptius & conuenien-
 tius ad extirpandas omnium peccatorum radices
 esse potest . Nam cum omne , quod est in mundo , con-
 cupiscentia carnis sit , aut concupiscentia oculorū ,
 aut superbia uitæ ; nemo non uidet , hisce tribus mor-
 bi causis totidem medicinas , priori scilicet ieiuniū ,
 alteri eleemosynam , tertiæ orationem rectissime op-
 poni . Præterea , si eos etiam , qui peccatis nostris
 offenduntur , spectemus ; facile erit intelligere , cur
 ad hæc tria potissimum omnis satisfactio referatur .

1. Ioan. 2.

hi uero sunt Deus, proximus, nos ipsi. Quare Deum oratione placamus : proximo eleemosyna satisfacimus : nos ipsos uero ieiunio castigamus . Sed quoniam multæ uariæque arumne , & calamitates , dum in hac uita sumus, nos premunt ; illud maxime fideles docendi sunt , eos, qui patienti animo, quidquid laboriosi , & incommodi Deus immiserit , ferant , amplam satisfaciendi , & merendi materiam nactos esse ; qui autem inuiti , & repugnantes pœnam huiusmodi sustineant , omni satisfactionis fructu priuari ; sed Dei tantum , peccata iusto iudicio ulciscantis , animaduersionem , & supplicium perferre . In eo uero summa Dei bonitas, & clementia maximis laudibus , & gratiarum actionibus prædicanda est , qui humane imbecillitatis hoc condonauit , ut unus posset pro altero satisfacere. quod quidem huius partis pœnitentiæ maxime proprium est. ut enim, quod ad contritionem , & confessionem attinet, nemo pro altero dolere, aut confiteri potest : ita, qui diuina gratia præditi sunt , alterius nomine possunt quod Deo debetur , persolvere . quare fit , ut quodam pacto alter alterius onera portare uideatur . Nec uero de hoc cuiquam fidelium dubitandi locus relictus est, qui in apostolorum symbolo, sanctorum communionem confitemur . nam cum omnes eodem baptismo abluti Christo renascamur, eorundem sacramentorum participes simus, in primis uero eiusdem corporis, & sanguinis Christi domini cibo, & potu recreemur ; hoc apertissime demonstrat,

nos,

nos omnes eiusdem esse corporis membra. Quem-
admodum igitur neque pes suæ tantum; sed etiam
oculorum utilitatis causa munere suo fungitur;
neque rursus, quod oculi uideant, ad illorum pro-
priam, sed ad communem omnium membrorum uti-
litatem referendum est: ita communia inter nos sa-
tisfactionis officia existimari debent. Neque tamen
id sine ulla exceptione uerum est, si commoda omnia
qua ex ea capiuntur, spectemus. nam satisfactionis
opera, medicina etiam & curationes quædam sunt,
quæ pœnitenti ad sanandos prauos animi affectus
prescribuntur: quo quidem utilitatis fructu eos, qui
per se non satisfaciunt, prorsus carere perspicuum
est. Hæc igitur de tribus pœnitentiæ partibus, con-
tritione, confessione, & satisfactione, copiose, & di-
lucide explicanda erunt.

Sed illud in primis à sacerdotibus obseruari
oportet, ut, audita peccatorum confessione, ante
quàm pœnitentem à peccatis absoluant, diligenter
curent, ut, si quid ille forte de re, aut de existimatio-
ne proximi detraxerit, cuius peccati damnandus
merito esse uideatur, cumulata satisfactione com-
penset. nemo enim absolueundus est, nisi prius, quæ
cuiusque fuerint, restituere polliceatur. At quoniam
multi sunt, quibus, & si prolixè pollicentur, se offi-
cio satis esse facturos, tamen certum est, ac deli-
beratum, numquam promissa exolucere; omnino iis
cogendi sunt, ut restituant: sæpeque illud Apo-
stoli eis inculcandum est, ut, qui furabatur, iam

ad Ep. 4.

non furetur; magis autem laboret, operando manibus suis quod bonum est, ut habeat unde tribuat necessitatem patienti. In irroganda autem satisfactionis pœna sacerdotes nihil sibi suo arbitratu statuendum esse, sed omnia iustitia, prudentia, & pietate dirigenda existimabunt. Atque, ut hac regula peccata metiri uideantur, & pœnitentes scelerum suorum grauitatem magis agnoscant; operæpretium erit, interdum eis significare, quæ pœnæ quibusdam delictis ex ueterum canonum præscripto, qui pœnitentiales uocantur, constitutæ sint. Igitur uniuersæ satisfactionis modum, culpæ ratio temperabit. Sed ex omni satisfactionum genere maxime conuenit pœnitentibus præcipere, ut certis aliquot, & definitis diebus orationi uacent, ac pro omnibus, & præsertim pro ijs, qui ex hac uita in Domino decesserunt, preces Deo faciant. Hortari uero etiam eos oportet, ut sæpe eadem satisfactionis opera, à sacerdote indicta, ultro suscipiant, ac repetant; atque ita mores suos componant, ut, ijs omnibus, quæ ad pœnitentiæ sacramentum pertinent, diligenter absolutis, tamen uirtutis pœnitentiæ studia numquam intermittant. quod si interdum, etiam ob publicam offensionem, publica pœnitentia præscribenda fuerit, quamuis eam pœnitens refugiat, ac deprecetur, non erit facile audiendus: uerum persuadere ei oportebit, ut, quæ tum sibi, tum alijs salutaria futura sunt, libenti, & alacri animo excipiat. Hæc de pœnitentiæ sacramento, singulisq;

gulisq; eius partibus ita docenda erunt, ut non solum ea fideles perfecte intelligant, sed etiam, iuuant Domino, re ipsa pie, & religiose præstare animum inducant.

DE EXTREMAE VN- CTIONIS SACRA-

MENTO.

CUM sancta scripturarum oracula ita doceant; **Eccle. 7.**
In omnibus operibus tuis memorare nouissima tua, & in aeternum non peccabis; tacite Parochi admonentur, nullum tempus prætermittendum esse fidelem populum cohortandi, ut in assidua mortis meditatione uersetur. Quoniam autem extremæ unctionis sacramentum non potest supremi illius diei memoriam coniunctam non habere: facile intelligitur de eo sæpe agendum esse, non solum ob eam causam quòd illarum rerum mysteria, quæ ad salutem pertinent, aperire, & explicare maxime conuenit; sed etiam, quia fideles, moriendi uecessitatem omnibus propositam esse, animo repetentes, prauas cupiditates coercebunt: quare fiet, ut ipsa mortis expectatione, minus se perturbari sentiant; sed immortales Deo gratias agant, qui, ut baptismi sacramento aditum nobis ad ueram uitam patefecit, ita etiam, ut ex hac mortali uita decedentes, expeditiorem ad cælum uiam haberemus, extremæ unctionis sacramentum instituit. Ut igitur, quæ ad

eam explicationem magis necessaria sunt, eodem fere ordine, qui in alijs sacramentis seruatus est, exponantur; primum illud tradendum erit, hoc sacramentum iccirco extremam unctionem appellatum esse, quod hæc omnium sacrarum unctionum, quas dominus Saluator noster Ecclesiæ suæ commendauit, ultima administranda sit. Quare hæc ipsa unctio à maioribus nostris sacramentum etiam unctionis infirmorum, & sacramentum exeuntium dicta est: quibus uocabulis fideles in memoriam nouissimi illius temporis facile redire possunt. Quod autem extremæ unctioni propria sacramenti ratio conueniat, in primis explanandum est. id uero perspicuum fiet, si uerba, quibus sanctus

Iacobis. Iacobus Apostolus huius sacramenti legem promulgauit, attendamus. Infirmatur quis in nobis? inquit inducat presbyteros Ecclesiæ & orent super eum ungentes oleo in nomine Domini: & oratio fidei saluabit infirmum: & alleuiabit eum Dominus: & si in peccatis sit, remittentur ei. Nam quod peccata condonari Apostolus affirmat, in eo declarat sacramenti uim, & naturam. Hanc uero catholica Ecclesiæ de extrema unctione perpetuam doctrinam fuisse, cum alia plura Concilia testantur, tum à Tridantina Synodo hoc ita declaratum est, ut in eos omnes anathematis penam constituerit, qui aliter docere, aut sentire audent.

Innocentius primus.

Ac Innocentius quoque primus hoc sacramentum fidelibus maxime commendat. Constantè itaque docendum

docendum est à Pastoribus, uerum sacramentum esse; nec plura, sed unum quamuis per plures actiones administretur; quarum singulis propriæ preces, ac peculiaris forma adhibenda est. Unum uere est non partium continuatione, quæ diuidi non possint, sed perfectione, cuiusmodi sunt cætera omnia, quæ ex pluribus rebus constant. Nam quemadmodum domus, quæ ex multis, & diuersis rebus composita est, una tantum forma perficitur; ita hoc sacramentum, etsi ex pluribus rebus, & uerbis constituitur, unum tamen signum est, & unius rei, quam significat, efficiëntiam habet. Docebunt præterea Parochi, quæ sint huius sacramenti partes, elementum, inquam, & uerbum: hæc enim à sancto Iacobo prætermissa non sunt: in quibus singulis sua mysteria licet animaduertere. Eius igitur elementum, siue materia, quemadmodum Concilia, ac præcipue Tridentinum decreuit, est oleum ab Episcopo consecratum, liquor scilicet, non ex quamuis pingui, & crassa natura, sed ex olearum baccis tantummodo expressus. Aptissime autem hæc materia illud significat, quod in sacramenti interiori in anima efficitur. nam ut oleum ad mitigandos corporis dolores magnopere proficit: ita sacramenti uirtus, animæ tristitiam, ac dolorem minuit. Oleum præterea sanitatem restituit, hilaritatem affert, & lumini tamquam pabulum præbet: tum uero ad recreandas defatigati corporis uires maxime accomodatum est. Quæ

Iacobi 5.

Tri. Syn.

Iacobi. 5.

omnia, quid in agroto diuina uirtute per huius sacramenti administrationem efficiatur, declarant. Hæc de materia satis sint. Forma uero sacramenti est uerbum, & sollemnis illa precatio, qua sacerdos ad singulas unctiones adhibet, cum inquit: Per istam sanctam unctionem indulgeat tibi Deus, quidquid oculorum, siue narium, siue tactus uitio deliquisti. Quod autem hæc uera sit, & propria huius sacramenti forma, sanctus Iacobus Apostolus significat, cum ait: Et orent super eum, & oratio fidei saluabit infirmum. Ex quo licet cognoscere, formam precationis modo proferendam esse; tametsi, quibus potissimum uerbis concipienda sit, Apostolus non expresse. Verum hoc ad nos fidei Patrum traditione permanuit, ita ut omnes Ecclesiæ eam formæ rationem retineant, qua omnium mater, & magistra sancta Ecclesia Romana utitur. nam etsi aliqui nonnulla uerba immutant, cum pro; Indulgeat tibi Deus: ponunt, Remittat, uel Parcat, interdum etiam Sanet, quidquid commisisti: tamen, quoniam nulla fit sententiæ immutatio, constat eandem ab omnibus formam religiose seruari. Nec uero quisquam miretur, cur factum sit, ut aliorum sacramentorum forma uel absolute significet quod efficit, ut cum dicimus; Ego te baptizo; aut; Signo te signo crucis: uel tamquam ab imperantibus pronuncietur; ut cum in sacramento ordinis administrando dicitur; Accipe potestatem; hæc una uero extrema unctionis forma precatione quadam absoluitur:

soluatur: id enim optimo iure constitutum est. nam cum hoc sacramentum propterea adhibeatur, ut præter spirituales gratias, quam tribui, sanitatem etiam restituat ægrotis: tamen, quia non semper sequitur, ut ægri à morbis conualescant, ob eam causam precatione forma conficitur, ut à Dei benignitate id interpretemur, quod sacramenti uis constanti & perpetuo ordine efficere non solet. Adhibentur autem ritus proprii in huius quoque sacramenti administratione: sed eorum maxima pars precationes continet, quibus sacerdos ad ægroti salutem impetrandam utitur. nullum enim est aliud sacramentum, quod pluribus precibus conficiatur: ac recte quidem: quoniam eo potissimum tempore fideles pijs obsecrationibus adiuuandi sunt. quare & alij omnes, quos tum adesse contigerit, & precipue Parochi, debent orare Deum ex animo, & eius misericordiæ laborantis uitam & salutem omni studio commendare.

Verum cum demonstratum sit, extremam unctionem uere, & proprie in sacramentorum numero habendam esse; illud etiam sequitur, eius institutionem à Christo domino profectam esse: quæ postea à sancto Iacobo Apostolo fidelibus proposita, & promulgata est. Quamquam idem Saluator huius unctionis specimen quoddam dedisse uisus est, cum discipulos suos binos, & binos ante faciem suam misit. de illis enim apud Euangelistam ita scriptum est: Exeuntes prædicabant, ut penitentiam agerent, & demonia

9
Vnctionis
extremæ sa-
cramentum
à Christo
institutum,
& quibus
conferen-
dum.

Marc. 6.

340
demonia multa eijciebant, & ungebant oleo multos egros, & sanabant. quam quidem unctionem non ab Apostolis inuentam, sed à Domino præceptam, non naturali aliqua uirtute præditam, sed mysticam potius ad sanandos animos, quàm ad corpora curanda institutam fuisse, credendum est: id enim sancti Dionysius, Ambrosius, Chrysostomus, & Gregorius magnus asserunt: ut nullo modo dubitandum sit, quin hoc unum ex septem catholice Ecclesie sacramentis summa cum religione accipere oporteat. Sed docendi sunt fideles quamuis hoc sacramentum ad omnes pertineat, quedam tamen hominum genera excipi, quibus administrandum non sit. Ac primum excipiuntur, qui sano, & firmo corpore sunt: ijs enim extremam unctionem tribuendam non esse, & Apostolus docet, cum inquit; Infirmatur quis in uobis? & ratio ostendit; si quidem ob eam rem instituta est, non modo ut animæ, sed etiam ut corpori medicinam asserat. Cum igitur illi tantum, qui morbo laborant curatione indigeant; ideo ijs etiam, qui adeo periculose egrotare uidentur, ut, ne supremus illis uitæ dies insiet, metuendum sit: hoc sacramentum præberi debet. In quo tamen grauissime peccant, qui illud tempus egroti ungendi obseruare solent, cum, iam omni salutis spe amissa, uita, & sensibus carere incipiat. constat enim, ad uberiores sacramenti gratiam percipiendam plurimum ualere, si egrotus, cum in eo adhuc
integra

S. Dionysius,
us, Ambro.
Chrysost.
Greg.

Iacobi 5.

integramens & ratio uiget, fidemque, & religiosam animi uoluntatem asserre potest, sacro oleo liniatur. Quare Parochis animaduertendum est, ut eo potissimum tempore caelestem medicinam adhibeant, illam quidem semper ui sua admodum salutarem, cum eorum etiam pietate, & religione, qui curandi sunt, magis profuturam intellexerint. Nemini igitur, qui graui morbo affectus non sit, sacramentum unctionis dare licet, tametsi uitæ periculum adeat; uel quia periculosam nauigationem pareret: uel quia prælium initurus sit, à quo certa mors illi impendeat; uel etiam, si capitis damnatus ad supplicium raperetur. Omnes præterea, qui rationis usu carent, ad hoc sacramentum suscipiendum apti non sunt: & pueri, qui nulla peccata admittunt, quorum reliquias sanare huius sacramenti remedio opus sit; amentes item, & furiosi, nisi interdum rationis usum haberent, & eo potissimum tempore pij animi significationē darent, peterentque, ut sacro oleo ungerentur. nam qui ab ipso ortu numquam mentis & rationis compos fuit, ungendus non est: secus uero si ægrotus, cum mente adhuc integra huius sacramenti particeps fieri uoluisset, postea in insaniam & furorem incidit. Non sunt autē omnes corporis partes ungendæ. sed ea tantum, quas ueluti sensuum instrumenta natura homini tribuit, oculi propter uisionem, aures propter auditum, nares propter odoratum, os propter gustum, uel sermonem, manus propter tactum; qui tametsi toto corpore

corpore aquabiliter fusus est, in ea tamen parte maxime uiget. Hunc autem ungendi ritum uniuersalis Ecclesia retinet, atque etiam huius sacramenti naturæ optime conuenit: medicamento enim est instar, Ac quoniam in corporis morbis, quamuis uniuersum corpus male affectum sit, tamen illi tantum parti curatio adhibetur, à qua, tamquam à fonte, & origine, morbus manat; ideo non totum corpus, sed ea membra, in quibus potissimum sentiendi uis eminet, renes etiam, ueluti uoluptatis, & libidinis sedes, unguntur; tum pedes, qui nobis ingressus, & ad locum mouendi principium sunt. In quibus illud obseruare oportet, in una, eadēque agrotatione, cum æger in eodem uitæ periculo positus est, semel tantum ungendum esse. Quod si post susceptam hanc unctionem æger conualuerit; quoties postea in id uitæ discrimen inciderit, toties eiusdem sacramenti subsidium ei poterit adhiberi. ex quo patet, in eorum sacramentorum numero, quæ iterari soleant, reponendam esse.

Extremam
ratio qua
preparatio
ne suscipiē
da, quis mi
nistret, & fru
ctus illius.

Quoniam uero omni studio curare oportet, ne quid sacramenti gratiam impediatur; ei uero nihil magis aduersatur, quàm alicuius peccati mortiferi conscientia; seruanda est catholicæ Ecclesiæ perpetua consuetudo, ut, ante extremam unctionem, penitentia, & Eucharistiæ sacramentum administretur. Ac deinde agrotos persuadere Parochi studeant ut ea fide se ungendum sacerdoti præbeat, qua olim, qui ab Apostolis sanandi erant, se ipsos afferre consueuerant.

fueuerant. In primis autem animæ salus, deinde cor-
 poris ualeitudo cum illa adiunctione, si ea ac eter-
 nam gloriam profutura sit, expetenda est. Nec
 uero dubitare fideles debent, quin sanctæ illæ, &
 sollemnes preces à Deo audiantur, quibus sacerdos
 non suam, sed Ecclesiæ, & dominique nostri Iesu Chri-
 sti personam gerens utitur. Qua una maxime re-
 cohortandi sunt, ut huius saluberrimi olei sacramen-
 tum sancte, & religiose sibi administrandum curèt,
 cum & acrior pugna instare, & uires cum animi,
 tum corporis deficere uideantur. Iam uero, quis extre-
 mæ unctionis minister sit, ab eodem Apostolo, qui
 Domini legem promulgauit, deducimus: ait enim:
 Inducat presbyter is. quo nomine non eos significat,
 qui ætate prouectiores sunt, quemadmodum sapien-
 ter Tridentina Synodus exposuit, aut qui in popu-
 lo principem locum obtinent, sed sacerdotes, qui
 ab ipsis Episcopis per manuum impositionem rite
 ordinati sunt. Sacerdoti igitur huius sacramenti
 administratio commissa est. Neque tamen ex san-
 ctæ Ecclesiæ decreto cuius sacerdoti, sed proprio
 Pastori, qui iurisdictionem habeat, siue alteri, ut
 ille eius muneris fungendi potestatem fecerit, hoc sa-
 cramentum administrare licet. Illud uero maxime
 animaduertendum est, sacerdotem in ea administra-
 tione, quemadmodum etiam in alijs sacramentis
 fit, Christi domini nostri, & sanctæ Ecclesiæ, eius
 sponsæ, personam sustinere. Explicandæ etiam sunt
 accuratius utilitates, quas ex hoc sacramento capi-
 mus

Iacobi 5.

Syn. Trid.

mus: ut, si nihil aliud fideles ad eius usum possit allicere, ipsa saltem utilitate ducantur: cum ita comparatum sit, ut omnia fere nostris commodis metiamur. Docebunt igitur Pastores, hoc sacramento gratiam tribui, quæ peccata, & in primis quidem leuiora, & ut communi nomine appellantur, uenialia, remittit: exitiales enim culpe, pœnitentiæ sacramento tolluntur. neque enim hoc sacramentum primario loco ad grauiorum criminum remissionem institutum est: sed baptismus tantum, & pœnitentia ui sua hoc efficiunt. Altera est sacræ unctionis utilitas, quod animam à languore, & infirmitate, quam ex peccatis contraxit, & à ceteris omnibus peccati reliquijs liberat. Tempus autem huic curationi opportunissimum existimandum est, cum graui morbo afflicti sumus, ac uitæ periculum impendet. Etenim homini natura insitum est, ut nihil in rebus humanis æquè, ac mortem, pertimescat. augeat autem magnopere hunc timorem præteritorum scelerum memoria; cum præsertim grauissima conscientie nostræ accusatio nos urgeat. ut enim scriptum est: Venient in cogitationem peccatorum suorum timidi, & traduent illos ex aduerso iniquitates ipsorum. Deinde illa cura, & cogitatio uehementer angit, quòd paulo post stare oporteat ante tribunal Dei, à quo de nobis iustissima pro eo, ac meriti fuerimus, sententia ferenda sit. Sape autem euenit, ut fideles hoc terrore perculsi, se miris modis exagitari sentiant. Nihil autem ad mortis tranquillitatem

tatem magis conducit, quàm si tristitiam abijciamus, & lato animo Domini aduentum expectemus; paratiq̃ue simus, depositum nostrum, quando cunque illud à nobis repetere uoluerit, libenter reddere. Ut igitur hac sollicitudine fidelium mentes liberentur, animusq̃ue pio, & sancto gaudio repleatur, extremae unctionis sacramentum efficit. Præterea, aliud etiam, quod merito omnium maximum uideri potest, ex eo consequimur. nam etsi humani generis hostis, quoad uiuimus, numquam desinit de interitu, & exitio nostro cogitare; nullo tamen tempore, ut nos omnino perdat, ac, si fieri possit, spem nobis diuinæ misericordiæ eripiat, uehementius omnes neruos contendit, quàm cum supremum uitæ diem appropinquare animaduernerit. Quamobrem fidelibus arma, & uires hoc sacramento subministrantur, quibus aduersarij uim, & impetum frangere, & illi fortiter repugnare possint. alleuatur enim & erigitur ægri animus diuinæ bonitatis spe; eaq̃ue confirmatus, morbi incommoda omnia fert leuius, ac ipsius Dæmonis, calca-
neo insidiantis, artificium, & calliditatem facilius eludit. Accedit postremo, siquidem profutura sit, etiam corporis sanitas. Quod si ægroti hoc tempore eam minus consequuntur, id quidem non sacramenti uitio, sed ob eam potius causam euenire credendum est: quod eorum magna pars, uel qui sacro oleo perunguntur, uel à quibus administratur, fides infirmior est. testatur enim Euangelista, March. 13.
Domini-

Dominum apud suos multas uirtutes nõ fecisse propter incredulitatem illorum. Quamquam etiam recte dici potest, Christianam religionem, ex quo altius tamquam radices egit in animis hominum, minus iam huiusmodi miraculorum adminiculis indigere, quàm olim nascentis Ecclesia initio necessaria esse uiderentur. Sed tamen hoc loco fides magnopere excitanda erit. utcumque enim, quod ad corporis ualeitudinem attinet, Dei consilio & uoluntate ceciderit, certa spe niti fideles debent, se huius sacri olei uirtute spiritualem sanitatem consecuturos esse; futurumque, ut, si eos uita de cedere contingat, præclaræ illius uocis fructum percipiant, quæ scriptum est; Beati mortui, qui in Domino moriuntur. Hæc de extremæ unctionis sacramento breuiter quidem dicta sunt: uerum, si hæc ipsa rerum capita à Pastoribus latius, & ea, quæ decet, diligentia explanata erunt; dubitandum non est, quin fideles ex hac doctrina maximum pietatis fructum percipiant.

Apoc. 14.

DE ORDINIS SACRAMENTO.

SI quis aliorum sacramentorum naturam, & rationem diligenter considerarit, facile perspiciet, ea omnia ab ordinis sacramento ita pendere, ut sine illo partim confici, & administrari nullo modo queant; partim sollemni cerimonia, & religioso quodam ritu, ac cultu carere uideantur. Quare necesse

cesse est, ut Pastores institutam sacramentorum doctrinam persequentes; eo diligentius de ordinis etiā sacramento sibi agendum arbitrentur. Proderit autem maxime hæc explicatio, primum quidē illis ipsis, deinde alijs, qui Ecclesiasticæ uitæ rationem ingressi sunt, postremo etiam fidei populo; ipsis, quod dum in huius argumenti tractatione uersantur ad eam gratiam excitandam, quam hoc sacramento adepti sunt, magis commouentur; alijs, qui in sortem Domini uocati sunt, partim ut eodem pietatis studio afficiantur, partim uero, ut earum rerum cognitionem percipient, quibus instructi uiam sibi ad ulteriores gradus facilius munire possint.

Reliquis autem fidelibus, primum quidem ut intelligant, quo honore digni sint Ecclesiæ ministri; deinde, quoniam sepe contingit, ut multi adsint, uel qui spe liberos suos adhuc infantes Ecclesiæ ministerio destinarent, uel qui sua sponte & uoluntate illud uitæ genus sequi uelint; quos certè ignorare minime æquum est, quæ præcipue ad hanc rationem pertinent. Primum itaque fidelibus tradendum est, quanta sit huius instituti, si summum eius gradum hoc est sacerdotium spectemus, nobilitas, & excellentia. Nam cum Episcopi, & sacerdotes tamquam Dei interpretes, & internuncij quidam sint, qui eius nomine diuinam legem, & uitæ præcepta homines edocent, & ipsius Dei personam in terris gerunt; perspicuum est, eam esse illorum functionem, qua nulla maior excogitari possit: quare merito non

solum Angeli, sed Diſ etiam, quòd Dei immortalis uim, & numen apud nos teneant; appellantur. Quamuis autem omnitempore summam dignitatem obtinuerint, tamen noui testamenti sacerdotes cæteris omnibus honore longe antecellunt. Potestas enim tum corpus, & sanguinem Domini nostri conficiendi, & offerendi, tum peccata remittendi, quæ illis collata est; humanam quoque rationem, atque intelligentiam superat; nedum ei aliquid par, & simile in terris inueniri queat. Deinde uero, quemadmodum Saluator noster à patre, Apostoli autem, ac discipuli in uniuersum mundum à Christo domino missi sunt; ita quotidie sacerdotes, eadem, qua illi, potestate præditi, ad consummationem sanctorum in opus ministerij in edificationem corporis Christi mittuntur. Huius igitur tanti officij onus nemini temere imponendum est, sed

ad Eph. 4. ijs tantum, qui illud uitæ sanctitate, doctrina, fide, prudentia sustinere possint. Nec uero quisquam sumat sibi honorem, sed qui uocatur à Deo tamquam Aaron. Vocari autem à Deo dicuntur, qui à legitimis Ecclesiæ ministris uocantur. nam qui in hoc ministerium se ipsos arroganter inferunt, atque intrudunt, de his Dominum intellexisse docendum est, cum inquit: Non mittebam Prophetas, & ipsi currebant. quo quidem hominum genere nihil infelicius, ac miseriùs, nihil Ecclesiæ Dei calamitosius esse potest.

Sed quoniam in omni actione suscipienda magnopere refert, quem sibi quisque finem constituat; (optimo enim fine posito, recte omnia consequuntur) de hoc in primis, qui sacris initiari uolunt, admonendi sunt, ut nihil sibi tanto munere indignum proponant. qui quidem locus eo diligentius tractandus erit, quo grauius hoc tempore ea in re peccare fideles solent. Alij enim eo consilio ad hanc uiuendi rationem se conuertunt, ut, quæ ad uictum, uestitumque necessaria sunt, parent, ita ut, præter questum, nihil aliud in sacerdotio, quemadmodum uulgo ceteri omnes in quouis sordidi artificij genere, spectare uideantur. Quamuis enim, ex Apostoli sententia, natura, & diuina lex iubeat, ut qui altari seruit, ex altari uiuat: tamen, questus, & lucri causa ad altare accedere, maximum sacrilegium est. Alios honorum cupiditas, & ambitio ad sacerdotalem ordinem ducit. Alij uero, ut diuitijs affluant, initiari uolunt. cuius quidem rei illud argumento est, quod, nisi opulentum aliquod Ecclesiasticum beneficium ijs deferatur, nullam sacri ordinis cogitationem habent. hi uero sunt, quos Saluator noster mercenarios appellat; & quos Ezechiel dicebat, semetipsos, & non oues pascere. quorum turpitudine, & improbitas non solum sacerdotali ordini magnas tenebras offudit, ita ut iam nihil fere à fidei populo haberi possit contemptius, & abiectius; uerum etiam efficit, ut ipsi nihil amplius ex sacerdotio consequantur,

Quanta circumspectio ne ad sacros ordines accedendum.

1. Cor. 9.

Ioan. 10.
Ezech. 34.

quam Iudas ex Apostolatus munere, quod illi sempiternum exitium attulit. Illi autem ostio in Ecclesia introire merito dicuntur, qui à Deo legitime uocati Ecclesiastica munera eius unius rei causa suscipiunt ut Dei honori inseruiant. Neque tamen hoc ita accipiendum est, quasi eadem lex æque omnibus non sit imposita. Homines enim ob eam rem conditi sunt, ut Deum colant, quod præcipue fideles, qui baptisimi gratiam consecuti sunt, ex toto corde, ex tota anima, & ex totis uiribus præstare debent. Verum qui ordinis sacramento initiari uolunt, hoc sibi proponant opus est, ut non solum Dei gloriam in omnibus rebus quærant; quod quidem cum omnibus, tum maxime fidelibus commune esse constat; sed etiam ut alicui certo Ecclesiæ ministerio addicti, in sanctitate, & iustitia illi seruiant. Nam ut in exercitu omnes quidem milites imperatoris legibus parent, sed inter eos tamen alius centurio, alius præfectus est, alij alia munera obcunt: ita, quamuis omnes fideles pietatem, & innocentiam seclari omni studio debeant, quibus rebus maxime Deus colitur, eos tamen, qui ordinis sacramento sunt initiati, præcipua quædam munera, & functiones in Ecclesia exequi oportet. nam & sacra pro se ipsis, & pro omni populo faciunt; & diuinæ legis uim tradunt; ad eamque prompto, & alacri animo seruandam fideles hortantur, & instituunt: & Christi domini sacramenta, quibus omnis gratia imperitur, & augetur, administrant; & ut uno uerbo comple-

complectamur, à reliquo populo segregati, in omnium longe maximo, & præstantissimo ministerio se exercent.

De duplici
potestate
ecclesiasti-
ca, ordinis
& iurisdic-
tionis.

His igitur explicatis, accedent Parochi ad ea tradenda, quæ propria huius sacramenti sunt; ut intelligant fideles, qui in ecclesiasticum ordinem cooptari uolunt, ad quodnam officij genus uocentur, quantaque ipsi Ecclesiæ, eiusque ministris potestas diuinitus tributa sit. Ea autem duplex est, ordinis, & iurisdictionis. Ordinis potestas ad uerum Christi domini corpus in sacrosancta Eucharistia refertur. Iurisdictionis uero potestas tota in Christi corpore mystico uersatur. ad eam enim spectat, Christianum populum gubernare, & moderari, & ad æternam, cælestemque beatitudinem dirigere. Verum ordinis potestas non solum consecrandæ Eucharistiæ uim, & potestatem continet, sed ad eam accipiendâ hominum animos præparat, & idoneos reddit, ceteraque omnia complectitur; quæ ad Eucharistiam quouis modo referri possunt. eius uero plura ex sacris litteris testimonia afferri possunt; sed illa præclara, & grauissima sunt, quæ apud sanctos Ioannem, & Matthæum leguntur: ait enim Dominus: Sicut misit me Pater, & ego mitto uos; Accipite spiritum sanctum: quorum remiseritis peccata, remittuntur eis; & quorum retinueritis, retenta sunt. Et: Amen dico uobis: quaecumque alligaueritis super terram, erunt ligata & in calo: & quaecumque solueritis super terram,

Ioan. 20.

Math. 18.

ad Heb. 7.

Hebr. 7.

erunt soluta & in calo. Quæ quidem loca à Pasto-
ribus ex sanctorum Patrum doctrina, & auctori-
tate explanata, maximum ueritati lumen asserre
poterunt. Hæc autem potestas plurimum illi præ-
stat, quæ in naturæ lege certis hominibus, qui res
sacras curarent, tributa est. Nam & illa ætas,
quæ scriptam legem antecessit, suum sacerdotium,
suamque potestatem spirituales habuerit, necesse
est, cum legem habuisse satis constet. hæc duo enim
ita coniuncta esse testatur Apostolus, ut eorum
altero translato, simul etiam alterum transferrine-
cesse sit. Cum igitur naturali instinctu homines a-
gnoscerent, Deum colendum esse; consequens erat,
ut in quauis republica aliqui sacrorum, & diuini
cultus procurationi præficerentur: quorum potestas
aliquo modo spiritualis diceretur. Eadem etiam po-
testate populus Israeliticus non caruit; quæ tametsi
dignitate superior fuit, quàm illa, qua in lege na-
turæ sacerdotes præditi erant, longe tamen inferior,
quàm legis euangelicæ spiritualis potestas, existi-
manda est. hæc enim cælestis est, omnemque ange-
lorum etiam uirtutem superat, neque à sacerdotio
Mosaico, sed à Christo domino, qui non secundum
Aaron, sacerdos fuit, sed secundum ordinem Mel-
chisedec ortum habet. is enim, qui summa pote-
state gratiam tribuendi, & peccata remittendi præ-
ditus fuit, hanc potestatem, quauis uirtute defini-
tam, & sacramentis adstrictam, Ecclesiæ suæ re-
liquit. quare ad eam exercendam certi ministri
institui

instituti sunt, & sollemni religione consecrati; quæ quidem consecratio ordinis sacramentum uel sacra ordinatio uocatur. Placuit autem sanctis Patribus hoc uocabulo uti, quod latissimam significationem habet, ut dignitatem & excellentiam ministrorum Dei indicarent. Est enim ordo, si propriam eius uim, & notionem accipiamus; dispositio superiorum, & inferiorum rerum, quæ inter se ita aptæ sunt, ut una ad alteram referatur. Cum itaque in hoc ministerio multi sint gradus, & uariæ functiones; omnia uero certa ratione distributa sint, & collocata; recte, & commode ordinis nomen ei impositum uidetur. Quod autem inter cetera Ecclesiæ sacramenta sacra ordinatio numeranda sit; sancta Tridentina Synodus ratione illa, quæ sæpius repe- Trid. Syn.
 titata est, comprobauit. nam cum sacramentum sit rei sacræ signum; id uero, quod hac consecratione extrinsecus sit, gratiam & potestatem significet, quæ illi tribuitur, qui consecratur; omnino sequi perspicuum est, ordinem uere ac proprie sacramentum dicendum esse. quare Episcopus ei calicem cum uino, & aqua, & patenam cum pane porrigens, qui sacerdos ordinatur, inquit: Accipe potestatem offerendi sacrificium, &c. Quibus uerbis semper docuit Ecclesiæ, dum materia exhibetur, potestatem consecranda Eucharistiæ, charactere animo impresso: tradi, cui gratia adiuncta sit, ad illud munus rite, & legitime obeundum: quod Apostolus his uerbis declarat: Admoneo te, ut resisteas gratiam Dei, Tim. 1.

quæ est in te, per impositionem manuum mearum; non enim dedit nos Deus spiritum timoris, sed uirtutis, & dilectionis, & sobrietatis.

Sacramen-
tum ordi-
nis uarios
habet sui
exercendi
ministros.

Iam uero, ut sacræ Synodi uerbis utamur, cum diuina res sit tanti sacerdotij administratio; consentaneum fuit, quo dignius, & maiori cum ueneratione exerceri posset, ut in ecclesiæ ordinatissima dispositione plures essent, & diuersi ministrorum ordines, qui sacerdotio ex officio deseruirent; atque hi quidem ita distributi, ut, qui iam clericali tonsura insigniti essent, per minores ad maiores ascenderent. Docendum igitur erit, hosce omnes ordines septenario numero contineri, semperq. ita à catholica Ecclesia traditum esse: quorum nomina hæc sunt, Ostiarius, Lector, Exorcista, Acolytus, Subdiaconus, Diaconus, Sacerdos. Hunc autem ministrorum numerum recte ita definitum esse, probari potest propter ea ministeria, quæ ad sacrosanctum Missæ sacrificium, & Eucharistiam uel conficiendam, uel administrandam, cuius causa præcipue sunt instituta, necessaria uidentur. Ex his alij maiores, qui etiam sacri dicuntur, alij minores sunt. Maiores, uel sacri, sunt, Ordo Sacerdotalis, Diaconatus, & Subdiaconatus: ad minores referuntur Acolyti, Exorciste, Lectores, Ostiarij. de quorum singulis pauca dicenda sunt; ut habeant Parochi, unde eos, potissimum instituunt, quos nouerint aliquo ordine initiandos esse. Incipiendum est autem à prima tonsura: quam quidem, docere oportet, quandam præ-

para-

parationem esse ad ordines accipiendos. Ut enim homines ad baptismum exorcismis, ad matrimonium sponsalibus preparari solent: ita, cum tonsio capillo, Deo dedicantur; tamquam aditus ad ordinis sacramentum illis aperitur: declaratur enim, qualis esse debeat, qui sacris imbui cupit. Nam clerici nomen, quod ei tunc primum imponitur, ab eo deductum est, quod Domini sortem, & hereditatem suam habere incipiat; ueluti qui in Hebræorum populo, diuino cultu mancipati erant: quibus uetuit Dominus aliquam agrorum partem in terra promissionis distribui, cum inquit: Ego pars, & hereditas tua. Ac quamuis id omnibus fidelibus commune sit, præcipua tamen ratione ijs conueniat necesse est, qui se Dei ministerio consecrarunt. Tondentur uero capilli ad coronæ speciem, & similitudinē, quam perpetuo conseruare oportet: & ut quisque in altiori deinceps ordinis gradu collocatur; sic eius orbis forma latior circumscribi debet. quod quidem ex apostolorum traditione acceptum esse, docet Ecclesia; cum de huiusmodi tondendi more sancti Dionysius Arcopagita, Augustinus, Hieronymus, uetustissimi, & grauissimi Patres, meminerint. Primum autem omnium, ferunt, Apostolorum Principem eam consuetudinem induxisse ad memoriam coronæ, quæ ex spinis contexta Saluatoris nostri capiti fuit imposita, ut, quod impij ad Christi ignominiam, & cruciatum excogitarunt: eo apostoli ad decus, & gloriam uterentur; simulque significarent

Num. 18.

S. Diony.

1. Pet. 2.

rent curandum esse à ministris Ecclesiæ, ut omnibus in rebus Christi domini nostri speciem, & figuram gerant. Quamquam nonnulli asserant, hac nota regiam dignitatem declarari, quæ ijs maxime, qui in sortem Domini uocati sunt, uidentur conuenire. Quod enim Petrus apostolus fideli populo tribuit; Vos genus electum, regale sacerdotium, gens sancta; peculiari quadam, & magis propria ratione ad ecclesiasticos ministros pertinere facile intelligimus. etsi non desunt, qui uel perfectioris uitæ professionem à Clericis susceptam circuli figura, quæ omnium perfectissima est, significari existiment, uel externarum rerum contemptionem, animique ab omnibus humanis curis uacuitatem declarari putent; quod capilli, superuacaneum quiddam in corpore, tondeantur. Post primam Tonsuram ad

Ostarius.

Ostiarij ordinem primus gradus fieri consuevit. Eius munus est, templi claues, & ianuam custodire, & aditu templi arcere eos, quibus ingredi interdictum erat. Ad sanctum etiam Missæ sacrificium assistebat, curaturus ne quis proprius, quàm par esset, ad sacram aram accederet, & sacerdotem rem diuinam facientem interpellaret. Alia etiam ministeria illi commissa erant: ut ex ritibus, quæ ad eius consecrationem adhibentur, perspicere potest. nam Episcopus claues ex altari acceptas ei tradens, quem Ostiarium uult instituere, Sic age, inquit, quasi redditurus Deo rationem pro ijs rebus quæ his clauibus recluduntur. Magnam autem
in

in antiqua Ecclesia huius ordinis dignitatem fuisse ;
 ex eo intelligitur , quod his temporibus in Ecclesia
 seruari animaduertimus . nam Thesaurarij offi-
 cium , qui erat idem sacrarij custos , quod ad Ostia-
 rios pertinebat , inter honestiores ecclesiæ functio-
 nes etiam nunc habetur . Secundus ordinis gradus
 est Lectoris munus . Ad eum pertinet , in Ecclesia
 ueteris , & noui testamenti libros clara uoce & di-
 stincte recitare , præsertim uero eos , qui inter no-
 eturnam psalmodiam legi solent . Eius quoque par-
 tes erant , prima religionis Christianæ rudimenta
 fidelibus tradere . Episcopus itaque , præsentem popu-
 lo , in eius ordinatione librum , quo descripta sunt ,
 quæ ad hanc functionem attinent , illi tradens , in-
 quit : Accipe , & esto uerbi Dei relator , habitu
 rus , si fideliter , & utiliter impleueris officium tuum ,
 partem cum ijs , qui uerbum Dei bene ministrarunt
 ab initio . Tertius est ordo Exorcistarum , quibus po-
 testas data est nomen Domini inuocandi in eos , qui
 ab immundis spiritibus obsidentur . quare Episco-
 pus , cum eos instituit , librum , in quo exorcismi
 continentur , eis porrigit , usus ea formula uerbo-
 rum . Accipe , & commenda memoriæ , & habe
 potestatem imponendi manus super energumenos ,
 siue baptizatos , siue catechumenos . Acolytorum
 quartus est gradus , & ultimus eorum omnium ,
 qui minores , & non sacri , appellantur . eorum
 munus est , ministros maiores Subdiaconos , &
 Diaconos in altaris ministerio affectari , eisque
 operam

Lector.

Exorcista.

Acolytus.

operam dare. Præterea lumina deferunt, & asseruant, cum Missæ sacrificium celebratur, præcipue uero cum euangelium legitur, ex quo & céroferarij alio nomine uocati sunt. Cum itaque ordinantur, hic ritus ab Episcopo seruari consuevit. Primum quidem, postquam eos officij sui diligenter admonuit, lumina eorum singulis tradit in hunc modum: Accipe céroferarium cum cereo, & scias te ad accendenda ecclésiæ luminaria micipari, in nomine Domini. Deinde item urceolos uacuos, quibus aqua & uinum in sacrificio ministratur: Accipe urceolos ad suggerendum uinum, & aqua in Eucharistiam sanguinis Christi in nomine Domini. A minoribus ordinibus, iisdemque non sacris, de quibus hætenus dictum est, ad maiores, & sacros legitimus aditus, & ascensus patet. In eorum primo gradu Subdiaconus collocatur: cuius munus est, ut nomen ipsum declarat, Diacono ad altare inferuire: sacra enim lintea, uasa, panem, & uinum, ad sacrificij usum necessaria, parare debet. nunc Episcopo, & sacerdoti aquam præbet, cum manus in Missæ sacrificio abluunt. Epistolam etiam, quæ olim à Diacono in Missa recitabatur. Subdiaconus legit, ac tamquam testis ad sacrum assistit, prohibetque ne sacerdos sacra faciens à quopiam perturbari possit. Hæc autem, quæ ad Subdiaconi ministerium spectant, ex sollemnibus cærimonijs, quæ in illius consecratione adhibentur, licet cognoscere. Primum enim Episcopus legem perpetuæ continentie

huic

Subdiaconus.

huic ordini impositam esse admonet: edicitque neminem in Subdiaconorum ordinem cooptandum esse, cui ultro hanc legem accipere non sit propositum: deinde, post sollennem litaniarum precationem, quæ Subdiaconi munera, & functiones sint, enumerat, atque exponit. His peractis, eorum singuli, qui ordinantur, ab Episcopo quidem calicem, & sacramentum patenam accipiunt; ab Archidiacono uero, ut intelligatur Subdiaconum Diaconi officio subseruire, uereculos, uino & aqua plenos, una cum lebetibus, & linteolo, quo manus absterguntur, dicente Episcopo: Videte, cuiusmodi ministerium uobis traditur; ideo uos admoneo, ut ita uos exhibeatis, ut Deo placere possitis. Adduntur præterea aliæ preces. Ad extremum, cum Episcopus sacris uestibus Subdiaconum ornauit, ad quarum singulas propria uerba, & caerimonia adhibentur, tradit ei epistolarum librum, ac dicit: Accipe librum epistolarum, & habe potestatem legendi eas in Ecclesia sancta Dei tam pro uiuis, quam pro defunctis. Secundum autem sacrorum ordinum gradum Diaconus obtinet: cuius ministerium latius patet, sanctiusque semper habitum est. ad eum enim pertinet, Episcopum perpetuo sequi, concionantem custodire, eique, & sacerdoti sacra facienti, uel alia sacramenta administranti præsto esse, & in Missæ sacrificio euangelium legere. olim uero fidelium animos sæpius excitabat, ut sacra attendrent: sanguinem etiam Domini ministrabat; in quibus ecclesijs ea consue-



Diaconus.

consuetudo erat, ut fideles Eucharistiam sub utraq;
specie sumerent. Diacono præterea Ecclesiasticorū
bonorum dispensatio commissa erat, ut unicuique
necessaria ad uictum subministraret. Ad Diaconum
etiam attinet, tamquam Episcopi oculum, per-
uestigare; quinam in urbe pie, & religiose, quine
secus, uitam traducant; qui ad sacrificium, & con-
cionem statis temporibus conueniant, qui rursus
non conueniant: ut, cum de omnibus Episcopum
tertiorum fecerit, ille uel priuatim unumquemque
hortari, admonere, uel palam corrigere, & obiur-
gare possit, uti se magis profecturum esse intellexe-
rit. Catechumenorum etiam nomina recitare de-
bet, & eos, qui ordinis sacramento initiandi sunt,
ante Episcopum statuere. Licet ei præterea, si absit
Episcopus, & sacerdos, euangelium explanare,
non tamen superiori loco; ut intelligatur hoc eius
proprium munus non esse. Quanta uero diligentia
adhibenda sit, ne quis eo munere indignus ad hunc
ordinis gradum ascendat, Apostolus ostendit, cum
ad Timotheum Diaconi mores, uirtutem, & inte-
gritatem exposuit. Hoc idem satis etiam declarant
ritus, & sollemnes caerimoniae, quibus ab Episco-
po consecratur. pluribus enim & sanctioribus pre-
cibus ad Diaconi, quàm ad Subdiaconi ordinatio-
nem utitur Episcopus, & alia addit sacrarum ue-
stium ornamenta. Præterea, manus ei imponit:
quod quidem ab Apostolis factitatum esse legimus,
cum primos Diaconos instituerunt. Denique euan-
geliorum

geliorum librum ei tradit his uerbis: Accipe potestatem legendi euangelium in Ecclesia Dei tam pro uiuis, quàm pro defunctis, in nomine Domini. Tertius, omniumque sacrorum ordinum summus gradus est sacerdotium: qui uero illo præditi sunt, eos ueteres Patres duobus nominibus uocare solent. interdum enim Presbyteros appellant; quod græce seniores significat, non solum propter ætatis maturitatem, quæ huic ordini maxime necessaria est, sed multo magis propter morum grauitatem, doctrinam, & prudentiam. ut enim scriptum est; Senectus uenerabilis est, non diuturna, neque annorum numero computata. canes autem sunt sensus hominis, & ætas senectutis uita immaculata. Interdum uero Sacerdotes uocant, tum quia Deo consecrati sunt, tum quia ad eos pertinet sacramenta administrare, sacrasque res, & diuinas tractare. Sed quoniam duplex sacerdotium in sacris litteris describitur, alterum interius, alterum externum; utrumque distinguendum est; ut, de quo hoc loco intelligatur, à Pastoribus explicari possit. Quod igitur ad interius sacerdotium attinet, omnes fideles postquam saluari aqua abluti sunt, sacerdotes dicuntur, præcipue uero iusti, qui spiritum Dei habent, & diuinæ gratiæ beneficio Iesu Christi, summi sacerdotis, uiua membra effecti sunt. hi enim fide, quæ charitate inflammatur, in altari mentis suæ spirituales Deo hostias immolant: quo in genere bonæ oēs, & honestæ actio-

Sacerdos.

Sap. 4.

S

- actiones, quas ad Dei gloriam referunt, numeranda sunt. Quare in Apocalypsi ita legimus: Christus lauit nos à peccatis nostris in sanguine suo, & fecit nos regnum, & sacerdotes Deo, & patri suo.
1. Pet. 2. In quam sententiam ab Apostolorum principe dictum est: Ipsi tamquam lapides uiui superædificamini domus spirituales, sacerdotium sanctum, offerrentes spirituales hostias acceptabiles Deo per Iesum Christum. Et Apostolus nos hortatur, ut exhibeamus corpora nostra hostiam uiuentem, sanctam, Deo placentem, rationabile obsequiū nostrum. Dauid item multo ante dixerat: Sacrificium Deo spiritus contribulatus: cor contritum, & humiliatum Deus non despicias. Quæ omnia ad interius sacerdotium spectare, facile intelligitur. Externum uero sacerdotium, non omnium fidelium multitudini, sed certis hominibus cōuenit, qui legitima manuum impositione, sollemnibusque sanctæ Ecclesiæ caerimonijs instituti, & Deo consecrati, ad aliquod proprium sacrumque ministerium adscribuntur. Hoc sacerdotij discrimen in ueteri etiam lege obseruari potest. nam de interiori Dauidem locutum esse, paulo ante demonstratum est. externi uero, nemo ignorare potest, quàm multa Dominus Moyse, & Aaroni præcepta dederit. Præterea, uniuersam leuiticam tribum ministerio templi adscripsi, ac lege cauit, ne quis ex alia tribu in eam functionem se inferre auderet: quare Ozias rex lepra à Domino percussus, quòd sacerdotale munus usurpasset, arro-

arrogantia, & sacrilegij sui grauissimas pœnas dedit. Quia igitur eandem sacerdotij distinctionem in lege euangelica licet animaduvertere; docendi erunt fideles, nunc de sacerdotio externo agi, quod certis hominibus attributum est. hoc enim tantum modo ad ordinis sacramentum pertinet. Sacerdotis igitur munus est, Deo sacrificium facere, ecclesiastica sacramenta administrare, quemadmodum ex consecrationis ritibus perspicitur. Nam Episcopus cum aliquem sacerdotem instituit, primum quidem manus ei, una cum omnibus sacerdotibus, qui adsunt, imponit: deinde stolam humeris aptans, eam ante pectus in crucis formam componit: quo quidem declaratur, sacerdotem uirtute indui ex alto, qua possit crucem Christi domini, & iugum suauæ diuinæ legis perferre, eamque non uerbis solum, sed uitæ sanctissime, & honestissime actæ exemplo tradere. Postea manus sacro oleo inungit: tum uero calicem cum uino, & patenam cum hostia tradit: dicens: Accipe potestatem offerendi sacrificium Deo, Missasque celebrandi tam pro uiuis, quam pro defunctis. Quibus caerimonijs, & uerbis interpres, ac mediator Dei, & hominum constituitur: quæ præcipua sacerdotis functio existimanda est. Ad extremum uero, manibus iterum eius capiti impositis, Accipe, inquit, spiritum sanctum: quorum remiseras peccata, remittuntur eis; & quorum retinueris, retenta sunt. Eique caelestem illam, quam Dominus discipulis suis dedit, peccata

Sacerdotis
munus.

I

Ioan. 20.

et retin-

retinendi, ac remittendi potestatem tribuit. Hæc uero sunt sacerdotalis ordinis propria, & præcipua munera: qui tametsi unus est, uarios tamen dignitatis, & potestatis gradus habet. Primus est eorum, qui sacerdotes simpliciter uocantur, quorum functiones hætenus declaratae sunt. Secundus est Episcoporum, qui singulis episcopatibus præpositi sunt: ut non solum ceteros ecclesiæ ministros, sed fidelem populum regant, & eorum saluti summa cum uigilantia, & cura prospiciant. quare in sacris litteris Pastores ouium saepe appellantur: quorum munus, & officium Paulus descripsit, ut in apostolorum Actis legimus, in ea concione, quam ad Ephesios habuit. Itemque à Petro, apostolorum Principe, diuina quædam Episcopalis ministerij regula tradita est: ad quam si Episcopi actiones suas dirigere studeant, dubitandum non erit, quin Pastores boni & sint, & habeantur. Sed idem Episcopi & Pontifices dicuntur, accepto ab ethnicis nomine, qui Principes sacerdotum, Pontifices appellare consueuerunt. Tertius gradus est Archiepiscoporum, qui pluribus Episcopis præsunt; qui Metropolitani etiam uocantur, quòd illarum urbium antistites sint, quæ tamquam matres habeantur illius provinciae. quare superiorem, quàm Episcopi, locum, & ampliorem potestatem habent, tametsi ab Episcopis ordinatione nihil differunt. In quarto gradu Patriarchæ collocantur, idest primi supremiq; Patres. Olim in uniuersa Ecclesia, præter

sum-

AR. 20.
1. Pet. 5.

summum Romanum Pont. quattuor tantū Patriarchæ numerabantur, neque omnes tamen dignitate pares. nam Constantinopolitanus, etsi ad eum post omnes alios hic honos delatus est, tamen ob imperij maiestatem altiore locum obtinuit. Proximus est Alexandrinus, cuius ecclesiam Marcus euangelista iussu Principis apostolorum fundauit. Tertius Antiochenus, ubi Petrus sedem primo locauit. Extremum gradum habet Hierosolymitanus; quam ecclesiam Iacobus, frater Domini, rexit. Præter hos omnes, catholica Ecclesia Romanum Pont. Max. quem in Ephesina Synodo Cyrillus Alexandrinus Archiepiscopum, totius orbis terrarū patrem, & Patriarcham appellat, semper uenerata est. cum enim in Petri, apostolorum Principis, cathedra sedeat, in qua usque ad uitæ finem sedisse constat, summum in eo dignitatis gradum, & iurisdictionis amplitudinē nō quidem ullis Synodicis, aut alijs humanis constitutionibus, sed diuinitus datam agnoscit. quamobrem omnium fidelium, et Episcoporum, ceterorumq; antistitum, quocunque illi munere, & potestate præditi sint, pater, ac moderator uniuersali Ecclesiæ, ut Petri successor, Christi quæ domini uerus, & legitimus Vicarius, præsidet. Ex his itaque Pastores docebunt, & quæ sint ecclesiasticorum ordinū, ac graduum præcipua munera, & functiones, & qui huius sacramenti minister sit. cōstat. n. ad Episcopum eam administrationē pertinere: quod etiam sanctarum litterarum auctoritate, certissima

retinendi, ac remittendi potestatem tribuit. Hæc uero sunt sacerdotalis ordinis propria, & præcipua munera: qui tametsi unus est, uarios tamen dignitatis, & potestatis gradus habet. Primus est eorum, qui sacerdotes simpliciter uocantur, quorum functiones hætenus declaratae sunt. Secundus est Episcoporum, qui singulis episcopatibus præpositi sunt: ut non solum ceteros ecclesiæ ministros, sed fidelem populum regāt, & eorum saluti summa cum uigilantia, & cura prospiciant. quare in sacris litteris Pastores ouium saepe appellantur: quorum munus, & officium Paulus descripsit, ut in apostolorum Actis legimus, in ea concione, quam ad Ephesios habuit. Itemque à Petro, apostolorum Principe, diuina quædam Episcopalis ministerij regula tradita est: ad quam si Episcopi actiones suas dirigere studeant, dubitandum non erit, quin Pastores boni & sint, & habeantur. Sed iidem Episcopi & Pontifices dicuntur, accepto ab ethnicis nomine, qui Principes sacerdotum, Pontifices appellare consueuerunt. Tertius gradus est Archiepiscoporum, qui pluribus Episcopis præsunt; qui Metropolitani etiam uocantur, quòd illarum urbium antistites sint, quæ tamquam matres habeantur illius provinciae. quare superiorem, quàm Episcopi, locum, & ampliorem potestatem habent, tametsi ab Episcopis ordinatione nihil differunt. In quarto gradu Patriarchæ collocantur, idest primi supremiq; Patres. Olim in uniuersa Ecclesia, præter

sum-

Act. 20.
1. Pet. 5.

imum Romanum Pont. quattuor tantū Patriar-
numerabantur, neque omnes tamen dignitate
es. nam Constantinopolitanus, etsi ad eum post
es alios hic honos delatus est, tamen ob impe-
na iestatem altiore locum obtinuit. Proximus
Alexandrinus, cuius ecclesiam Marcus euan-
sta iussu Principis apostolorum fundavit. Ter-
Antiochenus, ubi Petrus sedem primo loca-
Extremum gradum habet Hierosolymitanus;
m ecclesiam Iacobus, frater Domini, rexit.
eter hos omnes, catholica Ecclesia Romanum
t. Max. quem in Ephesina Synodo Cyrillus A-
andrinus Archiepiscopum, totius orbis terrarū
rem, & Patriarcham appellat, semper uenera-
st. cum enim in Petri, apostolorum Principis,
pedra sedeat, in qua usque ad uitæ finem sedisse
tat, summum in eo dignitatis gradum, & iu-
ctlonis amplitudinē nō quidem ullis Synodicis,
alijs humanis constitutionibus, sed diuinitus da-
agnoscit. quamobrem omnium fidelium, et Epi-
orū, ceterorumq; antistitum, quocunque illi mu-
, & potestate præditi sint, pater, ac moderator
ersali Ecclesiæ, ut Petri successor, Christi que
ini uerus, & legitimus Vicarius, præsidet. Ex
aque Pastores docebunt, & quæ sint ecclesiasti-
ordinū, ac graduum præcipua munera, & fun-
es, & qui huius sacramēti minister sit. cōstat. n.
piscopum eam administrationē pertinere: quod
n sanctarum litterarum auctoritate, certissima

traditione, omnium Patrum testimonio, Concilio-
rum decretis, sanctæ Ecclesiæ usu, & consuetudi-
ne facile erit comprobare. Quamvis autem non
nullis Abbatibus permissum sit, ut minores, &
non sacros ordines interdum administrent: tamen
hoc proprium Episcopi munus esse nemo dubitat;
cui uni ex omnibus, præterea nemini, licet reliquis
ordinibus, qui maiores, & sacri dicuntur, initiare.
nam Subdiaconos, Diaconos, & Sacerdotes unus
tantum Episcopus ordinat: Episcopi ex apostolorum
traditione, quæ perpetuo in Ecclesia custodita est, à
tribus Episcopis consecrantur.

Quinam de-
beant ad di-
gnitatem sa-
cerdotij ad-
mitti.

Sequitur nunc, ut explicetur; quinam ad hoc sa-
cramentum, in primisque ad sacerdotalem ordi-
nem apti sunt, & quæ in eis potissimum requi-
rantur. ex hoc enim difficile non erit statuere, quid
in alijs ordinibus dandis, pro cuiusque officio, & di-
gnitate, observare oporteat. Maximam autem in
hoc sacramento cautionem adhibendam esse, ita col-
ligitur, quod cætera gratiam ad illorum sanctifica-
tionem, & usum tribuunt, à quibus percipiuntur:
at uero qui sacris initiantur, ob eam rem celestis
gratiæ participes fiunt, ut eorum ministerio, Eccle-
siæ, atque adeo omnium hominum saluti consulatur.
ex quo factum esse intelligimus, ut statis tantum-
modo diebus, quibus etiam sollemnia ieiunia ex ue-
tustissimo catholicæ Ecclesiæ more iudicantur, ordi-
nationes fiant: ut scilicet fidelis populus eiusmodi
sacrarum rerum minis. ros pijs, & sanctis preca-
tionibus

statutis

tionibus à Deo impetrèt, qui ad tanti ministerij potestatem, recte, & cum Ecclesie utilitate gerendâ aptiores esse uideantur. Primum itaque in eo, qui Sacerdos creandus est, uitæ, & morum integritas commendetur magnopere oportet; non solum quia, si alicuius mortiferi peccati conscius se initiari curèt, uel etiam patiatur, nouo se, & maximo scelere obstringit; sed etiam, quia uirtutis, & innocentie lumen alijs præferre debet. ea de re quid Apostolus Tito, & Timotheo præcipiat, Pastoribus declarandum erit: & simul illud docendum, ea corporis uitia, quæ in ueteri lege ex Domini præscriptione aliquem ab altaris ministerio excludebant, à euangelica lege ad animæ uitia præcipue transfenda esse. Quare sanctam illam consuetudinem in Ecclesia seruari animaduertimus, ut qui sacris iniuncti sunt, prius pœnitentiæ sacramento conscientiam purgare diligenter studeant. Præterea in Sacerdote non solum ea cognitio requirenda est, quæ ad sacramentorû usum, & tractationem pertinet; sed etiam sacrarum litterarum scientia ita instructum esse oportet, ut populo Christiano fidei mysteria, & diuinæ legis præcepta tradere, ad uirtutem, pietatem incitare, à uitijis reuocare fideles possit. Sacerdotis enim duo sunt munera: quorum alterum est, ut sacramenta rite conficiat, & admittat: alterum, ut populum, fidei suæ commissum, rebus, & institutis, quæ ad salutem necessaria sunt, erudiat. Malachias enim ita testatur: Labia

Titum. 1.
1. Tim. 3

Christiano

Sacerdotis
munera
duo.

Malach. 3.

sacerdotis custodient scientiam, & legem requirent ex ore eius: quia Angelus Domini exercituum est. Ut igitur in horum, altero, si mediocri cognitione sit ornatus præstare, quod debet, possit; alterum certe non uulgarem, sed exquisitam potius doctrinam desiderat: quamuis æque ab omnibus sacerdotibus summa reconditarum rerum scientia non exigatur, sed quæ ad suscepti officij, & ministerij functionem unicuique satis esse possit. Pueris autem, & furiosis uel amentibus, quod usu rationis carent, hoc sacramentum dandum non est: quamuis, si ijs quoque administraretur, sacramenti characterem in eorum animam imprimi, certo credendum sit. Qui uero ætatis annus in singulis ordinibus sit expectandus, ex sacri Tridentini Concilij decretis facile erit cognoscere. Excipiuntur etiam serui: neque enim diuino cultui dedicari debet, qui non sui iuris, sed in alterius potestate est: uiri præterea sanguinum, & homicidæ, quia Ecclesiastica lege repelluntur, atque irregulares sunt: spurij quoque, & ijomues, qui ex legitimis nuptijs non sunt procreati. debet enim, ut qui sacris addicuntur, nihil in se habeant, quo ab alijs merito contemni, ac despici posse uideantur. Ad extremum etiam admitti non debent, qui aliquo insigni corporis uitio deformes, aut manci sunt, ea enim sæditas, & debilitatio tum offensionem habet, tum uero sacramentorum administrationem impediat, necesse est.

Trid. syn.

Sed iam his rebus expositis, si superest, ut Pasto-
res doceant, qui sint huius sacramenti effectus. Constat uero, quamvis ordinis sacramentum, ut
antea dictum est, maxime ad Ecclesiae utilitatem,
& pulchritudinem spectet, tamen in eius quoque
anima, qui sacris initiatur, sanctificationis gra-
tiam efficere; qua idoneus, habilisque ad recte
munus suum fungendum, sacramenta quoque admi-
nistranda reddatur: quemadmodum etiam baptis-
mi gratia quilibet ad alia sacramenta percipien-
da aptus efficitur. Aliam quoque gratiam hoc sa-
cramento tribui perspicuum est, praecipuam ui-
delicet potestatem; quae ad sanctissimum Eucha-
ristiae sacramentum refertur, in sacerdote qui-
dem plenam, & perfectam, ut qui Domini no-
stri corpus & sanguinem unus potest conficere,
in alijs uero inferiorum ordinum ministris maio-
rem, minoremue, quo quisque ministerio suo ma-
gis, minusue ad altaris sacramenta accedit. Atque
haec etiam character spiritualis dicitur: quod qui sa-
cris imbuti sunt, interiori quadam nota, animae im-
pressa, ab alijs fidelibus distinguantur, ac diuino
cultui mancipientur: ad quam Apostolus uidetur
spectasse, cum ad Timotheum ait: Noli negligere
gratiam, quae in te est, quae data est tibi per pro-
phetiam, cum impositione manuum presbyterij. Et ali-
bi: Admoneo te, ut resuscites gratiam Dei, quae est
in te per impositionem manuum mearum. Haec de or-
dinis sacramento satis dicta sint. potiora enim tantum

rerum capita Pastoribus tradere professi sumus, ut illis fidelis populi docendi, & in Christiana pietate erudiendi argumenta suppeditarent.

DE MATRIMONII SACRAMENTO.

QUONIAM Pastoribus beata & perfecta Christiani populi uita proposita esse debet, iis quidem maxime optandum esset, quod Apostolus se cupere ad Corinthios scribebat his uerbis: *1. Cor. 7.* Volo omnes homines esse sicut me ipsum, nimirum, ut omnes continentiae uirtutem sectarentur: nihil enim beatius in hac uita fidelibus potest contingere, quam ut animus, nulla mundi cura distractus, sedataque, & relictæ omni carnis libidine, in uno pietatis studio, & celestium rerum cogitatione conquiescat. sed quoniam, ut idem *1. Cor. 7.* Apostolus testatur, unusquisque proprium donum habet ex Deo, alius quidem sic, alius uero sic; & matrimonium magnis, & diuinis bonis ornatum est, ita ut inter alia catholicae Ecclesiae sacramenta uere, & proprie numeretur; ac Dominus nuptiarum celebritatem praesentia sua honestarit: satis apparet, eius doctrinam tradendam esse; cum praesertim liceat animaduvertere, tum sanctum Paulum, tum Apostolorum Principem, quæ non solum ad dignitatem, sed etiam ad officia matrimonij pertinebant, pluribus locis accurate scripta reliquisse.

Diuino

Diuino enim spiritu afflati optime intelligebant, quanta, & quàm multa commoda ad Christianã societatem peruenire possent, si fideles matrimonij sanctitatem cognitam haberent, & inuiolatam seruarent: contra uero, ea ignorata, uel neglecta, plurimas, maximasque calamitates, & detrimenta in Ecclesiam importari. Primum itaque matrimonij natura, & uis explicanda est. nam cum uitia sæpe honesti similitudinem gerant, cauere oportet, ne fideles, falsa matrimonij specie decepti, turpitudine, & nefarijs libidinibus: animam commaculent: cuius rei declarandæ causa à nominis significatione ordiendum est.

Matrimonium ab eo dicitur, quod femina iocirco maxime nubere debet, ut mater fiat; uel quia prolem concipere, parere, educare matris munus est. Coniugium quoque à coniungendo appellatur; quòd legitima mulier cum uiro quasi uno iugo adstringatur. Præterea nuptiæ, quia, ut inquit sanctus Ambrosius, pudoris gratia puellæ se obnubent: quo etiam declarari uidebatur uiris, obediētes, subiectasque esse oportere. Ita uero ex communi theologorum sententia definitur: Matrimonium est uiri, & mulieris maritalis coniunctio inter legitimas personas; indiuiduam uitæ consuetudinem retinens. cuius definitionis partes ut planius intelligatur, docendum est, quamuis hæc omnia in perfecto matrimonio insint, consensus uidelicet interior, pactio externa uerbis expressa, obligatio,

Matrimonij descriptio, uis, & natura.

I

S. Ambr.

& uinculum, quod ex ea pactione efficitur, & con-
 iugum copulatio, qua matrimonium consummatur;
 nihil horum tamen matrimonij uim & rationem
 proprie habere, nisi obligationem illam, & nexum
 qui coniunctionis uocabulo significatus est. Addi-
 tur uero Maritalis, quoniam alia pactionum ge-
 nera, quibus uiri, & mulieres obligantur, ut sibi
 mutuam operam præstent, uel pretij, uel alterius
 rei causa, prorsus aliena sunt à matrimonij ratione.
 Sequitur deinde, Inter legitimas personas: quoniã
 qui à nuptiarum coniunctione legibus omnino ex-
 clusi sunt, ij matrimonium inire non possunt; neque,
 si ineant, ratum est. exempli enim gratia: qui intra
 quartum gradum propinquitate coniuncti sunt,
 puerque ante decimum quartum annum, aut puel-
 la ante duodecimum, quæ ætas legibus constituta
 est, ad matrimonij iusta sœdera ineunda apti esse
 non possunt. Quod uero extremo loco positum est,
 Indiuiduam uitæ consuetudinem retinens; indissolu-
 bilis uinculi naturam declarat, quo uir, & uxor
 colligantur. Ex ijs igitur patet, matrimonij natu-
 ram, & rationem in uinculo illo consistere. Nam
 quod aliæ clarissimorum uirorum definitiones hoc
 uidentur consensui tribuere, ut, cum dicunt, con-
 iugium esse consensum maris, & fœminæ; hoc ita
 accipiendum est, consensum ipsum matrimonij cau-
 sam effectricem esse: quod Patres in Concilio Flo-
 rentino docuerunt. Etenim obligatio, & nexus
 oriri non potest, nisi ex consensu, & pactione.

Sed

Sed illud maxime necessarium est, ut consensus uerbis, quæ præsens tempus significant, exprimatur. neque enim matrimonium est simplex donatio, sed mutua pactio: atque ita fit, ut consensus alterius tantum, ad matrimonium coniungendum satis esse non possit, sed duorum inter se mutuum esse oporteat. atqui, ad declarandum mutuum animi consensum uerbis opus esse, perspicuum est. Si enim ex interiori tantum consensu, sine aliqua externa significatione, matrimonium constare posset; illud etiam sequi uideretur, ut, cum duo, qui diuidentissimis & maxime diuersis in locis essent, ad nuptias consentirent, antequam alter alteri uoluntatem suam uel litteris, uel nuncijs declarasset, ueri, & stabilis matrimonij lege coniungerentur; quod tamen à ratione, & sanctæ Ecclesiæ consuetudine, & decretis alienum est. Recte autem dicitur oportere, ut consensus uerbis exprimatur, quæ præsentis temporis significationem habeant. nam, quæ futurum tempus indicant, matrimonium non coniungunt, sed spondent. deinde, quæ futura sunt nondum esse perspicuum est, quæ uero non sunt, parum, uel nihil firmi, aut stabilis habere existimandum est. Quare nondum connubij ius in eam mulierem quisquam habet, quam se in matrimonium ducturum esse pollicetur; neque statim ab eo impletum est, quod se facturum promisit, tametsi fidem præstare debet: quod si non faciat, uiolata fidei

fidei reus esse conuincitur . At uero qui matrimo-
 nij fœdere alteri iungitur , quamuis postea pœniteat ,
 tamen , quod factum est , mutare , irritumue , &
 infectum reddere non potest . Cum itaque coniugij
 obligatio nuda promissio non sit , sed eiusmodi aba-
 lienatio ; qua re ipsa uir mulieri , & uicissim mu-
 lier uiro corporis sui potestatem tradit ; ideo necesse est ,
 uerbis , quæ præsens tempus designant
 matrimonium contrahi : quorum uerborum uis ,
 postquam etiam enunciata sunt , permanet , uirumq;
 & uxorem indissolubili uinculo constrictos tenet .
 Sed uerborum loco tum nutus , & signa , quæ inti-
 mum consensum aperte indicent , satis ad matrimo-
 nium esse possunt ; tum ipsa etiam taciturnitas ,
 cum puella propter uerecundiam non respondet ,
 sed ea pro ea parentes loquuntur . Ex ijs igitur Pa-
 rochi fidelibus tradent . matrimonij naturam , &
 uim in uinculo & obligatione sitam esse ; ac præ-
 ter consensum , eo , quo dictum est modo expressum ,
 ut uerum matrimonium existat , concubitus neces-
 sario non requiri . nam & primos parentes ante
 peccatum , quo tempore nulla inter eos carnis co-
 pula intercesserat , ut Patres testantur , uero ma-
 trimonio iunctos fuisse plane constat . quare à san-
 ctis Patribus dictum est , matrimonium non concu-
 bitu , sed consensu existere : quod etiam à sancto

Gen. 2.

S. Ambr.

Duplex

matrimo-

Ambrosio in libro de uirginibus repetitū legimus .
 Iam uero hisce explicatis , illud docendum erit ,
 matrimonium duplicem rationem habere . Nam
 uel

uel ut naturalis coniunctio, (coniugium enim non ab hominibus inuentum, sed à natura) uel ut sacramentum, cuius uis naturalium rerum conditionem superat, considerandum est. ac quoniam gratia naturam perficit, (neque prius quod spirituale est, sed quod animale, deinde quod spirituale) rei ordo postulat ut de matrimonio, ut natura constat, & ad naturæ officium pertinet, prius agendum sit: tum uero, quæ illi, ut sacramentum est, conueniunt, explananda erunt. In primis itaque docendi sunt fideles, matrimonium à Deo institutum esse: scriptum est enim in Genesi; Masculum, & feminam creauit eos, benedixitque illis Deus, & ait: Crescite, & multiplicamini: &; Non est bonum hominem esse solum: faciamus ei adiutorium simile sibi. Ac paulo post: Adæ uero non inueniebatur adiutor similis eius. Immisit ergo dominus Deus soporem in Adam, cumque obdormisset, tulit unam de costis eius, & repleuit carnem pro ea, & edificauit dominus Deus costam, quam tulerat de Adâ, in mulierem, & adduxit eam ad Adam; dixitque Adam: Hoc nunc os ex ossibus meis, & caro de carne mea: hæc uocabitur uirago, quoniam de uiro sumpta est. quamobrem relinquet homo patrem suum, & matrem, & adhærebit uxori suæ, & erunt duo in carne una. Quæ, ipso Domino auctore apud sanctum Matthæum, ostendunt matrimonium diuinitus institutum esse. Neque uero Deus matrimonium tantummodo instituit, uerum, ut sancta

1. Cor. 13.

Gen. 1.

Gen. 2.

Matth. 19.

- Trid. Sy. sancta Tridentina Synodus declarat, perpetuum etiam, & indissolubilem nodum ei addidit: siquidem Saluator ait: Quos Deus coniunxit, homo non separet. Quamuis enim matrimonio, quatenus naturæ est officium, conueniat, ut dissolui non possit tamen id maxime fit, quatenus est sacramentum; qua ex re etiam in omnibus, quæ naturæ lege eius propria sunt, summam perfectionem consequitur. tamen & prolis educandæ studio, & alijs matrimonij bonis repugnat, ut eius uinculum dissolubile sit. Quod uero à Domino dictum est; Crescite, & multiplicamini; id eo spectat, ut, cuius rei causa matrimonium institutum erat, declaret, non ut singulis hominibus necessitatem imponat. nunc enim, aucto iam humano genere, non solum ulla lex uxorem ducere aliquem non cogit, sed potius uirginitas summopere commendatur, & unicuique in sacris litteris suadetur, ut quæ matrimonij statu præstantior sit, maioremque in se perfectionem, & sanctitatem contineat. Dominus enim Saluator noster ita docuit: Qui potest capere, capiat. & Apostolus ait; De Virginibus præceptum Domini non habeo; consilium autem do, tamquam misericordiam consecutus, ut sim fidelis.
- Gen. 1. Mat. 19. 1. Cor. 7.

Matrimo-
nium qui-
bus causis
inueniendum.

Sed quibus de causis uir, & mulier coniungi debeant, explicandum est. Prima igitur est, hæc ipsa diuersi sexus naturæ instinctu expetita societas, mutui auxilij spe conciliata; ut alter alterius ope adiutus, uitæ incommoda facilius ferre, & senectutis

clutis imbecillitatem sustentare queat. Altera est procreationis appetitus, non tam quidem ob eam rem, ut bonorum, & diuitiarum haredes relinquuntur, quàm ut ueræ fidei, & religionis cultores educentur: quod quidem maxime sanctis illis Patriarchis, cum uxores ducerent, propositum fuisse, ex sacris litteris satis apparet. quare Angelus, cum Tobiam admoneret, quo pacto mali demonis uim posset repellere; Ostendam, inquit, tibi, qui sunt, quibus præualere potest demonium. ij namque, qui cõiugium ita suscipiunt, ut Deum à se, & à sua mente excludant, & suæ libidini ita uacēt, sicut equus, & mulus, quibus non est intellectus, habet potestatem demonium super eos. Deinde subiicit; Accipies uirginem cum timore Domini, amore filiorum magis, quàm libidine ductus; ut in semine Abrahæ benedictionem in filijs consequaris. Atque una etiam hæc causa fuit, cur Deus ab initio matrimonium instituerit. quare fit, ut illorum sit scelus grauissimum, qui matrimonio iuncti, medicamentis uel conceptum impediunt, uel partum abigunt. hæc enim homicidarum impia conspiratio existimanda est. Tertia est, quæ post primi parentis lapsum ad alias causas accessit; cum propter iustitiæ, in qua homo conditus erat, amissionem, appetitus rectæ rationi repugnare cœpit; ut scilicet, qui sibi imbecillitatis suæ conscius est, nec carnis pugnam uult ferre, matrimonij remedio ad uitanda libidinis peccata utatur. de quo ita Apostolus 1. Cor. 7. scribit

scribit: Propter fornicationem unusquisque suam uxorem habeat, & unaquæque suum uirum habeat. Ac paulo post, cum docuisset, interdum orationis causa à matrimonij debito abstinendum esse, subiicit: Et iterum reuertimini in idipsum, ne tentet uos Satanas propter incontinentiam uestram. Hæ igitur sunt causæ, quarum aliquam sibi proponere quisque debet, qui pie, & religiose, ut sanctorum filios decet, nuptias uelit contrahere. Quòd si ad eas causas alia etiam accedant, quibus homines inducili matrimonium ineant, atque in habendo uxoris delectu hanc illi præponant, ut hæredis relinquendi desiderium, diuitiæ, forma, generis splendor, morum similitudo; huiusmodi sane rationes damnandæ non sunt, cum matrimonij sanctitati non repugnent. neque enim in sacris litteris Iacob Patriarcha reprehenditur, quòd Rachelem, eius pulchritudine illectus, Liæ prætulero. Hæc de matrimonio, ut naturalis coniunctio est, docenda erunt, ut autem sacramentum est, explicare oportebit: eius naturam multo præstantiorem esse, & omnino ad altiorem finem referri. Quemadmodum enim matrimonium, ut naturalis coniunctio, ad propagandum humanum genus ab initio institutum est, ita deinde, ut populus ad ueri Dei, & saluatoris nostri Christi cultum, & religionem procrearetur, atque educeretur, sacramenti dignitas illi tributa est. Cum enim Christus dominus uellet arctissimæ illius necessitudinis, quæ ei cum Ecclesia intercedit, suæque

suaque erga nos immensa charitatis certū aliquod signum dare, tanti mysterij diuinitatem hac potissimum maris, & sœminæ sancta coniunctione declarauit, quod quidem aptissime factum esse, intelligi ex eo potest, quod ex omnibus humanis necessitatibus nulla inter se homines magis, quàm matrimonij uinculum constringit; maximaq; inter se uir & uxor charitate & beneuolentia deuincti sunt. atq; ideo fit, ut frequenter sacræ litteræ nuptiarum similitudine diuinam hac Christi, & Ecclesiæ copulationem nobis ante oculos proponant.

Iam uero matrimonium sacramentum esse, Ecclesia, Apostoli auctoritate confirmata, certum, & exploratum semper habuit: ita enim ad Ephesios scribit; Viri debent diligere uxores suas, ut corpora sua. Qui suam uxorem diligit, se ipsum diligit. nemo enim unquam carnem suam odio habuit, sed nutrit, & fouet eam, sicut et Christus Ecclesiam, quia membra sumus corporis eius, de carne eius, & de ossibus eius. Propter hoc relinquet homo patrem, & matrem suam, & adherabit uxori suæ; & erunt duo in carne una. Sacramentum hoc magnum est: ego autem dico in Christo, & in Ecclesia. Nam quod inquit, Sacramentum hoc magnum est; nemini dubium esse debet, ad matrimonium referendum esse: quòd scilicet uiri, & mulieris coniunctio cuius Deus auctor est, sanctissimi illius uinculi, quo Christus dominus cum Ecclesia coniungitur, sacramentum, idest sacrum signum sit. Atque

Matrimonium sacramentum est, & unum de septem legis euangelicæ.

I

Trid. Syn.

hanc esse eorum uerborum propriam & ueram sententiam, ueteres sancti Patres, qui eum locum interpretati sunt, ostendunt: idemque sancta Tridentina Synodus explicauit. Constat ergo, uirum Christo, uxorem Ecclesie ab Apostolo comparari; uirum esse caput mulieris, ut est Christus Ecclesie: eaque ratione fieri, ut uir uxorem diligere, & uicissim uxor uirum amare, & colere debeat. Christus enim dilexit Ecclesiam, & pro ea semetipsum tradidit. Rursus uero, ut idem Apostolus docet, Ecclesia subiecta est Christo. Sed gratiam quoque hoc sacramento significari, & tribui, in quo maxime ratio sacramenti inest, ea Synodi uerba declarant, Gratiam uero, quæ naturalem illum amorem perficeret, & indissolubilem unitatem confirmaret, coniugesque sanctificaret, ipse Christus, uenerabilium sacramentorum institutor, atque perfectior, sua nobis passione promeruit.

ad Eph. 5.

Trid. Syn.

Quare docendum est, huius sacramenti gratia effici, ut uir, & uxor, mutue charitatis uinculo coniuncti, alter in alterius beneuolentia conquiescat, alienosque, & illicitos amores, & concubitus non quærat, sed in omnibus sit honorabile connubium, & torus immaculatus.

Heb. 13.

Sed quantum matrimonij sacramentum ijs matrimonijs præstet, quæ ante, uel post legem iniiri solebant, ex eo licet cognoscere, quod etsi gentes matrimonio diuini aliquid inesse arbitraban-

tur

tur , atque ob eam rem uagos concubitus à natura lege alienos esse , itemque stupra , adulteria , & alia libidinis genera uindicanda esse iudicabant , tamen eorum connubia nullam prorsus sacramenti uim habuerunt . Apud Iudæos uero religiosius omnino nuptiarum leges seruari consueuerant : neque dubitandum , quin eorum matrimonia maiori sanctitate prædita essent .

Cum enim promissionem accepissent , fore aliquan- Gen. 22.

do , ut omnes gentes in semine Abrahæ benedicerentur ; magnæ apud eos pietatis officium merito esse uidebatur , filios procreare , electi populi sobolem , ex qua Christus dominus Saluator noster , quod ad humanam naturam attinet , ortum habiturus esset , propagare : sed illæ quoque coniunctiones uera sacramenti ratione caruerunt . Huc accedit , quod siue naturæ , post peccatum , siue Mosis legem spectemus , facile animaduertimus matrimonium à primi ortus sui decore , & honestate decidisse . dum enim naturæ lex uigebat , multos ex antiquis Patribus fuisse comperimus , qui plures simul uxores ducerent . Deinde uero in lege Mosis permissum erat , dato repudiij libello , si causa fuisset , diuortium cum uxore facere : quorum utrumque ab euangelica lege sublatum , matrimoniumque Deut. 24.
in pristinum statum restitutum est . Nam quod Matth. 19.
polygamia à matrimonij natura aliena esset ,
(& si aliqui ex priscis Patribus accusandi non

sunt, quòd non sine Dei indulgentia plures uxores ducerent) Christus dominus ostendit illis uerbis :

Matth. 19. Propter hoc dimittet homo patrem, & matrem, & adhærebit uxori suæ; & erunt duo in carne una. Ac deinde subiungit: Itaque iam non sunt duo, sed una caro. Quibus uerbis planum fecit, matrimonium ita à Deo institutum esse, ut duorum tantum non plurium, coniunctione definiretur. Quod etiam alibi apertissime docuit: ait enim, Quicumque dimiserit uxorem suam, & alium duxerit, adulterium committit super eam; & si uxor dimiserit uirum suum, & alij nupserit, mæchatur. Nam si uiro liceret plures uxores ducere, nulla omnino causa esse uideretur, cum magis adulterij reus dicendus esset, quòd præter eam uxorem, quàm domi haberet aliam duceret, quàm quòd priore dimissa, cum alia coniungeretur. Atque ob eam rem fieri intelligimus, ut si infidelis quispiam, gentis suæ more, & consuetudine, plures uxores duxisset, cum ad ueram religionem conuersus fuerit, iubeat eum Ec-

Marc. 10.

clesia cæteras omnes relinquere, ac priorem tantum iustæ, & legitimæ uxoris loco habere. Verum eodē Christi domini testimonio facile comprobatur, nullo diuortio uinculum matrimonij dissolui posse. si enim post libellum repudij mulier à uiri lege soluta esset, liceret ei sine ullo adulterij crimine alteri uiro nubere. Atqui dominus aperte denunciat; Omnis, qui dimittit uxorem suam, & alteram ducit, mæchatur. Quare coniugij uinculum nulla

Matth. 19.
Marc. 10.
Luc. 16.

re,

te nisi morte dirumpi perspicuum est. quod quidem Apostolus etiam confirmat, cum inquit: Mulier alligata est legi, quanto tempore uir eius uiuit: Quod si dormierit uir eius, liberata est à lege; cui uult, nubat, tantum in Domino. Et rursus: His, qui matrimonio iuncti sunt, præcipio, non ego, sed Dominus, uxorem à uiro non discedere; quod si discesserit, manere innuptam, aut uiro suo reconciliari. Eam uero optionem Apostolus mulieri, quæ iusta de causa uirum reliquisset, detulit. ut aut innupta maneat, aut uiro suo reconcilietur. neque enim sancta Ecclesia uiro, & uxori permittit, ut sine grauioribus causis alter ab altero discedat.

1. Cor. 7.
Rq. 7.

Ac ne forte alicui uideatur durior matrimonij lex, quod nulla umquam ratione dissolui possit; docendum est, quæ sint cum ea utilitates coniunctæ. Primum enim homines in coniungendis matrimonijs uirtutem potius, & morum similitudinem, quàm diuitias, & pulchritudinem spectandam esse intelligant: qua quidem re communi societati maxime consuli nemo dubitare potest. Præterea, si diuortio matrimonium dissolueretur, uix umquam dissidendi cause hominibus, quæ eis ab antiquo pacis, & pudicitia hoste quotidie obijcerentur, deessent. Nunc uero cum fideles secum cogitant, quàm uis etiã coniugij conuietui, & consuetudine careant, se tamen matrimonij uinculo constrictos teneri, omnemque alterius uxoris ducendæ spem sibi præcisam esse; ea re fit; ut ad iracundiam, & dissidia

Vxorū pluralitas cur illicita: tum de triplici bono matrimonij.

I

tardiores esse consueuerint. Quòd si interdum etiam diuortium faciant, & diutius coniugis desiderium ferre non possint: facile per amicos reconciliati ad eius conuietum redeunt. Sed hoc loco prætermittenda non erit Pastoribus sancti Augustini salutaris admonitio, is enim ut ostenderet fidelibus, haud grauate faciendum esse, ut cum uxoribus, & quas adulterij causa dimisissent, si eas delicti pæniteret, in gratiam reducerentur; Cur, inquit, uir fidelis non recipiet uxorem, quam recipit Ecclesia? aut cur uxor uiro adultero, sed pænitenti, non agnoscat, cui etiam ignouit Christus? Nam quod scriptura stultum uocat, qui tenet adulteram; de ea sentit, quæ cum deliquerit, pænitere, & à cæpta turpitudine, desistere recusat. Ex ijs itaque perspicuum est, fidelium coniugia perfectione, & nobilitate, tum gentilium, tum Iudæorum matrimonijs longe præstare. Docendi præterea sunt fideles, tria esse matrimonij bona, prolem, fidem, sacramentum: quorum compensatione illa incommoda leniuntur, quæ Apostolus indicat his uerbis; Tribulationem carnis habebunt huiusmodi. Efficiturque ut coniunctiones corporum, quæ extra matrimonium merito damnandæ essent, cum honestate coniunctæ sint. Primum igitur bonum est proles, hoc est liberi, qui ex iusta, & legitima suscipiuntur uxore: id enim tanti fecit Apostolus, ut diceret; Saluabitur mulier

2. August.

Prou. 28.

1. Cor. 7

1. Tim. 2.

lier per filiorum generationem. Nec uero hoc
 de procreatione solum, sed de educatione etiam,
 & disciplina, qua filij ad pietatem erudiuntur,
 intelligendum est. sic statim subdit Apostolus;
 Si in fide permanserint. Monet enim scriptura;
 Filij tibi sunt? erudi illos, & curua illos à pue- Eccle. 7.
 ritia illorum. Idem etiam Apostolus docet; e-
 iusque institutionis pulcherrima exempla Tobias,
 Iob, & alij sanctissimi Patres in sacris litteris
 præbent. Quæ uero sint parentum, & filiorum
 officia, in quarto præcepto latius explicabitur:
 Sequitur fides: quod est alterum matrimonij bo-
 num, non ille uirtutis habitus, quo imbuimur;
 cum baptismum percipimus; sed fidelitas quædam,
 qua mutuo uir uxori, & uxor uiro ita se obstrin-
 git, ut alter alteri sui corporis potestatem tradat;
 sanctumque illud coniugij fœdus numquam se uiol-
 aturum pollicetur. id facile colligitur ex illis uer-
 bis, quæ à primo parente enunciata sunt, cum Euâ
 uxorem suâ accepit: quæ deinde Christus dominus
 in euangelio comprobauit. Quare relinquet homo
 patrem, & matrem, & adhærebit uxori suæ, &
 erunt duo in carne una. item ex eo Apostoli lo-
 co: Mulier sui corporis potestatem non habet, sed
 uir: similiter autem & uir sui corporis potestatem
 non habet, sed mulier. Quare optimo iure grauissi-
 mæ animaduersiones à Domino in adulteros, quod
 hæc maritalē fidem frangāt, in ueteri lege cōstitutæ
 erant. Postulat præterea matrimonij fides, ut uir,

Gen. 2.
 Matth. 19.
 1. Cor. 7.

Et uxor singulari quodam, sanctoque, ut puro amore coniuncti sint: neque ut adulteri inter se ament, sed ut Christus dilexit Ecclesiam. hanc enim Apostolus regulam præscripsit, cum ait; Viri, diligite uxores uestras, sicut et Christus dilexit Ecclesiam: quam certe immensa illa charitate, non sui commodi gratia, sed sponsa tantum utilitatem sibi proponens, complexus est. Tertium bonum, Sacramentum appellatur, uinculum scilicet matrimonij, quod numquam dissolui potest. nam, ut est apud Apostolum, Dominus præcepit uxorem à uiro non discedere; quod si discesserit, manere innuptā, aut uiro suo reconciliari; et uir uxorem non dimittat. Si enim matrimonium, ut sacramentum est, Christi coniunctionem cum Ecclesia signat; necesse est, ut Christus se ab Ecclesia numquam disiungit, ita uxorem à uiro, quod ad matrimonij uinculum attinet, separari non posse. Verum ut hæc sancta societas sine querela facilius conseruetur, uiri, et uxoris officia, quæ à Sancto Paulo, et à Principe apostolorum Petro descripta sunt, tradenda erunt.

*Mutuum uiri & uxoris officium.
Gen. 3.*

Ergo uiri munus est, uxorem liberaliter, et honorifice tractare. qua in re meminisse oportet, Euā ab Adamo sociam appellatam esse, cum inquit: Mulier, quam dedisti mihi sociam. Cuius rei causa aliqui Patres factum esse docuerunt, ut ea non ex pedibus, sed ex latere uiri formaretur: quemadmodum etiam ex capite condita non est, ut uiri se dominam non esse intelligeret, sed uiro potius subiectam. De-

cet præterea uirū in alicuius honestæ rei studio semper occupatum esse; tum ut ea suppetat, quæ ad familiam sustentandam necessaria sunt; tū ne inerti otio languescat; à quo uitia fere omnia fluxerūt; deinde uero familiam recte constituere, omnium mores corrigere, singulos in officio continere. Rursus autem uxoris partes sunt, quas apostolorum Princeps enumerat, cum inquit; Mulieres subditæ sint uiris suis; ut & , si qui non credunt uerbo, per mulierum conuersationem sine uerbo lucrifiant, considerantes in timore sanctam conuersationem uestram, quarum non sit extrinsecus capillatura, aut circundatio auri, aut indumenti uestimentorum cultus; sed qui absconditus est cordis, homo in incorruptibilitate quieti, & modesti spiritus, qui est in conspectu Dei locuples. sic enim aliquando & sanctæ mulieres sperantes in Deo ornabant se subiectæ proprijs uiris, sicut Sara obediebat Abraham dominum eum uocans. Earum quoque præcipuum studium sit, filios in religionis cultu educare, domesticas res diligenter curare. Domi uero libenter se contineant nisi necessitas exire cogat: idque sine uiri permissu, facere numquam audeant. Deinde, in quo maxime maritalis coniunctio sita est, meminerint semper secundum Deum, magis quam uirum, neminem diligendum, eo ue pluris faciendum esse neminem; cui etiam omnibus in rebus, quæ Christianæ pietati non aduersantur, morem gerere, & obtemperare summa cum alacritate animi oporteat. Ha-

1. Pet. 3.

Trid. Sy.

rum rerum explicationi consequens erit, ut Pastores ritus etiam doceant, qui in matrimonio contrahendo seruari debent: de quibus, non est expectandum, ut hoc loco præcepta tradantur, cum à sancta Tridentina Synodo, quæ hac in re maxime obseruanda sint, copiose, & accurate constituta fuerint; neque illud decretum à Pastoribus ignorari possit; satis igitur est eos admonere, ut, quæ ad hanc partem attinent, e sacri Concilij doctrina cognoscere studeant, eaque fidelibus diligenter exponant. In primis autem, ne adolescentes, & puella, cui ætati inest maxima imbecillitas consilij, falso nuptiarum nomine decepti, turpium amorum fœdera incaute ineant, sæpissime docebunt, ea neque uera, neque rata matrimonia habenda esse, quæ præsentè Parocho, uel alio sacerdote de ipsius Parochi uel ordinarij licentia, certoq; testium numero non contrahantur. Sed quæ matrimonium etiam impediunt, explicanda erunt, in quo argumento pleriq; graues, & doctissimi uiri, qui de uitij, & uirtutibus conscripserunt, adeo diligenter uersati sunt, ut facile omnibus futurum sit, quæ illis scriptis suis tradiderunt, in hunc locum transferre; cum præsertim necesse habeant Pastores, eos ipsos libros numquam fere e manibus deponere. itaque cum illas præceptiones, tum quæ à sancta Synodo sancita sunt de impedimento, quod uel à cognatione spiritali, uel à iustitia publicæ honestatis, uel fornicatione oritur, attente legent, & tradenda fidelibus curabunt. Ex
quibus

quibus perspicipotes, quo animo affectos esse oporteat fideles, cum matrimonium contrahunt. neque enim se humanam aliquam rem aggredi, sed diuinam putare debent; in qua singularem mentis integritatem, & pietatem adhibendam esse, Patrum ueteris legis exempla satis ostendunt: quorum matrimonia tametsi sacramenti dignitate prædita non erant, ea tamen maxima semper cum religione, & sanctimonia colenda esse existimarunt.

Inter cetera autem maxime hortandi sunt filij familias, ut parentibus, & ijs, in quorum fide, & potestate sunt eum honorem tribuant, ut ipsis inscipientibus, nedum inuitis, & repugnantibus, matrimonia non ineant. nam in ueteri testamento licet animaduertere, filios à patribus semper in matrimonium collocatos esse. qua in re plurimum illorum uoluntati deferendum esse, Apostolus etiam uidetur ijs uerbis indicare: Qui matrimonio iungit uirginem suam, bene facit; & qui non iungit, melius facit. Extrema illa restat pars, quæ ad matrimonij usum pertinet. de quibus ita agendum est à Pastoribus, ut nullum ex eorum ore uerbum excidat, quod fidei auribus indignum esse uideatur, aut pias mentes ledere, aut risum mouere queat. Ut. n. eloquia Domini, eloquia casta sunt: ita est maxime decet, Christiani populi doctorem eiusmodi orationis genere uti, quod singularem quandam granitatem, & mentis integritatem præferat. Quare duo illa maxime docendi sunt fideles, primum quidem non uoluptatis, aut libidinis causa matrimonio operam dandam esse

Matrimonium clandestine minime contrahendum.

1. Cor. 7.

Psal. 119.

1. Cor. 7.

S. Hieron.

esse : sed eo utendū intra illos fines, qui, ut supra demonstrauimus, à Domino præscripti sunt. Meminisse enim conuenit, quod Apostolus hortatur ; Qui habent uxores , tamquam non habentes sint . tum uero à sancto Hieronymo dictum esse : Sapiens uir iudicio debet amare coniugem, non affectu : reget impetus uoluptatis , nec præceptis feretur ad coitum'. Nihil est scēdius, quā uxorem amare quasi adulteram . Sed quoniam bona omnia sanctis præcationibus à Deo impetranda sunt ; alterum est , quod fideles docere oportet , ut , Deum orandi , & obsecrandi causa , à matrimonij officio interdum abstineant ; in primisque id sibi obseruandum sciant, tribus saltem diebus, ante quā sacram Eucharistiam percipiant , sæpius uero cum sollempnia Quadragesimæ ieiunia celebrantur , quemadmodum Patres nostri recte & sancte præceperunt . ita enim fiet, ut ipsa matrimonij bona maiori in dies diuinæ gratiæ cumulo augeri sentiant ; & pietatis studia seclātes, non modo hanc uitam tranquille, & placide traducant , sed æternæ etiam Dei benignitate consequendæ, uera, & stabili spe, quæ non confundit , nitatur.

Rom. 7.

DE DEI PRAECEPTIS IN DECALOGO CONTENTIS.

S. Augu.

Decalogū, legū omnium summā, et epitomē esse, S. Augustinus litteris commendauit. Nā cū multa locutus sit Dominus, duæ tamen tantū tabulæ dantur
Moysi

Moyſi lapideæ, quæ dicuntur tabulæ testimoniij futuri in arca. nimirum cetera omnia, quæ præcepit Deus, ex illis decem præceptis quæ duabus tabulis conſcripta ſunt, pendere intelliguntur, ſi diligenter quærat, ut recte intelligantur: quo modo hæc ipſa rursus decem præcepta duobus illis nituntur, dilectionis ſcilicet Dei, & proximi, in quibus tota lex pendet, & Prophetæ. Itaque cum ſit totius legis ſumma Paſtores oportet in eius cõtemplatione die, noctuque uerſari, non ut uitam ſuam modo ad hanc normam componant; ſed etiam, ut populum ſibi creditum in lege Domini erudiant. Nam labia ſacerdotis cuſtodiant ſcientiam, & legem requirent ex ore eius: quia Angelus Domini exercituum eſt: quod ad Paſtores nouæ legis maxime pertinet, qui Deo propiores, à claritate in claritatem transformari debent, tamquam à Domini ſpiritu: & cum eos lucis nomine nuncupauit Chriſtus dominus, propriæ ſunt illorum partes, ut ſint lumen eorum, qui in tenebris ſunt, eruditores inſipientium, magiſtri infantium; & ſi quis præoccupatus fuerit in aliquo delicto, ipſi, qui ſpirituales ſunt, huiusmodi inſtruant. In confeſſionibus etiam iudicis perſonam ſuſtinent, ac pro genere, & modo peccatorum ſententiam ferunt. quare niſi ſuam ſibi inſcitiam, niſi alijs etiam eſſe fraudi uelint, in eo ſint, neceſſe eſt, quàm uigilantiſſimi, & in diuinorum præceptorum interpretatione exercitatiſſimi, ut ad hanc diuinam regulam, de quacumque & actione, & officij prætermiſ-

Matth. 22.

Malach. 2.

1. Cor. 3.

Gal. 5.

1. Tim. 4.

termessione iudicium facere possint ; & , ut est apud Apostolum , sanam doctrinam tradent , id est quæ nullum contineat errorem , & animorum morbis , quæ sunt peccata , medeantur ; ut

Titum 2.

sit populus Deo acceptus , sectator bonorum operum . Iam uero , in huiusmodi tractationibus ea Pastor sibi , & alijs proponat . quibus legi parendum esse persuadeat . Inter cetera autem , quæ animos hominum ad huius legis iussa seruanda possunt impellere , illud maximam vim habet , Deum esse huius legis auctorem .

ad Gal. 3.

quamuis eum per Angelos data esse dicatur , nemo tamen dubitare potest , ipsum Deum esse legis auctorem . cuius rei satis amplum testimonium præbent non solum ipsius legislatoris uerba , quæ paulo post explicabuntur , sed infinita pene scripturarum loca , quæ Pastoribus facile occurrent . Nemo enim est , quin sibi à Deo legem in animo insitam esse sentiat , qua bonum à malo , honestum à turpi , iustum ab iniusto possit discernere . cuius uis , & ratio legis cum ab ea , quæ scripta est , diuersa non sit ; quis est , qui ut intimæ , sic scriptæ legis auctorem Deum negare audeat ? Hanc igitur diuinam lucem , pene iam prauis moribus , & diuturna peruersitate obscuratam , cum Deus Mosi legem dedit , eam potius illustriorem reddidisse , quàm nouam tulisse , docendum est : ne forte , cum populus audit legi Mosi derogatum esse , putet his legibus se non teneri .

teneri. Certissimum enim est, non propterea his præceptis parendum esse, quòd per Mosem data sunt, sed quòd omnium animis ingenita, & per Christum dominum explicata sunt, & confirmata. Iuuabit tamen plurimum, & ad persuadendum magnum habebit momentum illa cogitatio, Deum esse, qui legem tulit: de cuius sapientia, & æquitate dubitare non possumus, nec eius infinitam uim, atque potentiam effugere. Quare cum per prophetas Deus iuberet seruari legem, dicebat se dominum Deum esse. & in ipso Decalogi exordio: Ego sum dominus Deus tuus. & alibi: Si Dominus ego sum, ubi est timor meus? Non solum autem excitabit fidelium animos ad seruanda Dei præcepta, sed ad gratiarum etiam actionem, quòd suam Deus, quæ salutem nostram contineret, uoluntatem explicarit. Quare non uno loco scriptura maximum hoc beneficium declarans, populum commonefacit, ut suam dignitatem, ac Domini beneficentiam cognoscat, ueluti in Deuteronomio; Hac est, inquit, uestra sapientia, & intellectus coram populis, ut audientes uniuersi præcepta hæc, dicant; En populus sapiens, & intelligens, gens magna. & rursus in psalmo: Non fecit taliter omni nationi, & iudicia sua non manifestauit eis.

Exod. 10.
Malach. 1.

Deuter. 4.

Psal. 147.

Verum si Parochus rationem præterea late legis ex scripturæ auctoritate demonstrarit, facile

Quanta me
iustitiae legi

Decalogi
dara.

Exod. 19.

facile intelligent fideles, quàm pie ac suppliciter acceptam Dei legem colere oporteat. triduo enim antequàm ferretur lex, Dei iussu dictum est omnibus, ut uestimenta lauarent, uxores non attingerent, quo sanctiores, ac paratiores essent ad accipiendam legem; ut ad diem tertium adessent. deinde, cum ad montem essent adducti, unde Dominus illis per Moysen leges erat laturus uni Moyse dictum est, ut in montem ascenderet: quo Deus maxima cum maiestate uenit, & locum tonitruis, fulgoribus, igne, densisque nebulis circumfudit, ac loqui cum Moise cepit, eiq; leges dedit. quòd diuina sapientia nullam aliam ob causam factum uoluit, nisi nos ut moneret, casto, humiliq; animo legem Domini accipiendam esse: quod si præcepta negligeremus, paratas nobis à diuina iustitia pœnas imminere. Quin etiam, legis iussa difficultatem non habere, ostendat Parochus, quòd uel una hac ratione ex S. Augustino docere poterit, cum dicit: Qui quæso, dicitur impossibile esse homini, amare, amare, inquam, creatorem beneficum, patrem amantissimum, deinde etiam, & carnem suam in fratribus suis? at uero qui diligit, legem impleuit. Quare Ioannes Apostolus præcepta Dei grauius non esse, aperte testatur. nihil enim iustius, nihil cum maiore dignitate, nihil maiore cum fructu ab homine, teste B. Bernardo, exigi potuisset. quamobrem summam Dei benignitatem admiratus est Augustinus, sic ipsum Deum affatus: Quid est homo, quod amari

Rom. 13.
2. Ioan. 5.D. Bern.
S. August.

te ab eo uis? & , si non faciat, ingentes minaris pœnas? an non satis magna hæc est, si non diligam te? Quod si quis eam asserat excusationem, impediri se, quo minus Deum amet, infirmitate naturæ; docendum est, Deum, qui amorem requisivit, amoris uim inferere cordibus per spiritum sanctum suum: hic autem spiritus bonus petentibus à patre cælesti datur: ut merito sanctus Augustinus præcatus sit; Da, quod iubes; & iube, quod uis. Quia igitur Dei auxilium præsto nobis est, maxime post Christi domini mortem, per quam princeps huius mundi eiectus est foras: non est quod quisquā rei difficultate deterreatur: nihil enim est amanti difficile. Præterea, ad eandem rem persuadendam plurimum ualebit, si explicabitur, necessario legi obtemperandum esse; præsertim cum nostris temporibus non defuerint, qui, siue facilis, siue difficilis sit lex, ad salutem tamen nequaquam necessariam esse, impie, & magno ipsorum malo dicere non ueriti sunt. Quorum nefariam, impiamque sententiam sacra scriptura testimonijs Parochus confutabit, eiusdem maxime Apostoli, cuius illi auctoritate impietatem suam tueri conantur. Quid igitur ait Apostolus? non præputium, non circumcisionem quidquam esse, sed obseruationem mandatorum Dei. Quod uero eandem sententiam alibi repetit, & nouam creaturam in Christo tantum dicit ualere, intelligimus plane eam nouam creaturam in Christo dicere, qui mandata Dei obseruat. Is enim, qui habet mandata Dei, ac

Luc. 11.
S. Augu!

1. Cor. 7.

Gal. 6.

Ioan. 14.

seruat, diligit Deum, Domino ipso teste apud Ioan-
nem; Si quis diligit me, sermonem meum seruabit.
Nam & si iustificari potest homo, & ex impio fie-
ri pius, antequam singula legis præcepta exter-
nis actionibus impleat: tamen fieri non potest, ut,
qui per ætatem ratione uti queat, ex impio fiat ius-
tus, nisi animum habeat paratum ad omnia præce-
pta Dei seruanda. Ad extremum uero, ne quid præ-
termittat Párochus, quo fidelis populus adduca-
tur, ut legem seruet, quàm sint eius uberes, sua-
uesque fructus; demonstrabit: quòd facile poterit
ex ijs, quæ psalmo decimo octauo scripta sunt, pro-
bare. in eo enim legis Dei laudes celebrantur: qua-
rum hæc est uel maxima, quæ Dei gloriam, & ina-
iestatem multo amplius explicat, quam decore suo,
atque ordine faciant ipsa cælestia corpora: quæ ut
omnes quamuis barbaras nationes in sui admiratio-
nem rapiunt, ita efficiunt, ut rerum omnium opifi-
cis, & conditoris gloriam, sapientiam, ac potentiam
agnoscant. Ac lex quidem Domini conuertit ani-
mas ad Deum. agnoscetes enim uias eius, & Dei
sanctissimam uoluntatem per legem, conuertimus
pedes nostros in uias Domini. At quia soliti men-
tes Deum, uere sapientes sunt; hoc illi deinceps tri-
buit, ut sapientiam præstet paruulis. Hinc ueris
gaudijs, & mysteriorum diuinorum cognitione, in-
gentibus præterea uoluptatibus, & præmijs, &
in hac uita, & in futuro sæculo illi cumulantur,
qui Dei legem obseruant. Nec uero tam nostra
utilitatis

Psalm. 18.

utilitatis gratia, quàm Dei causa, nobis est seruanda lex, qui suam hominum generi in lege uoluntatem aperuit: quam cum cetera creatura sequantur, hominem ipsum eandem sequi multo est æquius. Ne id quidem silentio prætereundum est, uel in hoc maxime suam in nos Deum clementiam, & summæ bonitatis diuitias ostendisse; quòd cum sine ullo præmio nos potuisset, ut suæ gloriæ seruiremus, cingere; uoluit tamen suam gloriam cum utilitate nostra coniungere; ut, quod homine utile, idem esset Deo gloriosum. Quoniam igitur id maximum & præclarissimum est, docebit Parochus, ut à Propheta ultimo loco dictum est, in custodiendis illis retributionem multam esse. Non enim tantum illæ nobis benedictiones promissæ sunt, quæ ad terrenam magis felicitatem spectare uidebantur, ut benedicti simus in ciuitate, benedicti in agro; sed copiosa merces in calis, & mensura bona, conferta, coagitata, & superfluens proposita est, quam pijs & iustis actionibus meremur diuinæ misericordiæ adiumento.

Psal. 118.

Deut. 28.

Matth. 5.
Luc. 6.

EGO SUM DOMINUS DEVS TVVS, QUI EDUXI TE DE TERRA AEGYPTI, DE DOMO SERVITVTIS. NON HABEBIS DEOS ALIENOS CORAM ME. NON FACIES TIBI SCVLPBILE &c. Exod. 20.

Quamuis hæc lex Iudæis in monte à Domino data fiterit; tamen, quoniam natura omnium

Rom. 7.

mentibus multo ante impressa, & consignata erat; atque ob eam rem Deus uniuersos homines illi perpetuo parere uoluit; plurimum proderit, uerba illa quibus, Moyse ministro, atque interprete, Hebræis promulgata est, & populi Israelitici historiam, quæ mysteriorum est plena, diligenter explicare. Principio narrabit Parochus, ex omnibus nationibus, quæ sub cælo erant, unam Deum delegisse, quæ ortū habuit ab Abraham, quem peregrinum esse uoluit in terra Chanaam: cuius possessionem cum ei pollicitus esset, tamen & ille, & posterius eius amplius quadringentos annos uagi fuerunt, antequam promissam terram incolerent; in qua quidem peregrinatione numquam eorum curam dimisit. transibant quidem illi de gente in gentem, & de regno ad populum alterum: sed nullam umquam illis iniuriam fieri passus est; immo uero in reges animaduertit. Priusquā autem in Aegyptum descenderent, uirum præmisit, cuius prudentia & illi, & Aegypti fame liberarentur. In Aegypto uero ea illos benignitate complexus est, ut, repugnante, & incumbente ad illorum perniciem Pharaone, mirum in modum auerterentur: & cum ualde affligerentur, ac tamquam serui durissime tractarentur; ducem Moysen excitauit, qui eos in manu potenti educeret. huius præcipue liberationis, initio legis meminit Dominus his uerbis: Ego sum Dominus Deus tuus, qui eduxi te de terra Aegypti, de domo seruitutis. Ex his uero illud maxime Parocho animaduertendum est, unam ex uniuersis

Psal. 104.

Exo. 10.

uersis nationibus à Deo delectam esse, quam popu- Deut. 9.
 lum uocaret suum, & cui se cognoscendum, & co-
 lendum præberet; non quòd ceteras insultitia, aut nu-
 mero uinceret, quemadmodum Hebræos monet
 Deus; sed quod ipsi Deo sic placuit; potius ut gen-
 tem exiguum, & inopem augetet, & locupleta- Deut. 10.
 ret, quo eius potentia, & bonitas notior apud
 omnes esset, & illustrior. Cum igitur ea esset illorum
 hominum conditio, ijs conglutinatus est, & hos Rom. 11.
 amauit; ita ut, cum esset Dominus celi, & terræ,
 non confunderetur uocari Deus eorum, quo ceteras
 gentes ad æmulationem prouocaret; ut perspecta
 Israelitarum felicitate, omnes homines ad ueri Dei
 cultum sese conferrent, quemadmodum etiam Pau- Rom. 11.
 lus testatur, se, gentium felicitate proposita, &
 uera Dei cognitione, qua eas instruxerat, ad æmu-
 lationem carnem suam prouocare. Deinde fideles
 docebit, Deum Hebræos patres diu peregrinari
 passum esse, posteros etiam durissima seruitute pre-
 mi, diu exariq; permisisse, ob eam rem, uti doce-
 remur, amicos Dei fieri, non nisi mundi inimicos, ac
 peregrinos in terris; itaque in Dei familiaritatem
 facilius recipi, si nihil omnino nobis sit commune
 cum mundo, cum uero, ut ad Dei cultum translati
 intelligeremus, quanto feliciores demum sint ij, qui
 Deo, quàm qui mundo seruiunt: cuius rei nos scri-
 ptura commonet: ait enim: Veruntamen seruient 2. Para. 11.
 ei, ut sciant distantiam seruitutis meæ, & seruitutis
 regni terrarum. Præterea, explicabit, post amplius

quadringentis annis Deum promissa præstitisse, ut il-
le populus fide, ac spe aleretur. *Alumnos enim suos*
Deus à se perpetuo pendere uult, atque in sua boni-
tate omnem spem suam collocare; ut in primi præce-
pti explanatione dicetur. Postremo, locum, ac
tempus notabit, quibus hanc legem populus Israel
à Deo accepit; nempe, postquam eductus ex Aegy-
pto in desertum uenit; ut beneficij recentis memo-
ria allectus, & loci asperitate, in quo uersabatur,
deterritus, ad accipiendam legem aptior reddere-
tur. homines enim ijs maxime deuinciuntur, quo-
rum beneficentiam experti sunt; atque ad Dei præ-
sidium confugiunt, cum se omni spe humana desti-
tutos esse uident. Ex quo licet intelligere, fideles
ad complectendam caelestem doctrinam eo propen-
siores esse, quo se magis à mundi illecebris, & car-
nis uoluptatibus abstraxerint; sicut per Prophe-
tam scriptum est; Quem docebit scientiam, &
quem intelligere faciet auditum? ablactatos à lacte,
auulsos ab uberibus. Enitatur itaque Parochus,
&, quantum potest, efficiat, ut fidelis populus hæc
uerba semper in animo habeat; Ego sum dominus
Deus tuus: ex quibus intelligent, legislatorem se
creatorem habere, à quo & conditi sunt, & con-
seruantur: iureq; illud usurpent; Ipse est domi-
nus Deus noster; & nos populus pascuæ eius, &
oues manus eius. Quorum uerborum uehemens,
& frequens admonitio eam uim habebit, ut ad legē
colendam fideles promptiores reddantur, & à pec-
catis

cati abstineant. Quod autem sequitur; Qui edu-
 xi te de terra Aegypti, de domo seruitutis; & si Iu-
 daeis tantum uidetur conuenire, Aegyptiorum domi-
 natu liberatis; tamen, si interiorē salutis uniuersae
 rationem spectemus, multo magis ad Christianos
 homines pertinet; qui non ex Aegyptiaca ser-
 uitude, sed ē peccati regione, & potestate tenebra-
 rum à Deo erepti, atque in regnum filij dilectionis. Ad Col. 1.
 suae translati sunt. cuius beneficij magnitudinem
 intuens Hieremias praedixit illud; Ecce dies ueniet;
 dicit Dominus; & non dicetur ultra, Viuit Domi-
 nus, qui eduxit filios Israel de terra Aegypti; sed. Hier. 16.
 uiuit Dominus, qui eduxit filios Israel de terra A-
 quilonis, & de uniuersis terris, ad quas eieci eos, &
 reducam eos in terram suam, quam dedi Patribus.
 eorum. ecce ego mittam piscatores multos, dicit Do- Luc. 1.
 minus, & piscabuntur eos; & quae sequuntur. Pater
 enim indulgentissimus per filium suū filios, qui erāt
 dispersi, congregauit in unum; ut iam nō ut serui pec-
 cato, sed iustitiae, seruiamus illi in sanctitate, & iusti-
 tia corā ipso omnibus diebus nostris. Quare fideles
 omnibus temptationibus tāquā clypeū opponant illud
 Apostoli; Qui mortui sumus peccato, quo modo ad- Rom. 6.
 huc uiuimus in illo? iā non sumus nostri, sed eius, qui
 p̄ nobis mortuus est, & resurrexit. Ipse est dominus.
 Deus noster, qui nos suo sāguine sibi acquisiuit; quo
 modo peccare poterimus in dominū Deū nostrū, ip-
 sumq; iterum cruci affigere? Ut igitur uere liberi, et
 ea quidē libertate, quā nos Christus liberauit, sicut

exhibueramus membra nostra seruire iniustitiæ, ita exhibeamus seruire iustitiæ in sanctificationem.

Exod. 20.

NON HABEBIS DEOS ALIENOS
CORAM ME.

Priorē in Decalogo locum obtinere, quæ ad Deū pertinent, posteriorem uero, quæ ad proximum, docebit Parochus: quia eorum, quæ proximo præstamus, causa Deus est. tum. n. ex Dei præcepto proximum diligimus, cū propter Deum diligimus: ea uero sunt in priori tabula descripta, Secundo loco, in uerbis ijs, quæ proposita sunt, duplex contineri præceptum ostendet: quorum alterum iubendi, alterum prohibendi uim habet. Nam quod dicitur; Non habebis Deos alienos coram me; eam habet sententiam coniunctam; me uerum Deum coles, alienis dijs cultum non adhibebis. In priori autem continetur præceptum fidei, spei, & charitatis. nam cum Deum dicimus immobilem, incommutabilem, perpetuo eandem manentem, fidelem; recte sine ulla iniquitate confitemur, ex quo eius oraculis assentientes, omnem ipsi fidem, & auctoritatem tribuamus, necesse est. qui uero omnipotentiam, clementiam, & ad benefaciendum facilitatem, ac propensionem illius considerat, poterit ne spes omnes suas non in illo collocare? at si bonitatis, ac dilectionis ipsius effusas in nos diuitias contempletur, illum ne poterit non amare? Hinc est illud præmium, hinc illa conclusio, quæ in præcipiendo, mandandoque in-

scri-

scriptura utitur Deus, Ego dominus. Altera autem præcepti pars illa est; Non habebis Deos alienos coram me. qua loquendi formula legislator usus est, non quòd satis explicata non esset hæc sententia affirmatione præcepti in hunc modum: Me unum Deum coles: si enim Deus est, unus est: sed propter cecitatem plurimorum, qui olim Deum uerum se colere profitebantur, multitudinem tamen deorum uenerabantur: cuiusmodi inter Hebræos ipsos permulti fuerunt, qui, ut Elias eis obijciebat, in duas partes claudicabant: quod & Samaritæ fecerunt, qui Deum Israelis, & deos gentium colebāt. 3. Reg. 18. His explicatis, addendum erit, hoc esse præceptum omnium primum, & maximum, non ordine tantum ipso, sed ratione, dignitate, præstantia. Debet enim obtinere Deus apud nos infinitis partibus maiorem, quàm domini, quàm regis, charitatem, & auctoritatem. Ipse nos creauit, idem gubernat: ab eo in utero matris nutriti, atque inde in hanc lucem educli sumus: ipse nobis ad uitam, uitæquæ res suppeditat necessarias. Peccant autem in hoc præceptum, qui fidem, spem, & charitatem non habent. quorum peccatum latissime patet. Sunt enim in hoc numero, qui in hæresim labuntur; qui non credunt ea, quæ sancta mater Ecclesia credenda proponit; qui somnijs, augurijs, ceterisque uanissimis rebus fidem habent; qui de sua salute spem obijciunt, nec diuinæ bonitati confidunt; qui diuitijs tantum, qui corporis ualitudine, ac uiribus

In primum
præceptum
quomodo
peccatur.

ribus nituntur. quæ fufius ab ijs explicata funt, quæ de uitjs & peccatis conſcripferunt.

De cultu,
& uenera-
tione ſan-
ctorum.

Verum illud etiam in huius præcepti explicatio-
ne accurate docendum eſt, uenerationem, & in-
uocationem ſanctorum Angelorum, ac beatarum
animarum, quæ caeleſti gloria perfruuntur, aut e-
tiam corporum ipſorum, ſanctorumque cinerum
cultum, quem ſemper catholica Eccleſia adhi-
buit, huic legi non repugnare. Quis enim adeo
demens eſt, qui, edicente rege, ne ſe pro rege quiſ-
quam gerat, aut regio cultu, atque honore affici
patiat, continuo putet nolle regem, ſuis ut ma-
giſtratibus honos deferatur? Eſi enim Angelos
Chriſtiani adorare dicuntur exemplo ſanctorum ue-
teris teſtamenti, non eam tamen illis ueneratio-
nem adhibent, quam Deo tribuunt. quod ſi legimus
interdum Angelos recuſaſſe, ne ſe homines uene-
rarentur; eo ſeciſſe intelligendum eſt, quod ſibi
eum honorem haberi uolebant, qui ſoli Deo debe-
retur. Spiritus enim ſanctus, qui ait; Soli Deo ho-
nor, & gloria: idem præcepit, ut honore parentes,
& ſeniores afficeremus. Sancti præterea uiri, qui
Deum unum colebant, reges tamen, ut in diui-
nis litteris, adorabant, ideſt ſupplex ueneraban-
tur. Quod ſi reges, per quos Deus mundum gu-
bernat, tanto honore afficiuntur: Angelicis ſpiri-
tibus, quos Deus miniſtros ſuos eſſe uoluit, & quo-
rum opera non modo ad Eccleſiæ ſuæ, ſed etiam ad
reliquarum rerum gubernationem utitur, quo-
rumque

rumque ope maximis tum animæ, tum corporis pe-
 riculis quotidie liberamur, etiam si se nobis in con-
 spectum non dent, tanto maiorem honorem non habe-
 bimus, quanto beate illæ mentes dignitate regibus
 ipsis antecellant? Adde charitatem, qua nos dili-
 gunt, qua ducti pro ijs provincijs, quibus præsent; Dan. 10.
 ut ex scriptura facile intelligitur, preces fundunt;
 quod etiam præstare ijs, quorum sunt ipsi custodes,
 ne dubitandum quidem est: nostras enim preces Deo
 offerunt, & lacrymas. Quamobrem in euangelio
 docuit Dominus, pusillos scandalizandos non esse;
 quod Angeli eorum in cælis, semper vident faciem Math. 18.
 Patris, qui in cælis est. Inuocandi itaque sunt;
 quod & perpetuo Deum intuentur, & patrocini-
 um salutis nostræ, sibi delatum; libentissime susci-
 piunt. Extant diuinæ scripturæ testimonia huius
 inuocationis. Iacob enim ab Angelo, quicum lucta-
 tus fuerat, petit, ut sibi benedicat, immo etiam co-
 git: se enim non dimissurum illum profitetur, nisi
 benedictione accepta: neque solum sibi ab eo tribui
 quem intuebatur, sed ab eo etiam, quem minime
 uidebat, tum cum dixit: Angelus, qui eruit me de Gen. 48.
 cunctis malis, benedicat pueris istis. Ex quibus
 etiam colligi poterit, tantum abesse, ut sanctis, qui
 in Domino dormierunt, honore afficiendis, atque
 inuocandis, & sacris eorum reliquijs, cineribusque
 uenerandis, Dei gloria minuatur; ut eo maxi-
 me augeatur, quo magis hominum spem exci-
 tat, confirmat, & ad sanctorum imitationem
 cohort-

cohortatur. quod officium Nicæno altero, & Gangrensi, ac Tridentino concilijs, & sanctorum Patrum auctoritate comprobatur. Quo autem sit ad refutandos eos instructior Parochus, qui huius ueritati aduersantur, sanctos Hieronymum contra Vigilantium, & Damascenum potissimum legat. ad quorum rationem, quod caput est, accedit consuetudo ab Apostolis accepta, & in Ecclesia Dei perpetuo retenta, & conseruata, cuius rei quis firmitus, aut clarius requirat argumentum diuinæ scripturæ testimonio. quæ sanctorum laudes celebrat admirabiliter? extant enim quorundam sanctorum diuina præconia, quorum laudes cum sacris litteris celebrentur; quid est, quod illis singularem honorem non habeant homines? Etsi ob eam causam magis etiam colendi, & inuocandi sunt, quod pro salute hominum preces assidue faciunt, multaq; eorum merito, & gratia in nos Deus confert beneficia. Si enim gaudium est in cælo super uno peccatore pœnitentiam agente; non ne etiam cælestes ciues pœnitentes adiuuabunt? non ne rogati peccatorum ueniam & impetrabunt, & conciliabunt nobis Dei gratiam? Quod si dicatur, ut à nonnullis dicitur, superuacaneum esse sanctorum patrocinium, quod Deus sine interprete precibus nostris occurrat: has impiorum uoces illud sancti Augustini facile conuincit, multa Deum non concedere, nisi mediatoris ac deprecatoris opera, & officium accesserit. Quod illustribus Abimelec, & Iob amicorum

Luc. 15.

S. Aug.

Gen. 20.

Iob. 41.

corum confirmatur exemplis, quorum peccata non nisi Abraham, & Iob precibus condonauit. Si uero etiam afferatur, fieri inopia, & imbecillitate fidei, ut sanctos internuncios, & patronos adhibeamus: quid ad illud respondebunt Centurionis exemplum, qui uel in singulari illo fidei praeconio, quod ei dominus Deus impertiuuit, seniores tamen Iudaeorum ad Saluatorem misit, ut laboranti puero salutem impetrarent? Quare si fatendum est, unum nobis mediatorem propositum Christum dominum, qui scilicet unus nos per sanguinem Patri caelesti reconciliauit, & qui, aeterna redemptione inuentus, semel in Sancta ingressus, pro nobis interpellare non cessat: ex eo tamen nullo modo sequi potest, quominus ad sanctorum gratiam confugere liceat. Nam si propterea subsidijs sanctorum uti non liceat, quod unum patronum habemus IESVM CHRISTVM; numquam id commisisset Apostolus, ut se Deo tanto studio fratrum uiuentium precibus commendari uellet neque enim minus uiuorum preces, quam eorum, qui in caelis sunt, sanctorum deprecatio, Christi mediatoris gloriam, & dignitatem imminuerent. Sed cui fidem non faciant & honoris, qui sanctis debetur, & patrocinijs, quod nostri suscipiunt, mirabiles effectus res ad eorum sepulcra, ijs, qui oculis, & manibus, membrisque omnibus capti essent, in pristinum statum restitutis, mortuis ad uitam reuocatis, ex corporibus hominum eiectionis demonijs? quae non audisse, ut multi, non legisse, ut plurimi grauissimi

Matt. 8.

Luc. 7.

Heb. 9.

D. Ambr.
& August.

simi uiri, sed uidisse, testes locupletissimi sancti Ambrosius, & Augustinus litteris prodiderunt. Quid multa? si uestes, sudaria, si umbra sanctorum, prius quam e uita migrarent, depulit morbos, uiresque restituit; quis tandem negare audeat, Deum per sacros cineres, ossa, ceterasque sanctorum reliquias

3. Reg. 13.

eadem mirabiliter efficere? Declarauit id cadauer illud, quod sorte illatum in sepulcrum Elisei, eius tacto corpore, subito reuixit. Quod uero sequitur

Exod. 20.

Non facies tibi sculptile, neque omnem similitudinem, quæ est in celo, & quæ in terra deorsum, nec eorum, quæ sunt in aquis sub terra; non adorabis ea, neque coles: quidam hoc alterum præceptum existimantes, duo postrema ipsa unius præcepti ui

8. August.

contineri uoluerunt; ut sanctus Augustinus illa extrema diuidens, hæc ipsa uerba ad primum præceptum pertinere uoluit. quam sententiam, quia in ecclesia celebris est, libenter sequimur. Etsi in prompturatio est illa uerissima, consentaneum fuisse, præmium, & pœnam cuiusque cum primo præcepto coniungi. Nec uero quis existimet, omnino pingendi, fingendi, aut sculpendi artem hoc præcepto prohiberi. nam in scripturis, iussu Dei, simulacra, & imagines affectas legimus, Cherubim, serpentis anei. superest igitur, ut imagines ob eam rem uetitas interpretemur, ne quid, simulacris, quasi dijs, colendis, de uero Dei cultu detraheretur. Duplici autem potissimum ratione, quod ad hoc præceptum attinet, Dei maiestatem uehementer

3. Reg. 6.
Num. 21.

ladi

lædi perspicuum est; altera, si idola, & imagines, tamquam Deus, colantur, aut credatur inesse aliqua in his diuinitas, uel uirtus, propter quam sint colendæ, uel quod ab eis sit aliquid petendum, uel quod fiducia in imaginibus sit figenda, ueluti olim fiebat à gentibus, quæ in idolis spem suam collocabant; quod passim sacra litteræ reprehendunt: altera, si quis conetur diuinitatis formam aliquo artificio effingere, quasi corporeis oculis conspici, uel coloribus aut figuris exprimi possit. Quis enim Deum, inquit, Damascenus, qui sub aspectum non cadit, qui corporis expers est, qui nullis terminis circumscribi, nec ulla figura describi queat, possit exprimere? quæ res in altera Nicana Synodo uberrius explicatur. Præclare igitur Apostolus, eos mutasse Dei incorruptibilis gloriam in similitudinem uolucrum, quadrupedum, ac serpentum, dixit. hæc enim omnia tamquam Deum uenerabantur, cum illi harum rerum imagines ponerent. quo circa Israelitæ, qui ante uituli simulacrum clamabant, Hi sunt Dytui Israel, qui te eduxerunt de terra Aegypti; idololatræ sunt appellati; quia mutarunt gloriam suam in similitudinem uituli comedentis fœnum. Cum igitur Dominus deos alienos coli prohibuisset, ut penitus idololatriam tolleretur, imaginem diuinitatis ex ære ducti, aut alia quauis materia fieri prohibuit: quod Isaïas declarans inquit: Cui similem fecistis Deum, aut quam imaginem ponetis ei? Atque in hoc præce-

Ro. 1.

Exod. 32.

Psal. 105.

Isa. 40.

Id. 47.

Deuter. 4.

præcepto hanc sententiam contineri, præter sancto-
rum Patrum scripta, qui eam, quemadmodum in
septima Synodo expositum est, sic interpretantur,
illa etiam Deuteronomij uerba satis declarant, ubi
Moses, populum auertere ab idolatria cum uellet,
aiebat: Non uidisti aliquam similitudinem in die,
qua locutus est uobis Dominus in Horeb de medio
ignis. Quod sapientissimus legislator ideo dixit, ne
quo errore ducti diuinitatis imaginem fingerent,
Deoque debitum honorem, rei creatæ tribuerent.
Nemo tamèn propterea contra religionem, Dei quæ
legem quidquam committi putet, cum sanctissimæ
Trinitatis aliqua persona quibusdam signis expri-
mitur, quæ tam in ueteri, quàm in nouo testamen-
to apparuerunt. nemo enim tam rudis est, ut illa
imagine diuinitatem credat exprimi: sed illis decla-
rari doceat Pastor proprietates aliquas, aut actio-
nes, quæ Deo tribuuntur; ueluti cum ex Daniele
pingitur antiquus dierum in throno sedere, ante
quem libri aperti sunt; Dei aternitas, & infinita
sapientia significatur, qua omnes hominum & co-
gitationes, & actiones, ut de ijs iudicium ferat,
intuetur. Angelis etiam tum humana species,
tum alæ assinguntur; ut intelligant fideles, quàm
propensi sint in humanum genus, & tamquam pa-
rati ad ministeria Domini exequenda: omnes enim
administratorij spiritus sunt propter eos, qui here-
ditatem capiunt salutis. Colombæ uero species, &
linguæ tamquam ignis in euangelio, & Actis
Aposto-

Dan. 7.

Hebr. 1.

Matth. 3.

Mar. 1.

Luc. 3.

Apostolorum, quas spiritus sancti proprietates significent, multo notius est, quam ut oporteat pluribus uerbis explicari. At uero cum Christus dominus, eiusque sanctissima, & purissima mater, ceterique omnes sancti, humana præditi natura, humanam speciem gesserint, eorum imagines pingi, atque honorari, non modo hoc præcepto interdictum non fuit, sed etiam sanctum, & grati animi certissimum argumentum semper habitum est: quod & Apostolicorum temporum monumenta, & æcumenicæ Synodi, & tot sanctissimorum, doctissimorumque Patrum inter se consentientium scripta confirmant. Non solum autem licere in Ecclesia imagines habere, & illis honorem, & cultum adhibere, ostendet Parochus, cum honos, qui eis exhibetur, referatur ad prototypa, uerum etiam maximo fidelium bono ad hanc usque diem factum declarabit; ut ex Damasceni libro, quem de imaginibus edidit, & septima Synodo, quæ est secunda Nicæna, intelligitur. Verum, quia sanctissimum quodque institutum hostis humani generis suis fraudibus, & fallacijs deprauare contendit; si quid forte populo hac in re peccatum fuerit, Parochus Tridentini Concilij decretum secutus, quoad eius fieri poterit, studebit corrigere. ac decretum quidem ipsum, cum res tulerit, populo interpretabitur; tum rudes, & qui imaginum ipsarum institutum ignorant, docebit, imagines factas ad utriusque testamenti cognoscendam historiam, atque eius

Nic. Syn. 5.

Trid. Concil.

memoriam identidem renouandam: qua rerum diuinarum memoria excitati, ad colendum, atque amandum ipsum Deum uehementius inflammemur: sanctorum quoque imagines in templis positas demonstrabit, utet colantur, & exemplo moniti, ad eorum uitam, ac mores nos ipsos confirmemus.

EGO SUM DOMINVS DEVS TVVS, FORTIS ZELOTES, VISITANS INIQUITATEM PATRVM IN FILIOS IN TERTIAM, ET QVARTAM GENERATIONEM EORVM, QVI ODERVNT ME, ET FACIENS MISERICORDIAM IN MILLIA IIS, QVI DILIGVNT ME, ET CVSTODIVNT PRAECEPTA MEA.

Duo sunt in extrema parte huius praecepti diligenter explicanda. Primum est, quod etsi ob summum scelus praeuaricationis primi praecepti, atque hominum ad id committendum propensionem, apte hoc loco poena proponitur, communis tamen est omnium appendix praeceptorum. omnis enim lex ad praecepta seruanda homines poena, & premio inducit. hinc ille tam frequentes in sacris litteris, & crebrae Dei promissiones. ut enim innumerabilia pene testamenti ueteris testimonia praetermittamus,

Match. 19. in euangelio scriptum est; Si uis ad uitam ingredi serua mandata. Et alibi: Qui facit uoluntatem patris mei, qui in caelis est, ipse intrabit in regnum ca-

Match. 7. 3. tris mei, qui in caelis est, ipse intrabit in regnum ca-
lorum. Tum illud: Omnis arbor, quae non facit fru-
ctum

Etum bonum, excidetur, & in ignem mittetur. Et: Omnis, qui irascitur fratri suo, reus erit iudicio. Atque alibi: Si non dimiseritis hominibus, nec pater uester dimittet uobis peccata uestra. Alterum est, quòd longe alia ratione perfecti, alia carnales homines hanc appendicem docendi sunt. Perfectis Rom. 1. enim, qui spiritu Dei aguntur, eique prompto & alacri animo parent, instar est cuiusdam letissimi nuncij, & magnum argumentum propensæ in eos diuine uoluntatis. agnoscunt enim sui amantissimi Dei curam, qui nunc præmijs, nunc pænis ad sui cultum, & uenerationes homines prope compellat: agnoscunt eius immensam in se beneuolentiam, qui sibi imperare: suaque opéra ad diuini nominis gloriam uti uelit: neque solum agnoscunt, sed magna spe sunt, illum, cum, quod uult, iubeat, etiam daturum uires, quibus legi ipsius parere possint. At carnalibus, qui nondum spiritu seruitutis liberati sunt, magisque metu pœnarum, quàm amore uirtutis abstinent à peccatis, eius appendicis sensus grauis, & acerbus est, quamobrem sunt pijs exhortationibus subleuandi, & quo lex spectat, quasi manu deducendi. Parochus autem, quoties alicuius explicandi præcepti occasio inciderit, eadem hæc sibi habeat proposita. Carnalibus perinde tamen, ac spiritualibus, duo in primis quasi aculei sunt admonendi qui ad legem obseruandam hac ipsa in appendice positi, homines maxime incitent. Nam quòd Deus fortis dicitur, ideo diligentius est

explicandum, quo caro sæpe, quæ terroribus diuinæ comminationis minus commouetur, uarias sibi ipsa rationes fingit; quibus iram Dei effugere, ac propositam pœnam uitare possit: cui autem certo persuasum est Deum sortem esse, illud magni Dauidis usurpat, Quo ibo à spiritu tuo, & quo à facie tua fugiam? Eadem quoque, diuinis interdum diffusa promissis, tantas hostium uires esse credit, ut ad sustinendum minime parem sese esse existimet. At firma, & stabilis fides nihil titubans, cum diuinæ uirtute nitatur, homines contra retreat, atque confirmat: ait enim: Dominus illuminatio mea, & salus mea, quem timebo? Alter uero aculeus, zelus ipse diuinus est. nonnumquam enim homines putant Deum humana non curare, ne illud quidem legem ipsius seruemus, an negligamus: ex quo sequitur magna uitæ confusio. cum autem Deum zelotem credimus, eius rei meditatio facile nos in officio continet. Zelus uero, qui Deo tribuitur, nullam animi significat perturbationem, sed diuinum illum amorem, & charitatem, qua Deus nullam à se animam patitur impune fornicari: quotquot autem ab eo fornicantur, perdit. Est itaque zelus Dei tranquillissima eius, sincerissimaque iustitia, qua anima, falsis opinionibus, prauisque cupiditatibus corrupta, repudiatur, & à Dei coniugio tamquam adultera remouetur. At uero zelum hunc Dei suauissimum, ac dulcissimum experimur, cum summa eius, atque in-

credi-

Psal. 38.

Psal. 26.

credibilis in nos uoluntas zelo ipso demonstratur.
 nec enim aut amor ardentior inter homines, aut
 maior, arctiorque coniunctio, quam eorum, qui
 coniugio copulati sunt, reperitur. Igitur, quam
 nos ualde diligit, ostendit Deus, cum crebro se,
 uel sponso, uel marito comparans, zelotem uocat.
 Quamobrem doceat Parochus, hoc loco sic diuini
 cultus, atque honoris cupidos homines esse debe-
 re ut zelantes potius, quam amantes, iure dici pos-
 sint, illius exemplo, qui de se ipse, Zelo, inquit,
 zelatus sum pro domino Deo exercituum. immo
 uero Christum ipsum imitentur, cuius illud est :
 Zelus domus tue comedit me. Est autem commi-
 nationes explicanda sententia, non inultos pecca-
 tores passurum Deum, sed eos uel tamquam pa-
 rentem castigaturum, uel tamquam iudicem acriter,
 ac seuerè in eos animaduersurum. Quod
 alio in loco significans Moses, Et scies, inquit,
 quia dominus Deus tuus ipse est Deus fortis, &
 fidelis, custodiens pactum, & misericordiam di-
 ligentibus se, & ijs, qui custodiunt precepta eius,
 in mille generationes, & reddens odientibus se
 statim; & Iosue, Non poteritis, inquit, ser-
 uire Domino: Deus enim sanctus, & fortis emu-
 lator est, ne uignoscet sceleribus uestris, atque pec-
 catis: si dimiseritis Dominum, & serueritis dijs
 alienis, conuertet se, & affliget uos, atque sub-
 uertet. Docendus autem populus est, commina-
 tionis pœnam ad tertiam, quartamque impiorum,

3. Reg. 19.

Psal. 68.
Ioan. 2.

Deuter. 7.

Ios. 2.

& facinorosorum generationem pertinere; non quòd
 posteriores maiorum scelerum pœnas semper luant;
 sed licet illi, liberiq; eorum impune tulerint, non
 omnis tamen eorum posteritas iram Dei, pœnamq;
 uitabit; quod Iosifæ regi accidit. huic enim, pro-
 pter singularem pietatem, cum pepercisset Deus,
 dedissetq; ut in pace in sepulcrum maiorum suo-
 rum inferretur, ne uideret consequentium tempo-
 rum mala, quæ, propter Manassis aui impietatem,
 Iudæ, & Hierusalem erant euentura; eo mortuo,
 posteros eius est ultio Dei consecuta, sic, ut ne filiis
 quidem Iosifæ pepercit. Qua autem ratione hæc
 legis uerba sententiæ illi, quæ est apud Prophetam,
 non aduersentur; Anima, quæ peccauerit, ipsa
 morietur; sancti Gregorij auctoritas, cum reliquis
 omnibus antiquis Patribus consentiens, aperte osten-
 dit: ait enim: Quisquis prauæ parentis iniquita-
 tem imitatur, etiam ex eius delicto constringitur:
 quisquis autem parentis iniquitatem non imitatur
 nequaquam delicto illius grauatur. unde fit, ut ini-
 quus filius iniqui patris non solum sua, quæ addi-
 dit, sed etiam patris peccata persoluat; cum uitæ
 patris, quibus iratum Dominum non ignorat etiam
 suam adhuc malitiam adiungere non formidat: &
 iustum est, ut qui sub districto iudice uias parentis
 iniqui non timet imitari, cogatur in uita præsentis,
 etiam culpas parentis iniqui persolvere. Comme-
 morabit deinde Parochus, quantum Dei iustitiam
 superet eiusdem bonitas, ac misericordia. irascitur
 tertiæ

2. Para. 34.
35.

4. Reg. 23.

Ezech. 18.

Grego.

tertia, quartæque generationi Deus, misericordiam uero in millia impertit. In eo autem, quod dictum est; Eorum, qui oderunt me; peccati magnitudo ostenditur. Quid enim flagitiosius, ac detestabilius, quàm summam ipsam bonitatem, summam ueritatem odisse? Hoc uero ad omnes peccatores hiccirco pertinet, quòd quemadmodum, qui Ioan. 14.
habet mandata Dei, & seruat ea, Deum diligit; Exo. 20.
ita qui legem Domini contemnit, & mandata eius non seruat, Deum odisse merito dicendus est. Quod uero extremum est; Et ijs, qui diligunt me; seruanda legis modum, ac rationem docet. necesse est enim, eos, qui legem Dei seruant, eadem charitate, atque amore, quo in Deum sunt, ad eius obedientiam adduci: quæ deinceps in singulis præceptis commemorabuntur.

NON ASSVMES NOMEN DOMINI DEI
TVI IN VANVM.

Quamquam primo diuinæ legis præcepto, quò Deum pie, sanctæque colere iubemur, hoc, quod secundo loco sequitur, necessario continetur; (nam qui sibi honorem tribui uult, idem postulat, se ut summo uerborum honore prosequamur, prohibetq; contraria; quod & illa Domini apud Malachiam uerba aperte indicant; Filius honorat patrem, & seruus dominum suum, si ergo pater ego sum, ubi est honor meus?) Deus tamen pro rei magnitudine hanc de suo ipsius diuino, & sanctitatis plenissimo nomine honorando, legem separatim ferre;

Malach.

idque nobis disertis, & perspicuis uerbis præscribere uoluit: quod sane Parocho ipsi argumento in primis esse debet, nequaquam satis fore, si hac de re generatim loquatur; sed eiusmodi locum hunc esse, in quo ipse diutius cōmorari, & quæcumque ad hanc tractationem pertinent, distinte, dilucide, accurateque apud fideles explicare necesse sit. Neque uero nimia hæc diligentia censenda est; cum non desint, qui adeo errorum tenebris occæcati sint, ut quæ angeli glorificant, ei maledicere non uereantur. neque enim lege semel lata deterrentur, quo minus Dei maiestatem quotidie imminuere, immo singulis penè horis, ac momentis impudentissime audeant. Quis enim non uideat, omnia iureiurando affirmari? omnia imprecationibus, & execrationibus referta esse? usque adeo ut nemo fere uel uendat aliquid, uel emat, uel negotium aliquod gerat, qui non iusiurandi religionem interponat, Dei que sanctissimum nomen millies, uel in re leuissima, & inani, temere non usurpet? quo maior Parocho cura & diligentia adhibenda est, ut sæpe fideles admoneat, quàm graue hoc scelus sit, & detestabile. Iam uero, in huius præcepti explicatione id primum constet, cum eo, quod lex fieri prohibet, earum etiam rerum præceptionem coniunctam esse, quas præstare homines debent. utrumque autem separatim docendum est, primum quidem, ut ea, quæ tradenda sunt, facilius exponantur, quid iubeat lex, mox etiam quid uetet. nam quæ imperat, illa sunt,

sunt, nomen Dei esse honorandum, ac per illud sancte iurandum. hæc rursus, quæ prohibet: Nemo diuinum nomen contemnat, nemo illud in uanum assumat, ne ue per ipsum aut falso, aut frustra, aut temere iuret. In ea itaque parte, qua iubemur diuino nomini honorem tribuere, Parochus fidelibus præcipiat, Dei nomen, ipsius inquam litteras, & syllabas, aut omnino per se nudum uerbum tantummodo attendendum non esse; sed in eam cogitationem ueniendum, quid ualeat illa uox, quæ omnipotentem, ac sempiternam maiestatem unius & trini numinis significat. Ex his autem facile colligitur, inanem esse nonnullorum Iudeorum superstitionem, qui, quod scriberent Dei nomen, pronunciare non auderent; quasi in quattuor illis litteris, non in re, diuina uis esset. Sed quamuis singulari numero prolatum sit; Non assumes nomen Dei; id non de uno aliquo nomine, sed de omnibus, quæ Dei tribui solent, intelligendum est. multa enim Deo imposita sunt nomina, ut domini, omnipotentis, domini exercituum, regis regum, fortis, & alia id genus, quæ in scripturis leguntur; quæ pariter, eandemque uenerationem habent omnia. Deinde docendum est. quo modo diuino nomini debitus honor adhibeatur. neque enim Christiano populo, cuius ore Dei laudes assidue celebrandæ sunt, rem utilissimam, & pernecessariam ad salutem; ignorare fas est.

Quamuis

Deus qui-
bus modis
laudandus.

Quāuis autem multiplex sit ratio laudandi diuini nominis, tamen in iis, de quibus deinceps hic dicetur, uis, & pondus omnium uidetur esse. Primum igitur laudatur Deus, cum in omnium conspectu Deum ac dominum nostrum fidenter. confitemur, Christumque salutis nostræ auctorem quemadmodum agnoscimus, ita etiam prædicamus. Itemque cum uerbo Dei, quo uoluntas eius enunciatur, sancte, & diligenter operam damus; in eius meditatione assidue uersamur; studiose illud addiscimus aut legendo, aut audiendo; perinde ut cuiusque personæ & muneri aptum, & consentaneum est. Deinde diuinum nomen ueneramur, & colimus, cum, officij, & religionis causa, diuinas laudes celebramus, ac de omnibus rebus tum prosperis, tum aduersis illi singulares gratias agimus: ait enim Propheta: Benedic anima mea Domino, & noli obliuisci omnes retributiones eius. Extantque plurimi Dauid psalmi, quibus egregia quadam erga Deum pietate illius diuinas laudes suauissime decantat. Extat admirabile illud patientiæ exemplum Iob; qui cum in maximas illas, horribilesque calamitates incidisset, Deum tamen excelso, & inuictō animo laudare numquam intermisit. Nos itaque cum animi, corporisque doloribus cruciamur, cum miserijs, & ærumnis torquemur, statim ad Deum laudandum omne studium, & animi nostri uires conuertamus, illud Iob dicentes; Sit nomen Domini benedictum. Neque uero minus Dei nomen hono-

Psal. 102.

Iob. 1.

hono-

honoratur, si fidenter opem eius imploramus, quo scilicet aut nos ab illis liberet, aut ad eadem fortiter perferenda constantiam, & robur largiatur. hoc enim fieri vult Dominus; Inuoca, inquit, me Psalm. 49. in die tribulationis, & eruam te, & honorificabis me. cuius implorationis cum multis alijs in locis, tum præcipue in psalmis, 16. 43. & 118. illustria reperiuntur exempla. Præterea, Dei nomen honore prosequimur, cum fidei faciendæ causa testamur Deum: quimodus à superioribus ualde differt. Nam quæ supra enumerauimus, ita suapte natura bona sunt, atque expetenda, ut nihil beatius, nihil homini optabilius possit esse, quam si in illis sedulo exequendis se ipsum dies, noctesque exerceat. Benedicam, inquit David, Dominum in omni tempore: semper laus eius in ore meo. Psalm. 33. At iusiurandum licet bonum sit, eius tamen frequens usus minime est laudabilis. Huius autem discriminis ratio in eo posita est, quod iusiurandum ea tantum de causa institutum est, ut esset tamquam remedium quoddam humanæ imbecillitatis: & ad probandum, quod dicimus, necessarium instrumentum. Ut enim corpori medicamenta adhibere non expedit, nisi necesse sit: eorundem uero frequentatio perniciofa omnino est: ita etiam, nisi cum grauis & iusta causa subest, iusiurandi consuetudo salutaris non est: quod si sæpius adhibeatur, tantum abest, ut prosit, ut magnum detrimentum afferat. quamobrem præclare docet S. Chrysostomus, non nascere, sed iam adulto mundo

mundo, cum mala longe lateque propagata uniuersum terrarum orbem occupassent, nihilque suo loco & ordine consisteret, sed perturbata & permixta omnia, sursum, deorsum, magna rerum confusione, ferrentur, &, quod malorum omnium grauissimum est, mortales fere omnes in fœdam idolorum seruitutem se ipsos abiecissent; tum denique longo sane intervallo iusiurandum in hominum consuetudinem irrepsisse. nam cum in tanta hominum perfidia, & iniquitate nemo facile ad credendum adducere-
tur, Deum testem inuocabant.

IVRARE,
quid ualeat apud
scripturas,

Verum cum in hac præcepti parte præcipua sit illa ratio docendi fideles, quo modo iusiurandum pie, sancteque adhibere debeant; primum dicendum est, IVRARE nihil aliud esse, nisi Deum testari, quacumque id uerborum forma, & conceptione fiat. nam &, Testis est mihi Deus, & Per Deum, idem sunt. Est etiam illud iusiurandum cum ad faciendam fidem per res creatas iuramus, ut Per sacra Dei Euangelia, Per crucem, Per sanctorum reliquias, & nomen, & cætera id genus. neque enim hæc ipsa per se iureiurando auctoritatem, aut robur aliquod afferunt, sed Deus ipse hoc præstat, cuius diuinæ maiestatis splendor illis in rebus elucescit. ex quo sequitur, ut per euangelium iurantes, per Deum ipsum iurent, cuius ueritas euangelio continetur, & declaratur. similiter & per sanctos, qui templa Dei sunt, quique euangelicæ ueritati crediderunt, eamque omni obseruantia

uantia coluerunt, & per gentes, & nationes latissime diffeminarunt. Eadem ratio est illius iurisiurandi, quod per execrationem profertur; quale est illud sancti Pauli; Ego testem Deum inuoco in animam meam. Etenim hoc pacto aliquis Dei iudicio tamquam mendacij ultori subijcitur. Neque propterea negamus nonnullas ex hisce formulis ita accipi posse, quare iurisiurandi uim non habeant: sed tamen utile est, quæ de iure iurando dicta sunt, in his etiam seruare, atque ad eandem prorsus normam & regulam dirigere. Duo autem sunt iurandi genera, primum quidem, quod assertorium appellatur, nimirum cum aliquid de re presenti; aut præterita religiose affirmamus, ut Apostolus in epistola ad Galatas; Ecce coram Deo, quia non mentior. Alterum uero promissorium dicitur, ad quod etiam comminationes referuntur, futurum tempus spectans, cum aliquid ita fore pro certo pollicemur, & confirmamus: cuiusmodi est illud Dauidis, qui Bersabeæ coniungi, iurans per dominum Deum suum, promisit Salomonem, eius filium, regni heredem fore, atque in ipsius locum successurum. Verum enim uero licet ad iusiurandum satis sit, Deum testem adhibere; tamen, ut rectum, sanctumque sit multo plura requiruntur, quæ sunt diligenter explicanda. ea uero breuiter, teste Diuo Hieronymo, Hieremias enumerat, dum inquit: Iurabis, uiuit Dominus in ueritate, & in iudicio, & in iustitia. Quibus sane uerbis illa

2. Cor. 6.

Genus iurandi duplex.

ad Gal. 5.

Reg. 3. 1.

S. Hiero.
Hier. 4.

illa breuiter summamque complexus est, quibus
omnis iurisiurandi perfectio continetur, uerita-
tem, inquam, iudicium, & iustitiam. Primum
itaque in iureiurando locum ueritas habet, nimi-
rum ut, quod asseritur, & ipsum uerum sit, &
qui iurat, id ita esse arbitretur, non quidem teme-
re, aut leui coniectura adductus, sed certissimis ar-
gumentis. Alterum uero iurisiurandi genus, quo
aliquid promittimus, eodem plane modo ueritatem
requirit. nam qui aliquid pollicetur, ita animatus
esse debet, ut, cum tempus aduenerit, id re ipsa
præstet, & promissum exoluat. neque enim uir
probus id umquam se facturum recipiet, quod san-
ctissimis Dei præceptis, & uoluntati aduersari pu-
tet, sed, quidquid promittere, & iurare licuerit,
id semel promissum numquam mutabit; nisi fortas-
se commutata rerum conditione, tale esse inceperit
ut iam, si fidem seruare, & promissis stare uelit,
Dei odium & offensionem subiret. Veritatē autem
iureiurando necessariam esse, David quoque indi-
cat illis uerbis; Qui iurat proximo suo, & non de-
cipit. Sequitur secundo loco iudicium: neque enim
iurandum temere, & inconsiderate, sed consul-
to, & cogitato adhiberi debet. Itaque iuraturus,
primum quidem consideret, utrum necessitate coga-
tur, necne: remque totam accurate expendat, an
eiusmodi sit, ut iureiurando indigere uideatur.
Tempus præterea spectet, locum attendat, aliaque
permulta, quæ rebus adiuncta sunt, circumspiciat;

non

non odio, non amore, aut animi perturbatione aliqua impellatur, sed ipsius rei u, & necessitate. etenim, nisi hac consideratio, & diligens animaduersione antecesserit, sane iusiurandum præceptum, & temerarium erit; cuiusmodi est illorum irreligiosa affirmatio, qui in re leuissima, & inani, nulla ratione, aut consilio, sed praua quadam consuetudine iurant. id uero passim quotidie à uenditoribus, & emptoribus fieri uidemus. nam illi, ut quamplurimo uendant, hi rursus, ut quamminimo emant, res uenales uel laudare, uel uituperare iureiurando non dubitant. Cum itaque iudicio, & prudentia opus sit; pueri uero ita acute perspicere, ac distinguere nondum per ætatem possint: ideo constitutum est à S. Cornelio Pont. ne à pueris ante pubertatem, hoc est, ante xiiij. annum iusiurandum exigatur. Reliqua est iustitia, quæ maxime in promissis requiritur. quare si quis iniustum aliquid & inhonestum promittit, & iurando peccat, & promissis faciendis scelus scelere cumulat. extat huius rei in euangelio exemplum Herodis regis; qui temerario iureiurando obstrictus, puellæ saltatrici caput Ioannis Baptistæ, tamquam salutationis præmium, dedit. Tale etiam fuit Iudeorum iusiurandum, qui se ipsos, ut est in Actis Apostolorum, ea condicione deuouerunt, nihil gustaturos, donec Paulum occidissent. His ita explicatis, nulla plane dubitatio relinquitur, quin illi tuto iurare liceat, qui hæc omnia seruauerit, quiq; hisce,

condi-

Marc. 6.

Act. 23.

tatis testem adhibent; cui fidem non habere, impium, ac nefarium erit. Quod uero ad finem attinet, eo tendit iusiurandum, atque id omnino spectat, ut hominis iustitiam, & innocentiam probet, finemq; litibus, & controuersis imponat. quod etiam Apostolus in epistola ad Hebræos docet. neque huic sententiæ uerba illa Saluatoris nostri apud sanctum Mattheum repugnant: Audistis, quia dictum est antiquis; Non periurabis; reddes autem Domino iuramenta tua. Ego autem dico uobis, non iurare omnino, neque per calum, quia thronus Dei est; neque per terram, quia scabellum pedum eius; neque per Hierosolymam, quia ciuitas est magni regis: neque per caput tuum iuraueris; qui non potes unum capillum album facere, aut nigrum. sit autem sermo uester; est, est; non, non: quod autem his abundantius est, à malo est. His enim uerbis iusiurandum generatim, uniuersæque damnari, non est dicendum, cum iam supra uiderimus dominum ipsum, apostolosque frequenter iurasse: sed peruersum Iudæorum iudicium redarguere Dominus uoluit, quo sibi in animum induxerant: nihil in iureiurando cauendum esse, præter mendacium. itaque de rebus leuissimis, & nullius momenti, & ipsi iurabant sæpissime, & ab alijs iusiurandum exigebant. Hunc morem Saluator reprehendit, atque improbat, docetq. omnino à iureiurando abstinendum esse, nisi id flagitet necessitas. nam propter humanam imbecillitatem iusiurandum institutum

Ad Heb.

Matth. 5.

I

EE est,

est, & reuera à malo prouenit : quandoquidem aut iurantis inconstantiam indicat, aut illius, cuius cau-
 sa iuramus, contumaciam; qui, ut credat, aliter adduci non potest. Sed tamen iurandi necessitas excusationem habet. Et quidem, dum inquit Saluator : Sit sermo uester, est, est; non, non : hac loquendi formula satis declarat, se iurandi consuetudinem in colloquijs familiarium, & leuium rerum prohibere. quamobrem illud præcipue à Domino admonemur, ne faciles nimium & propensi ad iurandum simus. idq; sedulo docendum erit, & fidelium auribus inculcandum : infinita enim fere mala ex nimia iurandi consuetudine emanare, & sacrarum litterarum auctoritate, & sanctissimorum Patrum testimonys comprobatur. In Ecclesiastico scriptum est : Iurationi non assuescat os tuum: multi enim casus in illa. Item : Vir multum iurans, implebitur iniquitate, & non descedet à domo illius plaga. Plura hac de re legi possunt apud sanctos Basilium & Augustinum in libris contra mendacium. Et hætenus de iussis, nunc de uetitis dicatur.

Matth. 5.

Eccle. 23.

S. Augu.

Quando, sub quibus
 pœnis iurare prohibi-
 tum.

Vetamur diuinum nomen in uanum assumere : apparet enim, eum graui peccato se obstringere, qui non consilio, sed temeritate ad iurandum fertur. Grauiissimum autem delictum hoc esse, illa etiam uerba declarant; Non assumes nomen Dei tui in uanum : quasi rationem asferret, cur hoc facinus scelestum adeo, ac nefarium sit, nimirum propterea quòd eius maiestas minuitur, quem nos Deum

& dominum nostrum esse profiteamur. Hoc igitur
 præcepto prohibetur, ne homines falsum iurent. nã
 qui à tanto scelere non refugit, ut Deum falso
 testetur, hic insignem Deo iniuriam facit, quip-
 pe qui aut illi inscitiae notam inurit, dum ipsi ali-
 cuius rei ueritatem latere arbitratur, aut certe
 improbitatis, & prauis affectus, qui mendacium te-
 stimonio uelit confirmare. Iurat autem falso non is
 solum, qui, quod falsum scit, uerum esse iurando
 affirmat; sed ille etiam, qui iureiurando id asserit,
 quod cum uerũ sit, tamen ipse falsum putet. nam cũ
 mendacium ea re mendacium sit, quod contra men-
 tem, & animi sententiam profertur; perspicuum est,
 hunc plane mentiri & periurum esse. Simili quoque
 ratione peierat, qui id iurat, quod uerum existimat
 & tamen re uera falsum est: nisi, quantum potuit,
 curam, & diligentiam adhibuerit, ut totam rem cõ-
 pertam, atque exploratam haberet. quamuis enim
 ipsius oratio menti consentiat, tamen huius præce-
 pti reus est. Eiusdem uero peccati reus censendus
 est, qui se aliquid iureiurando facturum promittit,
 cum tamen ei aut promissum implere in animo non
 fuerit, aut, si fuit, quod promisit, re ipsa non præ-
 stat: quod etiam ad eos pertinet, qui cum se uotispon-
 sione Deo obligauerunt, non præstant. Præterea in
 hoc præceptum peccatur, si desit iustitia, quæ ex tri-
 bus iurisiurandi comitibus una est. Itaque si quis
 iuret se peccatum aliquod mortiferum commissu-
 rum, exempli causa, eadem hominis, huius præ-

Falsam quo-
 modo iure-
 tur.

cepti reus est, licet ille serio, atque ex animo dicat, & iusiurandum ueritatem habeat, quam primo loco requiri declarauimus. His adiungi debent illa iurandi genera, quæ à contemptu quodam proficiscuntur, cum quis iurat se non obtemperaturum euangelicis consilijs: cuiusmodi sunt, quæ ad celibatum, & paupertatem hortantur. quamuis enim nemo ea necessario sequi debeat, si quis tamen iuret, nolle se illis parere consilijs, is eo iureiurando diuina consilia contemnit, & uiolat. Præterea, hanc legem is uiolat, & iudicio peccat, qui, quod uerum est, iurat, idque ita se habere existimat, leuibus quibusdam coniecturis adductus, & longe petitis. nam etsi huiusmodi iusiurandum ueritas comitatur, subest tamen aliquo modo falsum: nam qui sic negliger iurat, in magno peierandi periculo uersatur. Falso præterea iurat, qui per falsos deos iurat. quid enim est à ueritate alienius, quàm mendaces & fictitios deos, tamquam uerum Deum, testari? Verum quoniam scriptura, cum periurium interdixit, inquit: Nec pollues nomen Dei tui: neglectio prohibetur, quæ fugienda est in reliquis, quibus ex huius præcepti auctoritate honor debetur: quale est uerbum Dei: cuius maiestatem non solum pii, sed inter eos etiam impij reuerentur, ut in Iudicum historia de Eglon Moabitarum Rege memoria traditum est. Dei autem uerbum summa iniuria afficit, quicumque sacram scripturam à recta, & germana eius sententia ad impiorum dogmata,

Leuit. 19.

Iud. 3.

& hæreses flectit. cuius sceleris admonet nos Prin- 2. Pet. 3.
 ceps Apostolorum uerbis illis: Sunt quædam diffi-
 lia intellectu, quæ indocti, & instabiles deprauant
 sicut & ceteras scripturas, ad suam ipsorum per-
 ditionem. Præterea fædis, & inhonestis maculis
 sacra scriptura contaminatur, cum eius uerba, &
 sententias, quæ omni ueneratione colenda sunt, ad
 profana quæque nefarij homines torquent, ad
 scurilia scilicet, fabulosa, uana, assentationes,
 detractiones, sortes, libellos famosos, & si qua sunt
 alia id genus: in quod peccatum sacra Tridenti-
 na Synodus animaduerti iubet. deinde ut ij Deum
 honorant, qui eius opem atque auxilium in suis
 calamitatibus implorant: ita debitum Deo hono-
 rem is negat, qui illius subsidium non inuocat:
 quos redarguit Dauid, cum inquit: Deum non
 inuocauerunt; illic trepidauerunt timore, ubi non
 erat timor. At uero longe magis detestabili
 scelere se ipsos adstringunt, qui sacrosanctum
 Dei nomen, ab omnibus creaturis benedicendum,
 & summis laudibus extollendum, aut etiam san-
 ctorum nomen, cum Deo regnantium, impuro,
 & contaminato ore blasphemare, atque exe-
 crari audent. quod quidem peccatum usque adeo
 atrox, atque immane est, ut interdum sacræ
 litteræ, si de blasphemia sermo incidat, bene-
 dictionis nomine utantur. Quoniam uero pæ-
 næ, & supplicij terror peccandi licentiam uehe-
 menter coercere solet; ideo Parochus, ut

Trid. Syno-
 dus.
 Sess. 4.

Psal. 13.

3. Reg. 12.
 Iob. 11.

Irod. 20.

hominum animos magis permoueat, atque ad hoc præceptum seruandum facilius impellat, alteram illius partem, & quasi appendicem diligenter explicabit. nec enim habebit infontem Dominus eum, qui assumpserit nomen domini Dei sui frustra. Ac primum quidem doceat: summa ratione factum esse, ut huic præcepto minæ adiungerentur: quo quidem & peccati grauitas, & in nos Dei benignitas agnoscitur: qui cum hominum perditione non deleatur, ne ipsius iram, & offensionem subeamus, hisce salutaribus minis nos deterret, nimirum ut illum beneuolum potius, quam iratum experiamur. Urgeat hunc locum Pastor, instetque summo studio, ut populus sceleris grauitatem agnoscat, & illud detestetur uehementius, & in eo euitando maiorem diligentiam, & cautionem adhibeat. Ostendat præterea quanta sit hominum procliuitas ad hoc peccatum committendum; ut non satis fuerit legem ferre, nisi etiam minæ adderentur. Incredibile enim est, quantum hæc cogitatio utilitatis habeat, nam ut nihil æque nocet, atque incauta quædam animi securitas: ita propria imbecillitatis cognitio plurimum prodest. Tum illud etiam declaret, nullum à Deo certum supplicium constitutum fuisse, sed tantum uniuersæ minari, quicumque se hoc scelere distrinxerit, non impune laturum. quapropter diuersa supplicia, quibus quotidie affligimur, huius peccati admonere nos debent, hinc enim facile licet cōijcere, homines ea re in maximas calamitates incidere

dere, quod huic praecepto non obtemperent. quibus sibi propositis; cautiore eos in posterum fore uerissimile est. Fideles itaque, sancto timore perterriti, omni studio peccatum hoc fugiant. nam si omnis uerbi otiosi in extremo iudicio reddenda ratio est; quid de grauissimis sceleribus dicendum est, quae magnam diuini nominis despicientiam praeseferunt. Matth. 23

MEMENTO, VT DIEM SABBATHI SANCTIFICES.

SEX DIEBUS OPERABERIS, ET FACIES OMNIA OPERA TUA.

SEPTIMA AUTEM DIE SABBATHVM DOMINI DEI TVI EST.

NON FACIES OMNEM OPVS IN EO: TV, ET FILIVS TVVS, ET FILIA TUA, ET SERVVS TVVS, ET ANCILLA TUA, IVMENTVM TVVM, ET ADVENA, QVI EST INTRA PORTAS TVAS. SEX ENIM DIEBUS, FECIT DOMINVS CAELVM, ET TERRAM, MARE, ET OMNIA, QVAE IN EIS SVNT, ET REQUIEVIT IN DIE SEPTIMO. ICCIRCO BENEDIXIT DOMINVS DIEI SABBATHI ET SANCTIFICAVIT EVM.

Hoc legis praecepto externus ille cultus, qui Deo à nobis debetur, recte, atque ordine praescribitur. est enim hic ueluti quidam prioris praecepti fructus: quoniam quem intimis sensibus pie colimus, fide,

& spe adducti: quam in eo positam habemus, non
 possumus cum non externo cultu uenerari, ei-
 demque gratias agere. Et quoniam hæc ab ijs,
 qui humanarum rerum occupationibus detinen-
 tur, non facile præstari possunt; certum tem-
 pus statutum est, quo ea commode effici queant.
 Itaque cum hoc præceptum eiusmodi sit, ut fru-
 ctum, utilitatemque admirabilem asserat; ma-
 xime interest, Parochi summam in eo explican-
 do diligentiam adhiberi. ad eius autem inflam-
 mandum studium magnam uim habet primum il-
 lud præcepti uerbum, Memento. nam quemadmo-
 dum fideles tale præceptum meminisse debent: sic
 Pastoris est, in eorum memoriam illud & monen-
 do, & docendo sæpe redigere. Quantum uero fide-
 lium referat, hoc præceptum colere, ex eo percipi-
 tur, quòd, eo diligenter colendo, ad reliqua legis ius-
 sa seruanda facilius adducentur. Cum enim inter
 cætera, quæ diebus festis præstare debent, necesse
 habeant, uerbi Dei audiendi causa, ad ecclesiã con-
 uenire; cum edocti fuerint diuinas iustificationes,
 illud etiam consequentur, ut ex toto corde custodiãt
 legem Domini. quam obrem sæpissime sabbathi cele-
 britas, cultusque præcipitur in sacris litteris, ut
 in Exodo, Leuitico, Deuteronomio, apud Isaiam,
 Hieremiam item, & Ezechielem prophetas uidere
 licet: quibus omnibus in locis hoc de sabbathi cultu
 traditum est præceptum. Monendi uero, & hortãdi
 sunt Principes, & magistratus, ut in ijs maxime,

quæ

Exodi 16.

20. 31.

Leuit. 16.

16. 23. 26.

Deut. 5.

Hier. 17.

quæ ad hunc cultum Dei retinendum, atque augendum pertinent, Ecclesiæ præsidēs auctoritate sua iuuent, iubeantque populum sacerdotum præceptis obtemperare. Quod autem ad huius præcepti explanationem attinet, danda opera est, ut fideles doceantur, quibus rebus hoc præceptum cum ceteris conueniat, quibusue differat ab eis. hoc enim pacto causam ille, rationemque cognoscet. quare non sabbathum, sed diem Dominicum colamus, sanctumque habeamus. Certa igitur illa differentia uidetur, quod reliqua Decalogi præcepta naturalia sunt, & perpetua, neque mutari ulla ratione possunt. quo factum est, ut, quamuis lex Moysis abrogata sit, omnia tamen præcepta, quæ duabus tabulis continentur, populus Christianus seruet. quod ideo fit, non quia Moses ita iusserit, sed quod naturæ conueniunt; cuius ui homines ad illa seruanda impelluntur. Hoc autem de sabbathi cultu præceptum, si statutum tempus spectatur, non fixum, & constans est, sed mutabile; neque ad mores, sed ad cærimonias pertinet; neque naturale, quoniam non à natura ad id docti, aut instituti sumus, ut illo die potius, quam alio externum cultum Deo tribuamus: sed ex eo tempore, quo populus Israeliticus à Pharaonis est seruitute liberatus, diem sabbathi coluit. Tempus autem quo sabbathi cultus tollendus erat, illud idem est, quo ceteri Hebraici cultus cærimoniæque antiquandæ erant, morte scilicet Christi.

nam

I

nam cum illæ cærimonie sint quasi adumbrate imagines lucis, & ueritatis; illud utique necesse erat, ut lucis ac ueritatis, quæ Iesus Christus est, aduentu remouerentur. qua de re sanctus Paulus ad Galatas ita scripsit, cum Mosaici ritus cultores reprehenderet: Dies obseruatis, & menses, & tempora, & annos: timeo uos, ne forte sine causa laborauerim in uobis. In quam etiam sententiam scripsit ad Codolenses. Et hæc de differentia. Conuenit autem hoc præceptum cum reliquis, non ritu, & cæimonijs, sed quia aliquid habet, quod ad mores naturæ quæ ius attingat. nam Dei cultus, ac religio, quæ hoc præcepto exprimitur, à natura iure existit; cum illud natura comparatum sit, ut aliquot horas in ijs, quæ ad Dei cultum pertinent, uersetur. cuius rei argumento est, quòd apud omnes nationes, statas quasdam ferias, easque publicas fuisse cernimus, quæ sacris rebus, ac diuinis obeundis erant consecrata. est enim naturale homini, ut is certum quoddam tempus necessarijs rerum functionibus det, ueluti corporis quieti, somno, & alijs eiusmodi rebus. & quemadmodum corpori, ita eadem naturæ ratione factum est, ut menti aliquid etiam temporis concederet, quo in Dei contemplatione sese reficeret. atque ita cum aliqua temporis pars esse debeat, quo res diuinæ coluntur, cultusque Deo debitus tribuatur, hoc sane ad morum præcepta pertinet. quam ob causam Apostoli ex illis septem diebus eum, qui primus est, ad diuinum

ad Gal. 4.

Ad Col. 2.

num cultum consecrare statuerunt, quem Dominicum diem dixere. nam & sanctus Ioannes in Apocalypsi Dominici diei meminit: & Apostolus per unam sabbathi, quæ est dies Dominicus, ut sanctus Chrysostomus interpretatur, collectas fieri iubet; ut intelligamus, iam tum in Ecclesia diem Dominicum sanctum habitum esse. Iam uero, ut sci-
ant fideles, quid eo die agere, à quibusue actionibus abstinere debeant; non alienum est, Parochum totum præceptum, quod in quattuor partes recte distribui potest, ad uerbum diligenter interpretari. Itaque primum generatim proponat, quid ijs uerbis præscribatur, MEMENTO, VT DIEM SABBATHI SANCTIFICES. ob eam uero causam initio præcepti uerbū illud, Memento, apposite additum est, quod huius diei cultus ad caerimonias pertineat. Qua de re populus admonendus esse uidebatur, quod naturæ lex, et si aliquo tempore Deum religionis ritu colendum esse doceat, hoc tamen quo potissimum die fieri deberet, non præscripsit. Præterea fideles docendi sunt, ex ijs uerbis modum & rationem colligi posse, qua in tota hebdomada opus facere conueniat, ita scilicet, ut diem festum semper spectemus. quo die cū actionum, & operum nostrorum Deo quasi reddenda ratio sit; eiusmodi opera efficiamus, necesse est, quæ neque Dei iudicio repudientur, neque nobis, ut scriptum est, in singultum sint, & in scrupulum cordis. Postremo id docemur, quod certe animad-

Apoc. 1.
1. Cor. 16.

2

1. Reg. 15.

uertere

nertere debemus, non defuturas scilicet occasiones, quamobrem nos huius præcepti capiat obliuio, uel aliorum, qui illud negligunt, exemplo adductos, uel spectaculorum, ludorumque studio; quibus plerumque ab huius diei sancto, religiosoque cultu abducimur. Sed iam ad id ueniamus, quod sabbathi significatione demonstratur. Sabbathum, hebraicum nomen si latine interpretaris, cessatio dicitur. sabbathizare propterea cessare, & requiescere latino uocabulo appellatur. qua significatione factum est, ut sabbathi nomine dies septimus diceretur, quoniam, absoluta, perfecta que mundi uniuersitate, Deus ab omni opere, quod fecerat, requieuit: ita hunc diem in Exodo Dominus uocat. Postea uero non solum septimus hic dies, sed ob eius dignitatem ipsa etiam hebdomada eo nomine appellata est. in quem sensum Phariseus apud sanctum Lucam dixit: Ieiuno bis in sabbatho. Atque hæc quidem de sabbathi significatione. Sanctificatio autem sabbathi in sacris litteris cessatio est, quæ fit à corporis laboribus, & à negotiis, ut aperte ostendunt hæc quæ sequuntur, præcepti uerba. NON OPERABERIS. neque uero id solum significat; (aliter enim satis fuisset dicere in Deuteronomio: Obserua diem sabbathi) sed cum in eodem loco addatur, UT SANCTIFICES EVM, hoc uerbo ostenditur, sabbathi diem religiosum esse, diuinis que actionibus, & sanctis rerum officium consecratum. itaque diem sabbathi tum plene & perfecte celebramus,

Gen. 2.
Exod. 20.
Deuter. 5.

Luc. 18.

Deuter. 5.

mus, cum pietatis & religionis officia Deo præstamus; hocque plane sabbathum est, quod Isaias delicatum appellat: quoniam festi dies sunt ueluti delicia Domini, & piorum hominum. Quare si religioso huic sanctoque sabbathi cultui, misericordia adiunguntur opera; certe maxima sunt, & multa præmia, quæ eodem capite nobis proponuntur. Itaque uerus ac proprius huius præcepti sensus eo spectat, ut homo & animo, & corpore in eam curam incumbat, ut statuto aliquo tempore, à negotiis, corporisque laboribus feriat, Deum pie colat, ac ueneretur. Altera uero præcepti parte demonstratur, diem septimum Dei cultui diuinitus dicatum esse. nam ita scriptum est: SEX DIEBUS OPERABERIS, ET FACIES OMNIA OPERA TUA: SEPTIMO AUTEM DIE SABBATHUM DOMINI DEI TUI EST. quæ uerba ad eam sententiam referuntur, ut sabbathum Domino consecratum interpretemur, ei que eo die religionis officia tribuamus, septimumque diem intelligamus signum esse quietis Domini. Hic uero dies diuino cultui dicatus est: quia rudi populo minus expediebat habere eam facultatem temporis arbitrati suo deligendi, ne forte Aegyptiorum sacra imitarentur. Itaque e septem diebus, ultimus ad Deum colendum delectus est: quæ quidem res plena mysterij est. Quare Dominus in Exodo, & apud Ezechielem signum uocat: Videte itaque, ille inquit, ut sabbathum meum custodiat: quia signum est inter me &

Isa. 58.

Isa. 58.

Exod. 31.

Ezech. 20.

Exod. 31.

uos in generationibus uestris, ut sciatis quia ego Dominus, qui sanctifico uos. itaque signum fuit, quod indicabat homines Deo se dedicare oportere, sanctosque eidem præbere, cum diem etiam uideamus ei dicatum esse: si quidem ille dies sanctus est, quod tum præcipue sanctitatem, & religionem homines colere debeant. Deinde signum est, & quasi monumentum conditæ huius admirandæ uniuersitatis. Signum præterea fuit Israelitarum memoriæ traditum, quo admoniti, se Dei auxilio à durissimo Aegyptiacæ seruitutis iugo solutos ac liberatos esse meminissent: id quod Dominus ostendit illis uerbis: Memento, quod & ipse seruieris in Aegypto, & eduxerit te inde dominus Deus tuus in manu forti, & brachio extento: ideo præcepit tibi, ut obseruares diem sabbathi. Est signum item tum spiritualis, tum caelesti sabbathi. Spirituale autem sabbathum in sancta quadam et mystica quiete consistit, nimirum, cum uetus homo, Christo consepultus, ad uitam renouatur, atque in ijs actionibus, quæ Christianæ pietati conueniunt, studiose se exercet. debent enim, qui aliquando erant tenebræ, nunc autem lux in Domino sunt, ut filij lucis ambulare in omni bonitate, iustitia, & ueritate, neque communicare operibus infructuosis tenebrarum. Cæleste uero sabbathum est, ut ait D. Cyrillus, eum locum Apostoli tractans; Relinquitur ergo sabbathismus populo Dei; illa uita, in qua omnibus bonis cum Christo uiuente fruemur, peccato

Deuter. 5.

ad Eph. 5.

S. Cyrillus.

cato radicitus extirpato, secundum illud: Non
 erit ibi leo, nec praua bestia illuc ascendet, sed erit
 ibi uia pura, & uia sancta uocabitur: omnia enim
 bona in uisione Dei mens sanctorum adipiscitur.
 Quare fideles hortandi erunt his uerbis, & à Pa-
 store incitandi: Festinemus ingredi in illam re-
 quiem. Præter diem septimum habebat populus
 Iudæus alios etiam festos, & sacros dies diuina-
 lege constitutos, quibus maximorum beneficiorum
 memoria renouaretur. Placuit autem Ecclesiæ
 Dei, ut diei sabbathi cultus, & celebritas in Do-
 minicum transferretur diem. nam ut eo die pri-
 mum lux orbi terrarum illuxit: sic Redemptoris
 nostri, qui ad uitam æternam nobis aditum patefe-
 cit, resurrectione, quæ eo die fuit, e tenebris ad
 lucem uita nostra reuocata est; unde & Dominicū
 diem apostoli dici uoluerunt. Sollemnem præte-
 rea hunc diem esse in sacris litteris animaduerti-
 mus, quòd eo die mundi creatio initium habuit,
 quòd spiritus sanctus apostolis datus sit. Alios au-
 tem dies festos ab Ecclesiæ initio, & consequenti-
 bus deinde temporibus apostoli, & sancti Patres
 nostri instituerunt, ut pie & sancte Dei beneficio-
 rum memoriam coleremus. Inter eos autem cele-
 berrimi habentur illi dies, qui ob redemptionis no-
 stræ mysteria religioni consecrati sunt. deinde qui
 sanctissimæ Virgini matri, tum uero apostolis, ac
 martyribus ceterisque sanctis cum Christo regnan-
 tibus dicantur: in quorum uictoria Dei bonitas &
 poten-

Isa. 35.

ad Heb. 4.

S

1. Thessa-
lon. 4.

potentia laudatur, ipsis debiti honores tribuuntur, atque ad eorum imitationem fidelis populus incitatur. Et quoniam ad hoc præceptum seruandum magnam vim ea ipsius pars habet, quæ illis uerbis expressa est; Sex diebus operaberis; septimus autem dies sabbathum Dei est: Parochus debet illam partem diligenter explicare. etenim ex his uerbis colligi potest, fideles hortandos esse, ne otiosi & desides uitam traducant, sed potius apostolicæ uocis memores, negotium suum quisque agat, & operetur manibus suis, sicut ab eo præceptum fuerat. Præterea hoc præcepto illud Dominus iubet, ut sex ipsis diebus opera nostra efficiamus; ne aliquid eorum quæ alijs hebdomadæ diebus fieri, agere oporteat, in diem festum reijciatur; atque ita animus à rerum diuinarum cura, studioque auocetur. Tertia deinde præcepti pars explicanda est, quæ quodam modo describit, qua ratione sabbathi diem colere debeamus; præcipue autem explicat, quid illo die facere prohibemur. quare inquit Dominus; Non facies omne opus in eo, tu, & filius tuus, & filia tua, seruus tuus, & ancilla tua, iumentum tuum, & aduena, qui est intra portas tuas. Quibus uerbis ad id primum instituihur, ut, quæcumque diuinum cultum impedire possunt, omnino uitemus. facile enim perspicitur, omne seruilis operis genus prohiberi, non quidem ea re, quod sua natura aut turpe, aut malum sit; sed quoniam mentem nostram à diuino cultu, qui finis præcepti est,

est, abstrahit, quo magis peccata à fidelibus uitanda sunt, quæ non solum animum à diuinarum rerum studio auocant, sed nos à Dei amore prorsus sciungunt. Non tamen hæc actiones, neque hæc opera uentantur, quæ ad diuinum cultum attinent, etiam si seruilis sint, ut altare instruere, templa, alicuius festi diei causa, ornare, & reliqua huius generis: ideoque à Domino dictum est: Sacerdotes in templo Matth. 23: sabbathum uiolare, & sine crimine esse. Sed neque earum rerum opera, hac lege prohiberi existimandum est, quorum iactura facienda sit, si die festo prætermittantur, quemadmodum sacris etiam Canonibus permissum est. Multa alia Dominus in euangelio festis diebus fieri posse declarauit, quæ facile Parochus apud sanctum Matthæum & Ioannē obseruabit. sed ut nulla res prætermitteretur, cuius actione hic sabbathi cultus impediretur, facta est iumentis mentio; quo animalium genere impediuntur homines, quo minus sabbathum diem colant: si enim die sabbathi alicui operis actioni iumentis usus destinatur, necessaria est etiam ad id hominis opera, qui iumentum agat: itaque solum per se opus facere non potest, sed hominem, qui illud molitur, adiuvat. eo autem die nemini opus facere licet; ergo neque iumentis, quorum opera ad id homines utuntur. Itaque huius præcepti lex eo etiam spectat, ut, si iumentorum laboribus homines parcere Deus uult, eo certe magis ipsi cauere debeant ne inhumani sint in eos, quorum opera, atque indu-

stria utuntur. Neque uero Parochus illud prætermittere debet, ut diligenter doceat, quibus in operibus, atque actionibus Christiani homines diebus festis exercere se debeant. Illa uero eiusmodi sunt, ut ad Dei templum accedamus, eoque loco sincera, piaque animi attentione sacrosanctæ Missæ sacrificio intersimus: diuina Ecclesiæ sacramenta, quæ ad salutem nostram instituta sunt, ad animæ uulnerum curationem crebro adhibeamus. nihil uero est, quod opportunius aut melius à Christianis hominibus fieri possit, quàm si peccata sua sacerdotibus sæpe confiteantur. ad quam rem perficiendam poterit Parochus populum adhortari, sumpta huius probandæ reiratione: & copia ex ijs, quæ de pœnitentiæ sacramento suo loco tradita, ac præcepta sunt. Neque solum ad hoc sacramentum populum excitabit, sed sedulo etiam atque etiam ad illud adhortabitur, ut sacrosanctum Eucharistiæ sacramentum crebro percipiant. Attente præterea, diligenterque sacra concio fidelibus audienda est; nihil enim minus ferendum est, neque tam profecto indignum, quàm Christi uerba contemnere, aut negligenter audire. Exercitatio item, atque studium fidelium in precibus, diuinisque laudibus frequens esse debet præcipuaque eiusdem cura, quæ ad Christianæ uitæ institutionem pertinent, ea diligenter addiscat; seduloque se exerceat in ijs officijs, quæ pietatem continent, pauperibus, & egenis eleemosynam tribuendo, ægros homines uisitando, mercen-

tes, quique dolore afflictii iacent, pie consolando. nam ut est apud sanctum Iacobum: Religio munda & immaculata apud Deum & Patrem, hæc est; uisitare pupillos, & uiduos in tribulatione eorum. Ex his, quæ dicta sunt, facile erit colligere, quæ contra huius præcepti regulam committuntur. Parochi uero officium in eo item esse debet, ut certos quosdam locos in promptu habeat, uade rationes, atque argumenta sumat, quibus populo illud maxime persuaideatur, ut huius præcepti legem summo studio, accurata, & diligentia seruet. ad hoc plurimum ualet, ut populus scilicet intelligat, ac plane perspiciat, quam iustum, & rationi consentaneum sit, non certis quosdam dies habere, quos totos diuino cultui tribuamus, Dominumque nostrum, à quo summa & innumerabilia beneficia accepimus, agnoscamus, colamus, & ueneremur: si enim iussisset nos quotidie sibi religionis cultum tribuere, nonne pro eius erga nos beneficijs, quæ maxima & infinita sunt, omnis opera danda esset, ut prompto, alacrique animo, eius dicto audientes essemus? nunc uero, paucis ad eius cultum institutis diebus, non est cur nos negligentes, atque difficiles in eius officij functione simus, quod sine grauissima culpa prætermittere non possumus. Demonstret deinde Parochus, quanta huius præcepti uirtus sit, cum illi, qui illud recte seruauerint, in conspectu Dei esse, cum eoque colloqui uideantur. nam & precibus

faciendis Dei maiestatem contemplamur, & cum eo colloquimur: & concionatoribus audiendis, Dei uocem accipimus; quæ ad aures nostras eorum opera peruenit, qui de rebus diuinis pie, sancteque concionantur. tum in altaris sacrificio præsentem Christum dominum adoramus. & his quidem bonis illi maxime fruuntur, qui hoc præceptum seruant diligenter: qui uero hanc legem omnino negligunt, is, cum Deo, & Ecclesiæ non obediunt, neque eius præceptum audiunt, & Dei, & sanctarum legum hostes sunt: quod animaduerti potest ex eo, quod præceptum hoc eiusmodi est, ut nullo labore seruari queat. Cum enim Deus non labores nobis imponat, quos uel difficillimos eius causa suscipere deberemus, sed quietos illis diebus festis à terrenis curis liberos esse iubeat; magnæ temeritatis indicium est, huius præcepti legem recusare. Exemplo nobis esse debent supplicia, quæ de illis Deus sumpsit, qui illud uiolarunt, ut ex libro Numerorum licet intelligere. Ne igitur in hanc Dei offensionem incidamus, operæ pretium erit, sæpe illud uerbum, MEMENTO, cogitatione quæque repetere, magnasq; illas utilitates, & commoda sibi ante oculos proponere, quæ ex festorum dierum cultu percipi supra declaratum est; & multa alia ad id genus pertinentia, quæ bonus et diligens Pastor, ut occasionis ratio postulabit, copiose, lateque persequi poterit.

Num. 15.

H O N O -

HONORA PATREM TVVM, ET MATREM TVAM, VT SIS LONGAEVVS SVPER TERRAM, QVAM DOMINVS DEVS TVVS DABIT TIBI.

Cum in superioribus praeceptis summa sit uis, & dignitas; merito, quae nunc persequimur, quia maxime necessaria sunt, proximum locum obtinent. nam illa finem, qui Deus est, continuo spectant: haec nos ad proximi charitatem erudiunt: etsi longius progressa, ad Deum, id est illud extremum, cuius gratia proximum ipsum diligimus, perducunt.

Quamobrem Christus dominus praecepta illa duo de diligendo Deo & proximo similia inter se esse dixit. Hic autem locus, dici uix potest, quantas habeat utilitates; cum & suos fructus ferat, uberes illos quidem, ac praestantes; & sit tamquam signum, ex quo primi praecepti obedientia & cultus elucet. Qui non diligit, inquit D. Ioannes, fratrem suum, quem uidet, Deum, quem non uidet quo modo potest diligere? Ad eundem modum; si parentes, quos secundum Deum diligere debemus, non ueneramur, & colimus; cum in conspectu nobis fere semper sint: Deo, summo parenti, & optimo, qui nullum sub aspectum cadit, quem honorem, quem cultum tribuimus? ex quo perspicuum est, utraque praecepta inter se congruere.

Huius autem praecepti usus latissime patet. nam praeter eos, qui nos genuerunt, multi praeterea sunt, quos in parentum loco colere debemus, uel pote-

Matth. 23.

Mar. 12.

1. Ioan. 4.

statis, uel dignitatis, uel utilitatis, uel præstantis
alicuius muneris, & officiij nomine. Parentum
præterea, maioremque omnium laborem leuat.
cum enim id in primis curent, ut quos habent in
sua potestate, recte, & diuinæ legis conuenien-
ter uiuant, crit hæc cura persfacilis, si omnes intel-
ligant, Deo auctore, & monitore, summum ho-
norem parentibus tribui oportere. quod ut præsta-
re possimus, necesse est nosse quandam differen-
tiam, quæ est inter præcepta primæ & secundæ ta-
bulæ. Ergo hæc primum à Parocho sunt explican-
da: idque in primis moneat, diuinæ Decalogi præ-
cepta fuisse in duabus tabulis incisa: in quarum alte-
ra, quemadmodum à sanctis Patribus accepimus, tria
illa continebatur, quæ iam sunt exposita; reliqua ue-
ro in alteram tabulam erant inclusa. Atque hæc
nobis per appositam fuit descriptio, ut præceptorum
rationem ordo ipse distingueret. nam quidquid in
sacris litteris diuina lege iubetur, aut uetatur, id
duorum generum oritur ex altero. aut enim erga
Deum, aut erga homines charitas in omni officio spe-
ctatur. Et quidem charitatem in Deum superiora
tria præcepta docent: quod uero ad hominum con-
iunctionem, & societatem pertinet, id reliquis septem
præceptis continetur. Quocirca non sine causa
eiusmodi est facta distinctio, ut alia ad priorem,
alia ad alteram tabulam præcepta referantur. nam
superioribus tribus præceptis, de quibus dictum est,
quasi subiecta materies, quam tractent, est Deus,
idej

ideſt ſummum bonum, cæteris uero proximi bonum : illis ſummus, his proximus amor eſt propoſitus : illa finem, hæc autem ea, quæ ad finem referuntur, ſpectant. Præterea charitas Dei ex ipſo pendet. Deus enim per ſe, non alterius rei cauſa, ſumme diligendus eſt : charitas autem proximi à charitate Dei ortum habet, atque ad eam tamquam ad certam regulam dirigenda eſt. nam ſi parentes caros habemus, ſi dominis paremus, ſi dignitate antecedentes reueremur ; id ea re maxime faciendum eſt, quòd eorum procreator eſt Deus, eoſque alijs præeſſe uoluit, quorum opera ceteros homines regit, ac tuetur : qui cum nobis auctor ſit, ut eiſmodi perſonas uereamur, liccirco id præſtare debemus, quia à Deo hoc ipſo honore dignantur : ex quo ſit, ut honor, quem parentibus habemus, Deo potius, quàm hominibus, haberi uideatur. ſic enim apud ſanctum Matthæum eſt, cum de obſeruantia in ſuperiores agitur : Qui recipit uos, me recipit. S Math. 10.
 & Apoſtolus in epiſtola ad Ephēſios, ſeruos inſtituens, Serui, inquit, obedite dominis carnalibus cum timore, & tremore, in ſimolicitate cordis ueſtri, ſicut Chriſto, non ad oculum ſeruientes, quaſi hominibus placentes, ſed ut ſerui Chriſti. Accedit, quòd Deo nullus honor, nulla pietas, nullus cultus ſatis digne tribuitur, in quem amor augeri infinite poteſt: proptereaquæ. noſtra erga illū charitas in dies fiat ardentior, neceſſe eſt. quem eius inſſu ex toto corde, ex tota anima, ex omnibus uiribus amare ad Eph. 6.
Deuter. 6.
Luc. 10.
Matt. 22.

debemus. At charitas, qua proximum complectimur, suis finibus circumscribitur; iubet enim Dominus proximos diligere, sicut nos ipsos: quod si quis hos fines egressus fuerit, ita ut parem Deo & proximis amorem tribuat, is maximum scelus admittit. Si quis uenit ad me, inquit Dominus, & non odit patrem suum, & matrem, & uxorem, & filios, & fratres, & sorores, adhuc autem animam suam, non potest meus esse discipulus. inquam sententiam item dictum est; Sine ut mortui sepeli-
 ant mortuos suos: cum quidam primum humare patrem uellet, postea Christum sequi. cuius rei dilucidior illa apud sanctum Matthaeum explicatio est: Qui amat patrem, aut matrem plusquam me, non est me dignus. Nec tamen ulla dubitatio est, quin parentes uehementes amandi, obseruandique sint: sed ad pietatem in primis necessarium est, Deo, qui parens, & effector est omnium, praeipuum honorem, & cultum tribui; ideoque mortales parentes amari, ut ad caelestem sempiternumque patrem tota amoris uis referatur. quod si interdum parentum iussa Dei praeceptis repugnent; non dubium est, quin liberi parentum cupiditati Dei uoluntatem anteferre debeant, diuinae illius sententiae memores; Obedire oportet Deo magis, quam hominibus.

Luc. 14.

Luc. 9.

Matth. 10.

Matth. 5.

Honorare,
 quam uim
 habeat a-
 pud scriptu-
 ras.

Quibus rebus expositis, Parochus uerba praecepti interpretabitur, atque illud primum, Honorare, quid sit: est enim, de aliquo honorifice sentire,

tire, & quæ illius sunt, maximi putare omnia. Huic autem honori hæc omnia coniuncta sunt, amor, obseruantia, obedientia, & cultus. Scite autem in lege posita est honoris uox, non amoris, aut metus; etiam si ualde amandi, ac metuendi parentes sint. etenim qui amat, non semper obseruat, & ueneratur: qui metuit, non semper diligit: quem uero aliquis ex animo honorat, item amat, & ueretur. Hæc cum Parochus explicarit, tum aget de patribus, quique sint ij, qui uocentur hoc nomine. nam etsi de ijs præcipue patribus lex loquitur, ex quibus generati sumus: tamen ad alios quoque pertinet hoc nomen: quos etiam completi lex uidetur, quemadmodum ex pluribus diuinæ scripturæ locis facile colligimus. Præter illos igitur, qui nos procrearunt, patrum genera item alia sunt in sacris litteris; quod antea attigimus; quibus singulis suus honor debetur. Ac primum Ecclesiæ præsides, & Pastores, & sacerdotes, patres dicuntur, quemadmodum ex Apostolo constat, qui ad Corinthios scribens, Non, inquit, ut confundam uos, hæc scribo, sed ut filios meos carissimos moneo. nam si decem millia paedagogorum habeatis in Christo, sed non multos patres; nam in Christo Iesu per euangelium ego uos genui. Et in Ecclesiastico scriptum est: Laudemus uiros gloriosos, & parentes nostros in generatione sua. Deinde ij, quibus aut imperium, aut magistratus, aut potestas commissa est, qui rempublicam gubernant, patres

appel-

I

Patrum genera.

1. Cor. 4.

Eccl. 44.

quos maxime diligunt. Ioseph cum in Aegypto honore, & amplitudine regi esset proximus, patrem, qui in Aegyptum uenerat, honorifice excepit: & Salomon matri aduenienti assurrexit; eamque ueneratus, regio in solio ad dexteram collocauit. Gen. 46. 47.

Alia præterea sunt honoris officia, quæ in parentes conferri debent. nam eos tum etiam honoramus, cum à Deo suppliciter petimus, ut eisdem bene & feliciter omnia eueniant, ut in maxima gratia & honore sint apud homines, ut ipsi Deo ac sanctis, qui in calis sunt, commendatissimi sint. Item parentes honoramus, cum nostras rationes ad eorum arbitrium, uoluntatemque conferimus. cuius rei suator Salomon, Audi, inquit, fili mi disciplinam patris tui, & ne dimittas legem matris tue, ut addatur gratia capiti tuo, & torques collo tuo. 3. Reg. 1.

Cuiusmodi sunt etiam D. Pauli cohortationes: Filij obedite parentibus uestris in Domino: hoc enim iustum est. Item: Filij obedite parentibus per omnia: hoc enim placitum est in Domino. Et sanctissimorum hominum exemplis confirmatur. etenim Isaac, cum à patre ad sacrificium uinciretur, modeste ac sine recusatione paruit: & Rechabite, ne à patris consilio umquam discreparèt, uino se in perpetuū abstinerunt. Prou. 1.

Item, parentes honoramus, cum eorū recte facta, moresq; imitamur. ijs enim plurimum tribuere uidemur, quorū esse uolumus quāsimillimi. Item parentes honoramus, quorū consilia non modo exquirimus, uerum etiam sequimur. Ad Eph. 9.

Item, quibus subuenimus Ad Col. 3.
Gen. 22.
Hier. 35.

Matth. 15.

uenimus ea impertientes, quæ uictus, cultusque desiderat: quod Christi testimonio comprobatur; qui Phariseorum impietatem redarguens, Quare & uos, ait, transgredimini mandatum Dei propter traditionem uestram? nam Deus dixit: Honora patrem, & matrem. & Qui maledixerit patri, uel matri, morte moriatur. uos autem dicitis; Quicumque dixerit patri, uel matri, munus quodcumque est ex me, tibi proderit, & non honorificabit patrem suum, aut matrem suam: & irritum fecistis mandatum Dei propter traditionem uestram. Et honoris quidem officia parentibus tribuere semper debemus, sed tum maxime, cum periculose ægrotant: danda enim opera est, ne quid prætermittant, quod uel ad peccatorum confessionem attinget, uel ad reliqua sacramenta, quæ à Christianis hominibus percipi debent, cum mors appropinquat: idque nobis curæ sit, ut pii, religiosique homines eos crebro interuisant, qui uel imbecillos confirmet, & consilio iuuent, uel optime animatos ad spem erigant immortalitatis; ut, cum mentem à rebus humanis excitarint, totam conijciant in Deum: sic fiet, ut fidei, spei, & charitatis beatissimo comitatu ac religionis præsidio muniti, mortem non modo non pertimescendam, cum necessaria sit, sed, cum aditum ad æternitatem expediat, etiam appetendam censeant. Postremo uel mortuis parentibus honor tribuitur, si ijs funus facimus; si exequias cohonestamus; si honorem sepultura impertimus; si iusta & sacri-

sacrificia anniuersaria curamus; si, quæ ab ijs legata sunt, diligenter persoluimus. Honorandi autem sunt non modo ij, ex quibus nati sumus, uerum etiã alij, qui patres appellantur, ut Episcopi, & sacerdotes, ut reges, ut principes, ut magistratus, ut tutores, ut curatores, ut magistri, ut pædagogi, ut senes, & cæteri eiusmodi: digni enim sunt, qui ex charitate, & obedientia, ex ope nostra fructus percipiant, sed alius alio magis. De Episcopis, & alijs Pastoribus ita scriptum est: Qui bene præsunt 1. Tim. 5.
 presbyteri, duplici honore digni habeantur, maxime qui laborant in uerbo, & doctrina. Iam uero; 1. Tim. 5.
 quanti erga Apostolum amoris documenta Galatæ dederunt? quibus is præclarum illud beneuolentiæ testimonium tribuit: Testimonium enim perhibeo ad Gal. 4.
 uobis; quia, si fieri posset, oculos uestros eruissetis, & dedissetis mihi. Quin etiam sacerdotibus ea suppeditanda sunt, quæ ad uitæ usus necessarios requiruntur. quare Apostolus, Quis, inquit, 1. Cor. 9.
 militat suis stipendijs umquam? Et in Ecclesiastico scriptum est: Honorifica sacerdotes, & propur- Eccle. 7.
 gate cum brachijs; da illis partem, sicut mandatum est tibi, primitiarum, & purgationis. Illis etiam obtemperandum esse, docet Apostolus: Obedite, inquit, præpositis uestris, & subiace- Heb. 13.
 te ipsi enim peruigilant, quasi rationem pro anima- bus uestris reddituri. Quin potius à Christo domino præceptum est, ut uel improbis Pastoribus obtemperemus, cum dicat; Super cathedram Moysi Matth. 23.
 sederunt

sederunt Scribæ, & Pharisei: omnia ergo, quacumque dixerint uobis, seruare, & facite; secundum opera uero eorum nolite facere: dicunt enim, & non faciunt. Idem de regibus, de principibus, de magistratibus, & reliquis, quorum potestati subiicimur, dicendum est. ijs uero quod honoris, cultus, obseruantia genus tribuendum sit, Apostolus ad Romanos late explicat; pro quibus etiam orandum esse monet. & diuus Petrus, Subiecti, inquit, esto te omni humanae creaturae propter Deum, siue regi, quasi præcellenti, siue ducibus, tamquam ab eo missis. nam si quem eis cultum tribuimus, is ad Deum refertur: habet enim uenerationem hominum excellens dignitatis gradus, quia diuinæ potestatis est instar: in qua etiam Dei prouidentiam ueneramur, qui publici muneris procuracionem ijs attribuit, quibusque utitur tamquam potestatis suæ ministris: nec enim hominum improbitatem, aut nequitiam, si tales sunt magistratus, sed diuinam auctoritatem, quæ in illis est, reueremur: ut, quod permirum fortasse uideatur, quamuis in nos sint inimico, in sensoque animo, quamuis implicabiles; tamen non satis digna causa sit, cur eos non perofficiose obseruemus. nam & Dauidis magna in Saulem officia extiterunt, cum ei tamen esset offensior: quod innuit illis uerbis: Cum ijs, qui oderunt pacem, eram pacificus. At uero, si quid improbe, si quid inique imperent, cum id non ex potestate, sed ex iniustitia, atque animi peruersitate agant,

omnino

Rom. 13.

1. Tim. 2.

1. Pet. 4.

Psalm. 119.

omnino non sunt audiendi. Vbi hæc Parochus sigillatim exposuerit, deinceps consideret, quodnam premium, quamque consentaneum ijs propositum sit, qui diuino huic præcepto obediunt. nam in eo fructus est maximus, ut diu uiuant; propterea quòd digni sunt, qui beneficio quamdiutissime perfruantur, cuius memoriam perpetuo conseruant. Cum igitur, qui parentes colunt, ijs gratiam referant, à quibus lucis & uitæ usuram habent, iure & merito uitam ad summam senectutem perducunt. Tum adiungenda est diuinæ promissionis illustris explanatio: neque enim solum sempiternæ, ac beatæ, sed huius etiam, quam in terris agimus, uitæ usus promittitur. cuius sententiæ interpreter est D. Paulus, cum inquit: Pietas ad omnia utilis est, Promissionem habens uitæ, quæ nunc est, & futuræ. Nec uero hæc merces aut exigua est, aut contemnenda, etiam si sanctissimis uiris, ut Iob, ut Dauidi, ut Paulo, mors fuerit optabilis, & ærumnosis ac miseris hominibus uitæ propagatio sit iniucunda. nam illorum uerborum adiunctio, QVAM DOMINVS DEVS TVVS DABIT TIBI, non modo temporis diuturnitatē ad uiuendum, sed otium, quietem, incolumitatem ad bene uiuēdum, pollicetur. nam in Deuteronomio non solum inquit; Ut longo uiuas tempore; sed illud etiam addit; Vt bene sit tibi; quod deinde ab Apostolo repetitum est. Hæc autē bona eis suppeterē dicimus, quorū pietati Deus gratiā referat: aliter. n. diuini

1. Tim. 4.

Deut. 5.
ad Eph. 6.

diuini promissi fides & constantia non erit; cum interdum, qui maiorem pietatem parentibus præstiterunt, ijs uita breuior sit: quibus id quidem contingit, uel quod ijs optime consulitur, qui prius uita excedunt, quàm à uirtutis, & officij religione discedant: rapiuntur enim, ne malitia mutet intellectum eorum, aut ne fictio decipiat animam illorum: uel quia, dum pernicies & rerum omnium perturbatio impendet, e corporibus euocantur, ut communium temporum acerbiteriam euadât: A facie enim malitiæ, inquit Propheta, collectus est iustus: quod fit, ne eorum aut uirtus, aut salus periclitetur, cum à mortalibus flagitiorum panas repetit Deus: uel ne tristissimis temporibus ex propinquorum amicorumque calamitatibus acerbissimos luctus sentiant. Quare metuendum est maiorem in modum, cum uiris bonis immatura mors accidit: ac, quemadmodum ijs, qui grati in parentes sunt, officij merces & fructus est à Deo propositus; sic ingrati & impij filij grauissimis pœnis reseruantur: scriptum est enim; Qui maledixerit patri suo uel matri, morte moriatur. Et: Qui affligit patrem, & fugit matrem, ignominiosus est, & infelix. Et: Qui maledicit patri suo, uel matri, extinguetur lucerna eius in medijs tenebris. Et: Oculum, qui subsanat patrem, & qui despicit partum matris suæ, effodiant eum corui de torrentibus, & comedant eum filij aquilæ. Qui parentibus iniuri-
am intulerunt, multos fuisse legimus: in quibus
ulci-

81p. 4.

Ita 57.

Exod. 21.

Leuit. 20.

Prouc. 19.

Pro. 29.

Pro. 30.

ulciscendis, Dei iracundia exarsit: non enim Da- 2.Reg.18.
uidem inultum reliquit, sed sceleri debitas pœnas
dedit Absalon, quem, ob eius scelus, tribus hastis
transfixum puniuit. De ijs uero, qui sacerdotibus Deut.17.
non obtemperant, scriptum est; Qui superbierit,
nolens obedire sacerdotis imperio, qui eo tempore
ministrat domino Deo tuo, ex decreto iudicis morie-
tur homo ille. Et quemadmodum diuina lege sanc-
tum est, ut parentibus filij honorem habeant, ut pa-
reant, ut obsequantur: sic parentum propria officia
sunt, atque munera, ut sanctissimis disciplinis, ac
moribus filios imbuant, ijsque optima dent uiuen-
di præcepta, ut ad religionem instructi, & parati Dan.13.
Deum sancte, inuolateque uenerentur. quod à pa-
rentibus Susannæ factum esse legimus. Itaque Sa-
cerdos parentes commoneat, ut se liberis magistros
præbeant uirtutis, æquitatis, continentiae, mode-
stiae, & sanctitatis: tria que præsertim declinent,
in quibus sæpe offendere consueuerunt: primum, Ad Col.3.
ne quid acerbius in liberos aut loquantur, aut sta-
tuant: quod Apostolus in epistola ad Coloßenses ita
præcipit, Patres nolite ad indignationem prouo-
care filios uestros, ut non pusillo animo fiant. nam
periculum est, ne fracto, abiectoque animo sint, dum
omnia timent. Quare illud præcipiat, ut nimiam
seueritatem effugiant, malintque liberos corrige-
re, quàm ulcisci: deinde, si qua culpa commissæ est,
cum necessaria sit castigatio, & obiurgatio; ne quid
liberis per indulgentiam dissolute remittant: sæpe

1. Reg. 4.

enim filij parentum nimia lenitate, & facilitate deprauantur : quamobrem à dissoluta indulgentia deterreant exemplo Heli, summi sacerdotis; qui, quod in liberos indulgentior fuerat, maximo supplicio est affectus : postremo, ne, quod sædissimum est, in filiorum educatione ac doctrina, præpostera consilia in-eant. etenim permulti in hac una cogitatione curaq; uersantur, ut opes, ut pecunias, ut lautum, & amplum patrimonium liberis relinquât: quos non ad religionem, non ad pietatem, non ad bonarum artium disciplinam, sed ad auaritiam, & ad rem familiarẽ augendam cohortantur; nec de filiorum existimatione, & salute sunt solliciti, dummodo pecuniosi sint, & prædiuites : quo quid dici, aut cogitari turpius potest? ita fit, ut ad illos non tam rerum copias, quàm sua scelera, & flagitia transferant; quibus tandem non ad cælum se duces præbent, sed ad inferorum supplicia sempiterna. Sacerdos igitur optimis præceptis parentes instituat, eosq; ad Tobie exemplum ac similem uirtutem excitet; ut, cum filios ad Dei cultum, & sanctimoniam probe erudierint, ab ijs etiam amoris, & obseruantie, & obsequij uberri-mos fructus capiant.

Tob. 4.

NON OCCIDES.

Matth. 5.

Magna illa, quæ pacificis hominibus proposita est, felicitas, quoniam filij Dei uocabuntur, Pastores maxime commouere debet, ut præcepti hu-
ius

ius disciplinam fidelibus diligenter, accurateque tradant. nam ad conciliandas hominum uoluntates nulla melior ratio iniri potest, quam si eiusmodi precepti lex recte explicata, ab omnibus ita, ut oportet, sancte seruetur: quoniam tum sperare licet fore, ut summa animi consensione coniuncti homines concordiam & pacem maxime colant. Sed quam necesse sit preceptum hoc explicari, ex eo perspicitur, quod, immensa illa uniuersæ terræ inundatione facta, hoc unum in primis est, quod Deus hominibus interdixit. Sanguinem, inquit, requiram

Gen. 9. 1. 2

animarum uestrarum de manu cunctarum bestiarum, & de manu hominis. In euangelio etiam, quæ primū ueteres leges à Domino explicate sunt, in iis hæc prima est, de qua apud S. Matthæum ita scriptum est: dictum est enim, Non occides: & reliqua, quæ hac de re eo ipso loco deinceps commemorantur. Fideles præterea attente, libenterque preceptum hoc audire debent. si enim eius uis spectatur, ad uitam cuiusque tuendam ualet, quoniam ijs uerbis, Non occides, homicidium omnino interdictum est. itaque singuli homines tanta cum uoluptate animi illud accipere debent, proinde ac si, ira Dei proposita, grauissimisque alijs pænis, nominatim prohibitum sit, ne quis eorum ledatur. ergo ut preceptum hoc auditu iucundum est: ita eius peccati cautio, quod precepto prohibetur, iucunditatem habere debet. Cum autem huius legis uim Dominus explicaret, in eo duo contineri

9
Matth. 5.

ostendit: alterum, ne occidamus, quod à nobis fieri uetitum est: alterum, quod facere iubemur, ut concordia amicitia: charitateque inimicos complectamur, pacem habeamus cum omnibus, cuncta denique incommoda patienter feramus. In eo autem, quo cædes prohibetur, illud primum docendum est, quæ cædes sint eiusmodi, quæ hac præcepti lege non uetentur. nam, bestias occidi, prohibitum non est, quoniam si, illis uesci, a Deo hominibus est concessum; fas item est, illas occidi. qua de re ita sanctus

S. Argu.

Augustinus: Cum audimus, inquit, Non occides; non accipimus hoc dictum esse de frutetis; quia nullus est eis sensus; nec de irrationabilibus animalibus: quia nulla nobis ratione sociantur. Alterum permissum cædis genus est, quod ad eos magistratus pertinet, quibus data est necis potestas, qua, ex legum præscripto, iudicioque, in facinorosos homines animaduertunt, & innocentes defendunt. quo in munere dum iuste uersantur, non modo ij cædis non sunt rei, sed huic diuinæ legi, qua cædes uetatur, maxime obediunt. cum enim legi huic finis is propositus sit, ut hominum uita, salutique consulatur; magistratum item, qui legitimi sunt scelerum uindictes, animaduersiones eodem spectant, ut, audacia, & iniuria supplicijs repressa, tuta sit hominum uita. Quare Dauid, In matutino, inquit, interficiebam omnes peccatores terræ, ut disperderem de ciuitate Domini omnes operantes iniquitatem. Qua ratione ne illi quidem peccant, qui iusto bello

Psal. 100.

bello, non cupiditate, aut crudelitate impulsus, sed solo publicæ utilitatis studio, uitam hostibus adi-
munt. Sunt præterea eiusmodi cædes, quæ nomina-
tim iussu Dei fiunt. Cui filij non peccauerunt, qui
una die tot millia hominum occiderunt. qua cæde
facta, sic ad eos locutus est Moyses: Consecrasti
manus uestras hodie Domino. Neque uero huius
præceptireus est, qui non sponte, neque meditato,
sed fortuito hominem occidit: qua de re in Deutero
nomij libro ita est: Qui percusserit proximum suum
nesciens, & qui heri & nudius tertius nullum con-
tra eum odium habuisse comprobatur, sed abuisse
cum eo simpliciter in siluam ad ligna cadenda, &
in succisione lignorum securis fugerit manum, fer-
rumque lapsum de manubrio amicum eius percusse-
rit, & occiderit. Hæ cædes eiusmodi sunt, quæ quia
non uoluntate, neque de industria inferuntur, pro-
pterea non omnino in peccatis numerantur, quod
S. Augustini sententia comprobatur. Absit enim,
inquit, ut ea, quæ aut propter bonum, aut licitum
facimus, siquidem præter nostram uoluntatem quid
quam mali acciderit, nobis adscribantur. In quo ta-
men duabus de causis peccari potest, altera, si quis
in re iniusta occupatus, hominem occiderit: exem-
pli causa: si quis grauidam mulierem pugno, uel
calce percuteret, ex quo abortus sequeretur, fuisset
quidem illud præter percussoris uoluntatem, non
tamen præter culpam, cum illi non liceret ullo mo-
do grauidam mulierem percutere. Altera, si non

Exodi 32.

Deuter. 19.

S. August.

omnibus circumſpectis, negligenter, & incaute aliquem occiderit. qua etiam ratione, ſi quis ſalutis ſuæ defendendæ cauſa, omni adhibita cautione, alterum interemerit hac legē non teneri ſatis apparet. Atque hæc quidem, quas modo commemorauimus, cædes ſunt, quæ hoc legis præcepto non continentur, quibus exceptis, reliquæ omnes prohibentur, ſiue homicidam quis ſpectet; ſiue qui occiditur, ſiue modos, quibus cædes fit: nam quod ad eos pertinet, qui cædem faciunt, nemo plane excipitur; non diuites, non potentes homines, non domini, non parentes: ſed, delectu omni, & diſcrimine remoto, occidere ueritum eſt omnibus. Si uero ij ſpectantur, qui interficiuntur; ad omnes hæc lex pertinet; nec quiſquam eſt tam humilis & abiectæ conditionis homo, quin legis huius ui defendatur. Neque uero ſe ipſum interficere cuiquam fas eſt, dum uitæ ſuæ nemo ita poteſtatem habeat, ut ſuo arbitratu mortem ſibi conſciſcere liceat; ideoque legis huius uerbis non ita præſcriptum eſt, Ne alium occidas, ſed ſimpliciter, Ne occidas. ſin autem multiplicem cædis faciendæ modum attendimus; nemo eſt, qui excipiat. non ſolum enim ſuis cuiquam manibus, aut ferro, aut lapide, aut baculo, aut laqueo, aut ueneno, uitam homini eripere non licet, ſed conſilio, ope, auxilio, uel alia quacumque ratione id fieri prorsus ueritum eſt. in quo ſumma tarditas, ſtuporque Iudæorum fuit, qui crederent, ſe hoc præceptum ſeruare, ſi manus
tantum

tantum à cæde abstinere. sed homini Christiano, qui interprete Christo, didicit hanc legem spiritua- lem esse, nempe quæ non manus solum puras, sed animum etiam castum, sincerumque nos habere iubet, illud non satis omnino est, quod illi satis cum- mulate se præstare arbitrabantur. nam, ne irasci quidem cuiquam licere, in euangelio traditum est, cum dicat Dominus: Ego autem dico vobis: Om- nis, qui irascitur fratri suo, reus erit iudicio: qui autem dixerit fratri suo, Racha, reus erit gehen- næ ignis. Ex quibus verbis perspicuum est, eum culpa non carere, qui fratri succenseat, quamvis iram animo inclusam contineat: qui uero eius iræ significationem aliquam dederit, grauius peccare at multo grauius, qui non uereatur dure fratrem accipere, & ei conuicium facere. & quidem hoc uerum est, si nulla subsit irascendi causa. nam iræ causa, quæ à Deo legibusque conceditur, ea est, cum in eos animaduertimus, qui nostro imperio, potestatiue parent, si in ei sit culpa: Christiani enim hominis ira non à carnis sensibus, sed à spiritu sancto proficisci debet; cum templa san- cti spiritus, in quibus Iesus Christus habitat, nos esse conueniat. Multa præterea sunt à Domino tradita, quæ ad perfectam huius legis rationem pertinent: qualia illa sunt, non resistere malo; sed si quis te percusserit in dextram maxillam tuam, præbe illi & alteram; & ei, qui uult tecum in iudicio contendere, & tunicam tuam tollere,

Matth. 5.

1. Cor. 6.

Matth. 5.

dimitte ei & pallium : & quicumque te angariauerit mille passus , uade cum illo alia duo . Ex his , quæ iam commemorata sunt , animaduerti licet , quàm procliuēs sint homines ad ea peccata , quæ hoc præcepto uetita sunt , quamue multi reperiuntur , qui si minus manu , animo saltem cædis scelus committunt . Et quoniam huic tam periculoso morbo remedia in sacris literis adhibita sunt ; Parochi est officium , ea diligenter fidelibus tradere . præcipuum autem illud est , ut intelligant , quàm nefarium sit peccatum , hominis cædes : idque uel plurimis , maximisque sanctarum litterarum testimonijs perspicui potest . usque enim adeo homicidium detestatur Deus in sanctis litteris , ut à bestijs hominum cædis pœnam se repetiturum dicat , ac belluam , quæ hominem læserit , occidi iubeat . neque aliam ob causam à sanguine hominem abhorrere uoluit , nisi ut omni ratione à nefaria hominis cæde & animum , & manus abstineret . sunt enim homicide humani generis , atque adeo naturæ hostes acerbissimi , qui , quantum in eis est , uniuersum Dei opus euertunt , cum hominem tollant , cuius causa is omnia , quæcumque procreata sunt , se fecisse testatur . immo uero in Genesi , cum prohibitum sit , hominem occidi , quia illum Deus ad imaginem suam , & similitudinem creauit , insignem Deo iniuriam is facit , quasi que uiolentas illi manus afferre uidetur , qui eius imaginem e medio tollit . Hoc diuina animi cogitatione meditatus Dauid , grauissime de sanguinarijs

Gen. 9.

narijs hominibus conquestus est illis uerbis; Veloces pedes eorum ad effundendum sanguinem. neque simpliciter dixit, Occidunt, sed, Effundunt sanguinem: quæ uerba, ad detestabilis illius sceleris amplificationem, immanemque illorum crudelitatem ostendendam protulit. utque declararet in primis, quàm præcípites illi diabolico quodam impulsu ad id facinus ferantur, dixit; Veloces pedes eorum. Iam uero, quæ in hoc præcepto seruanda esse Christus dominus iubet, eo spectant, ut pacem cum omnibus habeamus: ait enim, cum hunc locum interpretaretur: Si offers munus tuum ad altare, & ibi recordatus fueris, quia frater tuus habet aliquid aduersum te, relinque ibi munus tuum ante altare, & uade prius reconciliari fratri tuo, & tunc ueniens offeres munus tuum: & quæ sequuntur. Quæ ita à Parocho explicabuntur, ut doceat, sine ulla exceptione omnes charitate complectendos esse: ad quàm in huius præcepti explicatione fideles, quàm maxime poterit, incitabit: quòd in eo proximi diligendi uirtus maxime elucet. Cum enim odium hoc præcepto aperte uetetur, quoniam qui fratrem suum odit, homicida est; certe illud consequitur, ut amoris & charitatis præceptum detur. cūq; hac lege de charitate & amore præceptum sit, tum omnium etiam illorum officiorum, atque actionum, quæ charitatem ipsam consequi solent, præcepta traduntur, Charitas patiens est, inquit D. Paulus. patientia igitur nobis præcipitur, in qua ros
animas

Matth. 5.

1. Ioan. 3.

1. Cor. 13.

Luci 21.

1. Cor. 13.

Matth. 5.

Rom. 12.

animas nostras possessuros esse Saluator docet. Beneficentia deinde charitatis comes est, & socia: quoniam charitas benigna est. Benignitatis autem, atque beneficentiæ uirtus late patet, eiusque officium in ijs rebus maxime uersatur, ut pauperibus suppeditemus res necessarias, cibum esurientibus, sitientibus potum demus, nudos uestiamus; & quo quisque opis nostræ magis indiget, eo in illum plus liberalitatis conferamus. hæc beneficentiæ, & bonitatis officia, quæ per se sunt illustria, eo fiunt illustriora, si inimicis præstentur: ait enim Saluator: Diligite inimicos uestros: benefacite ijs, qui oderunt uos. quod etiam Apostolus monet illis uerbis: Si esurierit inimicus tuus, ciba illum; si sitit, potum da illi. Hæc enim faciens, carbones ignis congeres super caput eius: noli uinci a malo, sed uince in bono malum. Denique, si charitatis legem spectemus, quæ benigna est, omnia, quæcumque ad mansuetudinem, lenitatem, aliasque id generis uirtutes pertinent, officia colere, ea lege præscribi intelligemus. At uero longe omnium præstantissimum officium, quod charitatis plenissimum est, in quo maxime nos exercere conuenit, illud est, ut iniurias, quas accepimus, æquo animo remittamus, atque condonemus: quod ut plane efficiamus, sæpe nos diuinæ litteræ, ut antea dictum est, monent, atque hortantur; cum nos beatos solum eos dicant, qui ita prorsus faciunt; sed erratorum etiam ueniam iisdem à Deo datam affirmant. qui uero hoc ipsum
face-

facere negligunt, aut omnino recusant, illam non consequuntur. Sed quoniam ulciscendi libido hominum mentibus fere insita est; Parochus maximam in eo diligentiam ponat, necesse est, ut iniuriarum obliuisci, easque remittere Christianum hominem oportere, non doceat solum, sed penitus etiam fidelibus persuaदेत. Cumque hac ipsa de re apud sacros scriptores multa fiat mentio, eos consulat ad refellendam illorum pertinaciam qui in ulciscendi cupiditate animo obstinato sunt, atque obfirmato. Argumenta in promptu habeat, quæ illi Patres grauissima, & ad eam rem maxime accommodata pie adhibuerunt. Verum hæc potissimum tria explicanda sunt. primum est, ut, qui se iniuriam accepisse putat, ei maxime persuaदेatur illum detrimenti, aut iniurie præcipuam causam non fuisse, quem ipse ulcisci cupit. Sic admirabilis ille Iob fecit, qui à Sabæis hominibus, à Chaldeis, & à demone grauiter lesus, nullam tamen eorum habita ratione, ut uir rectus, & homo admodum pius, recte, pieque ijs uerbis usus est: Dominus dedit, Dominus abstulit. Itaque patientissimè illius uiri oratione, & exemplo, Christiani homines sibi persuaदेant, quod uerissimum est, omnia quacumque in hac uita patimur, à Domino, qui iustitiæ omnis misericordiæque parens est, & auctor proficisci. Neque uero ille nos, quæ eius est immensa benignitas, ut inimicos punit, sed ut filios corrigit, & castigat. Nec profecto, si recte animad-

Iob. 1.

animad-

animaduertimus, in hisce rebus hominēs aliud omnino sunt, nisi ministri, & quasi satellites Dei, & quamquam homo potest male aliquem odisse, pessimeque illi cupere, tamen ei, nisi permissu Dei, nocere nullo modo potest. Hac ratione adductus Ioseph, fratrum impia consilia, sic Dauid iniurias sibi à Semei illatas a quo animo tulit. Ad hanc item rem illud argumenti genus ualde pertinet, quod sanctus Chrysostomus grauiter, atque erudite pertractauit, neminem scilicet, nisi à se ipso, lædi: nam qui se iniuriose tractatos esse opinantur, si rem recta secum uia reputent, comperient profecto, nullam se ab alijs iniurijs, aut damnum accepisse, etsi enim, quibus ipsi læduntur, ea extrinsecus eueniunt; tamen se maxime ipsi offendunt, cum animū odio, cupiditate, inuidia nefarie contaminant. Alterum est, quod duo præcipua commoda complectitur, quæ ad illos pertinent, qui pio erga Deum studio adducti, iniurias libenter remittunt. quorum primum illud est, quod aliena debita remittentibus promissit Deus fore, ut ipsi etiam peccatorum ueniam impetrent. ex quo promisso, quàm gratum illi sit hoc pietatis officium, facile apparet. Alterum commodum est, quod nobilitatem quandam, & perfectionem assequimur: quoniam, condonandis iniurijs, quodam modo Dei similes efficimur, qui solem suum oriri facit super bonos, & malos, & pluit super iustos, & iniustos. Postremo, explicanda sunt incommoda illa, in quæ nos tum
 incidi-

Gen. 45.
2. Reg. 16.

Matth. 18.

Matth. 5.

incidimus, cum iniurias, quæ nobis illatæ sunt, condonare nolumus. Itaque Parochus illis, qui sibi in animum inducere non possunt, ut inimicis ignorent ob oculos ponat, odium, non solum peccatum graue esse, sed etiam diuturnitate peccandi grauius inherere. cum enim is, in cuius animo hic affectus insederit, inimici sui sanguinem sitiat; illius ulciscendi spe plenus, dies, noctesque in perenni quadam mala mentis agitatione ita uersatur, ut numquam à cædis, aut nefarie alicuius rei cogitatione cessare uideatur. quò fit, ut is uel numquam, uel maximo negotio ad id impellatur, ut aut prorsus ignoret, aut aliqua saltem ex parte iniurias remittat. quare merito uulneri comparatur. cui telum infixum hæret. Multa præterea incommoda & peccata sunt, quæ hoc uno odij peccato, quasi uinculo quodam, iuncta tenentur, ideoque D. Ioannes in hanc sententiam ita dixit: Qui fratrem suum odit, in tenebris est, & in tenebris ambulat, & nescit quo eat: quia tenebræ obcæcauerunt oculos eius: itaque sapius labatur, necesse est. Etenim quo pacto fieri potest, ut dicta aliquis, aut facta illius probet, quem oderit? hinc temeraria & iniqua iudicia existunt, iræ, inuidiæ, obrektionis, & alia eiusmodi; quibus illi quoque implicari solent, qui aut cognitione, aut amicitia iuncti sunt. itaque sæpe fit, ut ex uno peccato multa existant. Neque iniuria dicitur, hoc peccatum esse Diaboli quandoquidem ipse ab initio homicida fuit. Quam-

obrem

1. IOAN. 2.

Ioan. 8.

obrem Dei filius dominus noster Iesus Christus cum sibi mortem Pharisei afferre cuperent, illos à patre Diabolo genitos esse dixit. Sed præter hæc, quæ dicta sunt, unde sceleris huius detestandæ rationes peti possunt, alia quoque remedia, & ea profecto maxime opportuna, sanctarum litterarum monumentis tradita sunt. Ac primum omnium remedium, & maximum est, Saluatoris nostri exemplum, quod ad imitandum nobis proponere debemus. Is enim, cum ne minima quidem peccati suspitio in eum cadere posset, uirgis casus, spinis coronatus, & cruci denique

Luc. 23.

affixus, eam habuit orationem plenissimam pietatis: Pater dimitte illis: non enim sciunt quid faciunt. Cuius aspersionem sanguinis, testatur Apostolus, melius loquentem, quàm Abel. Alterum autem remedium ab Ecclesiastico propositum est, ut mortem atque illum Iudicij diem recordemur.

Hebr. 12.

Eccle. 7.

Memorare, inquit ille, nouissima tua, & in æternum non peccabis. quæ sententia eodem spectat, ac si dicat: Illud sæpe etiam atque etiam cogita, breui fore, ut mortem obeas: proinde, quia tali tempore tibi optatissimum erit, & maxime necessarium, summam Dei misericordiam impetrare, eam tibi ob oculos iam nunc, perpetuoque proponas, necesse est. ita enim fiet, ut immunis illa usciscendicupiditas tibi exhauriatur, cum ad misericordiam Dei implorandam nullum aptius, maiusue remedium inuenias, quàm obliuionem iniuriarum, et amorem in eos, qui te, aut tuos, re, aut oratione uiolarint.

NON

NON MOECABERIS.

Quoniam uiri, & uxoris uinculum arētissimum est, & nihil utrique iucundius accidere potest, quàm intelligere se mutuo quodam & singulari amore diligi; contra, nihil molestius, quàm sentire à se debitum & legitimum amorem alio transferri: recte quidem, atque ordine, illam, quæ hominis uitam à cædetuetur, legem hæc, quæ de Mœchia, siue adulterio est, consequitur; sanctam illam & honorabilem matrimonij coniunctionem, unde magna charitatis uis existere solet, nemo ullo adulterij scelere uiolare, aut dirimere audeat. Sed tamen in hac ipsa re explicanda cautus admodum sit Parochus, & prudens, & tectis uerbis rem commemoret, quæ moderationem potius desiderat, quàm orationis copiam. uerendum est enim, ne, dum is late, atque copiose nimis explicare studet, quibus modis homines ab huius legis præscripto discedant, in illarum rerum sermonem forte incidat, unde excitandæ libidinis potius materia, quàm restringendæ illius ratio, emanare solet. Sed quoniam hoc præcepto multa continentur, quæ prætermittenda non sunt, ea suo loco explicabuntur à Parochis. Eius igitur duplex uis est, altera, qua disertis uerbis adulterium uetatur; altera, quæ eam sententiam inclusam habet, ut animi, corporisquæ castitatem colamus. Vt autem ab eo, quod prohibitum est, docendi initium sumatur; Adulterium est

est legitimi tori iniuria, siue alienus, siue proprius ille sit. etenim si maritus cum muliere soluta rem habet, suum ipse torum uiolat; si uero solutus uir alienam cognoscat uxorem, adulterij labe torus alienus inquinatur. Hoc uero adulterij interdicto omnia prohiberi, D. Ambrosius & Augustinus auctores sunt, quæcumque inhonesta sunt, & impudica. In hanc sententiam hæc uerba accipienda esse, ex sacris litteris tum ueteris, tum noui testamenti licet colligere. nam præter adulterium, alia libidinis genera apud Mosen puniuntur. Est Iudæ in Genesi iudicium in nulum suam. Est præclara illa in Deuteronomio Moysis lex, ne de filiabus Israel ulla esset meretrix. Extat præterea Tobie ad filium eiusmodi adhortatio: Attende tibi fili mi ab omni fornicatione. Ecclesiasticus item, Erubescite, inquit, à respectu mulieris fornicariæ. In euangelio etiam Christus dominus inquit, De corde exire adulteria, & fornicationes, quæ coinquinant hominem. Apostolus uero Paulus hoc uitium sæpe multis grauissimisque uerbis detestatur: Hæc est, ait, uoluntas Dei sanctificatio uestra, ut abstinatis uos à fornicatione. & , Fugite fornicationem. & , Ne commisceamini fornicarijs. Fornicatio autem, inquit, & omnis immunditia, aut auaritia, nec nominetur in uobis. & , Neque fornicarij, neque adulteri, neque molles, neque masculorum concubitores regnum Dei possidebunt. Præcipue uero ob eam rem adulterium diserte uicatum est,

quia

D. Ambr.
D. August.

Gen. 38.

Deut. 23.
Tob. 4.

Eccle. 41.
Matth. 15.

1. Thef. 4.

1. Cor. 5.

1. Cor. 6.

A^d Eph. 5.

1. Tim. 6.

quia præter turpitudinem, quæ illi cum alijs intemperantiæ generibus communis est, iniustitiæ quoque peccatum non solum in proximum, sed etiam in civilem societatem adiunctum habet. Est illud item certum, qui se à ceterarum libidinum intemperantia non abstinere, eum ad hanc, quæ adulterij est, incontinentiam facile labi. Quare hoc adulterij interdicto facile intelligimus, omne impuritatis & impudicitiae genus, quo polluitur corpus, prohiberi: immo uero omnem intimam animi libidinem hoc præcepto uetitam esse, tum ipsius legis uis significat, quam spiritualem esse constat, tum Christus dominus docuit illis uerbis: Audistis, quia dictum est antiquis, Non mœchaberis: Ego autem dico uobis, quia omnis, qui uiderit mulierem ad concupiscendum eam, iam mœchatus est eam in corde suo. Hæc sunt, quæ fidelibus publice tradenda duximus; si tamen ea addantur, quæ à sancta Tridentina Synodo in adulteros, & eos, qui scorta, & pellices alunt, decreta sunt, prætermisiss multis alijs ac uarijs impudicitiae, & libidinis generibus, de quibus priuatim unusquisque à Parocho admonendus erit, ut temporis, & personarum ratio postulabit.

Math. 5:

Trid. Synodus.

Sequitur nunc, ut ea explicentur, quæ iubendi uim habent. Docendi igitur sunt fideles, ac uehementer hortandi, ut pudicitiam, & continentiam omni studio colant, mudentque se ab omni in quinatione carnis & spiritus, perficientes sanctificationem in timore Dei. In primis autem admonendi

Castitas
unicuique
pro diuersi
tate status
necessario
seruanda.

H H

sunt

sunt, quamuis castitatis uirtus in eorum hominum genere magis eluceat, qui pulcherrimum illud, ac plane diuinum uirginitatis propositum sancte & religiose colunt, tamen ijs etiam conuenire, qui uel calibem uitam agunt, uel matrimonio iuncti, à uetita libidine puros se & integros seruant. Quoniam uero multa à sanctis Patribus tradita sunt, quibus docemur domitas habere libidines, & coercere uoluptates, ea Parochus studeat populo accurate exponere, atque in hac tractatione diligentissime uersetur. Hæc autem eiusmodi sunt, partim quæ in cogitatione consistunt, partim quæ in actione. Quod in cogitatione remedium positum est, id in eo maxime uersatur, ut intelligamus, quanta sit huius peccati turpitudine, & perniciēs; qua cognita, facilius fiet eius detestandi ratio. perniciosum uero scelus esse, intelligi ex eo potest; quoniam propter hoc peccatum è Dei regno pelluntur, atque exterminantur homines; quod malorum omnium ultimum est. Et hæc quidem calamitas omnium scelerum communis est: illud autem huius peccati proprium, quod qui fornicantur, in sua ipsi corpora peccare dicuntur, ex sententia Apostoli scribentis; Fugite fornicationem: omne enim peccatum, quodcumque fecerit homo, extra corpus est. qui autem fornicatur, in corpus suum peccat. Quod ob eam causam dictum est, quoniam illud iniuriose tractat, cum eius uiolat sanctitatem. qua de re ad Thesalonicensēs ita D. Paulus: Hæc est, inquit, uoluntas Dei,

1. Cor. 6.

1. Tess. 4.

Dei, sanctificatio uestra, ut abstineatis uos à fornicatione, ut sciat unusquisque uestrum uas suum possidere in sanctificatione & honore, non in passione desiderij, sicut & gentes quæ ignorant Deum. Deinde, id quod scelestius est, si homo Christianus meretrici turpiter se dedat, membra, quæ Christi sunt, ea meretricis facit: ita enim D. Paulus 1. Cor. 6. ait; Nescitis, quoniam corpora uestra, membra sunt Christi? tollens ergo membra Christi, faciam membra meretricis? absit. an nescitis quoniam qui adheret meretrici, unum corpus efficitur? Est præterea homo Christianus, ut idem testatur, 1. Cor. 6. templum spiritus sancti; quod uiolare nihil aliud est, nisi ab eo spiritum sanctum eicere. In adulterij autem scelere magna inest iniquitas. si enim, ut uult Apostolus, qui matrimonio iuncti sunt, ita eorum 1. Cor. 7. alter alterius potestati mancipatus est, ut neuter sui corporis potestatem, iusque habeat, sed mutuo quodam sint inter se quasi seruitutis uinculo ita deuincti, ut uir ad uxoris uoluntatem, contraque uxor ad uiri nutum, uoluntatemque se accommodare debeat: certe si alteruter corpus suum, quod est alieni iuris, ab eo, cui illud adstrictum est, disiungit, is admodum iniquus est, & nefarius. Et quoniam infamiae metus et ad ea, quæ iussa sunt, uehementer incitat homines, & à uicitiis magnopere deterret; docebit Parochus, adulterium hominibus insignè turpitudinis notam inirere. nam sacris literis ita proditum est. Qui adulter est, propter cordis inopiã perdet animã suã:

- Leuit. 20. turpitudinem, & ignominiam congregat sibi, & opprobrium illius non delebitur. Verum huius sceleris magnitudo ex supplicij seueritate facile perspicitur potest. adulteri enim, lege à Domino in ueteri testamento præscripta, obruebantur lapidibus. quin etiam, ob unius libidinem, non solum qui scelus admisit, sed uniuersa interdum ciuitas, ut de Sichimitis legimus, deleta est. Multa diuinæ animaduersionis exempla in sacris litteris prodita sunt, quæ ad deterrendos à nefaria libidine homines Parochus colligere poterit, ut Sodoma, & reliquarum finitimarum urbium interitus; Israelitarum, qui fornicati sunt cum filiabus Moab in deserto, supplicium; Beniamitarum deletio. Qui uero mortem effugiunt. intolerabiles tamen dolores, ac pænarum cruciatus, quibus sæpe plectuntur, non effugient. nam mente cæci, quæ pæna grauissima est, ita fiunt, ut neque Dei, neque famæ, neque dignitatis, neque filiorum denique, uitæque suæ rationem habeant: hocque pacto adeo nequam, & inutiles fiunt, ut nihil graue committi eis debeat, & ad nullum fere officij munus idonei sint. Huius rei exempla à Dauide, & Salomone petere nobis licet; quorum alter postquam adulteratus est, repente sui dissimillimus, ex mitissimo crudelis extitit, ut Uriam optime de se meritum morti obtulerit; alter cum se totum in mulierum libidine profudisset, ita à uera Dei religione sese auertit, ut alienos deos sequeretur, Aufert igitur, ut Oseas
- dixit

dixit, hoc peccatum cor hominis, sæpeq; obcecat.

Ne uiole-
tur castitas
quanta cu-
ra adluben-
da.

Nunc ad ea remedia ueniamus, quæ in actione consistunt. quorū primum illud est, ut otium maxime fugiamus, in quo Sodomitæ homines, ut est apud Ezechielem, cum hebescerent, in spurcissimum illud nefaria libidinis scelus præcipites lapsi sunt. Deinde crapula magnopere est uitanda. Saturavi eos, inquit Propheta, & mæchati sunt: quoniam uenter expletus, ac saturatus, libidinem parit. Hoc ipsum illis uerbis Dominus significauit; Attendite uobis, ne forte grauentur corda uestra in crapula, & ebrietate. hoc item Apostolus; Nolite, inquit, inebriari uino, in quo est luxuria. Sed maxime animus ad libidinem oculis inflammari solet. quo pertinet illa Christi domini sententia; Si oculus tuus scandalizat te, erue eum, & projice abs te. Multæ præterea sunt prophetarum de eadem re uoces, ut est apud Iob: Pepigi fœdus cum oculis meis, ut ne cogitarem quidem de uirgine. Sunt multa denique, ac pene innumerabilia exempla malorum, quæ ex oculorum aspectu ortum habuerunt. sic Dauid, sic rex Sichen peccauit: hocque item pacto senes illi Susannæ calumniatores deliquerunt. Elegantior item ornatus, quo oculorum sensus ualde excitatur, occasionem libidini non parua sepe præbet: ideoque Ecclesiasticus monet: Auerte faciem tuam à muliere compta. Cum igitur mulieres in nimio ornatus studio uersentur, non alienum erit, si Parochus aliquam in eo diligentiam

Hier. 5.

Luc. 21.

Ad Eph. 5.

Matt. 5.

Iob. 31.

2. Reg. 11.

Gen. 34.

Dan. 13.

Eccle. 9.

- adhibeat, ut eas interdum moneat, obiurgetque uerbis, quæ hoc de genere grauissima Apostolus
1. Pet. 3. Petrus ita protulit: Mulierum non sit extrinsecus capillatura, aut circundatio auri, aut indumenti
1. Tim. 2. uestimentorum cultus. D. Paulus item, non in tortis, inquit, crimibus, aut auro, aut margaritis, uel ueste pretiosa. multæ enim, auro, & margaritis adornatæ, ornamenta mentis, & corporis perdidierunt. Hoc autem libidinis incitamentum, quod e uestium exquisito ornatu existere solet, alterum sequitur, quod est turpis, obscenique sermonis. nam uerborum obscenitate, quasi face quadam subiecta, adolescentum accenduntur animi. Corrum-
1. Cor. 15. punt enim mores bonos colloquia mala, inquit Apostolus: hocque ipsum cum maxime efficiant delicatiores, & molliores cantus, ac saltationes, ab ijs quoque diligenter cauendū est. quo in genere numerantur item libri obscene & amatorie scripti: qui ita uitandi sunt, ut imagines, quæ aliquam turpitudinis speciem præferunt: cum ad turpes rerum illecebras, inflammandosque adolescentum animos uis in illis sit maxima. Sed Parochus in primis curet, ut, quæ de ijs, à sacrosancto Tridentino Concilio pie, religioseque constituta sunt, ea sanctissime seruentur. Hæc uero omnia, quæ commemorata iam sunt, si magno adhibito studio, curaque uitentur, omnis fere libidinis materia tollitur. sed ad illius uim opprimendam maxime ualent frequens Confessionis, & Eucharistiæ usus: tum assiduæ, ac piæ quidem ad
- Deum

Deum preces, cum eleemosynis atque ieiunio coniunctæ. Est enim castitas donum Dei, quod recte petentibus non denegat, nec patitur nos tentari supra id, quod possumus. Corpus autem non ieiunijs modo, & ijs præsertim, quæ sancta Ecclesia instituit, sed uigijs etiam, pijs peregrinationibus, atque alijs afflictationum generibus exercendum est, sensuumque appetitiones reprimendæ: in his enim, atque alijs eiusmodi rebus maxime cernitur temperantiæ uirtus: in quâ sententiam ad Corinthios ita D. Paulus scribit: Omnis, qui in agone contendit, ab omnibus se abstinet: & illi quidem ut corruptibilem coronam accipiant, nos autem incorruptam. Et paulo post, Castigo, inquit, corpus meum, & in seruitutem redigo; ne forte, cum alijs prædicauerim, ipse reprobus efficiar. Et alio loco: Carnis curam ne feceritis in desiderijs. 1. Cor. 10.
1. Cor. 9.
Ro. 13.

NON FVRTVM FACIES.

Veterem hunc Ecclesiæ morem fuisse, ut huius præcepti uis, & ratio inculcaretur auditoribus, indicat illa apud Apostolum obiurgatio eorum, qui ceteros ab ijs uitijs maxime deterrent, quibus ipsi cumulatim reperiiebantur: Qui enim, inquit, alium doces, te ipsum non doces? qui prædicas non furandū furaris? Quo doctrinæ bono non solum frequens illorum temporum peccatum corripiebant, sed etiam turbas, ac lites sedabant, aliasque malorum causas, quæ furto commoueri solent. In ijs & delictis;

& delictorum incommodis, atque calamitatibus cum nostra etiam hæc ætas misere uersetur; ad exemplum sanctorum Patrum, & Christianæ disciplinæ magistrorum, Parochi hunc urgebunt locum, & assidue, ac diligenter huius præcepti uim, ac sententiam explicabunt. Ac primum officium, & diligentiam suam conferent ad declarandum Dei infinitum amorem erga genus humanum: qui non modo illis duobus interdicitis, Non occides, Non mæchaberis, quasi præsidijs, & uitam, corpusque nostrum; & famam, existimationemque tueatur; sed etiam hoc præcepto, Non furtum facies, tamquam custodia quadam externas res, ac facultates muniat, atque defendat. quam enim hæc uerba subiectam habent notionem, nisi eam, quam supra diximus, cum de alijs præceptis loqueremur? uetare uidelicet Deum, bona hæc nostra, quæ in eius tutela sint, à quoquam auferri, aut uiolari. quod diuinæ legis beneficium quo maius est, eo nos in ipsius beneficij auctorem Deum gratiores esse oportet. Et quoniam & habendæ, & referendæ gratiæ, nobis optima ratio proposita est, ut non tantum præcepta libenter auribus accipiamus, sed etiam re ipsa probemus; ad hoc colendum præcepti officium fideles excitandi, & inflammandi sunt. Est autem hoc præceptum, quemadmodum superiora, diuisum in duas partes: quarum altera, quæ furtum uetat, aperte est enunciata; alterius sententia, & uis, qua iubemur benigni, & liberales esse in proximis

ximos, in priore occulta est, & inuoluta. de priore igitur prius dicitur, Non furtum facies. In quo illud animaduertendum est, furti nomine non id modo intelligi, cum occulte ab inuito domino aliquid aufertur, sed etiam, cum aliquid alienum contra uoluntatem scientis domini possidetur. nisi forte existimandum est, eum, qui furtum prohibeat, rapinas factas per uim, & iniuriam non improbare: cum extet illud Apostoli; Rapaces regnum Deo non possidebunt. quorum omnem rationem, & consuetudinem fugienda esse, idem scribit Apostolus. Quamquam uero maius peccatum rapinæ sint, quam furtum; quæ, præter rem, quam alicui adimunt, præterea uim afferunt, & maiorem imponunt ignominiam: mirandum tamen non est, quod leuiori hoc furti nomine notatum sit diuinæ legis præceptum, non rapinæ. id. n. summa ratione factum est: quia furtum latius patet, & ad plura pertinet, quam rapinæ; quas tantummodo illi facere possunt, qui potentia, & uiribus præstant. quamquam nemo non uidet, exclusis eiusdem generis leuioribus peccatis, grauiora etiam facinora prohiberi. Varijs autem nominibus notatur iniusta possessio, & usus rerum alienarum, ex uarietate eorum, quæ & inuitis, & inscijs dominis auferuntur, nam si priuatum quid priuato adimitur, furtum dicitur; si surripitur publico, peculatus appellatur. plagium uocant, si homo liber, uel seruus alienus in seruitutem abducitur. si uero sacra res eripitur, nominatur sacrile-

1. Cor. 6.

1. Cor. 5.

I

trilegium : quod facinus maxime nefarium ac sceleratum adeo in mores inductum est, ut bona, quæ necessario & sacrorum cultui, & ecclesiæ ministris & pauperum usui, pie, ac sapienter fuerant attributa, in priuatas cupiditates perniciosasque libidines conuertantur. Sed, præter ipsum furtum, idest externam actionem, furandi etiam animus, & uoluntas, Dei lege prohibetur: est enim spiritalis lex, quæ animum, fontem cogitationum, & consiliorum, inspicit. De corde enim, inquit Dominus apud S. Matthæum, exeunt cogitationes malæ, homicidia, adulteria, fornicationes, furti, falsa testimonia. Sed quàm graue scelus furtum sit, ipsa nature uis, & ratio satis ostendit: est enim iustitiæ contrarium, quæ suum cuique tribuit. Nam bonorum distributiones, & assignationes, iam inde ab initio iure gentium constitutæ, diuinis etiam & humanis legibus confirmatas, ratas esse oportet; ut unusquisque, nisi humanam societatem tollere uelimus, ea teneat; quæ ei iure obtigerunt.

nam, ut Apostolus ait, Neque fures, neque auari, neque ebriosi, neque maledici, neque rapaces regnum Dei possidebunt. Et huius sceleris importunitatem, & immanitatem permulta declarant; quæ furtum consequuntur. Fiunt enim iudicia temere, & inconsulto, multa de multis: erumpunt odia: suscipiuntur inimicitie: existunt interdum acerbissimæ innocentium hominum damnationes. Quid dicemus de ea necessitate, quæ diuinitus imposita

sita est omnibus, satisfaciendi ei, cui aliquid ademptum sit? Non enim, inquit *Augustinus*, remittitur peccatum, nisi restituatur ablatum: quæ restitutio, cum quis assueverit ex alienis locupletari, quantam habeat difficultatem, præter id, quod unusquisque & ex aliorum consuetudine, & de suo sensu iudicare potest, ex testimonio *Habacuc* prophetæ licet intelligere: ait enim: *Uæ ei, qui multiplicat non sua usquequo, & aggrauat contra se densum lutum. Lutum appellat densum, rerum alienarum possessionem, unde emergere, & expedire se homines difficile possint. Furtorum autem tā multa sunt genera, ut ea dinumerare sit difficillimum. quare de his duobus, furto, & rapinis, dixisse satis erit, ad quæ tamquam ad caput reliqua, quæ dicemus, referuntur. Ad ea igitur detestanda, & ad fidelem populum à scelesto facinore deterrendum, conferent omnem curam, ac diligentiam Parochi.*

Verum eius generis partes persequamur. Sunt igitur fures etiam, qui furto sublatas res emunt, uel aliquo modo inuentas, occupatas, aut ademptas retinent: ait enim *S. Augustinus*. Si inuenisti, & non reddidisti, rapuisti. Quod si rerum dominus nulla ratione inueniri potest, illa sunt bona in usus pauperum conferenda: quæ ut restituat, qui adduci non potest, ea re facile probat se undique ablaturum: omnia si possit. Eodem se alligant scelere, qui in emendis, uendendisq; rebus fraudes adhibent, & uanitate orationis horum fraudes uindicabit Dominus.

Gratio-

S. August.

Habac. 2.

De uariis
furtorum
generibus.

S. Augu.

Graviore, & iniquiore in hoc furtorum genere sunt ij, qui fallaces, & corruptas merces uendunt pro ueris, & integris; quiue pondere, mensura, numero, ac regula decipiunt emptores: est enim in

Deuter. 25.

Leuit. 19.

Deuteronomio: Non habebis in sacculo diuersa pondera. & in Leuitico: Nolite facere iniquum aliquid in iudicio, in regula, in pondere, in mensura: statera iusta, & æqua sint pondera: iustus modus, æquusque sextarius. Est & alio loco; Abominatio est apud Dominum pondus, & pondus; statera dolosa non est bona. Furtum etiam apertum est operariorum, & artificum, qui totam & integrā mercedem exigunt ab ijs, quibus ipsi istam, ac debitam operam non dederunt. Nec uero distinguuntur à furibus serui dominorum, rerumque custodes infidi; quin etiā eo sunt detestabiliores, quā reliqui fures, qui clauibus excluduntur, quod furaci seruo nihil domi obsignatum, aut occlusum esse potest. Furtum præterea facere uidentur, qui fictis, simulatisque uerbis, quiue fallaci mendicitate pecuniam extorquent: quorum eo grauius est peccatum, quod furtum mendacio cumulant. Illi quoque in furum numero reponendi sunt, qui cum ad priuatum aliquod, uel publicum officium cōducti sunt, nullā uel paruam operam nauātes munus negligūt, mercede tātum, ac pretio fruuntur. Reliquam furto- rum multitudinē, à solerti auaritia, quæ omnes pecu- niæ uias nouit, excogitatam, persequi longum est, & ut diximus, difficillimū. itaq; de rapinis, quod est

Prou. 20.

alterum

alterum horum scelerum caput, dicendum uidetur
 si prius monuerit Parochus Christianum populum
 ut meminerit illius Apostoli sententiæ: Qui uolunt
 diuites fieri, incidunt in tentationem, & in laqueum
 diaboli. Nec ullo sibi loco patiatur excidere præcep-
 tum hoc: Quæcumque uultis ut faciant uobis ho-
 mines, & uos facite illis. Et illud cogitet perpe-
 tuo: Quod ab alio oderis fieri tibi, uide ne tu ali-
 quando alteri facias. Rapinæ igitur patent latius:
 nam qui debitam operarijs mercedem non per-
 soluunt, sunt rapaces; quos S. Iacobus ad pæni-
 tentiam inuitat illis uerbis, Agite nunc diuites:
 plorate ululantes in miserijs uestris, quæ adue-
 nient uobis. cuius pænitentiæ causam subiungit: Ec-
 ce enim merces operariorum, qui messuerunt re-
 giones uestras, quæ fraudata est à uobis, cla-
 mat: & clamor eorum in aures domini sababot
 introiuit. quod genus rapinarum in Leuitico, in
 Deuteronomio, apud Malachiam, & apud To-
 biam uehementer improbatur. In hoc crimine rapa-
 citatis includuntur, qui, quæ Ecclesiæ præsidibus,
 & magistratibus debentur, uestigalia, tributa,
 decimas, & reliqua huius generis, non dissoluunt,
 uel interuertunt, & ad se transferunt. Huc etiam
 referuntur feneratores in rapinis acerrimi: et acer-
 bissimi, qui miseram plebem compilant, ac truci-
 dant usuris. Est autem usura, quidquid præter for-
 tem, & caput illud, quod datum est, accipitur, siue
 pecunia sit, siue quiduis aliud, quod emi, aut æsti-
 mari

1. Tim. 6.

Math. 7.

Tob. 4.

Luc. 6.

Iacob. 5.

Leuit. 19.

Deut. 24.

Malach. 3.

Tob. 4.

Ezech. 16. *mari possit pecunia. sic enim apud Ezechielem scriptum est: Usuram, & superabundantiam non acceperis. & Dominus apud Lucam; Mutuum date, nihil inde sperantes. Grauiissimum semper fuit hoc facinus, etiam apud gentes, & maxime odiosum. hinc illud; Quid fenerari? Quid hominem, inquit, occidere? Nam qui fenerantur, bis idem uendunt, aut id uendunt, quod non est. Item rapinas faciunt nummarij iudices, qui uenalia habent iudicia, & pretio muneribusque deliniti, optimas tenuiorum & egentium causas euertunt. Fraudatores creditorum, & inficiatores, quiq; sumpto temporis spatio ad soluendum, sua, uel aliena fide merces emunt, neque fidem liberant, damnabuntur eodem crimine rapinarum: quorum etiam delictum grauius est, quod mercatores, illorum destitutionis, ac fraudationis occasione, magno detrimento ciuitatis uendunt omnia carius. in quos illa Dauidis sententia uidetur conuenire; Mutuabitur peccator, & non soluet. Quid de locupletibus dicemus ijs, qui ab illis, qui soluendo non sunt, quod commodarunt, exigunt acerbius, & pignora etiam ea auferunt contra Dei interdictum, quæ ad eorum corpus tuendum sunt necessaria? Deus enim inquit: Si pignus à proximo tuo acceperis uestimentum, ante solis occasum reddas ei: ipsum. n. est solum, quo operitur, indumentum carnis eius, nec habet aliud, in quo dormiat: si clamauerit ad me, exaudiam eum, quia misericors sum. Horum exactionis acerbiteratem, iure rapacitatē, atque adeo rapi-*

rapinas appellabimus. Ex numero eorum, qui raptos dicuntur à sanctis Patribus, sunt, qui in frugum inopia cōprimunt frumentum, faciuntq; ut sua culpa carior, ac durior sit annona: quod etiam ualet in rebus omnibus aduictum, & ad uitam necessarijs: ad quos illa Salomonis pertinet execratio: Qui abscondit frumenta, maledicetur in populis. Quos, suorum scelerum admonitos, Parochi liberiorius accusabunt, ac proposita illis peccatis pœnas explicabunt uberius. Hæc de uetitis: nunc ad iussa ueniamus: in quibus satisfactio, uel restitutio primum locum habet. peccatum enim non remittitur, nisi restituatur ablatum. sed quoniam nō is solum, qui furtum fecit, ei, cui furatus est, id debet restituere, sed oēs præterea, qui furti participes fuerunt, hac lege restitutionis tenentur; aperiendum est, qui sint illi, qui hanc satisfaciendi, uel restituendi necessitatem effugere non possit. Sunt autem plura hominum genera: ac primum est eorum, qui furari impetrant: qui non modo sunt ipsi furtorum socij, & auctores, sed etiam in illo furū genere deterrimi. Alterū genus par uoluntate primis. potestate dispar, in eodē tamē furum gradu ponendum, eorum, qui cum iuhere non possint, suasores sunt, atque impulsores furtorum. Tertium genus est eorum, qui cum furibus consentiunt. Quartum genus est eorum, qui participes furtorum, inde lucrum ipsi etiam faciunt: si lucrum dicendum est, quod, nisi respuerint, eos addicit æternis cruciatibus: de quibus sic loquitur

Pro. 11.

Psal. 49.

David: Si uidebas furem, currebas cum eo. Quintum genus est furum; qui cum furta possint prohibere, tantum abest, ut illis occurrant, & obsistant. ut eorum licentiam permittant, atque concedant. Sextum genus est eorum, qui cum, & furtum factum, & ubi factum sit, certo sciant, non indicant rem, sed eam se scire dissimulant. Postremum genus est, quod omnes complectitur furtorum adiutores, custodes, patronos, quique illis receptaculū præbent, ac domicilium; qui omnes et satisfacere debent ijs, quibus aliquid detractum est, ad illud necessariū officium uehementer cohortandi sunt. Ne huius quidē sceleris omnino sunt expertes, approbatores furtorum, & laudatores. Nec uero etiam ab eadem culpa sunt alieni filij familias, et uxores, qui pecunias à patribus, & iuris surripiunt.

De operibus misericordie per eleemosynas in pauperes.

Ciprianus
Io. Chrysostomus.
Greg.
Nazan.

Iam uero huic præcepto illa subiecta sententia est, ut pauperum, & inopum misereamur, eorumque difficultates, & angustias nostris facultatibus, & officijs subleuemus. quod argumentum quia sæpiissime, & copiosissime tractandum est, petent ea Parochi ex uirorum sanctissimorum, Cypriani, Ioannis Chrysostomi, Gregorij Nazanzeni, & aliorum libris, qui de eleemosyna præclare scripserunt, quibus huic muneri satisfaciant. Sunt enim inflammandi fideles ad studium, & alacritatem: opitulandi ijs, quibus aliena misericordia uiuendum est. Sunt uero etiam docendi, quantam habeat necessitatem eleemosyna, ut uidelicet re, & opera nostra

nostra in egentes simus liberales, uerissimo illo argu-
 mento, quod summo iudicij die detestaturus sit eos
 Deus, & sempiternis ignibus addicturus, qui elee-
 mosynæ officia prætermiserint, ac neglexerint; illos
 autem collaudatos in patriam caelestem introduclu-
 rus, qui benigne fecerint indigentibus: est utraque
 Christi domini ore pronunciata sententia: Venite
 benedicti patris mei, possidete paratum uobis re-
 gnum. & , Discedite à me maledicti in ignem æter-
 num. Utentur præterea sacerdotes accommodatis
 illis ad persuadendum locis; Date, & dabitur uo-
 bis. Proferent Dei promissum, quo nihil uberius
 nihil magnificentius ne cogitari quidem potest. Ne
 mo est, qui reliquerit &c: qui non accipiet centies
 tantum nunc in tempore hoc; & in seculo futuro
 uitam æternam. Adycient illud, quod à Christo
 domino dictum est; Facite uobis amicos de mammo-
 na iniquitatis: ut, cum defeceritis, recipiant uos
 in æterna tabernacula. Huius uero necessarij mu-
 neris partes exponet, ut qui largiri non possunt
 egentibus, quo uitam sustinent, saltem commo-
 dent pauperi, ex Christi domini præscripto:
 Mutuum date, nihil inde sperantes. Atque huius
 rei felicitatem beatus Dauid expressit: Iucundus
 homo, qui miseretur, & commodat. Est autem
 Christianæ pietatis, nisi sit aliunde facultas bene me-
 rendi de ijs, quibus ad uictum aliena misericordia
 opus est, uitandi etiam otij causa, labore, opera,
 ac manibus ea quærere, quibus inopum indigentiam

Mat. 5.

Luc. 6.

Mat. 10.

Luc. 6.

Luc. 6.
Psal. 111.

1. Theff. 3. leuare possint, ad id omnes suo exemplo hortatur in epistola ad Thessalonicenses. Apostolus illis uerbis: Ipsi enim scitis, quemadmodum oporteat imitari nos. Item ad eosdem: Operam detis, ut quiescitis, & ut uestrum negotium agatis, & operemini manibus uestris; sicut præcepimus uobis. Et ad
- Ad Eph. 4. Ephesios: Qui furabatur, iam non furetur: magis autem laboret operando manibus, quod bonum est, ut habeat unde tribuat necessitatem patienti. Est etiam frugalitatis consulendum, parcendumque bonis alienis, ne ceteris graues, aut molesti simus. quæ temperantia sanequam elucet in omnibus apostolis, sed maxime eminet in D. Paulo; cuius illud
1. Theff. 2. est ad Thessalonicenses: Memores estis, fratres, laboris nostri, & fatigationis: nocte, & die operantes, ne quem uestrum grauaremus, prædicauimus in uobis euangelium Dei. Atque idem alio loco. Apostolus; In labore, & fatigatione, nocte, & die operantes, ne quem uestrum grauaremus. Sed ut ab uniuerso hoc genere nefariorum facinorû abhorreat fidelis populus, Parochos à prophetis petere & à reliquis diuinis libris sumere par erit detestationem furtorum, & rapinarum, & horribiles minas à Deo propositas eis, qui illa scelera committunt. Clamat Amos propheta: Audite hoc, qui conteritis pauperem, & deficere facitis egenos terræ, dicentes, quando transibit mensis, & uenudabimus merces, & sabbathum, & aperiemus frumentum, ut imminuamus mensuram, & augeamus

mus solum, & supponamus stateras dolosas? Sunt in eadem sententia multa apud Hieremiā, in Proverbijs, & apud Ecclesiasticum. Nec uero dubitandum est, quin hæc malorum semina, quibus malis opprimitur hæc ætas, magna ex parte in his inclusa sint causis. Verum ut assuescant Christiani homines prosequi omni liberalitatis, ac benignitatis officio egen-tes, & mendicos, quod ad alterā huius præcepti partem pertinet, proferent Parochi maxima præmia, quæ beneficijs, & largis, & in hac, & in altera uita daturū se Deus pollicetur. Sed quia non desunt, qui etiā se in furtis excusent, admonēdi sunt, fore, ut nullo eorum peccati excusationē accipiat Deus; immo uero futurū, ut illa purgatione nō modo non leuetur peccatum, sed mirum in modum augeatur. Ecce, nobilium hominum non ferendæ deliciæ, qui culpam extenuare sibi uidentur, si se affirmarint, nō cupiditate, aut auaritia ad detrahēdum alteri sua descendere, sed tuendæ causa amplitudinis familiæ, & maiorum suorum, quorum existimatio, ac dignitas rueret, nisi rerum alienarum accessione fulciretur. Quibus perniciosus error eripiendus est; simulq; demonstrandum, unam esse rationem conseruandi, & amplificandi copias, & opes, maioremque gloriam, si Dei uoluntati paruerint, si eius præcepta seruarint; quibus contemptis, fundatæ, & optime constitutæ opes euertuntur; reges ex regio solio, & summo gradu honoris præcipites exturbantur; in quorum locum infirmi interdum homines,

Isa. i.

& qui summo in odio illis fuerunt, diuinitus uocantur. Incredibile est, quantopere his succēseat Deus, cuius rei testis est Isaías, apud quem sunt illa Dei uerba: Principes tui infideles, socij furum: omnes diligunt munera, sequuntur retributiones: propter hoc ait dominus Deus exercituum fortis Israel; Eheu consolabor super hostibus meis, & uindictabor de inimicis meis, & conuertam manum meam ad te, & excoquam ad purum scoriā tuam. Non desunt, qui non iam illam afferant causam splendoris, & gloriæ; sed uictus, & uitæ commodiorem facultatem, & elegantiam. qui resellendi sunt, docendiq; quā impia sit eorum & actio, & oratio, qui ullam commoditatem anteferant Dei uoluntati, & gloriæ; quam, negligendo eius præcepta, offendimus mirandum in modum. etsi quæ potest esse in furto commoditas, quod summa incommoda consequantur? Super furem enim, inquit Ecclesiasticus, est confusio, & pœnitentia. Sed fac esse, ut cum illis non agatur incommode: dedecorat fur diuinum nomen: repugnat eius sanctissimæ uoluntati: salutaria ipsius præcepta contemnit. quo ex fonte omnis error, omnes improbitas, omnis fluit impietas. Quid, quod au dire licet interdū fures, qui nihil se eo peccare cōtendant, quod detrahant aliquid locupletibus, & copiosis hominibus, qui ea detractione nihil damni faciāt ne sentiāt quidē? misera sane, & pestifera defensio. Putat alius satisfactionē suam accipi debere, quod eam furandi consuetudinē

cæpit

Eccle. 5.

cepit, ut non facile possit ab illa mente, & actione desistere: qui nisi audierit Apostolum dicentem; ad Eph. 4.
 Qui furabatur, iam non furetur; uelit, nolit, etiam consuetudinem capiet æternorum suppliciorum. Nonnulli sunt, qui excusant se, occasione data, alteri aliquid demisse. est enim illud tritum sermone prouerbium; Fures, qui non sint, fieri occasione. qui hac ratione sunt de nefaria sententia deducendi; resistendum esse prauis cupiditatibus. Nam si continuo est re perficiendum id, quod libido persuasit; quis modus, quis finis erit scelerum, ac flagitiorum? Turpissima igitur est illa defensio, uel summæ potius intemperantiæ, & iniustitiæ confessio. Nam qui dicit, se non ideo peccare, quia nullam habet peccandi occasionem; idem propemodum fatetur, se semper, oblata occasione, peccaturum. Sunt, qui furari se dicant ulciscendi causa, quòd ab alijs eadem iniuria sint affecti. quibus ita respondendum est: primum nemini licere iniurias persequi; deinde non posse quemquam rei suæ iudicem esse: tum multo minus concedi, ut pœnas ab alijs repetat eorum, quæ alijs in eum peccauerunt. Postremo, quidam furtum satis illa ratione defensum rectumque arbitrantur, quòd, cum sint ære alieno oppressi, aliter eo liberari non possint, nisi illud furto dissoluant: quibus cum ita agendum est, nullum esse grauius æs alienum, & quo magis prematur humanum genus, quàm debitum illud, cuius in diuina precatone quotidie meminimus; Dimitte no-

Prouerbiis.

Mark 6

bis debita nostra; quare illud insaniſſimi hominis eſſe, plus uelle Deo debere, ideſt plus peccare, ut, quod debet hominibus, diſſoluat; multoſque præſtare, conijci in carcerem, quàm mandari ſupplicijſ inferorum ſempiternis: longe etiam eſſe grauius, Dei, quàm hominum iudicio condemnari: porro autem ſupplices ipſos ad Dei opem, ac pietatem conſugere debere, à quo, quid opus ſit, poſſint impetrare. Sunt alia excuſationum genera: quibus Parochi prudentes, ac ſui officiij diligentiffimi, facile poterunt occurrere, ut aliquando habeant populum ſeclatorem bonorum operum.

NON LOQVERIS CONTRA PROXIMUM TVVM FALSVM TESTIMONIVM.

Quantam non modo utilitatem, ſed etiam neceſſitatem habeat aſſidua huius & præcepti explicatio, & officiij admonitio, nos D. Iacobi monet auctoritas, illis uerbis: Si quis in uerbo non offendit, hic perfectus eſt uir. & idem: Lingua modicum quidem membrum eſt, & magna exaltat; ecce quantus ignis quàm magnam ſilvam incendit. & quæ ſequuntur in eandem ſententiam. Quibus duo monemur, primum latiſſime patere hoc lingue uitium, quod etiam illa Prophetæ ſententia confirmatur; Omnis homo mendax: ut prope modum ſit unum hoc peccatum, quod ad omnes homines pertinere uideatur. Alterum, in-

de pro-

Iacobi. 3.

PG. 115.

de proficisci mala innumerabilia, cum saepe, maledici hominis culpa, facultates, fama, uita, anima salus amittatur, uel eius, qui laeditur, quod contumelias patienter ferre non possit, sed eas impotenti animo persequatur; uel eius qui laedit, quod prauo pudore, & falsa cuiusdam existimationis opinione deterritus, adduci non possit, ut illi, qui offensus sit, satis faciat. Quare hoc loco monendi fideles erunt, ut quantas possunt maximas Deo gratias agant de hoc salutari praecepto non dicendi falsi testimonij; quo non solum ipsi alijs iniuriam facere uetamur, sed etiam hac obedientia ab aliorum iniuria prohibemur. Verum hoc praecepto eadem ratione, & uia progrediendum est, qua in ceteris progressi sumus, ut uidelicet animaduertantur in eo duae leges; altera prohibens, ne falsum dicatur testimonium; iubens altera, ut, simulatione, fallacijsque sublati, dicta, & facta nostra simplici ueritate meriamur. Cuius officij Apostolus Ephesios illis uerbis admonuit: Veritatem facientes in charitate crescamus in illo per omnia. Sed prior huius praecepti pars habet hanc rationem, ut, quamuis nomine falsi testimonij significetur quidquid in bonam, uel in malam partem de altero constanter dicatur, siue in iudicio, siue extra iudicium, tamen praecipue prohibeatur illud testimonium, quod in iudicio, falso dicitur à iurato. iurat enim per Deum testis; quod ita testificantis, & diuinum nomen in

ad Eph. 4.

terponentis oratio plurimum fidei habet, & ponderis. itaque, quia periculosum est hoc testimonium, ideo praeipue prohibetur: iuratos enim testes, nisi exceptionibus legitimis excludantur, aut eorum sit aperta improbitas, atque perversitas, ne iudex quidem ipse potest reijcere, praesertim cum extet iussum divinae legis. ut in ore duorum, vel trium stet omne uerbum. Sed ut praeceptum fideles plane intelligant: docendi erunt, quid significet hoc, PROXIMI, uocabulum, in quem falsum testimonium dicere minime licet. Est autem proximus, ut ex Christi domini doctrina colligitur, quicumque eget opera nostra, siue ille propinquus sit, siue alienus, siue ciuis, siue aduena, siue amicus, siue inimicus. nefas enim est existimare, contra hostes licere falsum aliquid dicere pro testimonio, quos iussu Dei, ac Domini nostri diligere oporteat. quin etiam, quia sibi quisque quadam ratione proximus est, nemini fas est in se falsum testimonium dicere: quod qui committant, sibi ipsi notam inurentes ignominiae, ac turpitudinis, & se ipsos, & Ecclesiam laedunt, cuius sunt membra: quo modo etiam, qui sibi mortem consciscunt, nocent ciuitati: ita enim est apud sanctum Augustinum; Nec recte intelligentibus poterat uideri, non esse prohibitum, ut aduersus se ipsum quisquā falsus testis assisteret, eo quod in praecepto additum fuit, Contra proximum tuum. Sed non ideo, si aduersus se ipsum quisque falsum testimonium dixerit, ab hoc crimine se putet alienum,

Deuter. 19.

Matth. 18.

Proximus
quis.

Luc. 10.

S. Aug.

num; quando regulam diligendi proximi, à semet-
 ipso dilector accepit. Verum; quia prohibemur
 proximum ledere falso testimonio, nemo propte-
 rea contrarium permitti nobis arbitretur, ut peie-
 rando liceat conciliare ei, qui nobiscum natura, ac
 religione coniunctus sit, a'iquid utilitatis, aut com-
 modi. Nemini enim mendacio, & uanitate, mul-
 to minus periurio studendum est. Quare sanctas
 Augustinus de mendacio ad Crescentium, docet ex
 Apostoli sententia, mendacium in falsis testimonijs
 numerandum esse, etiam si in cuiusquam falsa lau-
 de dicatur. Nam locum illum tractans, Inueni-
 mur autem & falsi testes Dei, si testimonium dixi-
 mus aduersus Deum, quod suscitauerit Christum,
 quem non suscitauit, si mortui non resurgunt. Fal-
 sum, inquit, testimonium uocat Apostolus, si quis
 de Christo, & quod ad eius laudem uidetur perti-
 nere, mentiatur. Sæpiissime uero etiam contingit,
 ut qui alteri fauet, obsit alteri: certe errandi causa
 assertur iudici, qui interdum falsis testibus addu-
 ctus, contrarius secundum iniuriam statueret, & iu-
 dicare cogitur. Nonnumquam etiam fit, ut, qui
 ob falsum alicuius testimonium causam iudicio uice-
 rit, idque impune tulerit, exultans iniqua uicto-
 ria, assuescat corrumpere, & adhibere falsos te-
 stes, quorum opera sperat se posse ad id, quodcunque
 concupierit, peruenire. Est uero id & ipsi testi gra-
 uissimum, qui & ab eo, quem iureiurando subleua-
 rit, & adiunxit, falsus, & periurus agnoscitur.

S. August.

1. Cor. 15.

I

Et ipse, quod ei eſt ſententia ſuccedit ſcelus, quotidie
maiores exercitationem, & conſuetudinem capit
impietatis, & audacie. Ut igitur teſtium uanitas
mendacia, & periuria prohibentur; ſic & accuſa-
torum, & reorum, & patronorum, cognitorum, &
procuratorum, aduocatorum, & omnium denique
qui iudicia conſtituunt. Poſtremo uetat Deus om-
ne teſtimonium non modo in iudicio, ſed etiam ex-
tra iudicium, quod alteri incommodum, aut detri-
mentum poſſit aſſerre. Eſt enim in Leuit. quo loco
hæc præcepta iterantur, his uerbis: Non facietis
furtum, non mentiemini, nec decipiet unusquiſque
proximum ſuum. ut nemini dubium eſſe poſſit,
quin à Deo omne mendacium hoc præcepto eie-
ctum condemnnetur: quod apertiffime teſtatur Da-
uid in hunc modum: Perdes omnes, qui loquuntur
mendacium.

Pſal. 5.

Detractionis
uitium
quàm dete-
ſtabile.

Prohibetur autem hoc præcepto non modo fal-
ſum teſtimonium; ſed deteſtabilis etiam libido, &
conſuetudo detrahendi alteri: qua ex peſte, incredi-
bile eſt, quàm multa, & quàm graua & incom-
moda, & mala naſcantur. Hoc uitium maledice,
& contumelioſa dicendi occulte in alterum, paſſim
improbant diuina litteræ. Cum hoc, inquit Dauid,
non edebam. & S. Iacobus: Nolite detrahare al-
terutrum, fratres mei. Nec uero præcepta ſolum
ſacræ litteræ, ſed etiam exempla ſuppeditant, qui-
bus ſcleri magnitudo declaratur. nam & Aman,
conſectis criminibus, adeo incendit in Iudeos Aſſue-
rum,

Pſal. 100.
Iacobi 4.

Eſſer 13.

rum; ut is omnes eius gentis homines imperarit occidi. Referta est huiusmodi exemplis sacra historia: quorum commemoratione, sacerdotes operam dabunt, ut fideles à rei improbitate deterreant. Ut autem peccati huius uis, quo de altero detrahitur, omnino perspiciatur; sciendum est, non tantum adribenda calumnia offendi hominum existimationem; sed & augendis, amplificandisque criminibus: & si quid oculcius ab aliquo commissum sit, quod ubi rescitum fuerit, graue, aut turpe sit ad famam, eam rem qui, ubi, quando, quibus non necesse sit, peruulgarit, is obrectator, & maledicus iure dicitur: Verum totius obrectationis nulla capitalior est, quàm eorum qui catholice doctrine eiusq; predicatoribus obrectant. In simili culpa sunt, qui malarum doctrinarum, & errorum magistros extollunt laudibus. Nec uero ab horum hominum numero, & culpa seiunguntur, qui detrahentibus, & maledicentibus hominibus patefacientes aures, non reprehendunt obrectatores, sed illis libenter assentiuntur. Detrahere enim uel detrahentem audire, scribunt sancti Hieronymus, & Bernardus, utrum damabilius sit, non facile constat. non enim essent, qui detraherent, si non adessent, qui detrahentes audirent. In eodem genere sunt, qui suis artificijs distrahunt homines, & inter se committunt, magnopereq; serendis discordijs delectantur; ut summas coniunctiones, ac societates fictis sermonibus dirimentes amicissimos uiros ad immortales inimi-

S. Hiero.
& Bern.

enit. 19.

inimicitias, & ad arma compellant. Hanc pestem sic detestatur Dominus. Non eris criminator, neque susurro in populo. Tales erant multi ex consiliarijs Saulis, qui eius uoluntatem à David alienare, & in illum regem incitare conabantur. Peccant denique in hanc partem blandi homines, & assentatores, qui blanditijs, & simulatis laudibus influunt in aures, & in animos eorum, quorum gratiam, pecuniam, & honores aucupantur; dicentes, ut est apud Prophetam, Malum bonum, & bonum malum. quos ut arceamus, & pellamus à consuetudine nostra, monuit nos David illa oratione: Corripiet me iustus in misericordia, & increpabit me; oleum autem peccatori non impinguet caput meum. Quamquam enim isti proximo minime maledicunt, tamen ei maxime nocent, qui, uel laudandis eius peccatis, afferunt ipsi causam perseuerandi in uitijs, quamdiu uixerit. Et quidem in hoc genere illa est assentatio deterior, quæ ad proximi calamitatem, & perniciem adhibetur. sic, Saul, cum Dauidem furori, & ferro Philisthæorum obicere cuperet, ut occideretur, ei blandiebatur illis uerbis. Ecce filia mea maior Merob: ipsam dabo tibi uxorem: tantummodo esto uir fortis, & praliare bella Domini. Sic Iudæi insidiosa ratione Christum dominum sunt affati: Magister, scimus, quia uerax es, & uiam Dei in ueritate doces. Longe autem perniciosior oratio est amicorum, affinium, & cognatorum, quæ ad eos interdum utuntur assentatorie,

Isa. 5.

Psal. 140.

1. Reg. 18.

Matth. 22.

Marc. 12.

torie, qui mortifero morbo affecti, iam sint extremo spiritu; dum affirmant nullum esse tum ei à morte periculum; dum letum, & hilarum esse iubent, eumque à peccatorum confessione, tamquam à tristissima cogitatione, deterrent; dum denique eius animum auertunt ab omni cura, & meditatione extremorum periculorum, in quibus maxime uersatur. Quare fugiendum est omne mendaciorum genus; sed illud in primis, quo graui damno quiscumque affici possit. Plenissimum uero impietatis est mendacium, cum quis in religionem, uel de religione mentitur. Sed illis etiam maledictis, & probris grauius offendit Deus, quæ committuntur libellis, quos famosos uocant: & alijs huius generis contumelijs. Præterea ioco, uel officij causa fallere mendacio, ut si nemo in illo uel damnum, uel lucrum fecerit, tamen omnino indignum est, ita enim nos Apostolus admonet: Deponentes mendacium, loquimini ueritatem. Nam in eo est ad frequens, grauiusque mendacium magna procliuuitas; & ex iocosis mendacijs capiunt homines mentiendi consuetudinem; unde ueniunt in opinionem, non esse ueraces. quamobrem, ut fidem faciat eorum oratio, necesse habent iurare perpetuo. Postremo, priore parte huius præcepti simulatio repudiatur: nec modo quæ simulate dicuntur, sed quæ ita fiunt, cum scelere coniuncta sunt. tam enim uerba, quam facta, notæ, ac signa quædam sunt eorum, quæ sunt in animo cuiusque, ob eamque causam Dominus saepe phari-

Plenissimum
impietatis
mendacium
est in Reli-
gione uel
de religio-
ne mentiri.


Ad Eph. 4.

phariseos arguens, hypocritas appellat. Est hæc de
priori præcepti lege, quæ ad uetandum spectat.

De iniuria
unicuique
inviolabili
ter mini-
stranda.
Ro. 7.

Nunc explicemus, quid in altera iubeat Domi-
nus. Pertinet autem hæc præcepti uis, & ratio ad
id, ut iuste, & ex legibus forensia iudicia exercean-
tur, neue occupent homines, & usurpent iudi-
cia. Non enim fas esse alienum seruum iudicare.
scribit Apostolus: ne, re, & causa incognita,
sententiam ferant. quo in uitio fuit sacerdotum, &
scribarum consilium, qui de sancto Stephano iudi-
carunt. quod item peccatum fuit magistratus Phi-
lippensium: de quibus inquit Apostolus; Casos
nos publice indemnatos, homines Romanos, mise-
runt in carcerem, & nunc occulte nos eijciunt. Ne
condemnent innocentes, aut nocentes absoluant;
ne pretio, aut gratia, ne odio, aut amore mouean-
tur. Sic enim Moses seniores admonet, quos popu-
li iudices constituerat: Quod iustum est, iudicate,
siue ciuis sit ille, siue peregrinus: nulla erit distan-
tia personarum: ita paruum audietis, ut magnum:
nec accipietis cuiusquam personam, quia Dei iudi-
cium est. De reis autem, & fontibus, uult eos
Deus uerum confiteri: cum ex iudicij formula in-
terrogantur. est enim testimonium, ac prædicatio
quædam, illa confessio laudis, & gloriæ Dei ex ip-
sius Iosue sententia, qui Achan ad ueri confесси-
onem adhortatus inquit: Fili mi da gloriam domino
Deo Israel. Sed quoniam hoc præceptum testes po-
tissimum attingit, de his etiam à Parocho diligen-
ter

AA. 7.

AA. 16.

Deut. 1.

10. 7.

ter agendum erit. nam præcepti uis ea est, ut non solum prohibeat falsum testimonium, sed uerum etiam dici imperet. Est enim in humanis rebus maximus usus ueri testimonij, quod sunt innumerabiles res, quas à nobis ignorari necesse sit, nisi eas ex testium fide cognoscamus. Quare nihil tam necessarium est, quam testimoniorum ueritas in ijs rebus, quas nec ipsi scimus, neque tamen licet ignorare. De quo extat illa sancti Augustini sententia: *Qui ueritatem occultat, & qui prodit mendacium, uterque reus est; ille, quia prodesse non uult; hic, quia nocere desiderat. . . Licet uero interdum uerum tacere, sed extra iudicium. nam in iudicio, ubi testis legitime interrogatur à iudice, uera omnino patefacienda sunt. Quo loco cauendum tamen est testibus, ne suæ memoriæ nimium confisi, quod exploratum non habent, id pro certo affirmant. Reliqui sunt patroni causarum, & aduocati, actores deinceps, & petitores. Illiguntur opera, ac patrocínio suo non deerunt necessarijs hominum temporibus, & egentibus benigne subuenient: tum iniustas causas defendendas non suscipient, neque calumnia lites extrahent, nec alent auaritia. Quod ad mercedem attinet laboris, & operæ suæ, illa iure, & à quo metiantur. Petitores uero, & accusatores monendi sunt, ne cuiquam, amore, aut odio, aut cupiditate aliqua adducti, periculum iniquis criminationibus creent. Iussim hoc denique*

S. Augu.

. 201

S

. 201

. 201

dini-

diuinitus descriptum est pijs omnibus, ut in congressibus, & colloquijs uere semper, & ex animo loquantur; nihil dicant quod alterius existimatio ni possit officere, ne de illis quidem, à quibus ledi se, & exagitari intelligunt; cum illud propositum habere debeant, sibi cum illis eam necessitudinē, & societatem intercedere, ut membra sint eiusmodi corporis. Ut autem libentius hoc mendacij uitium caueant fideles, proponet eis Parochus summam huius sceleris miseriam, ac turpitudinem. Nam in sacris litteris, mendacij pater demon dicitur, quod enim demon in ueritate non stetit, mendax est, & mendacij parens. Adiunget ad eijciendum tantum flagitium ea mala, quæ mendacium consequuntur: & quoniam sunt innumerabilia, fontes, & capita incommodorum, & calamitatum commonstrabit: ac primum in quantam cadat Dei offensionem, quantumue eius odium incurrat homo uanus, & mendax, Salomonis auctoritate declarabit eo loco: Sex sunt, quæ odit Dominus, & septimum detestatur anima eius. Oculos sublimes, linguam mendacem, manus effundentes innoxium sanguinem, cor machinans cogitationes pessimas, pedes ueloces ad currendum in malum, perferentem mendacia, testem fallacem: & quæ sequuntur. Quis igitur ei praestet incolumitatem, qui in insigni odio sit apud Deū, quo minus grauissimis afficiatur supplicijs? Deinde quid impurius, aut scelerius, ut sanctus inquit Iacobus, quam in eadem lingua, qua benedicimus Deū,

Ioa. 8.

Prou. 9.

Iaco. 3.

&

& Patrem, maledicere homines, qui ad imagi-
 nem, & similitudinem Dei facti sunt, ita ut fons
 de eodem foramine emanet dulcem, & amaram
 aquam? Quæ enim lingua prius laudem, & glo-
 riam Deo tribuebat, postea, quantum in ea est,
 eum ignominia afficit, ac dedecore, mentiendo.
 quare fit, ut à caelestis beatitudinis possessione men-
 daces excludantur. Cum enim in hunc modum que-
 reret à Deo Dauid; Domine quis habitabit in taber- Plal. 14.
 naculo tuo? respondit spiritus sanctus; Qui loqui-
 tur ueritatem in corde suo, qui non egit dolum in
 lingua sua. Maximum uero etiam illud in menda-
 cio incommodum est, quòd fere est insanabilis is ani-
 mi morbus. Cum enim peccatum, quod, inferendo
 falso crimine, aut proximi famæ, & existimationi
 obtreſtando, commissum sit, non remittatur, nisi
 calumniator ei, quem criminatus fuerit, satisfaciat
 iniuriarum; id autem difficile fiat ab hominibus,
 primo, ut antea monuimus, pudore, & inani qua-
 dam dignitatis opinione deterritis: qui in eo pecca-
 to sit, hunc addictum esse æternis inferorum pœnis,
 dubitare non possumus. neque enim quisquam spe-
 ret, se calumniarum, uel obtreſtationis ueniam
 consequi posse, nisi prius ei satisfaciat, de cuius di-
 gnitate, & fama aut publice in iudicio, aut etiam
 in priuatis, & familiaribus congressibus aliquid
 detraxerit. Præterea, latissime patet hoc detrimen-
 tum, & in ceteros diffunditur; qua uanitate, & men-
 dacio fides, ac ueritas tolluntur, arctissima uincula

societatis humanæ: quibus sublatis sequitur summa uitæ confusio, ut homines nihil à demonibus differre uideantur. Docebit porro, uitandum esse loquacitatem, Parochus: cuius uitatione & reliqua peccata fugiuntur, & est magna cautio mendacii: à quo uitio loquaces sibi haud facile temperare possunt. Postremo ijs illum errorem eripiet Parochus, qui se in uanitate orationis excusant, & mendacium, prudentium exemplo defendunt: quorum esse aiunt, mentiri in tempore. Dicet id, quod uerissimum est, prudentiam carnis, mortem esse.

Rom. 8.

Hortabitur auditores, ut in difficultatibus, & angustis Deo confidant, neque ad artificium mentendi confugiant. nam illo qui utuntur perfugio, facile declarant, se sua magis niti prudentia, quàm in Dei prouidentia spem ponere. Qui causam sui mendacii conferunt in eos, à quibus sunt mendacio decepti, ij docendi sunt, non licere hominibus se ipsos ulcisci, neque malum malo cõpensandum esse, sed potius uincendum in bono malum: quòd si etiam fas esset, hanc referre gratiam; nemini tamen utile, se suo ulcisci detrimento: esse autem id grauissimum detrimentum, quod mendacio dicendo facimus. Iis, qui afferunt humanæ naturæ imbecillitatem, & fragilitatem, tradendum erit hoc officij præceptum, ut diuinum auxilium implorent, nec infirmitati humanitatis obtemperent. Qui consuetudinem opponunt, admonendi sunt, si mentiri assueuerunt, ut dent operam, ut contrariam consuetudinem

Rom. 12.

tudinem capiant uere loquendi, præsertim cum
 qui usu, & consuetudine peccant, grauius delin-
 quant, quàm cæteri. Et quoniam non desunt, qui se
 tegant excusatione cæterorum hominum, quos pas-
 sim mentiri, & peierare contendunt, hac ratione
 illi ab ea opinione deducendi sunt, non esse imitan-
 dos malos, sed reprehendendos: & corrigendos;
 cum autem ipsi mentimur, minus auctoritatis in re-
 prehensione, & correctione alterius nostram habe-
 re orationem. Alios se ita defendentes, quòd uera
 dicendo, sæpe incommodo sint affecti, sic refellent
 sacerdotes, esse illam accusationem, non defensio-
 nem: cum sit officium Christiani hominis, quamuis
 potius facere iacturam, quàm mentiri. Restant duo
 genera eorum, qui se in mendacio excusent; alteri,
 qui dicant se ioci causa mentiri; alteri, se idem fa-
 cere utilitatis gratia, quippe qui bene nec emerenti,
 nec uenderent, nisi mendacium adhiberent. utros-
 que à suo errore Parochi euertere debebunt. Ac
 superiores quidem illos à uitio abducent, & docēdo
 quantum in eo genere peccandi consuetudinem au-
 geat usus mentiendi: & illud inculcandò, omnis otio
 si uerbis reddendam esse rationem: proximos autem
 hos acerbius etiam obiurgabunt; quorum in excu-
 satione grauior insit illorum ipsorum accusatio, qui
 præferant, se minime illis Dei uerbis fidem & au-
 thoritatem tribuere, Quærite primum regnum Dei,

Matth. 22.

Matth. 5.

& iustitiam eius; & hæc omnia adiicientur uobis.

NON CONCUPISCES DOMVM PROXIMI TVI: NEC DESIDERABIS VXOREM EIVS, NON SERVVM, NON ANCILLAM, NON BOVEM, NON ASINVM. NEC OMNIA QVÆAE ILLIVS SVNT.

In his duobus præceptis, quæ postremo loco tradita sunt, illud in primis sciendum est, rationem fere constitui, qua cætera præcepta seruentur. Nã quod his uerbis præscriptum est, co spectat, ut, si quis studet superioralegis iussa seruare, hoc maxime faciat, ne concupiscat: quoniam qui non concupiscet, suis contentus, aliena nõ appetet, aliorum commodis gaudebit, Deo immortaligloriam tribuet, gratias eidẽ maximas aget, sabbathum colet, idest quiete perpetua fruetur, maioresq; uenerabitur: neminem denique neque re, neque uerbis, neque ullo alio modo lædet. Nam stirps, ac semen malorum omnium est praua concupiscentia; qua qui incensi sunt, præcipientes feruntur in omne flagitiorum, & scelerum genus. His animaduersis, & Parochus in ijs, quæ sequuntur, tradendis diligentior, & fideles ad audiendũ erunt attentiores. Sed quamquam hæc duo præcepta coniunxerimus, propterea quod, cum non dissimile sit eorum argumentum, eandem docendi uiam habent: Parochus tamen & cohortando, & monendo poterit communiter, uel separatim, ut commodius ei uidebitur, ea tractare: sin autem Decalogi interpretandi munus susceperit, demonstrabit, quæ sit

Semen malorum omnium est praua concupiscentia.

fit horum duorum præceptorum dissimilitudo, quidue una concupiscentia ab altera differat, quam differentiam libro questionum in Exodum D. Augustinus declarat. Nam ex ijs altera solum spectat, quid utile sit, quid fructuosum: alteri propositæ sunt libidines, & uoluptates. Si quis igitur fundum, aut domum concupiscit, is lucrum potius & quod utile est, consecretur, quàm uoluptatem: si uero alienam uxorem appetit, non utilitatis, sed uoluptatis cupiditate ardet. Verum horum præceptorum duplex fuit necessitas, altera, ut sexti, septimiq; præcepti sententia explicaretur. nam etsi quodam naturæ lumine intellectum cõt, aliene uxoris potiundæ cupiditatem prohiberi, uetito adulterio; nam si concupiscere liceret, fas item esset potiri: tamen plerique ex Iudæis, peccato obcæcati, in eam opinionem adduci non poterant, ut crederent id à Deo prohibitum esse: immo uero, lata, & cognita hac Dei lege, multi, qui se legis esse interpretes profitebantur, in eo errore uersati sunt: id quod animaduertere liceat ex illo Domini sermone apud sanctum Matthæum; Audistis, quia dictum est antiquis; Non mæchaberis: ego autem dico uobis: & quæ sequuntur. Altera est horum præceptorum necessitas, quòd aliqua distinscte, explicateque uetantur, quæ sexto, & septimo explicate non prohibebantur. nam, exempli causa, septimum præceptum prohibuit, ne quis iniuste concupiscat aliena, aut eripere conetur: hoc autem uetat ne ullo modo quis

Matt. 5.

concupiscat, etsi iure, legeque assequi id possit, ex cuius adeptione proximo damnum importari uideat. Sed illud in primis, ante quam ad præcepti explicationem ueniamus, fideles docendi erunt, nos hac lege non ad id solum institui, ut cupiditates nostras cohibeamus, sed etiam Dei erga nos pietatem, quæ immensa est, cognoscamus. nam cum superioribus legis præceptis nos quibusdam quasi præsidys munisset, ne quis nos ipsos, aut nostra uiolaret; hoc adiuncto præcepto, illud maxime providere uoluit, ne appetitionibus nostris nos ipsi læderemus: quod facile futurum fuit, si omnia cupere, atque optare liberum nobis, atque integrum esset. hac igitur non concupiscendi lege præscripta, illud à Deo prouisum est, ut cupiditatum aculei, quibus ad perniciosam quaque incitari solemus, huius legis ui quodam modo excussi, nos minus urgeant; maiusque propterea temporis spatium nos molesta illa cupiditatum sollicitudine liberati, ad ea præstanda pietatis, & religionis officia habeamus, quæ ipsi Deo multa, maximaque debemus. Neque id solum hæc lex nos docet, uerum etiam illud ostendit, legem Dei eiusmodi esse, quæ non externis solum munerum functionibus, sed etiam intimo animi sensu seruanda sit: hocque inter diuinas, & humanas leges interest; quod hæc rebus tantum externis contentæ sunt; illæ uero, quoniam animum Deus intuetur, ipsius animi puram, sinceramque castitatem, atque integritatem requirunt. Est igitur diuina lex, quasi

quasi speculum quoddam, in quo natura nostra uitia intuemur. quamobrem dixit Apostolus: Con-
 cupiscentiam nesciebam, nisi lex diceret; Non
 concupisces. Cum enim concupiscentia, id est pec-
 cati fomes, qui ex peccato originem habuit, per-
 petuo nobis infixus inhaereat; ex hoc agnosci-
 mus, in peccato nos nasci: quapropter suppli-
 ces ad eum confugimus, qui solus potest pecca-
 ti sordes eluere. Habent autem hæc singula præ-
 cepta illud cum ceteris commune, ut partim a-
 liquid uetent, partim iubeant. Quod ad pro-
 hibendi uim attinet; ne quis forte arbitretur,
 concupiscentiam illam, quæ uitio caret, aliquo
 modo uitium esse, ut concupiscere spiritum aduer-
 sus carnem, uel expetere iustificationes Dei in
 omni tempore, id quod Dauid summopere cu-
 piebat; Parochus doceat, quæ concupiscentia illa
 sit, quam huius legis præscripto fugere oporteat.

Quare sciendum est, concupiscentiam esse commo-
 tionem quandam ac uim animi, qua impulsus ho-
 mines, quas non habent, res iucundas appetunt.
 Et quemadmodum reliqui animi nostri motus non
 perpetuo mali sunt: ita hæc concupiscendi uis non
 semper in uitio est ponenda. neque enim propterea
 malum est, si cibum, aut si potum appetimus:
 aut cum frigemus, si calefcere, aut contra, cum
 calemus, si frigescere cupimus. Et quidem recta
 hæc concupiscendi uis: Deo auctore, nobis à na-
 tura insita est: sed primorum parentum nostrorum.

Ro. 7.

Ro. 7.

Psal. 118.

Concupiscen-
tia quid.

peccato factum est, ut illa naturæ fines transiliens, usque adeo deprauata sit, ut ad ea concupiscenda sæpe incitetur, quæ spiritui, ac rationi repugnant. Quin etiam hæc uis, si moderata est, suisque finibus continetur, sæpe etiam non mediocres utilitates præbet. nam illud primum efficit, ut assiduus precibus Deum oremus, supplicesque ab eo petamus, quæ maxime cupimus. oratio enim cupiditatis nostræ interpretis est. quod si recta hæc concupiscendi uis abesset, non tam multe preces essent in Ecclesia Dei. efficit præterea, ut cariora sint nobis Dei munera. quo enim uehementiori alicuius rei cupiditate flagramus. eo carior illa nobis res est, atque iucundior, cum eam adepti sumus: tum uero delectatio ipsa, quam ex re concupita sentimus, facit, ut maiore pietate gratias Deo agamus. itaque; si concupiscere aliquando licet, fateamur necesse est, non omnem concupiscendi uim prohibitam esse. & quamquam D. Paulus concupiscentiam peccatum esse dixit; id in eam tamen sententiam accipiendum est, in quem Moyses occultus est, cuius ille testimonium affert id, quod ipsius Apostoli oratio declarat. nam illam carnis concupiscentiam uocat in epistola ad Galatas: Spiritu, inquit, ambulate, & desideria carnis non perficietis. Naturalis igitur illa cupiditatis uis, & moderata, quæ fines suos non egreditur. non uetatur, multoque minus spiritualis illa rectæ mentis cupiditas, qua ad eorum appetitionem incitatur, quæ carni repugnant. ad hanc

Oratio est
cupiditatis
nostræ in-
terpres.

Rom. 7.

Exo. 20.

Ad Gal. 5.

hanc ipsam enim sacra littera nos adhortantur: Con-
cupiscite sermones meos. & Transite ad me om-
nes qui concupiscitis me. Itaque hoc interdicto
non ipsa concupiscendi uis, qua tum ad bonum, tum
ad malum uti licet, sed usus prauæ cupiditatis, quæ
carnis concupiscentia, & peccati fomes uocatur,
ac, si animi assensionem adiunctam habeat, semper
in uitij numeranda est, omnino prohibetur. Ergo
ea tantum concupiscendi libido uetita est, quam car-
nis concupiscentiam uocat Apostolus, illi scilicet
concupiscendi motus, qui nullum rationis modum
habent, neque finibus à Deo constitutis continen-
tur. Hæc cupiditas damnata est, uel quia malum
appetit, ueluti adulteria, ebrietates, homicidia,
& alia eiusmodi nefaria scelera, de quibus ita A-
postolus. Non sumus, inquit, concupiscentes ma-
lorum, quemadmodum & illi concupierunt; uel
quia, etsi res natura sua malæ non sunt, causa ta-
men aliunde extat, quare illas concupiscere nefas
sit. quo in genere sunt ea, quæ ne possideamus, De-
us, aut Ecclesia prohibet. non enim ea nobis appe-
tere licet, quæ possidere omnino nefas sit: qualia
olim in ueteri lege fuerunt, aurum, & argentum,
ex quibus idola conflata erant, quæ, Dominus in
Deuteronomio uetuit, ne quis concupisceret. Ob
eam præterea causam hæc cupiditas uitiosa prohi-
betur, quoniam, quæ appetuntur, aliena sunt, ut do-
mus, seruus, ancilla, ager, uxor, bos, asinus, &
alia multa; quæ cum aliena sint, ea concupiscere
uictat

uetat diuina lex. rerumque eiusmodi cupiditas nefaria est, & in peccatis grauissimis numeratur, cum illis concupiscendis animi præbetur assensus. nam tum peccatum natura exiit, cum post malorum cupiditatum impulsu animus rebus prauis delectatur, atque his uel assentitur; uel non repugnat; id quod D. Iacobus, cum peccati originem, & progressionem ostendit, illis uerbis docet: *Vnusquisque tentatur à concupiscentia sua abstractus; & illeſtus: deinde concupiscentia cum conceperit, parit peccatum: peccatum uero, cum consummatum fuerit, generat mortem. Cum igitur lege ita cauetur; Non concupisces; hæc uerba ad eum sensum referuntur, ut nostras cupiditates à rebus alienis cohibeamus; alienarum enim rerum cupiditatis sitis immensa est, atque infinita, neque umquam satiatur, ut scriptum est, Auarus non implebitur pecunia: de quo ita est apud Isaiam: *Vae, qui coniungitis domum ad domum, & agrum agro copulatis. Sed ex singularum uocum explicatione facilius intelligetur huius peccati scditas, & magnitudo. Quare Parochus docebit, Domus uocabulo non locum modo, quem incolimus, sed uniuersam hereditatem significari, ut ex diuinorum scriptorum usu, consuetudineque cognoscitur. In Exodo scriptum est; Obstetricibus à Domino domus esse edificatas. sententia eo spectat, ut illarum facultates ab eo auctas esse, atque amplificatas interpretemur. Ex hac igitur interpretatione animaduertimus, hac præcepti.**

lege

Iaco. 1.

Eccle. 5.
Isa. 5.

Exod. 1.

lege uetitum nobis esse, ne diuitias auide expetamus, neque alienis opibus, potentia, nobilitati inuideamus, sed statu nostro, qualisqualis ille sit, siue humilis, siue excelsus, contenti simus. Alienæ deinde gloriæ appetitione uetitam esse, intelligere debemus. nam hoc item ad domum pertinet. Quod uero sequitur. Non bouem, non asinum; id ostendit, non solum, quæ magna sunt, ut domus, nobilitas, & gloria, ea cum aliena sint, concupiscere nobis non licere, sed etiam parua, qualia illa sint, siue animata, siue inanimata. Sequitur deinceps. Neque seruum. quod intelligendum est tam de captiuis, quàm de reliquo genere seruorum; quos, ut cetera alterius bona, concupiscere non debemus. Liberos uero homines, qui uoluntate seruiunt, uel mercede conducti, uel amore, obseruantiaque impulsæ, nullo modo neque uerbis, neque spe, neque pollicitationibus, neque præmijs quis corrumpere, aut sollicitare debet, ut eos deserant, quibus se ipsi sponte addixerunt: immo uero, si ante id tempus quo se illorum famulatu fore promiserant, ab illis recesserint, huius præcepti auctoritate admonendi sunt, ut ad eos ipsos omnino reuertantur. Quod autem in præcepto mentio fit proximi, id eo pertinet, ut hominum uitium demonstretur, qui uicinos agros, aut proximas domos, aut alienam rem eiusmodi, quæ secum continens sit, appetere solent. Vicinitas enim, quæ in parte amicitia ponitur, ab amore ad odium, cupiditatis uitio, traducitur.

Hoc

Hoc uero præceptum ij minime uiolant, qui res, quas proximi uenales habent, emere de illis cupiunt, aut iusto pretio emunt. ij enim non modo proximum non ledunt, sed ualde adiutant, cum ei pecunia maiori commodo, usuique futura sit, quam res illa, quas ipse uenditat. Hanc de re aliena non concupiscenda legem altera sequitur, quæ prohibet, ne alienam concupiscamus uxorem. quæ lege concupiscendi libido non ea quidem tantum prohibita censetur, qua adulter alterius uxorem appetit, sed etiam, qui affectus aliquis alterius uxorem in matrimonium ducere concupiscit. eo enim tempore, cū repudiij permittebatur libellus, illud facile euenire poterat; ut quæ ab uno repudiata esset, eam alter uxorem acciperet. at hoc Dominus uetuit, ne aut mariti ad uxores relinquendas sollicitarentur; aut uxores maritis difficiles se, ac morosas ita præberent, ut eam ob causam quedam quasi necessitas uiris imponeretur illas repudiandi. nunc uero grauius est peccatum, cum mulierem, etiam si à uiro repudiata sit, alteri in matrimonium ducere non liceat, nisi marito mortuo. itaque qui alterius uxorem concupiscet, facile ex una in aliam incidet cupiditatem: aut enim illius uirum mori, aut adulterium admittere cupiet. atque hoc idem de ijs mulieribus dicitur, quæ alteri desponsatæ sunt. neque enim has item concupiscere licet; cum ij, qui hæc pacta rescindere student, uiolent sanctissimum fidei iædus. & quemadmodum, quæ alteri nupta est,

eam

eam concupiscere omnino nefas est: sic, quæ ad Dei cultum, religionemq; est consecrata, nullo pacto licet illam uxorem appetere. Si uero quis mulierẽ, quæ nupta est, cum eam innuptam esse opinetur, uxorem sibi dari concupiscit, neque, si in matrimonio aliq collocatam intelligeret, eam nuptam sibi dari cuperet, id quod Pharaoni, & Abimelech contigisse legimus, qui Saram in matrimonio habere concupierunt, cum eam minime nuptam, Abrahamque sororem, non uxorem, arbitrarentur; ille certe, qui eo animo est, eiusmodi præcepti legem uiolare non uidetur.

Gen. 12. 20.

Sed ut Parochus remedia patefaciat, quæ ad tollendum hoc cupiditatis uitium accommodata sunt, explicare alteram præcepti rationem debet; quæ in eo consistit, ut, si diuitiæ affluant, cor non apponamus, easque pietatis, & diuinarum rerum studio abicere paratissimus, & in subleuandas pauperum misérias libenter pecuniam erogemus: si desint facultates, egestatem æquo, & hilari animo feramus. & quidem si rebus nostris dandis liberalitate utemur rerum alienarum cupiditates reslinguemus. De paupertatis autem laudibus, diuitiarumque despicientia, in sacris litteris, & apud sanctos Patres facile erit Parochus multa colligere, & fidei populo tradere. Hac item lege præcipitur, ut ardenti studio, summaque cupiditate optemus id potissimum effici, non quod nos concupiscimus, sed quod Deus uult, quemadmodum Domini oratione exponitur

Remedia ad
uersus noxi-
as concupi-
scentias.

S

tur. Voluntas autem Dei in eo maxime est, ut nos singulari quodam modo sancti efficiamur, animūq; nostrum sincerum, atque ab omni labe purum, integrumque conseruemus, & exerceamus nos in ijs mentis, ac spiritus officijs, quæ corporis repugnant sensibus; horumque edomitis appetitionibus, ratione, ac spiritu duce, rectum uitæ cursum teneamus; quæ præterea sensus materiam cupiditatibus nostris, libidiniq; præbent, eorum uim maxime reprimamus. Sed ad hunc cupiditatum ardorem restinguendum, plurimum etiam hoc potest, si, quæ incommoda ex illis accidunt, ea nobis ob oculos proponamus. Primum uero illud incommodum est, quod, quoniam eiusmodi cupiditatibus paremus, in anima nostra regnat sūma peccati uis, ac potestas. quamobrem monuit Apostolus; Non regnet peccatum in uestro mortali corpore, ut obediatis concupiscentijs eius. Nam quemadmodum, si cupiditatibus resistimus, peccati uires concident: ita, si ijsdem succumbimus, Dominum à regno suo expellimus, & in eius locum in peccatum introducimus. Alterum præterea incommodum est, quod ab hac concupiscendi ui; ueluti fonte quodam, omnia peccata manant, ut D. Iacobus docet. D. item Ioannes, Omne, inquit, quod est in mundo, concupiscentia carnis est, & concupiscentia oculorum, & superbia uitæ. Tertium incommodum in eo est, quoniam rectum animi iudicium his cupiditatibus obscuratur. homines enim his cupiditatum tenebris obteati

Incommoda orientia
ex praua cō
cupiscētia.

Rom. 6.

Iacob. 1.
1. Ioan. 2.

obscureti, honesti, & præclara putant omnia, quacumq; ipsi concupiscunt. Opprimitur præterea concupiscendi uerbum Dei, quod in animis nostris à magno illo agricola Deo insitum est: sic enim apud D. Marcum scriptum est: Alij sunt, qui in spinis seminantur: hi sunt, qui uerbum audiunt, & arumna sæculi, & deceptio diuitiarum, & circa reliqua concupiscentiæ introeunt, suffocant uerbum; & sine fructu efficitur. Iam uero qui præ cæteris hoc cupidi-
 tatis uitio laborant, quosque propterea Parochus ad colendum hoc præceptum diligentius cohortari debet, illi sunt, qui lusionibus non honestis delectantur, aut qui ludis immoderate abutuntur: mercatoresq; item qui rerum penuriam annonæq; caritatē expetunt, atque id agre ferunt, ut alij præter ipsos sint, qui uendant, aut emant, quo carius uēdere, aut uilius emere ipsi possint: qua in re item peccant, qui alios egere cupiunt, ut aut uendendo, aut emendo ipsi lucrentur. Peccant etiam milites, qui bellum expetunt, ut furare ipsis liceat: medici item, qui morbos desiderant: iure consulti, qui causarum, litiumq; uim, copiamq; concupiscunt: tum artifices, qui questus auidi, omnium, quæ ad uictum, cultumq; pertinent, penuriā exoptant, ut inde plurimū lucrifaciant. In hoc præterea genere grauiter ij peccant, qui alienæ laudis, gloriæque auidi, atque appetentes sunt, non sine aliqua famæ alterius obtrectatione, idque præsertim, si, qui illam appetunt, ignaui, nulliusq; pretij homines sunt: fama enim & gloria,
 uirtu-

Marc. 6.

I

uirtutis, atque industriæ, non ignauia, aut inertia,
præmium est.

DE ORATIONE.

IN OFFICIO, & munere Pastorali cū primis necessaria est ad salutem fidelis populi, præceptio Christianæ precatationis; cuius uim, ac rationem multos necesse est ignorare, nisi pia, & fidei Pastoris diligentia tradita sit. Quamobrè præcipua Parochi cura uersari debet in eo, ut pij auditores intelligant, quid à Deo, & quo modo orandū sit. Omnes autem necessariae præcatationis numeros cōtinet diuina illa formula, quā Christus dominus Apostolis, & per illos eorūq; successores, omnibus deinceps, qui Christianā religionē susciperent, notam esse uoluit. cuius uerba, atque sententias sic animo ac memoria comprehendere oportet, ut in promptu habeamus. Ut autem in hac orandi ratione suppeditet. Parochis facultas instituendi fideles auditores; quæ magis opportuna uisa sunt, hic proposuimus, sumpta ab ijs scriptoribus, quorum eo in genere doctrina, et copia maxime laudatur: nam reliqua, si opus fuerit, Pastores ex iisdem fontibus haurire poterunt.

DE NECESSITATE ORATIONIS.

Primum igitur docendum est, quàm sit oratio necessaria; cuius præceptum nō solum consilij causa tradi-

traditum est; sed etiam necessarij iussu uim habet: quod à Christo domino declaratum est illis uerbis. Oportet semper orare. Hanc orandi necessitatem ipsa, etiam illo dominicæ præcationis quasi proæmio, ostendit Ecclesia: Præceptis salutaribus muniti, & diuina institutione formati, audemus dicere. Itaque cum esset necessaria præcatio Christianis hominibus, & illud à discipulis rogatus esset Dei filius; Domine doce nos orare; & præscripsit eis orandi formam, & spem attulit impetrationis eorum, quæ postularent; & ipse documentum fuit præcationis, qua non solum utebatur assidue, sed etiam in ea pernoctabat. cuius deinde officij ijs, qui se ad Iesu Christi fidem contulissent, apostoli præcepta tradere non destiterunt. nam sancti & Petrus, & Ioannes, de ea diligentissime pios admonent; & eius rationis memor. Apostolus pluribus locis Christianos hortatur ad salutarem orandi necessitatem. Præterea, tam multis indigemus bonis, & commodis, ad animum, & corpus tuendum necessarijs, ut ad præcationem confugere oporteat, tamquam ad unam omnium optimam, & indigentia nostræ interpretem, & conciliatricem eorum, quibus egemus. Nam, cum nihil cuiquam debeat Deus; reliquum profecto est, ut, quæ nobis opus sunt, ab eo precibus expetamus: quas preces tamquam instrumentum necessarium nobis dedit ad id, quod optaremus, consequendum: præsertim cum quedam esse constet, quæ nisi eius adiumento non

Luc. 18.

Luc. 11.

Luc. 6.

1. Pet. 3. 4.

2

Mat. 17.

liceat impetrare. Habent enim sacra preces præstantem illam uirtutem, qua maxime demones eijciuntur. Est enim quoddam demoniorum genus, quod non eijcitur nisi ieiunio, & oratione. Quare magnam sibi adimunt facultatem singularium donorum, qui hanc consuetudinem, exercitationemq; non adhibent, pie ac diligenter orandi petitione enim non solum honesta, sed etiam assidua opus est ad impetrandum, quod concupiscas. Nam, ut inquit S. Hieronymus, scriptum est: Omni petenti datur. ergo si tibi non datur, oh id non datur, quia non petis: petite ergo, & accipietis.

DE UTILITATE ORATIONIS.

Fructus orationis.

Psal. 140.

Habet autem hæc necessitas iucundissimam utilitatem, quæ fructus ex se edit uberrimos: quorum copiam sument Pastores à sacris scriptoribus, cum opus erit illos impertiri fidei populo: nos ex ea copia aliquot elegimus, quos huic tempori accommodatos duximus. Primus autem fructus, quem inde capimus, est is, quod orantes Deo honorem habemus; si quidem est quoddam religionis argumentum oratio, quæ in diuinis litteris thymiamati comparatur: Dirigatur enim, inquit Propheta, oratio mea, sicut incensum in conspectu tuo. Quare nos hac ratione Deo subiectos esse profiteamur; quem bonorum omnium auctorem agnoscimus, & predicamus, in quem solum spectamus, quod unum incolumitatis, salutisque presidium, atque

persu-

persugium habemus. Huius fructus illis etiam uer-
 bis admonemur: Inuoca me in die tribulationis; Psal. 49.
 eruiam te, & honorificabis me. Sequitur fructus
 amplissimus, & iucundissimus orationis, cum à Deo
 preces audiuntur: est enim, ex S. Augustini sen-
 tentia, cæliclaus oratio. Nam ascendit, inquit, S. Augu.
 precatio, & descendit Dei miseratio: licet alta sit Oratio est
 terra, altum cælum, audit tamen Deus hominis claus cæ-
 linguam. Cuius orandi muneris tanta uis est, tanta
 utilitas, ut ea re cælestium donorum amplitudinem
 consequamur. Nam & impetramus nobis, ut du-
 cem, & adiutorem adhibeat spiritum sanctum:
 & fidei assequimur conseruationem, & incolumi-
 tatem, & uitationem pœnarum, & diuinum pa-
 trocinium in tentationibus, & ex Diabolo uicto-
 riam. omnino inest in precatione singularis gaudiij cu-
 mulus, quamobrem sic loquebatur Dominus:
 Petite, & accipietis, ut gaudium uestrum sit ple- Ioan. 16.
 num. Nec uero, quin huic petitioni præsto sit, &
 occurrat Dei benignitas, ullus relictus est dubitan-
 di locus: quod multa comprobant diuinæ scripturæ
 testimonia: quæ quia sunt in promptu, illa modo
 apud Isaiam exempli causa attingemus. Tunc. n. in-
 quit, inuocabis, & Dominus exaudiet: clamabis & Isa. 58.
 dicet, ecce adsum. & rursus: Eritq; antequam cla-
 ment ego exaudiam: adhuc illis loquentibus ego au-
 diam. Exempla autem eorum, qui Deū exorauerunt,
 quia propemodum sunt & infinita et posita ante ocu-
 los, omittimus. At interdū fit, ut quæ petimus, à Deo

non impetremus. ita est: sed tum maxime prospicit utilitati nostræ. Deus: uel quod alia nobis maiora, & ampliora bona impertitur: uel quod nec necessarium nobis est, nec utile, quod petimus: immo uero fortasse molestum id futurum sit, si dederit, atque pestiferum. Quedam enim, inquit sanctus Augustinus, negat propitius Deus, quæ concedit iratus. Nonnumquam etiam fit, ut adeo remisse, ac negligenter oremus, ut ne ipsi quidem, quid dicimus, attendamus. Cum autem sit oratio, mentis ascensus ad Deum: si in orando animus, qui ad Deum referri debet, peregrinatur, nulloque studio, nulla adhibita pietate, temere precationis uerba funduntur; quo modo inanem huius orationis sonitum, Christianam precationem esse dicemus? Quare minime mirum est, si Deus nostræ non obsequitur uoluntati: cum uel ipsi nolle id nos, quod petimus, pene probemus, nostræ negligentia & ignorance precationis: uel postulemus ea, quæ nobis sunt obsutura. Contra uero scienter, ac diligenter petentibus multo plus tribuitur, quam à Deo postulauerint. quod & Apostolus testatur in epistola ad Ephesios: & illa prodigi filij similitudine declaratur, qui præclare secum actum esse existimaturus fuit, si in loco mercenarij famuli eum habuisset pater. etsi recte cogitantibus, non solum posulantibus nobis cumulat gratiam suam Deus, non modo munerum copia, sed etiam celeritate tribuendi quod ostendunt diuinae litteræ, cum illa utun-

tur

tur loquendi formula: Desiderium pauperum exaudiuit Dominus. intimis enim, & tacitis egentium studiis, ne expectata quidem eorum uoce, Deus occurrit. Accedit eo etiam ille fructus, quod orando animi uirtutes & exercemus, & augemus, maxime uero fidem. ut enim rite illi non orant, qui fidem Deo non habent: Quo modo enim, inquit, inuocabunt, in quem non crediderunt? sic fideles, quo studiosius orant, eo maiorem, ac certiore fidem habent diuinæ curæ, & providentiæ, quæ potissimum id requirit à nobis, ut ad se de ijs, quæ nobis opus sunt, referentes, omnia postulemus. Posset uero Deus non petentibus, ne cogitantibus quidem, abunde nobis omnia dilargiri, quo modo & animantibus rationis expertibus cuncta suppeditat ad usus uitæ necessarios; sed beneficentissimus parens uult à filiis inuocari; uult nos quotidie rite petendo, peterè fidentius: uult, impetratis ijs, quæ postulamus, in dies magis testificari, ac prædicare suam in nos ipsos benignitatem. Amplificatur etiam charitas: nam illum auctorem agnoscentes omnium bonorum, utilitatumque nostrarum, quantæ eum possumus maxima charitate amplectimur: & ut amantes, colloquio & congressu magis ad amorem incenduntur; sic pii homines, quo sæpius Deo facientes præcès, & eius implorantes benignitatem, quasi cum ipso colloquuntur; eo maiori in singulas preces affectu lætitia, ad eum amandum & colendum incitantur ardentius. Propte-

Psalm. 9.

Rom. 10.

S

rea nos hac uti uult. exercitatione precationis, ut
flagrantes petendi studio quod optamus, tantum
ea assiduitate, & cupiditate proficiamus, ut digni
simus, in quos illa conferantur beneficia, quæ antea
ieiunus, & angustus animus noster capere non po-
terat. Vult præterea nos id, quod est, intelligere,
ac præ nobis ferre. si gratiæ caelestis auxilio defera-
mur, nostra opera nihil consequi posse, propterea-
que toto animo ad orandum incumbere. Valent au-
tem maxime hæc tamquam orationis arma contra
naturæ nostræ hostes acerrimos; ait enim sanctus Hi-
larius: Aduersus Diabolum, armaque eius orationum
nostrarum sonitu certandum est. Præclarum præte-
rea illum orationis fructum assequimur, quod cum
proclines simus ad malum, & ad libidinis uarios ap-
petitus uitio infirmitatis ingenitæ, patitur, se nostris
cogitationibus concipi; ut, dum illum oramus, & me-
reri eius contendimus munera, accipiamus inno-
centiæ uoluntatem, & ab omni labe, delictorum om-
nium amputatione, purgemus. Postremo ex sancti
Hieronymi sententia, iræ diuinæ resistit oratio. itaque
sic ad Moysen locutus est Deus; Dimitte me: dum
quidem pœnas eum ab illo populo petere uolentem,
precibus impediret: nihil enim est, quod æque Deum
leniat iratum, aut etiam paratum ad plagas scele-
ratis inferendas, æque retardet, & reuocet à fu-
rore, ac preces piorum hominum.

Exod. 32.

DE

DE PARTIBVS, ET GRADIBVS ORATIONIS.

Exposita necessitate, & utilitate Christianæ precationis, scire præterea oportet fidelem populum, quot, & quibus partibus ea constet oratio: id enim ad huius officij perfectionem pertinere testatur Apostolus; qui in epistola ad Timotheum; 1. Tim. 1.
 cohortans ad pie, sancteq; orandum, orationis partes diligenter enumerat: Obsecro, inquit, primum 1. Tim. 2.
 omnium fieri obsecrationes, orationes, postulationes, gratiarum actiones pro omnibus hominibus. Quod uero subtilis quædam est harum differentia partium; si eius explicationem auditoribus Parochi conducere existimabunt. consulent sanctos scriptores, præcipue S. Hilarium, & Augustinum. Sed quoniam duæ sunt præcipue partes orationis, postulatio, & gratiarum actio; à quibus, tamquam à capite, manant reliquæ; minime eas prætermittendas duximus. Nam ad Deum accedimus, ut, cultum ei, ac uenerationem adhibentes, uel ab eo aliquid impetremus, uel ipsi de beneficijs quibus assidue ab eius benignitate ornatur, & augemur; gratias agamus. Utramque hanc, maxime necessariam, partem orationis, Deus ipse pronunciauit ore Davidis, illis uerbis; In Psal. 49.
 noca me in die tribulationis; eruam te, & honorificabis me. Quantum autem egeamus diuinæ liberalitatis, ac bonitatis; quis ignorat, modo summam hominum egestatem, & miseriam

intueatur? Quàm uero sit propensa Dei uoluntas in genus humanum, quàm effusa in nos benignitas, omnes intelligunt, qui sensu oculorum, & mente præditi sint. Nam quocumque oculos conuertimus, quocumque nos cogitatione conuertimus, nobis admirabilis lux diuinæ beneficentiæ, ac benignitatis oboritur. Quid enim habent homines, quod à Dei largitate profectum non sit? & si omnia sunt eius dona, ac munera bonitatis; quid est, quod non omnes pro uiribus beneficentissimum Deum laudibus celebrent, & gratiarum actione prosequantur? Sed utriusque officij, & petendi aliquid à Deo, & ei gratias agendi, multi sunt gradus: quorum alius alio est altior, atque perfectior. Vt igitur fidelis populus non solum orett, sed etiam optime fungatur illo munere orationis, proponet ei Pastores summam perfectamque orandi rationem, & ad eam quàm diligentissime poterunt, hortabuntur. Sed qui nam est optimus orandi modus, & summus precationis gradus? nempe is, quo pii, & iusti homines utuntur; qui freti ueræ fidei stabili fundamento, quibusdam optimæ mentis orationisque gradibus in illum locum perueniunt, ex quo infinitam Dei potentiam, immensam benignitatem, ac sapientiam contemplari possunt: ubi etiam in spem certissimam ueniunt, se & quidquid petierint in præsentia, & illam inexplicabilium bonorum uim consecuturos esse, quæ pollicitus est Deus largiturum se ijs, qui diuinum auxilium pie, & ex animo implorarint.

His,

His, quasi duabus alis, elata in celum anima ardenti studio peruenit ad Deum: quem omni gratiarum & laudum honore prosequitur; quod summis ab eo beneficijs affecta sit; tum uero singulari adhibita pietate, ac ueneratione, quasi filius unicus carissimo parenti, quod sibi sit opus, non dubitanter exponit. Quem precandi modum, effundendi uoce, exprimunt diuinæ litteræ. inquit enim Propheta: Effundo in conspectu eius orationem meam, & tribulationem meam ante ipsum pronuncio. Quæ uox eam uim habet, ut nihil reticeat, nihil occultet, sed effundat omnia is, qui ad orandum uenit, fidenter confugiens in sinum amantissimi parentis Dei. ad id enim nos doctrina cælestis hortatur illis uerbis: Effundite coram illo corda uestra: & Iacta super Dominum curam tuam. Hunc autem precationis gradum significat sanctus Augustinus, cum inquit in eo libro, qui inscriptus est Enchiridion; Quod fides credit, spes & charitas orat. Alius est eorum gradus, qui mortiferis peccatis oppressi, fide tamen ea, quæ mortui dicitur, nituntur sese erigere, & ad Deum ascendere, sed propter inter mortuas uires, summamque fidei imbecillitatem, se altius à terra tollere non possunt: uerum tamen sua peccata recognoscentes, & eorum conscientia, ac dolore cruciati, humiliter, ac demisse, ex illo maxime longinquo loco pœnitentes, scelerum à Deo ueniam, & pacem implorant. horum oratio suum obtinet locum apud Deum. nam eorum preces audiuntur

Psal. 141.

Psal. 61.
Psal. 34.

Math. 11.

tur, immo uero huiusmodi homines. liberalissime
 misericors Deus inuitat: Venite, inquit, ad me om-
 nes; qui laboratis, & onerati estis, & ego resi-
 ciam uos. Ex horum hominum numero fuit ille pu-
 blicanus, qui cum oculos ad cælum tollere non au-
 deret, exijt tamen, inquit, e templo magis iustifi-

Luc. 18.

catus, quàm phariseus. Est præterea eorum gra-
 dus, qui nondum fidei lucem acceperunt; uerumta-
 men, diuina benignitate exiguum illorum naturæ
 lumen accendente, uehementer excitantur ad stu-
 dium, cupiditatemq; ueritatis; quam ut docean-
 tur, summis precibus petunt: qui si manent in uo-
 luntate, à Dei clementia eorum studium non re-

Act. 10.

pudiatur. Quod exemplo Cornelij Centurionis
 comprobatum uidemus. nemini enim, id ex animo
 petenti, clausæ sunt fores diuinæ benignitatis. Po-
 stemus est gradus eorum, quos non modo faci-
 norum, ac flagitiorum non pœnitentes; sed etiam
 sceleribus scelera cumulantes, tamen non pudet
 sepe à Deo petere peccatorum ueniam, in quibus
 uolunt perseuerare; qui tali statu ne ab hominibus
 quidem audere deberent, ut sibi ignoscerent, po-
 stulare. horum oratio à Deo non auditur. sic enim
 de Antiocho scriptum est; Orabat autem hic sce-
 lestus Dominum, à quo non esset misericordiam con-
 secuturus. Quare uehementer hortandi sunt, qui
 in grami illa miseria uersantur, ut, abiecta peccan-
 di uoluntate, uere & ex animo se conuertant ad
 Deum.

1. Mach. 9.

DE IIS, QUAE PETEN-
DA SUNT.

Sed quoniam, singulis petitionibus quid postulandum, quid non, suo loco dicetur; satis hic erit fideles uniuerse illud admonere, ut quae iusta, quae ue honesta sint, à Deo petant homines: ne, si contra quam de ceat, aliquid postularint, illo responso repellantur; Nescitis, quid petatis. Quidquid autem recte optari potest, petere licet: quod illa Domini uberrima promissa testantur: Quodcumque uolueritis, petetis, & fiet uobis: omnia enim se concessurum pollicetur. quare primum optatum, ac desiderium nostrum ad eam regulam dirigemus, ut ad Deum, qui summum est bonum, summum studium, desideriumq; referatur. Deinde cupiemus ea, quae cum Deo nos maxime coniungant: quae uero nos inde seiungant, aut causam aliquam afferant disiunctionis, ab omni studio & cupiditate nostra remouenda sunt. Hinc licet colligere secundum illud summum, & perfectum bonum, quo modo reliqua, quae dicuntur bona, & optanda sunt, & à parente Deo postulanda. Nā hae corporis quae uocant, & externa bona; ut sanitas, robur, pulchritudo, diuitiae, honores, gloria: quia facultatē, ac materiā saepe dant peccato, (qua re fit, ut non omnino pie, aut salutariter petantur) erit illa petitio his praescribenda finibus, ut hae uitae commoda postulentur necessitatis causa: quae precandi ratio refertur ad Deum. Licet enim nobis ea precibus petere

Matth. 20.

Ioan. 15.

- Gen. 28.** petere, quæ & Iacob, & Salomon postularunt. ille enim in hunc modum: Si dederis mihi panem ad uescendum, & uestimentum ad induendum, erit mihi dominus in Deum. Salomon his uerbis: Tribue tantum uictui meo necessaria. Cum uero nobis Dei benignitate suppetitur ad uictum, & ad cultum par est, nos illius Apostoli cohortationis recordari; Qui emunt tam quam non possidentes, & qui utuntur hoc mundo, tamquam non utantur: præterit. n. figura huius mundi. Item: Diuitiæ si affluant, nolite cor apponere. quarum fructum, & usum tantummodo nostrum esse, sed ita, ut cum cæteris communicemus; ab ipso doctore Deo didicimus. Si ualemus; si reliquis externis, & corporis bonis abundamus; eo illa nobis tributa esse meminerimus, & facilius Deo inseruire possimus, & proxime omnia eius generis commodare. Ingenij autem bona, & ornamenta, cuius generis sunt artes; atque doctrinæ, petere non licet, sed ea tantum condicione, si nobis ad Dei gloriam, & ad salutem profutura sunt. Quod autem omnino, & sine adiunctione, aut condicione optandum, quærendum, postulandum est, quemadmodum antea diximus, id Dei gloria est, & deinceps omnia, quæ summo illi bono coniungere nos queant, ut fides, timor Dei, amor, de quibus plenius dicemus in explicatione petitionum.

PRO QUIBUS ORANDVM SIT.

His autem cognitis, quæ petenda sint, docendum est

est fidelis populus, pro quibus orare debeat. Continet autem oratio petitionem, & gratiarum actionem. quare prius de petitione dicamus. Orandum igitur est pro omnibus sine ulla exceptione uel inimicitarum, uel gentis, uel religionis. nam siue hostis sit, siue alienus, siue infidelis, proximus est, quem quia Dei iussu amare debemus, sequitur, ut preces quoque, quod amoris officium est, pro eo facere oporteat. nam eo pertinet illa, Apostoli exhortatio: Obsecro fieri orationes pro omnibus hominibus. Qua in oratione primum petenda sunt, quae salutem animae complectuntur, deinde quae corporis. Debemus autem hoc precationis officium primum Pastoribus animarum tribuere, quod ab Apostolo eius exemplo monemur, scribit enim is ad Colossenses, ut orent pro se, ut sibi Deus aperiat ostium sermonis, quod item facit ad Thessalonicenses. Est praeterea in Actis apostolorum: Oratio fiebat sine intermissione ab Ecclesia pro Petro. Cuius etiam officij à D. Basilio in libris de moribus admonemur: pro ijs enim orandum esse, inquit, qui praesunt uerbo ueritatis. Secundo loco pro principibus nos precari oportet, ex eiusdem Apostoli sententia. quanto enim publico bono principibus pijs, & iustis utamur, nemo ignorat. itaque rogandus est Deus, ut tales sint, quales esse oportet, qui reliquis hominibus praesunt. Extant exempla sanctorum hominum, quibus monemur, ut pro bonis etiam, pijsque deprecemur. Egent enim & illi precibus aliorum; quod

2. Tim. 2

1. Tim. 2

Ad Col. 4

Act. 12

Matt. 5.

quod diuinitus factum est, ne superbia efferantur, dic
intelligunt se inferiorum suffragiis indigere. Iussit
præterea Dominus precari pro persequentibus, et co
lumniantibus nos. Illud etiam S. August. testimonio
celebratum est, hanc esse acceptam consuetudinem ab
apostolis pro ijs, qui ab Ecclesia sunt alieni, pre
ces, & uota faciendi, ut infidelibus donetur fides: ut
idolorum cultores ab impietatis errore liberentur: ut Iu
dæi, discussa animorum caligine, lucem ueritatis acci
pian: ut hæretici redeuntes ad sanitatem, catholicæ
doctrinæ præceptis erudiantur: ut schismatici, à qua
desciuerunt sanctissimæ parentis Ecclesiæ communio
ne, cum ea iterum ueræ charitatis modo iuncti copu
lentur. Quantā autē uim habeant preces pro huius
modi hominibus factæ ex animo, constat tam mul
tis exemplis omnis hominum generis, quos quoti
die, ereptos à potestate tenebrarum, transfert Deus
in regnum filij charitatis suæ; & ex uasis iræ, fa
cit uasa misericordiæ: in quo plurimum ualere pio
rum obsecrationem, nemo, qui recte sentiat, dubi
tare potest. Preces autem, quæ pro mortuis fiunt,
ut ab igne Purgatorij liberentur, ex apostolorum
doctrina fluxerunt: quæ de re satis dictum est, cum
de sacrificio Missæ loqueremur. In ijs autem, qui
peccare dicuntur ad mortem, uix quidquam pre
cibus, uotisq; proficitur. Veruntamen est Christianæ
charitatis, & precari pro illis, & lacrymis contende
re, an eis possint reddere pacatū Deum. Execratio
nes uero sanctorum hominum, quibus in impios utuntur

Orandum
pro mor
tuis.

ex patrū sentētia, constare esse uel pradiſtiones eorū,
quæ illis euentura sunt, uel adhibitæ cōtra peccatū,
ut, saluis hominibus, peccati uis intereat. In altera
parte præcationis, maximas Deo gratias agimus pro
diuinitis eius, immortalibusq; beneficis, quibus &
semper affectu, & quotidie afficit humanum genus.
Maximè autem fungimur hoc munere gratiarum a-
ctionis sanctiorum omnium causa, quo in officio singula-
res Deo laudes tribuimus, & eorū uictoris, & triū-
phi, quæ de omnibus & intimis, & externis hostibus
eius benignitate deportarunt. Huc pertinet prima il-
la pars Angelicæ salutationis, cum ea ad precandū
utimur. *Aue Maria gratia plena: Dominus tecum:*
benedicta tu in mulieribus. Nam Deum summis &
habendis laudibus, & gratus agendis celebramus,
quod sanctissimā uirginem omni celestium donorum
munere cumulauit; ipsiq; uirgini singularem illam
gratulamur felicitatem. Iure autē sancta Dei Eccle-
sia huic gratiarum actioni preces etiam & implora-
tionē sanctissimæ Dei matris adiunxit, qua piè atque
suppliciter ad eā confugeremus, ut nobis peccatori-
bus sua intercessione conciliaret Deum, bonaq; tum
ad hanc, tum ad eternā uitā necessaria impetraret.
Ergo nos exules, filij Eue, qui hanc lacrymarū ual-
lē incolimus, assidue misericordie matrem, ac fidelis
populi aduocatam inuocare debemus, ut oret pro no-
bis peccatoribus, ab eaq; hac prece opē & auxiliū
implorare, cuius & præstātissima merita apud Deū
esse, & summam uoluntatem iuuandi humanum ge-
nus, nemo, nisi impie & nefarie, dubitare potest.

QVIS ORANDVS SIT.

Psal. 49.

Deum autem orandum esse, & eius nomen inuocandum, ipsa loquitur natura uis, insita in hominum mentibus, non solum tradunt diuine litteræ, in quibus licet audire imperantem Deum, Inuoca me in die tribulationis: sed Dei nomine tres personas intelligi oportet. Secundo loco confugimus ad auxilia sanctorum, qui in celo sunt: quibus etiam preces esse faciendas, ita certum est in Ecclesia Dei, ut pijs nulla de eo dubitatio possit accidere. quæ res quia separatim suo loco est explicata; eo & Parochos, & ceteros reuicemus. sed ut tollatur omnis error imperitorum, operæpretium erit docere fidelem populum, quid intersit inter hanc inuocandi rationem. non enim eodem modo Deum, & sanctos imploramus. nam præcamur Deum, ut ipse uel bona det, uel liberet à malis: à sanctis autem, quia gratiosi sunt apud Deum, petimus, ut nostri patrociniū suscipiant, ut nobis à Deo impetrēt ea, quorum indigemus. hinc duas adhibemus precandi formulas, modo differentes. ad Deum enim proprie dicimus, Miserere nobis. Audi nos: ad sanctum, Ora pro nobis. Quamquam licet etiam alia quadam ratione petere à sanctis ipsis, ut nostri misereantur: sunt enim maxime misericordes. itaque precari possumus eos, ut, conditionis nostræ miseria permoti, sua nos apud Deum gratia, ac deprecatione inuent. Quo loco illud maxime cauendum est omnibus, ne, quod Dei proprium

prium est, cuiquam præterea tribuant, immo uero, cum ad imaginem sancti alicuius quis Domini-
cam orationem pronunciat, ita tum sentiat, se ab
illo petere, ut secum oret, sibi que postulet, ea, quæ
Dominicæ orationis formula continentur, & sui
denique sit interpres, & deprecator ad Deum. nam
eos hoc fungi officio docuit sanctus Ioannes Aposto-
lus in Apocalypsi.

Apoc. 8.

DE PRÆPARATIONE

ADHIBENDA.

Est in diuinis litteris: Ante orationem præpara Eccle. 18.
animam tuam, & noli esse quasi homo, qui tentat
Deum. Tentat enim Deum is, qui cum bene orat,
male agit, & cum loquatur cum Deo à precibus
animus eius aberrat. Quare cum tanti inter sit,
quo quisque animo Dea preces faciat, tradant Pa-
rochi uias precationum pijs auditoribus. Primus
igitur gradus ad orationem erit, uere humilis, ac
demissus animus, scelerum quoque recognitio; qui-
bus sceleribus intelligat, qui ad Deum accedit, se
non modo dignum non esse, qui quidquam impetret
à Deo, sed qui ne in eius quidem conspectum ueniat
oraturus. Huius præparationis sæpiissime mentio-
nem faciunt diuinæ litteræ: quæ & illud loquuntur:
Respexit in orationem humilium, & non spreuit pre-
ces eorum. Itē: Oratio humiliantis se nubes penetra-
bit. Sed occurrent Pastoribus eruditis loci innume-
rabiles, qui in eā sententiam conueniāt: quam obrem

Psal. 101.
Eccle. 35.

MM

plurimum

non impetremus. ita est: sed tum maxime prospicit utilitati nostræ Deus: uel quòd alia nobis maiora, & ampliora bona impertitur: uel quòd nec necessarium nobis est, nec utile, quod petimus: immo uero fortasse molestum id futurum sit, si dederit, atque pestiferum. Quædam enim, inquit sanctus Augustinus, negat propitius Deus, quæ concedit iratus. Nonnumquam etiam fit, ut adeo remisse, ac negligenter oremus, ut ne ipsi quidem, quid dicimus, attendamus. Cum autem sit oratio, mentis ascensus ad Deum: si in orando animus, qui ad Deum referri debet, peregrinatur, nulloque studio, nulla adhibita pietate, temere precationis uerba funduntur; quo modo inanem huius orationis sonitum, Christianam precationem esse dicemus? Quare minime mirum est, si Deus nostræ non obsequitur uoluntati: cum uel ipsi nolle id nos, quod petimus, pene probemus, nostræ negligentia & ignorance precationis: uel postulemus ea, quæ nobis sunt obfutura. Contra uerò scienter, ac diligenter petentibus multo plus tribuitur, quàm à Deo postulauerint. quod & Apostolus testatur in epistola ad Ephesios: & illa prodigi filij similitudine declaratur, qui præclare secum actum esse existimaturus fuit, si in loco mercenarij famuli eum habuisset pater. etsi recte cogitantibus, non solum postulantis nobis cumulat gratiam suam Deus, non modo munerum copia, sed etiam celeritate tribuendi quod ostendunt diuina littera, cum illa utuntur

tur

tur loquendi formula: Desiderium pauperum exaudivit Dominus. intimis enim, & tacitis egentium studiis, ne expectata quidem eorum voce, Deus occurrit. Accedit eo etiam ille fructus, quod orando animi virtutes & exercemus, & augemus, maxime vero fidem. ut enim rite illi non orant, qui fidem Deo non habent: Quo modo enim, inquit, innocabunt, in quem non crediderunt? sic fideles, quo studiosius orant, eo maiorem, ac certiore fidem habent diuinae curae, & providentiae, quae potissimum id requirit à nobis, ut ad se de ijs, quae nobis opus sunt, referentes, omnia postulemus. Posset vero Deus non petentibus, ne cogitantibus quidem, abunde nobis omnia dilargiri, quo modo & animantibus rationis expertibus cuncta suppeditat ad usus vitae necessarios; sed beneficentissimus parens uult à filiis innocari; uult nos quotidie rite petendo, petere fidentius: uult, impetratis ijs, quae postulamus, in dies magis testificari, ac predicare suam in nos ipsos benignitatem. Amplificatur etiam charitas: nam illum auctorem agnoscetes omnium bonorum, utilitatumque nostrarum, quanta eum possumus maxima charitate amplectimur: & ut amantes, colloquio & congressu magis ad amorem incenduntur; sic pi homines, quo saepius Deo facientes preces, & eius implorantes benignitatem, quasi cum ipso colloquuntur; eo maiori in singulas preces affectu letitia, ad eum amandum & colendum incitantur ardentius. Propte-

Psal. 9.

Rom. 10.

S

rea nos hac uti uult. exercitatione precatationis, ut flagrantes petendi studio quod optamus, tantum ea assiduitate, & cupiditate proficiamus, ut digni simus, in quos illa conferantur beneficia, quæ antea ieiunus, & angustus animus noster capere non poterat. Vult præterea nos id, quod est, intelligere, ac præ nobis ferre. si gratiæ cælestis auxilio desermur, nostra opera nihil consequi posse, propterea-que toto animo ad orandum incumbere. Valent autem maxime hæc tamquam orationis arma contra naturæ nostræ hostes acerrimos; ait enim sanctus Hilarius: Aduersus Diabolum, armæque eius orationum nostrarum sonitu certandum est. Præclarum præterea illum, orationis fructum assequimur, quod cum proclines simus ad malum, & ad libidinis uarios appetitus uitio infirmitatis ingeniæ, patitur, se nostris cogitationibus concipi; ut, dum illum oramus, & mereri eius contendimus munera, accipiamus innocentiae uoluntatem, & ab omni labe, delictorum omnium amputatione, purgemus. Postremo ex sancti Hieronymi sententia, iræ diuinæ resistit oratio. itaque; sic ad Moysen locutus est Deus; Dimitte me: dum quidem pœnas eum ab illo populo petere uolentem, precibus impediret: nihil enim est, quod æque Deum leniat iratum, aut etiam paratum ad plagas sceleratis inferendas, æque retardet, & renocet à furore, ac preces piorum hominum.

Exod. 32.

DE PARTIBVS, ET GRADIBVS ORATIONIS.

Exposita necessitate, & utilitate Christianæ precationis, scire præterea oportet fidelem populum, quot, & quibus partibus ea constet oratio: id enim ad huius officij perfectionem pertinere testatur Apostolus; qui in epistola ad Timotheum; 1. Tim. 2. cohortans ad pie, sancteq; orandum, orationis partes diligenter enumerat: Obsecro, inquit, primum 1. Tim. 2. omnium fieri obsecrationes, orationes, postulationes, gratiarum actiones pro omnibus hominibus. Quod uero subtilis quædam est harum differētia partium; si eius explicationem auditoribus Parochi conducere existimabunt. consulent sanctos scriptores, præcipue S. Hilarium, & Augustinum. Sed quoniam duæ sunt præcipue partes orationis, postulatio, & gratiarum actio; à quibus, tamquam à capite, manant reliquæ; minime eas prætermittendas duximus. Nam ad Deum accedimus, ut, cultum ei, ac uenerationem adhibentes, uel ab eo aliquid impetremus, uel ipsi de beneficijs quibus assidue ab eius benignitate ornatur, & augemur; gratias agamus: Utramque banc, maxime necessariam, partem orationis, Deus ipse pronunciauit ore Davidis, illis uerbis; In- Psal. 49. uoca me in die tribulationis; eruam te, & honorificabis me. Quantum autem egeamus diuinæ liberalitatis, ac bonitatis; quis ignorat, modo summam hominum egestatem, & miseriam

intueatur? Quàm uero sit propensa Dei uoluntas in genus humanum; quàm effusa in nos benignitas, omnes intelligunt, qui sensu oculorum, & mente præditi sint. Nam quocumque oculos conijcimus, quocumque nos cogitatione conuertimus, nobis admirabilis lux diuina beneficentiæ, ac benignitatis oboritur. Quid enim habent homines, quod à Dei largitate profectum non sit? & si omnia sunt eius dona, ac munera bonitatis; quid est, quod non omnes pro uiribus beneficentissimum Deum laudibus celebrent, & gratiarum actione prosequantur? Sed utriusque officij, & petendi aliquid à Deo, & ei gratias agendi, multi sunt gradus: quorum alius alio est altior, atque perfectior. Vt igitur fidelis populus non solum oret, sed etiam optime fungatur illo munere orationis, proponet ei Pastores summam perfectamque orandi rationem, & ad eam quàm diligentissime poterunt, hortabuntur. Sed qui nam est optimus orandi modus, & summus precationis gradus? nempe is, quo pii, & iusti homines utuntur; qui freti ueræ fidei stabili fundamento, quibusdam optimæ mentis orationisque gradibus in illum locum perueniunt, ex quo infinitam Dei potentiam, immensam benignitatem, ac sapientiam contemplari possunt: ubi etiam in spem certissimam ueniunt, se & quidquid petierint in præsentia, & illam inexplicabilium bonorum uim consecuturos esse, quæ pollicitus est Deus largiturum se ijs, qui diuinum auxilium pie, & ex animo implorarint.

His,

His, quasi duabus alis, elata in cælum anima ar-
 denti studio peruenit ad Deum: quem omni gratia-
 rum & laudum honore prosequitur; quodd summis
 ab eo beneficijs affecta sit; tum uero singulari adhi-
 bita pietate, ac ueneratione, quasi filius unicus
 carissimo parenti, quod sibi sit opus, non dubitan-
 ter exponit. Quem precandi modum, effundendi
 uoce, exprimunt diuinæ litteræ. inquit enim Pro- Psal. 141.
 pheta: Effundo in conspectu eius orationem meam,
 & tribulationem meam ante ipsum pronuncio. Quæ
 uox eam uim habet, ut nihil reticeat, nihil occul-
 tet; sed effundat omnia is, qui ad orandum uenit,
 fidenter confugiens in sinum amantissimi parentis
 Dei. ad id enim nos doctrina caelestis hortatur il-
 lis uerbis: Effundite coram illo corda uestra: &
Psal. 61.
Psal. 34.
 Iacta super Dominum curam tuam. Hunc autem
 præcationis gradum significat sanctus Augustinus,
 cum inquit in eo libro, qui inscriptus est Enchiri-
 dion; Quod fides credit, spes & charitas orat. Alius
 est eorum gradus, qui mortiferis peccatis oppressi,
 fide tamen ea, quæ mortua dicitur, nituntur sese
 erigere, & ad Deum ascendere, sed propter inter-
 mortuas uires, summamque fidei imbecillitatem, se
 altius à terra tollere non possunt: uerumtamen sua
 peccata recognoscences, & eorum conscientia, ac
 dolore cruciati, humiliter, ac demisse, ex illo ma-
 xime longinquo loco penitentes, scelerum à Deo ue-
 niam, & pacem implorant. horum oratio suum ob-
 tinet locum apud Deum. nam eorum preces audiun-
 tur

DE IIS, QUAE PETEN-
DA SUNT.

Sed quoniam, singulis petitionibus quid postulandum, quid non, suo loco dicetur; satis hic erit fideles uniuerse illud admonere, ut quae iusta, quae ue honesta sint, à Deo petant homines: ne, si contra quam deceat, aliquid postularint, illo responso repellantur; Nescitis, quid petatis. Quidquid autem recte optari potest, petere licet: quod illa Domini uberrima promissa testantur: Quodcumque uolueritis, petetis, & fiet uobis: omnia enim se concessurum pollicetur. quare primum optatum, ac desiderium nostrum ad eam regulam dirigemus, ut ad Deum, qui summum est bonum, summum studium, desideriumq; referatur. Deinde cupiemus ea, quae cum Deo nos maxime coniungant: quae uero nos inde seiungant, aut causam aliquam afferant disunctionis, ab omni studio & cupiditate nostra remouenda sunt. Hinc licet colligere secundum illud summum, & perfectum bonum, quo modo reliqua, quae dicuntur bona, & optanda sunt, & à parente Deo postulanda. Nā hęc corporis quae uocant, & externa bona, ut sanitas, robur, pulchritudo, diuitiae, honores, gloria: quia facultatē, ac materiā saepe dant peccato, (qua re fit, ut non omnino pie, aut salutariter petantur) erit illa petitio his praescribenda finibus, ut hęc uitae commoda possulentur necessitatis causa: quae precandi ratio refertur ad Deum. Licet enim nobis ea precibus petere

Matth. 10.

Ioan. 15.

Gen. 28.

Pro. 30.

1. Cor. 7.

Psal. 62.

petere, quæ & Iacob, & Salomon postularunt. ille enim in hunc modum: Si dederis mihi panem ad uescendum, & uestimentum ad induendum, erit mihi dominus in Deum. Salomon his uerbis: Tribue tantum uictui meo necessaria. Cum uero nobis Dei benignitate suppeditetur ad uictum, & ad cultum par est, nos illius Apostoli cohortationis recordari; Qui emunt tamquam non possidentes, & qui utuntur hoc mundo, tamquam non utantur: præterit. n. figura huius mundi. Item: Diuitis si affluant, nolite cor apponere. quarum fructum, & usum tantummodo nostrum esse, sed ita, ut cum cæteris communicemus; ab ipso doctore Deo didicimus. Si ualemus; si reliquis externis, & corporis bonis abundamus; eo illa nobis tributa esse meminerimus, & facilius Deo inseruire possimus, & proxime omnia eius generis commodare. Ingenij autem bona, & ornamenta, cuius generis sunt artes, atque doctrina, petere non licet, sed ea tantum conditione, si nobis ad Dei gloriam, & ad salutem profutura sunt. Quod autem omnino, & sine adiunctione, aut conditione optandum, quærendum, postulandum est, quemadmodum antea diximus, id Dei gloria est, & deinceps omnia, quæ summo illi bono coniungere nos queant, ut fides, timor Dei, amor, de quibus plenius dicemus in explicatione petitionum.

PRO QUIBUS ORANDUM SIT.

His autem cognitis, quæ petenda sint, docendum est

est fidelis populus, pro quibus orare debeat. Continet autem oratio petitionem, & gratiarum actionem. quare prius de petitione dicamus. Orandum igitur est pro omnibus sine ulla exceptione vel inimicitiarum, uel gentis, uel religionis. nam siue hostis sit, siue alienus, siue infidelis, proximus est, quem quia Dei iussu amare debemus, sequitur, ut preces quoque, quod amoris officium est, pro eo facere oporteat. nam eo pertinet illa Apostoli corroboratio: Obsecro fieri orationes pro omnibus hominibus. Quae in oratione primum petenda sunt, quae salutem animae complectuntur, deinde quae corporis. Debemus autem hoc precationis officium primum Pastoribus animarum tribuere, quod ab Apostolo eius exemplo monemur, scribit enim is ad Colossenses, ut orent pro se, ut sibi Deus aperiat ostium sermonis, quod item facit ad Thessalonicenses. Est praeerea in Actis apostolorum: Oratio fiebat sine intermissione ab Ecclesia pro Petro. Cuius etiam officij à D. Basilio in libris de moribus admonemur: pro iis enim orandum esse, inquit, qui praesunt uerbo ueritatis. Secundo loco pro principibus nos precari oportet, ex eiusdem Apostoli sententia. quanto enim publico bono principibus pijs, & iustis utamur, nemo ignorat. itaque rogandus est Deus, ut tales sint, quales esse oportet, qui reliquis hominibus praesunt. Extant exempla sanctorum hominum, quibus monemur, ut pro bonis etiam, pijsque deprecemur. Egunt enim & illi precibus aliorum;

quod

1. Tim. 2.

Ad Col. 4.

Act. 12.

Matt. 5.

quod diuinitus factum est, ne superbia efferantur, dñe intelligunt se inferiorum suffragijs indigere. Iussit præterea Dominus precari pro persequentibus, et columinantibus nos. Illud etiam S. August. testimonio celebratum est, hanc esse acceptam consuetudinem ab apostolis pro ijs, qui ab Ecclesia sunt alieni, preces, & uota faciendi, ut infidelibus donetur fides: ut idolorum cultores ab impietatis errore liberentur: ut Iudæi, discussa animorum caligine, lucē ueritatis accipiant: ut hæretici redeuntes ad sanitatem, catholicæ doctrinæ præceptis erudiantur: ut schismatici, à qua descuerunt sanctissimæ parentis Ecclesiæ communione, cum ea iterum ueræ charitatis modo iuncti copulentur. Quantā autē uim habeant preces pro huiusmodi hominibus factæ ex animo, constat tam multis exemplis omnis hominum generis, quos quotidie, ereptos à potestate tenebrarum, transfert Deus in regnum filij charitatis suæ; & ex uasis iræ, facit uasa misericordiæ: in quo plurimum ualere piorum obsecrationem, nemo, qui recte sentiat, dubitare potest. Preces autem, quæ pro mortuis fiunt, ut ab igne Purgatorij liberentur, ex apostolorum doctrina fluxerunt: quæ de re satis dictum est, cum de sacrificio Missæ loqueremur. In ijs autem, qui peccare dicuntur ad mortem, uix quidquam precibus, uotisq; proficitur. Veruntamen est Christianæ charitatis, & precari pro illis, & lacrymis contendere, an eis possint reddere pacatū Deum. Execrationes uero sanctorum hominum, quibus in impios utuntur

Orandum
pro mortuis.

ex patrū sempiterna, constat esse uel praedictiones eorū,
quae illis euentura sunt, uel adhibitas cōtra peccatū,
ut, saluis hominibus, peccati uis intereat. In altera
parte precationis, maximas Deo gratias agimus pro
diuinis eius, immortalibusq; beneficiis, quibus &
semper affecit, & quotidie affecit humanū genus.
Maximē autem fungimur hoc munere gratiarum a-
ctionis sanctiorum omnium causa, quo in officio singula-
res Deo laudes tribuimus, & eorū uictoria, & triū-
phi, quē de omnibus & intimis, & externis hostibus
eius benignitate deportarunt. Huc pertinet prima il-
la pars Angelicae salutationis, cum ea ad precandū
utimur. Ave Maria gratia plena: Dominus tecum:
benedicta tu in mulieribus. Nam Deum summis &
habendis laudibus, & grātis agendis celebramus,
quod sanctissimā uirginem omni caelestium donorum
munere cumulauit; ipsiq; uirgini singularem illam
gratulamur felicitatem. Iure autē sancta Dei Eccle-
sia huic gratiarum actioni preces etiam & implora-
tione sanctissimae Dei matris adiunxit, qua pie atque
suppliciter ad eā confugeremus, ut nobis peccatori-
bus sua intercessione conciliaret Deum, bonaq; tum
ad hanc, tum ad aeternā uitā necessaria impetraret.
Ergo nos exules, filij Euae, qui hanc lacrymarū ual-
lē incolimus, assidue misericordiae matrem, ac fidelis
populi aduocatam inuocare debemus, ut oret pro no-
bis peccatoribus, ab eaq; hac prece opē & auxiliū
implorare, cuius & praestantissima merita apud Deū
esse, & summam uoluntatem uiuandi humanū ge-
nus, nemo, nisi impie & nefarie, dubitare potest.

QVIS ORANDVS SIT.

Psal. 49.

Deum autem orandum esse, & eius nomen inuocandum, ipsa loquitur natura uis, insita in hominum mentibus, non solum tradunt diuina littera, in quibus licet audire imperantem Deum, Inuoca me in die tribulationis: sed Dei nomine tres personas intelligi oportet. Secundo loco, confugimus ad auxilia sanctorum, qui in calo sunt: quibus etiam preces esse faciendas, ita certum est in Ecclesia Dei, ut pijs nulla de eo dubitatio possit accidere. quæ res quia separatim suo loco est explicata; eo & Parochos, & ceteros reuicemus. sed ut tollatur omnis error imperitorum, operæpretium erit docere fidelem populum, quid intersit inter hanc inuocandi rationem. non enim eodem modo Deum, & sanctos imploramus: nam præcamur Deum, ut ipse uel bona det, uel liberet à malis: à sanctis autem, quia gratiosi sunt apud Deum, petimus, ut nostri patrocinium suscipiant, ut nobis à Deo impetrèt ea, quorum indigemus. hinc duas adhibemus precandi formulas, modo differentes. ad Deum enim proprie dicimus, Miserere nobis, Audi nos: ad sanctum, Ora pro nobis. Quamquam licet etiam alia quadam ratione petere à sanctis ipsis, ut nostri misereantur: sunt enim maxime misericordes. itaque precari possumus eos, ut, conditionis nostræ miseria permoti, sua nos apud Deum gratia, ac deprecatione inuent. Quo loco illud maxime cauendum est omnibus, ne, quod Dei proprium

prium est, cuiquam præterea tribuant, immo uero, cum ad imaginem sancti alicuius quis Domini-
cam orationem pronunciat, ita tum sentiat, se ab
illo petere, ut secum oret, sibi que postulet, ea, quæ
Dominicæ orationis formula continentur, & sui
denique sit interpret, & deprecator ad Deum. nam
eos hoc fungi officio docuit sanctus Ioannes Aposto-
lus in Apocalypsi.

Apoc. 8.

DE PRÆPARATIONE

ADHIBENDA.

Est in diuinis litteris: Ante orationem præpara Eccle. 18.
animam tuam, & noli esse quasi homo, qui tentat
Deum. Tentat enim Deus is, qui cum bene orat,
male agit, & cum loquatur cum Deo à precibus
animus eius aberrat. Quare cum tanti intersit,
quo quisque animo Dea preces faciat, tradant Pa-
rochi uias precationum pijs auditoribus. Primus
igitur gradus ad orationem erit, uere humilis, ac
demissus animus, scelerum quoque recognitio; qui-
bus sceleribus intelligat, qui ad Deum accedit, se
non modo dignum non esse, qui quidquam impetret
à Deo, sed qui ne in eius quidem conspectum ueniat
oraturus. Huius præparationis sæpiissime mentio-
nem faciunt diuinæ littæ: quæ & illud loquuntur:
Respexit in orationem humilium, & non spreuit pre-
ces eorum. Itē: Oratio humiliantis se nubes penetra-
bit. Sed occurrent Pastoribus eruditis loci innume-
rabiles, qui in eā sententiam conueniāt: quam obrem

Psal. 101.
Eccl. 35.

Luc. 18.

Luc. 7.

Isa. 1.

1. Tim. 2.

Marc. 11.

Matth. 6.

plurium non necessaria commemoratione supersede-
mus . tantum uero , quæ alijs attigimus , ne in hac
quidem parte , quia sunt apposita ad hanc rationem ,
duo illa exempla prætermitemus . Publicanus est
ille notissimus , qui longe consistens , oculos humo
tollere non audebat . Est etiam mulier illa pecca-
trix , quæ dolore commota , lacrymis pedes Chri-
sti domini perfudit . uterque , quantum afferat ora-
tioni pondus , humilitas Christiana , declarauit .
Sequitur angor quidam in recordatione delictor-
um , uel saltem aliquis doloris sensus ob eam cau-
sam , quòd dolere non possimus : quorum utrum-
que , uel certe alterum , nisi à pœnitente adhibea-
tur , uenia impetrari non potest . Sed quia sunt
quædam scelera , quæ maxime obstant , quo mi-
nus in precatione Deus postulationi nostræ concedat ,
ut cades , & illata uis ; manus abstinendæ sunt ab
hac crudelitate , & uiolentia . de quo facinore sic
Isaïæ ore loquitur Deus : Cum extenderitis manus
uestras , auertam oculos meos à uobis : & cum multi-
plicaueritis orationem , non exaudiam : manus enim
uestre sanguine plenæ sunt . Fugienda est ira , ac dis-
sidium ; quæ magnopere etiam impediunt , ne pre-
ces audiantur . de quibus est illud Apostoli ; Volo
uiros orare in omni loco , leuantes puras manus si-
ne ira , & disceptatione . Videndum est præterea , ne
nos implacabiles cuiquam præbeamus in iniuria :
nam sic affecti , Deum precibus adducere non pote-
rimus , ut nobis ignoscat . Cum enim stabitis , in-
quit

quit ipse, ad orandum, dimittite, si quid habetis;
 & si non dimiseritis hominibus, nec pater uester
 dimittet uobis peccata uestra. Cauendum quo-
 que est, ne duri simus, & inhumani egentibus:
 nam in eiusmodi homines illud dictum est: Qui ob- Prou. 21.
 turat aurem suam ad clamorem pauperis, & ipse
 clamabit, & non exaudietur. Quid dicemus de
 superbia? quæ quantopere Deum offendat; testis
 est illa uox: Deus superbis resistit, humilibus au-
 tem dat gratiam. Quid de contemptione diuinorum Iacobi. 4.
 oraculorum? in quam extat illud Salomonis: Qui 1. Pet. 5.
 declinat aures suas ne audiat legem, oratio eius Prou. 28.
 erit execrabilis. Quo tamen loco non excluditur
 deprecatio factæ iniuriæ, non cædis, non iracun-
 diæ, non illiberalitatis in pauperes, non superbiæ,
 non despicientiæ diuinæ orationis, non denique re-
 liquorum scelerum, si ignoscendi uenia petatur.
 Est uero ad hanc quoque præparationem animi, fi-
 des necessaria; quæ cui desit, is nec infinite sum-
 mi Patris potentiæ, nec eius misericordiæ, un-
 de orantis fiducia oritur, cognitionem habebit:
 quemadmodum docuit ipse Christus dominus;
 Omnia, inquit, quæcumque petieritis in ora- Math. 21.
 tione, credentes accipietis. De huiusmodi fide
 scribit sanctus Augustinus de uerbis Domini:
 Si fides deficit, oratio perijt. Caput igitur est ad
 rite orandum, quod iam dictum est, ut fide fir-
 mi, ac fixi simus. quod Apostolus ex contrario Rom. 10.
 ostendit: Quo modo inuocabunt, in quem non

crediderunt? Itaque credamus oportet, ut & ora-
re possimus, & ne nos fides ipsa deficiat, qua salu-
tariter oramus. Fides enim est, quæ preces fundit;
preces faciunt, ut, omni dubitatione sublata, sta-
bilis, ac firma sit fides. In hanc sententiam sanctus
hortabatur Ignatius eas, qui ad Deum adirent ora-
turi: Noli dubio esse animo in oratione: Beatus
est, qui non dubitauerit. Quare ad impetrandum
quod uelimus à Deo, maximum pondus affert fides,
& certa spes impetrandi. quod monet sanctus Iaco-
bus; Postulet in fide, nihil hesitans. Multa sunt,
quibus nos confidere oportet in hoc officio precatio-
nis. Est ipsa Dei in nos perspecta uoluntas, ac beni-
gnitas, cum iubet nos se patrem appellare, ut eius
nos esse filios intelligamus. Est prope infinitus nu-
merus eorum, qui Deum exorauerunt. Est sum-
mus ille deprecator, qui nobis semper præsto est,
Christus dominus; de quo sic est apud sanctum Ioan-
nem; Si quis peccauerit, aduocatum habemus apud
patrem, Iesum Christum iustum; & ipse est pro-
pitiatio pro peccatis nostris. Item Paulus Apo-
stolus; Christus Iesus, qui mortuus est, immo qui
& resurrexit, qui est ad dexteram Dei, qui etiam
interpellat pro nobis. Item ad Timotheum; Unus
enim Deus, unus & mediator Dei, & hominum
homo Christus Iesus. Tum ad Hebraeos: Unde de-
buit per omnia fratribus assimilari, ut misericors
fieret, & fidelis pontifex ad Deum. Quare
etsi nos indigni sumus, qui impetremus, tamen
optimi

Iacob. 1.

1. Ioan. 2.

Rom. 8.

1. Tim. 2.

Heb. 2.

optimi dignitate interpretis, ac deprecatoris Iesu Christi sperare, & magnopere confidere debemus, nobis omnia, quæ per illum rite petierimus, concessurum Deum. Denique nostra auctor est precationis spiritus sanctus: quo duce preces nostras audiri necesse est. Accepimus enim spiritum adoptionis filiorum Dei, in quo clamamus, Abba pater. qui quidem spiritus infirmitatem, & inscitiam nostram adiuuat in hoc orandi munere: immo uero, inquit, ipse postulat pro nobis gemitibus inenarrabilibus. Quod si qui titubant interdum, nec se satis esse firmos in fide sentiunt; utantur illa uoce apostolorum; Domine adauge nobis fidem: & illius, Adiuua credulitatem meam. Sed tum maxime & fide, & spe uigentes, omnia à Deo optata consequemur, cum ad ipsius Dei legem, ac uoluntatem, omnem mentem, actionem, & orationem nostram conformabimus: Si manseritis, enim inquit, in me, & uerba mea in uobis manserint; quodcumque uolueritis, petetis, & fiet uobis. Quamquam ad hanc impetrandi à Deo omnia facultatem, in primis necessaria est, ut antea diximus, obliuio iniuriarum, & beneuolentia, ac benefica uoluntas in proximos.

Ro. 8. 1

Ro. 8.
Luc. 17.

Mar. 9.

Ioan. 15.

QVAE RATIO IN ORANDO REQUIRATUR.

Maxime autem refert, quo modo sacris precibus utamur: nam etsi precatio bonum est salutare, tamen nisi recte adhibeatur, minime prodest: quod

- Iaco. 4.** enim petimus, sepe non assequimur, ut sanctus inquit Iacobus, ob eam causam, quia male petimus. Ergo docebunt Parochi fidelem populum, quæ sit optima ratio bene petendi, & priuatim, ac publice orandi. quæ præcepta Christianæ orationis tradita sunt ex Christi domini disciplina. Est igitur orandum in spiritu, & ueritate. nam celestis pater tales quærit, qui adorent eum in spiritu, & ueritate. orat autem eo modo, qui intimum, ac flagrans animi studium adhibet. à qua spiritali precandi ratione uocalem non excludimus: uerumtamen principatum iure tribuendum ducimus illi, quæ à uehementi animo proficiscitur, obsecrationi: quam Deus, cui patent occultæ hominum cogitationes, audit, etiam si non ore proferatur. Audiuit Annæ, eius, quæ fuit mater Samuelis, intimas præces; de qua illud legimus, fluentem orasse, & tantum labia mouentem. Orauit hoc modo David: ait enim: Tibi dixit cor meum, exquisiuit te facies mea. Huiusmodi exempla in diuinis libris passim legentibus occurrunt. Habet autem uocalis oratio propriam utilitatem, & necessitatem: nam incendit animi studium, & religionem orantis inflamat. quod ad Probam scripsit sanctus Augustinus hoc modo: Nonnumquam uerbis & alijs signis ad augendum desiderium sanctum, nos ipsi acrius excitamus. Cogimur interdum uehementi animi cupiditate, & pietate, uerbis efferre sententiam. nam exultante animo letitia, par etiam est,

est, linguam exultare. & uero decet nos cumulat-
 um illud sacrificium facere & animæ, & corpo-
 ris. quem Apostolorum orandi morem fuisse, & ex
 eorum Actis, & ex Apostolo multis locis cognosci-
 mus. Sed quoniam duplex precandi ratio est, priua-
 ta, & publica: priuatæ orationis pronuntiatione uti
 mur, ut intimum Studium, & pietatem adiuuet; in
 publica, quæ ad incitandam fidelis populi religionem
 instituta est, certis, statisque temporibus linguæ
 officio supersederi nullo modo potest. Hanc uero
 spiritu orandi consuetudinem, propriam Christia-
 norum hominum, infideles minime colunt: de qui-
 bus ita licet Christum dominum loquentem audi-
 re: Orantes nolite multum loqui, sicut ethnici fa-
 ciunt; putant enim, quod in multiloquio suo exau-
 diantur. nolite ergo assimilari eis: scit enim pater
 uester, quid opus sit uobis, ante quam petatis eum.
 Cum autem prohibeat loquacitatem; longas ta-
 men preces, quæ à uehementi, ac diuturno ani-
 mi studio proficiſcantur, tantum abest, ut reijci-
 at; ut etiam suo exemplo nos ad eam rationem
 cohortetur, qui non modo noctes in precatione con-
 sumpsit, sed ter eundem sermonem repetijt. Tan-
 tum igitur statuendum est, inani uerborum sono
 minime exorari Deum. Nec uero ex animo orant
 hypocritæ: à quorum nos consuetudine deterret Chri-
 stus dominus in hanc sententiam: Cum oratis, non
 eritis sicut hypocritæ, qui amant in synagogis, &
 in angulis platearum stantes, orare, ut uideantur

Matth. 6.

Luc. 6.
 March. 12.

Matth. 6.

ab hominibus . amen dico uobis , receperunt mercedem suam . Tu autem cum oraueris , intra in cubiculum tuum , & , clauso ostio , ora patrem tuum in abscondito ; & pater tuus , qui uidet in abscondito , reddet tibi . Cubiculum , quod hoc loco dicitur , ad cor hominis referri potest ; quod non satis est ingredi , sed præterea occludi oportet , ne quid irrumpat , uel influat in animas extrinsecus , quo precationis integritas uiolari possit . tum enim celestis pater , qui omnium mentis , & occultas cogitationes maxime perspicit , orantis postulationi concedit . Requirit præterea oratio assiduitatem : quæ quantam uim habeat , iudicis illius exemplo , Dei filius ostendit : qui cum nec timeret Deum , nec hominem reuereretur , uictus assiduitate , ac diligentia uiduæ , eius postulationi concessit . Itaque assidue Deo preces faciende sunt , nec imitandi illi , qui semel , aut iterum orantes , nisi , quod petunt , impetrarint , in oratione defatigantur . nulla enim huius officij lassitudo esse debet : quod nos Christi domini , & Apostoli docet auctoritas . quod si interdum uoluntas in eo defecerit , precibus à Deo petamus perseuerandi uim . Vult etiam Dei filius orationem nostram ad patrem suo nomine peruenire : quæ eius merito , & gratia deprecatoris id pondus assequitur , ut à celesti patre audiatur . est enim eius illa uox apud S. Ioannem ; Amen amen dico uobis , si quid petieritis patrem in nomine meo , dabit uobis : usque modo non petistis quidquam in nomine meo petite ,

Luc. 11.

Ioan. 16.

&

& accipietis; ut gaudium uestrum sit plenum. &
 iterum: Quodcumque petieritis patrem in nomine
 meo, hoc faciam. Imitemur ardens sanctorum ho-
 minum studium, quod illi in orando adhibebant. Gra-
 tiarum autem actionem cum precatione iungamus,
 apostolorum exemplo; qui hanc consuetudinem per-
 petuo seruauerunt: quemadmodum apud Aposto-
 lum licet uidere. Ieiunium uero, & eleemosynam
 ad orationem adhibeamus. Ieiunium quidem cer-
 te maxime est cum oratione sociatum. nam qui
 cibo, & potu sunt onusti, horum mens oppressa
 est sic, ut neque Deum intueri, neque, quid sibi
 uelit oratio, cogitare possint. Sequitur Elcemo-
 syna; quæ magnam & ipsa cum oratione societa-
 tem habet. quis enim, cui facultas sit benigne fa-
 ciendi ei, qui aliena misericordia uiuat, nec opi-
 tuletur proximo, & fratri suo, se charitate pre-
 ditum dicere audeat? aut quo ore is, qui expers
 sit charitatis, Dei auxilium implorabit? nisi tum
 peccati ueniam precatur simul & à Deo suppli-
 citer postulat charitatem. Quare diuinitus fa-
 ctum est, ut saluti hominum triplici hoc reme-
 dio subueniretur. cum enim peccando uel offenda-
 mus Deum, uel proximos uideamus, uel nos ipsos
 ledamus; sacris precibus placatum reddimus De-
 um, eleemosyna redimimus hominum offensiones;
 ieiunio proprias uitæ sordes eluimus. & quam-
 quam singula profint ad omnium scelerum genera,
 tamen proprie singulis ijs peccatis, quæ diximus,

Ioan. 14.

Oratio cum
Ieiunio, &
eleemosynas

appo-

354
apposita, & accommodata sunt.

PATER NOSTER QUI ES IN CAELIS.

CUM hæc formula Christianæ precationis, à Iesu Christo tradita, eam habeat uiam, ut, antequam ad preces, postulaticnesq; ueniamus, certis uerbis loco præmij nobis utendum sit, quibus pie ad Deum accedentes, fidentius etiam id facere possimus; Parochi officium est, illa distincte, dilucideque declarare, ut alacrior pius populus ad preces adeat, seq; cum patre Deo acturum intelligat. Præmium autem, si spectes uerba breuissimum est; si res aestimes, grauissimum, mysteriorumque plenissimum. Ac prima quidem uox, qua Dei iussu, & institutione utimur in hac precatione, est PATER. nam etsi Saluator noster diuinam hanc orationem prætexere potuit aliquo uerbo, quod plus maiestatis haberet, exempli causa, Creatoris, aut Domini; tamen hæc orauit, quæ timorem simul nobis asserre possent; illud autem adhibuit, quod orantibus, & aliquid à Deo petentibus, amorem, fiduciamque conciliat. quid enim incundius est patris nomine? quod indulgentiam sonat, & charitatem. Quibus autem rationibus patris nomen Deo conueniat, suppeditabit facultas docendi fidelem populum, ex locis creationis, gubernationis, ac redemptionis. nam cum
Deus

Deus hominem creauerit ad imaginem suam, nec illam ceteris animantibus impertiuerit; ex hoc singulari munere, quo hominem ornauit, iure omnium hominum, nec fidelium modo, sed etiam infidelium, Pater in diuinis scripturis appellatur. A gubernatione uero sumi poterit argumentum, quod prospiciendo, & consulendo utilitati hominum, præcipuo quodam curæ, & prouidentia modo nobis præstat patriam charitatem. Sed ut in huius explicatione argumenti paternam Dei de hominibus curam melius agnoscat, de custodia angelorum, in quorum tutela sunt homines, aliquid dicendum uidetur. Est enim Dei prouidentia datum hoc negotium angelis, ut custodiant humanum genus singulisque hominibus præsto sint, ne grauius aliquod detrimentum accipiant. nam ut parentes, si infesta, & periculosa uia filijs iter faciendum sit, custodes adhibent, & periculorum adiutores: sic celestis parens in hoc itinere, quo ad caelestem patriam contendimus, singulis nobis præposuit angelos, quorum ope, ac diligentia tecti, furtim paratos ab hostibus laqueos uitaremus, & factos in nos horribiles impetus repelleremus, ijsque ducibus rectum iter teneremus, ne obiectus aliquis error à fallaci aduersario, nos de uia posset deducere, quæ ducit in calum. Quam uero habeat utilitatem hæc de hominibus Dei cura, ac prouidentia singularis, cuius munus, & administratio mandata est angelis, quorum
inter

inter Deum, & homines media est, & interiecta natura: patet exemplis, quorum copiam suppeditant diuinæ litteræ, quæ testantur, sæpe Dei benignitate, factum esse, ut, inspectantibus hominibus angeli mirabiles res esse efficerent; quibus moneremur, innumerabilia eius generis, quæ sub oculos non caderent; à custodibus nostræ salutis angelis effici utiliter, ac salutariter. Raphael angelus, Tobie comes, & dux itineris diuinitus adiunctus, illum duxit, & reduxit incolumem: cui & adiumento fuit, ne ab immani pisce deuoraretur; &, quanta esset in eius piscis iecore, felle, & corde uis, demonstrauit. Ille demonium expulit; eiusque impedita, & colligata potestate, ne Tobie noceret, efficit. Ille uerum, & legitimum matrimonij ius, & usum adolescentem edocuit. Ille Tobie patri, oculis capto, lumina restituit. Angelus item ille, Principis apostolorum liberator, uberem præbebit Pastoribus materiâ ad erudiendum pium gregem de admirabili fructu curæ, custodiæque angelorum, cum demonstrabunt angelum carceris tenebras illustrantem, & Petrum tacto eius latere e somno excitantem, soluentem catenas, dirumpentem uincula, monentem ut surgeret, seque sumptis caligis, & reliquo uestitu sequeretur; cum docebunt ab eodem angelo Petrum per custodias libereeductum e carcere, & aperta denique ianua in tuto collocatum. Huius generis exemplorum, quemadmodum diximus, referta est sanctarum litterarum historia, quibus
intelli-

Tob. 5. 6.

Tob. 12.

Tob. 6.

Tob. 12.

A. 11.

intelligimus, quanta sit uis beneficiorum; quæ confert in homines Deus, Angelis interpretibus, & internuncijs, nec solum certa aliqua, & priuata de re missis, sed à primo ortu, nostræ curæ præspositis, & in singulorum hominum salutis præsidio collocatis. Hanc doctrinæ diligentiam illa utilitas consequetur, ut audientium mentes erigantur; & ad agnoscendam, ac uenerandam Dei paternam de se curam, ac prouidentiam excitentur. Commendabit autem hoc loco Parochus, in primisque prædicabit diuitias benignitatis Dei erga genus humanum; quem cum à primo parente nostri generis, & peccati, usque ad hanc diem offenderimus flagitijs, ac sceleribus innumera bilibus, retinet tamen in nos charitatem, neque præcipuam illam de nobis curam deponit. Quem si quis existimat hominum obliuisci, amens est, & in Deum iacit indignissimam contumeliam. Irascitur Israeli Deus propter eius gentis blasphemiam, quæ se arbitrabatur cælesti ope desertam esse. est enim in Exodo: Tentauerunt Dominum, dicentes; Est ne Deus in nobis, an non? Et apud Ezechielem, succenset eidem populo Deus, quod dixerat; Non uidet Dominus nos; dereliquit Dominus terram. Ergo fideles his auctoritatibus à nefaria illa opinione deterrendi sunt, fieri posse, ut Deum capiat hominum obliuio. In quam sententiam audire licet conquerentem de Deo apud Isaiam Israeliticum populum; contraque, Deum stultam eius querimoniam benigna similitudine refellen-

Exodi 17.

Ezech. 8.

QVIS ORANDVS SIT.

Psal. 49.

Deum autem orandum esse, & eius nomen inuocandum, ipsa loquitur natura uis, insita in hominum mentibus, non solum tradunt diuina litteræ, in quibus licet audire imperantem Deum, Inuoca me in die tribulationis: sed Dei nomine tres personas intelligi oportet. Secundo loco confugimus ad auxilia sanctorum, qui in celo sunt: quibus etiam preces esse faciendas, ita certum est in Ecclesia Dei, ut pijs nulla de eo dubitatio possit accidere. quæ res quia separatim suo loco est explicata; eo & Parochos, & ceteros reuicemus. sed ut tollatur omnis error imperitorum, operæpretium erit docere fidelem populum, quid intersit inter hanc inuocandi rationem. non enim eodem modo Deum, & sanctos imploramus: nam precamur Deum, ut ipse uel bona det, uel liberet à malis: à sanctis autem, quia gratiosi sunt apud Deum, petimus, ut nostri patrocinium suscipiant, ut nobis à Deo impetrèt ea, quorum indigemus. hinc duas adhibemus precandi formulas, modo differentes. ad Deum enim proprie dicimus, Miserere nobis. Audi nos: ad sanctum, Ora pro nobis. Quamquam licet etiam alia quadam ratione petere à sanctis ipsis, ut nostri misereantur: sunt enim maxime misericordes. itaque precari possumus eos, ut, conditionis nostræ miseria permoti, sua nos apud Deum gratia, ac deprecatione inuent. Quo loco illud maxime cauendum est omnibus, ne, quod Dei proprium

prium est, cuiquam prater ea tribuant, immo uero, cum ad imaginem sancti alicuius quis Domini-
cam orationem pronunciat, ita tum sentiat, se ab
illo petere, ut secum oret, sibi que postulet, ea, quæ
Dominicæ orationis formula continentur, & sui
denique sit interpres, & deprecator ad Deum. nam
eos hoc fungi officio docuit sanctus Ioannes Aposto-
lus in Apocalypsi.

Apoc. 8.

DE PRÆPARATIONE

ADHIBENDA.

Est in diuinis litteris: Ante orationem præpara
animam tuam, & noli esse quasi homo, qui tentat
Deum. Tentat enim Deus is, qui cum bene orat,
male agit, & cum loquatur cum Deo à precibus
animus eius aberrat. Quare cum tanti intersit,
quo quisque animo Dea preces faciat, tradant Pa-
rochi uias precationum pijs auditoribus. Primus
igitur gradus ad orationem erit, uere humilis, ac
demissus animus, scelerum quoque recognitio; qui-
bus sceleribus intelligat, qui ad Deum accedit, se
non modo dignum non esse, qui quidquam impetret
à Deo, sed qui ne in eius quidem conspectum ueniat
oraturus. Huius præparationis sepiissime mentio-
nem faciunt diuinæ litteræ: quæ & illud loquuntur:
Respexit in orationem humilium, & non spreuit pre-
ces eorum. Itē: Oratio humiliantis se nubes penetra-
bit. Sed occurrent Pastoribus eruditis loci innume-
rabiles, qui in eā sententiam conueniāt: quam obrem

Eccle. 18.

Psal. 101.
Eccl. 35.

MM

plurimum

Luc. 18.

Luc. 7.

Isa. 1.

1. Tim. 2.

Marc. 11.

Matth. 6.

plurium non necessaria commemoratione supersede-
mus . tantum uero , quæ alijs attigimus , ne in hac
quidem parte , quia sunt apposita ad hanc rationem ,
duo illa exempla prætermitemus . Publicanus est
ille notissimus , qui longe consistens , oculos humo
tollere non audebat . Est etiam mulier illa pecca-
trix , quæ dolore commota , lacrymis pedes Chri-
sti domini perfudit . uterque , quantum afferat ora-
tioni pondus , humilitas Christiana , declarauit .
Sequitur angor quidam in recordatione delictor-
um , uel saltem aliquis doloris sensus ob eam cau-
sam , quòd dolere non possimus : quorum utrum-
que , uel certe alterum , nisi à pœnitente adhibea-
tur , uenia impetrari non potest . Sed quia sunt
quædam scelera , quæ maxime obstant , quo mi-
nus in precatione Deus postulationi nostræ concedat ,
ut cades , & illata uis ; manus abstinentæ sunt ab
hac crudelitate , & uiolentia . de quo facinore sic
Isaie ore loquitur Deus : Cum extenderitis manus
uestras , auertam oculos meos à uobis : & cum multi-
plicaueritis orationem , non exaudiam : manus enim
uestre sanguine plenæ sunt . Fugienda est ira , ac dis-
sidium ; quæ magnopere etiam impediunt , ne pre-
ces audiantur . de quibus est illud Apostoli ; Volo
uiros orare in omni loco , leuantes puras manus si-
ne ira , & disceptatione . Videndum est præterea , ne
nos implacabiles cuiquam præbeamus in iniuria :
nam sic affecti , Deum precibus adducere non pote-
rimus , ut nobis ignoscat . Cum enim stabitis , in-
quit

quit ipse, ad orandum, dimittite, si quid habetis; & si non dimiseritis hominibus, nec pater uester dimittet uobis peccata uestra. Cauendum quoque est, ne duri simus, & inhumani egentibus. nam in eiusmodi homines illud dictum est: Qui ob-
 turat aurem suam ad clamorem pauperis, & ipse clamabit, & non exaudietur. Quid dicemus de superbia? quæ quantopere Deum offendat, testis est illa uox: Deus superbis resistit, humilibus autem dat gratiam. Quid de contemptione diuinorum oraculorum? in quam extat illud Salomonis: Qui declinat aures suas ne audiat legem, oratio eius erit execrabilis. Quo tamen loco non excluditur deprecatio factæ iniuriæ, non cædis, non iracundiæ, non illiberalitatis in pauperes, non superbiæ, non despicientiæ diuinæ orationis, non denique reliquorum scelerum, si ignoscendi uenia petatur. Est uero ad hanc quoque præparationem animi, fides necessaria; quæ cui desit, is nec infinite summi Patris potentiæ, nec eius misericordiæ, unde orantis fiducia oritur, cognitionem habebit: quemadmodum docuit ipse Christus dominus; Omnia, inquit, quæcumque petieritis in oratione, credentes accipietis. De huiusmodi fide scribit sanctus Augustinus de uerbis Domini: Si fides deficit, oratio perijt. Caput igitur est ad rite orandum, quod iam dictum est, ut fide firmi, ac fixi simus. quod Apostolus ex contrario
 ostendit: Quo modo inuocabunt, in quem non

Prouc. 21.

Iacobi. 4.

1. Pet. 5.

Prou. 28.

Math. 21.

Rom. 10.

crediderunt? Itaque credamus oportet, ut & ora-
re possimus, & ne nos fides ipsa deficiat, qua salu-
tariter oramus. Fides enim est, quæ preces fundit;
preces faciunt, ut, omni dubitatione sublata, sta-
bilis, ac firma sit fides. In hanc sententiam sanctus
hortabatur Ignatius eas, qui ad Deum adirent ora-
turi: Noli dubio esse anima in oratione: Beatus
est, qui non dubitauerit. Quare ad impetrandum
quod uelimus à Deo, maximum pondus affert fides,
& certa spes impetrandi. quod monet sanctus Iaco-
bus; Postulet in fide, nihil hesitans. Multa sunt,
quibus nos confidere oportet in hoc officio precatio-
nis. Est ipsa Dei in nos perspecta uoluntas, ac beni-
gnitas, cum iubet nos se patrem appellare, ut eius
nos esse filios intelligamus. Est prope infinitus nu-
merus eorum, qui Deum exorauerunt. Est sum-
mus ille deprecator, qui nobis semper præsto est,
Christus dominus; de quo sic est apud sanctum Ioan-
nem; Si quis peccauerit, aduocatum habemus apud
patrem, Iesum Christum iustum; & ipse est pro-
pitiatio pro peccatis nostris. Item Paulus Apo-
stolus; Christus Iesus, qui mortuus est, immo qui
& resurrexit, qui est ad dexteram Dei, qui etiam
interpellat pro nobis. Item ad Timotheum; Unus
enim Deus, unus & mediator Dei, & hominum
homo Christus Iesus. Tum ad Hebraeos: Vnde de-
buit per omnia fratribus assimilari, ut misericors
fieret, & fidelis pontifex ad Deum. Quare
etsi nos indigni sumus, qui impetremus, tamen
optimi

Iacob. 1.

1. Ioan. 2.

Rom. 8.

1. Tim. 2.

Heb. 2.

optimi dignitate interpretis, ac deprecatoris Iesu Christi sperare, & magnopere considerare debemus, nobis omnia, quæ per illum rite petierimus, concessurum Deum. Denique nostræ auctor est præcationis spiritus sanctus: quo duce preces nostras audiri necesse est. Accepimus enim spiritum adoptionis filiorum Dei, in quo clamamus, Abba pater. qui quidem spiritus infirmitatem, & inscitiam nostram adiuuat in hoc orandi munere: immo uero, inquit, ipse postulat pro nobis gemitibus inenarrabilibus. Quod si qui titubant interdum, nec se satis esse firmos in fide sentiunt; utantur illa uoce apostolorum; Domine adauge nobis fidem: & illius, Adiuua credulitatem meam. Sed tum maxime & fide, & spe uigentes, omnia à Deo optata consequemur, cum ad ipsius Dei legem, ac uoluntatem, omnem mentem, actionem, & orationem nostram conformabimus: Si manseritis, enim inquit, in me, & uerba mea in uobis manserint; quodcumque uolueritis, petetis, & fiet uobis. Quamquam ad hanc impetrandi à Deo omnia facultatem, in primis necessaria est, ut antea diximus, obliuio iniuriarum, & beneuolentia, ac benefica uoluntas in proximos.

Ro. 8. 26

Ro. 8.
Luc. 17.

Mat. 9.

Ioan. 15.

QVAE RATIO IN ORANDO

REQUIRATUR.

Maxime autem refert, quo modo sacris precibus utamur: nam etsi precatio bonum est salutare, tamen nisi recte adhibeatur, minime prodest: quod

MM 3 enim

Iaco. 4.

enim petimus, sæpe non assequimur, ut sanctus inquit Iacobus, ob eam causam, quia male petimus. Ergo docebunt Parochi fidelem populum, quæ sit optima ratio bene petendi, & priuatim, ac publice orandi. quæ præcepta Christianæ orationis tradita sunt ex Christi domini disciplina. Est igitur orandum in spiritu, & ueritate. nam cælestis pater tales quærit, qui adorent eum in spiritu, & ueritate. orat autem eo modo, qui intimum, ac flagrans animi studium adhibet. à qua spiritali precandi ratione uocalem non excludimus: uerumtamen principatum iure tribuendum ducimus illi, quæ à uehementi animo proficiscitur, obsecrationi: quam

Ioan. 4.

Deus, cui patent occultæ hominum cogitationes, audit, etiam si non ore proferatur. Audiuit Annæ, eius, quæ fuit mater Samuelis, intimas præces; de qua illud legimus, fluentem orasse, & tantum labia mouentem. Orauit hoc modo Dauid: ait enim: Tibi dixit cor meum, exquisiuit te facies mea. Huiusmodi exempla in diuinis libris passim legentibus occurrunt. Habet autem uocalis oratio propriam utilitatem, & necessitatem: nam incendit animi studium, & religionem orantis inflammatur. quod ad Probam scripsit sanctus Augustinus hoc modo: Nonnumquam uerbis & alijs signis ad augendum desiderium sanctum, nos ipsi acrius excitamus. Cogimur interdum uehementi animi cupiditate, & pietate, uerbis efferre sententiam. nam exultante animo latitia, par etiam est,

1. Reg. 1.

audiat, etiam si non ore proferatur. Audiuit Annæ, eius, quæ fuit mater Samuelis, intimas præces; de qua illud legimus, fluentem orasse, & tantum labia mouentem. Orauit hoc modo Dauid: ait enim: Tibi dixit cor meum, exquisiuit te facies mea. Huiusmodi exempla in diuinis libris passim legentibus occurrunt. Habet autem uocalis oratio propriam utilitatem, & necessitatem: nam incendit animi studium, & religionem orantis inflammatur. quod ad Probam scripsit sanctus Augustinus hoc modo: Nonnumquam uerbis & alijs signis ad augendum desiderium sanctum, nos ipsi acrius excitamus. Cogimur interdum uehementi animi cupiditate, & pietate, uerbis efferre sententiam. nam exultante animo latitia, par etiam est,

Psalm. 6.

audiat, etiam si non ore proferatur. Audiuit Annæ, eius, quæ fuit mater Samuelis, intimas præces; de qua illud legimus, fluentem orasse, & tantum labia mouentem. Orauit hoc modo Dauid: ait enim: Tibi dixit cor meum, exquisiuit te facies mea. Huiusmodi exempla in diuinis libris passim legentibus occurrunt. Habet autem uocalis oratio propriam utilitatem, & necessitatem: nam incendit animi studium, & religionem orantis inflammatur. quod ad Probam scripsit sanctus Augustinus hoc modo: Nonnumquam uerbis & alijs signis ad augendum desiderium sanctum, nos ipsi acrius excitamus. Cogimur interdum uehementi animi cupiditate, & pietate, uerbis efferre sententiam. nam exultante animo latitia, par etiam est,

S. Aug.

audiat, etiam si non ore proferatur. Audiuit Annæ, eius, quæ fuit mater Samuelis, intimas præces; de qua illud legimus, fluentem orasse, & tantum labia mouentem. Orauit hoc modo Dauid: ait enim: Tibi dixit cor meum, exquisiuit te facies mea. Huiusmodi exempla in diuinis libris passim legentibus occurrunt. Habet autem uocalis oratio propriam utilitatem, & necessitatem: nam incendit animi studium, & religionem orantis inflammatur. quod ad Probam scripsit sanctus Augustinus hoc modo: Nonnumquam uerbis & alijs signis ad augendum desiderium sanctum, nos ipsi acrius excitamus. Cogimur interdum uehementi animi cupiditate, & pietate, uerbis efferre sententiam. nam exultante animo latitia, par etiam est,

est, linguam exultare. & uero decet nos cumulat-
 tum illud sacrificium facere & animæ, & corpo-
 ris. quem Apostolorum orandi morem fuisse, & ex
 eorum Actis, & ex Apostolo multis locis cognosci-
 mus. Sed quoniam duplex precandi ratio est, priua-
 ta, & publica: priuatæ orationis pronuntiatione uti-
 mur, ut intimum studium, & pietatem adiuuet; in
 publica, quæ ad incitandam fidelis populi religionem
 instituta est, certis, statisque temporibus linguæ
 officio supersederi nullo modo potest. Hanc uero
 spiritu orandi consuetudinem, propriam Christiano-
 rum hominum, infideles minime colunt: de qui-
 bus ita licet Christum dominum loquentem audi-
 re: Orantes nolite multum loqui, sicut ethnici fa-
 ciunt; putant enim, quod in multiloquio suo exau-
 diantur. nolite ergo assimilari eis: scit enim pater
 uester, quid opus sit uobis, ante quam petatis eum.
 Cum autem prohibeat loquacitatem; longas ta-
 men preces, quæ à uehementi, ac diuturno ani-
 mi studio proficiantur, tantum abest, ut reijci-
 at; ut etiam suo exemplo nos ad eam rationem
 cohortetur, qui non modo noctes in precatione con-
 sumpsit, sed et eundem sermonem repetijt. Tan-
 tum igitur statuendum est, inani uerborum sono
 minime exorari Deum. Nec uero ex animo orant
 hypocritæ: à quorum nos consuetudine deterret Chri-
 stus dominus in hanc sententiam: Cum oratis, non
 eritis sicut hypocritæ, qui amant in synagogis, &
 in angulis platearum stantes, orare, ut uideantur

Math. 6.

Luc. 6.
 Matth. 23.

Math. 6.

ab hominibus . amen dico uobis , receperunt mercedem suam . Tu autem cum oraueris , intra in cubiculum tuum , & , clauso ostio , ora patrem tuum in abscondito ; & pater tuus , qui uidet in abscondito , reddet tibi . Cubiculum , quod hoc loco dicitur , ad cor hominis referri potest ; quod non satis est ingredi , sed præterea occludi oportet , ne quid irrumpat , uel influat in animas extrinsecus , quo precationis integritas uiolari possit . tum enim celestis pater , qui omnium mentis , & occultas cogitationes maxime perspicit , orantis postulationi concedit . Requirit præterea oratio assiduitatem : quæ quantam uim habeat , iudicis illius exemplo , Dei filius ostendit : qui cum nec timeret Deum , nec hominem reuereretur , uictus assiduitate , ac diligentia uiduæ , eius postulationi concessit . Itaque assidue Deo preces faciende sunt , nec imitandi illi , qui semel , aut iterum orantes , nisi , quod petunt , impetrarint , in oratione defatigantur . nulla enim huius officij lassitudo esse debet : quod nos Christi domini , & Apostoli docet auctoritas . quod si interdum uoluntas in eo defecerit , precibus à Deo petamus perseuerandi uim . Vult etiam Dei filius orationem nostram ad patrem suo nomine peruenire : quæ eius merito , & gratia deprecatoris id pondus assequitur , ut à caelesti patre audiatur . est enim eius illa uox apud S. Ioannem ; Amen amen dico uobis , si quid petieritis patrem in nomine meo , dabit uobis : usque modo non petistis quidquam in nomine meo petite ,

&

Luc. 11.

Ioan. 16.

& accipietis; ut gaudium uestrum sit plenum. &
 iterum: Quodcumque petieritis patrem in nomine
 meo, hoc faciam. Imitemur ardens sanctorum ho- Ioan. 14.
 minum studium, quod illi in orando adhibebant. Gra-
 tiarum autem actionem cum precatione iungamus,
 apostolorum exemplo; qui hanc consuetudinem per-
 petuo seruauerunt: quemadmodum apud Aposto-
 lum licet uidere. Ieiunium uero, & eleemosynam
 ad orationem adhibeamus. Ieiunium quidem cer-
 te maxime est cum oratione sociatum. nam qui
 cibo, & potu sunt onusti, horum mens oppressa
 est sic, ut neque Deum intueri, neque, quid sibi
 uelit oratio, cogitare possint. Sequitur Eleemo-
 syna; quæ magnam & ipsa cum oratione societa-
 tem habet. quis enim, cui facultas sit benigne fa-
 ciendi ei, qui aliena misericordia uiuat, nec opi-
 tuletur proximo, & fratri suo, se charitate præ-
 ditum dicere audeat? aut quo ore is, qui expers
 sit charitatis, Dei auxilium implorabit? nisi tum
 peccati ueniam precatur simul & à Deo suppli-
 citer postulat charitatem. Quare diuinitus fa-
 ctum est, ut saluti hominum triplici hoc reme-
 dio subueniretur. cum enim peccando uel offenda-
 mus Deum, uel proximos uiolemus, uel nos ipsos
 lædamus; sacris precibus placatum reddimus De-
 um, eleemosyna redimimus hominum offensiones;
 ieiunio proprias uitæ sordes eluimus. & quam-
 quam singula profint ad omnium scelerum genera,
 tamen proprie singulis ijs peccatis, quæ diximus,
 appo-

Oratio cum
 Ieiunio, &
 eleemosyna.

L

§ 54. C. A. T. H. I. S. M. V. S. A.
apposita, & accommodata sunt.

PATER NOSTER QUI ES IN CAELIS.

CVM hac formula Christianæ precationis, à Iesu Christo tradita, eam habeat uiam, ut, antequam ad preces, postulationesq; ueniamus, certis uerbis loco proæmij nobis utendum sit, quibus pie ad Deum accedentes, fidentius etiam id facere possimus; Parochi officium est, illa distincte, dilucideque declarare, ut alacrior pius populus ad preces adeat, seq; cum patre Deo acturum intelligat. Proæmium autem, si spectes uerba breuissimum est; si res æstimes, grauissimum, mysteriorumque plenissimum. Ac prima quidem uox, qua Dei iussu, & institutione utimur in hac precatione, est PATER. nam etsi Saluator noster diuinam hanc orationem prætexere potuit aliquo uerbo, quod plus maiestatis haberet, exempli causa, Creatoris, aut Domini; tamen hæc onisit, quæ timorem simul nobis afferre possent; illud autem adhibuit, quod orantibus, & aliquid à Deo petentibus, amorem, fiduciamque conciliat. quid enim iucundius est patris nomine? quod indulgentiam sonat, & charitatem. Quibus autem rationibus patris nomen Deo conueniat, suppeditabit facultas docendi fidelem populum, ex locis creationis, gubernationis, ac redemptionis. nam cum
Deus

Deus hominem creauerit ad imaginem suam, nec illam ceteris animantibus impertiuerit; ex hoc singulari munere, quo hominem ornauit, iure omnium hominum, nec fidelium modo, sed etiam infidelium, Pater in diuinis scripturis appellatur. A gubernatione uero sumi poterit argumentum, quòd prospiciendo, & consulendo utilitati hominum, præcipuo quodam curæ, & prouidentia modo nobis præstat patriam charitatem. Sed ut in huius explicatione argumenti paternam Dei de hominibus curam melius agnoscat, de custodia angelorum, in quorum tutela sunt homines, aliquid dicendum uidetur. Est enim Dei prouidentia datum hoc negotium angelis, ut custodiant humanum genus singulisque hominibus præsto sint, ne grauius aliquod detrimentum accipiant. nam ut parentes, si infesta, & periculosa uia filijs iter faciendum sit, custodes adhibent, & periculorum adiutores: sic celestis parens in hoc itinere, quo ad caelestem patriam contendimus, singulis nobis præposuit angelos, quorum ope, ac diligentia tecti, furtim paratos ab hostibus laqueos uitaremus, & factos in nos horribiles impetus repelleremus, ijsque ducibus rectum iter teneremus, ne obiectus aliquis error à fallaci aduersario, nos de uia posset deducere, quæ ducit in cælum. Quam uero habeat utilitatem hæc de hominibus Dei cura, ac prouidentia singularis, cuius munus, & administratio mandata est angelis, quorum
inter

intelligimus, quanta sit uis beneficiorum; quæ confert in homines Deus, Angelis interpretibus, & internuncijs, nec solum certa aliqua, & priuata de re missis, sed à primo ortu, nostræ curæ præspositis, & in singulorum hominum salutis præsidio collocatis. Hanc doctrinæ diligentiam illa utilitas consequetur, ut audientium mentes erigantur, & ad agnoscendam, ac uenerandam Dei paternam de se curam, ac prouidentiam excitentur. Commendabit autem hoc loco Parochus, in primisque prædicabit diuinitas benignitatis Dei erga genus humanum; quem cum à primo parente nostri generis, & peccati, usque ad hanc diem offenderimus flagitijs, ac sceleribus innumerabilibus, retinet tamen in nos charitatem, neque præcipuam illam de nobis curam deponit. Quem si quis existimat hominum obliuisci, amens est, & in Deum iacit indignissimam contumeliam. Irascitur Israeli Deus propter eius gentis blasphemiam, quæ se arbitrabatur cælesti ope desertam esse. est enim in Exodo: Tentauerunt Dominum, dicentes; Est ne Deus in nobis, an non? Et apud Ezechielem, succenset eidem populo Deus, quod dixerat; Non uidet Dominus nos; dereliquit Dominus terram. Ergo fideles his auctoritatibus à nefaria illa opinione deterrendi sunt, fieri posse, ut Deum capiat hominum obliuio. In quam sententiam audire licet conquerentem de Deo apud Isaiam Israeliticum populum; contraque, Deum stultam eius querimoniam benigna similitudine refellen-

Exodi 17.

Ezech. 8.

Iſa. 49.

ſellentem. Eſt enim ibi : Dixit Sion : Dereliquit me Dominus ; & Dominus oblitus eſt mei. cui Deus : Numquid obliuiſci poteſt mulier infantem ſuum, ut non miſereatur filio uteri ſui ? et ſi illa oblita fuerit, ego tamen non obliuiſcar tui. Ecce in manibus meis deſcripſite. Quibus locis quanquam id li- quido confirmatur ; tamen, ut penitus fideli populo perſuadeatur, nullum poſſe tempus accidere, quo deponat Deus hominum memoriam, quo eis non tribuat patriæ charitatis officia ; Parochi rem clariffimo primorum hominum exemplo compro- babunt : quos poſt neglectum, uiolatumque Dei iuſſum, cum acerbius accusatos, & horribili illa ſententia condemnatos audis ; Maledicta terra in opere tuo ; in laboribus comedes ex ea cunctis die- bus uitæ tuæ ; ſpinas, & tribulos germinabit tibi ; & comedes herbas terræ : cum uides e paradiſo ex- pulſos ; & , ut omnis reditus ſpes adimeretur, cum in aditu paradiſi collocatum legis Cherubin flam- meum tenentem, & uerſatilem gladium : cum ab ulciſcente ſua iniuriâ Deo illos intimis, & ex- ternis moleſtijs conſcriptos intelligis : an non actum de homine putes ? an non credas non modo diuino il- lum auxilio nudatum, ſed etiam cuius iniuriæ pro- poſitum ? Verumtamen in tantis diuinæ iræ & ul- tionis indiis oborta eſt lux quedam Dei in eos Cha- ritatis : Fecit enim, inquit, dominus Deus Adæ, & uxori eius tunicas pelliceas, & induit eos : quod maximum fuit argumentum, hominibus
nullo

Gen. 3.

Gen. 3.

nullo umquam tempore defuturum Deum. Huius etiam sententiæ uim, non exauriri Dei amorem ultra hominum iniuria, David expressit illis uerbis: Numquid continebit Deus in ira sua misericordias suas? Hanc Habacuc Deum affatus exposuit, dum inquit; cum iratus fueris, misericordiæ recordaberis. Hanc sic Michæas aperuit; Quis Deus similis tui? qui aufers iniquitatem, & transfers peccatum reliquiarum hereditatis tuæ: non immittet ultra furorem suum, quoniam uolens misericordiam est. Omnino res ita se habet: cum maxime perditos nos, & Dei præsidio spoliatos arbitramur, tum maxime, pro immensa suâ bonitate, nos querit, & curat Deus: sustinet enim in ira gladium iustitiæ, nec cessat effundere in exhaustos misericordiæ thesauros. Magnam igitur uim habent ad declarandam præcipuam Dei rationem in amando tuendoque hominum genere, creatio, & gubernatio. sed tamen illud opus redimendi hominem sic eminet inter duo superiora, ut beneficentissimus Deus, parensque noster summam in nos benignitatem tertio hoc beneficio cumulata illustrarit. Quare tradet spiritualibus filiis Parochus, & assidue eorum auribus inculcabit hanc præstantissimam Dei erga nos charitatem, ut intelligant se, quia redempti sint admirabilem in modum Dei filios euasisse. Dedit enim, inquit Ioannes, eis potestatem filios Dei fieri, & ex Deo nati sunt. Quam ob causam baptismus, quod primum redemptionis

Psal. 76.

Habacu. 1.
Mich. 7.

Ioan. 1.

pignus

Ioan. 3.

1. Pet. 1.

Rom. 8.

1. Ioan. 3.

Iob. 19.

pignus & monumentum habemus, sacramentum regenerationis dicitur; inde enim nascimur Dei filij: nam inquit ipse Dominus; Quod natum est ex spiritu, spiritus est: & oportet uos nasci denuo. Item Petrus Apostolus, Renati non ex semine corruptibili, sed incorruptibili, per uerbum Dei uiui. Huius pondere redemptionis, & spiritum sanctum accepimus, & Dei gratia dignati sumus. Quo munere Dei filij adoptamur, quemadmodum ad Romanos scripsit Apostolus: Non accepistis spiritum seruitutis iterum in timore, sed accepistis spiritum adoptionis filiorum, in quo clamamus Abba pater. Cuius uim adoptionis explanat sanctus Ioannes ad hunc modum; Videte qualem charitatem dedit nobis pater, ut filij Dei nominemur, & simus. His expositis, admonendus est fidelis populus, quid ipse uicissim debeat amantissimo patri Deo, ut intelligat, quem amorem, ac pietatem, quam obedientiam, ac uenerationem creatori, gubernatori, ac redemptori præstare, quæ spe ac fiducia illum inuocare oporteat. Sed ad erudiendam inscitiam, dirigendamque sententiæ peruersitatem eorum, si qui tantummodo secundas res, & prosperum uitæ cursum argumento esse existimant, Deum conseruare nobis amorem suum, rebus autem aduersis, & calamitatibus, cum à Deo exercemur, id esse signum hostilis in nos animi, & prorsus abalienatæ à nobis diuinæ uoluntatis; demonstrandum erit, cum tangit nos ma-

nus

nus Domini, minime id hostiliter facere Dominum,
 uerum percutiendo sanare, & plagam à Deo ue-
 nientem esse medicinam. Castigat enim peccantes, ut Psal. 88.
 ea disciplina meliores faciat, & presenti animaduer-
 sione redimat ab exitio sempiterno. Nam uisitat
 quidem in uirga iniquitates nostras, & in uerberi-
 bus peccata nostra, misericordiam autem suam non
 aufert à nobis. Quare monendi sunt fideles, ut in
 eiusmodi castigatione patriam Dei charitatem agno-
 scant, & illud apud patientissimum Iob in memo- Iob. 5.
 ria, & in ore habeant: Ipse uulnerat, & mede-
 tur: percutit, & manus eius sanabunt, ut illud
 usurpent, quod sub persona Israelitici populi scripsit
 Hieremias: Castigasti me, & eruditus sum, quasi Hier. 31.
 iuuenculus indomitus: conuerte me; & conuertar:
 quia tu dominus Deus meus. Ut Tobia exemplum Tob. 11.
 sibi proponant, qui cum in illa plaga cecitatis pa-
 ternam Dei manum cædentem sensisset, exclamauit:
 Benedico te domine Deus Israel, quia tu castigasti
 me, & tu saluasti me. In quo maxime cauendum
 est fidelibus, ne, etiam si quouis incommodo affe-
 cti, quauis calamitate afflicti sint, Deum id igno-
 rare existiment: ait enim ipse: Capillus de capite
 uestro non peribit. immo uero se ipsi illo diuini ora-
 culi solatio consolentur, quod in Apocalypsi di- Apocal. 3.
 ctum est: Ego, quos amo, arguo, & castigo.
 Conquiescant in Apostoli cohortatione ad Hebraeos:
 Filii mei, noli negligere disciplinam Domini, Heb. 12.
 neque fatigeris, dum ab eo argueris: quem enim

aligit Dominus, castigat; flagellat autem omnem filium, quem recipit: quod si extra disciplinam essetis, cuius participes facti sunt omnes, ergo adulteri estis, & non filij. patres quidem carnis nostræ eruditores habuimus, & reuerabamur eos; non multo magis obtemperabimus patri spirituum, & uiuemus?

N O S T E R. Cum patrem inuocamus singuli, & nostrum appellamus, docemur, ex dono, ac iure diuinæ adoptionis consequi necessario, ut fratres sint fideles omnes, & inter se fraterne amare debeant: Matth. 23. Omnes, enim inquit, uos fratres estis: unus est enim pater uester, qui in cælis est. Quare etiã in epistolis, fideles omnes, apostoli fratres appellant. Ex quo itẽ conficitur illa consecutio necessaria, ut eadem adoptione Dei nõ solum inter se fideles uniuersi fraterna necessitudine coniungantur, sed, quia homo est unigenitus Dei filius, fratres etiam eius & nominentur, et sint. nam in epistola ad Hebræos, cum de filio Dei loqueretur, scripsit Apostolus; Non confunditur fratres eos uocare, dicens: Nunciabo nomẽ tuum fratribus meis. quod tanto ante Dauid de Christo domino prædixerat. Ipse uero etiam Christus sic apud Euangelistam loquitur ad mulieres: Ite, nunciate fratribus meis, ut eant in Galilæam: ibi me uidebunt. Quod tum ab eo dictum esse constat, cum iam excitatus à mortuis immortalitatẽ esset consecutus: ne quis existimet fraternam hanc cognationem, eius resurrectione, & in calum ascensu dissolutam esse.

Tan-

Tantum enim abest, ut hanc coniunctionem, & charitatem Christi resurrectio diremerit; ut ex illa maiestatis, & gloriæ sede, tum cum de omnibus omnis memoriæ hominibus iudicabit, fidelium minimos ab eo, fratrum nomine, appellandos acceperimus. Qui autem fieri potest, ut Christi fratres non simus, cuius cohæredes dicimur? Est enim primogenitus ipse, constitutus hæres uniuersorum: nos uero secundo loco geniti, cohæredes eius, pro modo celestium donorum, pro ratione charitatis, qua præbuerimus nos ministros, & coadiutores spiritus sancti; quo auctore ad uirtutem, salutareshue actiones impellimur, & incendimur, ut eius freti gratia in certamen salutis fortiter descendamus; quo sapienter, constanterque confecto, decursoque huius uitæ spatio, iustum coronæ præmium capimus à celesti parente, omnibus, qui eundem cursum tenuerint, constitutum. Non enim, ut ait Apostolus, iniustus est Deus, ut obliuiscatur operis nostri, & dilectionis. Quam uero hanc ex animo uocem **N O S T E R** proferre debeamus; S. Chrysostomi sententia declaratur, qui Deum, inquit, libenter Christianum audire non solum pro se, sed pro altero deprecantem; quod pro se orare naturæ est, pro altero gratiæ; pro se necessitas cogit, pro altero fraterna charitas hortatur. quibus illa subiunxit: Iucundior est Deo, quàm charitas fraterna commendat, quàm ea, quæ necessitate pronunciat. In hac tanta materia salutaris orationis, mōnere,

Matth. 25.

Ro. 8.

Heb. 1.

1 eb. 5.

& hortari debet Parochus omnes omnis ætatis,
 generis, ordinis, ut communis huius fraternæ ne-
 cessitudinis memores, comiter, & fraterne se ge-
 rant, neque se alijs alijs præferant insolentius. Nam
 etsi in Ecclesia Dei diuersi sunt officiorum gradus:
 tamen illa uarietas graduum, & munerum fra-
 ternæ necessitudinis coniunctionem minime tollit:
 quemadmodum in hominis corpore uarius usus, &
 diuersa functio membrorum nihil agit, quamobrem
 hæc, uel illa corporis pars membri munus, & no-
 men amittat. Propone tibi eum, qui regia sit pote-
 state; an is igitur, si fidelis est, frater non est om-
 nium, qui Christianæ fidei communionem continen-
 tur? maxime: quid ita? quia non est Deus alius is,
 ex quo diuites, & reges nati sunt, ab eo, à quo pau-
 peres, & qui in regum potestate sunt, extiterunt,
 sed unus Deus, & parens, & dominus omniū. Itaq;
 una spiritalis ortus omnium nobilitas, una dignitas,
 unus splendor generis; cum omnes ex eodem spiri-
 tu, ex eodem fidei sacramento nati simus filij Dei,
 & eiusdem hereditatis cohæredes. Nec uero alium
 Christum Deum habent copiosi, & potentes homi-
 nes, alium tenuiores, & infirmi; non alijs sacra-
 mentis sunt initiati, nec aliam hereditatem regni
 celestis expectant. Fratres sumus omnes, &
 ut inquit Apostolus ad Ephesios, membra sumus
 corporis Christi, de carne eius, & de ossibus eius,
 Quod idem in epistola ad Galatas significat. Apo-
 stolus: Omnes filij Dei estis per fidem in Christo Ie-
 su:

Ad Eph. 5.

Ad Gal. 3.

fu: quicumque enim in Christo baptizati estis, Chri-
 stum induistis; non est Iudeus, neque Græcus; non
 est seruus, neque liber; non est masculus, neque fe-
 mina: omnes enim uos unum estis in Christo Iesu.
 Hæc autem accurate uersanda res est Pastoribus
 animarum, & scienter illis in hac sententia com-
 morandum: est enim accommodatus locus non mi-
 nus ad confirmandos, & excitandos inopes, &
 abiectos homines, quàm ad coercendam, deprimen-
 damque arrogantiam locupletum, atque potentium.
 Cui hominum incommodo uti mederetur, urgebat
 Apostolus fraternam hanc charitatem, & incul-
 cabat fidelium auribus. Cum igitur has Deo preces
 facturis es, Christiane memineris te tamquam fi-
 lium ad patrem Deum accedere. itaque cum preca-
 tionem ordiris, & illud, Pater noster, pronun-
 cias, cogita, quem in locum te summa Dei benigni-
 tas extulerit, qui non ut seruum ad dominum ad-
 ire inuitum, ac timidum, sed ut ad patrem filium
 uoluntarium, securumque confugere iusserit. Qua
 in memoria, & cogitatione, quo uicissim studio,
 & pietate tibi orandum sit, considera: danda enim
 est tibi opera, te ut talem præbeas, qualem esse de-
 cet Dei filium, idest ut oratio, & actiones tuæ non
 indignæ sint diuino genere: quo te dignari uoluit be-
 neficentissimus Deus. Ad hanc officij rationem nos
 Apostolus cohortatur, cum ait: Estote ergo imita-
 tores Dei, sicut filij carissimi: ut uere de nobis dici
 possit, quod ipse Apostolus scripsit ad Thessaloni-

Eph. 5.

1. Theff. 5. censet: Omnes uos filij lucis estis, & filij diei.

QVI ES IN CAELIS. Constat inter omnes qui recte de Deo sentiunt, ubique locorum, & gentium esse Deum. quod non ita intelligendum est, quasi ipse distributus in partes, una parte locum unum, alia alium occupet, ac tueatur. nam Deus spiritus est, omnis expers diuisionis. Quis enim audeat Deum, tamquam in uestigio positum, loci alicuius finibus circumscribere, cum ipse de se dicat; Numquid non celum & terram ego impleo? Quod rursum sic accipiendum est, Deum celum, ac terram, quaque celo, ac terra comprehensa sunt, in sua, ac uirtute complecti, non autem ipsum ullo loco contineri, adest enim rebus omnibus Deus, uel creans ipsas, uel conseruans creatas, nulla regione, nullis finibus uel circumscriptus, uel ita definitus, quo minus & naturam, & potestatem suam præsens ubique constituat. quod beatus Dauid expressit illis uerbis: Si ascendero in celum, tu illic es. Verum etsi præsens adsit Deus in locis & rebus omnibus, nullis, ut diximus, terminis definitus, tamen in diuinis scripturis sepe dicitur habere domicilium suum in celo, quod ideo factum uidemus, quod cæli, quos suspicimus, sunt nobilissima mundi pars, ydemque manent incorrupti, præsantes ui, magnitudine, ac pulchritudine cæteris corporibus, certisque ac stabilibus motibus præditi. Ergo ut excitaret hominum animos Deus ad contemplandam infinitam suam

Hier. 23.

Ps. 113.

suam potestatem, ac maiestatem, quæ maxime elucet in opere cælorum, se in diuinis scripturis habitare testatur in cælis: sepe etiam, quod res est, declarat nullam esse mundi partem, quæ non præsentis Dei natura, & potestate comprehensa sit. Quamquam in hac cogitatione fideles non solum c. munis omnium parentis imaginem sibi proponent, sed etiam in cælo regnantis Dei; ut oraturi meminerint, mentem, animumq; esse referendum ad cælum; quantumque spei, ac fiduciæ affers eis patris nomen, tantum Christianæ humilitatis, ac pietatis adiungat præstans illa natura, ac diuina maiestas patris nostri, qui est in cælis. Quæ uerba præfiniunt etiam orantibus, quid petendum sit: Omnis enim postulatio nostra, quæ ad huius uitæ usum, ac necessitatem pertineat, nisi cum cælestibus sit coniuncta bonis, & ad illum finem dirigatur, inanis est, & indigna Christiano. Quare monebunt pios auditores Parochi de hac ratione precationis, & admonitionem illa Apostoli auctoritate comprobabunt; Si consurrexistis cum Christo, quæ sursum sunt querite, ubi Christus est in dextera Dei sedens: quæ sursum sunt, sapite, non quæ super terram.

ad Col. 3.

SANCTIFICETVR NOMEN TVVM.

Quid à Deo petendum, quoue ordine id agendum sit, magister ipse, ac dominus omnium docuit, & imperauit. nam cum studij, & desiderij nostri

nuncia sit, & interpretor oratio, tum recte, & ratione petimus, cum postulationum ordo sequitur ordinem rerum expetendarum. Monet autem nos uera charitas, totum ut animum, ac studium conferamus in Deum: qui quoniam solus est in se ipso summum bonum, iure est precipuo quodam, ac singulari amore diligendus. Nec uero ex animo, & unice potest amari Deus, nisi rebus ac naturis omnibus eius honor, & gloria praeponatur. bona enim, & nostra, & aliena, & omnino omnia, quaecumque boni uocabulo nominantur, ab illo profecto summo ipsi bono cedunt. Quare ut ordine procederet oratio, Saluator petitionem hanc de summo bono principem, & caput constituit petitionum reliquarum, docens nos, prius quam ea, quae nobis, aut proximo cuique opus sint, postulemus, quae propria sint Dei gloriae, petere debere, ipsique Deo studium, & desiderium eius rei nostrum exponere. Quo facto manebimus in officio charitatis; qua docemur, & plus Deum, quam nos ipsos, diligere, & primum petere, quae Deo cupiamus, deinde, quae nobis optemus. Et quoniam desiderium, & petitio sunt earum rerum, quibus caremus; nec uero Deo, idest eius naturae, fieri accessio potest, aut augeri ulla re diuina substantia, quae inexplicabilem in modum est omni perfectione cumulata: intelligendum est, extra haec esse, quae à Deo ipsi Deo petimus, & ad externam eius gloriam pertinere. cupimus enim, & petimus, ut Dei nomen notius sit

Petitio earum rerum est, quibus caremus.

sit gentibus ; ut eius regnum amplificetur ; ut plu-
 res quotidie obediant diuino numini : quæ tria , No-
 men, Regnum, Obedientia, non in illo ipso sunt in-
 timo Dei bono, sed assumuntur extrinsecus. Ve-
 rum ut, hæ petitiones quàm uim habeant, & quid
 ualeant, planius intelligatur, Pastoris erunt par-
 tes, monere fidelem populum, uerba illa, Sicut in
 calo, & in terra, ad singulas referri posse prima-
 rum trium postulationum ; ut, Sanctificetur nomeu
 tuum, sicut in calo, & in terra : item : Aduē-
 niat regnum tuum, sicut in calo, & in terra : simili-
 ter : Fiat uoluntas tua, sicut in calo, & in terra.
 Cum autem petimus, ut sanctificetur nomen Dei ;
 id sentimus, ut augeatur sanctitas, & gloria diui-
 ni nominis. Quo loco Parochus animaduertet, ac
 docebit pios auditores, non id dicere Saluatorem ;
 ut eodem modo sanctificetur in terra, quo et in calo,
 id est, ut amplitudine terrestris sanctificatio celestis
 exæquet : hoc enim fieri nullo pacto potest ; sed ut
 ex charitate, ex intimo animi studio id agatur. etsi
 uerissimum illud est, sicuti est, diuinum nomen per
 se sanctificatione non egere ; cum sanctum, & terri-
 bile sit quemadmodum ipse Deus suapte natura san-
 ctus est, neque ei ulla sanctitas ; qua ab omni æter-
 nitate præditus non fuerit, possit accedere : tamen,
 quod in terris longe minori honore afficitur, quàm
 par est, nonnumquam etiam maledictis, & nefarijs
 uocibus uiolatur, propterea cupimus, ac petimus,
 ut laudibus, honore, gloria celebretur ad exem-
 plum

Psal. 110.

plum laudum, & honoris, & gloriæ; quæ illi in cælo tribuuntur, idest, ut sic honor, & cultus in mente, in animo, in ore uersetur, ut omni ueneratione & intima, & externa prosequamur; omni celebritate excelsum, purum, & gloriosum Deum ad imitationem supernorum, ac celestium ciuium complectamur. Vt enim celites summæ consensuone, gloria, & predicatione offerunt Deum: sic precamur, ut idem contingat orbiterarum, & omnes gentes Deum cognoscant, colant, & uenerentur; ut nulli plane mortales reperiuntur, qui non & suscipiant Christianam religionem, & se totos Deo dicantes credant ex eo omnem sanctitatis fontem existere, neque quidquam esse purum, aut sanctum; quod non à sanctitate diuini nomini oriatur. Testatur enim Apostolus mandatam esse Ecclesiam in lauacro aquæ, in uerbo uitæ. significat autem uerbum uitæ, nomen patris, & filij, & spiritus sancti, in quo baptizamur, & sanctificamur. Itaque, quoniam nulla cuiusquam expiatio, nulla munditia, & integritas esse potest; super quo non sit inuocatum diuinum nomen: cupimus, & petimus à Deo, ut omne hominum genus, relictis impuræ infidelitatis tenebris, ac radijs diuini luminis illustratum, huius uim nominis agnoscat sic, ut in eo ueram querat sanctitatem; & in nomine sanctæ, & indiuiduæ Trinitatis baptismi sacramentum suscipiens ipsius Dei dextera, perfectam uim sanctitatis consequatur. Pertinet uero optatum, & postulatio

Eph. 5.

latio nostra non minus etiam ad eos, qui flagitijs, & sceleribus cōtaminati, puram baptismi integritatē, & innocentie stolam amiserunt: quare factum est, ut in illis miserrimis suā iterū sedē impurissimus spiritus collocarit. Optamus igitur, & precamur à Deo: ut in ipsis etiam sanctificetur nomen eius; ut ad cor, & ad sanitatē redeuntēs, sacramento pœnitentie redimant pristinam sanctitatem, seque ipsos purum, ac sanctum Deo templum, ac domicilium præbeant. Oramus denique, lumen ut suum Deus præferat omnium mentibus; quo uidere possint, omne datum optimum, & omne donum perfectū, descendēs à Patre luminum, ad nos diuinitus esse delatum; quo temperantiam, iustitiam, uitam, salutem, omnia denique animi corporis, externa, uitalia, ac salutaria bona illi accepta referant; à quo quemadmodū prædicat Ecclesia, bona cuncta procedunt: si quid luce sua sol, si quid reliqua sidera motu, & cursu prosunt hominum generi; si circumfuso hoc alimur spiritu; si terra frugum, & fructuum ubertate uita sustinet omnium; si opera magistratū quiete, ac tranquillitate fruimur; & hæc, & huius generis bona innumerabilia nobis suppeditat immensa Dei benignitas. Quin etiam, quas philosophi secundas causas appellant, interpretari debemus, mirabiliter effectas quasdā, & ad usum nostrum accommodatas Dei manus, quibus nobis sua bona distribuit, ac longe, lateque diffundit. Quod autē maxime rem continet in hac petitione, illud est, ut omnes agnoscant, &

Iacob. r.

uene.

uenerentur sanctissimam Iesu Christi sponsam, & parentem nostram Ecclesiam: in qua una est fons ille amplissimus, atque perpetuus, ad eluendas, & expiandas omnes peccatorum sordes, unde hauriuntur uniuersa salutis, & sanctificationis sacramenta; quibus quasi caelestibus quibusdam fistulis in nos à Deo ille sanctitatis ros, & liquor effunditur: ad quam solam, & ad eos, quo suo sinu, & gremio complexa est, pertinet diuini illius imploratio nominis, quod unum sub cælo datum est hominibus, in quo oporteat nos saluos fieri: Verum

Act. 4. Parochi maxime hunc locum urgere debebunt, boni esse filij, non solum patrem Deum orare uerbis; sed re etiam, & actione conari, ut eluceat in ipso sanctificatio diuini nominis. Utinam non essent, qui, cum oratione hanc Dei nominis sanctificationem assidue postulent, factis, quantum in ipsis est, illud uiolant, atque contaminant: quorum culpa interdum ipsi etiam Deo maledicuntur, in quos dictum est ab Apostolo: Nomen Dei per uos blasphema-

Rom. 2. Ezech. 36. tur inter gentes. Et apud Ezechielem legimus: Ingressi sunt ad gentes, ad quas introierunt, & polluerunt nomen sanctum meum; cum diceretur de eis; populus Domini iste est, & de terra eius egressi sunt. Qualis enim est uita, & ut sunt eorum mores, qui religionem profitentur: sic de religione ipsa, deque eius auctore religionis multitudo imperita iudicare solet. Quare qui uiuunt ex Christiana religione, quam susceperunt, & ad eius regulam

oratio-

orationem, & actiones dirigunt suas, magnam facultatem præbent alijs laudandi nomen cælestis parentis, & omni honore, & gloria celebrandi. Nobis enim ipse has partes imposuit Dominus, ut illustribus uirtutis actionibus excitemus homines ad laudem, & prædicationē diuini nominis: ad quos loquitur in hunc modum apud Euangelistam; Sic luceat lux uestra coram hominibus, ut uideant opera uestra bona, & glorificent patrem uestrum, qui in cælis est. Et Princeps apostolorum; Conuersionem uestram inter gentes habentes bonam, ut ex bonis operibus uos considerantes, glorificet Deū.

Matt. 5.

Epist. 1. 2.

ADVENIAT REGNUM TVVM.

Regnum cæleste, quod altera hac petitione postulamus, eiusmodi est, ut eo referatur, ac terminetur omnis euangelij prædication. nam & inde exorsus est ad penitentiam corhortari S. Ioannes Baptista, dum, Penitentiam, inquit, agite: appropinquabit enim regnum cælorum. Nec aliunde fecit initium suæ prædicationis Saluator humani generis; & in illo salutari sermone, quo beatitudinis uias discipulis in monte monstrauit, tamquam proposito orationis argumento principium duxit à regno cælorum: nam, Beati, inquit, pauperes spiritu; quoniam ipsorum est regnum cælorum. Quin etiam eum retinere cupientibus, attulit illam causam necessariæ profectianis: Et alijs ciuitatibus oportet me euangelizare regnum Dei: qui

Matt. 3.

Matt. 4.

Matt. 5.

Luc. 4.

Matth. 10.

Luc. 8.

quia ideo missus sum. Hoc idem postea regnum predicare iussit apostolos; & illi, qui se ire ad sepeliendum patrem suum uelle dixerat, respondit; Tu uade, annuncia regnum Dei. Cum uero resurrexisset à mortuis, per illos quadraginta dies, quibus apparuit apostolis, loquebatur de regno Dei.

Act. 1.

Quare Parochi hunc secundæ postulationis locum diligentissime tractabunt, ut fideles auditores, quanta sit in hac petitione uis, ac necessitas, intelligant. Primum autem ipsis ad rem scienter, subtiliterque explicandam magnam facultatem dabit ea cogitatio, quod, etsi hæc petitio coniuncta sit cum reliquis omnibus, eam tamen separatim etiam adhiberi iusserit à ceteris, ut, quod petimus, summo studio queramus: ait enim:

Matth. 6.

Querite primum regnum Dei, & iustitiam eius: & hæc omnia adiicientur uobis. Et quidem tanta uis, & copia cælestium munerum hac postulatione continetur, ut omnia complectatur, quæ ad corpoream, & spiritualem uitam tuendam sint necessaria. quem autem regio nomine dignum dicemus, cui ea curæ non sint, quæ regni salutem contineant? quòd si sunt homines de regni sui incolumitate solliciti: quanta regem regum omnium cura, & providentia tueri credendum est & uitam, & salutem hominum? Hac igitur regni Dei petitione comprehensa sunt omnia, quibuscunque in hac peregrinatione, uel exilio potius indigemus: quæ concessurum se Deus benigne polli-

pollicetur : nam statim illa subiunxit : Et hec omnia
 adyicientur uobis . Quibus omnino declarauit , se
 eum esse regem , qui generi hominum copiose om-
 nia , largèque suppeditat : in cuius infinita be-
 nignitatis cogitatione infixus Dauid cecinit : Do-
 minus regit me ; & nihil mihi deerit . Verum mi-
 nime satis est , uehementer petere Dei regnum ,
 nisi ad petitionem nostram adhibeamus omnia
 tamquam instrumenta , quibus illud quæritur ,
 & inuenitur : nam & quinque fatuæ uirgines
 studiose illæ quidem petierunt ad hunc modum ,
 Domine , Domine aperi nobis : uerum tamen , quod
 illius postulationis præsidia non haberent , exclu-
 sæ sunt : nec iniuria : est enim illa Dei ore pronun-
 ciata sententia ; Non omnis , qui dicit mihi , Domi-
 ne Domine , intrabit in regnum calorum . Quam-
 obrem haurient animarum curatores Sacerdotes
 ex uberrimis diuinarum litterarum fontibus ea ,
 quæ fidelibus desiderium studiumque commoue-
 ant regni calorum ; quæ calamitosam statum no-
 stri condicionem illis ob oculos ponant ; quæ sic eos
 afficiant , ut respicientes , & colligentes se in memo-
 riam redeant summæ beatitudinis , & inexplicabi-
 lium bonorum , quibus redundat æterna parentis Dei
 domus . Exules enim sumus , & plane eius loci inco-
 læ , in quo habitant demones ; qui sunt infestissimi ,
 et implacabiles in genus humanum . Quid domestica ,
 intestinaque prælia , quæ inter se corpus , & anima ,
 caro , & spiritus assidue gerunt ? quibus , perpetuo
 timen .

Psal. 121.

Math. 25.

Math. 7.

timendum est, ne concidamus: timendum autem? immo uero statim concideremus, nisi propugnaculo diuinæ dexteræ defenderemur. Quam uim miseriarum cum sentiret Apostolus, Infelix, inquit, ego homo, quis me liberabit de corpore mortis huius? Hæc infelicitas nostri generis, quanquam per se cognoscitur, tamen ex contentione reliquarum naturarum, & creatarum rerum facilius intelligi potest. In illis siue rationis, siue etiam sensus expertibus raro fieri uidemus, ut aliqua natura à proprijs actionibus, à sensu, uel motu insito declinet sic, ut à proposito, & constituto fine deflectat. Hoc apparet in bestijs agrestibus, nantibus, uolucris, ut res declaratione non egeat. Quod si cælum suspexeris, non ne uerissimum id esse intelligis, quod à Davide dictum est? In æternum, Domine, uerbum tuum permanet in cælo. Nempe illud continenti motu, & perpetua conuersione fertur, ut ne minimum quidem à præfinita diuinitus lege discedat. Si terram, & reliquam uniuersitatem consideres: facile uideas, aut nulla, aut exigua ex parte deficere. At miserrimum hominum genus sapissime labitur; raro, quæ recte sunt cogitata, persequitur; plerumque susceptas bonas actiones abiicit, atque contemnit; quæ modo placuerat optima sententia, subito displicet, & illa reiecta, ad turpia consilia, sibi quæ pernicio sa delabitur. Quanam igitur est huius inconstantia, miseriaque causa? Contemptio plane diuini afflatus. claudimus enim

aures

Rom. 7.

Psal. 118.

Aures Dei monitis: oculos tollere nolumus ad ea, quæ nobis lumina diuinitus præferuntur, nec celestem patrem salutariter præcipientem audimus. Quare huc incumbendum erit Parochis, ut & miserias oculis subiiciant fidelis populi, & commorent causas miseriarum, & remediorum uim ostendant. quorum omnium illis facultas non deerit comparata ex uiris sanctissimis, Ioanne Chrysostomo, & Augustino, maxime uero ex ijs, quæ in Symboli expositione posuimus. nam, illis cognitis, qui erit è facinorosorum hominum numero, quin adiumento Dei gratiæ præeuntis, euangelico illo prodigi filij exemplo conetur exurgere, & erigere se, atque in celestis regis, patrisque conspectum uenire? His explicatis, quæ sit fidelium fructuosa petitio, aperient, quid sit, quòd his uerbis à Deo postulemus, præsertim cum uocabulum regni Dei multa significet; quorum declaratio & ad reliquã scripturæ intelligentiam non erit inutilis, & est ad huius cognitionem loci necessaria. Communis igitur quedam regni Dei significatio, quæ frequens est in diuinis litteris, est non solum eius potestatis, quam habet in omnem hominum, rerumque uersitatent; sed etiam prouidentia, qua cuncta regit, & moderatur. In manu enim eius, inquit Propheta, sunt fines terræ. Quibus finibus intelliguntur etiam, quæ occulta sunt, & abdita in intimis terræ, ac rerum omnium partibus. In hanc sententiam Mardocheus loquebatur illis uerbis:

Luc. 15.

Psal. 94.

Domine Deus, rex omnipotens: in ditione enim
 • tua cuncta sunt posita; & non est, qui possit tux
 resistere uoluntati. Dominus omnium es; nec est,
 qui resistat maiestati tue. Item Dei regno declara-
 tur præcipua illa, ac singularis prouidentia ratio,
 qua Deus pios, & sanctos homines tuetur, & cu-
 rat. de qua propria, & eximia quadam Dei cura
 dictum est illud à Dauide: Dominus regit me, nihil
 mihi deerit. tum ab Isaia: Dominus, rex noster, ipse
 saluabit nos. In qua Dei regia potestate etsi præci-
 pua ratione sunt in hac uita ij, quos diximus, sancti,
 ac p̃ij homines: tamen monuit Pilatum ipse Christus
 dominus, regnum suum nō esse ex hoc mūdo, hoc est,
 minime ex hoc mundo, qui & conditus est, & interi-
 turus, ortum habere. nam eo, quem diximus modo
 dominantur imperatores, reges, respublicæ, duces,
 omnesque ij, qui uel expetiti, ac delecti ab homini-
 bus præsumt ciuitatibus, atque prouincijs, uel per-
 uim, & iniuriam dominatum occupauerunt. Chri-
 stus autem dominus constitutus est rex à Deo, ut
 ait Propheta: cuius regnum, ex Apostoli senten-
 tia, iustitia est. ait enim: Regnum Dei est ius-
 titia, & pax, & gaudium in spiritu sancto. Re-
 gnat autem in nobis Christus dominus per uirtu-
 tes intimas, fidem, spem, charitatem: quibus uir-
 tutibus regni quodam modo partes efficimur; &
 Deo peculiari quoddam ratione subiecti, ad eius
 cultum ac uenerationem consecramur: ut, quem
 admodum dixit Apostolus; Viuo autem, iam non
 ego

Psal. 22.
 Isa. 33.

Ioan. 18.

Psal. 2.

Rom. 14.

Gal. 2.

ego; uiuit uero in me Christus; ita nobis dicere liceat; Regno ego, iam non ego; regnat uero in me Christus. Id autem regnum iustitia dicitur, quia Christi domini iustitia constitutum est. Ac de hoc regno sic loquitur apud sanctum Lucam Dominus: *Regnum Dei intra uos est. Nam etsi Iesus Christus per fidem regnat in omnibus, qui gremio, ac sinu sanctissimæ matris Ecclesiæ continentur, præcipuo tamen modo regit eos, qui præstanti fide, spe, & charitate præditi, se tamquam pura quædam, & uiua membra, Deo præbuerunt, & in his Dei gratiæ regnum esse dicitur. Est uero etiam Dei gloriæ regnum illud, de quo Christum dominum apud sanctum Matthæum loquentem audimus: Venite benedicti patris mei; possidete paratum uobis regnum à constitutione mundi. Quod idem ab eo regnum apud sanctum Lucam latro admirabiliter, sua scelera recognoscens, expetebat in hunc modum: Domine, memento mei cum ueneris in regnum tuum. Sanctus etiam Ioannes meminit huius regni: Nisi quis renatus fuerit ex aqua, & spiritu, non potest introire in regnum Dei. Meminit item Apostolus ad Ephesios: Omnis fornicator, aut immundus, aut auarus, quod est idolorum seruitus, non habet hereditatem in regno Christi, & Dei. eodem pertinent aliquot similitudines Christi domini, loquentis de regno cælorum. Necessè est autem, prius ponere regnum gratiæ. neque enim fieri potest, ut in ullo regnet Dei gloria,*

Luc. 17.
Matth. 25.
Luc. 23.
Ioan. 3.
Eph. 5.
Matth. 13.

Ioan. 4.

Gloria
quid.

nisi eiusdem gratia in illo regnarit. Est uero gratia, ipsius sententia Saluatoris, fons aquæ salientis in uitam æternam. Gloriam autem quid esse dicemus, nisi gratiam quandam perfectam, & absolutam? quamdiu enim fragili hoc, & mortali corpore uestiti sumus, dum in hac cæca peregrinatione, & exilio uagi, & imbecilles absumus à Domino, sæpe labimur, & cadimus, abiecto regni gratia adminiculo, quo nitebamur: cum autem regni gloriæ, quod perfectum est, lux nobis illuxerit, firmi, ac stabiles perpetuo consistemus. omne enim & uitium, & incommodum exhaurietur: omnis infirmitas confirmata roborabitur: ipse denique nostra in anima, & in corpore regnabit Deus. quæ res uberius in Symbolo tractata est; cum de resurrectione carnis ageretur. His igitur expositis, quæ communem regni Dei sententiam declarant, quid sibi hac petitio proprie uelit, dicendum est. Petimus autem à Deo, ut regnum Christi, quod est Ecclesia, propagetur; ut se ad fidem Christi domini, & ad accipiendam ueri Dei cognitionem conuertant infideles, & Iudæi; & schismatici, ac hæretici redeant ad sanitatem, & ad Ecclesiæ Dei communionem, à qua desciiuerunt, reuertantur; ut compleatur, & ad exitum perducatur, quod Isaïæ ore dixit Dominus: Dilata locum tentoriij tui; & pelles tabernaculorum tuorum extende; longos fac funiculos tuos, & clauos tuos consolida: ad dexteram enim, & ad laeuam penetrabis: quia dominabitur

Iia. 5. 4.

minabitur tui, qui fecit te. Et idem: Ambula-
bunt gentes in lumine tuo, & reges in splendore or-
tus tui: leua in circuitu oculos tuos, & uide, om-
nes isti congregati sunt, uenerunt tibi: filij tui de lon-
ge uenient, & filia tua de latere surgent. Verum
quia sunt in Ecclesia, qui uerbis confitentes Deum,
factis negantes, deformatam fidem præferant,
in quibus propter peccatum dæmon habitat, ac do-
minatur tamquam in proprijs domicilijs; petimus
etiam, ut ad eos ueniat regnum Dei; quo illi, pecca-
torum discussa caligine, & radijs diuinæ lucis illu-
strati, restituantur in filiorum Dei pristinam di-
gnitatem; ut, omnibus è suo regno, celestis parens,
sublatis hæreticis, atque schismaticis, eiectionisque
offensionibus, ac scelerum causis, aream purget
Ecclesiæ, quæ, Deo cultum pie, sanctæque adhiben-
do, quieta, ac tranquilla pace perfruatur. Peti-
mus denique, ut solus in nobis uiuat, solus regnet
Deus; ne sit posthac morti locus; sed ut illa absor-
beat in uictoria Christi domini nostri, qui, disie-
cto, ac dissipato omni hostium principatu, potesta-
te, & uirtute suo omnia subiiciat imperio. Erit au-
tem curæ Parochis, ut, quod postulat huius ratio
petitionis, fidelem populum doceant, quibus cogi-
tationibus, & meditationibus instructus, has pie
Deo preces facere possit. Ac primum hortabuntur,
ut uim, ac sententiam intueatur illius similitudinis
à Salvatore introductæ; Simile est regnum calorū
thesauro abscondito in agro: quem qui inuenit ho-

Isa. 60.

ad Titum 1.

Matth. 13.

mo abscondit, & præ gaudio illius uadit, & uen-
dit uniuersa, quæ habet, & emit agrum illum.
Nam qui nouerit Christi domini diuitias, is præ il-
lis omnia contemnet, huic facultates, opes, poten-
tia sordescunt. nihil enim est, quod illi summo pre-
tio comparari, immo uero, quod in conspectu eius
stare possit. Quare, quibus id nosse contigerit

Philipp. 3. exclamabunt illi, ut Apostolus; omnia detrimen-
tum feci, & arbitror ut stercora, ut Christum lu-
crificiam. Hæc est illa insignis euangelij margari-
ta, in quam qui pecuniam, ex omnium bonorum

Matth. 13. uenditione redactam, erogarit, is beatitudine frue-
tur sempiterna. O nos felices, si tantum luminis
nobis præferret Iesus Christus, ut illam uidere pos-
semus diuinæ gratiæ margaritam, qua ipse regnat
in suis: nam & nostra omnia, & nos ipsos uenun-
daremus, ut emptam illam tueremur. tum enim

Ro. 8. denique nobis id non dubitanter dicere liberet: Quis
nos separabit à charitate Christi? Præstantem ue-
ro regni gloriæ excellentiam, si, quæ sit, scire uo-
lumus, eandem de illa, & Propheta, & Apostoli

Isa. 64.
1. Cor. 2. uocem, atque sententiam audiamus: Oculus non
uidit, neque auris audiuit, neque in cor hominis
ascendit, quæ præparauit Deus, ijs qui diligunt il-
lum. Proficiet autem ad impetrandum maxime,
quod petimus, si, qui simus, ipsi nobiscum repete-
mus, idest Adam progenies, iure e paradiso eiekti,
& exules; quorum indignitas, ac peruersitas sum-
mum Dei odium, ac sempiternas pœnas postularet.

Quar

Quare demisso tum, & abiecto animo simus oportet. Nostra etiam erit plena Christianæ humilitatis oratio: & omnino nobis ipsi diffidentes, illius more publicani confugiemus in Dei misericordiam; totumq; eius benignitati tribuentes, ipsi gratias agemus immortales, qui nobis suum spiritum sit clarigitus, quo freti clamare audeamus, Abba pater. suscipiemus etiam illam curam, & cogitationem, quid agendum, quid contra uitandum sit, ut ad cæleste regnum peruenire possimus. non enim à Deo ad otium, & ad inertiam uocati sumus: quinimmo inquit; Regnum calorum uim patitur, & uolenti rapiunt illud: & Si uis ad uitam ingredi, serua mandata. Itaque non est satis, petere regnum Dei, nisi suum ipsi etiam studium, & operam adhibeant homines. Enam adiutores sint oportet, & administri Dei gratie in eo tenendo cursu, quo peruenitur in cælum. Numquam nos deserit Deus: qui nobiscum se futurū perpetuo pollicitus est: unū ut nobis uidendū sit, ne Deū, & nos ipsos deseramus. Ac Dei quidem sunt in hoc Ecclesiæ regno omnia, quibus & uitam tuetur hominū, & salutem illis conficit sempiternam, & quæ sub aspectū non cadunt, angelorū copiae, & plenissimum uirtutis cælestis uisibile hoc munus sacramentorum. In his tantum nobis præsidij est diuinitus constitutum, ut non modo ab acerrimorum hostium regno tuti esse, sed ipsum etiam tyrannum, eiusque nefarios satellites prosternere, & conculcare possimus. Quare uehementer.

Luc. 18.

Rom. 8.

Matt. 11.
March. 19.

ad extremum petamus à Dei spiritu, nos ut omnia in beatæ suæ uoluntate facere; Satanae ut tollat imperium, nullam ut in nobis summo illo die potestatem habeat; ut uincat, & triumphet Christus; ut uigent eius leges toto orbe terrarum: ut decreta seruentur; nullus ut proditor, aut desertor eius sit; sed tales se præbeant omnes, ut in regis Dei conspectum non dubitanter ueniant, & constitutam illis ex omni æternitate possessionem adeant regni cælestis, ubi beati cum Christo sempiterno æuo fruantur.

FIAT VOLUNTAS TUA.

Matt. 7.

Cum à Christo domino dictum sit; Non omnis, qui dicit mihi, Domine, Domine, intrabit in regnum cælorum; sed qui facit uoluntatem patris mei, qui in cælis est, ipse intrabit in regnum cælorum: quicunque in illud cæleste regnum peruenire cupiunt, id à Deo petere debent, ut fiat uoluntas eius. Quamobrem hæc loco posita petitio est statim post regni cælestis postulationem. Ut autem intelligant fideles, quam necessarium id nobis sit, quod hac prece postulamus, quantamque uim salutarium munerum ex eius impetratione consequamur; demonstrabunt Parochi, quibus miseris, & ærumnis oppressum fuerit hominum genus propter peccatum primi parentis. Nam à principio Deus proprii boni appetitionem creatis rebus ingenerauit, ut naturali quadam propensione suum quærerent, & expeterent finem, à quo illæ numquam, nisi obiecto extrinsecus impedimento, declinant. Hæc autem initio fuit in homine
expe-

expetendi Deum, suæ beatitudinis auctorem, parentemque, eo præclarior, & præstantior uis, quod is compos esset rationis, atque consilij. Sed hunc amorem sibi naturaliter ingentum, cum reliquæ naturæ rationis expertes conseruassent, quæ ut initio procreata fuerunt natura bonæ, sic in eo statu, & conditione manserunt, hodieque manent; miserum hominum genus cursum non tenuit: non enim solum bona iustitiæ originalis amisit, quibus à Deo supra naturæ suæ facultatem auctum, ornatumque fuerat, sed etiam insitum in animo præcipuum uirtutis studium obscurauit. Omnes, inquit, declinauerunt, simul inutiles facti sunt. non est, qui faciat bonum, non est usque ad unum. Nam sensus & cogitatio humani cordis in malum prona sunt ab adolescentia sua: ut inde facile intelligi possit, neminem per se salutariter sapere, sed omnes ad malum esse propensos, innumerabilesque esse hominum prauas cupiditates, dum procliuës sunt, & flagranti studio feruntur ad iram, ad odium, ad superbiam, ad ambitionem, ad omne fere malorum genus. Quibus in malis quamquam assidue uersamur; tamen, quæ summa est nostri generis miseria, permulta ex illis sunt, quæ nobis minime mala uideantur. quæ res insignem arguit hominum calamitatem, qui cupiditatibus ac libidinibus obcæcati non uideant, quæ salutaria opinantur, plerumque esse pestifera, immo uero ad illa perniciosæ mala, tamquam ad optabile & expetendum bonum, rapiantur precipites

Psal. 52.

Gen. 8.

Ro. 7.

pites, ab ijs, quæ uere bona sunt, & honesta, tamquam à contrarijs rebus, abhoreant. Hanc opinionem, corruptumque iudicium detestatur Deus illis uerbis; *V.æ*, qui dicitis malum bonum, & bonum malum, ponentes tenebras lucem, & lucem tenebras, ponentes amarum in dulce, & dulce in amarum. Itaque, nostris ut subiiciant oculis nostras miseras, comparant nos diuinæ litteræ ijs, qui uerum gustandi sensum amiserunt: quare fit, ut à salubri uictu alieni sint, appetantque contrarium. Cum ægrotis præterea nos conferunt. ut enim illi, nisi morbum depulerint, sanorum, & integrorum hominum officia ac munera obire non possunt: sic nos, quæ Deo gratae sint, actiones suscipere sine diuinæ gratiæ adiumento nequimus. Quod si quædam sic affecti assequimur; leuia illa sunt, & quæ ad consequendam celestem beatitudinem parum uel nihil momenti habent. At Deum, ut par est, amare, & colere, quod maius quiddam & altius est, quàm ut nos humi strati id humanis uiribus assequamur, numquam poterimus, nisi adminiculo diuinæ gratiæ subleuemur. Quamquam aptissima est etiam illa comparatio ad significandam miseram humani generis condicionem, quod similes esse dicimur puerorum, qui suo relictæ arbitrio temere mouentur ad omnia: pueri, inquam, sumus, & imprudentes, ludicris sermonibus, & inanibus actionibus dediti; si à diuino præsidio deseramur. sic enim nos obiurgat Sapientia: *Vsquequo paruuli diligis-*

Isa. 5.

Rati
—Prou. 1.
Cap. 1.

diligitis infantiam, & stulti ea, quæ sibi sunt noxia, cupient? Et in hunc modum hortatur Apostolus: Nolite pueri effici sensibus. Et si maiori in inanitate, & errore uersamur, quam illa puerilis ætas; cui tantum abest humana prudentia, ad quam tamen per se tempore potest peruenire; cum ad diuinam prudentiam, quæ ad salutem necessaria est, nos nisi Deo auctore, & adiutore aspirare non possimus. nisi enim præsto nobis sit Dei auxilium, reiectis ijs, quæ uere sunt bona, ad interitum ruimus uoluntarium. Ac si quis, discussa diuinitus animi caligine, has uideat hominum misérias, & sublati stupore, sentiat legem membrorum, ac sensus cupiditates, spiritui repugnantes, recognoscat, omnemque dispiciat naturæ nostræ propensionem ad malum; qui poterit non ardenti studio opportunum tanto huic malo, quo naturæ uirio premimur, remedium quærere, salutaremque illam regulam expetere, ad quam Christiani hominis uita dirigenda, & conformanda sit? Hoc igitur illud est, quod imploramus, cum ita precamur Deum. Fiat uoluntas tua. Cum enim, abiecta obedientia, & Dei uoluntate neglecta, in has misérias inciderimus, unum illud tantorum malorum remedium nobis diuinitus propositum est, ut ex Dei uoluntate, quam peccando contempsimus, aliquando uiuamus, omnesque cogitationes & actiones nostras ea regula metiamur. quod ut assequi possimus, suppliciter illud à Deo petimus. Fiat uoluntas tua. Id uero illis etiam

1. Cor. 14.

etiam uehementer petendum est, in quorum animis iam regnat Deus, quique iam sunt radius diuini luminis illustrati; cuius gratiæ beneficio, Dei obtemperent uoluntati. Quibus licet ita comparatis propriæ tamen cupiditates aduersantur propter procliuitatem ad malum, insitam in hominum sensibus; ut, etiamsi tales simus, magnum tamen hoc loco nobis periculum sit à nobis ipsis, ne abstracti, & illecti à concupiscentiis, quæ militant in membris nostris, iterum de salutis uia deflectamus. de quo nos periculo Christus dominus admonuit illis uerbis: Vigilate, & orate, ut non intretis in tentationem. spiritus quidem promptus est, caro autem infirma. Non enim est in hominis potestate, ne in eius quidem, qui per Dei gratiam est iustificatus, ita domitos habere carnis affectus, ut nunquam illi postea excitentur: quippe cum eorum, qui iustificati sunt, mentem sanet Dei gratia, non etiam carnem: de qua illud scripsit Apostolus: Scio enim, quia non habitat in me, hoc est in carne mea bonum. Nam ut semel primus homo iustitiam originalem, quo tamquam freno quodam cupiditates regebantur, amisit, minime eas postea ratio ita continere potuit in officio, ut ea non appeterent, quæ etiam rationi repugnant. Itaque in ea hominis parte peccatum, id est peccati fomitem habitare scribit Apostolus, ut intelligamus eum non ad tempus, quasi hospitem, diuersari apud nos, sed, quamdiu uiuimus, tamquam incolam nostri corporis in-

domi-

Iaco. 4.

Math. 26.

Ro. 7.

domicilio membrorum habere perpetuo. Ergo domesticis & intestinis hostibus assidue oppugnati, facile intelligimus, confugiendum esse ad Dei auxilium petendumque, ut fiat in nobis uoluntas eius. Iam uero faciendum est, ut sciant fideles, quæ sit huius petitionis uis. quo loco, multis omissis, quæ à doctores scholasticis de Dei uoluntate utiliter, & copiose disputantur, uoluntatem hic accipi dicimus pro ea, quam signi appellare solent, hoc est, pro eo quod Deus à nobis fieri, aut caueri iusserit, aut monuerit. Quare uoluntatis nomine hoc loco comprehensa sunt uniuersa, quæ nobis ad cælestem beatitudinem comparandam proponuntur, siue illa ad fidem, siue ad mores pertineant; omnia denique, quacumque nos Christus dominus per se, uel per Ecclesiam suam facere aut imperarit, aut prohibuerit: de qua uoluntate ita scribit Apostolus: *Nolite fieri imprudentes: sed intelligentes, quæ sit uoluntas Dei. Cum igitur illud precamur, Fiat uoluntas tua; petimus in primis nobis, ut Pater cælestis facultatem concedat obtemperandi diuinis iussis, & inseruiendi ei in sanctitate & iustitia omnibus diebus nostris; ut ad nutum & uoluntatem eius omnia faciamus; ut ea colamus officia, de quibus in sacris litteris admonemur; ut ipso duce & auctore reliqua omnia præstemus, quæ eos decent, qui non ex uoluntate carnis, sed ex Deo nati sunt, exemplum Christi domini secuti, qui factus est obediens usque ad mortem, mortem autem crucis:*

Per Dei uoluntatem
 quæ intellegendum.

Eph. 5.
 1. Pet. 2.

Ioan. 1.
 Philip. 2.

cis:

cis; ut parati simus omnia perpeti potius, quàm uel minimum ab eius uoluntate discedere. Nec uero quisquam est, qui huius studio, & amore petitionis flagret ardentius, quàm is, cui concessum sit, ut summam eorum dignitatem intueatur, qui Deo obediunt. Idem enim illud uerissime dici intelligit; Seruire Deo, & illi obedire, regnare esse.

Matth. 7.

Quicumque, inquit Dominus, fecerit uoluntatem patris mei, qui in celis est, ipse meus frater, soror, & mater est: hoc est, cum illo sum omnibus amoris, & beneuolentiæ uinculis coniunctissimus. Nemo fere est ex uiris sanctis, quin præcipuum huius petitionis munus à Deo uehementer postularit: ac præclara quidem omnes, sed uaria persæpe oratione usi sunt: in quibus mirificum, & suauissimum Dauidem uidemus illud uarie postulantem. modo enim inquit: Utinam dirigantur uitæ meæ ad custodiendas iustificationes tuas. Interdum: Deduc me in semitam mandatorum tuorum. Nonnumquam: Gressus meos dirige secundum eloquium tuum, & non domine-
tur mei omnis iniustitia. Huc pertinent illa: Da mihi intellectum, ut discam mandata tua. Iudicia tua doce me: da mihi intellectum, ut sciam testimonia tua. Sæpe alijs uerbis eandem tractat, uersatq; sententiam. Qui loci diligenter animaduertendi sunt, & fidelibus explicandi; ut, quanta sit in prima huius petitionis parte uis, & copia salutarium rerum, omnes intelligant. Secundo loco,

Psalm. 168.

cum

cum illud precamur, *Fiat uoluntas tua; detestamur opera carnis: de quibus scribit Apostolus: Manifesta sunt autem opera carnis; quæ sunt fornicatio, immunditia, impudicitia, luxuria, &c. & Si secundum carnem uixeritis, moriemini, petimusque ne sinat Deus ea nos perficere, quæ sensus, quæ cupiditas, quæ imbecillitas nostra suaserit, sed ut nostram uoluntatem sua uoluntate moderetur. Alieni sunt ab hac uoluntate uoluptarij homines, qui in terrenarum rerum cura, & cogitatione defixi sunt. Feruntur enim libidine præcipientes ad potiundum, quod concupierunt, & in illo fructu prauæ cupiditatis felicitatem ponunt, ut beatum etiam esse dicant, qui, quodcumque optarit, consequatur. Nos contra petimus à Deo, ut ait Apostolus, ne carnis curam faciamus in desiderijs, sed ut fiat uoluntas eius. etsi non facile adducimur, ut precemur Deum, ut cupiditatibus nostris non satisfaciat. habet enim difficultatem hæc animi inductio: quod ipsi quodam modo, id petentes, nos uidemur odisse: quod etiam stultitiæ tribuunt ij, qui toti hærent in corpore. sed nos stultitiæ famam subeamus libenter Christi causa. cuius est illa sententia: Si quis uult post me uenire, abneget semetipsum, præsertim cum sciamus, multo præstare, id optare, quod rectum, iustumque sit, quàm illud assequi, quod à ratione, à uirtute, à Dei legibus sit alienum, & certe detriore loco is est, quicumque ad id peruenit, quod*

Gal. 5.
Rom. 8.

I

Rom. 13.

Matth. 16.
Luc. 9.

quod temere ac libidinis impulsu cupiebat, quàm qui, optime quod optauit, non assequitur. quamquam non id modo petimus, ne concedatur nobis à Deo, quod ipsi nostra sponte cupimus, cum studium nostrum deprauatum esse constat; sed ne id etiam detur, quod, suatore, & impulsore Dæmone, simulato lucis angelo, tamquam bonum interdum postulamus, rectissimum illud principis Apostolorum studium uidebatur, pietatisque plenissimum, cum Dominum à consilio proficiscendi ad mortem auocare conabatur: & tamen eum, quia humanis sensibus, non diuina ratione ducebatur. Dominus acriter obiurgauit. Quid amantius in Dominum uidetur eo postulari potuisse, quod sancti uiri Iacobus, & Ioannes, illis irati Samaritanis, qui magistrum hospitio accipere noluisent, ab eo petierunt, uti iuberet ignem è cælo descendere, qui duros illos, & inhumanos absumeret? At à Christo domino reprehensi sunt illis uerbis: Nescitis cuius spiritus estis: Filius enim hominis non uenit animas perdere, sed saluare. Neque uero solum, cum, quod cupimus, malum est, aut mali speciem habet, Deum precari debemus, ut fiat uoluntas eius, sed etiam, cum re uera malum non est; ueluti cum uoluntas sequitur primam illam naturæ inclinationem, ut appetat ea; quæ naturam conseruant, & reijciat, quæ ei contraria uideantur. Quôcirca, cum in eum locum uentum est, ut aliquid petere uelimus huius generis; tum uero dicamus ex animo, Fiat uolun-

tas

Luc. 9.

tas tua: imitemur illum ipsum, à quo salutem; & salutis disciplinam accepimus; qui cum naturaliter insito cruciatuum, & acerbissimæ mortis timore commoueretur, tamen in illo horrore summi doloris, suam ad Dei patris retulit uoluntatem: Non mea, inquit, uoluntas, sed tua fiat. Sed mirabiliter deprauatum est hominum genus: qui cum uim etiam suæ attulerint cupiditati, eamque diuinæ uoluntati subiecerint, tamen sine Dei auxilio, quo & à malo prohibemur, & ad bonū dirigimur, peccata uitare non possunt. Ergo confugiendum est ad hanc precationem, & petendum à Deo, ut in nobis ipse instituta perficiat, ut exultantes cupiditatis motus comprimat, ut appetitus ratione obediens efficiat, ut nos denique totos ad suam conformet uoluntatem. Precamur etiam, ut Dei uoluntatis cognitionem totus orbis terrarum accipiat; quo diuinum mysterium, absconditum à sæculis, & generationibus, notum ac penitus divulgatum sit apud omnes. Formam præterea, & præscriptionem huius obedientiæ postulamus, ut uidelicet ad eam regulam dirigatur, quam in cælo & seruant beati angeli, & colit reliquus cælestium animarum chorus; ut quemadmodum illi sponte, & summa cum uoluptate obediunt diuino numini, sic nos Dei uoluntati, quo modo ipse maxime uult, libentissime pareamus. & uero in opera, & studio, quod Deo nauamus, summum à nobis amorem Deus, & eximiam charitatem requirit; ut, etiam si

Luc. 22.

spe celestium premiorum totos nos ei dicauerimus, tamen ideo illa speremus, quod, ut in eam spem ingrederemur, placuit diuinæ maiestati. Quare tota nitatur illo in Deum amore nostra spes, qui mercedem amanti nostro proposuit æternam beatitudinem. Sunt enim, qui amanter alicui seruiant, sed tamen pretij causa, quo amorem referunt. Sunt præterea, qui tantummodo charitate & pietate commoti, in eo, cui dant operam, nihil spectant, nisi illius bonitatem, atque uirtutem; cuius cogitatione, & admiratione se beatos arbitrantur, quod ei suum officium præstare possint. & hanc habet sententiam illa appositio. Sicut in cælo, & in terra. Maxime enim nobis epitendum est, ut Deo simus obediens, quemadmodum beatas mentes esse diximus. quorum laudes in illo summo obedientiæ munere obeundo, eo psalmo persequitur David:

Psalm. 103. Benedicite Domino omnes uirtutes eius, ministri eius, qui faciatis uoluntatem eius. Quod si quis, sanctum Cyprianum secutus, sic illa interpretatur, ut dicat, In cælo, in bonis, & pijs; In terra, in malis, & impijs: nos uero etiam eius sententiam comprobamus, ut pro cælo spiritus, pro terra caro intelligatur; ut & omnes, & omnia in omnibus Dei uoluntati obediant. Gratiarum item actionem continet hæc petitio. Veneramur enim eius sanctissimam uoluntatem, & maximo perfusi gaudio summis laudibus, & gratulationibus omnia eius opera celebramus, qui certo sciamus eum omnia bene fecisse

fecisse . cum enim constet, esse omnipotentem Deum; necessario sequitur, ut omnia eius nutu facta esse intelligamus . cum uero etiam ipsum, sicuti est, summum bonum esse affirmemus; nihil ex eius operibus non esse bonum, cum omnibus ipse suam impertiuerit bonitatem, confitemur. Quòd si in omnibus diuinam rationem non assequimur, in omnibus tamen, & ambigui causa neglecta, & reiecta omni hesitatione, illud Apostoli profiteamur: In inuestigabiles esse uias eius. Sed ob id maxime etiam Dei uoluntatem colimus, quod ab eo cælesti lumine dignati sumus. Ereptos enim de potestate tenebrarum, transtulit in regnum filij dilectionis suæ. Sed ut extremo loco id explicetur, quod ad meditationem pertinet huius petitionis; redeundum est ad id quod initio attigimus, debere fidelem populum in huius pronuntiatione petitionis esse demisso, & humili animo, reputantem secum eam, quæ in natura est insita, cupiditatum uim, diuinæ uoluntati repugnantem, cogitantem se in eo officio uinci à naturis omnibus: de quibus ita scriptum est: Omnia seruiunt tibi: maximeque imbecillem esse, qui nullum opus Deo gratum non modo non perficere, sed ne instituere quidem possit, nisi Dei adiumento subleuetur. Quoniam uero nihil magnificentius est, nihil præstantius, quàm, ut diximus; Deo seruire, & uitam ex eius lege, ac præceptis agere: quid optabilius esse potest homini Christiano, quàm ambulare in uijs Domini, quàm nihil agitare

Rom. i.

Ad Col. i.

Psalm. 118.

animo, nihil actione suscipere, quod à diuina uoluntate abhorreat? Ut uero eam exercitationem capiat, & illud institutum teneat diligentius, petat ex diuinis libris exempla eorum, quibus, cum illi consiliorum suorum rationem non retulissent ad Dei uoluntatem, omnia male ceciderunt. Moneantur postremo fideles, ut in simplici & absoluta Dei uoluntate acquiescant: ferat æquo animo conditionem suam, qui sibi inferiori loco uidetur esse, quam eius dignitas posulet: ne deserat ordinem suum, sed in ea uocatione maneat, in qua uocatus est, & proprium iudicium subiiciat Dei uoluntati, qui nobis melius consulit, quàm ipsi optare possimus. si angustia rei familiaris, si corporis ualetudine, si persecutionibus, si alijs molestijs, & angoribus premimur: certo statuendum est, nihil horum sine Dei uoluntate, quæ summa omnium ratio est, nobis accidere posse; ideoque non debere nos grauius commoueri, sed inuicto animo ferre, semper illud in ore habentes, Domini uoluntas fiat: & illud beati Iob: Sicut Domino placuit, ita factum est: sit nomen Domini benedictum.

Iob. i.

PANEM NOSTRVM QVOTIDIANVM
DA NOBIS HODIE.

Quarta petitio, & reliquæ deinceps, quibus animæ, & corporis subsidia proprie, ac nominatim postulamus, ad superiores petitiones referuntur. habet enim hunc ordinem, ac rationem precatio

catio Dominica, ut postulationem rerum diuinarum consequatur earum petitio, quæ ad corpus, & ad hanc uitam tuendam pertinent. nam ut ad Deum, tamquam ad ultimum finem, referuntur homines: sic humane uitæ bona ad diuina eadem ratione diriguntur. quæ quidem ideo optanda, ac petenda sunt; uel quod ita diuinus ordo postulat; uel quod illis adiumentis ad diuinorum bonorum adeptionem indigemus, ut iis adminiculis propositum finem consequamur, qui regno, & gloria cælestis patris; atque ijs præceptis colendis, seruandisque contineatur, quæ Dei uoluntatis esse non ignoramus. quare omnem uim, & rationem huius petitionis ad Deum, eiusque gloriam referre debemus. Præstabunt igitur suum officium Parochi fidelibus auditoribus, ut intelligant, in ijs petendis, quæ ad usum, ac fructum pertinent rerum terrenarum, esse intendendum animum, ac studium nostrum ad Dei præscriptionem, nec inde ulla ex parte declinandam. Nam in eo, quod scribit Apostolus; Quid oremus; sicut oportet nescimus; maxime peccatur his postulationibus terrenarum, & caducarum rerum. Ergo petenda sunt bona hæc, ut oportet; ne, perperam aliquid postulantes, responsum illud à Deo feramus; Nescitis quid petatis. Erit autem certa iudicandi nota, quæ praua sit, quæue recta petitio, consilium, & propositum postulantis. Nam si quis terrena petit eo animo, ut illa omnino bona existimet, & in illis, tamquam in optato fine, conquie-

.01.107.3

Ro. 8.

Math. 29.

scens, nihil præterea requirat; sine dubio non orat, sicut oportet. Non enim, inquit sanctus Augustinus, petimus temporalia hæc tamquam bona nostra, sed tamquam necessaria nostra. Apostolus etiam in epistola ad Corinthios docet, omnia, quæ spectant ad usus uitæ necessarios, ad Dei gloriam referri oportere. Siue enim manducatis, inquit, siue bibitis, siue aliud quid facitis, omnia in gloriam Dei facite. Sed ut uideant fideles, quantam habeat hæc petitio necessitas; commemorabunt Parochi, quanta ad uictum, & ad uitam colendam indigentia sit externarum rerum. quod magis intelligent, si comparatio fiet eorum, quæ primo illi parenti nostri generis, & reliquis deinceps hominibus fuerunt ad uiuendum necessaria: nam etsi ille in amplissimo innocentie statu, unde & ipse, & eius culpa omnis posteritas corruit, uellet habuisset adhibere cibum ad reficiendas uires: tamen inter illius, & nostræ uitæ necessitates multum interest. non enim ei uestibus ad tegumentum corporis opus fuisset, non tecto ad perfugium, non armis ad defensionem, non remedijs ad ualeitudinem, non alijs multis, quorum subsidio nos ad hanc naturæ imbecillitatem, ac fragilitatem tuendam egemus. satis ei fuisset ad immortalem uitam ille fructus, quem felicissima uitæ arbor nullo eius, aut posterorum labore, præbuisset. Neque uero futurus erat homo in tantis paradisi delicijs otiosus, quæ ad agendū Deus in eo uoluptatis domicilio collocarat:

II. Cor. 10.

.8. vñ

locarat: uerum nulla ei opera molesta, nullum officij munus non iucundum fuisset. tulisset ille perpetuo suauissimos fructus ex cultura felicium hortorum; nec eum umquam opera, aut spes fessellisset. Ac posterorum proles non solum fructu priuata uitalis arboris, uerum etiam horribili illa sententia condemnata est; *Gen. 3.* Maledicta terra in opere tuo; in laboribus comedes ex ea cunctis diebus uitae tuae; spinas, & tribulos germinabit tibi, & comedes herbas terrae: in sudore uultus tui uesceris pane tuo, donec reuertaris in terram, de qua sumptus es: quia puluis es, & in puluerem reuerteris. Nobis igitur contra euenerunt omnia, atque illi, & posteris contigisset, si Dei dicto audiens fuisset Adam. itaque uersa sunt omnia; & mutata in deterrimam partem. In quo illud grauissimum est, quod maximos sumptus; summum laborem, ac sudorem sepiissime nullus fructus consequitur; cum fruges datae in deteriore segetem; uel succrescenti, agrestium herbarum asperitate opprimuntur, uel nimbis, uento, grandine uedine, rubigine percussae, & prostrate intereant; ut omnis anni labor, exiguo tempore, aliqua calis, uel terrae calamitates, recidat ad nihilum. quod accidit immanitate nostrorum scelerum; à quibus auersus Deus, nostris minime benedicit operibus; sed horrenda manet sententia, quam de nobis initio pronunciauit. Ergo Pastores in huius loci tractationem incumbunt; ut sciat fidelis populus, sua culpa homines in has angustias, &

miseras incidere: ut intelligat desudandum quidem,
 & elaborandum esse in parandis ijs, quæ ad uiuen-
 dum sunt necessaria, uerumtamen, nisi laboribus
 nostris benedixerit Deus; fallacem spem, & ina-
 nem fore omnem contentionem. nam neque qui
 plantat, est aliquid, neque qui rigat, sed qui incre-
 mentum dat Deus. Et; Nisi dominus ædificaue-
 rit domum, in uanum laborauerunt, qui ædificant
 eam. Docebunt igitur Parochi, esse res pene innu-
 merabiles, quæ si nobis desint, uel uitam amitti-
 mus, uel agimus insuauem. Hac enim cognita re-
 rum necessitate, naturæque imbecillitate, Christia-
 nus populus caelestem Patrem adire cogetur, & ab
 eo terrena, & caelestia bona suppliciter petere. Imit-
 tabitur prodigum illum filium, qui cum in regio-
 ne longinqua cæpisset egere, nec esset, cum esuri-
 ret, qui ei siliquas daret, aliquando ad se rediens,
 intellexit, malorum, quibus premebatur, nusquam
 nisi à patre esse expectandum remedium. Quo loco
 accedet etiam fidentius ad orandum fidelis populus,
 si in cogitatione diuinæ benignitatis recordabitur,
 paternas aures perpetuo patere filiorum uocibus.
 nam dum hortatur nos, ut panem petamus ea se
 recte petentibus abunde largiturum pollicetur. do-
 cendo enim, quo modo petamus, hortatur; hortan-
 do, impellit; impellendo, spondet; spondendo, nos
 in spem certissimæ impetraçionis inducit. Excitatis
 igitur, & inflammatis animis fidelis populi, sequi-
 tur, ut, quid hac petitione postuletur, declaran-
 dum

1. Cor. 3.

Psal. 126.

Luc. 15.

dum sit: primum, qui sit ille panis, quem petimus.
 Sciendum igitur est, in diuinis litteris hoc panis no-
 mine multa quidem significari, sed illa duo præci-
 pue; primum quidquid in uictu, ceterisque rebus
 ad corpus, uitamque tuendam adhibemus, dein-
 de, quidquid nobis ad spiritus, & animæ uitam, ac
 salutem Dei munere tributum est. Petimus autem
 hoc loco huius, quam in terris agimus, uitæ subsi-
 dia, sanctorum Patrum ita sentientium auctoritate.
 Quamobrem minime sunt audiendi, qui dicunt,
 non licere Christianis hominibus à Deo petere terre-
 na huius uitæ bona. Nam huic aduersantur errori,
 præter consentientem Patrum sententiam, exem-
 pla permulta tum ueteris, tum noui testamenti.
 Iacob enim uouens, sic orabat; Si fuerit Dominus Gen. 28.
 mecum, & custodierit me in uia, per quam ego
 ambulo, & dederit mihi panem ad uestendum, &
 uestimentum ad induendum; reuersusque fuero pro-
 spere ad domum patris mei; erit mihi Dominus in
 Deum, & lapis iste, quem erexi in titulum, uo-
 cabitur domus Dei; cunctorumque, quæ dederis
 mihi, decimas offeram tibi. Salomon etiam certum
 petebat huius uitæ subsidium; cum illud precaba-
 tur; Mendicitatem, & diuitias ne dederis mihi;
 tribue tantum uictui meo necessaria. Prouc. 30.
 Quid, quod
 Saluator humani generis illa iubet petere, quæ ne-
 monegare audeat ad corporis usum pertinere? Ora-
 te, inquit, ut non fiat fuga uestra in hieme, uel
 Sabbatho. Quid dicemus de S. Iacobo? cuius illa Math. 24.
 sunt: Iacobi 3.

Rom. 15.

sint tristatur aliquis uestrum? oret: æquo animo
 & psallat. Quid de Apostolo? qui sic cum Roma-
 nis agebat; Obsecro uos fratres per dominum no-
 strum Iesum Christum, & per charitatem sancti
 spiritus, ut adiuuetis me in orationibus pro me ad
 Deum, ut liberer ab infidelibus, qui sunt in Iudæa.
 Quare, cum & diuinitus concessum sit fidelibus,
 ut petant hæc subsidia rerum humanarum, & per-
 fecta hæc à Christo domino tradita sint orandi formu-
 la; ne illud quidem dubium relinquitur, unam ex
 septem hanc esse petitionem. Petimus præterea pa-
 nem quotidianum, idest uictui necessaria; ut pa-
 nis nomine, quod satis sit, & uestium ad tegendum,
 & cibi ad uescendum, siue panis is sit, siue caro,
 siue piscis, siue quodcumque aliud, intelligamus.

4. Reg. 5.

uidemus enim usum esse hoc loquendi modo Eli-
 seum; cum regem moneret, ut præberet panem mili-
 tibus Assyrii, quibus magna ciborum copia data
 est. Illud etiam de Christo domino scriptum scimus:

Luc. 14.

Ingressus est in domum cuiusdam principis Phari-
 seorum sabbato manducare panem. Quæ uoce,
 quæ ad cibum, quæque ad potum pertinent, signi-
 ficari uidemus. Ad huius petitionis absolutam si-
 gnificationem præterea animaduertendum est; hoc
 panis uocabulo non abundantem, & exquisitam
 ciborum, ac uestium copiam, sed necessariam, ac
 simplicem intelligi debere: quemadmodum scripsit
 Apostolus; Habentes alimenta, & quibus tege-
 mur, his contenti simus. Et Salomon, ut dixi-
 mus:

1. Tim. 6.

Prov. 30.

mus: Tribue tantum uictui meo necessaria. Hu-
 ins quoque frugalitatis, & parsimonie illa uoce,
 que proxime sequitur, admonemur. Cum enim,
 Nostrum, dicimus, panem illum ad necessitatem
 nostram, non ad luxuriam petimus. non enim No-
 strum dicimus, quia eum nobis opera nostra, sine
 Deo, parare possimus (est enim apud Dauidem);
 Omnia à te expectant, ut des illis escam in tem-
 pore: dante te illis, colligent: aperiente te ma-
 num tuam, omnia implebuntur bonitate. & alio
 loco: Oculi omnium in te sperant Domine, & tu
 das escam illorum in tempore opportuno, sed quia
 necessarius est, & à parente omnium Deo, qui
 omnes sua providentia alit animantes, nobis attri-
 butus. Ob eam quoque causam panis noster appel-
 latur, quod iure est à nobis acquirendus, non iniu-
 ria, fraude, aut furto parandus. quæ enim nobis
 malis artibus conciliamus, non nostra sunt, sed alie-
 na, sæpiusque illorum calamitosa est uel adeptio,
 uel possessio, uel certe iactura. contra uero hone-
 stis, ac laboriosis piorum hominum lucris, ex Pro-
 pheta sententia tranquillitas inest; & magna feli-
 citas. Labores enim, inquit, manuum tuarum
 quia manducabis, beatus es, & bene tibi erit.
 Iam uero ijs, qui iusto labore uictum quarunt,
 fructum suæ benignitatis eo loco pollicetur Deus; Deuter. 28.
 Emitteret Dominus benedictionem super cella-
 ria tua, & super omnia opera manuum tua-
 rum, benedicetque tibi. Neque solum petimus à

1.103.

-2.211

D. 1117.1

sal. 117.

Deo

Deo nobis, ut illo ùti liceat, quod nostro sudore, ac uirtute peperimus eius adiumento benignitatis: id enim uere dicitur nostrum: sed etiam bonam mentem postulamus, ut recte partis, recte item ac prudenter uti possimus. **Q U O T I D I A N U M.** huic etiam uoci subiecta est ea notio frugalitatis, ac parsimonie, quam proxime diximus. non enim multiplicem, aut delicatum cibum postulamus, sed eum, qui naturæ necessitati satisfaciat: ut eos pudeat hoc loco, qui, fastidio communis cibi, & potionis, conquisitissima escarum, ac uinorum genera persequuntur. Nec minus hac quotidiani uoce improbantur ij, quibus horrendas illas minas proponit Isaias: **Isa. 5.** *Vae, qui coniungitis domum ad domum, & agrum agro copulatis usque ad terminum loci: numquid habitabitis uos soli in medio terræ? Etenim est inexplibilis horum hominum cupiditas, de quibus illud scriptum est à Salomone; **Eccl. 5.** Auarus non impletur pecunia. ad quos dictum etiam illud pertinet **1. Tim. 6.** Apostoli; Qui uolunt diuites fieri, incidunt in tentationem, & laqueum Diaboli. Quotidianum præterea panē appellamus, quod uestimur eo ad reficiendum uitalem humorem, qui quotidie consumitur ui naturalis caloris: Est denique illa huius ratio nominis, quod assidue petendus est, ut in hac consuetudine amandi, & colendi Deum retineamur; nobisque omnino persuadeamus, id quod est, uitam, ac salutem nostram ex Deo pendere. **D A N O B I S.** Quantam hæc dua uoces materiam præ-*

beant ad cohortandum fideles, ut infinitam Dei potentiam pie, sancteque colant, & uenerentur, in cuius manu sunt omnia, & ut nefariam illam Sata-næ ostentationem detestentur; Mihi tradita sunt Luc. 4. omnia, & cui uolo do illa; nemo non uidet. nam unius nutu Dei distributa cuncta, & conseruantur, & augentur. Sed quæ diuitibus hæc est imposita necessitas, dixerit quispiam, petendi quotidianum panem, cum rebus omnibus abundant? Hæc illis necessitas est orandi in hunc modum, non ut dentur eis, quorum Dei benignitate habent copiam, sed ne, quæ abunde illis adsunt, amittant. Quamobrem, ut scribit Apostolus. 1. Tim. 6. Hinc discant diuites non sublime sapere, neque sperare in incerto diuitiarum, sed in Deo uiuo, qui præstat nobis omnia abunde ad fruendum. Huius autem necessaria petitionis hanc causam affert sanctus Chrysostomus, non solum ut nobis suppetat cibus, sed ut eum nobis suppeditet Domini manus, quæ, salubrem, atque adeo salutarem uim inferens pani quotidiano, efficit, ut & cibus corpori profit, & corpus animæ seruiat. Sed quid est, quamobrem, DA NOBIS, numero multitudinis dicimus, non autem, mihi? Quia proprium illud est Christianæ charitatis, non ut quisque de se uno sollicitus sit, sed ut præterea de proximo labore, & in cura suæ utilitatis meminerit etiam aliorum. Accedit eo, quòd, quæ alicui munera diuinitus tribuuntur, non idcirco tribuuntur, ut solus is ea possideat, uel in illis luxuriose

Ambrosius
ex Basilio
in sermone
81.

xuriose uiuat, sed ut cum alijs communicet, quæ necessitati supersuerint: nam inquit sancti Basilius, & Ambrosius: Esurientium panis est, quem tu detines: nudorum indumentum est, quod tu recludis: miserorum redemptio est, & absolutio, pecunia, quam tu in terram defodis. **HODIE.** Admonet nos hæc uox communis infirmitatis. quis enim est, qui, si minus sua unius opera providere se posse sperat in longinquum tempus necessarios uitæ sumptus, saltem in diem uictus subsidia paraturum non confidat? Sed ne huius quidem fiduciæ facultas nobis à Deo permittitur, qui nos singulorum etiam dierum cibum à se petere iussit. Quæ sententia habet illam necessariam rationem, quia quotidiano pane egemus omnes, quotidie etiam Dominica precatione singulis utendum esse. Hæc de pane, qui ore perceptus, corpus alit, atque sustentat, qui communis fidelium, & infidelium, piorum, & impiorum, admirabili Dei bonitate, qui solem suum oriiri facit super bonos, & malos, pluit super iustos, & iniustos, omnibus impertitur. Reliquus est spiritualis panis: quem etiam hoc loco petimus. Quo significantur omnia, quæcumque in hac uita ad spiritus, & animæ salutem, et incolumitatem requiruntur. ut n. multiplex est cibus, quo corpus alitur, & sustentatur: sic non est unius generis esca, quæ spiritus, et animæ uitam continet. nam & uerbum Dei cibus est animæ: Sapientia enim inquit: Venite, comedite panem meum, & bibite uinum, quod miscui uobis.

Pro. 9.

Huius

Huius autem uerbi facultatem cum adimit Deus hominibus, quod efficere solet, cum grauius rostris sceleribus offenditur, fame dicitur premere genus humanum. sic enim est apud Amos: Emit- Amos 8.
tam famem in terram, non famem panis, neque sitim aquæ, sed audiendi uerbum Domini. Ut autem illud est certum propinquæ mortis signum, cum non possint homines uel cibum sumere, uel sumptum retinere: sic magnum est desperatæ salutis argumentum, cum uel non quærunt uerbum Dei, uel, si adsit, non sustinent; & illam impietatis uocem in Deum effundunt; Recede à nobis, Iob. 21.
scientiam uiarum tuarum nolumus. In hoc furore animi, & mentis cæcitate uersantur illi, qui; neglectis ijs, qui legitime eis præsent, catholicis & Episcopis, & sacerdotibus, & à sancta Romana Ecclesia desciscentes, corruptoribus Dei uerbi hæreticis se in disciplinam tradiderunt. Iam uero panis est Christus dominus, animæ cibus; nam inquit ipse de se: Ego sum panis uiuus, qui de cælo descendi. Incredibile est, quanta uoluptate, Ioan. 6.
ac lætitia perfundat piorum animas hic panis tum, cum maxime terrenis molestus, & incommodis conflitantur. exemplo nobis est sanctus ille chorus apostolorum, de quibus extat; Illi quidem ibant gaudentes à conspectu concilij. Referti sunt huiusmodi exemplis libri de uita sanctorum hominum: & de intimis his bonorum gaudijs ita loquitur Deus: Vincenti dabo manna absconditum. Apocal. 2.

Præcipue autem panis noster est ipse Christus dominus, qui in sacramento Eucharistiæ substantialiter continetur. Hoc inexplicabile pignus charitatis dedit nobis rediturus ad patrem, de quo dixit: Qui mâ ducat meam carnem, & bibit meum sanguinem, in me manet, & ego in illo. Accipite, & manducate, hoc est corpus meum. Ea petent Parochi, quæ ad fidelis populi utilitatem pertinebunt, ex eò loco quo separatim huius sacramenti uis, ac ratio continetur. Et uero dicitur hic panis noster, quia fidelium modo hominum est, idest eorum, qui charitatem cum fide coniungentes, pœnitentiæ sacramento sordes eluunt peccatorum; qui non dimittentes memoriam, se Dei filios esse, diuinum sacramentum sumunt, & colunt quanta maxima possunt sanctitate, ac ueneratione. Quotidianus uero quamobrem dicatur, in promptu duplex ratio est, altera, quod in sacris Christianæ Ecclesiæ mysteriis quotidie & offertur Deo, & datur pie sanctæque postulantibus; altera, quod quotidie sumendus est, uel certe ita uiuendum, ut quotidie, quoad eius fieri possit, digne sumere queamus. Audeant, qui contra sentiunt, nisi longo interuallo salutaribus his epulis animæ uesci non oportere, qui sanctus dicat Ambrosius: Si quotidianus est panis, cur post annum illum sumis? Sed in hac petitione ad illud præcipue cohortandi sunt fideles, ut, cum recte & consilium, & industriam suam posuerint in comparandis rebus uitæ necessariis, rei exitum Deo permittant,

Ioh. 6.

Matth. 26.

1. Cor. 11.

S. Ambrosius in
lib. 5. de
Sacramen.
ca. 4.

tant, suumque desiderium ad eius referant uoluntatem, qui non dabit in æternum fluctuationem iusto. Nam uel concedet Deus, quæ petuntur, & ita suum optatum consequentur; uel non concedet, & id erit certissimum argumentum, nec salutare illud esse, nec utile, quod pijs à Deo negatur, cui magis curæ est de eorum salute, quam illis ipsis. Psal. 54.
 Quem locum instruere poterunt, explicandis ijs rationibus, Parochi, quæ à sancto Augustino in epistola ad Probam præclare colliguntur. Extremum illud erit in huius tractatione petitionis, ut meminerint diuites facultates suas, & copias Deo acceptum referre, cogitentque se idcirco illis bonis esse cumulatos, ut illa distribuunt indigentibus. In quam sententiam conueniunt, quæ in prima epistola ad Timotheum ab Apostolo differuntur: unde magnam uim Parochis petere licebit diuinorum præceptorum ad hunc locum utiliter, ac salutariter illustrandum. S. Augu. 1. Tim. 6.

ET DIMITTE NOBIS DEBITA NOSTRA,
 SICUT ET NOS DIMITTIMVS
 DEBITORIBVS NOSTRIS.

Cum ita multa sint, quæ infinitam Dei potentiam, cum pari sapientia, ac bonitate coniunctam, significet, ut, quocumque oculos, cogitationemque conuerteris, certissima signa immensæ potestatis, ac benignitatis occurrant; nihil profecto est, quod summum eius amorem, & admirabilem in nos charitatem

ritatem magis declaret, quàm inexplicabile mysterium Iesu Christi passionis; unde perennis ille fons ad eluendas peccatorum sordes. erupit; quo perfundi, & expiari, Deo duce; ac largitore, exoptamus, cum illud ab eo petimus, Dimitte nobis debita nostra. Continet autem hac petitio summam quandam eorum bonorum, quibus per Iesum Christum cumulatam est humanum genus. Id enim docuit Isaias: Dimittetur, inquit, iniquitas domui Iacob, & iste omnis fructus, ut auferatur peccatum eius. quod Dauid etiam ostendit, beatos prædicans eos, qui salutare illum fructum percipere potuerunt, his uerbis: Beati, quorum remissa sunt iniquitates. Quare est accurate, ac diligenter Pastoribus huius postulationis animaduertenda, & exponenda sententia, quam ad cælestem uitam consequendam tantum ualere intelligimus. Ingredivimur autem nouam precandi rationem. nam hætenus à Deo non solum æterna, & spiritalia bona, sed caduca, & quæ ad hanc uitam pertinent, commoda petiimus: nunc uero mala deprecamur & animæ, & corporis, & huius, & sempiternæ uitæ. Sed quoniam ad impetrandum, quod postulamus, requiritur recta postulandi ratio; quo modo affectos esse oporteat eos, qui Deum hoc orare uelint, dicendum uidetur. Monebunt igitur Parochi fidelem populum, primum necesse esse, ut is, qui ad hoc petendum uelit accedere, suum ipse peccatum agnoscat; deinde, ut eius sensu, ac dolore

com-

commoueat; tum, ut sibi omnino persuadeat, Deum in hac esse uoluntate, ut ijs, qui peccauerunt, ita, ut diximus, affectis, & comparatis, ignoscat; ne forte acerbam delictorum recordationem, ac recognitionem illa ueniam desperatio consequatur, quæ olim Caim, & Iude animum occupauit; qui Deum modo uindicem, & ultorem, non etiam mitem, & misericordem, existimarunt. Ergo in hac petitione sic affecti simus, oportet, ut dolenter peccata nostra recognoscentes, ad Deum, tamquam ad parentem, non quasi ad iudicem confugiamus; à quo, non ut ex iustitia nobiscum agat, sed ex misericordia, postulemus. Facile autem adducemur, ut peccatum nostrum agnoscamus, si ipsum audierimus Deum nos in sacris litteris huius rationis admonentem: est enim illud apud Dauidem: Omnes declinauerunt, simul inutiles facti sunt: non est, qui faciat bonum, non est usque ad unum. In eandem sententiam loquitur Salomon: Non est homo iustus in terra, qui faciat bonum, & non peccet. Quo illud etiam pertinet: Quis potest dicere, mundum est cor meum, purus sum à peccato? Quod idem à sancto Ioanne, ad deterrandos homines ab arrogantia, scriptum est: Si dixerimus, quoniam peccatum non habemus; ipsi nos seducimus, & ueritas in nobis non est. Et à Hieremia: Dixisti, absque peccato, & innocens ego sum: & propterea auertatur furor tuus à me: ecce ego iudicio contendam tecum, eo quod dixeris, non peccaui. Quorum sententias

Gen. 4.

March. 17.

Psal. 13. 5.

Eccle. 7.

Prouc. 20.

1. Ioan. 1.

Hier. 2.

Mileuit.
Concil.

omnium idem, qui eas illorum ore pertulerat, Christus dominus hoc petitionis præscripto confirmat, quo iubet nos delicta nostra confiteri. id enim secus interpretari prohibuit auctoritas Mileuitani Concilij in hunc modum: Placuit, ut, quicumque uerba ipsa Dominica orationis, ubi dicimus, Dimitte nobis debita nostra, ita uult à sanctis dici, ut humiliter non ueraciter hoc dicatur; anathema sit. Quis enim ferat orantem, & non hominibus, sed ipsi Domino mentientem, qui labijs sibi dicit dimitti uelle, & corde dicit, quæ sibi dimittantur, debita non habere? Verum in necessaria recognitione peccatorum non est satis, illa leuiter recordari. nam, ut acerba nobis sit ea memoria, ut cor pungat, animum stimulet, & dolorem inurat, necesse est. Quare pertrahabunt locum hunc diligenter Parochi, ut non solum facinorùm, ac flagitiorum suorum meminerint fideles auditores, sed ut moleste, dolenterque meminerint, ut, cum agantur intimis sensibus, conserant se ad patrem Deum, à quo, ut inherentes euellat scelerum aculeos, suppliciter petant. Nec uero solum erratorum turpitudinem studebunt subiungere oculis fidelis populi, uerum etiam indignitatem, ac sordes hominum, qui, cum nihil simus, nisi putida caro, nisi summa scditas, incomprehensibilem illam Dei maiestatem, & inexplicabilem præstantiam, incredibilem in modum audeamus offendere, præsertim à quo procreati, liberati, innumerabilibus, maximisque beneficijs

ficijs aucti simus : ut quid ? ut abalienati à patre Deo, qui summum bonum est, turpissima peccati mercede, Diabolo nos addicamus in miserrimam seruitutem . neque enim dici potest, quàm crudeliter ille dominetur in eorum animis, qui, repulso suauis iugo Dei, ruptoque charitatis amabilissimo nodo, quo parenti Deo spiritus noster adstringitur, ad hostem acerrimum desciverunt ; qui eo nomine princeps, & rector mundi, & princeps tenebrarum, & rex super uniuersos filios superbiæ, dicitur in diuinis litteris . In eos autem, qui Dæmonis tyrannide opprimuntur, uere conuenit illa uox Isaïæ ; Domine Deus noster, possederunt nos domini absque te . Hæc si nos minus mouent rupta fœdera charitatis, moueant certe calamitates, & ærumnæ, in quas per peccatum incidimus . uiolatur enim sanctitas animæ, quàm Christo desponsam esse scimus : profanum fit illud idem templum Domini, quid qui contaminant, in eos dicit Apostolus ; Si quis autem templum Dei uiolauerit, disperdet illum Deus . Innumerabilia sunt mala, quæ peccatum inuehit in hominem : quam pene infinitam pestem David his uerbis expressit : Non est sanitas in carne mea, à facie iræ tuæ : non est pax ossibus meis, à facie peccatorum meorum . Nimirum norat hanc plagam, cum nullam sui partem pestifero peccato intactam fateremur . peruaserat enim in ossa peccati uirus, idest, rationem, & uoluntatem, quæ maxime solide sunt animæ partes, infecerat . hanc late

Ioan. 14.
Ad Eph. 6.
Iob. 41.

Isa. 26.

1. Cor. 3.

Psal. 37.

patentem pestem indicant sacra litteræ, cum peccatores, claudos, surdos, mutos, cæcos, & omnibus membris captos appellant. Sed præter dolorem, quem ex peccatorum quasi scelere sentiebat, magis etiam angebatur Dauid ex ira Dei, quam in se propter peccatum cōmotam intelligebat. Bellum. n. est sceleratis cum Deo, quorum sceleribus incredibiliter offenditur: inquit enim Apostolus: Ira, & indignatio, tribulatio, & angustia in omnem animam hominis operantis malum. nam etsi transierit actio peccati, tamen peccatum macula & reatu permanet; cui semper imminens ira Dei illud insequitur, tamquam umbra corpus. Cum igitur Dauid his uulneraretur aculeis, ad petendam delictorum ueniam excitabatur: cuius & exemplum doloris, & doctrinæ rationem, ex quinquagesimo eius psalmo depromptam, proponunt Parochi fidelibus auditoribus, ut Propheta imitatione & ad doloris sensum, id est ad ueram pœnitentiam, & ad ueniæ spem erudiri possint. Quantam habeat utilitatem hæc docendi ratio, ut ex peccatis dolere discamus, illa Dei apud Hieremiam declarat oratio, qui cum Israelem ad pœnitentiam hortaretur, admonebat eum, ut malorum sensum perciperet, quæ peccatum consequuntur: Vide enim, inquit, quia malum, & amarum est, reliquisse te dominum Deum tuum, & non esse timorem mei apud te, dicit dominus Deus exercituum. Qui carent necessario hoc recognitionis, ac doloris sensu, ñ apud prophetas

Ro. 1.

Hier. 2.

phetas, Isaïam, Ezechielem, & Zachariam, cor durum, lapideum, & adamantinum habere dicuntur. sunt enim, instar lapidis, nullo dolore molliti, nullum uitæ, idest salutaris recognitionis sensum habentes. Sed ne peccatorum gravitate deterritus, se populus ueniam impetrare posse desperet; ipsum ad spem uocare Parochi debebunt his rationibus; quod & Ecclesiæ Christus dominus potestatem dedit remittendi peccata, quemadmodum sacrosancti Symboli articulo declaratur, & hac petitione docuit, quanta esset Dei bonitas, ac liberalitas in genus humanum. nisi enim promptus esset, ac paratus Deus ad condonandum peccata pœnitentibus, numquam nobis hanc precandi formulam præscripsisset: *Dimitte nobis debita nostra.* Quamobrem illud fixum in animi tenere debemus, fore, ut is paternam misericordiam nobis impertiat, qui ipsam his precibus iussit exposcere. nam omnino sub hac petitione, illa est subiecta sententia, sic esse in nos affectum Deum, ut uere pœnitentibus libenter ignoscat. Est enim Deus is, in quem, abiecta obedientia, peccamus: cuius ordinem sapientiæ perturbamus, quantum est situm in nobis; quem offendimus, quem factis, dictisque uiolamus. Verum idem est ille beneficentissimus parens, qui, cum possit omnia condonare, non modo se id uelle declarauit; sed etiam impulit homines, ut à se ueniam peterent, & quibus uerbis id facerent, docuit. Quare nemini dubium esse potest,

Usa. 64.
Ezech. 36.
Zach. 7.

I

quin, illo auctore, in nostra potestate sit, nobis Dei gratiam reconciliare. Et quoniam hæc testificatio propensæ ad ignoscendum diuinæ uoluntatis fidem auget, spem alit, charitatem inflamat; operæpretium est ornare hunc locum nonnullis diuinis testimonijs, & hominum exemplis quibus maximorum scelerum pœnitentibus Deus ueniam concesserit. quam sententiam quoniam persecuti sumus, quantum res ferebat, in proœmio huius precationis, & in ea Symboli parte, quæ est de remittendis peccatis; inde assument Parochi, quæ ad hunc locum instruendum pertinere uidebuntur, reliqua haurient ex diuinarum litterarum fontibus: tum uero eodem utantur instituto, quo in ceteris petitionibus utendum duximus; ut intelligant fideles, quid hic, Debita, significant; ne forte decepti ambiguo, aliud ab eo, quàm quod petendum sit, postulent. Primum autem scire oportet, minime petere nos, nobis ut remittatur amor ex toto corde, ex tota anima, & ex tota mente nostra, quem omnino Deo debemus, & cuius debiti solutio est ad salutem necessaria. Neque uero, quia, debiti nomine, etiam obedientia, cultus, ueneratio, & cetera huius generis officia continentur, postulamus, ut non amplius ea debeamus, sed precamur, ut liberet à peccatis: sic enim S. Lucas est interpretatus: qui peccata pro debitis posuit, ob eam causam, quod illis committendis rei efficimur Deo, & debitis pœnis propositi, quas uel satisfaciendo, uel patiendo
pendi-

pendimus. Huius generis debitum fuit, quod Christus dominus locutum est ore Prophetæ; *Que non rapui, tunc exolvebam. Qua Dei uerbi sententia licet intelligere, non solum nos debitores esse, sed etiam non esse soluendo, cum peccator per se satisfacere nullo modo possit. Quare confugiendum nobis est ad Dei misericordiam: cui quia per iustitia respondet, cuius est retinentissimus Deus, utendum erit deprecatione, & patrocinio passionis domini nostri Iesu Christi; sine qua nemo umquam ueniam delictorum impetrauit; à qua omnis & satisfaciendi uis, & ratio tanquam ex fonte profluxit. nam pretium illud in cruce à Christo domino persolutum, & nobiscum per sacramenta, re, uel studio, ac desiderio adhibita, communicatum, tanti est, ut nobis impetret, & conficiat, quod hac petitione postulamus, ut peccata nostra remittantur. Quo loco non id modo pro leuibus erratis, & facilis ad impetrandam ueniam, sed pro grauibus, & mortiferis peccatis deprecamur. quæ precatio in scelerum grauitate pondus non habebit, nisi id à penitentia sacramento, re, uel certe desiderio suscepto, ut iam dictum est, assumpserit. Dicimus autem, Debita nostra, longe aliter, atque, Panem nostrum, antea diximus. noster enim ille est panis, quia nobis Dei munere tribuitur: at peccata nostra sunt, quia illorum culpa residet in nobis: nam nostra uoluntate suscipiuntur; quæ peccati uim non haberent, nisi essent uoluntaria. Nos igitur,*
eam

eam culpam sustinentes, & confitentes, ad expiandum peccata necessariam Dei clementiam imploramus. In quo non utimur excusatione cuiusquam, nec causam in quemquam transferimus, ut primi homines Adam, & Eva fecerunt; ipsi nos indicamus, illam, si sapimus, Prophetæ precationem adhibentes.

Gen. 3. Nō declines cor meum in uerba malitiæ ad excusandas excusationes in peccatis. Nec uero dicimus, dimitte mihi, sed nobis; quòd fraterna necessitudo, & charitas, quæ inter omnes homines intercedit, à nobis singulis postulat, ut de communi proximorum salute solliciti, cum pro nobis preces facimus, pro illis etiam deprecemur. Hunc orandi morem, à Christo domino traditum, deinceps ab Ecclesia Dei acceptum, perpetuoque seruatum, ipsi & maxime tenuerunt Apostoli, & ut ceteri adhiberent, auctores fuerunt. Huius autem flagrantis studiij, & cupiditatis in deprecando pro salute proximorum, habemus in utroque testamento sanctorum Moysis, et Pauli præclarum exemplum: quorum alter sic Deum precabatur; Aut dimitte eis hanc noxam, aut, si non facis, dele me de libro tuo. alter in hunc modum; Optabam ego ipse anathema esse à Christo pro fratribus meis.

Psal. 140. Exod. 32. Ro. 9.

SICUT ET NOS DIMITTIMVS
DEBITORIBVS NOSTRIS:

Illud, Sicut, dupliciter intelligi potest: nam & similitudinis uim habet, cum uidelicet à Deo petimus,

mus, ut, quemadmodum nos iniurias, & contumelias remittamus ijs, à quibus læsi sumus, sic ipse nobis peccata condonet. Est præterea conditionis nota: in quam sententiam Christus dominus eam Matth. 6. formulam interpretatur: Si enim dimiseritis, inquit, hominibus peccata eorum, dimittet & uobis pater uester caelestis delicta uestra; si autem non dimiseritis hominibus, nec pater uester dimittet uobis peccata uestra. Verum habet uterque sensus eandem ignoscendi necessitatem: ut, si uolumus Deum nobis ueniam concedere delictorum, parcamus illis ipsis necesse sit, à quibus iniuriam accepimus. sic enim Deus obliuionem iniuriarum, mutuumque studium, & amorem requirit à nobis, ut eorum, qui in gratiam non sunt reconciliati, dona, ac sacrificia reijciat, & aspernetur. Est etiam naturæ lege sancitum, ut tales nos alijs præbeamus, quales eos in nos esse cupimus: uere ut impudentissimus ille sit, qui postulet à Deo, ut sui sceleris pœnam prætermittat, cum ipse in proximum animum retineat armatum. Quare parati, & prompti ad ignoscendum esse debent ij, quibus impositæ sunt iniuriæ; cum & urgeantur hac precandi formula; & apud sanctum Lucam id iubeat Deus: Si peccauerit in te frater tuus, increpa illum; & si pœnitentiam egerit, dimitte illi; & si septies in die peccauerit in te, & septies in die conuersus fuerit ad te, dicens, pœnitet me, dimitte illi. Et in euangelio sancti Matthæi sic: Diligite inimicos uestros & Luc. 18.¹³

Matth. 5.

Aposto-

Ro. 12.
Proue. 25.
Mar. 11.

Apostolus, & ante eum Salomon scripserit; Si esurierit inimicus tuus, ciba illum; si sitit, potum da illi: & sic apud sanctum Marcum euangelistam; Cum stabitis ad orandum, dimittite siquid habetis aduersus aliquem; ut et pater uester, qui in calis est, dimittat uobis peccata uestra. Sed quoniam, debrata natura uitio, nihil ægrius fit ab homine, quàm ut inferenti condonet iniurias: omnem conferant Parochi animi, & ingenij uim ad commutandos & flectendos animos fidelium ad hanc lenitatem, & misericordiam, Christiano homini necessariam. Commorentur in tractatione diuinorum oraculorum: in quibus audire licet imperantem Deum. inimicis signoscendum. Predicent, id quod uerissimū est, magno esse argumento hominibus, eos esse Dei filios, si facile remittant iniurias, & inimicos diligant ex animo. Elucet enim in eo, quòd inimicos, diligimus, similitudo quadam cum parente Deo, qui sibi inimicissimum, & infestissimum genus hominum, filij sui morte ab aeterno exitio redemptum, reconciliauit. Sit autem huius cohortationis, & precepti clausula illud imperium Christi domini, quod recusare non possumus sine summo dedecore, & perniciē; Orate pro persequentibus, & calumniantibus uos; ut sitis filij patris uestri, qui in calis est. Verum hoc loco non uulgaris Pastorum prudentia requiritur, ne quis, cognita huius difficultate, ac necessitate precepti, salutem desperet. Sunt enim, qui, cum se debere intelligant contem-
rere

Matth. 5.

rere iniurias obliuione uoluntaria, & eos diligere, qui læserunt, id cupiunt, & pro uiribus faciunt. sed uniuersam memoriam iniuriarum sibi exhauriri non posse sentiunt. nam resident in animo quædam reliquiæ simultatis: quamobrem magnis agitantur conscientie fluctibus, uerentes; ne parum simpliciter, & candide positis inimicitijs, Dei iussu non obediant. Hic igitur Pastores contraria studia carnis, & spiritus explicabunt; quod illius sensus sit ad uindicationem procliuus, huius ratio propensa ad ignoscendum, hinc inter ipsos perpetuam turbam, ac rixam existere: quare saluti minime diffidendum esse demonstrabunt, reclamitantibus, & aduersantibus rationi, corruptæ naturæ appetitionibus, modo spiritus perslet in officio & uoluntate remittendi iniurias, proximumque diligendi. Quod autem aliqui fortasse fuerint, qui, cum nondum animum inducere possint, ut obliuiniurias, ament inimicos, propterea deterriti ea, quæ diximus, conditione huius petitionis, Dominica precatione non utantur; duas has ratines afferent Parochi, quibus exitiosum hunc errorem illis eripiant. Nam quiuis unus est fidelium numero preces has facit totius Ecclesiæ nomine: in qua pios esse aliquot necesse est, qui debitoribus ea, quæ hic commemorantur, debita remiserunt. Accidit eo, quod id à Deo petentes, una etiam petimus, quidquid ad illud impetrandum in eam petitionem à nobis necessario conferendum est. petimus enim & ueniam.

pecca-

peccatorum, & donum uerae pœnitentiæ: petimus facultatem inimi doloris: postulamus, ut à peccatis abhorrere, & illa sacerdoti uere ac pie confiteri possimus. Itaque cum necesse etiam nobis sit parcere ijs, qui damnum, aut mulum aliquod dederint, cum, ut nobis Deus ignoscat, precamur, simul oramus, ut facultatem largiatur reconciliandi nos illis, quos odimus. Quare deterrendi sunt ab ea opinione, qui inani, & prauo illo timore commouentur, ne sibi Deum reddant offensio-rem hac precatione: contraque etiam cohortandi ad frequentem precationis usum, quo à parente Deo postulent, ut sibi det eam mentem, ut ijs, qui læserint, ignoscant, & inimicos diligant. Sed, ut precatio omnino fructuosa sit; primum hæc in ea est cura, meditatioque adhibenda, nos Deo supplices esse, & ab eo ueniam petere, quæ non datur, nisi pœnitenti: itaque nos ea charitate, & pietate præditos esse oportere, quæ pœnitentibus conueniat: conuenire autem maxime ijs, subiecta quasi oculis propria flagitia, atque facinora lacrymis expiare. Cum hac cogitatione coniungenda est cautio in posterum earum rerum, in quibus fuit aliqua occasio peccandi, quæque nobis ansam dare possint ad offendendum parentem Deum. In his curis uersabatur Dauid, cum diceret: Et peccatum meum contra me est semper. Et alio loco: Lauabo per singulas noctes lectum meum: lacrymis meis stratum meum rigabo. Proponat sibi præterea unusquisque ardentissimum orandi studium

Psal. 50.

Psal. 6.

dium eorum, qui à Deo precibus impetrauerunt ue-
 niam delictorum, ut publicani illius, qui longe con-
 sistens præ pudore, ac dolore, & oculis humi defixis,
 tantum pulsabat pectus, eam habens orationem,
 Deus propitius esto mihi peccatori: Tum illius pec- Luc. 18.
 catricis mulieris, quæ Christo domino, retro stans, Luc. 7.
 rigatos à se eius pedes, capillis etiam abstersos oscu-
 labatur: Petri denique Principis Apostolorum, Matth. 27.
 qui egressus foras, fleuit amare. Deinde cogitan-
 dum est, quo infirmiores sunt homines, & ad mor-
 bos animi, quæ sunt peccata, propensiores, eo pluri-
 bus, & frequentioribus medicamentis indigere.
 sunt autem ægrotae animæ remedia, pœnitentia, & Animæ re-
 Eucharistia. Hæc igitur sæpissime adhibeat fidelis media.
 populus; deinde eleemosyna, quemadmodum tra-
 dunt diuinæ litteræ, medicina est accommodata sa-
 nandis animæ uulneribus. quare, qui pie hac prece
 uti cupiunt, pro uiribus benigne faciant egentibus.
 quâtam enim uim habeat ad delendas scelerum ma-
 culas, testis est in Tobia angelus Domini sanctus Tob. 12.
 Raphael, cuius est illa uox: Eleemosyna à morte
 liberat, & ipsa est, quæ purgat peccata, & facit
 inuenire misericordiam, & uitam æternam. Testis Dan. 4.
 est Daniel, qui Nabucdonosor regem sic admone-
 bat peccata tua eleemosynis redime, & iniquita-
 tes tuas misericordijs pauperum. Optima autem
 largitio, & impertiendæ misericordiæ ratio, est
 obliuio iniuriarum, & bona uoluntas erga eos,
 qui rem, uel existimationem, uel corpus tuum,

tuorumue uiolarint. Quicumque igitur cupit in se esse maxime misericordem Deum, is ipsi Deo suas donet inimicitias, remittatque omnem offensionem, & pro hostibus libentissime deprecetur, omnem captans occasionem de illis ipsis bene promerendi. Sed quoniam hoc argumentum explicatum est, cum homicidij locum tractauimus, eo reijcimus Pastores, qui tamen hanc petitionem hoc fine concludant, nihil iniustius esse, aut fingi posse, quam eum, qui cum hominibus durus sit, ut nemini se det ad lenitatem, idem postulet, ut in se sit mitis, & benignus Deus.

ET NE NOS INDUCAS IN TENTATIONEM.

Non dubium est, quin filij Dei, cum post impetratam delictorum ueniam, incensi studio adhibendi Deo cultum, & uenerationem, caeleste regnum exoptant, et omnia diuino numini tribuentes pietatis officia, totipendunt à paterna eius uoluntate, ac prouidentia; tum eo magis humani generis hostis artibus, ac machinis propositi, sic oppugnentur, ut uerendum sit, ne, labefactata, & mutata sententia, rursus in uitia delabantur, longeque deteriores euadant, quam antea fuerint. De quibus illud Principis Apostolorum iure dici possit: Melius erat illis, non cognoscere uiam iustitiae, quam post agnitionem, retrorsum conuerti ab eo, quod illis tradi-

traditum est, sancto mandato. Quare nobis à Christo domino datum est huius petitionis præceptum, ut quotidie nos Deo commendemus eiusque patriam curam, & præsidium imploremus, minime dubitantes fore, ut, si deseramur diuino patrocinio, uasserrimi hostis laqueis irretiti teneamur. Neque uero solum in hac orandi regula iussit à Deo petere, ne patiatur nos induci in tentationem, sed in illa etiam oratione, quam ad sacros Apostolos habuit sub ipsum mortis tempus, cum quidem ipsos mundos esse dixisset, eos huius officijs his uerbis admonuit; Orate, ut non intretis in tentationem. Quæ iterum à Christo domino adhibita admonitio magnum diligentie onus imponit Parochis excitandi fidelem populum ad frequentem huius usum precationis, ut, cum tanta hominibus ab hoste Diabolo in singulas horas pericula huius generis intendantur, à Deo, qui solus illa propulsare potest, petant illud assidue, Ne nos inducas in tentationem. Intelliget autem fidelis populus, quantopere egeat diuini huius adiuuenti, si suæ imbecillitatis, inscitieque meminerit; si recordabitur illam Christi domini sententiam; Spiritus quidem promptus est, caro autem infirma: si ei uenerit in mentem, quàm graues sint, & exitiales hominum casus, impellente demone, nisi sustineantur dextera celestis auxilio. Quod illustrius esse possit humanæ infirmitatis exemplum, quàm sacer ille chorus apostolorum, qui magno antea animo cum essent, primo quoque obiecto terrore, reli-

Ioan. 13.
 Matth. 26.

Matt. 26.

Matth. 16. Eto Saluatore, diffugerunt? et si illustrius etiam est illud Principis apostolorum, qui in tanta professione singularis & fortitudinis, & amoris in Christum dominum, cum paulo ante, sibi bene fidens, ita dixisset; Si oportuerit me mori tecum, non te negabo: statim unius uoce mulierculæ perterritus, se dominum non nosse, iureiurando affirmauit. nimirum illi in summa spiritus alacritate non respondebant uires. Quod si uiri sanctissimi humane nature fragilitate, cui confidebant, grauiter peccauerunt: quid non timendum est ceteris, qui ab eorum sanctitate absunt. longissime? Quare proponat fidei populo Parochus prælia, ac pericula, in quibus assidue uersamur, dum anima est in hoc mortali corpore, quos undique caro, mundus, & Satanas oppugnant. Quid ira, quid cupiditas in nobis possit, quotusquisque est, qui magno suo malo non experiri cogatur? Quis non his lacessitur stimulis? quis hos non sentit aculeos? quis subiectis non uritur ardentibus facibus? & quidem tam uarij sunt ictus, tam diuersæ petitiones, ut difficillimum sit grauem aliquam plagam non accipere. Ac, præter hos inimicos, qui habitant, & uiuunt nobiscum, sunt præterea illi hostes acerrimi, de quibus scriptum est; Non est nobis colluctatio aduersus carnem, & sanguinem, sed aduersus principes, & potestates, aduersus mundi rectores tenebrarum harum, contra spiritualia nequitie in celestibus. Accedunt enim ad intimas pugnas externi impetus & impref-

Eph. 6.

pressiones demonum: qui & aperte nos petunt, & per cuniculos influunt in animas nostras, uix ut ab illis cauere possimus. Illos & principes appellat Eph. 6. Apostolus propter naturæ excellentiam: (nam natura hominibus, & ceteris, quæ sub sensum cadunt, creatis rebus antecellent) & potestates uocat, quod non solum naturæ ui, sed potestate etiam superant: & rectores nominat mundi tenebrarum: non enim clarum, & illustrem mundum regunt, idest bonos, & pios, sed obscurum, & caliginosum, nempe eos, qui flagitiose, & facinorose uitæ sordibus, ac tenebris obcæcati, duce tenebrarum Diabolo delectantur. Nuncupat etiam demones spiritualia nequitie: est enim & carnis, & spiritus nequitia. Carnalis quæ dicitur nequitia, incendit appetitum ad libidines, & uoluptates, quæ percipiuntur sensibus. Spiritualia nequitie sunt mala studia, & prauæ cupiditates, quæ ad superiorem pertinent animæ partem; quæ tanto peiores sunt, quàm reliquæ, quanto mens ipsa, & ratio altior est, atque præstantior. Quæ Satanae nequitia quia maxime spectat illuc, ut cælesti nos hæreditate priuet; propterea dixit Apostolus, In cælestibus. ex quo licet intelligere, magnas esse hostium vires, inuictum animum, immane in nos, & infinitum odium: bellum etiam perpetuum eos gerere nobiscum, ut nulla pax esse cum illis, nullæ indutiæ fieri possint. Quantum uero audeant, declarat Satanae apud Prophetam uox, Isa. 14.

Luc. 22.

1. Pet. 5.

Mar. 5.

Luc. 8.

Math. 12.

in calum conscendam; aggressus est primos homines in paradiso: adortus est prophetas: appetiuit apostolos, ut, quemadmodum loquitur apud Evangelistam Dominus, Cribraret eos sicut triticum: nec ipsū quidem Christi domini os erubuit. Itaque eius inexplabilem cupiditatem, & immensam diligentiam sanctus Petrus expressit, cum dixit: Aduersarius uester Diabolus, tamquam leo rugiens, circuit, querens, quem deuoret. Quamquam nos unus modo tentat homines Satan, sed gregatim interdum daemones in singulos impetum faciunt: quod ille confessus est demon, qui rogatus à Christo domino, quod sibi nomen esset, respondit; legio mihi nomen est; nempe demonum multitudo, quæ miserum illum diuexarat. & de alio scriptum est; Assumit septem alios spiritus secum, nequiores se, & intrantes habitant ibi. Multi sunt, qui, quod impulsus, atque impetus demonum in se minimè sentiunt, totam rem falsam esse arbitrantur; quos ipsos à daemonibus non oppugnari mirum non est, quibus se sponte dediderunt. non est in illis pietas, non charitas, non uirtus illa Christiano homine digna: quare fit, ut toti sint in potestate Diaboli: nec ullis temptationibus opus est ad eos euertendos, in quorum iam animis, ipsis libentibus, commoratur. At uero qui se Deo dicauerunt, in terris caelestem uitam agentes, ij maxime omnium Satanae incursibus petuntur, hos acerbissime odit, his in singula temporis momenta struit insidias. plena est historia diuinarum

narum

narum litterarum sanctorum hominum; quos præ-
 senti etiam animo stantes, uel ui, uel fraude peruer-
 tit. Adam, Dauid, Salomon, aliique, quos enu-
 merare difficile sit, experti sunt demonum uiolen-
 tos impetus, & callidam astutiam, cui resisti non
 possit consilio, aut hominum uiribus. Quis igitur
 se suo præsidio satis tutum existimet? Itaque pie, ca-
 steque petendum à Deo est, ne nos tentari sinat su-
 pra id, quod possumus, sed faciat etiam cum ten-
 tatione prouentum, ut possimus sustinere. Verum
 hic fideles confirmandi sunt, si qui animi imbecilli-
 tate, aut rei ignoratione demonum uim perhorre-
 scunt, ut ipsi tentationum fluctibus agitati, in hunc
 precationis portum consugiant. non enim Satan
 in tanta & potentia, & perinacia, in capitali odio
 nostri generis, nec quantum, nec quam diu uult, ten-
 tare nos, aut uexare potest; sed omnis eius pote-
 stas Dei nutu, & permissu gubernatur, notissimum
 est exemplum Iob: de quo nisi Diabolo dixisset De-
 us; Ecce uniuersa, quæ habet, in manu tua sunt;
 nihil eius Satanas attigisset: contra uero nisi addi-
 disse Dominus; Tantum in eum ne extendas ma-
 num tuam; uno Diaboli ictu cum filiis ipse, facul-
 tatibusque concidisset. Ita autem allegata est demo-
 num uis, ut ne in porcos quidem illos, de quibus
 scribunt euangelistæ, non permittente Deo inuade-
 re potuisset. Sed ad intelligendam huius petitionis
 uim dicendum est, quid hic tentatio significet, quid
 item, induci in tentationem. Est autem tentare,

1. Cor. 10.

1. Cor. 10.

Iob. 1.

Matth. 5.

Marc. 8.

Luc. 8.

- periculum facere de eo, qui tētetur, ut ab ipso, quod cupimus, elicientes, uerum exprimamus. qui tentandi modus in Deum minime cadit, quid enim est, ad Heb. 4. quod nesciat Deus? Omnia enim, inquit, nuda, & aperta sunt oculis eius. Est alterum tentandi genus, cum longius progrediendo, aliud quæri solet in bonam, uel in malam partem; in bonam, cum ea re tentatur alicuius uirtus, ut, illa perspecta, & cognita, is commodis, & honoribus augeatur, eiusq; exemplum cæteris imitandum proponatur, ac denique omnes ob id ipsum ad Dei laudes excitentur. que tentandi ratio sola conuenit in Deum. huius Deuter. 13. exemplum tentationis est illud in Deuteron. Tentat uos dominus Deus uester, ut palam fiat, utrum diligatis eum, an non. Quo modo etiam tentare dicitur suos Deus, cum inopia, morbo, & alijs calamitatum generibus premit, quod probandæ eorum patientiæ causa facit, & ut alijs documentum sint Christiani officij. In hanc partem legimus Abraham esse tentatum, ut filium immolaret. quo facto, fuit is obedientiæ, & patientiæ exemplum singulare ad memoriam hominum sempiternam. In Tob. 12. eandem sententiam dictum est de Tobia; Quia acceptus eras Deo, necesse fuit, ut tentatio probaret te. In malam partem tentantur homines, cum ad peccatum, ac exitium impelluntur: quod proprium Diaboli officium est. is enim eo animo tentat homines, ut decipiat, agatque præcipientes. Matth. 4. quamobrem Tentator in diuinis litteris appellatur.

tur. In his uero tentationibus modo intimos nobis
 admouens stimulos, animæ affectiones, & com-
 motiones adhibet administras: modo nos exagitans
 extrinsecus, externis rebus uititur, uel prosperis
 ad efferendos, uel ad frangendos aduersis: nonnum-
 quam habet emissarios, & excursores perditos ho-
 mines, in primisque hereticos, qui sedentes in ca-
 thedra pestilentiae, malarum doctrinarum morti-
 fera semina dispergunt, ut illos, qui nullum dele-
 ctum aut discrimen habent uirtutis, & uitiorum,
 homines per se procliuēs ad malum, nutantes, ac
 precipitantes impellant. Dicimur autem induci in-
 tentationem, cum tentationibus succumbimus. In-
 ducimur uero in tentationem dupliciter, primum,
 cum de statu dimoti, in id ruimus malum, in quod
 tentando nos aliquis impulerit. At nemo quidem
 à Deo hoc modo in tentationem inducitur: quia ne-
 mini est peccati auctor Deus, immo uero odit om-
 nes, qui operantur iniquitatem. Sic uero etiam
 est apud sanctum Iacobum: Nemo, cum tenta-
 tur, dicat quoniam à Deo tentatur: Deus enim
 intentator malorum est. Deinde dicitur nos in ten-
 tationem inducere is, qui etsi non tentat ipse,
 neque operam dat, quo tentemur; tentare ta-
 men dicitur, quia, cum possit prohibere, ne id
 accidat, aut ne tentationibus superemur, non im-
 pedit. Hoc modo Deus bonos, & pios tentari
 quidem sinit, uerumtamen sua gratia sustentatos
 non deserit. Nec uero non interdum insto, & oc-

Induci in
 tentationē
 quid.

Psal. 5.
 Iacobi 1.

culto Dei iudicio, nostris id sceleribus postulantibus, nobis ipsi relictī, concidimus. Præterea nos in tentationem Deus inducere dicitur, cum eius beneficijs quæ nobis ad salutem dedit, abutimur ad perniciem, & patris substantiam, ut prodigus ille filius, dissipamus, uiuendo luxuriose, nostris cupiditatibus obsequentes. Quamobrem id dicere possumus, quod de lege dixit Apostolus; Inuentum est mihi mandatum, quod erat ad uitam, hoc esse ad mortem. Opportunum rei exemplum est Hierosolyma, teste Ezechiele; quam Deus omni ornamentorum genere locupletarat, ut eius ore Propheta diceret Deus; Perfecta eras in decore meo, quem posueram super te. & tamen illa ciuitas diuinis cumulata bonis, tantum abest, ut optime de se merito, ac merenti Deo gratiam habens, celestibus beneficijs ad beatitudinem consequendam, cuius gratia ea acceperat, uteretur, ut, ingratiſſima in parentem Deum abiecta spe, cogitatione celestium fructuum, tantum præſenti abundantia luxuriose, ac perditè frueretur. quod Ezechiel eodem capite pluribus uerbis perſecutus est. Quare sunt eodem loco ingrati in Deum homines, qui præbitam sibi ab eo diuinitus uberem materiam recte factorum, ad uitia, illo permittente, cōuertunt. Sed oportet hunc diuine scripturæ amorē diligēter attēdere, quæ Dei permissionem ijs interdū uerbis significat, quæ proprie si accipiantur, tamquam actionem in Deo significant: nam in Exodo sic est: indurabo cor Pharaonis. &

Luc. 15.

Rom. 7.

Ezech. 16.

Exo. 47. 14.

apud

apud Isaiam: *Excæca cor populi huius.* & ad Romanos scribit Apostolus: *Tradidit illos Deus in passionem ignominie, & in reprobum sensum.* Quibus in locis alijsque similibus, non id omnino esse actum à Deo, sed permissum, intelligendum est. His positis, non erit difficile scire, quid in hac precatationis parte postulemus. Nec uero petimus, ne omnino tentemur. Est enim hominum uita, tentatio super terram. Est autem ea res utilis, & fructuosa hominum generi. nam in tentationibus nos ipsos, idest uires nostras, cognoscimus: quamobrem etiam humiliamur sub potenti manu Dei, uiriliterque decertantes, expectamus immarcescibilem coronam gloriæ. Nam & qui certat in agone, non coronatur, nisi legitime certauerit; & ut inquit sanctus Iacobus, Beatus uir, qui suffert tentationem; quoniam, cum probatus fuerit, accipiet coronam uitæ, quam repromisit Deus diligentibus se. Quod si urgemur nonnumquam hostium tentationibus; magna nobis erit leuationi illa cogitatio, habere nos adiutorem pontificem, qui possit compati infirmitatibus nostris, tentatum ipsum per omnia. Quid hic igitur petimus? ne diuino præsidio deserti, tentationibus uel decepti assentiamur, uel cedamus afflicti, ut præsto sit nobis Dei gratia, quæ, cum defecerint nos propriæ uires, in malis recreet, ac reficiat. Quare & generatim Dei opem implorare debemus in omnibus tentationibus; & nominatim, cum singulis affligimur, ad precatationem

Isa. 6.
Rom. 1.

2. Tim. 2.

Iacobi. 1.

Hebr. 4.

- nem confugere oportet. quod à Dauide factum legimus pene in unoquoque tentationum genere : nam
- Psal. 118.** in mendacio sic precabatur : Ne auferas de ore meo uerbum ueritatis usquequaque. In auaritia ad hunc
- Psal. 118.** modum : Inclina cor meum in testimonia tua , & non in auaritiam . In rebus uero inanibus huius uitæ , & illecebris cupiditatum , hac prece utebatur :
- Psal. 118.** Auerte oculos meos , ne uideant uanitatem . Ergo postulamus , ne morem geramus cupiditatibus , ne ue defatigemur in tentationibus sustinendis , ne declinemus de uia Domini , ut tam in rebus incommodis , quàm in prosperis , æquitatem animi , constantiamque seruemus , & nullam nostri partem
- Ro. 16.** Deus sua tutela uacuam relinquat. Petimus denique , ut Satanam conterat sub pedibus nostris. Reliquum est , ut fidelem populum ad ea Parochus cohortetur , quæ in hac precatione maxime cogitare , & meditari oporteat . in qua erit illa optima ratio , si , quanta sit hominum infirmitas , intelligentes , uiribus nostris diffidemus , & omni spe nostræ incolumitatis in Dei benignitate collocata , eo freti patrocínio ; uel in maximis periculis magnum animum habuerimus , præsertim cogitantes , quàm multos hac spe , atque hoc animo præditos ex hiantibus Satanae faucibus liberarit Deus .
- Gen. 39. 41.** An non Ioseph undique circumdatum ardentibus insanæ mulieris facibus è summo ereptum periculo , ad gloriam extulit ? non Susannam , à Satanae ministris obsessam , tum , cum nihil propius esset , quàm

quàm ut nefarijs sententijs interficeretur , serua-
 nit incolumem? neque mirum: Erat enim, inquit, Dan. 11.
 cor eius fiduciam habens in Domino. Insignis est
 laus, & gloria Iob, qui de mundo, de carne, de Sa-
 tana triumphauit. Plurima sunt huius generis
 exempla, quibus Parochus diligenter pium popu-
 lum ad eam spem fiduciamque cohortari debebit.
 Cogitent enim fideles, quem in hostium tentatio-
 nibus ducem habeant, nempe Christum dominum,
 qui uictoriam ex illo certamine retulit. Vicit ipse Luc. 11.
 Diabolum. est is ille fortior, qui superueniens for-
 tem superauit armatum; quem & armis nuda-
 uit, & spolijs. De eius uictoria, quam de mun-
 do reportauit, est apud sanctum Ioannem: Confi-
 dite, ego uici mundum. & in Apocalypsi dicitur Ioan. 16.
Apoc. 5. 6.
 ipse leo uincens, & exisse uincens; ut uinceret:
 qua in uictoria suis etiam cultoribus faculta-
 tem uincendi dedit. Est Apostoli ad Hebræos e- Hebr. 11.
 pistola plena uictorijs sanctorum hominum, qui
 per fidem deuicerunt regna, obturauerunt ora
 leonum: & quæ sequuntur. Ex his uero, quæ sic
 acta legimus, eas uictorias cogitatione comple-
 etamur, quas quotidie reportant ex intimis, &
 externis demonum prælijs homines fide, spe, &
 charitate præstantes: quæ tam multe sunt, tamq;
 insignes, ut, si sub aspectum caderent oculo-
 rum, nihil frequentius accidere iudicaremus, nihil
 gloriosius: de quorum hostium clade his uerbis scri-
 psit sanctus Ioannes: Scribo uobis, iuuenes, quo-
 niam

niam fortes estis, & uerbum Dei manet in uobis, & uicistis malignum. Vincitur autem Satanas non otio, somno, uino, comessatione, libidine, sed oratione, labore, uigilia, abstinentia, continentia, castitate.

Matth. 26.

Vigilate, & orate, inquit, ut iam diximus; ut non intretis in tentationem. Qui ijs armis ad illam pugnam utuntur, in fugam conuertunt aduersarios:

Jacobi 4.

qui enim resistunt Diabolo, is fugiet ab eis. In his tamen sanctorum hominum uictorijs, quas diximus, nemo sibi placeat, nemo se efferrat insolentius, ut se suis uiribus hostiles demonum tentationes, impetusque sustinere posse confudat. non est hoc natura nostra, non humana imbecillitatis. hæ uires, quibus prosternimus Satanae satellites, dantur à Deo: qui

2. Reg. 2.

ponit, ut arcum arcum, brachia nostra; cuius beneficio arcus fortium superatus est, & infirmi accin-

Psal. 17.

cti sunt robore; qui dat nobis protectionem salutis; cuius nos dextera suscepit; qui docet manus nostras

Psal. 144.

ad praelium, & digitos nostros ad bellum: ut uni Deo pro uictoria sint agenda, & habenda gratia, quo uno & auctore, & adiutore uincere possumus:

1. Cor. 15.

quod fecit Apostolus: ait enim: Deo autem gratias, qui dedit nobis uictoriam per dominum nostrum Iesum Christum. Eundem auctorem uictoriae predi-

Apoc. 11.

cat celestis illa uox in Apocalypsi: Facta est salus, & uirtus, & regnum Dei nostri, & potestas Christi eius, quia proiectus est accusator fratrum nostrorum, & ipsi uicerunt eum propter sanguinem agni. Testatur idem liber, Christi domini, partem ex

mundo

mando, carneque, uictoriam eo loco: Hi cum agno- Apocal. 17.
 pugnabunt, & agnus uincet illos. Hac de causa, &
 de modo uincendi. Quibus expositis, proponent fi-
 deli populo Parochi à Deo paratas coronas, & con-
 stitutam uictoribus sempiternam premiorum am-
 plitudinem. quorum ex eadem Apocalypsi diuina Apoc. 2. 3.
 proferunt testimonia; Qui uicerit, non lædetur à
 morte secunda. & alio loco; Qui iuxerit, sic uestie-
 tur uestimentis albis, & non delebo nomen eius de
 libro uitæ. & Confitebor nomen eius coram pa- Matt. 10.
 tre meo, & coram angelis eius. & paulo post De-
 us ipse, ac Dominus noster ita loquitur ad Ioannem:
 Qui uicerit, faciam illum columnam in templo
 Dei mei, & foras non egredietur amplius. Tum in- Apoc. 3.
 quit: Qui uicerit, dabo ei sedere mecum in throno
 meo, sicut & ego iūci, & sedi cum patre meo in
 throno eius. Denique cum sanctorum gloriā, & per
 petuam illam bonorū uim, quibus in calo fruuntur,
 exposuisset, adiunxit; Qui uicerit, possidebit hæc. Apoc. 21.

SED LIBERA NOS A MALO.

Postrema hæc petitio est instar omnium, qua Dei Ioan. 17.
 filius diuinam hanc orationem conclusit: cuius etiā
 uim, & pondus ostendens, ea usus est orandi clau-
 sula, cum è uita migraturus, Deum patrem pro
 hominum salute deprecaretur: Rogo, enim in-
 quit, ut serues eos à malo. Ergo hac præcationis
 formula, quam & præcepto tradidit, & exemplo
 confirmauit, quasi quadam epitome summam com-
 plexus

plexus est uim, & rationem ceterarum petitionum. Cum enim id, quod ea prece continetur, impetrauerimus; nihil, auctore sancto Cypriano, reliquum est, quod praterea adhuc debeat postulari: cum semel protectionem Dei aduersus malum petamus: qua impetrata, contra omnia, quæ Diabolus & mundus operantur, securi stamus, & tuti. Quare, cum tanti sit hæc petitio, quanti diximus, debet Parochus in ea fidelibus explicanda summam adhibere diligentiam. Differt autem hæc, & proxima petitio, quod illa uitiationem culpæ, hæc pænæ liberationem postulamus. Quare non iam monendus est fidelis populus, quantopere laboret ex incommodis & calamitatibus, & cælestis egeat adiumenti. nam quot & quantis miseris proposita sit hominum uita, praterquam quod & sacri, & profani scriptores hoc argumentum sunt copiosissime persecuti, nemo fere est, quin intelligat & suo & alieno periculo. persuasum enim id est omnibus, quod exemplum patientiæ Iob memorie prodidit; Homo natus de muliere, breui uiuens tempore, repletur multis miserijs; qui quasi flos egreditur, & conteritur, & fugit uelut umbra, & numquam in eodem statu permanet. Nec uero ullum praterire diem, qui propria aliqua molestia, aut incommodo notari non possit, testis est illa Christi domini uox, Sufficit diei malitia sua. Etsi conditionem humanæ uitæ declarat ipsius Domini monitum illud, quo

crucem

Iob. 14.

Matth. 6.

crucem quotidie sumi, seque docuit sequi oportere. Ut igitur quisque sentit, quàm laboriosa sit & Luc. 9.
periculosa hæc uiuendi ratio: ita facile persuadetur fideli populo, malorum liberationem à Deo implorandam esse, præsertim cum nulla re magis adorandum adducantur homines, quàm cupiditate, & spe liberationis eorum incommodorum; quibus præmuntur, aut quæ impendeant. Est enim hæc insita ratio in animis hominum, ut in malis statim ad Dei auxilium confugiant. Qua de re est illud scriptum; Imple facies eorum ignominia, & querent nomen tuum Domine. Sed si illud sere sua sponte faciunt homines, ut in periculis & calamitatibus inuocent Deum; certe, quo modo id recte facere possint, ab ijs, quorum fidei ac prudentiæ commissa est eorum salus, maxime docendi sunt. Non enim desunt qui contra Christi domini iussu præpostero utantur ordine precationis, nam qui iussit nos ad se confugere in die tribulationis, idem orationis ordinem nobis præscripsit: uoluit enim; ut prius quàm precaremur ut nos liberaret à malo, peteremus uti nomen Dei sanctificaretur, & adueniret regnum eius: & reliqua postularemus, quibus, quasi gradibus quibusdam, in hunc locum peruenitur. sed quidam, si caput, si latus, si pes condoluit, si rei familiaris iacturam faciunt, si minæ, si pericula ab inimicis intenduntur, in fame, in bello, in pestilentia, ommissis medijs Dominicæ precationis gradibus, tantum petunt
ut ex-

Psal. 82.

Psal. 49.

ut ex illis eripiantur malis. at huic consuetudini repugnat Christi domini iussu: *Querite primum regnum Dei*. Itaque qui recte preces faciunt, cum deprecantur calamitates, incommoda, malorum deprecationem, referunt ad Dei gloriam. sic Dauid illi precationi; Domine ne in furore tuo arguas me; subiecit rationem qua se Dei gloria cupidissimum ostendit: ait enim: *Quia non est in morte; qui memor sit tui: in Inferno autem quis confitebitur tibi? Et idem, cum oraret Deum, sibi ut misericordiam impertiret, subiungit illud: Docebo iniquos vias tuas; & impii ad te conuertentur. Ad hanc orandi salutarem rationem, & ad exemplum Prophetæ incitandi sunt fideles auditores, & simul docendi, quantum intersit inter infidelium, et Christianorum hominum preces. Petunt uehementer illi etiam à Deo, ut possint ex morbis, uulneribusque conualescere, sibi ut ex urgentibus, uel imminentibus malis euadere liceat; sed tamen illius precipuam spem liberationis ponunt in remedijs, natura, uel hominum industria comparatis: quin etiam sibi datum à quouis medicamentum, etiam si cantionibus, si ueneficijs, si demonum opera confictum sit, sine ulla religione adhibent, modo aliqua ualitudinis spes ostendatur. Longe alia est ratio Christianorum: qui in morbis, & in omnibus aduersis rebus habent summum perfugium; & praesidium salutis Deum; unum illum omnis auctorem boni, & liberatorem suum agnoscunt, ac uenerantur; remedijs*

Matt. 6.

Psal. 6.

Psal. 50.

dijs uero quæ inest ad sanandum uis, insitam à Deo esse pro certo habent; tantumque illam agrotis prodesse existimant, quantum ipse uoluerit Deus. est enim à Deo data hominum generi medicina, qua morbos sanaret. Hinc est illa Ecclesiastici uox; Altissimus creauit de terra medicinam, & uir prudens non abhorrebit illam. Itaque qui Iesu Christo nomen dederunt, non in illis remedijs summam spem reponunt recuperandæ ualeitudinis, sed ipsi medicinæ auctori Deo maxime confidunt. Quare etiam in diuinis litteris reprehenduntur ij, qui, medicine fiducia, nullum Dei auxilium requirunt: immo uero qui uitam agunt ex diuinis legibus, abstinent omnibus remedijs, quacumque ad curationem à Deo non adhibitam esse constet. quod si etiam eorum usu medicamentorum illis sit explorata spes sanitatis, tamen ab ijs, ut cautionibus & dæmonum artificijs, abhorrent. Ad id autem fideles cohortari oportet, ut Deo confidant: ea enim re iussit nos beneficentissimus parens liberationem malorum postulare, ut in eo ipso, quod iussit, spem etiam impetrationis haberemus. multa sunt in sacris litteris huius rei exempla: ut qui minus rationibus adducuntur ad bene sperandum, exemplorum multitudine confidere cogantur. Abraham, Iacob, Lot, Ioseph, Dauid sunt in oculis, locupletissimi testes diuinæ benignitatis. sacræ noui testamenti litteræ tam multos enumerant, qui ex maximis discriminibus erepti sunt piæ pondere precationis, ut res

Eccl. 38.

2. Para. 16.

Psal. 33.

2. Cor. 12.

exemplorum commemoratione non egeat, una igitur illa prophetæ sententia contenti erimus, quæ uel infirmissimum quemque confirmare potest. Clamauerunt enim inquit, iusti, & Dominus exaudiuit eos: & ex omnibus tribulationibus eorum liberauit eos. Sequitur huius uis & ratio petitionis, ut fideles intelligant, non omnino petere nos hoc loco, ut à malis omnibus liberemur. sunt enim quedam, quæ communiter mala putantur, quæ tamen sunt illis fructuosa, qui patiuntur, ut ille stimulus, qui Apostolo erat adhibitus, ut Dei gratia adiuuante uirtus in infirmitate perficeretur. hæc, si cognita sit eorum uis, summa uoluptate pios afficiunt: tantum abest, ut à Deo petant, ut auferantur: Quare tantum ea mala deprecamur, quæ nullam animæ utilitatem asferre possunt, reliqua minimè modo aliquis inde salutaris fructus existat. *¶* Oportuno igitur huic uoci ea subiecta uis est, ut à peccato liberati, à tentationis etiam periculo, ab intimis, externisque malis eripiamur; ut tuti simus ab aqua, ab igne, à fulgure; ne grando noceat frugibus; ne annonæ caritate, seditionibus, bello laboremus: petimus à Deo, ut morbos, pestem, uasitatem arceat, uincula carcerem, exilium, prodiones, insidias, ceteraque omnia prohibeat incommoda: quibus maxime terreri, ac premi solet hominum uita; omnes denique flagitiorum & facinorum causas auertat. neque hæc solum, quæ omnium consensione mala sunt, deprecamur: sed illa etiam

etiam, quæ pene omnes bona consistunt, diuitias, honores ualitudinem, robur, hanc ipsam uitam, petimus, inquam, ne ad malum & ad animæ nostræ exitium hæc conuertantur. Oramus etiam Deum, ne morte opprimamur repentina; ne in nos iram Dei concitemus; ne, quæ impios manent, supplicia subeamus; ne igne purgatorij torqueamur à quo ut alij liberentur, pie & sancte precamur. hanc petitionem & in Missa, & in Litanijis sic interpretatur Ecclesia, nos uidelicet ea præterita, præsentia, futura mala deprecari. Non uno autem modo Dei nos benignitas eripit à malis: nam impendentes prohibet calamitates: quo modo teginus magnum illud Iacob esse liberatum ab inimicis, quos in illum concitabat Sichimitarum cædes: extat enim illud, Terror Dei inuasit omnes Gen. 35. per circuitum ciuitates, & non sunt ausi persequi recedentes. Et quidem beati omnes, qui cum Christo domino in cælis regnant, omnibus malis Dei ope liberati sunt. nos autem, qui in hac peregrinatione uersamur, ab omnibus incommodis solutos esse minime uult, sed eripit à quibusdam. etsi sunt instar liberationis malorum omnium ea solatia, quæ dat interdum Deus ijs, qui rebus premuntur aduersis. His se consolabatur Propheta, cum illa dicebat: Secundum multitudinem dolorum meorum Psal. 93. in corde meo consolationes tue lætificauerunt animam meam. Præterea à malis homines liberat Deus, cū illos in summæ discrimen adductos integros seruat,

Dan. 1.
Dan. 6.

Dan. 3.

Amos 3.

Isa. 45.

Et incolumes; quod & pueris illis in ardentem fornacem coniectis, & Danieli contigisse legimus, quem leones nihil læserunt, quemadmodum neque pueros flamma uiolauit. Malus uero etiam ex sententia sanctorum Basilij magni Chrysostomi, & Augustini præcipue dicitur demon, quod hominum culpæ, idest sceleris, & peccati auctor fuit; quo etiam ministro utitur Deus in repetendis pœnis à sceleratis et facinorosis: dat enim Deus omne malum hominibus, quod illi peccati causa patiuntur. in quam sententiam loquuntur diuinæ litteræ illis uerbis; Si erit malum in ciuitate, quod Dominus non fecerit? item, Ego dominus, & non est alter, formans lucem, & creans tenebras, faciens pacem, & creans malum. Malus quoque dicitur demon ob eam causam, quod, etsi nihil eum læserimus, tamen perpetuum bellum nobis infert, & capitali nos infectatur odio. quod si nobis & fide armatis, & innocentia testis nocere non potest, tamen nullum finem facit tentandi nos externis malis, & quacumque potest ratione diuexandi, quam obrem Deum precamur, ut nos à malo liberare uelit. Dicimus autem à malo, non à malis, ob id, quod mala, quæ in nos à proximis proficiscuntur, illi assignamus, tamquam auctori, & impulsori. quo minus etiam proximis irasci debemus: quin odium & iracundiam in ipsum Satanam conuvertere oportet, à quo homines ad inferendam iniuriam impelluntur. Itaque si te aliqua re læserit proximus,

aus, cum præces facis parenti Deo, pete, ut non
 modo te liberet à malo, idest ab ijs, quas tibi pro-
 ximus imponit, iniurijs, sed illum ipsum eripiat
 proximum ex Diaboli manu, cuius impulsu homi-
 nes in fraudem inducuntur. Illud denique sciendum
 est, si in precibus & uotis, non liberamur à malis,
 debere nos, quæ præmunt, ferre patienter, intelli-
 gentes placere diuino numini, ut toleranter ea pa-
 tiamur. Quare minime nos indignari, aut dolere
 par est, quod preces nostras non audiat Deus, sed
 omnia ad eius nutum ac uoluntatem referre opor-
 tet, existimantes id utile, id esse salutare, quod
 Deo placet, ut ita sit, non autem id, quod secus
 nobis uideatur. Postremo docendi sunt p̃j audito-
 res, dum in hoc uitæ curriculo uersamur, eos ad
 omne incommodorum, & calamitatum genus non
 solum æquo, sed etiam gaudenti animo ferendum
 paratos esse debere. Omnes enim, inquit, qui pie
 uolunt uiuere in Christo Iesu, persecutionem patien-
 tur. Item: Per multas tribulationes oportet nos
 intrare in regnum Dei. Rursum: Nonne hæc oportuit
 pati Christum, & ita intrare in gloriam suam?
 Non enim æquum est, seruum maiorem esse
 domino suo: sicuti turpe est, è sententia S. Bernar-
 di, membra esse delicata sub spinoso capite. Præcla-
 rum illud est exemplum Uriæ propositum ad imi-
 tandum, qui adhortante Davide, domi ut se con-
 tineret: inquit: Arca Dei, & Israel, & Iuda ha-
 bitant in papilionibus, & ego ingrediar domum

2. Tim. 3.

Act. 14.

Luc. 4.

2. Reg. 11.

meam? His instructi rationibus, ac meditationibus si ad orandum ueniamus, illud assequemur, ut, si minus undique cincti, malisque circumdati, quemadmodum tres illi pueri intacti ab igne, sic nos inuolati seruemur; certe, ut Machabæi, casus aduersos constanter ac fortiter feramus. In contumelijs, & cruciatibus sacros imitabimur Apostolos, qui cæsi uerberibus, uehementer letabantur, quod digni habiti essent qui pro Christo Iesu contumelias paterentur. sic nos ita comparati canemus illa summa animi uoluptate: Principes persecuti sunt me gratis, et a uerbis tuis formidauit cor meum: letabor ego super eloquia tua, sicut qui inuenit spolia multa.

AA. 5.

Psal. 118.

A M E N .

S. Hiero.

Hanc uocem, sicuti est, signaculum orationis Dominicæ appellat sanctus Hieronymus in Commentarijs in Matthæum. Quare ut admonuimus antea fideles de præparatione, quæ adhibenda sit, prius quam aggrediatur ad diuinam precationem; sic nunc faciendum duximus, ut clausulæ ac finis ipsius precationis causam, rationemque cognoscant. Non enim pluris est diuinas preces diligenter ordiri, quam religiose absoluerere. Sciat igitur fidelis populus multos esse, & eos uberes fructus, quos ex Dominicæ orationis fine percipimus: sed omnium uberrimus ac letissimus fructus est eorum impetratio, quæ postulauimus: de quo supra satis dictum est. Non solum autem consequimur postrema hac parte precationis, ut nostræ preces audian-

audiantur, sed quedam etiam maiora ac præclariora, quàm ut uerbis explicari possint. nam cum orando homines cum Deo colloquantur, ut sanctus Cyprianus ait, fit quodam inexplicabili modo oranti diuina maiestas propior, quàm ceteris: quem præterea singularibus ornat muneribus: ut qui, pie Deum orant, quodammodo cum ijs, qui ad ignem accedunt, comparari possint: qui si algent, calescunt; si calent, æstuant: sic illi assistentes ad Deum pro modo pietatis, ac fidei ardentiores euadunt: inflammatur enim eorum animus ad Dei gloriam, mens illustratur admirabilem in modum, omnino cumulantur diuinis muneribus. est enim illud praditum sanctis litteris. Præuenisti eum in benedictionibus dulcedinis. Exemplo est omnibus magnus ille Moses, qui à Dei congressu & colloquio digrediens, diuino quodam fulgore collucebat sic, ut Israelitæ eius oculos, & os intueri non possent. Omnino qui uehementi illo studio preces faciunt, Dei benignitate ac maiestate admirabiliter perfruuntur. Mane astabo, inquit Propheta, & uidebo, quoniam non Deus uolens iniquitatem tu es. Hæc quo magis noscunt homines, eo Deum uehementiori cultu ac pietate uenerantur; eo etiam sentiunt iucundius, quàm suauis sit dominus, & quàm uere beati sint omnes, qui sperant in eo: tum uero clarissima illa luce circumfusi, quanta sit eorum humilitas, quanta sit Dei maiestas, considerant. est. n. illa sancti Augustini regula, Nouerim te, nouerim me. Itaque fit, ut suis uiribus

Psal. 10.

Exo. 34.

2. Cor. 3.

Psal. 5.

S. Aug.

diffidentes, totos se committant Dei benignitati, mi-
 nime dubitantes, quin is ipsos paterna illa sua, &
 admirabili charitate complexus, abundanter is
 omnia suppeditet, quæ sint ad uitam, & salutem
 necessaria: hinc se ad agendas Deo gratias conuer-
 tant, quantas animo maximas capere possunt, quan-
 tas oratione complecti: quod magnum Dauidem fe-
 cisse legimus: qui cum ita precationem instituisset;
 Saluum me fac ex omnibus persequentibus me; sic
 eam absoluit: Confitebor Domino secundum iusti-
 tiam eius, & psallam nomini Domini altissimi. Sunt
 eiusmodi sanctorum preces innumerabiles, quarum
 exordium est timoris plenum, clausula spei bonæ, læ-
 titiæque referta: sed mirabile est, quàm eo in gene-
 re eniteant Dauidis ipsius precationes. nam cum
 metu perturbatus sic orare esset exorsus, Multi
 insurgunt aduersum me, multi dicunt animæ
 meæ, non est salus ipsi in Deo eius: confirma-
 tus aliquando, gaudioque profusus, subiunxit
 paulo post: Non timebo millia populi circum-
 stantis me. alio etiam psalmo, suam cum deplo-
 rasset miseriam, ad extremum Deo confisus, in-
 credibiliter latatur spe sempiternæ beatitudinis;
 In pace, in idipsum, inquit, dormiam & re-
 quiescam. Quid illa? Domine ne in furore tuo
 arguas me, neque in ira tua corripas me; quan-
 to cum tremore, & pallore Prophetam dixisse
 credendum est? contra, quæ deinceps sequun-
 tur, quàm fidenti ac latanti animo? Discedite a
 me,

Psal. 7.

Psal. 3.

Psal. 4.

Psal. 6.

me, inquit, omnes, qui operamini iniquitatem : quoniam exaudiuit Dominus uocem fletus mei. Cum uero Saulis iram, furoremque pertimesceret, quàm humiliter ac demisse Dei opem implorabat : Deus in nomine tuo saluum me fac, & in uirtute tua iudica me. & tamen hilare ac fidenter in eodem psalmo subiecit : Ecce enim Deus adiuuat me, & Dominus susceptor est anime mee. Quare qui se confert ad sacras preces fide, speque munitus, parentem adeat Deum, ut se id consequi posse, quod ei opus sit, nullo modo diffidat. Sunt autem in extremo hoc diuinæ precationis uerbo, AMEN, multa quasi semina quedam earum rationum cogitationumque; quas diximus. & quidem adeo frequens fuit hæc Hebræa uox in ore Saluatoris, ut spiritui sancto placuerit, ut in Ecclesia Dei retineretur. cui uoci illa quodam modo subiecta sententia est : Scito tuas auditas esse preces. habet enim uim respondentis, & illum, qui precibus, quod uelit, impetrarit, cum bona gratia dimittentis Dei. Hanc sententiam perpetua Ecclesiæ Dei consuetudo comprobauit, quæ in sacrificio Missæ, cum pronuntiatur oratio Dominica, non rei sacræ ministris, quorum partes sunt illa dicere, Sed libera nos à malo, attribuit hanc uocem AMEN, sed ipsi sacerdoti, accommodatam, reseruauit : qui cum Dei & hominum sit interpres, Deum exoratum esse populo respondet. Nec tamen hic ritus communis est omnium precationum, quippe cū in ceteris ministrorum

Psal. 53.

.1.30.212

2

nistrorum sit munus respondendi, Amen; sed proprius Dominicæ orationi. nam in alijs precibus consensus modo, desideriumque significat; in hac responsio est, Deum orantis postulationi consensisse. Ac uarie quidem à multis est interpretatum hoc uerbū, Amen. Septuaginta interpretes uerterunt, fiat: alij reddiderunt, uere: Aquila, fideliter, conuertit. sed parui refert, hoc, an illo modo sit redditum; modò habere intelligamus eam uim, quam diximus, confirmantis sacerdotis concessum id esse quod petebatur. cuius sententiæ testis est Apostolus in epistola ad Corinthios. Quotquot enim, inquit, promissiones Dei sunt, in illo est, ideo & per ipsum Amen Deo, ad gloriam nostram. Est etiam hæc nobis accommodata uox, in qua inest confirmatio quadam earum petitionum, quas adhuc adhibuimus: quæ etiam eos reddit attentos, qui dant operam sacris precibus: fit enim sæpe, ut in precatione distracti homines uarijs cogitationibus, alio traducantur: immo uero summo studio petimus hac ipsa uoce, ut omnia fiant, id est concedantur, quæ antea petimus; uel potius intelligentes nos iam impetrasse omnia, ac sentientes præsentem uim diuini auxilij, illud una cum Propheta canimus; Ecce enim Deus adiuuat me, & Dominus susceptor est animæ meæ: Nec est, quod quisquam dubitet, quin & nomine filij sui, & uerbo, quo sepiissime is usus est, moueatur Deus, qui semper, ut ait Apostolus, exauditus est pro sua reuerentia.

F I N I S.

2. Cor. 1.

Psal. 53.

ad Heb. 3.



